


8 V 631

inv. 2683 FA



HIERONYMI CARDANI MEDIO.

LANENSIS MEDICI ET


PHILOSOPHI PRÆ-

stantissimi, Genouefa 1734.

In Cl. Ptolemæi Pelusiensis IIII de Astrorum Iudicijs, aut,
vt vulgò vocant, Quadripartite Constructionis libros Com-
mentaria, quæ non solum Astronomis & Astrologis, sed
etiam omnibus philosophiæ studiosis plurimum adiumenti
adferre poterunt. Nunc recens castigatissimè in lucē edita.

P R A E T E R E A,


*Eiusdem Hier. Cardani Geniturarum XII. & auditu mirabilia
& notatu digna, & ad hanc scientiam rectè exercendam obser-
natura utilia, exempla. Atque alia multa, quæ interrogat ionibus
& electionibus præclare seruiunt, vanaq; à veris rectè discernunt.
Ac deniq; Eclipses, quæ gravissima pestis subsecuta est, exemplum.*



L V G D V N I,
APVD THEOBALDVM
P A G A N V M.

Petro Hilarcto medico 1555. L. Sylar.

V. 639.



ILLVSTRISSI- MO ET REVERENDIS.

ARCHIEPISCOPO BEATI

Andreae, S. Pontificis Sanctaeque sedis Apo-

stolicae Legato, Ecclesiae Regniq; Scotiae

Præsidi Ioanni Hamulihoni, Hie-

ronymus Cardanus Me-

diolanensis medicus

S. D. P.



Nihil tam humanum est, tamq; iucun-
dum, Antistes maxime, quam ea cogno-
scere & scire quæ natura inter archana
sua condidit Nihil tam præstans ac ma-
gnificum, quam Dei maximum opus in-
telligere ac contemplari. Quæ duo cum
Astrologia ipsa complectatur, & cele-
stis illius machinæ diuinum opus ma-
ximum, & futurorum archanam noti-
tiam, meritò hæc disciplina ab omnibus sapientibus cæteris præ-
stantior existimata est Eos verò qui tantum opus aggressi sunt,
vt res mortalibus vtilissimas inuenirent, aut augerent, atq; exco-
lerent, antiquitas, Dei Optimi Maximi ignara, pro dijs coluit.
Qui error, si nò omnino spreto vero numine, irrepssisset, hoc ipso
erat tolerabilis, quòd dum Dei opera suspicimus, dum illius leges
intelligimus, dum secreta percipimus, & eius magnitudinem ex
operibus, sapientiam ex ordine, bonitatem ex concessa nobis sa-
pientia veneramur. Quis enim qui, si opificem tantæ molis con-
siderare velit, si æternas leges motuum, si secretorum scientiam
nobis traditam, ilico eiusdem potentiam non timeat, sapientiam
admiretur, bonitatem diligit? Monuerat Philosophus ille Augu-
stum, vt cum facturus esset aliquid, prius Græcum Alphabetum
reuolueret, moram scilicet deliberationi interponendam docens,
atque id salubri consilio: Sed salubriori certè si quispiam moneat
singulis noctibus semel stellas inspicere & illarum splendorem,
motum,

EPISTOLA

motum, ordinem, magnitudinēq; considerare: Indēq; quis tantus opifex ista condiderit. Simul enim vt hæc diutius & frequentius quisquam secum reputabit, illa occurrent, æternitatis memoria, nostræ conditionis fragilitas, ambitionis ineptia, scelerum acerbæ recordatio: Inde contemptus tam brevis vitæ, quæ & si centum annis dureret, quid porro ad æternitatis immensam magnitudinem: nōne vt punctum exiguum in circulo? Quid hæc tota felicitas humana? quam si quisquam degustare potuit, tu ille ipse es, nōne ventus, fumus, somnium? Et si quippiam in ea est, illud totum in diuinorum operum contemplatione & admiratione repositum est. Quæ ambo cū Astrologia complectatur, meritō totam etiam humanam felicitatē illam complecti necesse est. Nec minus in aduersis nos hæc æternitatis contemplatio confirmat, cum breuem trāsitum huius onerosi xui consideramus, & fati necessitatem impositam: quæ eo est leuior quo paulatim meditatione assidua mitescit, & quasi sit familiaris. Iam verò hæc mittamus & ad humanum commodum sermo cōuertatur. Quid vtilius esse potest quā scire futura? quid iucundius quā diuinitatis alicuius hæc in parte participē esse? Quidnam Astrologus bonus aliud est quā consiliorum quæ in cœlo sunt particeps? Et vt ille dicebat:

*Illic astra, polos, cœlum septēq; Planetas
Consulit Astrologus, terrisq; reportat eorum
Consilium, armans illas, firmansque caduca
Contra cœlestes iras superūq; furorem.*

Sed vt in omni disciplina nobiliore semper vitia maiora contingunt, alia quidem per eos qui cum eam non norint, se scire iactant, alia per eos qui sciunt, sed malē vtuntur, ita in hanc vt nobilissimam etiam pessima vitia, & innumerabilis turba nebulonum se coniecit. Qui ita artem scedarunt ac conspurcarunt, vt ne quidem vestigium illius super fuerit. Tot Albumasares, Abenrageles, Alchabitios, Abubatres, Zacheles, Messahalacos, Berthenes, Firmicos, Bonatos boni genij, quid iam superest aut reliquum est à tot impostoribus? à tot nugis? Id factum est cum ars hæc esset, vt quilibet perspicere potest, tanto difficilior quanto diuinior: imperiti illi simularunt quod assequi non poterant, in compendium velle redigere. Itaq; cum quæstus causa omnes ad illos recurrerent, miserræ humani generis Diuina bonitas, Ptolemæum vnum nobis pro tot millibus sycophantarum largita est. Qui artem in tenebris iacentem extulit, & in lucem traduxit. Dignus sanè Herculeis honoribus atq; aliquanto etiam maioribus. Is mira arte, summa di

ma diligentia, maximis laboribus, magna fretus felicitate ac vitæ diuturnitate, non solum errantium & inerrantium syderum cursus, magnitudines, aliisque illorum affectus descripsit, sed & illorum decreta, ac præstigia tanta ingenij subtilitate vt mortales omnes ab arte ipsa absterruerit, neminem accenderit. Quo factum est vt rursus turba hæc nebulonum surrexerit, ipsa disciplina cum Ptolemæi libro iacuerit squalore, & situ fœdata. Non id falletbat Ptolemæum futurum, sed maluit veritatem obscure quàm mendacia ac fabulas dilucidè, scribere: sperans futurum tandem aliquem qui sua hæc monumenta posset explicare. Iacuit itaque liber hic annis mille quadringentis ita abiectus, vt nisi nomen auctoris illum defendisset, maxima cum iactura bonarum literarum periisset. Neq; ego sponte iam tantam provinciam aggressus sum, qui audacis plus nomen vereretur quàm felicitis expositoris. Fecit casus atq; diuina voluntas, quod neq; sponte, neque iudicio vt facerem, possem persuaderi. Veneram Lugdunum, Luteriam accessurus, vt valetudini tuæ opem afferrem. Qua spe pauculos libros mecum detuleram, sperans reditum breui in patriam. Insuper, vt in Scotiam venirem. Id cum cernerem, sumptum temporis magnum facturum me existimaui. Fortè fortuna dono quispiam mihi, dum aliud requiro, librum hunc Ptolemæi dederat: Simul vt vidi, ne tantum mihi temporis periret, accingo me ad opus: animum necessitas ipsa addiderat. Emo libros, alij dono dāt quos mihi necesarios esse existimaui. Diuinitus occasionem oblatam credidi, quam effugere non possem. Itaque in naui dum opus inchoatur, tam magno incremento auctum est, vt neq; magis si domi per otium licuisset, crescere potuisset. Quam feliciter, iudicabunt qui ista perlegēt. Illud dicere audeo, ne verbum quidem vllum inexpressum relictum fuisse, nec quicquā ambiguum in tota arte superesse, nec omnino quippiā, in quo auctor ipse vel à seipso vel ab experimento dissentire videatur, remansisse. Itaq; cum iam clarior luce ipsa Ptolemæus studiosis emergat, cuiusnam auspicijs magis quàm tuis, cuius humanitate & liberalitate tanta occasio mihi data est, atque omnibus eruditis iam fruendi tanti viri colloquio edetur? Profecto non nisi numine crediderim factum, vt simul scripta tanti auctoris à squalore ac pedore vindicarentur, & tot huius artis studiosorum votis satisfaceret: & egregiarum tuarum virtutum quæ quasi ex orbis angulo per vniuersum elucescunt, testimonium ad posteros perpetuum emigraret. Neque enim dubito postquàm eadem me inuentionis felicitas, atq; am-

EPISTOLA

plior comitata est, qua plurima iam multis, non dico seculis, sed
 annorum millibus, à tot præclaris ingenijs quæ mihi sanè prætu-
 lerim, frustra quæsitâ inueni: Velut Libri Artis Magnæ, Horti
 numerorum, Artis parua, Libri de Subtilitate, de Rerum varietate,
 Musicæq;, aliique penè innumeri testantur, his ipsis in Commen-
 tarijs tanto duce fretus, quantus est Ptolemæus, vllam temporum
 iniuriam tuum nomen hic affixum posse auellere, vel extinguere.
 Decebat sanè viri amplissimi, pijsimi, humanissimi, atq; sapiētis-
 simi memoriam tam raram coli, qualem nunquàm pro numinum
 fide vel viderim, vel audierim, vel legerim, atq; simul familiæ tuæ,
 aliòquin clarissime, quam tamen vel solus tu illustrare tam egre-
 gijs virtutibus atque operibus poteras. Scoticum nomen antea
horrueram, eorum exemplo, qui prius cœperunt odisse, quàm co-
gnoscere. Nunc cum ipsa gens per se humanissima sit atque supra
 existimationem ciuilis, tu tamen tantum illi addis ornamentum, vt
 longè nomine tuo iam nobilior euadat. Quid ego commemo-
 rem erectam Academiam à te B. Andreæ, pacatam seditionem,
 liberatam patriam, defensam auctoritatem gubernatoris fratris
 tui viri illustrissimi optimique? Hæc solum vestigia sunt tantæ
 virtutis, non argumenta. Quid in pauperes liberalitatem? vt de
 alijs taceam. Hoc solum dicere volui, quod ad optimum pasto-
 rem qualis tu es, attinet, vt potiùs immeriti etiam accipiât, quàm
 meritis quicquam desit. Ego sanè omnia in te suspicio hoc vnum
 pro miraculo admiror, scilicet fortitudinem tuam. Cum te labo-
 rantem inter acerbissimos illos cruciatus sæuissimi morbi video,
 neque tristem, neque mortis metu pavidum, quin etiam hilarem
 & ridentem, mecum dico, hic solus certè homo est. Et si qui illi
 sunt hac in parte similes, nos vmbre penitus sumus. Quid prodest
 garrulis Philosophis tam multa de animorum immortalitate, de
 fortitudine prædicare, deinde minimo in periculo impallescere?
 Vt manifestum sit illas esse meras nugas, te verè fortem, verè
 pium esse. Deerat forsan aliquid quo magis vitam contemneres:
 cum propè beatus sis, si tamen humanæ res quenquam beatum
 efficere possunt, summi magistratus, familia potentissima, fra-
 ter & fratris filius principes, opes immentæ fida seruitus, splen-
 didissimus apparatus, amicorum etiam nobilissimorum penè nu-
 merus infinitus, Regum societas, magnorum negotiorum admi-
 nistratio, iudicium summi Pontificis de te maximum, atque hæc
 omnia exteriora. Intus verò multarum linguarum peritia, sacræ
 paginæ tanta eruditio, vt vix vlli secundus forsan dici possis, pia
 mens

Sroh

N V N C V P A T O R I A .

mens, syncerus animus, prudentia & dexteritas maxima, patientia tamen maior. Vereretur (nisi nunquam mentitum esse noscerent me plurimi, & si apud eos qui te norunt, maior fama non esses) hac prædicatione mea, ne qualem plerique Principem desiderant, talem fingere solent, & me qui vix ipsis sensibus credere possum, inter illos adnumerarent. Itaque cum plura sint in te maxime Antistes, quam quæ à me possint explicari, opus hoc nomini tuo dedicatum, & liberalitate tua & virtute, & numine quodam, quod omnibus his maius est, tibi debitum, ea fronte, qua & ipsius libri fabricatorem excipere soles, accipe: fidum &

æternum pignus meæ erga te benevolentia, fidei

atque obsequij, ut cum ego in patriam re-

diero, & tu mecum esse possis, & ego

beneficiorum à te acceptorum

imaginem retineam. Vale

xvi Calendas Iulij

M. D. LIII.

Mediola-

ni.



HIERONYMI CARDANI ME- DIOLANENSIS

MEDICI IN PTOLE-

MAEI LIBRORVM

De Iudiciis Astrorum Com- mentaria,

P R O O E M I V M.



Emper mos ille viguit, ut qui imperitissimus esset, bonis omnibus artibus malediceret: et ut quisq; procaci esset lingua, ita in bonos conuitia effunderet, assuetus inter rudes, pietatis specie, quasi vel Christianus, vel vir bonus constet verbis, non fide ac operibus, contentionum semina spargere. Adeoq; vitium hoc quorundam inualuit (veniam dent verbis qui sincerius de studio hoc sentiunt, eos enim non perstringo) ut relictis omnibus liberalibus disciplinis ad concertationes solum se trāstulerint: Et Typographorum quoq; aliqua pars, iam pro bonis authoribus & vtilibus libris nugas & disputationes inanes imprimant: quasi cœleste regnum non optime in fide facientibus, sed subtilius nouum aliquod anigma proponentibus, debeat. Quamobrem cum olim multi, gloriam ex maledicto, quam eruditione comparare non poterant, quarentes, sacra huic disciplina, inter ceteras ut splendidissima bellum intentassent, nouissime quidam procaciori lingua nescio an stultius, an impe

an imperitius, impudentius, an inconstantius, aduersus illam
 prophano eo ore, quo tanta mentiuntur, debacchati sunt. Viri qui-
 dem, ut Vno verbo illos describam, in re non bene perspecta im-
 peritissimi, indeque iudices iniquissimi. In ceteris audacissimi &
 petulantissimi. Nec plus nouis quam antiquis institutis, aut ami-
 cis quam inimicis, conformes aut fidi. Horum quandoque puduit et
 piguit Erasmmum Virum pium. Sed hos errores, non secus ac robu-
 sta corpora malam victus rationem, diutius non sine noxa fe-
 runt. Verum quanto serius vindicta fiet, eò cuncta acerbius, si-
 quidem ut Val. Max. dicebat, tarditatem supplicij Deus grani-
 tate compensat. Itaque nisi hac Vna responsione omnem calumniam
 huius artis excindere me posse vidissem, nihil respondendum du-
 xissem: quòd his velut canibus ad vomitum reditus semper pa-
 teat, cum non minus eis sit otij, quam mihi negotij. Verum cum
 Videam hanc calumniam etiam in posterum à me rescindi atque
 extirpari posse, vile existimam calumniatoribus his simul os im-
 purum occludere, & multorum mentes ab erroribus liberare, ac
 etiam cœlestem & diuinam hanc artem clarius illustrare. Ita-
 que quæ ad ipsius irritam euerfionem vanissimè obijciuntur, o-
 mnia tandem ad tria capita rediguntur: Quorum primum est, ^{primi}
 quòd ars Vera non sit. Secundum, quòd à religione damnata sit. ²
 Tertium, quòd à civilibus legibus explodatur. Constat enim hanc ³
 esse sententiam omnium, neque plura posse obijci neque excogitari.
 Ergo ut ad primum deueniam, exemplis omnibus & historijs,
 quarum infinitus numerus esset pro nobis, omisus, & quòd ea-
 dem ratio sit totius & partis (in quo illorum etiam stultitiam et
 inconstantiam non satis demirari queo, qui dum reprobare ni-
 tuntur, manifestissimè approbant) vnica ratione satisfaciendum
 puto, atque demonstrandum hac arte nullam prorsus esse verio-
 rem, vix potest quæ diuina providentia constet. Quid est, quòd filius ^{f. l. 2}
 ex duobus parentibus honestissimis natus, et probe educatus ne-
 quisimus sapiens enadat, ut quotidie contingere videmus? Non

enim ex parentibus hoc contrahunt, neque à Deo quicquam mali procedere potest. Si igitur neque ex Deo neque ex parentibus habent, aut fortuito istud continget, aut omnino quod solum reliquum est, ex astris? Dicant igitur non ex astris hæc fieri, sed fortuito. O egregiam sapientiam ac pietatem, qui cum videant maximam Dei gloriam in hoc elucescere, quòd cuncta tam superiora quàm inferiora maximo ordine gubernentur, malunt ob suam ignorantiam minuire diuinam providentiam, & ad fortunam cuncta referre, quàm aduersus sua dogmata quicquam fateri. Iam nunc nihil superest, nisi ut Gentilium more fortuna delubrum erigant. En dicas, si duos patres familiàs videas in alterius domo omnia rectè constituta, in alterius solum aulam bene ordinatam, reliqua humiliora, plena furoris, contentionis, ubi plurima deficiant, quem ex his omnino sapientiore patrem familiàs existimabis? Porro argumenta, quæ aduersus Astrologos adducunt, non argumenta sunt, sed dubitationes potius, quas in primo huius exponemus, in secundo verò dissoluemus. Sunt autem longè plures, quàm rudes isti blatterones potuerint inuenire. Ergo cum vera sit hæc disciplina, & vtilem esse necesse est, & à lege concessam. Non enim potest veritas veritatem odisse. sed cum antiquo tempore hæc disciplina mille superstitionibus esset referta, atque ea præposterè videremur, quasi sortilega meritò à Prophetis excluderetur. Nunc nos eam philosophiæ naturalis partem coniecturalem esse affirmamus, non superstitionem, non vaticinium, non magiam, non vanitatem, nō augurium, vel auspiciū, aut quid simile. Cur igitur liceat Medico ex Medicina diuinare, Nauia ex Luna & syderibus, Agricola ex seminibus, Metallo Zetitidis de montium natura, naturali Philosopho ex astrorum subtili indagatione coniectari non licebit? Quis est, qui dicat electiones, vel interrogationes esse concessas? aut quis fidem adhibebit talibus? aut quis fatebitur hominem cogi ut interficiat alium? Illud tamen necesse est, ut hic hoc tempore prouior sit ad iram,

alius

alius alio tempore ad adulterium, alius ad furtum, an Verò
 quisquam perficere velit, in arbitrio cuiusque positum est, quod
 tamen nec homines hi ambitiosi ac iracundi penitusque scriptis
 & moribus sibi ipsis dissimiles, admittere Volunt. Quid igitur,
 an negant animas ab humoribus affici, & litem contra sensus,
 contra Medicos etiam intendunt? an Verò concedunt hos quidem
 à bile flaua fieri iracundos, illos à melancholia perfidos, alios à
 pituita ignauos? Sed impium putant & verentur sateri Mar-
 tem augere flauam bilem, Saturnum melancholiam, Lunam pi-
 tuitam. An refert postquam phanatici concesseritis mores ab hu-
 moribus immutari, dicere, quòd bilis fiat Vel à Marte Vel à pi-
 pere, Vel ab aëre calido? nisi & impuro ore illo Velitis Deum in
 hac sæda vocare, & illum etiam authorem humorum facere,
 refragante sensu, cum Videamus ex piperis multo Visu astatis
 tempore, Marte dominante, bilem maxime multiplicari. Ergo
 quid iam propheta Voluerint satis intelligitis. Quorum tamen
 præceptis quantum ad mores & caremonias per nouam legem
 abrogatum est, si non vultis & nos à suis abstinere & suffo-
 catis. Multa enim illo tempore, ut Christus testatur, concessa sunt
 ob cordis illorum duritiem, multa vetita ob peccandi licentiam:
 quæ omnia, orta vera luce, extincta sunt. Si hoc modò peccatum
 erat in lege veteri aduersus primum præceptum, erat, ne homi-
 nes stellas pro Deo viuentē adorarent. At nunc ô stulti, quis stellas
 velit adorare Christo relicto? Venio ad Iurisperitos, qui pri-
 mum ab illa Romana seueritate originem duxerunt, quæ Phi-
 losophi, quæ Medici, quæ Rhetores, quæ Mathematici, & ut vno
 verbo dicam, omnia liberalia studia à Romana ciuitate arce-
 bantur. An decet ob id etiam nunc odisse Medicos & Philosophos
 quòd illi oderint? At dices, lex illa de Medicis, Philosophis ac
 Rhetoribus abolita est, Astrologorum manet. Sed non est hæc
 lex de Astrologis, verum Mathematicis. Mathematici diceban-
 tur illi, qui, ut nostro tempore, per puncta & numeros notasque
 diuina

HIER. CARDA. PROOEMIUM.

diuinabant : quod genus diuinandi vt insulsum penitus est , ita
impium , & abominandum , legibusque coercendum. Omne
enim quod est extra publicam vtilitatem & nullius vsus , ex-
plodi debet atque puniri. Vis enim intelligere improbe adulator
quisquis es , quod quæ damnata fuit , Vera hæc Astrologia non
erat ? Præter id , quod aliud est dicere Mathematicam , aliud
Astrologiam , & quod nemini inquam prohibitum fuit per
astra , Solem , Lunam , ortus & occasus siderum diuinare , vt
apud Plinium constat , quod ante Ptolemaeum qui tempore An-
tonini Pij floruit , motus Astrorum inuenti non erant. Lex ve-
rò ipsa sancita longè prius antequàm fuisset Antoninus , sub
Tyberio & alijs , manifestum est , vel non fuisse Astrolo-
giam damnatam , vel si omnino fuit , quod non-
dum inuenta esset , stolidum nunc est , ea
perfecta , ampliùs in apertissimis
cacutire , stolidius Verò
longè , pertinaciter
ineptire.

*

HIE



HIERONYMI
CARDANI ME-
DIOLANENSIS
MEDICI IN COM-
MENTARIA ASTRO-
nomica

Ad pium Lectorem,

P R A E F A T I O.



Is nugonibus, qui artem ipsam Vanitatis aut *Hugones*
impietatis perperam accusant, abundè satisfac-
tum in precedenti procemio fore existimo. Cæ-
terum cum unusquisque ut pessimus est, ita ad

conuitia ingerenda promptissimus sit, sperans
futurum ut tantò melior ipse existimetur, quo ipse malos odisse
magis videatur, ratus futurum, ut qui in artem regerere con-
tumelias non possint, tentaturos ut in artificem effundant, tam
bonam causam nostram esse existimant, ut etiam defensurus
me ante accusationem, absolui non solum, sed etiam laudari posse
sperem. Facile enim est videre, quæ optima in malum sensum
pervertere possint, atque quæcunque inuenterint, mihi vitio da-
tuos. Primum quidem quasi impiissimum dicent natiuitatem
Domini hic adieciisse, cui accusationi & si ubi illam adieci sa-
tisfecerim, impium non esse ostendens, hic docere volumus id
maximo consilio & non minori pietate factum esse. Secundum,
quòd cum gratia sit, atque fides donum merum Dei, utranque
ego in astra impiissime referam. Utar enim verbis quibus si non

Christi Soro-
capitulum

Vterer

PRAEFATIO AD LECTOREM.

Uterer, ipsi Uterentur, assueti potius acerbitate Verborū apud populum accusare, quā testimoniorum fide, vel argumentorū efficacia, aut sententiarū grauitate, quibus cum bonus quisq; et malos oppugnare solet, et pios homines tueri. Tertium, quod legem nostrā, quae pro peccatis minuitur et affligitur à Deo, astra ego subiici affirmem: Ut nō iam iuxta pietatis cultum neglectum, à Deo calamitates expectare debeat, sed potius illud à constitutione syderum. Itaque cūm legerim quandoq; apud Ignatium, non retulisse quomodo infideles ad Christi fidem reuocaretur: Seruatorēmq; nostrum audiam reprehendentē discipulos qui molestē ferrent, quod nō addicti illi in eius nomine demonia eicerēt, dicentē, Qui non est contra nos, pro nobis est: re existimaui fore, ut qui Mahumethem adorant, intelligāt nostros mores nostrāq; instituta esse pietatis sanctitatis et iustitiæ: sua verò violenta & crudelia, et ab omni pietate aliena. Nostrā quoque legem, ut prophetarum testimonys multo antea prænuntiātam, ita aeterna astrorum lege ordinatam atque præfixam, ut quemadmodum elementa & arbores tum beluæ atque demones illi paruerunt, ita etiam astra. Nihil in illa genitura non mirificum, non castum, pium, sanctum, illustre: cuius similem si Mahumethani haberent pro Mahumethe suo, non tam diu distulissent in medium afferre. Itaque si cum diuinitate Christi fulgentissima syderum constitutio adijciatur, doceanturq; qui causis naturalibus oculos intendunt, hanc esse solam legem, quæ à Deo etiam per astrorum constitutionem nobis præfixa sit, quid porro habent in quo nos damnent? Nōne ecclesia Magos inter sanctos numerat, qui moniti visu stellæ, Dominum nostrum & inuiserunt et adorauerunt? Neq; enim refert, quomodo quisq; aut pius aut Christianus euadat. Nōne Dionysius et Iustinus à philosophia ad Dominum sunt reuocati, nec tamen philosophiam deseruerunt, nisi quatenus nostræ legi repugnaret, velut etiam in libris de Hierarchia Dionysius, in admonitorio gentium Iustinus ostendit. sed agetum, nōne Christus ieiunauit

A Ignatius

Mahumethes

Lex Nostrā

Magi

naue

PRAEFATIO AD LECTOREM.

navit diebus xl. quorsum hoc, si naturalibus actionibus ac testi-
monijs nihil indigebat? An non veteres maximam illam here-
sin existimarunt eorum, qui quanquam Christum potius extol-
lerent quàm deprimerent, dicentes et purū fuisse Deum et à con-
tumelia & morte immunem, tamen negantes hominem fuisse il-
lum, à naturalibus Vinculis omnino absoluebāt. Simul etiam di-
scunt (quod falsò sperant nec Christi verbis credere voluit Mahu-
methani) ex astris etiā nullum finem legi nostræ praefiniri, quo fiet
& ut tepidiores in posterum ad illam oppugnamdam evadant,
& meliorem sua esse animadvertant, quæ & ante suam incepe-
rit, & longè post sit permansura. Atq; hæc de Christi genitura.
Quod verò ad gratiam attinet, & fidem, si illas à Deo manare
quisq; absq; auxilio naturali intelligit, quid est, ut velint nos de
his insimulare? At citra fidem, quod quisq; ab astris sit bonus aut
malus, nō secus habet, quàm quod ab humoribus, ab educatione,
à consuetudine, à ruditate, talis sit. Si igitur ista non aduersantur
pietati, cur illa? Demum quod ecclesia, id est, credentiū cœtus as-
fligatur subijciq; astris Videatur, nihil est impium sed piissimum:
Nam si per ecclesiam corpora & fortunas credentium intelliga-
mus verā esse illa subijci astris. Si enim potis inuadat, an magis
Christiani immunes sunt Iudæis aut Mahumethanis? Si inunda-
tio, an domus Mahumethanorū obruuntur, Christianorum non?
Si igitur iam hæc naturalia indifferentia sunt apud omnes, quid
refert hanc causam subijci seu non subijci alteri, cum ambæ sint
naturales? At dicunt, pestem immittit Deus et inundationē pro-
pter peccata, nō ex astris. Primū ista ad legem Iudæorū spectant
non nostram, ubi credentibus & pijs non maius erat propositum
præmium, quàm vita prolixitas, filij, agrorum vberes fructus:
at nobis quibus est diuina promissio post mortem, quid refert, an
pluat an ningat, cum non sint condigna huius seculi passiones ad
vitam æternam, ut Paulus inquit. Deinde o stulte, si etiam Deus
ipse ista immittat ob peccata, an putas Deo defuisse sapientiam, ut

non

PRAEFATIO AD LECTOREM.

non potuerit ab aeterno causas coelestes effectibus coaptare, & Vitæ hominum ac pietati congruis temporibus? Meritisque aeternam Dei sapientiam tua stulta cogitatione? Denique quid refert hoc, cum Deus, qui astra condidit, possit illorum vim etiam coërcere, qui trium puerorum flammæ in fornace cohibuit? Quis unquam Astrologus adeo amens fuit, aut ubi scriptum ab aliquo illorum etiam Ethnico inuenisti, Deum non posse cœlo imperare, aut illum à proprio cursu renocare? quanto magis etiam ab inferiorum administratione, quam palam Ptolemæus ipse vir exacte, quantum homini concessum est sapientiæ, fateatur solius materiæ inobedientia & instabilitate frustrari? Hoc verò piū est, atque in rem nostram facit, ut id in quo maxime gloriantur Mahumethani scilicet, quod in præliis victores sint plerunque contra nos, quo argumento Deum fauere plus rebus suis iactant, & Mahumethem plus posse, quam Christum, intelligant hæc astrorum esse iudicia, ut rerum naturalium, non miraculum aut causam apud Deum meliorem.

Quibus si addideris Deum ob peccata nostra
cœlum sic ordinasse, ut statis temporibus
illis ob id faueret, nihil absurdum aut impium
forsan dixeris.



INDEX INSI- GNIORVM RERV M

HOC VOLV MINE CON-

TENT A R V M.

A



Bortiui filij quid
indigent lib. 4.

cō. 48 fo. 731

Abſidū mutatio

quid pariat lib. 2. comm. 54

fol. 214. & 215

Aëris mutatio ſpiritualis li. 2.

ca. 12. uſq; ad finem fo. 392

Aëris ſtatus qualis erit, in
fine libri

Aëris ſtatus, lege etiā, Tem-
porum ſtatus

Aeſtas quæ tēperata, quæ ue-

ſtuofa li. 1. com. 10 fo. 34

Aetatum diſtinctio libro 1.

com. 38. fo. 129. & alia li. 4.

tex. 79 fol. 787

Aetate noſtra cur tot inuenta

li. 2. cō. 54. fo. 267 & 368

Aldi Cardani filij commenta-

toris geneſis, ſub octaua

Genitura, in fine libri.

Alexandri Farnęſij Cardi-

nalis geneſis ſub undecima

genitura in fine libri

Amicorū & inimicorū præ-

ſagia lib. 4. cap. 7 fo. 736

Amicis & inimicis quando

quis cariturus ſit libro 4.

com. 51 fol. 737. & 738

Amicitie tria genera lib. 4.

com. 52 fol. 739

Amicitia queſito plerunque

utilior, quā quarēti li. 4.

com. 53 fol. 741

Amici, non nobis amici ſunt,

ſed fortune lib. 4. com. 80

fol. 792

Anæreta ad Aphetam non

Apheta ad Anæretam lib. 3.

com. 35 fol. 536

Angulorū natura, leg. Anni

temporum

Animi qualitates li. 3. ca. 17.

fo. 598. & 599. li. 2. cō. 16.

fo. 274. et 275 cō. 18 fo. 282

Animi uarie perturbationes

lib. 3. com. 64 fo. 600

Animi morbi li. 3. c. 18 fo. 633

B *

Animi

I N D E X.

- Animi maxima perturbationes amor & ira libro 3
 com. 79 fol. 640
 Annus 65 cur exitialis, in octaua Genitura de coniugio
 Anni temporum natura & angulorū li. 1. c. 9 fol. 126
 Anni initia finibus quippiam simile habet semper ut xlii
 etiam quisq; lib. 4. com. 87 fol. 810 & in octaua Genitura de coniugio
 Annona cuius pretij erit, in fine libri.
 Aphetæ quomodo eligendi lib. 3. cap. 13 fol. 525
 Aphetici loci li. 3. c. 11 fol. 519
 Aphetici loci, leg. Significatores aut directio
 Apheticorū loconū ppria significata li. 4. cō. 80 fol. 792
 Arabum laudes li. 2. com. 54 fol. 355
 Artes, leg. Opificia
 Aspectus li. 1. com. 45 fol. 149
 uires illorū, cō. 46. fol. 152
 natura, cō. 46 f. 157. et 158
 Aspectus duplex ex æquinoctiali & ecliptica libro 3.
 com. 38 fol. 542
 Aspectus, leg. Radij
 Astrum omne aliquid adijcit aut adimit operibus Solis et Lunæ, leg. Regula prima
 Astrum omne tale actu quale potētia, leg. Regula quarta
 Astrorum uis est in eo, quod fit, non in eo, quod factum est lib. 1. com. 29 fol. 83
 Astra quomodo dicantur humida uel sicca lib. 1. com. 30 fol. 94. & 95
 Astra non concurrere ut signa, sed ut causas, leg. Genesius non concurrunt
 Astra, leg. etiam Sydera
 Astrologia laus, in proœmio
 Astrologia de iudicijs nobilior Astronomia de motibus lib. 1. com. 4 fol. 10
 Astrologiam uerā esse demonstratur, in proœmio, et li. 1. tex. & com. 26 fol. 72
 Astrologiæ deiudicijs utilitas lib. 1. com. 23 fol. 53
 Astrologia due partes, principia & apotelesmata, quæ etiam duplicia sunt, communia et ppria li. 2. cō. 1 fol. 221
 Astrologica dubitationes septem li. 1. com. 25 fol. 67 dissoluitur li. 2. com. 2. et usq; ad 9 & à fol. 225 ad 239
 Astrologia est liber Dei apertus, in

tus, in quo pauci legere no-
 runt li. 4. com. 74. fo. 780
 Astrologia & ipsa habet sua
 miracula in quib. Astrologi
 aberrant libro 4. com. 74
 fo. 780. & 781
 Astrologo xii cōditiones ne-
 cessarie lib. 1. com. 13 fo. 33
 Astrologū impediūt materie
 peruersitas, inconstantia et
 adiacentia li. 1. cō. 20 fo. 48
 Astrologi nouem erradi oca-
 siones li. 4. com. 74 fo. 780
 Astrologi errores quidam ne-
 cessarij lib. 1. com. 15 fo. 38
 Astrologo considerāda li. 4.
 com. 1. fo. 649
 Astrologus debet uti perce-
 ptis sensu quanto magis po-
 test lib. 4. com. 97 fo. 815
 Astrologus debet esse erudi-
 tus & natura prudēs li. 4.
 com. 25 fo. 707
 Astrologi sciētia inferior Fa-
 ti sciētia li. 1. com. 15. fo. 38
 & 39 Quomodo lib. 4. cō. 1
 fol. 649
 Astrologus oblatam genesin
 quomodo debet iudicare li-
 bro 4. com. 21 fo. 699
 Astrologi insignes li. 1. cō. 27
 fo. 75 & li. 4. cō. 83 fo. 802

Astrolo. falsi li. 1. cō. 14 f. 34
 Astrologici subiecti partes
 quatuor lib. 1. cō. 29 fo. 98
 Astronomie de motibus uti-
 litas lib. 1. com. 4 fo. 11
 Augustini Landi Principis
 genesis sub undecima geni-
 tura in fine libri 4.

Bello quis superior eua-
 det li. 2. cō. 70 fo. 439
 & in quasitis in fine libri
 Bona quando ad fiscū deuol-
 uuntur li. 4. com. 4 fo. 653
 Bona, lege Diuitiā, uel Opes

Calamitates generales
 septem lib. 2. com. 4
 fol. 224 & 225
 Casus quomodo eueniant
 lib. 4. com. 26 fo. 708
 Centiloquij liber, non est Pro-
 lemai & ratio lib. 3. com. 3
 fo. 457 et li. 4. cō. 74 f. 781
 Cur illi attributum sit ui-
 deo: causam in proemio
 tertij libri fo. 450
 Cētra qd sint li. 3. cō. 55 f. 588
 Christi seruatoris genesis
 lib. 2. com. 54 fo. 370
 Ciuitates quomodo iudicāda
 lib. 2. com. 20 fo. 287
 B * 2 Claudij

Claudij Laualli Principis ge-
 nesis, Gen. tertia in fine lib.
 Caeæ puellæ schema lib. 3.
 com. 55 fo. 587
 Coeli partium natura lib. 1.
 com. 39 fo. 133. & 134
 Combusti uiui publicè sche-
 ma lib. 4. com. 72 fo. 773
 Cometes quæ de se conside-
 randa indicent li. 2. com. 54
 fo. 356 & 357
 Cometarū præfagiali. 2. cō. 53
 & 54. f. 340 et sequētibz
 Cometes Haly tempore de-
 scriptio li. 2. com. 54 fo. 353
 Cōmētaria hæc quādo et quo
 modo scripta, in epistola nū-
 cupatoria et li. 2. cō. 19 f. 284
 Commētator quæ in hoc ope-
 re præstiterit in proœmio
 & lib. 2. com. 69 fo. 435
 Commentatoris defensio in
 præfatione
 Cōiunctiones Planetarū leg.
 Planetarum coniunctiones
 Coniugij præfagia li. 4. ca. 5
 fol. 698
 Coniuges quando odiose ha-
 bebunt li. 4. cō. 26 fo. 709
 & in fine libri
 Coniugum quis primus mo-
 rietur in fine libri

Cōstitutiōes generales pprijs
 potētiores li. 1. cō. 25 fo. 62

D

Deliquiorū effect⁹ quā-
 do incipient et quā-
 diu perseverabūt li. 2. cō. 23
 f. 291 et cō. 27. 28. 29 f. 295
 Deliquiorum colores quid
 significant li. 2. com. 51 &
 tex. & com. 52 fo. 334
 Deliquij exitialisimi thema
 in fine libri
 Deliquia in quot diebus ad
 minimum succedere possunt
 li. 2. com. 63 fo. 414. et 415
 Deliquium, leg. Eclipsis
 Diei diuisio per humores li. 1.
 com. 10 fo. 18. & 19
 Dignitas, leg. Honor
 Dirigendi modus breuissimus
 iuxta Ptolemæi sententiam
 lib. 3. com. 43 fo. 561
 Dirigendi quatuor modi li. 3.
 com. 41 fo. 551
 Directiones debent fieri signi-
 ficatorū ad proprios pro-
 missores li. 3. cō. 83 fo. 646
 Directiones & processus &
 ingressus debent iudicari ut
 in radice li. 3. cō. 83 fo. eod.
 Directio cū pcessu et ingres-
 sib⁹ cōcordas quædā præsta-
 re potest

- re potest in radice nō pmis-
sa li. 3. cō. 83 f. 647 leg. etiā
Genesis imbecillis quomodo
Directionis effectus quanto
tēpore potest precedere uel
differri li. 4. com. 86 fo. 817
Directionū anni & distribu-
tio li. 4. cō. 82 f. 797 et 798
Directio aut alia diuisio per
se nō potest præstare quod
genesis non pollicetur lib. 4.
com. 76 fo. 784
Directiones annexorum de-
bent fieri iā extracta figura
li. 4. cō. 80 fo. 792. & 793
Diuinatio unde li. 4. com. 18
fol. 692
Diuitiæ quales future lib. 4.
cap. 2. fo. 651
Diuitiæ quot modis parētur
& significantur etiam li. 4.
com. 2 fo. 652
Domus partes quatuor li. 4.
com. 21 fo. 699
Domorum diuisio qua ra-
tione constet lib. 3. com. 41
fo. 548. & 549
Domorū fabricatio iusta Pto-
lem. et sētētā li. 3. cō. 42 f. 154
E
Eclipses nō nocēt habitā
tib⁹ in ciuitate q̄ eclypsi
- nō subiicitur li. 2. cō. 21 f. 288
Demonstratur in Proce-
mio tertij libri fo. 450
Edoardi Sexti Anglorū Regis
genesis Gen. prima in fine lib.
Effectus magni quando sunt
lib. 4. com. 88 fo. 823
Effect⁹ multiplices quādo cō-
tingēt li. 4. com. 89 fo. 814
Effect⁹ q̄les li. 2. cō. 69 f. 440
Effectuum celeritatis cause
li. 2. com. 70 fo. 436. et 437
Aegrotantes quomodo iudicā-
di li. 2. cō. 63 fo. 413. et 414
Aeger an sanabitur in fi. lib.
Aegrotantes quarta die ante
Lunā Soli iunctā grauissimē
afficiūtur li. 2. cō. 63 fo. 414
Electiones quomodo profici-
ant lib. 2. com. 8 fo. 230 &
post Genituras in fine libri
Emari Ranconeti Præsidis
Regij Lutetiæ genesis, Ge-
nitura quinta in fine libri
Erasmi Roterodami genesis,
Gen. duodecima in fine libri
Erasmi & Ioannis Iacobi
Medices comparatio lib. 3.
com. 64 fo. 599
Erraticarū, lege Planetarū.
Euentuum generalium tem-
pora lib. 2. cap. 6 fo. 296
B* 3 Euen

- Euentuum generalium gene-
 ra lib. 2. cap. 7 fol. 303
 Euentuum generalium modi
 lib. 2. cap. 8. fol. 316
 Euētus cur directiones quan-
 doq; precedunt quādoq; se-
 quūtur li. 4. cō. 82. fo. 799
 F
Facij Cardani genesis sub
 octaua Genitura in fi. li.
 Fatum cū Astrologia iunctū
 in proœmio primi libri fo. 3
 Fatū, leg. Astrologi scientia.
 Felices q̄ sint et quæ animi cō-
 ditiōes regrātur li. 1. c. 25 f. 59
 Figuræ quæ in cœlo sunt quo-
 modo uires habeant lib. 1.
 com. 35 fol. 119
 Figurarū cœlestiū duodecim
 differētiæ li. 1. cō. 44 f. 149
 Figuræ multorū corporū in
 8. orbe lib. 4. com. 22 fo. 702
 Filiorum prædictiones lib. 4.
 cap. 6 fol. 723
 Filiorum suscipiendorum tem-
 pora lib. 4. com. 50 fol. 735
 Filiorū et parētū Genit. mu-
 tuò se agūt li. 3. cō. 10 f. 481
 Filiorū geneses parētū natiui-
 tatibus concordant lib. 4.
 com. 48 fol. 728 & 730
 et in quibus, in octaua Gene-
 si de filiis, et li. 4. cō. 50 f. 733
 Filiorum uita & status extri-
 bus constant, qualitate pro-
 prie Genituræ, qualitate Ge-
 nituræ parentū & cōcordia
 inter ipsas li. 4. cō. 48 f. 729
 Filij parentibus obsequentes
 cur plerunque boni & feli-
 ces lib. 4. com. 48 fol. 730
 Filij quomodo ex processibus
 et ingressibus nascantur lib.
 4. com. 49 fol. 731
 Filij multi cur rarò exitiali-
 bus odijs inter se dissideant
 lib. 4. com. 49 fo. 731
 Filiorū concordia cur felicitā-
 tē indicet lib. 4. cō. 49 f. 733
 Filius an sit illi⁹ patris in fi. li.
 Flagitiosi, leg. Animi uitia cir-
 ca libidines
 Forma & temperies nati lib.
 3. cap. 15 fol. 570
 Francisci Sfondrati cardina-
 lis genesis, Genitura septi-
 ma in fine libri
 Fratrum status li. 3. c. 5 fo. 495
 Furtum an inuenietur et quis
 fecerit in fine libri
 Futura p̄dicūtur li. cō. 7 f. 234
 G
Geminorum signum lib.
 3. com. 19 fol. 503
 Gene

I N D E X.

- Genesis promissa superueniente directione perficiuntur* lib. 4. com. 80 fol. 793
Genesis non concurrere ut signum tantum, sed semper ut causam, lib. 3. com. 3 fo. 654
Genesis imbecillis quomodo magna possit decernere et ualida tantum parua, octaua Genitura in fine libri. De honoribus, dignitatibus
Generatio significat etiam usque ad finem uitae lib. 3. com. 3. fol. 454
Genitura et omnium actionum tria tempora lib. 3. com. 6 fol. 469
Geniturarum discrimina quatuor lib. 4. com. 20 fo. 697
Gentium proprietates lib. 2. cap. 2 fol. 240
Gentium, leg. Regionum Germanorum laus lib. 2. com. 11 fol. 246
Gibbi et claudi cur uasri lib. 3. com. 74 fol. 631
Gulielmi Casanati Bisuntini Medici genesis, Genitura nota in fine libri

H

H *Aly laus, leg. Arabum laudes*

Helisabethae Gattaschema li. 3 com. 65 fol. 588
Hereditatum signa lib. 4. co. 5 fol. 656
Hieronymi Cardani Mediolanensis Medici et commentatoris huius operis genesis, Genitura octaua in fine lib. Hyems quae gelida aut temperata lib. 1. com. 10 fol. 23
Hominum quadruplex comparatio lib. 1. com. 48 f. 163
Hominum status, quo ad dignita. septem li. 4. co. 8 f. 660
Homines in paupertate nobiles lib. 4. com. 10 fol. 667
Homines qui uirtute magni statum sibi comparauerunt lib. 4. com. 10 fol. eodem
Homines qui Principibus adherere debent li. 4. c. 1 f. 650
Honor et dig. li. 4. co. 3 f. 659
Horae distantiae quomodo inueniantur li. 3. co. 42 fo. 555
Horae aequales et temporales quid sint et in quo differant lib. 3. com. 35 fol. 538
Horaria tempora quomodo inueniantur li. 3. com. 36 fo. 538 et com. 43 fol. 555
Hospites in quo a cauponibus differant lib. 4. com. 15 f. 683

I N D E X.

Humana natura nec plura bona nec mala simul perferre potest li. 4. com. 80 fo. 793

I

I mperatores quibus de imperio prædictum est lib. 4. com. 9 fo. 662

Inerrantiū, leg. Stellarū fixarū

Ingressus Aphetarū in infelicia loca radices et maleficarum in Aphetica loca processus sub initio anni pesti- milib. 4. com. 87 fo. 809

Initium quomodo sumendum li. 2. com. 69 fo. 441

Insani et demoniaci cur ubique non autem puerorum amatores li. 3. com. 79 fo. 641

Ioannis Angoscioli Principis genesis, sub undecima Genitura in fine libri

Ioannis Baptistæ Cardani filij commentatoris genesis li. lib. 3. com. 33 fo. 535

Ioānis Hamulthonis Scoti Archiepiscopi B. Andreae Laus, Epistola nūcupatoria, eiusdē genesis Geni. 2 in fine li.

Ioānis Cheki Angli Equitis genesis, Genitura 4 in fine li.

Ioānis Iacobi Medices Principis genesis, Genit. 6 in fi. li.

Itinerum præsagia lib. 4. ca.

9 fo. 747

Iter an erit felix, in xx quasi- tis in fine libri

L

L apides quidam mirabiles li. 1. com. 10 fo. 21

Leonarthus Casanatus, leg. submersi aquis

Lex noua promulganda lib. 2. com. 54 fo. 369

Leges quibus astris subijciantur lib. 2. com. 17 & 18 fol. 278. 279. 280. 281 & 282

Leges quibus in puincijs promulgentur li. 2. cō. 19 fo. 284

Liber hic quō legēdus, leg. Cōmentator quæ in hoc opere

Locorum cum triangulis familiaritas lib. 2. ca. 3 fo. 347

Loci subiecti deliquijs lib. 2. cap. 5 fo. 292

Loci deliquio afficiendi tribus modis demonstratur li. 2. com. 7 fo. 230

Loca principalia septem lib. 4. com. 57 fo. 746

Locus potest dici ualidus simpliciter uel in comparatione lib. 4. com. 66 fo. 756

Ludouici Sfortiæ amentia & casus lib. 1. com. 14 fo. 35

Lumina

- Luminarium fines** lib. 1. com. 50 fol. 174
Luna non solū plus potest no-
cte quā die sed etiam plus
quā Sol, leg. Regula prima
Luna lunē plena cur hyeme
frigus auget li. 1. cō. 30 fo. 91
Lunæ uires & miracula li. 1.
 com. 10 fo. 21 & cō. 25 fo. 61
Luna quinque modis ascende
re dicitur li. 3. cō. 74 fo. 631
Lunæ optimus status & pes-
simus ibidem
Luna in occidente quid signi-
ficat lib. 4. com. 59 fo. 748
Lunæ nodi, leg. Nodi Lunæ
Luna quando primum à So-
lis coniunctione uideri inci-
pit lib. 2. com. 63 fo. 413
 M
Malefica ubi deteriores
 li. 4. com. 19. fo. 695
 & com. 71 fo. 764 & 755
Maleficarum propria damna
 li. 4. com. 21 fo. 699
Masculinum & foemininum
 quid lib. 1. com. 32 fo. 103
Martis cōmentatoris schema
 sub octaua Genitura in fi. li.
Maximilianus Stampa dita-
tus cum satis infelici genitu-
ra lib. 4. com. 1 fo. 649
Mediol. laus li. 2. cō. 10 f. 244
Mēbra corporis quibus Pla-
netis subijciantur li. 3. text.
 & com. 53 fo. 584
Mēses et dies effectū quō di-
gnoscat̃ur li. 4. cō. 87 fo. 828
Mercurij natura lib. 2. com.
 45 fo. 327
Mercurius quomodo sit benē
uel malē dispositus lib. 3.
 com. 64 fo. 602
Mercurius quot modis fiat
malus lib. 3. com. 83 fo. 645
Mercurius inter Aphctas nu-
merari pōt li. 4. cō. 81 f. 795
Mercurij & Lunæ malē di-
spositorum comparatio lib.
 3. com. 64 fo. 599
Monstri genitura lib. 3. com.
 com. 20 fol. 508
Morbi & uitia corporis lib.
 3. cap. 16 fol. 580
Mortis qualitas lib. 4. cap.
 10 fo. 757
Mortis genera quatuor. li. 4.
 com. 69 fol. 762
Mortis uolētæ spēs li. 4. cō.
 71 fol. 765 et cō. 72 fo. 772
Mors publica cur magis ex-
tra patriam quā in pa-
tria lib. 4. com. 70 fo. 762
Mortis genus quō ex euen-
 tib5

tibus coniectari possit lib.

4.com.71

fol.763

Mortis locus quō præsēiri

possit li.4.com.74.fo.776

Mors naturalis quandoque

spēdida li.4.cō.74 fo.780

Mors uiolenta quomodo à

naturali discernatur lib.4.

com.74

fol.782

Mors uiolēta et publica trās

it in filios li.4.cō.71 f.766

Mulier non simpliciter bona

sed mulier bōa li.4.c.23f.703

N

Ascendi ordo li.3.com.

6

fol.467

Nascēdo quæ superueniunt,

perpetuò duratura lib.3.

com.3

fol.454

Nati sub Libra cur sponte ser

uiant natis sub Tauro lib.

4.com.57

fol.747

Natiuitatis tempus quomo

do habeatur lib.3.com.6

fol.464.465 & 466

Natiuitatis uitalis quæ ratio

numeri mensium lib.3.com.3

fol.455

Natiuitas cum generatione

concordat & in quibus lib.

3.com.3

fol.454

Natiuitas minus temporis si

gnificat, quā generatio li.

3.com.3

fol.codem

Natiuitas nobilior et certior

generatione li.3.com.3 fol.e.

Nauis an salua redibit in fi.li.

Nodorum Lunæ uires lib.2.

com.70

fo.441

Nodorum uires generaliter

lib.3.com.74

fo.633

O

Otimeſtres quādo uiue

re possint li.3.c.3f.456

Oedipi filiorum historia li

bro 4.com.49

fo.732

Opes, leg. Diuitiæ uel bona

Opificium & actio nati lib.

4.cap.4

fol.676

Opificiorū genera tria et spe

cies xxxij li.4.cō.15 fo.681

Opificiorum diuisio libro 4.

commen.17

fol.690

Opifices quando inclyti lib.

4.com.19

fo.696

Oriētale et occidētale quō ge

neraliter de Plane. et Cæli p

tib⁹ dicātur li.1.cō.32 f.104

Ortus & occasus Planetarū

aut fixarū, leg. Planetarum

aut stellarum fixarum.

P

Parentum status lib.3.ca.

4

fol.479

Paren

- Parētes quādo inuicē odio se
 habebūt li. 3. cō. 10 fol. 484
 Partu uiolento excussi lib. 1.
 com. 3. fol. 458
 Participatione maximē Pto=
 lemeus utitur. li. 2. cō. 68.
 fo. 433 quomodo fiat lib. 4.
 com. 43 fol. 725
 Patris cōmētatoris Genitura
 schema lib. 3. cō. 14 fol. 491
 Pauli tertij sūmi Pōtifis, ge=
 nesis, Genitura decima in fine
 Pestis an futura sit in uiginti
 quæsitis, in fine libri
 Petri Aloysij Farnesij Prim=
 cipis genesis, Genitura un=
 decima in fine libri
 Phænomena li. 2. c. 13 fol. 430
 Pinguedinis obæsa obserua=
 tio lib. 3. com. 4. 7 fol. 575
 Piothanatus quis lib. 4. com.
 67 fol. 759
 Planetarū natura li. 1. c. 4 &
 tex. 30 fol. 78 usq; ad fol. 88
 Planetarum numerus, ordo,
 nomina, characteres libr. 1.
 com. 29 fol. 78 & 79
 Planetarum uires quatuor
 libr. 1. com. 29 fol. 80
 Planetarum diuifio li. 1. com.
 29 fol. eod.
 Planetarum uires unde su=
 menda lib. 1. tex. 65 & 66
 fol. 216 usq; ad fol. 220
 Planetarum robur in specie
 lib. 3. com. 45 fol. 568
 Planeta robustus & imbecil=
 lis quatuor modis lib. 1. tex.
 & com. 65 fol. 216 & lib.
 3. tex. & com. 9. fol. 477
 Planeta auctus numero quis
 lib. 3. com. 9 fol. 478
 Planetarum sexus lib. 1. cap.
 5 fol. 102
 Planeta diurni & nocturni
 lib. 1. cap. 6 fol. 105
 Planetarū superiorum cum
 suis correspondentibus in=
 ferioribus similitudo & di=
 scrimen li. 4. cō. 42 fol. 722
 Planetarum status generales
 quinq; li. 2. com. 4. 7 fol. 229
 Planetarum status quo ad So=
 lem li. 1. com. 33. fol. 106 &
 cō. 66 fo 217 & lib. 2. com.
 7. fol. 230 & com. 46. fol.
 328 & li. 3. com. 9. fol. 478
 & com. 70. fo. 608 & 609
 Planeta matutini & uesperti=
 ni, uide Planetarū status quo
 ad Solē lib. 3. cō. 9. fol. 477
 Planetarū status erga Solem
 quid significant li. 1. cō. 34.
 fo. 109 et cō. 35. 119 et 123
 &

I N D E X.

- ☿ lib. 2. com. 29 fol. 301 Lunam lib. 3. cō. 74 fo. 631
 Planete combusti quid agāt Planetarum eleuatorum uar
 lib. 2. com. 69 fol. 440 ☿ rij effectus li. 4. cō. 21 f. 699
 lib. 3. com. 75 fol. 634 Planetarum congressus notio
 Planete sub radijs Solis, leg. res. libr. 1. com. 16 fol. 42
 Planete combusti. Planetarū cōiūctio deterior
 Planete omnes gaudēt ut sint quæ, lib. 2. com. 22 fol. 290
 oriētales à Sole, occidētales à Planete iuncti quandiu pos=
 Luna libr. 1. com. 30 fol. 94 sunt proferre effectus li. 2.
 Planetarum effectus inter se, com. 54 fol. 359 ☿ 360
 ut applicatio, defluxus, Planete succeſſione fiunt po=
 trāſlatio luminis lib. 1. com. tētiores, leg. Regula prima.
 63 fol. 210 211 ☿ 212 Planeta omnis ſignificat res
 Planeta eleuatus quot modis ſue conditioni conuenien=
 lib. 3. com. 10 fol. 482 tes, leg. Sol ſignificat
 Planeta obſeſſus libr. 3. com. Planetarum generalia de=
 10 fol. eod. creta lib. 1. com. 30 fol. 96
 Planeta ſuperior quot modis Planatarum aspectus per
 dicatur li. 2. com. 65 fo. 428 ſpecies quid ſignificent lib.
 Planetarū aspect⁹, le. Aspect⁹ 4. com. 16 fol. 689
 Planete LXXIII modis loca Planetarum mores, leg. Ani=
 ſua mutuo commutant lib. mi qualitates
 4. com. 16 fol. 687 Planetarū quo ad aëris ſtatū
 Planete quatuor modis cōue pprietates li. 2. cō. 65 f. 428
 nire dicūtur li. 4. c. 49 f. 732 Planeta in deliquio domina=
 Planetarum ſemidiametri li. tor quomodo dignoſcantur
 2. com. 54. fol. 361 ☿ 362 lib. 2. com. 69 fol. 435
 Planeta quomodo receptus Panetarum animi, leg. Acta=
 dicatur li. 2. cō. 63 f. 406 ☿ tum diſtinctio
 quot modis li. 4. c. 16 f. 687 Planetarum dignitates in ſi=
 Planete in apogeis puriores gnis ſeptē ☿ quæ, ☿ quid
 ☿ meliores omnes præter ſignificent li. 1. cō. 50 fo. 170

Plane

I N D E X

- Planetarum domus li. 1. com. 50. fol. 174 & 175
 Planetarum in trigonis potestas lib. 1. a tex. & com. 52 ad 55 fo. 179 usq; ad fol. 184
 Planetarum altitudines li. 1. cap. 38. & in com. fol. 184
 Planetarum fines lib. 1. cap. 19 & in com. fol. 184
 Planetarum personae li. 1. tex 60 fol. 203
 Planetarum carpenta libr. 1. tex. 61 fol. 204
 Pontani qui & Firmici error de Genitura domino redarguitur li. 4. com. 4 fo. 781
 Positionis semicirculi libr. 3. com. 41 fol. 549
 Precognitio tēporis futuro-riū utilis ad precauēdū & ferendū lib. 4. cō 77 fol. 785
 Prædicendi tres regulæ secretæ lib. 1. com. 54 fol. 360
 Prægnās an masculū sit paritura in quæsitis in fine libri
 Prælio quis futurus superior, leg. Bello
 Principes opificij dediti libr. 4. com. 14 fol. 678
 Principes habent unum ex familiaribus cui obediunt lib. 4. com. 57 fol. 747

- Princeps an gratiam sit concessurus in fine libri
 Principatus, leg. Regnum
 Principale potētius eo quod est tale propter illud lib. 4. com. 43 fol. 724
 Principia tria generale per essentiā & propriū per essentiā et externū li. 1. cō. 18. f. 45
 Processuum ratio qualis lib. 4. com. 83 fo. 810
 Process⁹ et directiōes quō indicare debēt li. 4. cō. 83 f. 807
 Processus, le. etiā Directiōes Promissores duplices ab initio et supueni. li. 4. c. 81 f. 805
 Prōpti qui li. 3. cō. 74 f. 630
 Prouincia an bellouexabitur in fine libri, in quæsitis
 Ptolemaus uidit prædictiōes Cesarib⁹ factas li. 4. c. 9 f. 662
 Pueri nimis ingeniosi cur raro uiuaces li. 4. cō. 41 f. 725
 Pugnatū aut litig⁹ quis erit uictor, in fine li. in quæsitis

Q

Qualitates duæ tārū quarū qualibet bifariā dicuntur li. 1. cō. 29 f. 83. 84 & 85
 Quæsitā omnia circa tria uersantur, genus, magnitudinē, & tempus li. 1. cō. 65 f. 218
 Quæsi

Quæſita uerſatur circa tres
cauſas qd' eſt, in quo eſt &
qd' præeſt li. 3. cō. 73 f. 526

Quæſtio prima debet eſſe de
uitæ longitudine lib. 3. com.
29 fol. 518

Radij dextri & ſiniſtri
qui li. 1. cō. 45 fol. 149

Radij ſiniſtri an dextris ual
lidiores li. 3. cō. 45 fol. 568

& libr. 4. com. 9. fol. 663

Radij, leg. Aſpectus

Regionum intemperatarum
natura li. 2. com. 10 fol. 242

Regio quæq; quibus ſtellis
ſubiiciatur li. 2. cō. 11. f. 246

Regionibus propria ratione
ſitus lib. 2. com. 12 fol. 248

Regionum diuiſio in qua
drantes & triagula & Pla

netæ dominantes li. 2 et tex
et cō. 14 ad 18 f. 274 et 275

Regnū qd' ſtabile aut quod
facile rueli li. 4. cō. 10 f. 668

Regno quis filius præſcien
tus lib. 4. com. 10 fol. 60d.

Res magna in cælo ſunt ſex
lib. 2. cō. 54 fol. 366 et 357

Regula prima, ſecunda, &
tertia li. 1. cō. 29 f. 81 et 82

Regula quarta. li. 1. com. 29

fol. 86 & 87

Reges quo ad fortunam non
ita Geneſi ſubiiciuntur ut

priuati li. 4. cō. 13 fol. 675

Reges an ſint amici, in qua
ſitis in fine libri

Regis uita quāta erit in qua
ſitis, in fine libri

Regis adminiſtratio qualis
erit, in fine libri in qua ſitis

S

Saturnus quomodo friget

lib. 1. com. 30 fol. 91

Scribenti conditiones neceſſa
ria lib. 1. com. 27 fol. 75

Seruorū præſagia li. 4. ca. 33

Septimeſtrium ſignum lib. 31

com. 19 fol. 502

Signorū nūer⁹, ordo, nomina

characteres li. 1. cō. 29 f. 78

Signor. diuiſioli. 1. c. 10. f. 139

Signa imperantia & obe

dientia li. 1. ca. 13 fol. 162

Aſcēſiōes eorū dē in cō. f. eo.

Signa intuitia li. 1. cap. 14.

Reg. duæ de his in cō. f. 103

Signa inconiuncta li. 1. ca. 15

fol. 166

Signorum ſexus, & diurna

et nocturna li. 1. tex. & cō.

42 et 43 f. 142 143 et 144

Signorum natura lib. 1. com.

47. In quibus sol. fol. 162
 Signorum mores. Vide animi
 qualitates. fol. 162
 Signorum diuisio per trigona
 na libr. 1. com. 51 fol. 177
 Signorum natura pro aëris
 mutatione li. 2. ca. 11 f. 386
 Signorū significata in genere
 infortuniorum lib. 4. ca. 64
 fol. 733
 Signa inconiuncta an plus
 discrepent oppositis lib. 4.
 com. 48 fol. 729
 Signa æquinoctia cur leges
 significant li. 3. cō. 7 fo. 312
 Signifer cur in 12 signa diui-
 datur lib. 1. cap. 37 fo. 128
 Significatorū aliud est subie-
 ctum aliud forma libr. 4.
 com. 80 fol. 807
 Significatorum genera tria
 li. 4. com. 81 fol. 805
 Significatores, le. etiā Apheta
 Similitudinis inter affines cau-
 sa lib. 3. com. 14 fol. 491
 Sol quomodo calidissimus tri-
 bus rationib. li. 1. cō. 29 f. 85
 Solis vires lib. 1. com. 10 fol.
 23 & com. 25 fol. 51
 Sol in omnibus causis signifi-
 cat principalia ut aurum
 lib. 1. com. 29 fol. 87

Sol cur in recessu à tropicis au-
 get qualitates li. 1. c. 30 f. 92
 Sort. inuētio li. 3. c. 12. eiusdē
 demonstratio in com. fo. 523
 Sort. filiorum quomodo. su-
 menda libr. 4. cō. 49 f. 731
 Stelle benefice malefica me-
 die. Et cur Sol inter medias
 numeretur li. 1. cō. 31 f. 100
 Stellarum fixarum natura et
 quomodo cognita lib. 1. tex.
 & cō. 35 f. 113 usq; ad f. 130
 Stellarum fixarum in uiribus
 ordo lib. 1. com. 35 fo. 119
 Stellarum fixarum status se-
 ptem lib. 3. cō. 64. fol. 601
 Stellarum fixarum status in
 comparatione ad Solem li.
 1. com. 35 fol. 122
 Stellarum fixarum vires in
 comparatione ad Solem &
 cardines lib. 2. cō. 34. f. 397
 Stellarum fixarum effectus
 in comparatione ad Solem
 quamdiu durent li. 2. com.
 64 fo. 421 & 422
 Stelle quæ nō videntur quid
 portēdāt li. 2. cō. 69 f. 434
 Stellarum quarundam vires
 lib. 1. com. 10 fol. 23
 Stelle, leg. etiā Astra uel Sy-
 dera uel Planeta

Subie

I N D E X.

Subiectorum genera decem
lib. 2. com. 24 fol. 291
Submersi in aquis genesis
lib. 4. com. 71 fol. 770
Successiones quid agant li. 2.
com. 69 fol. 439
Syderum exortus & signifi-
cata lib. 1. com. 57 fol. 382
Sydera leg. etiam Stella uel
astra

T

TAbellionis historia lib.
4. com. 71 fol. 766
Tabula ascensionum recta-
rum lib. 3. com. 43 fol. 564
Tabula ortuum occasuum Pla-
netarum lib. 3. cō. 70 fol. 608
Taurus mirabilis lib. 1. com.
10 fol. 11
Temporū anni dignotio ge-
neralis lib. 1. cō. 66 fol. 379
Temporū anni dignotio spiri-
tualis lib. 2. com. 63 fol. 410
Temporum diuisio quadra-
plex lib. 4. com. 78 fol. 813
Temporū generalium & pprio-
rū & ingressū domini quo
ordine uirū li. 4. c. 85 f. 806
Temporum intermediarum
supputatio octaua Genitu-
ra in fine libri de honoribus
Temporū dignotio nobilissi-

ma Astrologie pars & cur
lib. 4. com. 75 fol. 792
Tempora, leg. Anni
Termini, leg. Planetarū fines
Trigemi rard superuiuit
& plerunq; sunt oblesi lib.
3. com. 19 fol. 509

V

Velleij Paterculi senten-
tia de concursu uiro-
rum illustrium in eandem
etatem lib. 1. cō. 25 fol. 58
Ventorū nomina, ratio, sche-
ma, uires, lib. 1. com. 62 fol.
401. & cō. 63 f. 408 et 409
Venus dilectiois mater ut Sa-
turnus odij li. 4. cō. 56 f. 745
Viri celebres cur eadē etate
oriatur, le. Velleij Paterculi
Vita nati quanta futura sit
lib. 1. cap. 14 fol. 133
Vite significator an detur di-
sputatur li. 3. com. 32 fol. 530
Vita circa libidines li. 3. a tex.
et cō. 81 ad 83 f. 642 et li. 42.
a tex. et c. 31 usq; ad 42 f. 713
Voluntarijs in reb; quali pra-
dictioe utēdū li. 4. c. 25 f. 707
Urbes, leg. Ciuitates

Z

Zodiacus, leg. Signifer
F I N I S.



CLAVDII PTOLEMAEI

PELVSIENSIS

LIBRI III.

*De Astrorum Iudicijs: cum expositione
Hieronymi Cardani Mediola-
nensis Medici.*

PROOEMIUM EXPOSITORIS.



LIBROS hos antiquorum more
de Iudicijs inscripsit Ptolemaeus
Pelusiensis Aegyptius, vnde Ale-
xandrinus etiam dictus est quod
Pelusium ab Alexandria parum di-
stet. Constat hunc illum esse qui
Magnam compositionem motus
syderum scripsit, tum quia id in
prooemio huius operis testatur, tū
quia nullus alius tam subtilem tra-
ctationem perficere potuisset, tum

ex styli similitudine, ubiq; enim philosophum praefert. Et qui haec
scripsit, tractavit etiam Geographica, & Musica, & Arithmetica,
nec dubium est de his, scripsit & de speculis. Sed an centum illas
propositiones forsan dubitatione dignum est: dicemus autem ali-
quid de hoc loco suo. Dignus igitur est cui ob excellentiam & iu-
diciū graue credatur. Tractat autem de futurorum cognitio-
ne, ut sit fructus scientiae magnitudinis motuum & passionum
astrorum. Ex quo possunt futura bona augeri & ad illa tutius ac-
cedere, mala autem vitare, minuere, declinare, infringere, & ad
omnem occasionem parati esse. Nec est vllus qui in hac arte scri-
pserit

pferit, propior veritati & rationi. Est autem ars hæc philosophiæ
 pars prognostica & præcognoscere docens, vnde non verè scien-
 tia, sed vt ad medicinam se habet liber prædictionum Hippo-
 cratis aut Galeni, ita hic ad totam philosophiam. Vnaquæque
 enim ars quæ de naturalibus tractat, ea ratione qua causas præsen-
 tium rerum explicat, docet & futurorum, nam futura à præsen-
 tibus non specie nec genere differunt, sed tempore quod illis vt ac-
 cidens adiungitur. Nec potest hic liber plenè intelligi nisi Ma-
 gna compositione perlecta, ea autem indiget Geometria &
 Arithmetica, vt hic sit quartus in ordine doctrinæ inter mathe-
 maticos, & penè vltimus inter naturales, nam etiam parua natu-
 ralia prælegisse oportet qui hos libros intelligere voluerit. Di-
 uiditur autem in quatuor libros: In primo, ponit generalia præ-
 cepta artis & tanquam principia: In secundo, tractat de proprijs
 iudicijs rerum quæ partibus vniuersi & ipsi vniuerso contingunt,
 veluti de calamitatibus regionum. In tertio, de proprijs prædi-
 ctionibus singularium hominum ex genitura sumptis pertinen-
 tibus ad animam vel corpus. In quarto, de his quæ futura docent
 in exterioribus & annexis vnicuique homini, veluti de filijs, opibus
 & itineribus. Hæc enim non inrita sunt homini, sed cessare pos-
 sunt animo & corpore minimè affecto. Iuuat & hic liber ad co-
 gnoscendum præsentia & præterita eadem ratione qua futura,
 quæ cognitio non adeò utilis est interrogantibus vt futurorum
 scientia, sed ipsi artificij magis gloriosa existit. Nec est officium
 expositoris, vt Gal. inquit, vel reddere rationem dictorum ab au-
 thore, vel si qua non placeant reprehendere, sed verba illius ac
 sententias dilucidè explicare, nos tamen non propriam faciemus
 expositionem, sed conabimur declarare causas dictorum à Pro-
 tolemæo, & quæ ab ipso obscurè dicta sunt, clariora reddere, quæ
 breuiter ac circuncisè, perficere, quæ dubiè, determinare. Mirum
 est autem quod à tam paucis tam celebri vtilisque liber sit ex-
 positus, vt vix præter authorem ignotum qui Græcè scripsit,
 quemque Georgius Valla vertit impudenter illius commenta-
 ria sanè satis frigida sibi ascribens, quæ Emarus Ranconetus
 nobis largitus est, apud quem etiam Græcus codex, vt vidi, ex-
 tabat, & Haly Heben Rodoan Arabem alium sciam qui prodie-
 rit in lucem tanto authore dignus: Is verò si veram mentem
 Ptolemæi verborum translatione explicatam habuisset, forsan
 nos hoc labore liberasset. Nunc verò cum neque per se clarus
 sit liber hic ob breuitatem, neque aliorum explicatio quæ in lucem
 nondum

nondum prodierit utilis sit, nec quæ prodierit Haly vt dixi perfecta sit, cogor vtilitatis publicæ causa tum Ptolemæi gloriæ ad hunc nouum laborem descendere. Via autem huius doctrinæ ex resolutione compositiua facta est, vt plerique alij libri artium. Procedit autem Ptolemæus diuidendo & deducendo ex similibus causarum & compositione plurium, causæ verò ab effectibus cognoscuntur, ob id coniecturalis est hæc ars non exquisita scientia. Procedit enim à causis ad effectus, hic autem processus in naturalibus non adeò firmus est vt in mathematicis, in quibus causæ eædem sunt principijs & non per effectus sed per se notæ sunt. Artes autem quæ futura, hoc modo, cognoscere docent, sunt Agricultura, Nautica, Medicina, Physiognomia & illius partes, Somniorum interpretatio, & Magia naturalis, ac Astrologia. Harum nobilissima Astrologia est, quia de omnibus est, aliæ autem sunt certi generis. Est etiam per causas semper atq; eas nobilissimas, reliquarum nulla semper, sed etiam per signa docet futura prædicere. Non est autem vt quidam existimant scientia Astrologiæ Fati scientia, sed Fati pars constitutio astrorum est. Porro quanto Fati scientia certior atq; nobilior, tanto etiam obscurior. Principalis autem ac nobilissima Fati pars astrorum est constitutio: nobilissima igitur Astrologia est omnium artium quæ diuinare docent. Ac diuinatione nihil melius atq; diuinus, præstantissima igitur astrorum hæc contemplatio est. Inscriptum autem librum hunc Syro amico suo more antiquorum laudabili, cui etiam ignotus interpretes refert inscripta esse reliqua Ptolemæi opera, quod tamen non vidi, sed vtcunq; sit existimat hunc fuisse medicum qui has artes calleret eisq; delectaretur. Talibus enim iure merito inscribuntur. Hunc nos exposituri sæpius vbi author rem clarè explicat paraphrastè vices imitabimur, tum vt opus in immensum non augeatur, relinquaturque locus difficilioribus explicandis, tum vt repetitionem fugiamus. Ab illius igitur promio auspicemur, diuidentes singula capita prout commodius videbitur.



PROOEMIUM A V T H O R I S,

Caput primum.

TEXTVS I.



VO sunt Syre, quibus perueni-
tur ad Astronomicas prædictio-
nes, præcipua quidem & maxi-
ma: vnum quod primum & loco
est & potestate, quo Solis & Lu-
næ & Stellarum motuum configurationes
cum erga se tum terram deprehendimus: Al-
terum quo de illarum configurationum na-
turali proprietate consideramus subiectarum
rerum mutationes.

COMMENTARIVS.



VTHORES proœmia faciunt, ut quod non ex
arte est ad artem tamen est necessarium expli-
cetur: id facit Ptolemæus hic, nam quid tracta-
tur sit exponit primo, deinde ne de re inanè
uerba facere uideatur proponit dubitationem in primo ca-
pite proœmij, nam tria proœmium hoc capita continet, in
secundo capite cuius initium erit, in decimo textu declarat,
Astrologiam esse artem, posteq; præsciri futura, in tertio
autem cuius initium est, quo igitur modo, declarat esse uti-
lem. Nam ut apud Gellium Phauorinus qui parum ante

phenomena

Necessaria

Ptolemæum floruit famosus philosophus, more ambitiosorum artem astrologiæ infamem reddiderat, duobus maxime argumentis quod futura sciri non possent, nec si possent cognitio illa utilitatem aliquam mortalibus esset allatura. His igitur Ptolemæus diligenter occurrit duobus illis postremis procemij capitibus. In hoc autem ostendit finem artis: nam ut à Galeno habetur in libro de Constitutione artis medicæ, ars unaquæq; à finis notitia per resolutionem constituitur. Quo modo igitur Ptolemæus artem hanc constituet in hoc libro nisi si primum finem artis declarauerit? Hic autem est scientia futurorum. Huic igitur fini, duo docet esse præcipua & maxima. Præcipua quidem, quia & alia sunt necessaria, utpote scientia rerum naturalium, dialectica, cognitio multarum rerum, ingenium acre, memoria, exercitatio, cruditio in illa lingua. Nullum tamen horum est præcipuum & proprium scientiæ futurorum per astra habendæ, maxima uerò quoniam partes hæc duæ totam complent artem, & singulæ plurima continent capita & non mediocris sunt magnitudinis. Sunt etiam singulæ harum partium difficillimæ & ob id maxime. Primum igitur est cognitio Solis & Lunæ & stellarum, scilicet quinque erraticarum, tum aliarum fixarum circa passionem motuum, ut uelocis, tardi, retrogradi, stantis, tum figuras erga se ut trigona, quadrata & quod sint in initio arietis uel in fine tauri, aut in latitudine australi, uel in abside eccentrici, uel epicycli, omnia enim hæc ad partes alias cœli referuntur, uel terræ ratione, ut in deliquijs, ortu & occasu stellarum. Solem & Lunam dixit separatim quia nomine stellarum non intelliguntur, & quoniam maxime hæc sydera in cœlo conspiciuntur, ut etiam luminarium nomen sola mereantur: Et etiam quia ab horum motu reliquorum cognitio motuum ac locorum pendet. Nam Solis causa Lunæ motum uenatur Ptolemæus, inde per Lunam reliqua sydera. Neq; enim illa à So-

lis cognitione pendere poterant, cum Sole uiso nulla stella sit conspicua. Talem igitur scientiam motuum astrorum dicit esse priorem loco, quia non possumus habere proprietates & significata syderum, nisi ubi ea sint, ac motus & magnitudines, ceterosque affectus cognouerimus prius. Potestate autem quia scientia illa demonstratiua est & certa, hæc autem quæ ad iudicia pertinet naturalis est, & præter id etiam coniecturalis. Hæc igitur coniecturalis ex naturalibus proprietatibus tanquam causis docet cognoscere mutationes quæ in his inferioribus contingunt. Hæc enim inferiora, inquit Aristoteles, superioribus corporibus coniuncta suere, ut ab illis gubernarentur.

TEXTVS II.

Atque horum prius & suum habet & per se dignum tractatu studium, etiam si adiunctione alterius ad finem prædictionum non perueniatur, de quo illo peculiariter etiam quam potuimus certis argumentis rationem vestigatam alio libro explicuimus.

Declarat primum membrum eorum quæ præposuit, scilicet motuum astrorum scientiam duplicem finem habere, alterum quidem proprium & est contemplatio, reliquum uero ut ordinatur in cognitione futurorum, pro quo sciendum est quod ut habetur secundo primæ philosophiæ, duplex quidem scientia, altera quidem quæ in solam ueritatis cognitionem tendit, theoricæque uerbo græco dicitur, reliqua quæ in opus atque hæc practica dici solet. Prima quidem quæ de astrorum motibus tractat uerè theorica seu contemplatiua est, reliqua uero quam in hoc libro tractat quasi in opus primæ comparatione tendere uidetur, cum tamen & ipsa contemplatiua sit. Primam igitur proprium finem habere demonstrat etiam si po-

steriori non coniungatur, proprium enim priorum est à posterioribus posse seiungi, posteriorum autem non posse à prioribus separari. Dicit igitur primam partem tractasse in alio libro, id est, Magnæ compositionis qui in tredecim libros diuisus est, ubi exactissimam omnium astrorum quæ uisui subiiciuntur doctrinam tradidit.

T E X T V S III.

De altero autem, minúsque adeò ex sese perfectò, in præsentia verba facere decreuimus, conuenienti quidem philosophiæ modo.

Dicit se tractaturum in præsentì libro de contemplatione astrorum prout pertinet ad futurorum cognitionem, quæ minus perfecta est, quia minus perfectè scitur modo conuenienti philosophiæ, id est, per causas & per qualitates primas, & per corpora & modum demonstratiuum. Per causas quidem quia cognitio per signa posteriora sumpta in causis uidetur absurda. Velut si quis ex natiuitate fratris uelit de alio fratre discernere simpliciter, ut faciunt Arabes, quanquam hunc modum neque exquisitè Ptolemæus obseruauerit, nam & ex genituris filiorum fortunam parentum uenari conatur. uerum si rectè interpretemur & nostrā sequi uoluerimus sententiam, nihil absurdum continget in hoc, neque sententiam Ptolemæi generalibus philosophiæ præceptis repugnare cogemus, scilicet ut filij genitura parentum fortunam ab ipsius filij ortu non antea mutet, constituat atque decernat. Corpora autem uelut philosophus considerat ut nugas illas Arabum partium dodecatheorias infinitasque alias exploderet. Demonstratio autem procedit uelut philosophus, nō ut Arabes, qui aliorum auctoritatibus simpliciter utuntur, atque etiam obscurorum uirorum, tum uerò experimentis singularibus atque præter rationem. Similiter & ut reijceret eos qui absque concur
su cau

su causarum aut leuibus debilibusq; argumentis effectus ma-
 ximos tribuunt, uelut Firmicus in sua illa admirabili mathe-
 si. Per qualitates etiam, quia ut habetur à Galeno in libris de
 Simplicibus medicamentis ex calido & frigido, sicco atq; hu-
 mido, quæ nomine primarum qualitatū intelliguntur, pro-
 cedunt asperitas, exustio, incisio, taliq; multa quæ secunda-
 rum qualitatū nomine appellantur. Rursus ex his proce-
 dunt qualitates aliæ quas tertias uocant, uelut generandi se-
 men, ut lac, rursus ex his similitudine substantiæ conflata fiunt
 aliæ qualitates opere quidem sensui manifestæ, sed operis ra-
 tione occultiores, quas catharticas uocant, seu purgantes: ab
 his demum etiam aliæ obscuriores intellectu quas uocant pro-
 prietates, ita Astrologus, inquit Ptolemæus, eodem modo
 procedit. Sit cuiuspiam gratia exempli Luna in tertio loco in
 Cancro, Saturnus uero in sexto in Libra, tunc Saturnus im-
 moderatam frigiditatem humidamq; intemperiem in cerebro
 Lunæ ratione operabitur, pectus quoq; angustum atq; debi-
 le easdem ob qualitates efficiet, ab his igitur qualitatibus im-
 moderata pituita generabitur, quæ ob debilem naturalem ca-
 lorem à Saturni siccitate factam in pulmones descendet, ab
 his secundo loco genitis tertia procedet dispositio, scilicet spi-
 randi difficultas, à qua rursus extenuatio ipsius corporis &
 tabes, propter exiccationem in corde factam, propter prohi-
 bitam respirationem cum frigiditate iunctam. Namq; tam pul-
 mo quam pituita frigida supponuntur. Ecce uides quonam
 pacto ex Saturni & Cancri immoderata frigiditate tum hu-
 mida qualitate immoderata etiam Cancri & Lunæ, tum
 etiam robore Saturni in Libra, & loco qui morbos decer-
 nit, atq; id etiam qualitatū primarum ratione, ut suo loco
 ostendetur, in tabis cognitionem futura deuenimus, seu præ-
 sentis seu præteritæ, atq; hic modus naturali contemplationi
 quemadmodum Ptolemæus dicit per similis est.

Atq; ita ne ab vlllo, cui veritas curæ sit, harum rerum comparatio fiat cum prima & immutabili certitudine, cum intellexerit materie & illius habitudinis imbecillitatem, & difficultatem coniecturæ capiendæ.

Declarat non esse comparisonem inter hæc duo genera, quoniam inter propinqua solum est comparatio, sed scientia iudiciorum astrorum quadruplici ordine inferior est, quo ad certam notitiam atq; securam scientiam, quæ traditur in libro de motibus ipsorum quem Arabes Almagestum vocant. Duos tamen Ptolemæus tantum ordines declarat, scilicet modi cognoscendi & mutationis materiæ. Namq; mathematica demonstrationis certitudine præstantior est philosophia naturali, unde inquit philosophus, mathematicæ sunt in primo gradu certitudinis & naturales sequuntur eas. Secundus ordo est, quia in philosophia naturali etiam scientia de cælo certior est scientia istorum inferiorum, quia cælum est perpetuum & sempiternum, sed ista inferiora sunt corruptioni obnoxia. Tertio, scientia de astris est ex suppositis exquisitis, habitis per instrumenta & observationes, sed scientia de iudicijs, cum non habeat signa exquisita nec cognita ad unguem ideò minus certa redditur. Accedit quarta differentia, quia scientia de astris est simpliciter de illis, sed scientia iudiciorum est comparatiua, & ideo coniecturalis. quare in certitudine non est hæc illi comparanda. Non solum autem liber de Motibus astrorum duos illos habet fines à Ptolemæo descriptos, scilicet veritatis sciendæ causa & futura dignoscendi, sed etiam multos alios usus, primum quidem in legum observatione. Iudei enim Pascha celebrant à nouilunio quod primum æquinoctium sequitur: Christiani & ipsi Pascha

ſchatis rationem ita obſeruant, ut coniunctio luminarium in
 diem paſſionis qui tertius eſt ante Paſcha incidere non poſſit.
 Ciuitates quoque dies in hebdomadaſ iuxta ſeptem planeta-
 rum numerum diſtribuerunt: ſimiliter & ratio horarum à
 Solis motus diuiſione ſumpta eſt. Medici quoq; ne ſub Aequi-
 noctijs aut Solſticijs medicamenta propinent, præceptum ab
 Hippocrate habuerunt. Idem criticos dies iuxta Lunæ motus
 rationem ſtatuere. Agricola in ſecandis arboribus Lunam
 obſeruant, & diligentiores etiam dum ſerunt ſemina, aut ar-
 bores inſerunt. Nautæ ex aſpectu ſyderum, motus uentorum
 & qualitates temporum diiudicant. Reſpublicæ multæ cer-
 tas habent conſtitutiones à ſyderum ratione ſumptas, uelut
 Lacedæmoniꝝ qui iuxta Lunæ obſervationem egredi in expedi-
 tionem non audebant. Hæc omnia cum ſcientia aſtrorum con-
 templatiua etiam præter ueritatis cognitionem præbeat, in-
 re merito dubitari poteſt quænam harum ſit nobilior? Et cer-
 tē uidetur ſcientia motus aſtrorum præferenda, duabus ratio-
 nibus, tum quia certior, tum quia ſine illa hæc haberi non po-
 teſt: poteſt etiam ſubijci tertia cauſa quòd tot alijs ſeruiat
 commodis de quibus nuper dictum eſt. Sed ſi citra affectum
 rem diiudicare uelimus, erit hæc diſciplina iudiciorum omni
 ſcientia motus aſtrorum longè utilior. Quod enim hæc ſine
 illa haberi non poſſit argumentum potius eſt nobilitatis huius
 quàm illius. Nam uidemus in artibus ultimam, præcedentibus
 ſemper eſſe nobiliorem. Etenim quis dubitet artem fabricandi
 naues nobiliorem non eſſe arte ſecandi ligna? & nauticam
 ipſam non eſſe nobiliorem ea ſabrili parte qua naues fabri-
 care docet? & rurſus militarem nautica, atque ita in alijs? Si
 milititer neque certitudo nobilitatis aut utilitatis argumentum
 eſt firmum, cum pleraq; nobiliora, teſte Ariſtotele, magis ſint
 nobis ignota. Vtilitatis etiam ſcopus à ſine ſumitur, non à
 cognitionis qualitate aut modo. Itaq; conſtat ſcientiam iudi-
 ciorum

ciorum ea parte Astronomie qua de motibus tractat esse utiliorē longē atque nobiliorem.

TEXTVS V.

Nēue quis à contemplatione eorum, quæ percipi possint resiliat, cum videat tam multa in vniuersum planè ab hoc circumfuso cœlo affluentes nobis causas declarare.

Cum declarasset hanc scientiam esse dubiam si ad scientiam motus astrorum comparetur, docet partem eam quam assequi licet non esse contemnendam, ut uero hoc doceat, declarat eam partem esse, testimonio hoc quod multa declarant cœlum ipsum in hoc uniuersum, id est, mundum inferiorem agere, quasi dicat eadem est ratio totius atque partis, sed de parte constat utpote de Sole tanquam principalissimo, de Luna etiam in aestu aquarum, igitur et de alijs.

TEXTVS VI.

Solet autem fieri, ut quicquid pauci assequi possunt, id in multorum reprehensionem incurrat.

Sententia huius loci est, quod omnis disciplina difficilis adeo ut pauci eam assequi possint, causa est ut multi illam reprehendant: quoniam cum pauci ueritatem assequantur, plerique ob difficultatem decipiantur, scientia illa inanis existimatur. Contingit enim in pluribus hominibus quod in uno homine, nam si unum hominem uideris qui quampiam artem profiteatur, in pluribus uero aberret quam diuinare possit, quis illius scientiam non inanem esse dicat? Nam in multis predictionibus quæ sine arte fiunt et omnino fortuito aliquando diuinare licet, imò contingit et necessarium est.

Ergo

Ergo si in pluribus hominibus pauci diuinare soleant, multi errent cum quisq; artem tenere se dicat, artem illam inanem, uulgus existimabit.

TEXTVS VII.

Harum verò duarum scientiarum, quam loco & potestate priorem diximus, si qui calumniari velint, meritò cæci prorsus habeantur.

Clara est sententia huius loci, quoniam mathematicæ demonstrationes reprehendi non possunt, neque enim in his, teste Aristotele, decipi hominem contingit, aut aberrare: propterea qui eam scientiam reprehendere ausus fuerit, uizio aliquo animi uelut odio disciplina aut luore profitentium, aut petulantia obcecatus est. Verum dicet quisspiam nonne ab Auerroë eccentrici & epicycli reprehenduntur? qui tamen ad genus demonstratiuum proculdubio pertinent: hos autem Ptolemæus in sua Magna compositione supponit. Sed non est ita, nanque Ptolemæus neutrum horum esse supponit, sed dicit si ita esset, ratio motuum astrorum, & experimenta seruari possent. Conclusiones igitur quæ demonstrantur in scientia a Ptolemæo sunt certissimæ quamuis media sint ficta, neque hoc inconuenit. nam cum Archimedes sphaeræ magnitudinem, tum illius superficiei per conos demonstrat quæ intus clauduntur, qui quæ sphaeræ spatium complent, fictis utitur medijs: non enim sphaera conis constat, neque si conis inscriberentur illam complere possent, nisi prorsus essent infiniti, infinitum autem esse non potest.

TEXTVS VIII.

Sed altera præbet sanè nō leuē occasionem

int

infectatoribus. Nam alij difficultate cognitionis adducti scientiam esse negant, alij quia non facile quæ impendere sciant, possint enuntari, inutilem etiam finem cognitionis criminantur.

Nunc declarat partem scientiæ quæ ad iudicia spectat, propter difficultatem occasionem præbere maledicendi de arte duobus modis, altero quidem quod uera non sit, reliqua quod & si uera sit, inutilis tamen censi debet. Ex quo patet difficiliorem esse hanc, scientiam scientia motus astrorum. Tum uero relicta expositione duarum illarum obiectionum, transit ad contradicendum, uerum nos decet prius exponere rationem Phauorini superius tactam, qua non ueritatē artis oppugnabat, nam de hac quidam quibus forsitan temporis abundantia erat non unum sed multos atq; etiam prægrandes scripsere libros, adeò quibusdam iudicium peruersum est atq; corruptum, ut propter ambitionem aut stultitiam uelint tantum temporis multumq; laboris in oppugnanda ueritate consumere, sed eam qua inutilem docet esse artem etiam si uera sit. Er atq; ratio sanè persuasiva, dicebat enim: Si quæ futura sunt mala, auerti nequeunt, & nos diuturno metu torquent atq; diseruciant. Sin bona, omnimò etiam non præscientibus uentura erunt, atq; maiore cum uoluptate. Nam eam dulcedinem quam repentina felicitas affert, cognitio antequam ueniat, & expectatio aufert. Itaq; si futura necessario uentura sunt, præscita aut minorem uoluptatem afferunt, aut maiorem tristitiam. Cui rationi Ptolemæus respondet uno uerbo, quod futura possunt immutari. At Phauorinus dicet, quod talia futura non erunt, si mutari queant. Verum Ptolemæus respondebit, quod futura non sunt per se futura sed in comparatione, uelut si præsciam calorem magnum

grum & sitim occisuram oues meas in edito monte pascen-
tes, excauato specu & fonte non morientur. Ergo Astrolo-
gia non est de rebus futuris, sed comparatione causarum ad
suos effectus solum, his autem contingit ut futuri sint.

TEXTVS IX.

Proinde antequam ad explicationem sin-
gillatim accedamus, placuit exponere ratio-
nem vtriusq; quatenus & possit hoc modo,
& vtile sit prænosci futura. Possit autem prio-
re loco disputabimus.

Docet hic Ptolemæus prius explodendos illos duos erro-
res, quibus ars inutilis esse uideretur seu nulla esset, seu etiam
quod esset nihil prodesset. Cum enim hæc ut declaratum est
cognitio ad artem non ad scientiam referatur, sublato fine
quo ars consistit, ars nulla esset. Sed dices ex primo Physico-
rum non pertinere ad artificem disputare contra negantes
sua principia. Verum non ad artificem, sed ad primum phi-
losophum naturalem in scientijs; at uero in artibus, ut Gale-
nus facit, experimento pugnandum. Itaq; primum dicit dispu-
tabimus contra eos qui negant aliquam esse cognitionem,
deinde contra illos qui dato quod sit affirmant esse inutilem.
Ex quo patet aliquos esse mentis habitus qui ex nullo quinq;

generum in quæ habitus diuiduntur erunt, uelut gra-
tia exempli, qui figuras Geomantia norunt fabri
care, & qui cicere collimabat merito ab

Alexandro Magno cōtemptus, in-

quit enim Galenus, artificia-

lium preceptorū com-

mune est, ut sint

utilia.

✱

Caput

Caput secundum.

TEXTVS X.



Rincipiò euidentissimum est & non indiget verbosa probatione, pertransire & diffundi vim quandam ab ætherea & sempiterna natura, in vniuersa terræ circumposita & semper mutationi obnoxia, quæq; sub Luna sunt prima elementa, ignis & aëris, quæ quidem ipsa includantur & agitentur æthereis motibus, includant autem & coagitent inferiora omnia, terram & aquam, & quicquid in illis nascitur animantum aut germinum. Nam & Sol ipse vnà cum coelo circūdante omnia terrestria perpetuo quasi ordinat, non modo per mutationes statorum in anno tēporum, quibus animantibus vita, germinibus fructus quibusq; suis tribuitur, & laticum fluctus & corporum affectiones procurantur, verum et quotidiano circuitu, cum calefaciens & humectans, tum arefaciens & refrigerans constanti ordine & modo pro figurationibus conuenientibus ac puncto verticali nostro. Luna verò vt proxima terris, manifestè in terrena influit, cum illa enim consentiunt & commutantur pleraq; omnia & animata & inanimata. Ipsi fluuij nunc augescūt, nunc decrescunt,

secun

secundum Lunarem splendorem. Ipsa quoque maria impetu diuerso, pro eo ac illa oritur aut occidit, feruntur. Denique germina ac animantes aut omnino aut aliqua ex parte vna cum Luna incrementa & detrimenta sentiunt. Iam stellarum decursus plurimum significant in aere, vel aestus, vel ventorum, vel hyemis, quibus conuenienter & terrena afficiuntur. Ipsarum autem inter se configurationes, cumque congressae effectiones suas commiscunt, plurimarum & variarum mutationum causae sunt. Nam quamuis Solis vires in ordine generalis constitutionis antecellant, ipsae tamen in reliquis aut adiciunt aliquid illi, aut demunt. De Luna quidem res est & manifestior & crebrior per interlunia & plenilunia, atque item medio tempore, de reliquis autem & incertior & interuallis rarior: ut dum illae apparent aut occuluntur, aut aliqua in declinatione sunt. Quae si quis considerauerit, facile intelliget non modo constitutiones rerum affici ab illarum motibus necesse esse, sed etiam seminum & initia & perfectiones fingi & informari, pro habitudine coeli consequens indicabit. Quapropter qui inter agricolas & pastores praeter ceteris sunt diligentes, de flatibus eorum temporum quo sementem fecerunt aut pecus ad coitum admiscere, coniecturam facere solent

de euentu. Et vt breuiter dicam, Quicquid in vniuersum accidit, hoc non contemplatione naturæ, sed sola obseruatione de euidētibus Solis & Lunæ configurationibus, & reliquarum stellarum significationibus præuideri à plerisque cernere est.

Diuiditur hoc caput in quatuor partes principales. In prima docet esse influxus & regimen astrorum in hæc inferiora. In secunda docet hunc influxum & hoc regimen sciri posse, ibi: Atque horum nonnulla. In tertia declarat causas quare errores multi contingant in hac disciplina, ibi: Quod autem non. In quarta recolligit & docet quæ necessaria sunt, ne quis aberraret, ibi: Ex his igitur. Liqueat autem quòd neque plures partes erant necessariae neque pauciores, nam cum decretum esset declarare, quòd ars hæc sciri posset, & nō posset hoc declarari nisi prius demonstraret rem, quæ sciri debet esse: hæc autem est influxus seu regimen stellarum, necessarium fuit docere primò hoc regimen hunc influxum esse. Deinde in secunda parte docere, quòd hic influxus & hoc regimen sciri potest, & quia obieiebatur quòd multi aberrant in hac arte prædicendo. Tertio loco respondendum erat huic obiectioni docendo quibus causis fiat ut Astrologi aberrarent in iudicijs. Quarto cum instruendus esset Astrologus ne aberraret: id uero nō promptè fieri poterat, nec facile aut perfèctè nisi cognitis causis propter quas homo aberrat. Nemo enim morbum ex arte sanat nisi prius eum cognouerit, ideo pars hæc illam proximè sequitur, atque hæc de uniuersali diuisione. Ceterum de singulari cuiusque partis ratione mentionem facere, propter prolixitatem haud expedit: tum maxime quia Auerroës dicebat exquisitum hunc diuidendi morem in explicandis authoribus, quem quidam claritatis causa nomine quidem

quidem latini sed oratione potius barbari obseruant, si-
gnum esse debilitatis uirtutis eius qua homo intelligit atque
cognoscit.

Pro declaratione igitur textus, sciendum est quòd author
intendit probare duo, primum quòd hec inferiora ab astra
gubernantur, secundum quòd dispositio astrorum quæ ex
principio aliquid generat aut facit, sufficit ad conseruandum
atq; gubernandum illud quod genitum est aut factum, usque
quo ad finem peruenerit. Hoc autem erat necessarium ipsi
Ptolemaeo demonstrare, quia cum propositum esset docere
hanc artem sciri posse, oportebat dicere etiam astra horum
inferiorum sic esse causam ut causa illa sciri posset, causa au-
tem illa sciri non poterat nisi ad principij rationem deduce-
retur, quo cognito effectum ipsum intelligeremus. Veluti
quispiam nascitur uicturus quinquaginta annis, si astra so-
lum ita agerent uelut ignis coquendo lateres, qui non nisi
tamdiu coquit quamdiu præsens est, amoto enim igne lateris
coctio cessat, necesse esset Astrologo ut totum hoc spatium
annorum quinquaginta per singula momenta consideraret,
ut scire posset quid illi unoquoq; tempore boni aut mali uen-
turum esset. Vt igitur hoc facere non cogatur, necessarium
fuit aliquod principium statuere, ex quo si non omnia uentis-
ra, saltem eorum maxima pars penderet, ut eo cognito illa
cognoscerentur. Atq; illud idem in medicina manifestum est,
nam huius artis exēplo Ptolemaeus etiam maximè utitur, nam
medicus supposita tēperie quam ab initio genitura est conse-
quutus aliquis, de illius statu toto tempore uitæ suæ consti-
tuit, unde sanum semper & ægrum aut neutrum, uel etiam ut
multum appellatur. Vt igitur res ipsa melius intelligatur,
scire oportet quòd eisdē modis aliquid esse demonstratur, et
de illo ars constituitur. Constituitur autem ars artifexq; in-
struit, ut Gal. docet nono Artis curatiuæ duobus modis, ra-
tione

tione & experimento: ita ergo Ptolemæus docet astra in hæc
 inferiora agere experimento atq; ratione. Experimento qui-
 dem, dum singula prosequitur astra declarando actionesq;
 eorum. Ratione autē hac: Sol agit in ista inferiora, similiter
 & Luna, hoc assumptum experimento declarat, non quidem
 ut in alijs quod doceat, sed ab omnibus cōcesso, reliqua uerò
 astra eiusdem sunt naturæ atq; substantiæ cum Sole & Lu-
 na, igitur & reliqua astra in hæc inferiora agunt atq; illa
 gubernant. Assumptam hanc propositionem secundam, facile
 est declarare cū Aristoteles doceat in primo cœli quinq; esse
 corpora tantum simplicia, è quibus unum est cœlum, ut om-
 nes cœli pro uno corpore habeantur. Atq; hæc forsitan est cau-
 sa, cur apud latinos cœlum heteroclitum sit. Nam cum unum
 tantum esset, neutro genere in singulari solum dicitur. Cum
 uero quibusdam placeret plurali numero proferre, masculi-
 nē numerum illum significarunt. Vnde non quemadmodū tem-
 plum & templa dicimus, sic cœlum & cœla in plurali nume-
 ro. Sed cœlum atq; cœli. Igitur ut ad rem reuertar, sciendum
 est quod & Aristoteles secundo de Generatione & Corru-
 ptione utraq; partem quam Ptolemæus hic declarat diluci-
 de comprobauit, dicens: Ex planetarū accessu atq; recessu in
 articulo obliquo fieri generationes atq; corruptiones in istis
 inferioribus. Vnicuiq; etiam genito certum tempus circuitus
 deberi ab astris concessum quo uita peragatur, diuersumq;
 illud esse demonstrat in quarto de generatione animalium pro
 cuiusq; syderis natura, atq; propriæ reuolutionis mensura
 temporis. Itaq; cōstat ab initio cuiusq; geniti constitui quod-
 dam principium, quo cognito, totius uite illius peragratio de-
 cernatur atq; cognoscatur. Verum quia hæc pars tam prom-
 ptē à Ptolemæo ratione demonstrari non poterat, locum à
 communi consensu hominum in ea demonstranda sumpsit.
 Qui locus in artibus certè atque scientijs ualde infirmus est
 atq;

atq; debilis: Verum quia aduersus absurda dicentes nititur, licet eisdem armis repugnare quibus oppugnatur. Atq; hæc de generali expositione dicta sint, nunc textum ipsum quasi per paraphrasim declaremus.

Primum igitur manifestum esse supponit terrā & aquam à circumfusa undiq; coelesti ac sempiterna natura uim quādam recipere per ignis et aëris (sequitur enim opinionē antiquorum in hoc Aristoteliq; attributā) medium: quia cūcta quæ in terrā et aqua seu arbores sint, seu animalia, gubernantur ac agitantur: quod uerò istud sit euidens, declarat, quia manifestum est Solē non solum cum cœlo hæc efficere per motum illum quo in signifero delatus quatuor tempora constituit, in quibus manifestē omnia mutantur. Nam uerē plantæ quidē germinant, animalia uerò coeunt pleraq; ut aues a sinīq; æstate uerò fructificant plantæ, pulli animalium adolescunt, aquæ silent: autumno cūcta senescunt et arescunt: hyeme cōtrahunt & silent; contrā aquæ turgent & intumescunt, sed etiā motu diurno eadem fermē operatur. Nam ut Galenus in sexto Epidemiorum dicebat, partes diei naturalis partibus ipsius anni ^{plus diei} correspondent. Matutina quidē ueri, in qua homo letius exurgit sanguisq; mouetur letiq; omnia sunt, post meridiē uerò ^{est} calor ingens bilisq; feruet, prima uerò noctis parte melācholia dominatur, homo arescit et contristatur, post mediā uerò noctem pituita & somnus dulcis & iucunda quies mortalibus segnisq; torpor accedit. Nam quod homines prima noctis parte profundius dormiant, non id contingit ob temporis naturam, sed ob cibos adsumptos. Illud idem in floribus contemplari licet, qui quidē matutino aperiuntur optimeq; olent: a meridie exarescunt odorq; euanesceit, sub primam noctem quasi senescentes omninoque absq; odore contrahuntur, à media nocte constringuntur & humectantur roremque excipiunt loco umbrarum hyemis. Illud idem in Luna

Luna manifestum esse docet, quæ cum sit propinquissima terris, manifestè quidem animata omnia ut plantas ac beluas, ac pisces, & inanimata etiam ut maria & flumina agit ac mutatur: Quædam quidem manifestius ut Oceanum magis quàm mare Mediterraneum: & sinus quosdam ut Adriaticus, in quo Venetia, magis quàm reliquam partem maris, & mare magis quàm flumina, & fluminum quædam magis ut Nilum quàm reliqua. Tum uerò cancri magis quàm pisces reliqui: piscesq; ipsi magis quàm beluæ, & inter betuas mures & felles, imò manifestè afficiuntur. Recitat cōmentator (nam hoc nomine intelligo eum cuius nomē non ascriptum est.) In Aegypto fuisse taurum sacrum, cuius genitalia pro luminis Lunnæ ratione augeretur ac minueretur. Minus autē aues quàm pisces quòd sicciores omnibus sint animalibus, ideòq; etiā minus quàm beluæ, tamen & ipsæ quoquomodo à Luna afficiuntur. Similiter & plantæ atq; inter ipsas maximè lunaria appellata, ob id quòd Lunæ motibus afficiatur uariisq; formis eius uarias & ipsa induat figuras. Cōmentator affirmat suo tempore fuisse lapides qui rationem incrementi Lunæ ac diminutionis sequerentur. Intellexi lapidem fuisse, qui in manus Pontificis Leonis decimi peruenit, qui pro uarietate luminis Lunæ ex cæruleo in candidum transiret: Lapidem quoque in chelis cancerorum inuenti mutationem luminis Lunæ sentire uidentur. Alium intellexi fuisse lapidem seu gemmam: namq; gemma nobilior erat in manibus Pōtificis, ni fallor, Clementis septimi, postq; eius mortem subreptū ac Mediolanum translatum, illòq; qui eum attulerat in arce capto non potuisse tamen haberi. Is lapis maculā habebat quæ iuxta Solis motum singulo die oriens atq; occidens circumageretur. Sed & ligna cedua quæ inter inanimata meritò censentur, mutationē magnam à motu Lunæ sentiunt. Et quamuis de hac mutatione contrariæ sint opiniones, mutari tamen ea constat. Sed & capil

*L. Apigne
pōtis p. de
reptus*

L. lapid.

capilli reseci post pleniluniū serius crescunt, ut qui à nouilunio celerius. Quod uerò dixerit figuræ conuenientes & uerticis punctū causam esse ut Sol uario modo nos afficeret, idem in Luna quoq; obseruandum est, quamuis non tam euidenti mutatione neq; insigni. At enim cū Sol in medio cælo uerticēq; nostro fuerit, egregiam mutationem in aëre & animantibus parit. Sunt etiā herbe quædam quæ iuxta Solis motum circumaguntur, uelut Lupinus & Heliotropiū. Similiter & ægri plerūq; à meridie deterius se habēt & usq; ad mediā noctem, obseruatūq; est plures eorum qui grauitè egrotāt eo tempore mori, quā à media nocte ad meridiem usq; quod in ea medietate diei naturalis quæ à meridie est usq; ad mediā noctem Sol perpetuò descendat, ut in reliqua ascendit. Quod etiā in Lune motu euidentius quandoq; est. Sed & præsemina unguium & medicamentorum opera mirum in modum pro Lune qualitibus immutantur. Ad eōq; euidenter, ut qui astrologiam negant iudiciūq; tollunt, hos tamen Lune effectus cōfiteantur. Quod uerò dixerit conuenientes configurationes, intellexit primò Solis ascensum super terram, descensumq; tum locum nonū atq; undecimum, qui ut inferius declarabit, quod ascendens ipsum respiciant, robore pollent, ut contrā octauus atq; duodecimus locus infirmisimi sunt atq; debiles, quod nulla radiorum ratione ascendenti iungantur. Demum his declaratis quæ ad Solē & Lunā pertinent, quæq; manifesta sunt, ad genus de quo est dubitatio transit, scilicet utrū reliquæ stelle aliquid agent in hæc inferiora, utiturq; ratione & experimento. Experimento quidē sumpto, prout decet eum qui artificiosè docet, à manifestissimis: Nam ortus syderū atq; occasus adeò euidentes temporum mutationes faciunt, ut ab omnibus qui naturales res scripserunt temporum obseruationes iuxta ea descriptæ sint. Et clarissimi medicorū, inter quos Galenus, tum etiam Hippocrates, tem-

Cams

Boetio

Apho per luy

Rto

Cams

pora anni magis ab his quàm à Solis locis distinxerint. Et ut aliquid pro exemplo adducā, nōne Canicula exoriente munda immenso estu afficit, maria turbat, plantas arefcere facit, canes in rabiem agit, siccātq; cuncta, ut contrā Arcturus exoriente pluuias & imbres facit? Quod etiā in configuratōnibus maxime autem coniunctionibus magnorum syderum, & in his precipue qui cōtrarijs sunt domibus (hæ autē sunt quatuor, Solis & Lune cum Saturno, Mercurij cū Ioue, Veneris cum Marte) facile quilibet perspicere potest. Nam modò uenti, modò imbres magni, modò frigus innēsum fit. Ratione uerò sic agitur: Quoniam planeta cum iunguntur Soli, illius augent uim aut minuūt, omne enim corpus corpori iunctum, aut illud impedit aut confirmat, quo fit, ut cum ex eodem genere sint, ut etiā illius potentiam uariant, augeant minuantq; Atq; id uerū est de corporibus quæ cum lumine coniuncta sunt. Nam si quis ingenti faci exiguam candelam appproximauerit, uidebit & lumen & opus uariari, nā & prius lumen confundetur aliqua ex parte, & diuersa erit ratio coloris, maiorq; ex parte ubi lumē ipsum affuerit. Atq; hæc ita fiunt, cum tamen candela ipsa neq; colligat neq; reflectat lumen ipsius facis. Rursus uerò loco candelæ speculum applicetur quanquā exiguum, uidebis quantam uarietatem & in lumine & in calore & in umbris pariat. Modò uerò sydera cum Sole uicē & speculi & candelæ referunt, nec parua adeo sunt, imò quædā parum diametri comparatione à Solis magnitudine differunt, ueluti Iupiter & Saturnus & Canicula, quam etiā Sole longè maiorem esse haud dubium est, manifestum facit quantam mutationem in influxibus Solis atq; operibus factura sint. Videtur enim actio Solis maxima esse atq; præcipua, non tamen sola atq; inuariabilis. Quod autem ita sit, per Lune cum Sole congressus hoc demonstrat. Nam proculdubio iā de Luna conclusum est quod multa operetur &

agat

agat quasi per se, iam ergo etiam cum Sole agere & operari manifestum est, per ea quæ nuper adduximus exempla. Sed & cōmentator pro exemplo addit quòd tria faciunt ad temperiem hyemis, Mars in Cæcro & Leone, Saturnus in Aquario, & Iupiter cū Sole. Eadem æstatem ætuosam & longissimam reddunt. Ratione quidē clara conspicuūq; Nam Saturnus cum plurimum abest, frigus augere non potest. Mars quidā paruus Sole est, Iupiter cum Sole calorem illius maximē auget & fouet. Contrarijs rationibus hyems seuæ & æstus temperata fiet, ut si Sol & Mars & Iupiter absint in Aquario, Saturnus uerò in Cancro uel Leone. Illud igitur idem eadem ratione & in alijs syderibus manifestum erit: uerum, inquit, cum reliqua sydera omnia tardius motu proprio longē quā Luna moueātur, idcirco tribus de causis, quarū tamen tantum duas explicat, syderum aliorū opera obscuriora sunt quā Lunæ. Prima, quòd propter tarditatem non adeò frequenter licet obseruare actiones eorum. Secunda, quòd tem-
pus exquisitū non adeò licet habere declinationis aut coniunctionis uel occultationis, aut cum primum apparere incipit propter motus tarditatē, unde incerta fit obseruationis ratio. Tertia quia eadē tarditate fit ut opus ipsum sensim fiat: quod autem sensim fit, occultius est quā quod statim etiam si longē sit maius, ueluti de motu Solis in cœlo & lapidis proiecti in aëre, si alter ad alterū cōparetur, liquet. Quæ si quis consideret non modò in temporum constitutionibus sed etiam in seminibus serendis propagandisq; plantis, ceterisq; alijs utpote pecoribus & iumentis procreandis sydera esse causas atq; obseruanda esse existimabit. Testimoniū uerò sumit a pastoribus & agricolis, qui ex uentorum uarietate prouentum segetum & propagationem animalium certa ratione cōiectantur. At uerò uentos cum ad generalem pertineant cōstitutionem, ex syderū configurationibus pendere docuit. Igitur à pri-

mo ad ultimum propagationes animalium & prouentus segetum, taliâq; omnia eiuscemodi à syderibus pendent. Et ut breuiter dicam, quicquid in uniuerso fit seu ad temporum mutationes pertineat seu ad generationem interitumue plantarum aut animalium, id totum ad syderum motus & naturas atq; configurationes referri debet, atq; ex his præcognosci. Quandoquidem eos qui talia prædicunt non ex natura rerum neq; ex parte cognitionis quam à philosophia sumpserint, sed ex syderum obseruatione prædicere uidemus.

TEXTVS XI.

Atq; horum nonnulla excellentiore quadam vi & simpliciore ordine procedentia intelligunt non modò penitus indocti homines, sed & bruta animalia quædam, sicuti sunt temporum & flatuum annua discrimina, quorum semper est Sol author. Quæ verò maioris negotij sunt, ea tamen non fugiunt quosdã necessitate rerum suarum adactos ad obseruationes. Vt nauitæ, sciunt illi quidẽ significationes certas hyemis & ventorum, quas dant & Lunæ & fixarum stellarum cum Sole configurationes: verum quia neq; tempora neq; loca, quippe imperiti Astronomicæ scientiæ, notata, neq; cursus stellarum errantium collectos habent, idè non raro contigit illos errare. Quid autem obstabit quo minus qui exquisiuerit stellarum omnium atq; Solis & Lunæ motus, vt iam nullum configurationum neq; tempus neq; locum ignoret, si etiã ordine & cõsequentia expositionis harum rerum percepto distinctas naturas omnium

quæ

quæ diximus perspexerit, nō iā dico quæ in rebus subiectis appareāt, sed quarū effectiones potestate cōstent, vt quòd Sol calfacit, Luna humectet, dēq; reliquis similiter, siq; is sit, cui ingeniū hac in parte suppetat, quid inquam, obstabit, quo minus naturaliter & certò ex omni cōmīstione, proprietatem habitudinum discernere possit, ita vt de quocunq; tempore proposito explicet iuxta rationem eorū, quæ tū in cōlesti contemplatione obseruauit, circunfusi cōeli proprium modū & statū, veluti futurū aut calidiorem aut humidiorē? Similiter vt hominū propriæ singulorum constitutionis generalem cognitionem habeat, collectā à statu circūdantis cōeli, veluti, corpus ali cuius tale esse, talē autem animū, quæ etiā consequetur casuū singulariū præuissio, nempe q; talis cōeli status, tali constitutioni aptus sit & cōducat ad prosperitatē, talis verò cōtrarius & in aduersa impellat. Hæc igitur fieri posse vt percipiātur, ex his atq; similibus facile patet.

Exequitur propositā rē declarare atq; principale, scilicet futurarum rerū per astra certam esse scientiā, atq; illam hoc modo ad syllogismum reducemus orationē. Quæcunq; ex simplicibus constant quæ facile cognosci possint, ea ab excellentiore ingenio & diligentiore cura cognosci possunt, uerum astronomica talia sunt, igitur astronomicorū iudiciorū scientia habetur: Maiorem propositionē declarat, quia quedam sunt adeò euidētia & simpliciore ordine procedunt & ab efficaci

ficacibus causis eueniūt, ut non solum homines parui ingenij, uerum bruta animalia quadā uī naturæ, occultāq; præcognoscant, ueluti tēpora anni, quis enim ignorat mense Decembri futuram hyemē, Martij uer, Iunij æstatem: Vnde & piscium genera quadā apparant se gregatim ad peragrationes antequam tēpora aduenerint. Et similiter aues nidos præparant. Similiter & Fauonij post initiū Februarij spirare incipiunt, ut Etesia sub æstate, quos uentos ut & alios certis fermē temporibus adeo tuto expectare licet ut reditū planetarum ad loca constituta, omnia autē hæc ob id faciliē dignoscūtur, quoniam a Solis motu pēdent. Porro cum Solis motus sit inter omnium syderū simplicissimus, & Sol ipse astrorum potentissimus ut non faciliē impediri possit quod decernit, & certo & faciliē, & constitutis tēporibus præscire quæ expectantur contingit. Quæ uerō motus magis uarios habet, & non adeo robusta sunt, sunt tamē simplicia, ab his qui non omnino rudēs sunt sed aliquam artem tenent, præsciri possunt, uelut ea quæ a Lunæ & stellarū fixarum cum Sole configurationibus pendent, qualia sunt procellarum & uentorum fortuiti quidam euentus nautæ cognoscunt. Et si motuū astrorum paulo diligētiorē notitiam haberet, exquisitē talia prædicere possent. Quid igitur obstat quod si quis naturam horū syderum per spectam habuerit & numerum motuum perfecte teneat, sit quoq; præstantis ingenij uir, & norit ordinem & consequentia rectē concludere, quin per has notas qualitates calidi, frigidi, humidi & siccī quocunq; tēpore proposito ac loco qualitates status aëris cognoscere non possit: Inde ut ex qualitate circundantis nos aëris etiā qualitatem corporis primò quidē generaliter omnium hominum simul, deinde singulorum dum nascuntur, ultimò uerò præsentis status, agnoscat. Ut pote si Soli Mars iungatur in Leone, arida quidē primò atq; feruens erit constitutio tēporis illius, tum uerò omnium homi-

num generaliter: & qui eo nascentur tēpore calidi erunt atq;
 sicci immoderatē, præsertim cordis, atq; ob id animi iracundi
 crudelis, ambitiosi, prōpti, rapaci sq;. Qui uerò iam nati sunt
 his quidē qui frigida & humida sunt intemperie præditi, sa-
 lutem afferet corporis, atq; animi moderationē: illis uero qui
 calido & sicco sunt tēperamento, ardorem, æstum, morbosq;
 ob id biliosos, iram quoq; imò iracundiā & præcipitem ani-
 mum præstabit, hecicos uerò debilesq; iā factos immoderata
 caloris & siccitatis intemperie enecabit. Manifestū est igitur
 quonā pacto ex simplicibus qualitatibus, ac primis stellarum
 Ptolemæus in constitutionē temporis primò, inde hominū ge-
 neraliter, tum temperiei singulorū, tum qualitatū corpo-
 ris (qui enim calidi & sicci cordis sunt, hi idē hirsuti pectore
 & graciles erunt) inde ad animi qualitates procedens, auda-
 cia puta & furoris cognitionē deueniat. Deinde etiam ad sin-
 gulorum salutem, aut morbos aut mortem, aut casus alios
 fortuitos procedet. Atq; hæc de textus expositione dicta sint.

Ceterum tria quæ ad intellectum pertinent, silentio per-
 transire non par est, primum quidem quod manifestum est
 Ptolemæum existimare mutationes corporum humanorum
 ceterorūq; non fieri nisi per ambientis nos aeris mutatio-
 nem, utque dicebat Poëta:

Limus ut hic durefcit, & hæc ut cera liquefcit

Vno eodēq; igni.

Sic ex ambientiseadem constitutione uarios in uarijs corpo-
 ribus effectus contingere atq; etiam casus. Alterum est, quod
 quanquam Ptolemæus omnia in primas qualitates referre ui-
 deatur, non tamen id haud uerum est aut uerum esse putat.
 Nam inferius edocebit ex figurarum natura & proprietatibus
 etiam stellarum, propria quædam significata, pro-
 priosque quosdam casus, & euentus pendere. Et iureme-
 rito quidem, nam & medici proprietate rerum quasdam

ha

habent quæ uel omnino à primis non pendent qualitibus,
 uel omnino in illas referri nequeunt ulla certa ratione. Quod
 perinde est quantum ad artis tractationem pertinet, ac si om-
 nino ab illis non dependeant, causa uerò propter quam au-
 thor hic harum proprietatum non meminerit, sed omnia in
 primas transtulerit qualitates duplex est. Prima quidem, ut
 aduersus negantes Astrologiā euidentibus & manifestis sup-
 positis, atq; principijs procederet. Altera, ut doceret lecto-
 res se artificiosam non inconditā tradere doctrinam. Quam-
 obrem & Galen. in libris de Simplicium medicamentorum fa-
 cultatibus in totum ab hoc genere causarum abstinuit. Non
 quod illas esse non crederet, nam de eis ibidem tractaturum
 seorsum pollicetur, sed quoniā tractatio illa quāuis pulcher-
 rima in artem tamen reduci non poterat. Nunc uerò tertium
 adiiciendum præceptū est, quo docemur ut manifestissima esse
 intelligamus opera uniuscuiusq; syderis, quanto sydus ipsum
 maius est, ac motus uelocior, ueluti ut existimemus manife-
 stissima esse opera Lunæ post Solē, inde Veneris post Mercu-
 rij. Nā Mercurius ut celerior est, ita Venus robustior ob ma-
 gnitudinem, inde Saturni post Iouis, atq; hac in cōparatione
 ad Solem. Mars igitur obscuriora habet opera quod serius
 Soli coniungatur, sitq; minor Ioue & Saturno. Stellarū ue-
 rò fixarum opus manifestius est opere trium superiorum, ca-
 rum dico quæ magnitudinis sunt conspicuæ aut saltem me-
 diocris cum parua latitudine, minus uerò quàm Mercurij et
 Veneris. Quoniam enim tardissimè mouentur singulo fermè
 anno, imò dicā simpliciter singulis annis Soli iunguntur. Ve-
 nus uerò propter Epicyclum sæpius, ac longè sæpius Mercu-
 rius iunguntur Soli in anno. Quo uerò ad opera Lunæ, fixæ
 quidem manifestiora ostendūt opera & maiora, inde Satur-
 nus, deinde Iupiter, ac Mars, & Venus, ac Mercurius. Ho-
 rum omnium causa est, quod sæpius redeunte planeta leniore

Opto spōns
 maris qd mo
 tu velocius tato
 tato qd ma
 nifesti spō qd

Stella obscuriora

Stellæ apus

♀ & ☿ (2 pr)
 i anno 365
 iunguntur

cur ♀ & ☿ in qm p 24 h p p m a l p r aut p p p p p p p p p p ad

ad congressum alterius qui tardius mouetur, seu per coniun-
 ctionem, seu per radios illi applicetur, proportionem enim hæc
 sibi inuicem respondent, quod polliciti fuerant ab initio se-
 pius repetendo confirmant atque augent. Verum Venus ac
 Mercurius cum nunquam Solem respiciant, alios loco horum
 affectus patiuntur, illius comparatione.

TEXTVS XII.

Quod autem non sine causa, quamuis im-
 merito, quasi fieri, vt percipiantur, nequeat,
 calumniam sustinent, nunc deinceps docere
 conabimur.

Hic incipit tertia pars præsentis capituli, in qua docet casus
 errorum in iudicando, diuiditurq; in tres partes pro-
 prias, in quarum prima ostendit duas causas generales erro-
 rum, qui contingunt his qui futura prædicere student, huius
 partis initium est (Primum quidem) In secunda docet duas
 causas errorum, qui contingunt in prædicendo de constitu-
 tionibus temporum, ibi: At est manifestum. In tertia ostendit
 tres causas principales errandi in prædicendo casus homi-
 num per natiuitates, ibi: Quod autem ad. Subijcit ergo pri-
 mam causam generalem.

TEXTVS XIII.

Primum quidem intelligendum multa er-
 rata eorum, qui parum accuratè in re magnæ
 & multiplicis considerationis versentur, de-
 rogare fidem scientiæ, & facere vt fortuita vi-
 deantur etiam quæ veritatem complectun-
 tur. Quod non rectè fit. Nam hæc imbecilli-
 tas non est scientiæ sed professorum.

Primum hoc peccatum quamuis uideatur uulgare, nõ ta-

men

men est negligendum. Nam hoc tempore maximè uiget. Nam rem difficillimam, & maximè industrie adeò oscitanter tractant, ut artem in maximā uituperationem deduxerint. Nec immeritò dicere solebat Ioannes Marlianus uir grauis iudicij, Si uis diuinare, totum contrarium ad unguem dicitò eius quod Astrologi aut pollicentur, aut minitantur. Adeò uerò in hoc errauerunt ut non inanem tantū, sed infamem disciplinam reddiderint. Neq; enim uix centesimam, aut laboris, aut industrie, aut diligētiae, aut tēporis partem impendunt eius quam impendere debent. Nec solum tunc cum inquirere uolumus futura negligentia delinquimus, sed cum ars ipsa discenda est, laborare oportet. Oportet enim, ut Ptolemæus etiam docet, eum qui uult hanc artē profiteri cum honore & laude, ut has omnes duodecim conditiones habeat. Prima, ut sit ualdè ingeniosus: secunda, ut sit ualdè memor: tertia, ut sit prudens & boni iudicij: quarta, ut ueritatem omnibus alijs præponat: quinta, ut sit bonus Dialecticus: sexta, ut sit bonus philosophus naturalis: septima, ut optimè calleat astrorum scientiam, quæ motus & locos docet eorū: octaua, ut sit bonus Arithmeticus: nona, ut clarissimos sui temporis uiros audierit, & qui experimenta artis de se egregia & admiranda dederint, similiter & operam his libris dederit, qui à clarissimis eius artis authoribus conscripti fuerūt: decima, ut sit assiduus in studijs & laboribus, atq; illi arti fermè totus intentus: undecima, ut diu ac longo tempore operam dederit ipsi arti, multaq; per se experimenta collegerit: duodecima, ut agriculturæ, nauticæ, militaris ac medicæ artis, tum situs locorum, habitus hominum, morum illius regionis, legum, & religionis, consuetudinisq; uentorū, & generaliter omnium rerum quandam habeat mediocrem cognitionem. Nam si Architecto hæc necessaria sunt, teste Vitruuio qui de solis ædificijs tractat, et quæ tractat sub sensibus habet, quid de Astrologo

machan?



Codices
astrologi

Architecto

logo dicendum est, cuius contēplatio de omnibus est, & absq;
sensuum auxilio. Itaq; quantum & qualiter peccent qui hanc
artem tractant, & quā pauci sunt ad illam idonei, manifestum
esse existimo. Atq; hæc certē causa errandi maior per se
est omnibus alijs etiam pariter acceptis.

TEXTVS XIII.

Præterea bona pars quæstus gratia huius
scientiæ nomen & dignitatem alijs artibus va-
ticipatricibus prætexere consueuere, qui cum
fidem apud vulgus inuenerint, illis quidem
imponunt, cum videantur prædicere pluri-
ma, atq; ea quoq; quibus prædictis naturalis
nulla ratio subsit. verū qui rerum inquisitioni
student, ex eo ipso etiam damnant prædictio-
nes naturalibus rationibus munitas. Sed iniu-
ria, nisi & philosophiam è medio tollendam
censeamus, ideo quòd qui illam professi sint,
nonnulli improbi reperiantur.

Similem hunc errorem præcedenti, docet Ptolemæus ex
hoc quòd uitia Artificum in artem reijci non debent: Verum
dissimilem, quia præcedens error ad negligentiam aut naturæ
defectum pertinet, hic uerò ad mores cum lucri causa, alias
artes inanes tractando illas Astrologiæ uelamine muniunt.

Quemadmodum Geomantici qui primā figuram certo signo
tribuunt, ut gratia exempli minori fortune Taurum, atque
inde secundæ Geminos, ac tertiæ Cancrū, & ita usq; ad duo-
decimam figuram. Similiter et planetas eis adscribunt impu-
dentiſſimo mendacio. Alij uerò quod natus sit in die Martis,
uel Mercurij, Luna quinta uel sexta, mense Octobris, gratia
exempli fabulosam texentes historiā de futuris, artem natu-
ralem

ralem & egregiam infamem reddunt. Quidam nomen pro-
 prium & matris in numeros digerunt, & numeris planetas
 & signa adscribunt, mendacis absurdas artem hanc uitu pe-
 rantes. Sunt & qui cum non sint uideri uolunt lucrique pi-
 ditate artem profitentur, quā uix à limine salutarunt. Velut
 de illo refert Haly, qui quod uellet egregius Astrologus uide-
 ri, dixit se mirari quod cum cor Leonis (stella hæc est egregia
 signiferi) ad quintamdecimam partem Leonis peruenerit,
 quod mundus non conflagraret. Stultissimā hanc uocem au-
 diens quispiam ab eo quem peritissimum in arte iudicat, præ-
 fertim eo tempore quo fortè fortuna maxima seuit hyems,
 quis non irrideat meritò artis tam egregia & præclara iudi-
 cia? Neque id rarò euenit, ut rectè Petrus Arctinus scurra fa-
 mosissimus dixerit, Astrologos pulchrè prædixisse diluuium
 Anno M. D. XXIII. Quo mense nullus unquam serenior
 extiterit. Neque enim eo anno Februarius pluuias dedit, uel
 etiam saltē nebulas, cum soleat reliquis annis pluuiosus men-
 sis esse. Atque id egregium uaticiniū è sex errantium syderum
 concursu (omnibus quippe præter Lunam quod mirum est in
 piscibus) ortum habuit. Tertium genus est eorum qui quæ
 præstari non possunt arte, per artem pollicentur. Vnde rida-
 culi cum euadāt ipsi arti infamiā tribuunt. Velut de quodam
 recitat Haly, qui ex Marte in secundo loco uolebat propria-
 rum uestium furtum significari. Cum neque hoc de furtis pro-
 priarum uestium ab Astrologo possit prædici, quippe nimis
 singulare est. Nec si possit prædici ex tam generali causa præ-
 dicere licebit. Igitur hæc supra artem sunt, quæ tamen lucri
 causa illi præstare pollicentur. Quartū genus est eorum qui
 ob lucri eiusdem cupiditatē res inanes consinxerūt, ut partes
 & gradus debilitatis & putei, taliq; multa quæ non solum
 ab Arabibus, uerum & à Guidone Bonato atque cōditoribus
 Ephemeridum descripta sunt. Atque his eisdemq; rationibus
 interro

Petrus Arctinus

Diluvium

interrogationes, atq; electiones finxerunt, quibus pecunias
 corradarent. Vnde tecum æstimaleſtor qualem riſum moue-
 rint qui uēdita electione, inſeliſſimū illi exitum pepererunt.
 Cum multi in eadem cauſa nullo utentes Aſtologi conſilio
 ſeliſſimē rem peragant. Atq; ut ex multis unum euidentis ac
 præclari exitus exemplū referam hominis à me cogniti: Fue-
 rat Princeps Mediolanenſis prouincie Ludouicus Sfortia *hiſtoria*
 qui quæſtuofum Aſtologum, quīq; nihil minus quā Aſto- *Ludouicus*
 logiā ſciret (erat enim ex his quos Ptolemæus hic merito ſu- *ſp*
 gillat) aleret, eūq; ditauerat egregiē centum atq; plus ma-
 gnis aureis talentis. Ab hoc pro tanta mercede tēpus unicuiq;
 negotio inchoando præſcribebatur, adeo ridiculē ut ſapien- *ſelatio*
 tiſſimus alioquin princeps cogeretur tempeſtatibus maximis
 e quos conſcendere, totāq; auleam cohortem & ſtipatores
 per medios imbres, per cœnum atq; lutum tanquam hoſtes
 uel inſecuturus, uel ſugiturus deducere. Neſcio an Aſtologi
 amētia an ambitione ſumma, an potius irriſione: Vt qui Prin-
 cipi ipſi talibus commentis per flagitium illuderet. Atq; ei
 quod nullis alijs prorſus prouincie noſtræ Principibus con-
 tigerit unquā, euenit, ut Regno ab inimico Rege ſpoliatus,
 & captus miſerē uitam in carceribus, etiam colapho accepto
 & in elatrata ferrea dormiens, ſinierit. Itaq; id ad artis uitæ *elatrata*
 perationem minimē pertinet. Vnaqueq; enim ars quanto no-
 bilior eſt eo pernicioſior, ſi per ſycophantas adminiſtretur.
 Quid enim ſanctius religione? quid iniquius perdito ſacerdo-
 te? Quid melius Iuriſprudētia? quid deterius improbo Iuriſ-
 conſulto? Medicina utiliſſima eſt humano generi, uenefici &
 ipſi titulo ſanctiſſimæ artis, peſſima admittunt flagitia. Sex-
 tum genus hominū, qui eadem cauſa peccant eorum eſt, qui
 ſeruientes Principibus aut magnis uiris ut pecuniam extor-
 queant, leuiſſima quæq; & quæ nullius prope ſunt momenti
 ſelicitatis indicia pro maximis ac ſecuriſſimis ducunt. Quod
 c 2 fami

Julius Firmicus. familiarissimum est Iulio Firmico. Is enim ex minimis causis atq; configurationibus, puta accessu Lunæ plenæ luminibus ad Iouem, prouincias, & administrationes, & regna etiam decernit. Nescio an impudentius, an stolidius cum multi talem habentes configurationem uomere terram uertant, aut in parua nauicula operam menstruam alijs collocent. Ptolemaeus tamen primi generis tantum meminit tanquam notissimum, & cuius medio cum causa ut dictum est nota sit, atq; eadem, scilicet lucrum, alia membra diuisionis nota fiant.

T E X T V S XV.

At est manifestum, multū falli in hac parte etiam diligentissimos & summo studio in mathematicis versatos. Non fit hoc propter quicquam eorum quæ diximus, sed rei natura & infirmitate profitentium in tanto onere professionis. Nam præter quod materia pro quo modo sese habeat, generaliter consideramus, non certitudine aliqua sed coniectura, præsertim quæ ex multis diuersisq; rebus concreta sit, hoc quoq; accidit, ut configurationes quas veteres tradiderunt, & quibus nos iudicia accommodare consueuimus, pronuntiantes de ijs quas nunc obseruamus, ut illi olim: eæ igitur configurationes ne semel quidem cum nostris similes & cōgruentes repertæ sint. Nam magis quidem aut minus cōcordare possunt, atq; id quidem immensis temporum ambagibus, prorsus autem conuenire nullo modo, cum omnium rerum cœlestium simul ac terrestrium

reftrium inſtauratio (nifi cui lubeat inanitate
quadam glorioſa oſtentare ſciētiam & perce-
ptionem earum rerum quarum nulla eſſe po-
teſt) aut non ſit prorsus expectanda, aut non
intra ſaltem tempus quod humano intellectu
comprehendatur. Si quando igitur in prædi-
cendo erratum fuerit commiſſum, ex eo uſu
venit, quòd ſubiecta exempla diſſimilia inter
ſe fuerint. Atq; hæc vna eſt in aëris explora-
tione difficultas, ad quam nulla accedit cauſa
comperiendorum motuum cœleſtium.

Non ſolum ex errore artificum negligentiaq; aut etiam
improbate aſtronomica diuinatio percuſſa eſt, adeò ut no-
ſtris temporibus in tantum contemptum abierit, ut aſtrono-
mum conſenſus hominum communis, dicere aliud non exiſti-
met, quàm fatuum, quàm ſtultum, quàm inſanum, ita perſe-
uerans improbitas artificum artem ipſam perdit. Neq; deſpe-
randum ob id gloriam artis redimi poſſe, neq; uitium id artis
huius quiſquam eſſe putet, ſed temporum conditione ita ſe-
rente, cum Galenus teſtetur ſuo tempore actum eſſe de me-
dicina niſi quis Deus humani generis miſertus auxilietur, &
tamen modò nuper reuiuſcit atque floruit: Ita haud incon-
ueniens eſt artem hanc quæ olim quandoque ut temporibus
Gordianorum ſenioris ac iunioris Ceſarum floruit, aliquan-
do etiam priſtimæ ſuæ dignitati reſtituendam eſſe. Et certè
noſtra quantulacunque ſedulitate ſola effectum eſt, ut ſi ars
gloriæ eſſe non potuerit, tam proſtigatis eius rebus, ſal-
tem dedecori non fuerit: Atque pro una Genitura cen-
tum coronatos habuerimus, aliàsque reiecerimus non mi-
nore honorario remunerandas, & nobis quidem niſi ma-
iori

iori impedimento fuissent negotia magnarum diuitiarum,
 uel hoc solo nomine accessio in promptu erat. Neque euentus
 prädictionum minores fuerunt, ab arte à nobis restituta,
 præmiorum spe, aut principum pollicitationibus: neque si in
medicina tot sint artifices nebulones, tam pauci synceri pro-
fessores, maiorem illa habitura est auctoritatem apud homi-
nes quàm astrologia. Sed etiam quippiam proprium est astro
 nomice tractationi quo necesse est artificem falli. Idq; cum Pto
 lemaeus philosophus esset ac uerax fateri maluit quàm dissimu
 lare. Est etiam egregiorum uirorum mos errata propria fa
 teri, quoniam præstat se uirum probum atq; ueridicum osten
 dere, quàm mendacijs & dissimulatione sapientem. Tanta
 enim est huius artis præstantia ut etià si quandoq; contingat
 quietiam in alijs artibus ueluti medicina error necessarius,
 nihilominus neq; ars ipsa neq; artifex ulli alteri cedat. Nam
 & in septimo Epidemiorum quicunq; illius libri author fuit
 (& certe uir egregius fuit) ingenuè fassus est deceptum se su
 tura capitis. Et philosophus testatus est præstantius esse atq;
melius de rebus maximis uel minimum scire, quàm de minimis
uniuersa. Itaq; neq; scientia ipsa iudiciorum, nec qui eam pro
 fitetur minoris æstimanda erunt aut existimationem suam mi
 nuent, si quandoq; (tamen raro eueniet) error incidat necessa
 rius. Atq; hæc præfari necessarium fore duxi, nunc ad textus
 expositionem deuenio. Cum in omni actione naturali due
 cause sint omnibus quidem manifestæ, atq; principales, scilia
 cet materia & efficiens, nam finis & forma in faciendo non
 concurrunt sed alterum eorum necessarium est ut fiat, al
 terum uerò ut factum sit, ut actionis quidem sint due tantum
 illæ cause priores, effectus autem omnes quatuor. In utraq;
 causa principali Astrologum peccare contingit: in materia
 quidem quoniam coniectura illam assequimur, præsertim
 cum ex multis conflata fuerit, uelut cum de homine agimus.

Atq;

Cogni'ma
Xmax vbi

ambull.

Atq; in hoc scientia hæc est longè inferior scientia Fati, ut in *Libro de Fato*
 libro de Fato scripsimus. Et ob id contingit multa animalia
 magis præscire futura, & extasim patientes & per somnum,
 & longè magis oracula, itémq; sortes quàm Astrologum. Ex
 quisitiis enim ista scire possunt quàm Astrologus, quoniam
 totius materiæ imaginem habent, quàm Astrologus compre-
 hendere aliquando non potest, quamuis sagacissimus & dili-
 gentissimus. Sed tamen illorum scientia fortuita est, nec Astro-
 logi scientiæ comparanda, cuius est certa ars atq; præcepta.
 Altera causa est, quoniam configurationes cælorum nostris
 temporibus similes non sunt, neq; esse possunt antiquis, qua-
 rum similitudine ars ipsa confecta est. Ars enim omnis a sen-
 su & obseruatione initium ducit, ut etiam Aristoteles docet
 in Analyticis. Quamobrem cum Sol semper calefaciat & Lu-
 na humectet, non tamen neq; quantum, neq; quàm celeriter il-
 lud faciant, nisi per obseruationes, cõstat. itaq; tum propter
 hoc, tum propter proprias vires de quibus dictum est superius,
 necessarium est ignoratis obseruationibus Astrologum delin-
 quere. At necessarium est, ut hæ obseruationes aliqua ex par-
 te à prioribus differant, neq; enim ad unguem concursus syde-
 rum in æternum in idem redibit, aut saltem in tempore tan-
 to cuius memoria humana aut libri sint capaces. Alludit au-
 tem ad illud Vergilianum:

Atq; iterum ad Troiam magnus mittetur Achilles.
 Et opinionem illam Platonis de Anno magno qui constabat
 triginta sex millibus annis Solaribus, nunc uerò iuxta senten-
 tiam Alfonsi Regis Castellæ uidetur continere quadraginta
 nouem millia annorum Solarium: in tanto enim tempore
 octauus orbis qui stellas omnes quas uidemus continet, cir-
 cunvoluitur. Fuerit igitur gratia exempli, coniunctio aliqua
 Saturni atque Iouis in initio Arietis, ante tempus Seruato-
 ris nostri, cum stellis ut tunc erant initij Arietis, redeunte in

eundem locum coniunctione quæ non nisi post nongentos annos reuerti potest, stellæ illæ iam nouem penè partibus pro-
 cesserunt: alia uerò ex piscibus ad eum locum accesserunt,
 quo fit ut duplex discrimen sit præcedentis coniunctionis à po-
 steriore, ut ex priore quid posterior decernat ad unguem sta-
 tuere non possimus. Similiter et in coniunctionibus ipsis so-
 lum planetarum discrimen est, ut quamuis ad eadem partem
 redeant, neq; id tamen nisi post multos ac multos annos, imò
 post multa secula, non tamen in eodem minuto partis reditus
 fiet. Et quanquam etiam ad idem minutum rediret, non ta-
 men in eadem parte Epicyclos aut Eccentricus absidem habe-
 bit in qua prius, quo fit ut planeta ipse altior sit uel humi-
 lior quàm in priore coniunctione. Erit etiam planeta aliam
 habens latitudinem, aut in alia cœli parte collocatus, utpote
 in priore in nono loco, in posteriore in duodecimo, ut quæ in
 Gallia circa religionem significabuntur in priore congressu,
 significentur supra discordias in posteriore. Et quæ eadem
 sunt obiecto, utpote circa religionem in Palestina per pri-
 mam coniunctionem, in Gallia per secundam expectare oportet.
 Illud præterea contingit, cuius exemplum præstitisse refe-
 runt Publicum Nigidium Figulum: Is enim accepta rota dua-
 búsq; simul effusis guttis, dum celerrimè illam uersaret ac to-
 to impetu, ubi rota moueri desistit, guttæ quæ simul cecidea-
 rant, procul altera ab altera inuenta sunt, quòd ex astris ni-
 hil eodem modo atq; cœlo, horum inferiorum comparatione,
 procedit. Vnde Alubater in libro de Natiuitatibus refert,
 singulo horæ momento ascendere uiginti quatuor millia Ro-
 boar cœli, quorum singulum diuersam habeat naturam atq;
 colorem. Istud uerò quanam ratione dicere potuerit incer-
 tum est, sed tamè hac ratione dictum existimo, quod cum cœli
 octauæ magnitudo tanta sit, ut si etiam in mille quadringen-
 tas quadraginta partes diuidatur, totidem enim momenta ho-

re in uno die naturali contineri certum est, unaqueq; pars plusquam ducenta millia Italicorum milliariorum continebit. Atq; hæc una est difficultas cognoscendi æris qualitates, scilicet non reueri congressus aut configurationes, ad quam dissoluendam nulla cognoscendorum motuum cœlestium diligentia accedere potest.

Huc usq; duas causas explicauimus propter quas in dijudicandis æris qualitatibus Astrologi falluntur, atq; utinam hæc tantum esset causa seu causæ in permutandis æris qualitatibus, nempe uenti afferunt & referunt nubes, ut necesse sit etiam illorum originem nosse. Sed Ptolemæus uult, ut à uentis initium prædicendi sumamus. Porro qualitates quæ in ambientem ærem referuntur, si non sint qualis lux (atq; id rationi consentaneum est fieri) necesse est, ut flante uento syderum constitutiones & promissa ex uno in alium hominem & ex una in aliam regionem transferantur, alterq; pro altero occidetur, aut infirmabitur, aut ditabitur: quæ omnia cum absurda sint, dicendum est ea quæ in continenti ab astris recipiuntur, quædam quidem ut qualitates, quædam ut sonos, quædam uerò ut lucem recipi. Qualitates quidè plenè mutantur ex loco in locum, lux nequaquam, sonus uerò medio modo. Impressiones quoq; quæ à cœlo fiunt, per consensum recipiuntur in subiectis non secus ac Hercules lapis uires à certa cœli parte obtinet. Atq; hæc sola ratio est, quæ & Ptolemæi opinionem & scientiæ iudiciorum authoritatem & ueritatem ipsam aduersus nimis callidas contradicentium disputationes tueri possumus. Iam uerò ubi diligenter utraq; hæc difficultates quas Ptolemæus proponit euaserimus, uia nobis latissima aperta est. Maior etenim uis astrorum est quam ut quisq; eam existimare possit. Nanque & Legum mutationes, & Imperia, & miracula naturæ quæ uarij in uaria referunt, ab his prodeunt. Naturæ miracula dixi, non quæ di-



uina sunt providentia, ut mortuorum resurrectio. Itaq; Ptolemaei uia, uelut & Aristotelis in Philosophia, sic ab errore remotior est in tradendis regulis eorum quæ futura sunt, ut illustres prædictiones atq; admirabiles pariat.

TEXTVS XVI.

Quod autē ad Genethliologica & alia singularit̃ & peculiarit̃er compolitarum rerum iudicia attinet, permulta cernere est quæ singulares constitutiones illarum adiuuent & conficiant. Quis enim nescit quantum seminum diuersitas ad proprietatem generis vnus cuiusq; momenti habeat, cum & hoc ipsius cœli circumsusi & definiti omnibus terris hēmisphærij ambitus opus sit, ut vires omnibus seminibus instruantur, quibus vnumquodq; in sui generis effectiōe & informatione excellat, ut hominis, equi, & cæterorum.

Iam declarauit difficultates quæ in qualitibus aëris cognoscendis contingunt, atq; ex his duo nos Ptolemæus docet, unum quod quæ frequentius reuertuntur, exquisitius etiam cognosci possunt, quia sæpius reuertendo, proximius etiam ad loca præcedentium congressum accedunt: Atq; ex his per successum prioris experientiam confirmare licet, ut ex multis experientijs ars confletur iuxta præcepta Aristotelis. Notissimi igitur primo sunt congressus Lunæ cum fixis stellis, inde cum Sole, post cum Saturno, atq; alijs planetis. Quarto loco congressus sunt Solis cum fixis stellis, inde cum Saturno, post cum alijs planetis. Septimo loco congressus sunt Mercurij cum Sole & cum fixis stellis & cum Saturno. Decimo & undecimo & duodecimo sunt congressus Veneris cum iisdem.

Mercurij uerò & Veneris congressus tertiumdecimum locum obtinent. Reliqui uix noti sunt. Saturni quidem & Iouis propter tarditatem motus. Martis autem propter parui orbis in quo defertur magnitudinem. Reliquum est quod Ptolemaeus cum causas illas proprias esse censuerit qualitatium aëris, docuit nos non ex ambientis mutatione uel sola uel maxime immutari corpora nostra, sed per impressionem factam quidem medio ambientis. Sed ut dictum est lucis causa per lumen. Hic igitur declarat tres causas principales. Nam plures longe sunt quibus promissa astrorum minuuntur, aut augentur, aut peruertuntur, quarum prima est natura seminis, & eius augmentum est à notissimis, si lactuca & quercus & ouis eodem momento generentur, & eodem loco ex eadem constitutione astrorum oriuntur, & tamen omnino diuersa sunt: Igitur si ex diuersis hominibus filij nascantur quamuis eodem tempore & loco, tamen pro natura parentum erunt diuersa natura, forma, & ingenij, & fortuna. Recitat Aristoteles quòd si canis ex cane non uenatico oriatur uix in sex mensibus instruitur, uenaticum dico ex eorum genere qui retharij appellantur, si ex uenatico in quindecim diebus eruditur. Illud Horatianum in mentem mihi uenit:

Nec imbellacem feroces

Progenerant aquile columbam.

TEXTVS XVII.

Loci etiam in quibus gignimur, ne ipsi quidem mediocres mutationes afferunt constitutionibus. Nam & singulorum generum seminibus propositis, ut exempli gratia, humanis, & eodem in statu aëris, tamen multum diuersis in locis geniti & corporibus, & animis inter se differre comperimus.

Quis

Quis dubitare potest mores Gallorum, & Italarum, & Anglorum, & Aethiopum, & Indorum, & temperaturas & uitam non differre multum inuicem? Atq; hic narrauit duo principia quæ sunt intima & causæ per se natorum, patria quidem generale, parentes autem proprium, plus autem potest proprium principium quàm generale: Vnde filius robusti Aethiopis ualidior erit filio debilis Germani. Cum igitur tractasset de principijs proprijs & generalibus per essentiam, transit ad principia exteriora. Manifestum est igitur quod genere plura esse non potuerunt. Principium autem proprium in duo diuiditur, patrem & matrem. Principium autem generale unum est, scilicet patria. Verum & in patria discrimen est montium & uallis, loci aridi & aquosi. Sed si pro patria locum, Ptolemæum sequentes, dixerimus, omnes differentias amplectemur. Itaq; si nascatur puer ex parentibus candidissimis prædominante corpori Venere in regione Aethiopum, nascetur quidem candidus, sed non candidissimus: Successu tamen temporis fiet niger, quia nigredo est opus Solis, & Sol est potentior omnibus planetis. Sed principia exteriora cum sint uaria & diuersa, ideo aliqua uincunt principia quæ sunt per se, & aliqua uincuntur ab eisdem.

TEXTVS XVIII.

Et ut hæc omnia paria faciamus, ipsam tamen educationem & consuetudines non nihil ad uitam degendam singulatim conferre constat. Quocirca, & si vis maxima est circumfusi cœli, quod hæc omnia quæ diximus & ipsum in talem modum adornarit, cum illa contra in hoc nihil contulerint, tamen nisi quis & ipsa coniunxerit cum aëris, causis multum turbantur qui omnia arbitrati fuerint sese colle-

ciuros ex solo supernorum motu, etiam quæ ab illis absolute non debeant.

Ostendit duo membra similiter causarum fortuitarum: generale, scilicet consuetudinem, & proprium, & est educatio. Consuetudo quidem constat ex pluribus, *religione primum, legibus secundum, moribus tertium, & nature principijs quæ pro lege habetur.* Educatio & ipsa plurima habet capita, nam & parentum mores, & cibi, & conditio fortune, & af-
fines, & amici parentum, & ars, & studia, omnia quidem ad educationem pertinent. Hæc igitur augere & minuire, & mu-
tare decreta syderum possunt. Quamobrem dicit Ptolemæus, si quis hæc omnia prætermittere uoluerit & soli syderum con-
stitutioni inherere, uel etiam aliqua solum ex his præterire, in magnos incidet errores, decipieturq; in prædicendo. Et quo-
niam hæc à cælo non pendent, id est, à constitutione nati il-
lius, non à cælo simpliciter, quoniam omnia quæ sunt in uni-
uerso mundo à cælo dependent, sicut in libro de Fato demon-
stratum est. Et uelut omnium corporum umbrae sunt, & to-
tidem quot corpora cuiusq; luminis ratione, ita omnia quæ
hic fiunt, in cælo principium habent uelut umbrae corpora.
Sed talis consideratio ad librum de Fato pertinet, non ad
Astrologum, ut aliàs dictum est.

TEXTVS XIX.

Ex his igitur facillè poterit intelligi, quā per-
uersè facturi simus, si propter quædā errata iu-
dicatorum, ipsam totā rationem euertere ueli-
mus. Neq; enim gubernādī artem ideo respui-
mus, quòd gubernatores sæpe offendant. Ac
si non potius ut in tanta & tam diuina profes-
sione gratò quidem animo cōtenti fuerimus,
eo ipso quòd supra vires nostras non sit, siue

tanquàm humano quodã more certa omnia ab ipsa postulauerimus, cum magis debeamus nostrum studium ad illam cõferre, & bonitate quadam animi attribuere etiam aliena.

In prima parte huius ultimi ac principalis membri, docet Ptolemæus non esse relinquendam artem tam celebrem propter errores paucos qui in ea contingunt, neq; propter id quod totam artem assequi non possumus. Nam humani ingenij, inquit, est plura semper uelle, quàm præstari possit ab arte. Et reliquam partem exemplo comprobat, quoniam gubernatores nauium non propter id artem relinquunt, neque homines artem illorum respuunt, quod sæpius ipsi artifices decipiantur. Itaq; operam bono animo illis dandam consulit, & ut aliena tribuendo etiam illam alijs auxilijs adiuuare. Et quænam sint, statim declarat.

TEXTVS XX.

Vtq; nõ vertimus medicis vitio cum & de morbo, & de ægrotantis natura sæpe percontantur, ita etiam hac in professione ne pigeat assumere, & genus, & regionem, & alimonia, atque adeo nonnihil etiam eorum quæ iam acciderunt.

Ea quæ sunt aliena, & quæ assumere oportet Astrologi, eadem sunt ad unguem quæ de relinquendo peccare nos docuit, ea autem sunt ut dictum est, quatuor, patria, parentes, cõsuetudo, & educatio. Addit præterea quintũ, scilicet nonnihil eorũ quæ illi contigerunt, duabus quidem causis: altera, ut per directiones exquisitam genituræ constitutionem colligat: reliqua, ut per ipsam doceamur quantũ ex occulta quadam ui syderum in fluxus augeantur minuanturue. Vidimus

enim quosdam quibus plus satis infelicitatis atq; frequentius
 contingebat quam astra polliceri uiderentur. Vt cōtra alijs.
 Nam & filia nostræ, & minori filio plura longè uidebantur
 imminere pericula quam euentus præstiterit. Et filia cū satis
 imbecillis uideretur futura, uix tamen unquam graui aliquo
 morbo correpta est. Et nobis longè maiora successerūt, circa
 honores, & actiones, & uitam, quam sydera polliceri uide-
 rentur. Aded ut Hieronymus Cutica sacerdos conciuis &
 amicus noster auderet dicere cum peritus esset Matheos hanc
 genituram quæ præfertur à nobis non esse nostram, cum ta-
 men nulla sit certior. Sed tamen horum omnium manifestissi-
 me sunt causæ. Quemadmodum & quod non consulto cœlo
 xxij. die Februarij M. D. LII. quo tempore hæc scribimus
 ē patria discesserimus, quo tempore Luna iuncta Saturno,
 & Marti coniunctis in initio Piscium, Solis radios ingredie-
 batur: Nā Sol ipse iuxta locū Lunæ in genitura positus erat:
 Sed hæc non uidimus quamuis uidere facile potuerimus. Illud
 uerò & uidimus & non uitauimus quod cum essemus Lugdu-
 ni, secunda die Maij discessimus, ituri in Scotiam hora fermè
 quarta post meridiem, quo tempore Luna Saturni opposito
 applicabat, parum plus parte una ab eo distans. Erat autem
 Luna in genitura nostra radijs Saturni infelix, et ipse Satur-
 nus in Piscibus quod submersionis periculum denūtiat, quod
 quam malè conueniat ituro per mare, quicumq; uel principia
 artis ipsius degustarit promptè intelligit. Et nunc usq; nihil
 hæc scribentes passi sumus incommodi nisi multitudinem plu-
 uiarum. Verum de omnibus his quod conspicuum sit exem-
 plum, suo loco Deo dante dicemus: Additis etiam genituræ et
 reuolutionis, & principiorum itineris figuris. Nam iter hoc
 duo habuit necessaria principia ut inferius historiā enarran-
 do declarabimus. Sed & schemata consensus adijciemus figu-
 rasq; illorum. Consensus enim primus die xij. Februarij fuit,
 alter

alter die xviij. Aprilis. Horum meminisse uolui, ut quisq; intelligeret cur eam particulā adiecerit Ptolemaeus (atq; adeo nonnihil etiam eorum quæ iam acciderunt) Nunc uerò ad explicationem uerborum Ptolemæi reuertor. Is comprobât dicta & præcepta quæ nunc dederat Medicorum exemplo. Nam et ipsi interrogare solent si ægrum non nouerunt, cuius sit, & num morbus ille sit hereditarius, de consuetudine etiam atq; educatione cuncta diligenter perquirunt, atq; sciuntur. Triū igitur impedimentorum, quæ in tertia parte huius capitis proposuit. Primum quidem quod ad uitia pertinent, aut negligentia, aut auaritia, uel ambitionis ex toto tolli potest. Secundum uerò quod ex materia mobilitate mixtioneq; ac propria dispositione, tum astrorum non exquisita cum præcedentibus configurationibus similitudine nulla ex parte tolli potest, sed manet. Vltimum uerò, quod ex adiacentibus prouenit, hisq; quæ nequaquam ex arte sunt, minui potest diligentia atq; solertia, non autem tolli.

Caput tertium.

TEXTVS XXI.



VO igitur modo fieri possit ut de Astronomia aliquid prenoscamus, & ulterius non tendat hæc scientia quàm ad aëris accidentia, & quibus ex ea causa homines afficiantur, quæ sunt, ut opinor, prima compositio virium & actio, num corporis animiq; itémq; certæ affectiones & longæuitas, & breuitas vitæ, præterq; etiam illa, si qua sunt cum his principijs propriè

priè & naturaliter copulata, vt cū corpore res familiaris & cōuict⁹, animo existimatio & dignitas quo etiā certi casus referēdi erunt. Hęc igitur confido in superioribus esse explanata.

Diuiditur hoc capitulum in octo partes primas, ab initio uerò colligitur quæ prius dixerit, ea autem erant tria principaliter: Primum, quod aliquid per Astrologiam præcognosci potest. Secundū, quod talis immutatio non fit nisi per aëris transmutationem. Tertium, quod in mutato aëre ambiente simul, primo corpora nostra primis qualitibus immutantur, inde corpus atq; animus unde temperatura, sanitas & morbi, breuitas uitæ longitudoq; & quæ unicuiq; horū coniuncta sunt, ut corpori res familiaris & conuictus, animo existimatio & dignitas. Ad quæ, scilicet animi commoda incommodæ casus sequuntur. Veluti quoniam magni uiri capite truncantur, si quid deliquerint, pauperes eisdem flagitijs suspenduntur minoribus: pauperes corpore poenas dant, præciuntur membra, triremibus mancipantur, diuitibus & potentibus exilium pro poena est, uel etiam multa pecuniaria. Ita uix unquam uiderim medicū poenas corpore luisse, quamquam multi sint flagitiosissimi, milites quandoq; uel uno pullo subfurato suspenduntur, tantum potest existimatio. Sed & in itineribus multi ob societatem non solum à latronibus, sed etiam in maris tēpestatibus seruati sunt, qui uel soli uel uno comite periissent. Ergo primum hoc ad existimationem referri debet, deinde quoniam à multis auxilium habet qui multis potest imperare. Accedit quod maximum est, quod genitura plurima in calamitatibus rarius possunt consentire quā pauca, itaq; fit ut si in naui unus sit qui submergi debeat, plures autem alio mortis genere perire & serius, num par est nauim propter illum unum periclitari, quin potius seruabitur pro-

d pter

pter multos. At dices & naues quidē cum plurimis pereunt,
 & plerunq; aliæ cum paucissimis quia leuioreſ ſeruantur.
 Hoc uerò in ſecundo libro declarabitur. Nunc ſatis eſt edo-
 cuiſſe ea quæ ad intellectum uerborum Ptolemæi pertinent
 de exiſtimatione adeò ut nunquā legiſſe me meminerim prin-
 cipem aliquem inſignem imò ne philoſophum quidem præter
Architam naufragio periſſe, cum tamen multi à ſeuiffimis
 tempeſtatibus uexati ſint. Iuuat igitur in itineribus & in ne-
 gotijs multos ſecum ducere. Et præſertim rei peragenda uel
 itineris gnaros & fidos & fortes. His etenim inuantur mani-
 feſtiſſimis naturæ cauſis & euidentibus, tum etiam quia tali-
 bus plerunq; felicia ſydera fauent, inſelicia non obſunt. Atq;
 hæc dixiſſe uolui quæ ad præſens caput attinent, quoniam
 tractatio eſt ſcientiam Aſtrologiæ utilem eſſe. Ceterum con-
 uictus nomine iuxta Haly ſententiam intelligimus Vxorem,
 Filios, & Familiam. Hæc enim cum corpore iuncta ſunt.

TEXTVS XXII.

Sequitur utilitatis conſideratio, quam &
 ipſam paucis abſoluemus. Sed prius conſti-
 tuendum videtur quid uile hac in parte intel-
 ligi, & ad quem finem referri uelimus. Nam ſi
 animi bona ſpectabimus, quid poterit eſſe
 optabilius ad tranquillitatem, gaudiū, felici-
 tatem, quàm hæc de qua loquimur futuro-
 rum cognitio, qua & humanorum & diuino-
 rum contemplatores efficiuntur. Siue corporis
 magis à nobis reſpectus habetur, nulla eſt ſci-
 tia qua intelligi melius poſſit quid vniuſcu-
 iuſq; conſtitutioni aptius conducibiliuſq; ſit.
 Quod ſi fortè non eſt largitrix opum & glo-
 riæ

rię et aliorum huius generis, non feramus molestę, cum idem crimen totius philosophię inueniatur. Nihil enim horum ipsa quidem docet acquiri. Sed vt neque hanc ideo damnamus, ita etiam nostram scientiam conseruabimus, maiores & potiores vtilitates persequentes. Omnino si quis exquirat, reperiet à nulla planè re quę alicuius momenti sit, huius scientię reprehensionem duci.

Quod inutilis esset hæc scientia obicere illos iam te audiuisse satis existimo, nunc uerò argumento pulcherrimo hanc obiectionem diluit ipse Ptolemęus atq; coarguit, argumentumq; demonstrat profectò, estq; sententia hæc præstantior quàm hucusq; tradiderit, est autē talis: Omnis scientia per se utilis est, etiam si nullum alium habeat finem, sed iam uos fatemini iudiciorum astrorum aliquam esse scientiam, igitur iudiciorum astrorum tractatio utilis est. Maiorem propositionem assumptam declarat, quia cum triplicia sint bona, ut Aristoteles in Ethicis docet, animi, corporis, atq; fortune. Animi quidem bona sunt, uirtutes atq; eruditio. Nā ut primo primę Philosophię habetur, omnes homines natura scire desiderant, nihil autem est optabilius, neq; felicius quàm naturale explere desiderium. Id uerò tanto maius est, quanto ea quę cognoscuntur nobiliora sunt, rariora, et magis optata, at nihil magis optatū quàm futura scire, nihil uerò nobilius quàm cognitio cœlestium rerum. Estq; ac si quis in concilium superum aduocetur. Rarò uerò hæc scientia atq; paucis omnino concessa, propria uerò ipsis intelligentijs. Esse uerò aliquam felicitatem in contēplatione, atq; eam egregiam et singularem docuit Aristoteles duodecimo primę philosophię dicens: Vita quidem in nobis paruo tempore qualis sempiter

na dijs dum contemplamur. Itaq; constat maximam faustita-
tem ex huius scientiæ solum studio atq; cognitione accedere.
Sed neq; si ad corpus respicias, inquit Ptolemæus, ulla scien-
tia hac utilior esse poterit. Atq; istud inferius demonstrabit.
Quod si neq; opes, neq; gloriâ, nec talia largiatur, equo ani-
mo ferendum suadet duabus rationibus, tum quod cum sint
tria ut dixi bonorum genera, nobilissimum animi atq; utilis-
simum, ignobilissimum & minus utile ipsius fortuna, medio-
cre ipsius corporis, Astrologia in maximo & mediocri egre-
giam præstet utilitatem. Altera quod & philosophia quam
omnes tamen colunt ac uenerantur nihil tale præstat, scilicet
neq; gloriam, neq; opes. Cum ergo philosophiam ob id non
deferamus quod talia nobis præstare nequeat, cur Astrolo-
giam ea sola ratione negligere debemus? Animaduertendum
quod quamuis Ptolemæus negat Astrologiâ gloriâ & opes
parare, similiter & philosophiam, quæ tamen domina est
omnium, ut cōmentator docet, scilicet disciplinarum & etiam
nobilissima omnium quæ homo possidere possit, nihilominus
uidemus multos philosophos nostra ætate prædiuites & opu-
lentos, multiq; alij fuerunt nec solum opulenti & diuites sed
uel hoc solo nomine gloriosi, quorum nomen etiam nunc cele-
bratur: Velut Plato, Aristipus, & Aristoteles. Nec nostro
tempore defuerunt etiâ cum mendace illa Astrologia qui sibi
rem pinguem familiarem parauerunt. Quid si ueram artem
calluissent? Nonne Thrasybulum ditauit Tiberius Cæsar, cu-
ius etiam arbitrio atque consilijs orbis imperium agebatur?
Ergo Ptolemæus hoc docere nos uoluit, artem non per se
esse lucrosam, ut medicina & mercatura, neq; ad humanam
gloriam natam, quemadmodum militia & Iurisprudentia,
sed ipsa quidem dum præscire docet, nihil uetat quin utilis
sit ad omnia bonorum genera comparanda, scilicet diuitias,
honores, amicos, & reliqua. Hæc uerò cum notissima essent

Ptolemæus prætermisit. Nam quemadmodum Galenus de Hippocrate inquit, in libris quos de Difficultate spirandi conscripserat, ita nos de Ptolemæo existimare oportet: nihil, scilicet, illum scripsisse commune aut uulgare, sed omnia singularia atq; recondita. Itaq; subiicit, nullius rei quæ alicuius sit momenti hæc disciplina uel accusat uel accusari potest. Quod uerò ita sit, & quale sit id in quo accusatur, ijs planè uerbis edocet.

TEXTVS XXII.

Hæc enim tantum dici audimus, superuacaneam esse cognitionem earum rerum futurarum quæ ineuitabili modo futuræ sint, & dici ne hoc quidem disertè. Neq; enim etiam in ijs rebus quæ necessariò accidunt, ignoramus subitis et inopinis aduersitatibus animos magnopere percelli; & successibus extolli. Sed præuisio futurorum, animum componit & moderatur meditatione absentium tantquam præsentium, & præparat ad excipiendâ ventura cum tranquillitate & constantia.

Cum res futuræ necessariò sint uenturæ, superflua est præcognitio illarum, eo argumento Phauorini quod sæpius declaratum est. Respondet igitur Ptolemæus, hæc neque disertè dici, sic interpretatur Ioachimus Camerarius qui primos hos duos Ptolemæi libros in latinam uertit linguam, postremos autem duos qui difficillimi sunt Antonius Gougaui Grauiensis, & qui priori subscribit duorum primorum librorum conuersioni. At nobis certè iter agentibus co-

orationi conferatur, præsertim in his locis ubi uarietas di-
ctationum sensum pervertere possit. Cum enim nunc iam Lute-
tiæ proximi simus, facile erit codicem recuperare. Itaq; pro-
disertè, efficaciter aut bene, imò uerè interpretabimur. Nam,
inquit, inopinata mala magis affligunt, præuisa minus: Vnde
etiam carmen illud uulgatum est:

Et præuisa minus tela nocere solent.

Quantum uerò ad felicitatem pertinet, quod Phauorinus in
malum uertebat, bonum egregium Ptolemæus esse contendit,
scilicet succëssibus non extolli. Sed moderatè utraq; fortu-
nam ferre. Et assignat rationem, quia cum futura certò ex-
pectantur, iam sunt tanquam præsentia, cumq; aduenerint,
quasi iam præterita sint, animum diuturna cogitatione fati-
gatum, non secus ac præterita, quorum iam memoria delitue-
rit diuturnitate temporis, parum aut nihil mouent aut mu-
tant. Itaq; sit ut uentura mala cōstanter, et bona tranquille
ac moderatè suscipiat. Neq; enim solis malis repentinis ani-
mus humanus perturbatur et deijcitur ac consternatur, ue-
rùm etiam bonis. Adeò ut Galenus recitet historiciq; alij plu-
res quosdam repentina letitia subito perisse, omitto quòd
futura felicitatis certà expectatio deliniat animū, et in aduer-
sis præsentibus multum afferant medelæ: Cum etiam sola
spes, quæ sine certà expectatione est, non parum iuuat mise-
rijs afflictos. Accedit quòd præuisa bona fortuna hominem
non reddit alijs intolerabilem. Repentino enim aduentu, fau-
stitalis animus elatus, amicis et affinibus grauis redditur. Et
hæc est causa, cur qui ex humili loco ad magnam fortunam
ascenderūt, ambitiosiores et difficiliiores illis sint, quicquid magna
nobilitate eò potentia perueniunt. Excipiuntur etiam occa-
siones illæ paratis magis rebus, ut duplo iucundiores, or-
natiores, splendidumq; atq; accommodatum usum felicitatis
præbeant. Tot igitur tantisq; modis præuisa bona non
præui

præiis præstant, etiam si auerti neq; hæc, neq; mala pos-
sent. Verum utruq; posse nunc demonstrabitur.

TEXTVS XXIIII.

Non autem existimandum est omnia à su-
pernis causis in res rectà humanas deriuari,
tanquàm inuolabili, & diuino quodam edi-
cto proposito singillatim, vt nulla alia vis ob-
sistere, quin ita illa grassentur valeat. Nam
ipse quidem cœlestium corporum motus sem-
piternus est, & procedit diuino & inuariabili
ordine & lege. Inferiora autem mutationi-
bus subiiciuntur de superioribus quidem &
primis causis, sed accidit hoc illis per conse-
quentiam legis, & ordinis naturalis, & va-
riabilis.

Motus quidem cœlestium corporum & influxus eorum
in hæc inferiora sempiternus est, & ordine procedit ac lege
diuina, necessariūque est. Verum non ita ut à superioribus
procedunt, sic ab inferioribus recipiuntur, sed ut fortuita &
mutabilia & quæ euitari, perueriti, augeri, ac minui possint,
non quidem superiorum corporum causa, nam ipsa, ut dixi,
sunt immutabilia & necessariam habent actionem in hæc
inferiora, sed meritò inferiorum ipsorum, quæ inconstanti
materia ac semper fluente composita sunt. Non igitur quæ
ab astris decernuntur, sunt necessaria, sed neque equaliter
fortuita: quædam enim sunt necessitati proximiora magis,
quædam minus. Quod etiam in rebus ipsis quotidie spectare
licet, ut de morbis, contentionibus, negotiorumq; difficulta-
tibus. Atq; hæc in sequentibus proximè declarat.

Præterea sunt, quæ hominibus accidūt circumstantia aliqua generali, non autē ex vniuscuiusq; naturali & propria constitutione: vt si qua ingenti & valida aëris conuersione, totæ gentes intereant, sicut fit in ardoribus, pestilentia, diluuiionibus, cum semper minor causa maiori succumbat. Alia autem eueniunt singulorum peculiari & naturali constitutione, per exiguas & faciles aëris contrarias affectiones. Quibus hoc modo disertè cognitis, perspicuū fit, quod quæcunq; à prima causa vel in vniuersum vel singulatim moueantur, hæc inuariabili modo procedere, cum illa insuperabilis sit & omni contranitente vi præstantior. Quæ autem aliter se habeant, eorum quibus contrariæ affectiones contigerint, facilem esse conuersionem, quibus verò defuerint illa, primas causas sequi. Hoc verò fit in scientia hominum, non illarum necessitate & potentia. Quod ipsum animaduertere est similiter geri in omnibus, quibus naturalia sunt principia. Nā & saxa, & germina, & animâtes, atq; insuper etiā vulnera, et morbi, et ægritudines, partim necessarias affectiones, partim ex eo, quod contrariā habet effectiōem dependēt. Atq; ita existimari par est, naturæ studiosos prædicere hac sciētia euēturas res hominibus

non

non inanitatem quādam opinionū ingredien-
tes. Quæ enim habent multas & ingentes effe-
ctionū vires, euitari non possunt, cū alia, qui-
bus illud non accidit, faciliē conuersiones ad-
mittant. Hoc modo & Medici si qui in notan-
dis morbis exercitati sunt, planē prauidēt qui
letales sint, quiue curabiles. De his igitur quæ
mutationibus obnoxia sunt, ita audiemus dis-
ferentem Genethliacum, vt si verbi causa, ta-
lem orationem habeat: Quoniam talis est, de
qua loquor constitutio, fiet si proprietates aë-
ris tali modo cōuertantur, magis quidem aut
minus ad subiectas congruentias vt illinc talis
quispiā morbus existat. Eodem modo & Me-
dici prædicunt de vlceribus, quæ vel vt ser-
pant, vel vt putrescant, futurum pronuntiant.
Similiter & de metallis exemplū dari possit,
vt si quis doceat lapidem Magnetem, id est,
Herculanum, ferrum ad se trahere. Nā quem-
admodum horū vtrunq; per se tendit rectam
viam, in quam à primæ illius naturæ vi rapi-
tur, si relictum sibi sit, ignoratione contrariæ
effectiōnis, sed si medicinam contrariā vlceri
opposuerimus, neq; illud iam serpet, neq; pu-
trescet, neq; lapis Herculanus illito allū succo
iam ferrū attrahet. Sicut igitur hæc obfistunt,
& contrarias effectiōnes inducunt naturaliter
& fatali lege, ita in his quoq; rebus fit de qui-

d s bus

bus loquimur: Ignorata enim aut præuisa quidem, sed neglecta tamen ea, quæ hominibus euenire debeant, haud dubiè seriem primæ illius naturæ sequuntur, præuisa autem & sortita curam, naturaliter & fatali etiam lege aut auertuntur penitus, aut leuiora efficiuntur.

6^{ales} Haly rectè inquam mihi dicere uisus est Ptolemæum per hæc uerba ostendisse maximam in rebus diuinis atq; humanis sapientiam. Namq; profectò maximarum rerum & quæ pluribus etiam sapientissimis uiris difficultatem pepererunt notitiam tradidit, humanas leges atq; diuinis cū naturalibus rationibus euentibusq; ipsis, tum astronomicis iudicijs concordans. Itaq; inquit, quidā sunt influxus generales qui toti uigenti pertinet uelut pestis, inundatio, annonæ penuria, æstus ingens, atq; hæc cum à uehementissimis & primis causis fiant, euadere non licet. Sunt enim à potestate & ui, quæ comparem non habet in his inferioribus resistantiam. Vnde manifestum est quare in sacra scriptura scriptum sit, cor Regis in manu Dei est, quocūq; uoluerit, uertet illud. Sit enim, gratia exēpli, ut Deus uelit affligere bello aliquo ingenti & clade Germanos, cor Cesaris & Regis Gallorū cœli medio & magnarum coniunctionum ac generalium congressuum seu constellationum. Ita enim clarius hoc nomine res ipsa explicatur, disponet ut pacem nolint inter se. Atq; ita Regum corda cum ad eorum uoluntatem pertineat regiones bene uel malè tractare, regionum autem accidentia generalibus subiiciantur congressibus syderum, necesse est, ut etiam corda Principum à generalibus cœli constellationibus gubernetur. At cor humanum tantæ uiolentiæ resistere non potest. Patet igitur cur corda Principum & mentes magis necessitati syderum & diuinæ uoluntati subiaceant, priuatorum autem sint magis libera.

libera. Hæc autem necessitas cordis Principis quæ annexa est diuinæ uoluntati, est necessitas effectus, & nō peccati. Quamobrem non tollitur libertas arbitrij. Et ob id nihil absurdum contingit etiam apud illos, qui omnino liberam uoluntatem nostram esse affirmant. Ex hoc quoq; clarum est, cur in superioribus uerbis Ptolemæus dixerit hanc scientiā diuinā docere cognoscere, hoc enim diuinum est prorsus, quod nuper diximus, scilicet quod quædā eueniunt fatali necessitate, quædam uerò ita ut declinari possint, ueluti si quis sit in mari cū tempestate, quamuis periculum præuideat, non tamen euadere poterit, at uerò in flumine natandi peritus, aut periculi gnarus seruabitur, alius uerò minimè. Similiter & illud diuinum est, quod omnino est necessarium, quodq; euitari non potest à diuina mente perfectum. Est etiā aliud argumentum generale horum decretorum præter id, quod sumitur à pestilentijs & inundationibus, & bellis, & sterilitate, & terræ motibus, quæ quidem non nisi in hos generales influxus referri possunt, & hoc quidem *Velleius Paterculus* egregius rerum Romanarum scriptor, in primo uolumine historiæ Romanæ descripsit his uerbis: Quis enim abundè mirari potest, quod eminentissima cuiusq; professionis ingenia, in eadem formam, & in idem ætati temporis cōgruens spatium, & quemadmodum clausa in capsula aliq; septo diuersi generis animalia, nihilominus separata, ab alienis in unum quodq; corpus congregantur, ita cuiusq; clari operis capacia ingenia, in similitudinem & temporum & profectuum semetipsa ab alijs separauerunt. Vna neq; multorū annorum spatio diuisa ætas, per diuini spiritus uiros, Aeschylum, Sophoclem, Euripidem, illustrauit Tagædias: Vna priscam illā & ueterem, sub Cratino, Aristophane, & Eupolide, Comædiam, ac nouam comicam Menandrus, æqualesque eius ætatis, magis quàm operis Philemon ac Diphilus, & inuenère intra paucissimos annos, neq;

neq; imitanda reliquere. Philosophorum quoq; ingenia So-
 eratico ore defluentia, omnium quos paulò antè enumeravi-
 mus, quanto post Platonis Aristotelisq; mortè floruerè spa-
 tio? Quid ante Isocratem? quid post eius auditores, eorumq;
 discipulos clarum in oratoribus fuit? Adeò quidem arctatum
 angustijs temporum, ut nemo memoria dignus alter ab alte-
 ro uideri quiuerit. Neq; hoc in Græcis, quàm in Romanis eue-
 nit magis. Nā nisi aspera ac rudia repetas, & inuenti laudan-
 da nomine, in Accio circaq; eum Romana Tragedia est. Dul-
 cēsq; Latini leporis facetiæ per Cæciliū, Terentiūq;, &
 Afraniū sub pari ætate nituerunt. Historicos, ut & Liuiū
 quoq; priorum ætati adstruas, præter Catonem & quosdam
 ueteres, & obscuros, minus lxxx. annis circumdatū æuū tu-
 lit: ut nec poetarum in antiquius ceteriū sue processit ubertas.
 At oratio ac uis forensis, perfectūq; prosæ eloquentiæ de-
 cius, ut idem separetur, Cato pace P. Crassi, Scipioniūq; & La-
 lij, & Gracchorū, & Fannij, & Serui Galbæ dixerim, ita uni-
 uersa sub principe operis sui erumpit Tullio, ut delectari
 ante eum paucissimis, mirari uerò neminem possis, nisi aut ab
 illo uisum, aut qui illum uidcrit. Hoc idem euenisse grammati-
 cis, plastis, pictoribus, sculptoribūsq;, ut quisq; temporum in-
 stiterit notis, reperiet eminentiam cuiusq; operis arctissimis
 temporū claustris circumdatam. Huius ergo præcedentisq; se-
 culi ingeniorum similitudines congregantis, & in studiū par,
 & in emolumentum, causas cū semper requiro, nūquā re-
 perio, quas esse ueras confidam, sed fortasse uerisimiles, inter
 quas has maximè. Alit *emulatio ingenia*, & nunc inuidia
 nunc admiratio incitationem accendit, naturaq; quod sum-
 mo studio petitū est, ascendit in summum, difficiliq; in per-
 fecto mora est: naturaliterq; quod procedere non potest, rece-
 dit, & ut primò ad consequendos quos priores ducimus, ac-
 cendimur, ita ubi aut præteriri, aut æquari eos posse despera-
 uimus,

uimus, studium cum spe senescit, & quod adsequi non potest,
sequi desinit, & uelut occupatam relinquens materiam, quæ
rit nouam, præteritq; eo, in quo eminere non possumus, ali-
quid in quo nitamur, conquirimus, sequiturq; ut frequens ac
mobilis transitus maximū perfecti operis impedimentum sit.
Transit admiratio ad cōditionem temporum, & ad urbium.
Vna urbs Attica pluribus annis eloquentia, quā uniuerſa
Græcia, operibus floruit, adeò ut corpora gentis illius ſepa-
rata ſint in alias ciuitates, ingenia uerò ſolis Athenienſiū mu-
ris clauſa exiſtites. Neq; ego hoc magis miratus ſim, quā
neminem Argiūm, Thebanū, Lacedæmonium, Oratorem,
aut dum uiuit authoritate, aut poſt mortem memoria dignum
exiſtimatum, quæ urbes & multæ aliæ talium ſtudiorum fū-
re ſteriles, niſi Thebas unum os Pindari inluminaret. Nam
Alemana Lacones falſò ſibi uendicant. Rectè quidem me her-
cle ſeciſſet Paterculus ſi tam pulchrè difficultatem diſſoluiſ-
ſet, quā dubitauit, nam neq; id facere poterat citra huius
artis præcepta, cum non ob id ſolum deſinant ſimul ac ſimul
floreat, quòd ad apicem artes producantur, & ſtudia ui-
rorum elanguēſcant, cum uideamus in uno & eodem genere
plures poſſe eminere principes. Qui ſit ergo, ut poſt Virgi-
lium alius facta Romanorum non tam egregiè canere potue-
rit, quā ille Troianorū, præſertim quòd res ipſa maius ſug-
gereret argumentū: Et quale fuit inconueniens, quòd Virgi-
lius ſi uita ſuperſuiſſet, cuius mens erat ad tempora Auguſti
peruenire, medijs quidem iuxta Flacci ſententiam:

Vt iam nunc dicat, iam nunc debentia dici,
Pleraq; differat, & præſens in tempus omittat,
Hoc amet hoc ſpernat promiſſi carminis author.

Et ruruſus:

Semper ad euentum feſtimat, & in medias res
Non ſecus, ac notas auditorem rapit, & quæ

Deſpe

Desperat tractata nitescere posse, relinquit.

Sublatis alijs properantem ad Augusti tempora quempiam alium, quod ille facere sperarat facere potuisse. Et melius sane: quando quidem, teste Quintiliano, multum ab Homero Virgilius deficiat, nec linguae uitio: quandoquidem Demosthenes à Cicerone eodem teste superetur. Deinde, cum uideamus res quae à syderibus procedunt, ex generalibus constitutionibus non unas esse, sed multiplices. Nam adueniente Sole, gratia exempli, ad nos, non solum herbae pululant, sed & arbores florent ac germinant, aues nidificant, quadrupeda ad Venere incitantur, serpentes à latibulis exeunt, pisces gregatim loca mutant, adeo ut flumina quaedam maritimis impleantur. Veluti id quod per Lugdunum, transit quod Ararim esse putant, alij uocant Sequanā, piscibus quos illi appellant Loxas tanta multitudine, ut uideatur flumen ipsum totum plenum. Similiter & homines letantur. Idem in Luna contingit affectibus. Non enim solum in plenilunijs turgent maria, sed & cancri pinguescunt, & ligna redduntur uiuaciora, & morbi plerique ingrauescunt, & talia multa. Cum igitur eodem tempore non unum genus artis florcat, utpote militaris disciplina, poësis, eloquentia, pictura, plastica, musica, medicina, philosophia, simul quoque desinant, ut Alexandri, & Augusti, & nostra etiam aetate, cum tamen ab Augusto ad initium nostrae florētis aetatis, quod fuit circa annum salutis M. cccc. xl. fluxerint anni intermedij circiter mille quadringentos, nihil egregium pro miraculo natura produxerit in lucem, praeterquam Antonini tempore, cum tunc etiam floruisent simul Alexander Aphrodisaeus, Ptolemaeus Pelusiensis, & Galenus Pergamenus, & parum ante id etiam C. Plinius, & Plutarchus Cheroneus, Traiani magister: manifestum est ex generalibus constitutionibus coeli principaliter ista pendere. Non inficiamur etiam aliquid in rem facere, quae adducuntur à Patro

tercio

Arar

Clarus viz. hinc
Antonini

terculo. Sed iam ad textus expositionem deueniamus.

Inquit igitur (præterea sunt) id est, sunt quædam constitutiones generales adeo potentes, in quibus homines per graues continentis affectus, scilicet terræ, aquæ, & aeris superantur. Veluti quis habeat genituram felicitis ac diurnæ uitæ, contingat terræ motus in urbe sua, qui totam diruat ciuitatem, aut inûdatio, quomodo is seruari poterit? Verum in proprijs affectibus, cum per aeris constitutiones debiles fiant, contrarijs causis licebit obniti. Deinde docet, quod quædam sunt à prima causa generaliter, uelut cum tota urbs uel provincia opprimitur, aut cum singillatim pluribus mala eiusdem generis contingunt, ueluti anno salutis M. D. XXVIII. *per hunc 1528* morbus epidemius & pestilens generalis uniuerso orbi, non tamen uni ciuitati, sed singillatim quibusdā ubiq; uexauit humanum genus. In his ergo ambobus generales constitutiones, dicit, fati necessitate alligantur (Quæ autem) intelligit quatuor genera, influxus duo iā dicta, quæ permutari nequeunt, & tertium iam dictum, quod à propria pendet genitura, & potest conuerti studijs ac diligentia hominum. Quartum genus est illorū, qui nihil habent proprium tunc, & hi sequuntur primam causam, & hic declarauit magnum secretum, de quo inferius dicam. Dicit autem, quod tales euentus fiunt in hoc quarto genere propter ignorantiam hominum, & non propter uim causæ uniuersalis, sicut in alijs duobus. Probat autem hoc ibi (Quod ipsum) Quia & in morbis, & in rebus naturalibus, quædam sunt per se insuperabilia, quædam possunt superari uel deduci ad effectū, quæ tamen non superantur neq; ad effectum deducuntur, propter ignorantiam. In quibusdā uerò diligentia, fortitudine, & scientia (nam hæc tria scientiæ nomine intelligit) decretis contrarijs astrorum occurrimus. Et propter hoc, qui sortes sunt, solliciti & prudentes, felices sunt plerunq; nam multe eueniunt occasiones
præter

præter illas generales, quas uir industrius arripit, & in con-
 modum suum uertit: Vt contra negligens & stultus aut diffi-
 dens prætermittit. Vnde etiam patet, quod triplo plures ne-
 cesse est esse infelices quàm felices: quia ad felicitatem tria il-
 la omnia sunt necessaria, ad infelicitatem unum solum defice-
 re, sat est. (Quæ enim) Dicit igitur, quod in ineuitabilibus
 non est utilitas, quantum ad consiliū: (De his igitur) Instruit
 Astrologum futura prædicentem sic: Si talis constitutio quæ
 tum ab astris pendere uidetur, fiat, tales morbi euenient: Ve-
 luti si Mars in Leone sit cum Sole, calorem & siccitatem im-
 mensam produci consentaneum est. Hæc si producantur, per-
 seuerentq; multas acutas febres parient illo loco magis, uel
 illo minus: ut pote in perflatis ab Austro, quàm ab Aquilone
 magis, & plus in uiris, quàm in mulieribus, & biliosis & ex-
 ercitatis, quàm pituitosis & in otio degentibus, & in his qui
 multo uini potu utuntur, & maxime potentis, & aromati-
 bus, quàm qui cōtrarijs, & in pestilentibus locis pestilentes,
 ut in Anglia & Flandria magis, quàm in India, & alijs salubri-
 bus locis. (Eodē modo) Declarat hoc per duo exempla notis-
 sima, alterū de medicis, qui dicunt, ulcus hoc ad cancerum &
 sphacelon perueniet, nisi medicina contraria adhibeatur: &
 similiter lapis Herculeus ferrum trahet, nisi succo allij illina-
 tur, sequutus potius in hoc communem opinionem, quàm rei
 ueritatem. Declaratum enim est à nobis in libris de Subtilita-
 te, hoc experimentū esse falsum de succo allij. Nam nihilo mi-
 nus lapis Herculeus ferrum trahit, quamuis perlitum allij
 succo, quàm antea. Sed exempla dantur, non quia ita sint,
 sed ut intelligant qui docentur. (Sicut igitur) Per fatalem le-
 gem intelligit naturalem, quæ à nulla alia perueri potest, ni-
 si potentiore alia naturali. Velut fluminis aqua necessario
 inundationē pariet, nisi aggeribus ripa muniatur. Hoc enim
 necessarium est, aquam turgentem effundi in humiliorem ri-
 pam

Calor

De lapide
herculeo

fatalex

pam & campos ei adjacentes: Sed & istud magis necessarium,
 terram plus posse, quàm aquam, et ideo aquam non effundi.
 Dixit autem hoc, scilicet naturales esse fatales, ut à uolunta-
 rijs actionibus distinguantur, quæ necessariae non sunt. Nam
 uoluntas mutatur etiam per se. Quod uerò à natura fit, non
 nisi à potètiore causa alia naturali impediri potest. Dicit igitur,
 quòd sicut naturalibus affectibus morborum & Herculei
 lapidis occurrimus alijs causis naturalibus potentioribus seu
 necessarijs (melius enim ita erat uertere *καὶ ἀναγκάων*, quàm
 fatali) occurrere licet. (Ignorata enim) Dicit quòd seu igno-
 rentur causæ istæ generales seu negligantur, hoc autem dupli-
 citer fieri cōtingit, ut dictum est, uel diffidentia, uel socordia,
 seriem primæ causæ sequuntur: & homo praelio cadit, uel suf-
 focatur a quis, uel peste moritur, quòd si praeuideat, & cu-
 ram adhibeat, euadere poterit, aut infortunium lenire. Di-
 xit commentator circa hoc pulchram sententiā: Si praeuidea-
 mus, quòd futurum est, & occurramus, duorum alterum se-
 qui necesse est. Aut ut effectus impediatur, & tunc habebi-
 mus utilitatem contra illos, scilicet qui negant artem esse uti-
 lem. Aut nō impeditur, & ita ueri uates iudicabimur, eritq;
 scientia uera, & ita duarum opinionum quæ Astrologie con-
 tradicunt, una alteri repugnat. Nam si occurramus praeuis-
 malis, & non sequatur effectus, utilis erit hæc scientia: si om-
 nino sequatur, erit necessaria. Verum ex his nobis insinuat
 Ptolemæus duplicem esse causarum connexionem. Vnam qui-
 dem stellarum ad continentē in primis qualitatibus, alteram,
 quæ est continentis ad singulares effectus, utpote pestilentia,
 belli, penuriæ annonæ, & hanc secundam connexionem uult
 esse ualidiorem primā, non quidem in se, hoc enim impossi-
 le est, quia causæ quātò primæ sunt proximiores, tantò sunt
 potentiores, ideo cælum plus influit in continens, quàm con-
 tens in homines, uel animalia, sed hoc dicit, quia ut sciueri-

mus affectum continentis, nihil est, quod possit impedire opus illius in nos uel in animalia: Quia uel erit consilium hominum, uel cælum, uel ipsum continens. Consilium hominum imbecillius est, ut declaratum est, quam ut possit resistere generalibus causis. Continens non agit nisi uirtute cæli, ut docuimus. hanc autem iam recepit, cælum non potest prohibere, quoniam non agit nisi medio primarum qualitatum, & has iam produxit, nec potuerunt impediri. Concluditur igitur, quod fatalis lex seu naturalis quæ generalis est, & à generali cōstitutione cæli proficiscitur, firmiter est, quo ad nostram cognitionem pertinet, ea, quæ proficiscitur ab astris in hæc inferiora. Quia cum astra sint plura, & multa ex illis penitus incognita, aliorum uero quæ cognita sunt, natura non prorsus sit perspecta, & quorū prorsus perspecta sit, etiam non sit modus exquisitè cognitus, uel etiam dubius, utpote an per circulum positionis, an per locum, an per antiscaia, an per eandem declinationem stellæ agant. Item, cum sit de locis dubitatio in nonnullis, ut maxime Mercurio, Marte, & Saturno, tum uero propter principia locorū & situs uarios, & proprios, affectibusq; quibusdam singularibus præditos & non exquisitè consideratos, & ipsa etiam principia incognita, his sex de causis contingere potest, ut Saturnus sit in Aquario, & Iupiter in Cancro cum Sole, & Mars in Leone, & tamen ætas sit temperatissima. Et si Astrologus prædicat eam futuram calidissimā, erit ridiculus. Et propterea consulit Ptolemeus, ut Astrologus prædicet hoc modo: Quia Saturnus est in Aquario, & Sol in Cancro, tum reliqua quæ diximus, ideo uerisimile est futuram ætatem calidissimam, puta in Italia. Et si talis fuerit, erunt febres acutæ, & etiam patientur satæ: & qui biliosi erunt, malè se habebunt, & qui calidis & siccis utuntur cibis & uinis potentibus, & qui multum exercentur, & erit penuria aquarum, & pisces pauci erunt, & qui illis

*natura ex
aëre perit*

*modi pro
prand*

illis utentur, ledentur. In primo igitur dicto plerunque erit uerax Astrologus. Nam licet aliquando, ut dixi, possit contingere contrarium propter causas illi incognitas, nihilominus raro istud continget, imò rarissimè. In secundo autem erit semper uerax, scilicet, quòd si continget illa immensa caliditas, contingent & illa quæ dicta sunt: non solum propter ipsam caliditatem, sed quia signum est causas ipsas caliditatis, scilicet astra, non impeditas iri.

Ex his colliguntur septem dubitationes celeberrimæ. Primum, quòd fuerint famosissima & ab omnibus fermè antiquis sapientibus quæsitæ. Secundum, quòd illis dissolutis apparebit ueritas ipsius Astrologiæ. Nam omnes qui illam oppugnaverunt, aliqua ex his septem difficultatibus ad illam oppugnandam usi sunt. Quòd si eas diluerimus rectè, ut speramus, nemo tam huic arti infensus fiet, qui illi manum non det. Tertium, quia his cognitis tanquàm principijs, ars tota constitui poterit. Quartum, quòd horum cognitio ad seriem rerum naturalium cognoscendam, & Fati uim intelligendam, & ad sciendum quid necessarium sit in rebus naturalibus, & quid fortuitum, & quomodo liceat fortuitis occurrere, utilis erit.

Prima igitur est, quæ nã dicatur constitutio generalis, & quæ propria: cùm uideatur in cælo omnia astra semper esse, et moueri absq; alio principio: similiter quot sint illius generæ.

Secunda, in quo differat constitutio generalis locorum à constitutione generali, qua singuli homines afficiuntur.

Tertia, quomodo cùm cælum sit absq; principio, & rotundum, plus influat ex hac parte, quàm alia? & in hanc partem quàm aliam: cùm uideamus in terra pluerè hic, & procul decem millibus passuum immensa affici siccitate, & rursus ad duo millia passuum imbres cadere, & hoc adeò uicissim, & per paruam distantiam, ut mireris: similiter in partibus maris tanta uentorum uarietas, & singulis horis: ut

fit incomprehensibilis.

Quarta, an generales constitutiones in comparatione unius hominis sint potentiores illius genitura propria? cum videamus morbum letalem, quo quis moritur, magis inexpugnabilem, quàm pestilentem.

Quinta, an homo, gratia exēpli, qui debet mori ex peste, habeat aliquid necessario coniunctum cum constitutione? Et si habet, quomodo sit? Et an inevitabilis, sic ut talis connectio illum adigat necessario ad mortem? Et an ex mutatione loci quis debeat euadere à periculo? Et cur aliquæ constitutiones sint, à quibus nulli euadunt, & aliæ à quibus euadant? Et cur illi qui euadunt, euadant?

Sexta, an in bello singuli qui moriuntur, genesin habeant constitutioni belli connexā? Et an ille, qui est in bello extra patriā, uel in negotiatione, subiiciatur genituræ secundū locum proprium, aut secundum locum, in quo moram trahit? Et an electiones Regum, & initia dignitatum, & habitationis in alia regione sint obseruandæ, & potestatem habeant? Et an fortuita commigratio potestatem habeat, & quæ sit cum electione, non habeat? Nam hoc multum refert, quia si etiam electio tēporis habitationis aliquid potest, essent electiones ualde utiles: & posset aliquis facere differendo uel accelerando partum, quod filius priuati nasceretur Rex aut Imperator? Et etiam dubitare contingit, an reuolutiones reuolutionibus succedētes, absq; testimonio genituræ aliquid possint? & si possint, quid possint: & quantum, & in quo genere? nam de uita haud uerisimile est.

Septima, an nauis quæ submergenda est aquis, habuerit hoc à principio constitutionis suæ uel à lignis? Et quando debeat intelligi principiū in unaquaq; re? Et an artificialia, & maximè quæ consilio fiunt, habeant principiū uerum & recipiant in fluxū ab astris? Nā si hoc ita erit, euidentius electiones

nes

nes ualebunt, & forsitan etiā sigilla. Quod si nō, non. Hæc igitur cum totam artem cōprehendant, singula suis locis declarabuntur. Nā si uellemus hæc omnia hic declarare, oporteret in expositione unius huius commentī totam artem compleri. Et expositionem huius textus, quæ satis per se prolixa est in immensum extendere & augere. Ideo prosequamur in textu.

Libro 2.
comm. 2.
& sequen-
tibus.

TEXTVS XXVI.

Cū autem, ut semel dicam, nihil intersit, quod ad hanc vim attinet, inter generalia & singularia, mirū videri possit, quānam de causa in vniuersum quidē persuasum plerisque sit, & præuideri illa posse, & præuisis utilem esse attentionē. Maxima enim pars hominum fatentur se quoque venturas cognoscere & annuorum temporū mutationes, & significationes stellarum inerrantium, necnon Lunæ configurationes. Adque eam cognitionem non mediocrem cautionem adhibent magna cura præparātes ad æstus gelidifica, ad hyemes calidifica, omni nōque dant operā, ut rerum cunctarum naturæ temperentur. Præterea, quod rectiora fiāt omnia, & in temporū conuersionibus & tutō naves in portu soluātur, obseruāt significationes fixarum stellarū. In coitu autem pecorū & sementibus cōfigurationes Lunæ augescēte illius lumine, neque quisquā inuētus est, qui hæc dānaret, ut quæ aut nō obseruari possent, aut obseruata nihil afferrēt fructus. Cur igitur negant esse singulatim præuisionē, ex proprietatibus

tibus reliquarū cōmitionū, vt æstus hyémisve intentiones aut remissiones futuras, deq; item vniuscuiusq; propria constitutione, vel quare inutile ferè in his cautionem esse volunt. Cū manifestū sit, si ad generales æstus gelidis instructi minùs illū sentiant, similē posse efficientiam esse etiā in singularibus rebus, quarū cōstitutio augmenta magni caloris cōplectatur. Sed enim omnis hic error ex eo nascitur, qd ferè propter difficultatem in singulariū præuisionibus parum exercentur, quæ res & alijs penè omnibus scientijs fidem detrahare solet, quódq; cōtrariæ effectiōis vis negligitur. Et quia non multū inuenire est talem cōstitutionem, & tam perfectā, cui non impedimentū à prima illa natura obijciatur, ideò opinio extitit, incommutabiliter nobis vniuersa & ineuocabili modo penitus immitti. Verum, sicut ipsa præuissio, etsi non nusquam incurrens, tamen quia aliqua sit, digna summo, nisi fallor, studio videtur. Ita etiā de attentione faciendum iudico, vt quamuis non cuncta sanare possimus, tamen quæ possimus, seu magna siue parua, in his libenter & grato animo illam amplectamur, & non vulgaris lucri instar ducamus ipsius factam nobis copiam.

Proponit Ptolemæus fundamentum ex vniuersalibus, uolens demonstrare singularium etiam esse artem præsciendi futura. Vniuersale autem tripliciter dicitur. Aut quod multa
contē

continet, ut populus, gens, prouincia, ciuitas, & hoc est ple-
 runq; minus notum singulari, nec de hoc intelligit author. Est
 etiam uniuersale, quod dicitur de multis, quod cōsideratur à
 philosopho naturali & dialectico, & hoc quandoq; potest
 esse notius singulari. Tertio modo, pro cōmuni & indiscreta
 cognitione, ut hic capitur. Argumentum igitur est, generales
 constitutiones sunt notæ, & utiles iudicio omniū hominum,
 ergo singulares. Quæ autem sint generales constitutiones, de-
 clarat tribus pulcherrimis exemplis: Primum de tempore, et
 hoc dicit pendere à Sole. Nam scimus certò æstatem & hye-
 mem futurā, & ita etiam sit utilis hæc cognitio, quoniam ho-
 mines præparant ligna, & uestes ad temperandū frigus hye-
 mis, & umbras ac porticus, et aulas ad temperandū calorem
 æstatis. Secundum exemplum est de nauigatione, in qua caue-
 mus congressum Lune cum stellis fixis, quæ tēpestatem indu-
 cunt, ut sunt Orion & Arcturus. Igitur hæc est scientia &
 utilis. Tertium est in serendis seminibus, plantandis & inse-
 rendis surculis, & admittendis iumentis, porcis & ouibus, et
 fouendis ouis, in quibus quæritur pleniluniū. Hoc igitur præ-
 sciiri potest, & utile est. Igitur, inquit, etiam singularia præ-
 sciiri possunt. Singulare appellat certam rei quantitatem &
 mensuram, quæ per reliquorū astrorum errantium missiones
 figuras & affectus sunt. Ex hoc patet trium generum maxi-
 mē illustres esse effectus, & qui ab antiquis non negaren-
 tur, Solis, Lune, & fixarum stellarum insignium, magnitu-
 dine uel situ propinquo uia, per quam Sol graditur.

Sed enim docet causas tres, quare singularis cognitio ne-
 gligatur. Vna, quia existimant illud quod aduersatur (puta
 Saturni frigiditatē) calori Solis, esse minimam & insensibi-
 lem, atq; idē contemnendam, & ita de calore Martis uel Io-
 uis. Secunda, quia scientia istarum stellarū in situ, motu, &
 loco est difficillima, idē ut reliquarum scientiarum, quamuis

Generales rō
 Naturales

Tempo Astrō
 Motu

Singulare

etiam utilium ad comparandas diuitias partes difficiliore
prætermittuntur, uelut in medicina dissectio tuta in profun-
dis partibus, quæ supponit scientiam locorum musculorum,
uenarum & arteriarum. Et in Geometria scientia conoyda-
lium corporum, & conisectionum. Et in Musica Enarmoni-
cum diatessaron. Tertia causa est, quia quidem putant uim
primæ causæ seu naturæ esse adeo potentem, ut possit auer-
tere quæcunq; uelit. Et intelligit secundum Haly per primam
naturam stellis fixas: Aliter posset intelligi Deus. Verum
commentator aliter interpretatur, scilicet quod raro (id si-
gnificauit Ptolemæus per non multum) contingit, ut talis con-
stitutio peruertat quod ex principio decretum est. Vnde fa-
ctum est, ut homines existimauerint, cum tam raro cœli de-
creta soleant peruertere, ut cuncta necessario fieri arbitrentur.
Cumq; parum hoc ad artem pertineat, non laborabo, ut do-
ceam quid magis Ptolemæus per primam naturam intellexerit.

(Verum sicut) Declarat quod quemadmodum in medi-
cina quamuis non omnia curare possimus in his, in quibus
potest, siue magna sint, siue parua, quasi dicat, siue multi ser-
uari possint, ut in salubribus morbis, seu pauci, sicut in pesti-
lentibus, pars ea tamen medicinæ non est negligenda. Ita in
Astrologia quamuis non possimus occurrere omnibus, non
debemus eam utilitatem negligere. Sicut etiam illius scientiam,
quod quandoq; (incurrens ille uertit) aberrans sit, non debe-
mus paruipendere: Sed loco non uulgaris lucri ducere illius
factam nobis esse copiam. Atq; hæc cum communi consensu
hominum & ratione demonstrauerit, ad auctoritatem sa-
pientum Aegyptiorum se conuertit.

TEXTVS XXVII.

Quæ omnia, ita ut exposuimus, sese habe-
re cum & Aegyptij intellexissent, à quibus
maximè

maximè auctam huius artis vim scimus, adiunxere ubiq; astronomicis præuisionibus medicinæ præcepta. Neq; illi cōstituisſent expiationes & auersiones, & curas eorum, quæ ab aëre vel inciderent, vel imminerent, & in vniuersum & singillatim, si in ea opinione fuissent, amoueri illa aut auerti nullo modo posse. Nunc verò, quæ contrarias effectiones in ordine naturæ habeant, quasi secundo in loco fati ponentes, coniunxere cum præuisionis vi, ad vsum & fructū omnium, viam præceptionum, quas illi vocant cōpositiones iatromathematicas, quæ vox significat coniūctionem rerum medicarum cum mathematis. Qua ratione Astronomia quidem declararet subiectarum constitutionū proprietates, & quid casuum cœlum circundans nos intenderet, & suas quorumq; causas. nam sine horum cognitione opem certam ferri posse, non sunt arbitrati, quippe qui scirent non eādē omnibus corporibus aut morbis conuenire. Sed medicinæ scientia hoc efficiebat, vt & futuri mali auersio, & præsentis curatio, quoad eius rectissimè fieri posset, de concordibus aut contrarijs singulorum effectionibus existeret.

Probat igitur illorum autoritate scientiam astronomiæ
 bifariam esse utilem. Primum, quòd ipsi constituerint iatro- *Sciã astro*
 mathematicam scientiam, id est, scientiã ex medicina & astro- *nomia*
 6 5 nomia

nomia: ueluti si quis, gratia exempli, laboret, obseruant
 horam, qua incipit agrotare: & similiter ad quem locum di-
 rectio significatoris uitæ peruenisset, & ex his morbi natu-
 ram statuebant, atq; inde curā ex his constituiebant à medica-
 na sumptam eò axioma, quòd contraria contrarijs curan-
 tur. Alio modo docebāt, quānā futuri morbi essent per astro-
 nomiam, futuros morbos, atq; homines contrario regimine
 uitæ instituebāt, ut sic tuti essent ab imminente periculo. Di-
 cit igitur, quid profuisset hæc diligētia, gratia exempli, quòd
 Mars & Saturnus cum Sole in Leone æstate futura coituri,
 debeant producere febres ardentes, & maxime siccas ac uene-
 nosas, & ob id utendum esse humidis, & cordi utilibus medi-
 camentis, si omnino nihil hæc diligentia profutura erat, neq;
 ad tollendos, neq; ad auertendos, neq; minuendos morbos? Et
 quamuis de morbis etiam factis hoc intelligi posset, attamen
 ut etiam Haly rectè interpretatur, de futuris tantum loqui-
 tur. Secundum exemplum est de expiationibus & auersioni-
 bus, quæ hodie etiam in usu sunt, dum supplicationes popu-
 li & sacerdotes præsertim imminente siccitate, aut imbribus
 fatigati celebrant. Sed tunc multò antè quàm fierent, Astro-
 logia edocti procurabant, nunc uerò non nisi iam malo ipso
 percussi atq; edocti, talia facere solent. Intelligit autem per ex-
 piationes, preces ad Deum atq; sacrificia: per auersiones, ma-
 gica quædam, quæ grandines aut pruina à campis auertere
 credebantur, per curam uerò quod ex arte rustica est, ueluti
 si frigus immineat ingens, malorum punicearum arbores pa-
 lea circuncinguntur: Si carbunculus uitibus, serius putantur,
 procurandumq; est ut serius germinent. Nanq; si non turgent
 plantæ ac germinare properant, uix hoc malo pereunt. Pro-
 pter quæ morus arbor rarò perit, quòd serò pariat germen,
 ultima quippe est omniū arborum, & ob id sapientissima ap-
 pellata. Quod uerò de Aegyptijs adiecit, quos auxisse at-

tem

tem refert, intelligit tum illos, tum affines illis quasdam provincias, ueluti Chaldaeos, de quibus narrat Suetonius in Nerone praedixisse illi imperiū & paricidium matris, quod cum illa audisset, dixit, Occidat, cum imperet. Ex his fuit Thrasylus qui imperium Tiberio exuli praedixit, nimis magnus auctoritate, quod Tiberius flagitiosè uixit: Et C. Caligulae Sulla Astrologus necem similiter & imperium atq; utrunq; in spectatum: Atq; hic maxima etiā auctoritate uixit. Infelicioꝝ fuit Asclepiades sub Domitiano, sed illustrior euentu duplici atq; exquisitissimo, ex hoc genere fuit etiam, qui Gordiano Imperium per instrumenta tempusq; praedixit. Vt appareat Chaldaeos atq; Aegyptios hac in arte supra fidem fuisse celeberrimos. Quorum scripta cum collegisset Ptolemaeus, in hunc librum compegit, sed tam breuiter, ut maxima pars artis desideretur. Praestabat enim quemadmodum & praestantissimus Hippocrates postquam ex singularibus artem compegerat, librum etiam & singularem exemplorū epidemijs correspondentem conscribere. Multum enim attulisset lucis ad intelligendum ea, quae hoc in libro scripta sunt, simulq; fidei aduersus illos, qui artem inanem esse declamitant. Sed hoc nos in Ephemeridum Supplementis facere conati sumus. Nam neq; hoc efficere opus est cuiusq; sed eius primum tantū qui in omnibus bonis disciplinis, quemadmodum superius diximus, fuerit exercitatus. Secundum qui diligenter ea, quae à Ptolemaeo atq; alijs scripta sunt, legerit & fuerit meditatus. Tertium, qui multa diuersis in disciplinis feliciter conscripserit, ne auctoritas exemplis desit. Quartum, ut sit hac in disciplina exercitatus, ut opere ipso praestare possit, quae docēdo pollicetur. Quintū, ut sit uerax, ne fides in scriptis desideretur. Sextum, ut sit grauiissimi iudicij, tū ut sciat, quid ex unaquaq; seligendum, constitutione seu generalis fuerit, seu Genethliaca, tū ut sciat distinguere ueras à falsis genituras, cum pluri

Chald
Aegypt

mi delectentur falsas offerre, ut uel Astronomos probent, uel illudant eis. Est etiam ex usu iudicii grauitas, ut solum rara & uulgaribus Astronomis incognita doceat, quemadmodum Hippocrates in medicina fecit. Quantum profuisset geniturae Domitiani exemplum atq; Neronis, cum temporum indicationibus habuisse, non solum ad gloriam artis astronomicae, uerum ad ipsam disciplinam excolendam amplificandamq; quas quidem Ptolemaeum habuisse uerisimile est, quod proximus ei etati fuerit & ipse praediues, sed neglexisse uisus est. Periere & multa illorum monumenta, siquidem Chaldaeorum & Aegyptiorum, quae in Iulij Firmici manus peruenerunt, quamobrem ex eo multa seligemus transferemusq; in alium librum, maxima tamen cum difficultate, quod cum ille purus est, & grammaticus, expertusq; omnino huius artis, non solum omnia absq; iudicio, bona, mala, falsa, uera, ex toto & ex parte ueritatem continentia, coniuncta disiunctaq; in unum absq; discrimine compegerit, sed quod multa non intelligens confuderit atq; corruperit, & (quod deterius est) suppressis undiq; nominibus, quae si addidisset, ut Aetius in suo medico uolumine, & Galenus passim in libris de Medicamentis (quoniam talia experimento constant) facile fuisset coniectari, quantum unicuique praecepto fidei esset tribuendum.

Quod uero dicat (quasi secundo in loco Fati ponentes) intelligit ut dixi praeuisionem seu auxilia pro fato, id est, opere necessario naturae, quod uincit secundum fatum, id est, minorem necessitatem, quae ex astris habetur. Veluti si futura sit tertiana in aetate sequenti, purgaueritq; bilem antea, usq; fuero lactucis & aqua lactis, & lymphato uino, plane albo, necessitatem primam & certam, quam fatum hic exposuit, ne tertiana hic adueniat, inducet, Astrorum uero influxus secundi fati uim retinebit, quia necessitas illius ab alia necessitate opposita superatur.

Verum de his ac summam quidem hactenus. Nunc transeamus ad explicationem harum rerum, ordientes ut in præceptionibus à primis, hoc est, quæ sit cœlestium corporum & propria vniuscuiusque natura & efficacia, ita ut tradidère veterum naturales obseruationes præq; cæteris de stellarum errantium viribus, deq; Solis & Lunæ differamus.

Proponit ordinem tradendorum in hoc primo libro, scilicet de natura, inde de viribus corporum cœlestium, præcipue autem Solis & Lunæ, inde errantium stellarum, & hoc secundum traditiones ueterum, non quorumcunque, sed naturalium tantum: ut doceret nos contemnendas esse nugas illas, quas postmodum ex quibusdam sortilegis traduxere ad nos Arabes, satis infeliciter artem corrumpentes. Per naturam uerò intelligit masculinos fœmininosq; planetas, item diurnos ac nocturnos, tum uerò potestatem in signis, amicitiam & odium, quæ tamen non describuntur à Ptolemæo. Similiter & situs, & motus, & figuras ad Solem, & generaliter quæcunque extra cœlum non extenduntur: Sed per vires quod calefaciant, infrigident, humectent, siccent, beneficiæ sint ac maleficiæ, uentos aut imbres generent, diuitias aut paupertatem genitis, animos magnos aut humiles, aut auaros, aut sapientes, & generaliter quæcunque ad hæc inferiora pertinent.

*

Caput

Caput quartum.

TEXTVS

XXIX.

De Viribus stellarum errantium.

Nimaduersum est naturam Solis effectū habere caloris, paulatimq; licitatis. Hunc nos etiā sensibus percipimus multò certius, quàm reliquarum stellarum, propter ipsius & magnitudinem, & euidentiam mutationum temporalium, quandoquidem quò propius Sol accedit ad verticalem nostrum locum, eò magis ea, quæ diximus, experimur.

Quoniam expositores hīc præfari solent quedam atque adeò curiosè, ut etiam circa titulum multa dicant, idè & nos quatuor circa hunc præsentem textum faciemus. Primum quidem ponemus subiecta de quibus Astrologus considerat. Secundum exponemus titulum capituli atq; diuisionem affectuum planetarum & reliquorum. Tertiò præfabimur quedam circa textus expositionē. Quartò & ultimò ipsum textum explicabimus. Primum igitur dico, quòd subiecta quæ Astrologus considerare debet, sunt quatuor. Primum sunt stellæ septem, erraticæ dictæ, quòd uarijs motibus moueri uideantur manifestè, & etiam quòd solæ uagētur. nam quamuis fixæ uarijs motibus moueantur, ab antiquis tamen propter tarditatem motus ab occidente in orientem, uisum est illas solo uno motu moueri, propter hoc, & quoniam etiam simul mouētur, fixas aliqui, alij inerrantes appellauere: plane eas enim erraticas Græcè sonare & aplanas, id est, non errantes, haud obscurum est. Planetæ igitur septem sunt, Lu-

na,

ma, quæ omnium infima est & terræ propinquissima, inde
ascendendo Mercurius, Venus, Sol, Mars, Iupiter, Saturnus.
Secunda pars subiecti à stellis errantibus comprehensa fuit.
Tertia uerò est de partibus cœli, quæ secundum longitudi-
nem, aut secundum latitudinem, aut substantiam, aut situm
distinguuntur. Secundum longitudinem quidem sunt duode-
cim signa, quæ in tabula depicta uides cum characteribus,
quorum initium est ab Ariete, cuius initium est in æquinoctij
puncto, id est, puncto æqualiter distante ab utroque polo.

Planeta seu erratica.						
Luna	Mercurius	Venus	Sol	Mars	Iupiter	Saturnus
☾	☿	♀	☼	♂	♃	♄

Signa.					
Aries	Taurus	Gemini	Cancer	Leo	Virgo
♈	♉	♊	♋	♌	♍
Libra	Scorpio	Sagittarius	Capricornus	Aquarius	Pisces
♎	♏	♐	♑	♒	♓

Secundū latitudinem autem in Borealem & Australem ab
Ecliptica, aut æquinoctij circulo, & uocatur declinatio. Se- *sermone*
cundum situm autem quoniam quædam sunt in cœli corde
& ad fortunam magis ualent, imò ad existimationem, quem-
admodum in ascendente propria corpori & animæ, quædam
in septimo loco, quæ ad fortunam & potentiam, quædam in
imo cœli, atq; de alijs eadem ratione. Quo uerò ad substan-
tiam, partes sunt cœli aliæ alijs feliciores. Nam cœlum sic se
habet, ut terra, stellæ montium uicem habent & lapidū: ipsa
cœli substantia quædam affert bona malæ, calidior frigi-
dior, siccior humidior, pinguis macilenta, arida secunda, fe-
lix infelix, æqualis inæqualis, pertinax mutabilis, ferax steri-
lis. Sed illud quod uitare non possumus (nam de mani & ple-
no, tenebroso & lucido, magna est dubitatio) est, quoniam
par

Turbide

partes cœli quædã sunt turbidæ, uelut uia lactea, & quædam
 perspicuæ. Quartum genus est crinitarum stellarum, Come-
 tas Græci uocant: Hæ enim in cœlo sunt: ut aliàs do cuimus.
 Non autem trabes aut gemini Soles uel Lunæ uel talia: hæc
 enim sunt in inferiore aëris regione: De his igitur omnibus
 considerandum. Caterum quod ad titulum pertinet, illud pri-
 mò animaduertendum, quo ad uires planetarũ intelligit quæ
 tuor modis, non tamẽ hic, nisi primo modo, qui est simplici-
 mus iuxta primas qualitates. Secundus est, quo ad propinqui-
 tatem Solis, & refertur ad principium. Tertius est, quod re-
 fertur ad locum, & hic est duplex. Aut enim ad locũ natura-
 lem, uelut in signo, uel in latitudine: aut in cõparatione no-
 strũ, uelut in medio cœli, in occidente, supra uel infra ter-
 ram. Vel in cõparatione ad ipsum propriũ cœlum, ut quod
 sit in abside uel in opposito, uel quòd sit uelox uel tardus.
Velox Velox enim fit in opposito utriusq; absidis, sed tamen cum
 absidẽ intelligo, de eccẽtrico loquor, cum uelocitas motus sit
 propinqua nature absidis uel oppositi eius & propinquitati
 Solis, ut liquet ex his quæ dicta sunt à Ptolemæo de stellarũ
 motibus. Diuiditur autem modus primus in tria, in naturam,
 sexum, & qualitatem. Natura quidem, ut dictum est, calidi,
 frigidi, sicci, & humidi, ex qua deriuantur benefice, malefice,
 exitiales & uitales, fœcundæ atq; steriles. Sexu autem, mascu-
 linæ & fœmininæ. Qualitate autem, diurnæ atq; nocturnæ.
 Diuiduntur autem planetæ præter id tribus modis, in lumina-
 ria & quæ erraticæ simpliciter dicuntur: Luminaria dicuntur
 quæ plurimo abundant lumine, & sunt Sol & Luna, tantum
 enim habent luminis, ut utrunq; in die uideatur & reliquas
 etiam stellas obumbrent, quanquàm Venus aliquando & ma-
 ximè ab his, qui acie uidẽdi pollent, quĩq; iam ut dixi, eius lo-
 cum nouerunt, uideatur, obscure tamen, & obscurius illa
 Mercurius quatuor eisdem conditionibus, situ, aëris natura,

acie

acie uidendi, & scientia loci, iuuantur & instrumento, ut iam quinta sit conditio obseruadi stellas in die. Secunda uerò diuifio est, quoniam luminarium alterum quidem primum et per se est & est Sol: aliud, quod illi succedit, estq; Luna. Ob id clarum est, cur à Sole inceperit: Nam Sol luminarium primum est, & luminaria erraticis quadrifariam præferuntur, potentia, claritate, cognitione (multi enim sunt qui sola illa ab alijs separata esse syderibus putant) & simplicitate motus. Cum igitur Sol non solum cæteris quinq; erraticis, sed etiam ipsi Lunæ his quatuor causis præstet, manifestum est, cur Ptolemæus à Sole initium duxerit. A manifestioribus autem, ut bene dicit Haly Peripateticorum sententia, è quorum numero Ptolemæus est, initium doctrinæ sumendum est, atq; ea de causa, quamuis non ordine situs, de Sole primum, secundo de Luna, tertio de alijs quinq; erraticis, tractat. Atq; in illis cum non uideretur manifestus ordo doctrinæ, ab euidentioribus aut potentioribus, ordinem situs sequutus est, non quidem ascendendo sed descendendo, scilicet ut à Saturno initium duceret. Nam quinq; hi planetæ tertia diuisione distinguuntur, tres enim, qui supra Solem sunt, superiores dicuntur, scilicet Saturnus, Iupiter, & Mars: duo uerò qui infra illum, scilicet Venus & Mercurius, inferiores. Ut uerò ad rem propius accedam, tria præponere docet. Primum, est quòd Solis opera sunt à Lunæ operibus maxime distincta partibus anni, & diei, & elementorū, & regionum. Sol quidem æstate, id est, dum est ab initio Arietis usq; ad initium Libræ, potentior est & euidentiores facit effectus: Luna uerò in sex reliquis signis. Similiter Sol in die potentior est, quam in nocte: Luna uerò in nocte, quam in die. Similiter Sol potentior est in aëre, Luna in aqua: terra uerò utriq; communis est. Declaratū enim est à nobis in physiceis, quòd tria tantum sunt elementa, terra, aqua, & aër. In horum igitur altero,

f scilicet

*Tria hæc ele
menta*

scilicet aëre. Sol magis prædominatur, in altero, scilicet aqua Luna magis, in terra, quòd calore Solis & humido Lune æqualiter indigeat, utrunq; luminarium quantum ad fecunditatem arborum, & herbarum, & segetum, æqualiter dominatur. Quo uerò ad regiones pertinet, Sol quidem in regionibus dominatur magis quæ sub torrida sunt Zona, & propinquis, Luna uerò magis in his quæ iuxta polos sunt. Adeò ut in Scotia (ea ultima est Britannie pars quæ ad Boream spectat) quinquaginta septem & amplius partibus ab æquinoctio distans, Luna potius quàm Sol uideatur æstatis aut hyemis esse causa. Sed tamen hyemis quidem & ubiq; ut dictum est, causa est & moderatrix, æstatis autem solum moderatrix. Ultra uerò circulos poli Arcticum atq; Antarcticum, Luna utraq; tempora disponit, in medijs autem regionibus utruq; luminare ferme æqualiter. Sed & oriënti magis præest Sol, Luna occidenti, Mediterraneis autem locis Sol, insulis et locis iuxta mare, Luna. Regula uerò una debet esse generalissima, quòd planeta omnes successione fiunt potentiores, ueluti Luna non dominatur neq; moderatur, nisi quia Sol non perfecte agit, uel quoniam regio est in extremo occidentis aut Septentrionis, aut insula, aut iuxta mare, aut est ipse Sol in signis Australibus, quòd fit tempore hyemis, uel autumni, aut in nocte, aut impeditus, uelut à Saturno, uel in duodecimo, uel octauo loco. At si consideres potentiam Lune, non solum magis nocte, quàm die potest, atq; hyeme, quàm æstate, sed etiam plus Sole, sic etiam in terræ parte Septentrionali: atq; hæc secunda est regula. Nam si Luna uis post Solem desinat, tunc locus est planeta prædominanti alteri. Itaq; fit, ut hæc causa per se Saturnus terræ prædominetur. Quoniam Sol propter illius frigiditatem tantum non potest, quantum debet excalescere: neq; Luna quantum debet humectare. Ideòq; sub Saturni imperio relinquitur. Tertia regula est, quòd

omnis

omnis planeta aliquid adimit uel addit operibus Solis aut Luna, aut alterius, cum ei adiungitur uel opponitur, uel aliquo aspectu seu radio copulatur uel aduersatur. Illud tamen minimum est, cum planeta natura nobilior ualidus fuerit. Memen-
to tamen quod tempore omnia senescunt, & Sol quantumcunque ualidus, aut Luna, temporis successu per directionem impeditur. Eadem est ratio stellarum fixarum. Ex his tandem colligitur, quod Solis opera illustriora sunt, inde Luna, inde Iouis aut Saturni, inde Martis aut Veneris, post Mercurij, inde fixarum stellarum secundum illarum magnitudinem, & lumen, ut persape errantium uires uincant.

Secundum ex his pedit atque dubitationem habet: nam cum Ptolemaeus uelit per qualitates manifestas in ambientem diffusas aërem, corpora nostra affici: sequetur natos mense Iunio Iulioque calidissimos futuros, uel saltem calidiores natis mense Decembri et Ianuario, cuius tamen oppositum saepius experimur. Imò, quod maius est, nati regionibus et temporibus frigidis, calidiores sunt atque robustiores Arabibus atque Indis, atque aestate natis. Propterea plurimi merito Ptolemaeum re-
liquerunt, ob hanc Astrologiam contemnentes. Sed ratio Ptolemaei subtilior est, quam ut à quoquam possit deprehendi. Non enim in eo quod factum est, sed in eo, quod fit, uis consistit. Decebat autem Ptolemaeum hanc rationem praetermittere, quia apud populum non intellecta, ab arte alienaret legentes. Res autem ita se habet: nascitur quispiam Sole primum punctum Leonis possidente in medio caeli, tunc uero maxime aër feruet: Sin uero Saturnus in ascendente, tunc profecto si nihil prius egisset Sol, aër totus nubilus atque frigidus esset, caliditas quoque quaedam quasi subsultim uigeret: Itaque diuersis modis continens afficeretur uincente frigiditate. Ergo non in eo, quod factum est, nisi ut signo, iudicium sumendum decernit Ptolemaeus, sed in eo quod fit. Quoniam quod nascitur,

nouum est, & iuxta impressionem quæ sit, non quæ facta est, afficitur. Hoc autem cum latuerit plerosq; , nescio quomodo quispiam adduci potuerit, ut Astrologia crederet, aut cum crederet illā tueri potuerit. Vel etiam dicendum, quod qualitas acquisita, uita author sit, quæ uerò acquiritur, moderatrix. Veluti si duo hostes pugnaturi sint, quorū alter habeat in redditibus uiginti millia, alter tria millia tantum, qui uerò uiginti millia habet, habeat & in expensis decemotto millia, qui uerò tria millia, nihil quandoq; habeat, quandoq; etiam omnem redditum absumat: Sic fiet in certa pugna. Ita cōtingit, ut cum Sol uita, Luna uerò corpori suffragetur, iam absumptis uiribus Solis ac Lunæ in exhibenda uita ac statu corporis, aliorum planetarum effectus egregij apparent. Aliud capiamus exemplum: sit egregius artifex quispiam celandæ statuæ, incurrat eum debilitas uisus, aut imbecillitas manus, aut nihil horum, sed quispiam dum laborat, alius illius brachium collidat, aut scalptrum, nōne statua absurda fiet? & tamen artifex ipse centum obtinebit partes, ubi uix ille impedit unam. Atq; ut uno uerbo dicam, adagiōq; Aristotelico utar, ad construendum plures requiruntur, ad destruendum sufficit unus. Itaq; quomodo, & quando, & cur planetae uires habeant, tum reliquæ stellæ, iam satis declaratum est.

Tertium uerò, quod præmittere oportebat, est, quoniam declarauimus in physis, non esse nisi duas qualitates, unam quidem agentem cœlestemq; , & uocatur calor, cui opponitur priuatio, quæ est frigiditas, alteram, quæ est humidum elementale, cui siccitas tanquā priuatio opposita est. Omnia igitur astra calida sunt, quia omnia aliquid operantur, atq; hoc Aristoteles & Auerroës quasi uates intellexerunt, propter principia tamen falsò supposita, quæ ab Hippocrate & prioribus acceperant, non poterant reddere rationem eorum quæ admittebant, imò in maximas difficultates inci-

derunt

derunt tum maximè Auerroës. Igitur Saturnus caliditatem habet metallis, & lapidibus conuenientem, tum etiam herbis atq; arboribus, tum etiam quibusdam animalibus, utpote scorpionibus & scarabeis: homini autem noxiam ac minimè congruentem, ob idq; frigidus dicitur. Sic non solum unusquisq; planeta, sed etiam inerrans stella & suum habet calorem, & comparatione diuersorum calida dicitur, aut frigida, sed hic omnia ad hominem referuntur. De sicco autem et humido alia ratio est, de qua nunc textum explicando, disseram.

Dicit igitur Solem esse calidum, sed paulum habere siccitatis: intelligit ergo Solem magnam habere caloris vim. Nam uerè Sol est calidissimus, cum tam procul distans & à terra & à uertice, sic quandoq; aërem in Britannia excalefaciat, quem nec mille magnæ pyre accensæ excalefacere sufficerent. Quòd si dicas hoc ex magnitudine cōtingere, respondemus id non sufficere, quoniam Sol licet dimetientem habeat quinquies cum dimidio globo terræ maiorem, habita tamen distantiae ratione, uidetur ac si esset tantus, quantus apparet. Vnde non malè omnino uidentur Epicurei dixisse: Solem non esse nisi qualem apparet, scilicet pedale, uel paulò maiorem. Caliditas igitur illa est potius ob robur syderis, quam magnitudinem. Nam si ignis pedali rotunditate magnus sub initio Cancris distans mille passibus à terra, solum circunageretur Britannia, nullum penitus sensum caliditatis effingeret in aëre. Ergo Sol ipse longè igne calidior est, atq; uiuacior. Verum calor ille, quia siccus non est, immoderatus non dicitur. Intelligit ergo Solis calorem esse multum, non tamen immoderatum, coniungitur enim calor hic cum humido. Itaq; corpus quod sic immutatur, calidum est uehementer. Regula enim est, & quarta in ordine, obseruatione digna, Quoniam omnis planeta & omne sydus talem habet uirtutem, qualem habet impressionem. Veluti Luna, gratia exempli Sole poten-

tior est in nocte, quia lucere solet in nocte: quamvis ergo Luna sit sub terra nocte, sicut & Sol, attamen Luna plus poterit quam Sol, quia Luna non repugnat lucere de nocte, sicut Soli. Et similiter, Luna plus potest in Boreali^{bus} regionibus & Australibus iuxta polos, quam Sol, quia magis appropinquat illis partibus. Nam Luna potest habere quinque partes latitudinis tam Australis, quam Borealis: ergo cum fuerit in primo puncto Cancris cum latitudine Boreali maxima, id est, in capite Draconis, erit propinquior polo Boreali, quinque partibus ipso Sole. Et eadem ratione cum fuerit in cauda Draconis in initio Capricorni, erit propinquior polo Antartico, quinque partibus ipso Sole. Licet igitur in hyeme Luna esset in principio Capricorni cum Australi latitudine quatuor aut quinque partium, plus posset in mutationibus temporum, & plus faciet apud Scotos quam Sol, quia potentia talis est. In Brasilia autem & sub Antartico polo duplici causa, & quia potentia talis, & quia actu iam propinquior est. Simili ratione sub polis non tanta est frigiditas, quanta creditur: quia Luna, Venus, & Mars maximas habent latitudines. Luna quidem quinque partium, Venus autem etiam octo excedit. Saturnus autem, qui frigoris author est, uix tertiam partem potest implere: Dictum est autem de his in Problematibus, & libris decem Astronomicorum Iudiciorum. Sequitur etiam pari ratione, ut planetae in prima domo uires habeant maximas, non in sexto loco: cum tamen utrinque fiat crepusculum in Sole (nam stellae aliae iuxta luminis quantitatem eandem rationem subeunt) quia matutinum crepusculum ad perfectum splendorem terminatur, uespertinum autem desinit in tenebras. Iuxta hoc igitur dicemus, Solem esse calidissimum. Et quomodo non erit calidissimus, cum longissimam uitam decernat? Declaratum enim est a nobis in Medicis, uitam consistere multitudine humidi pinguis, & humidum

Brasilia

*Sub pol. non
tota frigida*

h

*Alto in p.
domo.*

Crepusculum

*Longissima
uita decernit*

dum pingue idem substantia esse cum calore naturali. Cum igitur Sol longeuissimos faciat, idem humidissimos & calidissimos necessariò faciet. Hoc autem contingit illi propter motus æqualitatem, ut non uideatur immoderatè calidus.

Quæcumq; enim mouentur æqualiter, tepescunt: quæ autem modò uelociter, modò tardè, qualitates magis excitant, non autem substantiam mutant. Declaratum est enim à nobis in expositione primæ partis primi libri Auicennæ, duplicem esse calorem, atq; etiam duplex humidum, alterum quidem, substantia, atq; hoc in genere Sol est calidissimus atq; humidissimus, cuius aduentu omnia urent, & animalia turgent ad uenerem, & homines, ut dixi, fiunt longeuissimi, qui illo potente, & potentissimo nascuntur. Cum uerò ad qualitatem respicimus, moderatè calidum dicimus, ut Ptolemæus: quia immensitas caloris humidi multitudine obtunditur, & siccum paululum, quia humidū aqueum ab illo totum consumitur, aut immutatur, iuxta quod humida secundum qualitatem dicuntur, id est, quæ aqueo abundant humido. Ob id igitur Solem paulum siccum dixit Ptolemæus, quia ubi dominatur, nihil uidetur humidi aquei, sed totum in pingue conuertitur humidum. Dixit autem effectum habere caloris & siccitatis uerè potius, quàm calidum & siccū: quia, ut diximus, Sol minime siccus est, imò neq; ulla alia stella (ut docebimus) sed humidissimus, & non calidus, sed calidissimus. At ipse alia ratione sequutus Peripateticos somniantes Solem non calidum esse, sed calefacere, dixit effectum habere caloris & siccitatis, non calidum esse uel siccū. Quod tamen, ut dixi, si ad qualitates referatur impressas, & non substantiam, uerissimum est. Neq; enim Sol neq; ullum aliud astrum qualitate præditum ulla est, sed sunt astra omnia impressuarum qualitatibus expertia. Calor enim, qui in nobis fit, ut in libris de Subtilitate docuimus (quem impressum soleo ego uocare)

Plurimæ
in fixis
maior sole

4^{ta} regle

Virtus lūis

Corporis m^o

Lūis clarit^{as}

densit^{as}

Tempus ast

fit max^o

notat^{ur} b^o

Legat^{ur}

Ast r^o p^o

ex motu fit seu in igne, seu cum res dura mouetur. Ostendit autem hoc Ptolemæus ex magnitudine non quidem simpliciter tantum, sed simpliciter & quo ad nos. Nam fixarum plurimæ simpliciter maiores sunt Sole, sed non quo ad nos magnæ, Luna uerò quo ad nos æqualis fermè Soli, sed non simpliciter, Sol utroq; modo. Igitur cum maximus fermè sit, plus continebit luminis & caloris. Peripateticorum enim sententia, calor pro luminis magnitudine distribuitur. Non autem magnitudo simpliciter, sed ex quantitate, densitate, & claritate: sed Ptolemæus duo hæc ultima breuitatis causa prætermisit. Sicut etiam mutationem quatuor temporum causam facit magnitudinis caloris. Igitur, ut tandem hanc expositionem concludam, Sol quidem secundum substantiam calidissimus est, & humidissimus, secundum qualitatem impressam moderatè calidus est atq; paululum siccus. Ex quibus Haly non ineptè has quatuor regulas colligit. Prima, Virtus omnium syderum consequitur magnitudinem ipsius syderis. Sed, ut dixi, melius est dicere ipsius luminis, quæ consistit in tribus, ut dixi, in corporis magnitudine, luminis claritate, & densitate. Secunda est, quòd postquam Sol præcellit alias stellas omnes, idè etiam dominatur in omnibus quæ sunt maxima, scilicet Regnis, Regibus, Magistratibus, Sapientie, Magnanimitati, Nobilitati, Fortitudini, Splendori, ac talibus. Tertia, quòd propter temperiem significat etiam mores bonos, longeuam uitam, & incolumem, rationem bonam, amorem honorum, fidei, lucis, claritatis uestium, pulchrarum gemmarum, & aurorum uasorum, munditiei & laetitiae. Quarta, ut habeat opera affectibus consequentia, ut uersari cum principibus, diligiq; ab illis, ludere, iocari, à Re publica non alienum esse, dignitatem retinere, & tamen esse comem, oculorū claritatem habere. Ex his etiam sequitur, ut omnia optima possideat in unoquoq; genere, inter metalla, aurum,

aurum, inter gemmas, carbunculum (Haly dicit Hyacin-
thum) inter animalia equum, leonem, aquilam, & inter ar-
bores parmam, atq; ita in cæteris.

TEXTVS XXX.

At Luna propterea quod proximè terram fertur, unde humidæ exhalationes exeunt, plurimum madefacit: Atque ita prorsus subiecta corpora potissimum & mollia reddit, & putrefacit. Habet tamen propter illustrationem Solis, etiam calefaciendi communicationem.

Saturni stella maximè frigidifica est, sed & nonnihil arefacit. Quod ut verisimile est, & à Solis calore, & terræ humiditate longissimè distat. Ceterum & huius stellæ, & reliquarum vires exquiruntur etiam de observatione configurationū ipsarum cum Sole & Luna. Nam secundum illas, aliàs aliter, pro intensione & remissione circumfusi nobis cœli, modum constitutuere, manifestum est.

Stella Iouis temperatæ naturæ est. Media enim fertur inter frigidificā Saturni & æstuosam Martis. Calefacit autem & humectat: sed quia calefaciendi vis præcellit, ideò fecundi ab illa venti excitantur.

Martis stella & arefacit & vrit, sicut congruit igneo ipsius calori, & vicinîtati solari, cum subiectus illi sit orbis Solis.

Stella Veneris eosdē habet effectus, quod
f s qui



quidem ad temperationem attinet, quos Iupiter, sed ratio est diuersa. Nam quòd vicina est Soli, nonnihil calidifica est. Sed multò vehementius humectat, quemadmodum & Luna, propterea quòd ingenti luce prædita, attrahit exhalationem humidā à proximis terræ locis.

Mercurij stella ferè quidem non minus, ali quando arefacere, quàm humores absorbere, propterea quòd non valde longè à Sole recedat, aliquando tamen & humectare deprehenditur, cum superposita sit terræ proximo orbi Lunæ. Subitarum autem mutationū inutranque partem effectrix est inflata, quasi celeritudine comitatus solaris.

Quicunque expositores conati sunt hunc librum exponere ante nos, non solum coacti sunt dissidentia à philosophis affirmare, sed nec sic etiam experimentis satisfaciebant: quandoquidem in stellis nihil aliud sit, quàm calor, nam humidum & siccum affectus sunt patientium corporum, qualia non sunt coelestia: Frigiditas uerò priuatio solum caloris est. Sed nec simpliciter calor qualitas est, qualis in igne uel motu, sed substantia in lumine, ut iam dixi. Hic uerò trifariam distinguitur: multitudinem (quæ duplex est) tenuitate, & puritate, seu claritate. Siccantur etiam omnia, uel à crasso calore, uel à modico. Cum enim aer humidus sit, maximus calor, si sit tenuis, penetrando aerem inducit aqueos uapores, atque ita concoquit & humectat, non siccatur. Crassus autem, dum non penetrat, cum primum calefacit, statim etiam siccatur. Exiguus uero etiam siccatur, tum præcipue cum crassus fuerit, quoniam cogit, neque dissoluit humidum: ob id Saturnus atque Mars siccant, sed

sed Mars longè plus, tum quia plus calefacit: tum quia sub-
stantia illius impurior est. Est autem substantia illius non to-
ta lux, sicut in Sole, sed crassior, ac magis peruia.

Vt autem aliquid de his diligentius habeatur, exquisitum,
scire decet, quòd unumquodq; astrum, ut in phycis docui-
mus, dupliciter lucet, uelut & Luna proprio quidem lumi-
ne atq; Solis, quod à corpore astri terso atq; solido reflecti-
tur. Itaq; cum neq; omnino purum est astrum, sed substantia
minùs lucidum, neq; solidum, tunc obscurius est: uelut Mars
& Luna ea parte, qua à Sole non illuminatur. Igitur stellæ
fixæ quæ plurimùm lucent, ut Canicula, proprio lumine lu-
cent. Propriū autem non Soli simile, sed uel obscurius, uel de-
bilius. Verūm dices, Saturnus frigidus esse uidetur, nam re-
frigerat homines & illorum membra grauiter ledit: sed non
simpliciter hoc fit, uerūm quia Saturni corpus minorem ha-
bet quàm homini conueniat, caliditatem. Rursum dubitabis,
quia iunctus Lunæ frigiditatem auget, maxime hyemis tempo-
re: Sed id etiam fit, quia cum Saturni calor minor sit quàm
Lunæ, ut tepida aqua feruenti mista, minùs calidam efficit fer-
uentē: Et quæ minùs calida est tepida, tepida, reddit minus
quàm tepidā. Itaq; Saturni calor calori Lunæ iunctus, mino-
rem illum reddit. Verūm dices, etiā cum solus Saturnus ascen-
dit absque alijs stellis frigus auget. Causa est pulcherrima,
quia cum, ut dictum est in libris de Subtilitate, aer sponte sit
frigidissimus, qualem cunq; consequitur caliditatem, ab astris
consequitur: Saturnus uerò cum omni alio astro frigidior sit,
semper refrigerat, dum aliorum opus impedit. Sciendum
est etiam, quòd uniuscuiusq; sideris lumen proprium, est ma-
gnitudine, multitudine, tenuitate, & claritate ab alijs diuer-
sum. Quod uerò reflectitur, cum sit Solis, purissimum est, te-
nuissimum atq; densissimū, ob id etiā concoquere potest, cale-
facit & humectat. Quamobrè Ptolemæus Soli & Lunæ pro-
priè

prie & maximè uita principia tribuit. His uisis, ad textus ex-
 positionem accedo: Luna cum sit terræ propinquissima, plus
 in illam agit lumine suo, eleuatq; uapores ex parte humidio-
 re (nam ex sicca non possunt eleuari) ideò humectat, & ma-
 defacit aërem. Est alia causa, quæ à Ptolemæo adducitur, sci-
 licet cur Luna trahat uapores manifestè à terra, & hume-
 ctet, quia non habet à quo impediatur. Nam licet Venus &
 Iupiter humectent & madefaciant, cum tamen Mercurius &
 Luna intercipientur, non potest adeò esse manifestum opus il-
 lorū. Tertia causa est à Ptolemæo declarata, cum dixit, quòd
 propter lumen Solis habet uim excalescendi, & est cla-
 rum: quia lumen illud, ut dixi, est densum, purum, & tenue:
 humectat autem utroq; lumine, scilicet proprio & Solis, sed
 calefacit solum manifestè lumine Solis. Calor enim illius pro-
 prius est fermè similis calori Saturni. Dixit, quòd propter
 hoc mollit corpora & putrefacit: mollit quidem quia hume-
 ctat, omne autem corpus tantum habet molliciei, quantum
 & humidum. Verum putrefacit, quia humidum & calidum au-
 gentur. Sed humidum à duobus caloribus, scilicet proprio &
 Solis, calidū ab uno tantum. Quapropter humido uincente
 calorem, fit putredo: nam putredo prohibetur, uel quia ca-
 lor dominatur humido, uel quia deficit humidū, uel quia de-
 ficit calidum: modò Luna dominante nihil horum fieri potest,
 igitur Luna putredinis causa est. Sed dubitatur, quoniam Lu-
 na plena luminibus frigus maximum fit in hyeme: augetur
 enim frigus apud nos à nouilunio ad plenilunium, tametsi Lu-
 na cum recedat à coniunctione Solis, quia est in signis Austra-
 libus, ueniat ad nos, igitur Luna uidetur esse frigida. Sed hoc
 est casu, non per se: uapores enim plurimos eleuat à terra,
 quicum sint frigidissimi, aërem magis in frigidant: Nam & Sol
 à Tropico Capricorni recedens, hanc ob causam magis infri-
 gidat & sauiorem facit hyemem. Par autem est ratio de Sole
 pr

2. lūe pto
calefacit

2. putrefacit
n. p. o. c. a. x

per triginta partes Capricorni, & de Luna, donec peruenerit ad oppositum Solis peragratis ferme ducentis partibus signiferi. Nam Luna est longè tepidior Sole. Cùm igitur Sol per triginta illos gradus in quibus accedit ad nos, deberet minuire hyemem, & tamen auget, Luna idem faciet per totam illam medietatem, qua ad nos accedit, eadem ratione.

Ex his uerò quæ à Ptolemæo dicta sunt, quadam excipiuntur. Primum, quòd Luna significat omnia, quæ sunt secundo loco, uelut inter metalla argentū. Similiter & omnia, quæ humido abundant, ut cerebrum in homine, & oculos, & medullas, & etiam in animalibus, hæc enim ualde correspondent naturæ Lunæ, quia sunt uehementer humida & parum calida. Ideò nihil mirum est, quòd ouium medulla & oculi *Nota* sequantur incrementa Lunæ. Tertium, quòd cùm Luna sit uelocis motus, significat etiam eos, qui sunt in assiduo motu, uelut nuntios & cursores. Quartum, quòd cùm agat ratione humidæ qualitatis propter propinquitatem ipsius terre, id est, cùm erit in media cum Sole quadrata radiatione, tunc maxime humectabit. Hoc autem magis in ea quæ sequitur oppositionem, quàm quæ coniunctionem. Ob id tunc maxime Oceani æstus augentur. Quintū, quòd cum caliditas augetur iuxta luminis quantitatem quam à Sole recipit, cùm magis plena erit luminibus, tunc magis excalescit. Sextum, quòd cùm Luna in quadrata radiatione Solis sit humidissima, quia terræ propinquissima & mediocriter calida, quia mediocre lumen habet à Sole, ideò tunc maxime putrefacit, *Imagis per* & hoc est manifestum in pestilentie temporibus experimento. Nam nullo tempore magis seuit pestis, quàm in ultima quadra. Septimum, quòd Luna ut propinquior Soli fuerit, plus simpliciter recipit luminis à Sole, minus autem in comparisonem nostri. Ideò uerò cùm recedit maxime à Sole, tunc plena luminibus dicitur. Octauum, quòd in planetis tardioribus

ribus non tantū facit uelocitas motus, sicut in tribus inferioribus. In Venere igitur uelocitas motus cōsiderāda est, & multum facit, magis autem in Mercurio, maximē autē in Luna.

Saturni autem stella quia plurimum recedit à Sole, debiles recipit illius radios, igitur minimum calefacit simpliciter, hoc autem est multum refrigerare in compositione quo ad nos. Cum uerò Saturnus, Ioue & Marte intermedio, distet à Sole, longē plus distat quā Luna: quia Martis & Iouis cœli decuplo maiores sunt cœlis Veneris & Mercurij. Ceterum dat regulam generalem, quoniam oportet in alijs quinque rationibus considerare illorum habitum ad Solem non solum, sed etiam ad Lunā. quomodo autem, dicemus inferius: Bisariam autem generaliter, uel aspectuum ratione, uel ut sint orientales à Sole: hac enim constitutione omnes gaudent, & ut sint occidentales à Luna. Dixit autem Saturnum parum arefacere, quia plurimum ab humido terræ distat: quoniam declaratum est, quod Luna propter id humectat, quia plurimum uaporum eleuat à terra propter propinquitatem. Saturnus igitur cum sit distans plurimum à terrā, siccabit: quia compri-
met uapores humidos propter crassitiem & paucitatem caloris sui. Parum autem, dicit, exiccat, quia non potest fieri siccitas magna, ut dictum est, nisi à calore immenso. Saturnus autem præst plantis, non quia frigiditas eius faciat ad plantarum generationem, nihil enim minus: sed quia prohibet generationem uermium frigiditate sua, & seminis putredinem, à quibus semina corrumpuntur & in frugifera euadunt. Nam quod ad fecunditatem illorum pertinet, Iupiter author est cum Sole & Luna.

Is igitur cum sit medius inter Saturnum & Martem, temperatus est in calore, quia mediocriter propinquus est Soli, & quia mediocriter ualidos excipit Solis radios. Ideò uerò temperatus & fecundus, quia ubi calidum humido domina-

tur,

tur, ibi est temperamentum & fecunditas optima: modò Iu-
 piter calidus est mediocriter & temperatè humidus, idèd fœ-
 cundus est, & temperatus dicitur, id est, optimè dispositus.
 Excitat autem ventos, quia calidum humido iunctum, supe-
 rante humido, generat vapores, ut in Venere & Luna: supe-
 rante autem calore, ventos, ut in Sole & Ioue. Mars igitur
 calidior est Ioue, quia propinquior, & etiam quia densior:
 ob id enim rubet quia substantia crassa est, ob id etiam arefa-
 cit. Sed & Venus calida est & Ioue calidior, quia Soli pro-
 prior est, ob id igitur excalefacit manifestè. Similiter & hume-
 dat. causa est, dicit Ptolemaeus, quia plurimū habet luminis,
 supple solaris: tale enim lumen profectò, ut declaratum est,
 quia tenue est, & densum, & purum, multum excalefacit.
 quia in hoc sequutus est Aristotelem, qui existimauit omnia
 astra lumine solo Solis lucere, cum tamen non ita sit, hoc enim
 bis demonstraui in physicis. Idèd nostra sequendo prin-
 cipia, in quibus si quis persistat, nihil absurdum cogetur fin-
 gere, & quæ Ptolemæo non contradicunt, quoniam nondum
 inuenta essent, dicimus Veneris lumen proprium esse ex Solis
 natura. Est enim Veneris cælum quasi unum substantia cum
 cælo Solis: quod apparet ex motibus, qui ferè iidem sunt:
 Vnde qui fabricant sphaeras cælestes, iungere solent Vene-
 rem Soli in una sphaera.

Solum igitur supponere decet, omnia astra proprio & So-
 lis numine prædita esse, Lunam quidem plus alieno, cetera
 proprio, aut equaliter, sed ualde pauca: demonstratum est
 enim hoc, ut diximus. Superest igitur ut declaremus, cur Ve-
 nus non sit adèd calida ut Mars, cum tamen sit Soli proxi-
 miôr: deferens enim ab sidis Veneris superius tenuius est de-
 ferente Martis inferiore. Causa est, quia ut dixi de Sole (& ut
 innuitur à Ptolemæo in textu) multitudo luminis & (ut li-
 etum est de Luna) propinquitas eius ad terram, facit ut astra
 hat

bat plurimos uapores, à quibus refrigeratur aër & calor minor redditur, atq; ita temperatur. Quòd uerò hoc non sit commentitium, facile est intelligere ei, qui scit quod iam etiam diximus aliàs, scilicet in insulam sancti Thomæ quæ sub æquinoctij circulo posita est, hyemem pati, quòdque maius est, aũ Sol illorum capitibus superstat, scilicet propter uehementem humidi attractionem atq; uaporũ. Si igitur hoc in Sole qui tantò uiuacior est Venere, quid de Venere censendum erit? Venus igitur minus calida est Marte, quia Mars propter paucitatem luminis, & raritatem, & remotionem à terra, non potest trahere uapores, sed ab alijs attractos consumit & dissipat, & ob id Mars dicitur siccus: ut regula qualitatum passionum ita statuatur: Astra quæ abundant plurimo lumine & puro atq; tenui, dum trahunt multos uapores, & purum resoluunt, humectant egregie. Quæ autem mediocriter trahunt, & mediocriter resoluunt, temperatè humida sunt. Quæ autem non trahunt & plurimum resoluunt, sicca sunt ualde, ut Mars, & fixæ quæ ex illius natura sunt. Quæ uerò non trahunt, resoluunt tamen parum, parum sicca sunt, ut Saturnus & fixæ quæ ex illius natura sunt. Hinc soluitur dubitatio, cur cum Iupiter medius sit inter Saturnum & Martem, qui sicci sunt ambo, ipse tamen sit humidus: uidetur enim par ratione, quia Ptolemæus illum esse temperatum dicit, quia medius sit inter Saturni frigiditatem & Martis calorem. Sed hoc non uult Ptolemæus, quòd quicquàm Iupiter accipiat à Saturno uel Marte: esset enim absurdissimum: sed quia mediocriter distat à Sole: Mars autem quia nimis propinquus, idèò calidissimus: Saturnus quia maxime remotus, idèò quàm minimè calidus. Ex quo apparet Solem minimè esse siccum, sed humidum: aliter Iouem necesse esset esse siccum. Humidum autem & siccum, ut centies dixi, non pendent in planetis à Sole, sed à proprio calore & illius qualitate, scilicet multitudine, densi

*Insula s^{an}cti
Thomæ*

Mars sur

Sta

*Cur 7 hinc
dixi p^{er}.*

*At q^{uod} Sol
de p^{ro}p^{ri}o calore
qualitate.*

Sol

densitate, puritate, & tenuitate. Iupiter igitur cum luminis plurimum habeat, & sit ualde magnus, scilicet maior Saturno & Marte, & uerè, & quo ad uisum, trahit uapores & humectat, sed parum trahit, quia ualde est remotus à terra. Nullus igitur superiorum potest esse ualde humidus, sed tamen Iupiter humidus est, ut dixi: Nec ullus inferiorum potest esse ualde siccus, Mercurius tamen est siccus.

Ideo dixi, quòd Mercurij stella aliquando siccatur propter propinquitatem Solis: non intelligit in situ, quia sic Venus est Soli propinquior, sed in loco, quia non recedit à Sole unquam plus uigintiocto partibus, modò citra, modò ultra: sed humectat, quia est prope Lunam secundum situm. Cælum enim Mercurij contingit cælum Lunæ, & etiam quia dum est propinquus Lunæ, est etiam propinquus terræ, & ideo trahit uapores & humectat. Et quia breuissimo tempore redit ad Solē & recedit ab illo, ideo facillimè mutatur, & omne quod est potentia tale, fit actu tale: ideo Mercurius semper facit anticipem naturam & semper noua excogitantem, quia Mercurij sydus nunquam quiescit, ut bene dicit commentator, non enim habet stationes in quibus uerè quiescat secundum summum momento. Ideò Luna & Mercurius faciunt instabilissimos homines, quia neuter eorum quiescit unquam. Sed quia motus Lunæ est perpetuò manifestus, ideo instabilitas Lunæ est omnibus cognita: quamobrem stultitia nominatur. Mercurij uerò cum dubia sit, & non adeò manifesta, caliditas appellatur, & ad prudentiam referri solet: quamuis non sit uerè prudentia, sed natura instabilis & dolosa. Cum igitur est cum Sole, exiccat ob paucitatem luminis, & etiam occidentalis, ut dicemus: orientalis autem humectat, si sit remotus à Sole, & maximè Lunæ propinquus, aut in illius configurationibus. Quantum enim Sol calefacit, tantum fermè Luna humectat. Indicium est, quòd dormientes sub Lunæ splendore

doxum
si solisCarnes
exposit

Obsequia

In

quid

In

Obsequia

In

In

In

In

In

In

In

In

In

In

In

In

In

In

In

dore, humido alieno ualde replentur: & carnes, quæ in lumine Lunæ exponuntur, putrescunt. Ergo Mercurius ob frequentes & celeres mutationes, & ob luminis puritatē (cædē enim lucet, ut quandoq; etiam per diem, ut dictum est, uideatur) mouet uentos: præcipuē tamen ob duas alias causas, & quod circa Solem uersetur semper, Sol autem, ut dictum est, uentorum causa, & quod in paruo circulo celerrimē motus, ut uirga quasi stridens, dum concutitur, aërem perpetuō moueat & conturbet. Atq; hæc de textus expositione. Nunc uerō doceamus ex his consequentiis: Saturnus dominatur melancholice: Iupiter sanguini: Mars bili: Sol sanguini in artibus contento: Venus semini: & Mercurius spiritui & uaporibus: & Luna pituitæ & sanguini mēstruo, is enim est pituitosus & crudus. Rursus Saturnus dominatur senectuti et senibus à lxxij. anno supra, Iupiter antecedenti ætati, in qua sanguinis temperies uiget, non feruor: Luna in primis quatuor annis, quibus maximē comitiali morbo obnoxij sunt, atq; ita à quinto ad xliij. Mercurius præest: post Venus ad xxij. & sic de reliquis. Nam ultima ætas est frigida, tremula, inepta, tristis, morboſa, pauida: quæ omnia sunt Saturni, & eius naturæ propria. Sic de alijs. Et eodem modo Saturnini lenti sunt, pauidi, taciturni, suspitione & dolis pleni, auari, tristes, & stulti. ob id etiam laboriosi & pauperes, contempti atq; infelices. Iupiter graues, mediocres, in actionibus prudentes, iustos, liberales, diuites, honoratos, fideles atq; felices facit: Mars præcipites, audaces, & temerarios, loquaces, simplices, prodigos, letos, furibundos, inæquali statu semper uarios: Sol fortes, secretos, probos, magnificos, letitiam præseferentes, magnanimos, cogitabundos, honoratos, quietos: Venus quales Iupiter, sed luxui, & otio, & libidini magis deditos: Mercurius uarios & sagaces, dolosos, & auaros: Luna inconstantes, laboriosos, minime magnanimos. Saturnus

turnus

turnus quoq; dominatur cicuta, halicacabo, apollinari her-
 ba, mandragora, scorpionibus: Sol aromatibus & acribus:
 Mars amaris & uenenis quæ ob calorem statim occidunt: Iu-
 piter dulcibus: Venus pinguibus: Mercurius salis, mistam
 enim talia habent naturam: Luna insipidis. Saturnus igitur
 iuxta hoc, pater est agricolarum et mendicorum: Iupiter mer-
 catorum, magistratum, sacerdotum: Mars militum & tribu-
 norum: Sol Regum, Principum, & aulicorum: Venus otioso-
 rum, & coquorum, ac musicorum, & poetarum: Mercurius
 Thesaurarios secundos, qui sunt à secretis, artifices omnes ge-
 neraliter, scriptores & eruditos omnis generis, philosophos
 & professores: Luna nautas & nuntios significat. Iuxta hoc
 igitur solum ex primarum qualitatum natura ac mensura
 missioneq; nō propria, sed quæ ex caloris magnitudine pro-
 cedit, genera omnia effectuum in planetis dignoscuntur. Quæ
 uerò ex illorum commistione fiunt, tot sunt & talia ac tam di-
 uersa ab illorum simplici natura, adeoque mirabilia, ut qui
 non uim compositionis intelligat, uix credat hæc fieri posse
 stellarum decreto. Tertia regula est, quod postquam hæc à
 temperatura proueniunt, ita illa mutata, mitescent, aut cor-
 rumpuntur.

TEXTVS XXXI.

Quæ cum ita sese habeant, cumq; quatuor
 sint humores, seu primæ naturæ: Duæ fecun-
 dæ & uiuificæ, nempe calidi & humidī, ex his
 enim omnia & coalescunt, & roborantur:
 itēq; duæ exitiales & detrimentosæ, aridi &
 frigidi, unde rursus dissipantur, & debilitan-
 tur omnia. Tradidēre similiter veteres, & stel-
 las beneficas esse, Iouem, Venerem, & Lunā,

eò quòd temperatæ naturæ sint, & in qua plurimum insit calidi & humidî. Stellas verò Saturni & Martis maleficas, quòd contrariæ sint naturæ & effectus. Alteram enim frigidissimam, alteram feruentissimam esse voluerunt. In medio verò reliquerunt Solem & stellam Mercurij, vt participes vtriusque naturæ, suosq; effectus accommodantes illarum stellarum, ad quas accesserint, proprietatibus.

Cum docuisset primas qualitates harum stellarum, scilicet errantiũ, declarat quæ ex his sequuntur, eandem fermè quam & nos docuimus primarum qualitatum, quanuis eorum, qui ante nos fuerunt opinionem sequutus. Par enim erat cum frigiditas atq; siccitas solæ essent priuationes, nihil præstare præter impedimentum. Itaq; quæ uel immodicè frigida sunt, uelut Saturnus, uel immodicè sicca, uelut Mars, quem feruentem appellat, quoniã maximè siccitati immodica caliditas necessariò, ut dictum est adiungatur, intemperata seu malefica appellat. Quæ uerò calido humidòq; abundant, temperata atq; benefica. In quibus igitur calor humido perfectè dominatur, ut in Ioue, temperamentum est supremũ, & benefica maximè: in quibus mediocriter propter humidam abundantiam mediocriter temperata, ut Venus, atq; benefica. In quibus autem minimè propter caloris paruitatem minimè temperata, minimèq; benefica, uelut Luna. Manifestum est igitur quòd Luna, dum luminibus plena est, maximas adducit felicitates, quoniã calida satis est pro humidatione: Vbi uerò uacua, debiliter quidem nobis benefacit. Eadem ratio & in Mercurio, qui cum modò siccus sit, scilicet cum Soli aut Marti iungitur, modò frigidus, cum Saturno, maleficus erit atq; intempera

*Calidum hu-
modo dicitur
temperata*

plena

quoniam

peratus. Similiter cum Ioui, Veneri, uel Lunæ iungitur, calidus & humidus efficitur, atq; idè temperatus & beneficus. Mercurij enim stella à Sole atq; Luna uincitur ratione quidem generali, quòd potentissima sint hæc luminaria: At uerò ab omnibus alijs planetis, tum uerò in errantibus maioribus uincitur atq; mutatur duplici ex causa, & quòd simpliciter minimus sit inter omnes stellas, & uisu etiam minimus, & quòd celeriter motus ab alijs astris, quæ nõ celeriter moueri possunt, ualidiore influxu facto succumbat. Accedit, quòd Mercurij sydus potentia, ut dixi, in utranq; naturam mutari paratum est. Tria igitur in his iam docuit, qualitatem, scilicet luminis, magnitudinẽ (quæ prima est in Sole, deinde in Ioue, quo ad robur & quoniam in toto corpore est, in Luna uerò, quo ad densitatem ac terræ propinquitatem, pòst Venere, pòst Marte, inde Mercurio, atq; Saturno) deinde tẽperiem, quæ optima est in Ioue, secundo loco in Venere, tertio in Luna, mediocris in Mercurio atq; mutabilis, praua in Marte, pessima in Saturno, ab his uerò opus quod à facultate sit, id uerò perpetuò sinillimum facultati. Vnde temperatissima etiam maximè benefica, intẽperata autem malefica. Sol maxima omnium fortunarum est, neq; planeta ullus magis est beneficus, neq; magis temperatus, ut suprà ostendimus. Verum quia planetas reliquos primùm lumine suo impedit, dum occultantur sub illius radijs, maleficus dicitur, quoniam illius lumine aliorum decreta benefica frustrantur. Deinde etiam, quòd maleficarum uires fouendo, aut repugnantia quadam ac ueluti disidio, ut cum Saturno iungitur, maxima afferat incommoda. Tertium, quòd cum æstatem facere possit, & hyemem, potentia quidem maximas mutationes subire aptus est: omne autem astrum, ut declaratum est, tales habet actiones, quales potentia ipsum est. Mutationes autem recipit & ab astris inerrantibus, & à locis ipsis superioris cœli nomi.

Ab astris quidem magnis triplici causa, & quod tardiora
sunt, & quod maiora, & quod altiora. Porro neq; altitudo,
neq; tarditas lumen illius immutant, sed opus tantum uincunt.
Magnitudo uerò etiam lumen uincit & superat. Est &
quarta ratio, qua Solem inter ambigua nature sydera collo-
camus: quoniam uelut quicquid nobis euenerit boni malue-
in signis Principibus imputamus, ita impedito Sole ingentia
mala sequi consueuerunt, qua in illum reiicientes, infortuna-
tum & maleficum appellare audemus ingrati, cum tamen na-
tura sua nullus sit melior. Nam longæua uite spatia, corpus
incolume, mentem synceram atq; optimam, Regias dignitates,
honoresq; atq; opes, plus Sol largitur, quam omnes errantes
aliæ stelle simul, ut non immerito Sol quasi solus appelletur.
Quod uerò calidam & humidam intemperiem temperatam
appellauerit, nos equidem non ut alios, minimè fatigat. Mo-
derata enim qualitas temperamenti nomen meretur, multitu-
do autem ut calida dicantur & humida. At quæ non ob mul-
titudinē sed qualitatis excessum calida & humida dicuntur,
non iam temperata meretur appellari, sed calida & humida
intēperies: uelut frequēter Veneri & Lunæ, rarissimè autem
Ioui cōtingit, cum delibitatis luminibus atq; corruptis, inanes
qualitates potius quā luminis multitudinē ad nos detulerint.

Caput quintum.

TEXTVS XXXII.

De stellis masculinis & femininis.



Vrsus cum primarij sexus duo sint:
Masculinus & Fœmininus, confe-
renda ex suprà dictis naturis humi-
ditas ad fœmininū, quod illa in hoc
sexu abundet, reliquæ uerò ad masculinū ap-
ponentur,

ponentur. Proinde conuenienter traditur Veneris stella et Luna fœminini sexus, propterea quod in illorum naturis humiditas excellat. Sol vero stellâq; Saturni, & Iouis, & Martis masculini: At Mercurij stella vtriusq; particeps, cum ex pari sicca & humidæ constitutio nis effectrix sit. Cæterum ipsæ etiâ stellæ masculas fœmininâsq; vires suscipere dicuntur, pro eo atq; erga Solem sese habuerint. Ac mascullescere quidem matutinas & antecedentes, vespertinas & sequentes effœminari. Similiter pro eo atq; habuerint sese erga horizonta. Nam ab oriente vsq; ad mediũ cœli, necnon & ab occasu vsq; ad imum cœli, mascullescere tanquàm orientales, in reliquis autem duabus portionibus, tanquàm occidentales effœminari.

Masculos planetas vocat efficaces magis, & qui etiâ masculorum foetuum sunt significatores. Constat enim, quod in omni fermè genere masculi sunt fœminis efficaciores, præterquam, ut dicunt, in ur sis. Hæ igitur sunt utilitates: & ut sciamus quibus gaudent locis atq; signis. Vnusquisq; enim errantium suo simili gaudet. Non tamen loco, sed omnes masculino. Trisariam autem dicitur masculinus planeta, aut fœmininus: Natura, & hæc est, quoties humidũ non vincit calorem, at ita Saturnus, Iupiter, Mars, & Sol masculini sunt: nam Iupiter tametsi humidus sit, non tamen humidũ calorem vincit. Sic & Saturnus cum frigidior sit quàm siccus, masculus est. Non igitur quia humidus planeta, ideo fœmininus, sed quia calor ab humido vincitur, ut cõtra in masculis superat et concoquere potest semen. Venus igitur & Luna, cum hu-

*Stem. rurs. d.
rurs.*

*Cur minus
sex signis d.
fuit a sole
fuit est.*

orientat per

midum maius sit calore foeminini sunt planetae. Mercurius uero, ut in reliquis, ancipitis est natura. Comparatione ad Solem quilibet planeta masculinus sit, cum dum Sol oritur, est supra terram, & quicumq; sub terra est, tunc foemininus: uel, ut idem alijs uerbis dicam, quicumq; ordine signorum minus sex signis distat à Sole, foemininus est & occidentalis, quicumq; plus sex signis, masculinus & orientalis: orientales matutinas uocat, quæ ante Solē exoriuntur, occidentales uesperinas dicit, quæ post Solem oriuntur stelle: uel, ut aliter explicem, & causam simul reddam, cur orientales stellæ occidentalibus sint efficaciores, orientales uocantur, quæ nocte oriuntur: nam tunc splendore suum uisibilem habent, atq; idē efficacem: omne enim astrum, ut inferius docebimus, uim suam in ortu acquirit, quæ si iam exorto Sole obumbretur, ut in occidentalibus, quorum ortus est de die, multo minus aërem afficit. Itaq; qui sint orientales, qui occidentales planetae, & cur masculini sint, aut foeminini, debiles aut ualidi, iam intellexisti. Occidentalem autem planetam intelligit hic, atq; orientalem generalius quàm alibi, quoniam per opposita diuisio est, ut omnes errantes hac diuisione sub altero membrorum masculini uel foeminini comprehenderetur. Comparatione mundi, quicquid est ab ortu ad cœli medium, quod ascendat, est masculinum, quod à cœli medio ad occasum, foemininum: atq; id omnino certum & ab omnibus receptum. At quod à septima ad quartā sit masculinum, cum descendere uideatur, à quarta uerò ad primam foemininum cum ascendere, id non ab omnibus conceditur: sed pleriq; quod est à quarta domo ad decimam, masculinum, quod à decima ad quartam, foemininum esse uolunt. Verum seu ratio sumatur ab ascensionibus, quæ æquales sunt à prima ad decimam, & à septima ad quartam, sicut & à decima ad septimam, bis quæ à quarta ad primam, seu quoniam ambæ uel equaliter ascendunt ad meridi circulum,

circulum, uel amba equaliter descendunt, seu quòd non nisi partibus, quæ supra terram sunt, uim tribuat Ptolemæus, alijs autem oppositionis causa, tandem id constat (atq; e ratio maxima est) à septimo loco ad quartum ascendere astra, à quarto autem ad horizontem seu ascendens, descendere.

His regulis manifestè declarauit Ptolemæus nō solum quæ astra essent masculina aut fœminina, sed & quæ ualidiora & imbecilliora. Nam tres superiores ac Sol, cùm maximi sint inferiorum comparatione & altiores, potentiores sunt fœmininis minoribus atq; inferioribus: inferiores enim fœminini sunt. Mercurius enim qualitate masculinus est, imbecillitate fœmininus.

Caput sextum.

TEXTVS XXXIII.

De Diurnis & Nocturnis.



Ratereà cùm euidentia temporum discrimina dies & nox efficiat, & diurnum quidem spatium masculinum censeatur propter calorem, & rerum gerendarum opportunitatem, nocturnum uerò fœmininum, propter insitū humorem illi, & acquiescendi conuenientiam: stellarum quoq; consimili ratione nocturnam esse docuere Veneris & Lunā, diurnos Solem, & stellam Iouis, promiscuum Mercuriū. Sic ut matutina in figura diurnus, in vespertina nocturnus habeatur. Vtriq; etiam conditioni attribuere maleficarū alteram, secuti non simi

g s litudi

litudinem, sed diuersitatem naturarum. Nam si stellis bonæ constitutionis similia applicata fuerint, augentur vires bonitatis illarum, sed exitialibus admista dissimilia, coërcent vehementiam maliciæ illarum. Qua de re frigidam Saturni stellam attribuere calori diurno, ac Martis siccā humiditati nocturne. Hoc enim modo vtracq; ad temperatam conditionem accedet, postquam à contraria constitutione correcta moderationemq; adepta fuerit.

Post temperiem ac sexum docuit errantium naturā temperi congruentem, naturalem in omnibus secutus rationem, ut scilicet, temperatis similia tribueret, unde Soli & Ioui diem propter calorem: Veneri & Lunæ noctem ob humidum: planetæ enim hi temperati sunt, & qualitates tantum due ut dixi, calor & humidum. In Sole autem & Ioue calorem humidum & omnem aliam qualitatem superare docuimus: uelut in Venere & Luna humidum superat calorem, longeq; magis aliam omnem qualitatem. In intemperatis Saturno diem ad temperandum frigus, noctem Marti ad temperandam siccitatem. Oportet enim in mala temperie semper deteriores qualitates emendare. Ita fiet, ut si Saturnus in die dominetur, non adeo refrigeret, nec Mars in nocte adeo exiccet: quare neuter tantum nocebit. Sed Iupiter quomodo in die magis iuuabit, cum iam confessum sit omnia astra die vires amittere? Hoc igitur per se est intelligendum, seu supra terrā sit, seu infra, seu orientalis, seu occidentalis, ut fiant iuxta hoc status octo singulorum planetarum, Solem excipiendo.

In die supra terram orientalis.

In die supra terram occidentalis.

In die infra terram orientalis.

In die infra terram occidentalis.

In nocte supra terram orientalis.

In nocte supra terram occidentalis.

In nocte infra terram orientalis.

In nocte infra terram occidentalis.

Cum igitur Iupiter in die fuerit supra terram atq; orientalis, erit optime dispositus. Quod si orientalis de nocte supra terram, erit etiam bene dispositus. Quod si orientalis de die infra terram, minus bene dispositus, quam his duobus modis, et quam si supra terram diurnus, sed tamen occidentalis esset. Habes quatuor modos in benefica atq; diurna: quatuor reliqui modi deteriores sunt, ut pessimus sit Ioui esse in nocturno tempore infra terram et occidentalem, atq; alij eadem ratione. Fuerunt tamen, qui absurdissime diurnum in nocte praferrent sub terra, cum Ptolemaeus doceat hac non ante Solis praesentiam, sed ad temporis naturam debere referri. Itaq; orientalis semper melior est occidentali, et diurnus in die, quam in nocte, supra terram quilibet planeta, quam infra terram. Solis autem praesentia ex se plus nocet, quam iuuat.

Amittunt enim omnes stelle coram Sole lumen atque

splendorem, et cum his etiam vires. Diurni vero

actionibus sunt magis opportuni, nocturni

magis defatigantur et praecipue Venus.

Mercurius suam ancipitem naturam

retinet; matutinus cum cali-

dior sit, diurnus est,

vespertinus au-

tem noctur-

mus.

*

Capit

Caput septimum.

TEXTVS XXXIIII.

Quid valeant configurationes erga Solem?

Eque ignorandum vires, cum Luna, tum trium stellarum, Saturni, Iouis & Martis intendi aut remitti de figurationibus erga Solem. Luna enim ab oriente usque ad primum incrementum cum quasi dimidiata apparet, efficiens est humiditatis maximè. Inde verò usque ad plenilunium, caloris. Hinc etiam usque iterum ad dimidiationem, siccitatis. Atque etiam hinc ad interlunium usque, frigiditatis. Et stellarum quas diximus, matutinae usque ad primam stationem, humoris plurimum habent. A prima verò statione usque dum oriuntur de nocte, magis calefaciunt. Hinc etiam usque ad secundam stationem, magis desiccant, à qua quidem donec occultentur, magis frigefaciunt. Atque has singula vires in vniuersum quidem in circumfuso nobis cœlo exercent, quibus prævalentibus varietates tamen constitutionum plurimae existunt, ex commistione diuersarum stellarum, coercente contraria semper natura vniuscuiusque effectuum vehementiam.

Cum in tribus præcedentibus capitulis de propria vniuscuiusque planetae natura egisset, in hac de aduentitia agit. In fine autem ibi (Atque has) duarum dubitationum nobis ratio-

nem reddit, primæ scilicet, cur non semper talia proueniant ab erraticis: impediri enim singulas aut mutari posse docet. Secunda uerò, quoniam cum quinq; sint tantum erraticæ ac duo luminaria, quoniam pacto tot possint fieri effectus naturales omnino distincti? Respondet, quoniam ex mistione horum, uarietates plurimæ emergunt. Septē enim cum sint stelle quæ cælos habent proprios, ac singule iam octo modis uariantur, ut diximus, fient lvj. modi. Inde simplicium unusquisq; masculini uel foeminini sexu duplicatur mundi nō sui ipsius habita ratione uel Solis, nam hi modi annectuntur, ut fiant cxxii. Quatuor uerò ex his, ut docebimus, quadrifariā etiā mutantur, sed dicamus bifariā tantum, ne orientalem & occidentalem iterum repetere cogamur: igitur status trium su-

periorum & Lunæ xxxii. Veneris autē & Mercurij xvi. Solis uerò à mundo quatuor. Sic igitur omnes erūt clxxiii. ut uerò duxeris Saturni status in reliquorum fient xxxii. in cxxxii. erūtq; quatuor milia ducēti uiginti quatuor. Iouis autē 3. mill. ducēta. Martis bis mille centū septuaginta sex. Lunæ mille centum quinquaginta duo. Veneris trecenti uiginti. Mercurij sexaginta quatuor. Bini igitur planetarum status totidem modis uariari possunt, scilicet undecies millies & centum triginta sex. Quid de ternarijs dicam, quorum Saturni & Iouis status possunt uariari cum tertio planeta centies atq; bis millies supra centum! Inde Saturni & Martis cum reliquorum præter Iouem uno, sexagies nouies mille sexcenti triginta duo. Totidem ad unguem erunt Martis cum Ioue, & tertio alio planeta à Saturno. Ita de reliquis combinationibus quæ ex tribus fiunt. Quaternariæ autem longè plures ut una sola combinatio ad bis millies ducenties ui-

	Status.
Saturni	xxxii
Iouis	xxxi
Martis	xxxii
Lunæ	xxxii
Veneris	xvi
Mercurij	xvi
Solis	iiii
Omnium	clxxiii.

centies uicies octies mille supra ducentos uigintiquatuor mo-
dos perueniat. Ita fit igitur, ut exceptis mutationibus, quæ à
signis & inerrantibus proueniunt, tum radijs, genera ipsa
complicationum erraticarum etiam præter singulares mo-
dos, sint infinita. Atq; hoc Ptolemæus in ultima parte huius
capitis indicauit. Quod si quis simplices binarias ac ternar-
ias aliâsq; scire desiderat usq; ad septenariam, quæ sola mo-
dos continet. 1073741824 ex superiore tabella facili con-
disceat. Ceterum quinq; nobis insinuare uidetur Ptolemæus,
quorum primum declarat, tria alia ex uerbis illius intelligun-
tur, unum penitus remanet indiscussum. Primum, quod propo-
nitur, est quod planeta quatuor habent status, superiores,
scilicet & Luna: & istud declarat litera adeò aperte, ut du-
bitatione non indigeat, nec ulteriore expositione. Secundum
est, quod sydera hæc cum sub Sole sunt, nullas habent uires;
nam primum statum tam in Luna, quam in superioribus or-
ditur ab exortu, & ultimum statum finit ad occultationem.
Habent igitur sydera quinq; status, sed unum, in quo nihil pe-
nitus possunt. Tertium est, quod Venerem & Mercurium ab
hac comparatione eximit, licet Haly conetur inserere. Cau-
sam describat Commentator, dicens, quoniam hi status me-
tum recipiunt ab oppositione, Venus autē & Mercurius ad
Solis oppositum nunquam perueniunt. Quartum, an solum
Luna humectet uideturq; ex dictis, ὅτι ὑγρόν τὸς ἐστὶ μᾶλλον
τοῖς ἄλλοις, id est, quod magis humidi factiua est, ut intelliga-
mus in primo exortu, scilicet Heliaco (nam uesperī à coniun-
ctione Luna incipit exoriri, quod Sole sit uelocior) eā esse ma-
gis humidam, quam calidam, post magis calidam, quam siccā
cam, usq; ad plenilunium, à plenilunio siccā magis, quam fri-
gidā, quousq; dimidia sit, ab eo tempore frigidā magis,
quam humidā, & ob id maxime in ultimo quadrato aque
maris augentur. Et quod dum est in Solis quadratis, sit in
ab sidiis

♀♂ nunquam
sola opposuit?

2 hinc facta

Ad maris in
ultimo quadrato
to magis augentur

ab sidis opposito propinqua terræ, & quòd peculiariter ab
 oppositione quadra sequens frigida sit & humida, quæ tem-
 peratura a quæ consimilis existit. Quod quidem etiam de su-
 perioribus intelligendum est, ut de Luna. Quantum uerò du-
 bitatione dignum, quomodo Iupiter ab oppositione Solis &
 reliqui superiores siccet, cum superius dictū sit planetas, ut
 propinquiore terræ fiunt, uapores magis ad se trahere atq;
 inde humectare. Nam superiores, cum in oppositione Solis
 sunt, in absidis etiam parui circuli opposito sunt constituti.
 Et nō solum imaginatione huius circuli inferiores uidentur,
 sed tales esse deprehenduntur, ob magnitudinē: uidimus enim
 aliquando Iouem in Solis opposito, qui duplo ferme maior
 uidebatur, quā cum primū Solis radijs relictis exorieba-
 tur: cum tamen in opposito Solis ferme cœli medium posside-
 ret, quo in loco astra minora uideri solent. Vnde etiam dubi-
 tatio alia emergit: quoniam pacto, cum occidentalis sit siccior,
 quā orientalis, cur occidentalis masculinus nō sit, & orien-
 talis fœmininus, ut in præcedenti capite ostensum est? Simile
 est, quod dicitur de Mercurio, nam occidentalem statuit fœmi-
 ninum, orientalem masculinum, & tamen infra statuit Mer-
 curium orientalem humidum, occidentalem autem siccū: cum
 tamen uelit planetas humidos esse fœmininos, siccos autem
 masculinos. Haly ad primū dubium, cuius ipse fuit author,
 respondet, quòd planeta debiles fiunt in Solis opposito,
 quia à ui Solis uincuntur: & quanquam hoc uerum sit,
 attamen dicimus planetas in Solis opposito sicciores esse se-
 cundum qualitatem, non secundum quantitatem. Nam Iu-
 piter in Solis opposito magnas præstat felicitates: & lu-
 men ut dixi habet, si quando aliis illustrissimum: opera au-
 tem planetarum, illorum lumen sequuntur. Propterea dixi,
 quòd qui nostra non fuerit secutus principia, nunquā ab-
 his euadet, ut non intelligat Ptolemæum, & ipsum etiam in-
 ab sur

Lib. 3.

cap. 15.

p. 10. d. 6. c. 6.

p. 10. d. 6. c. 6.

p. 10. d. 6. c. 6.

p. 10. d. 6. c. 6.

p. 10. d. 6. c. 6.

p. 10. d. 6. c. 6.

p. 10. d. 6. c. 6.

absurdas coniiciat cōtradictiones. Propterea ad reliqua duo dubia dicimus, orientales planetas esse humidiores quantitate luminis, non qualitate. Purum enim lumen atq; abundans humidum est secundum substantiam, & tale masculorū auctor est & efficax: est enim hoc principiū uitæ: masculi uerò non minus abundant uitæ principijs fœminis, imò magis: occidentales autem humidiores in comparatione ad calorem, qui minor est, ideoq; fœminei & debiles. Iuxta hoc igitur omnia clara sunt. An uerò inferius dum sunt Saturnus, Iupiter, atq; Mars sint debiliores, quod Haly censere uidetur, quanquam non hoc dicat Ptolemæus? Respondeo, sic: Sed non ob luminis paucitatem, cum, ut dixi, plurimum habeant, nec quia à Sole impediuntur, imò in ipsa oppositione à Sole magis illustrantur & roborantur. Sed quia naturali suo motui cōtrario modo uersantur, ac quasi noni orbis legi repugnat. Cum itaq; retrogradi sint debiles, in ipsa tamen cum Sole oppositionis parte, sunt potentes. In reliqua etiam parte retrocessus, sunt potius à natura propria alieni, quàm debiles.

R. soli oppositi
sunt quatuor.

Reliquum est, ut quedam uerba exponam, Quasi dimidiata, intellexit quadratam radiationem exquisitam, sed tunc Luna non est uerè dimidia sui corporis parte illustrata, ideo dixit, Quasi. Primam stationem uocat, cum planeta incipit retrocedere. Secundam, cum ex retrocessu incipit dirigi. Oriari in nocte incipiunt, cum in Solis sunt opposito. Antè enim dum essent iuxta primam stationem, oriebantur de nocte. Itaq; ortum hic uocat communè, cum stella, occidente Sole, in oriente est, id est, quandiu post stationem primam adhuc stella exoritur de nocte, donec exoriatur ad unguem, occidente Sole, calescit magis, quàm humectet. Manifestum est igitur ex hoc, quòd cum status stella in quatuor modos diuidat, orientalem propriè dici à primo exortu, usq; ad stationem primam, non usq; ad oppositionem, & occidentalem à secunda statione ad

prima statio in
plena luna
retrogradi
in ex. retrogradi
in triplici dim
Ortus roris

ne ad occultationem, non ab oppositione ad occultationem,
 quibus modis capi orientale ac occidentale superius diximus. Cap. 3.
 Separata igitur est ratio orientalis & occidentalis à natura
 retrocessus et directionis. Et quanquàm idem sit planeta, qui
 à prima statione fertur ad Solis oppositum, & qui retroce-
 dit, alium tamen habet effectum, ut retrocedit: alium, ut ad So-
 lem comparatur, & tertio, ut terræ sit propinquus: quam-
 obrem hos status cōmiscere non oportet, etiam si inuicem ne-
 cessariō coniuncti sint. Nam si non commiscueris, non erra-
 bis, intelligesq; plura decreta unius planetae ualde inuicem di-
 uersa, & illorū magnitudines inuicem distinctas: quod etiam
 in alijs facere suadeo. Similiter ut memineris distinguere ca-
 lidum & humidum, cum pro qualitatibus sumuntur, ab ipsa
 substantia illorum, quæ est lumen uel luminis effectus.

Caput octauum.

TEXTVS XXXV.

De Viribus stellarum inerrantium.



Vperest, ut stellarū quoq; fixarum
 naturas, & proprietates effectuum
 percurramus. Nunc igitur deinceps
 sicut de errantibus fecimus, percen-
 sebimus & in his peculiariter obseruatas ra-
 tiones. Ac primum quidem earum, quæ per
 signiferum descriptæ sunt. In capite Arietis
 stellæ effectus habent commistos ex viribus
 Martis & Saturni. Quæ in ore sunt, idē pos-
 sunt, quod stella Mercurij, nonnihilq; quod
 Saturni. Quæ in posteriore pede, Martiæ: in
 cauda, Veneriæ sunt.

h

vbi

Vbi Tauri signum quasi amputatum cernitur, ibi stellæ sunt naturam sapientes Veneris & Saturni aliquantum. At Vergiliæ Lunam Martemq; referunt. In capite inter succulas vna luce rutila excellens, quæ & facula dicitur, Martia est.

Geminorum signum in pedibus stellas habet, quarum natura similis est naturæ Mercurij, & nonnihil Veneris. In femoribus lucidæ stellæ Saturniæ sunt. In capitibus duæ nitent, quarum prior Mercurialis est, cognomēto Apollinis, posterior Martia, cognomēto Herculis.

In Cancri oculis stellæ duæ, effectum similem habent stellæ Mercurij, & aliquantulum Martis. In brachijs stellæ Saturni sunt et Mercurij. Illæ verò in pectore quasi gyros nebulosus præsepis cognomento, Martius & Lunaris est, iuxta quem vtrinque positi, vt vocantur, asini, Martij sunt & Solares.

Duæ stellæ in Leonis capite idem possunt, quod Saturnus, et paulatim accedunt ad Martis etiam naturam. In ceruice tres Saturniæ sunt, & aliquantulum Mercuriales. At illud in corde lucidum sydus, Regulum vocant, æquale est Marti & Ioui. Aliæ in Illo, & vna cauda splendida Saturniæ & Veneriæ. Aliæ in femoribus Veneriæ, & nonnihil Mercuriales sunt.

Virgo

Virgo habet in capite stellas, & vnam supra alam Australem idem pollentes quod stella Mercurij, & referentes nonnihil Martis quoque naturam. Reliquæ in ala, & quæ sunt in cingulo, Mercuriales sunt, & aliquantum Veneriæ. Vna in ala Septentrionali, vinde miatoris nomine Satur. & Mercur. At illa quæ Spica nominatur, Veneriæ & aliquantum Martia est. Aliæ in extremis pedibus & vestimenti tractu, * Veneriæ, & nonnihil Martia sunt.

* Alias
Merc.

In chelis quæ sunt in iugo, siue chelis Scorpij extremæ stellæ effectus habent similes stellæ Iouis & Mercurij. Mediæ verò Saturni, & aliquantum Martis.

In ipso Scorpio, quæ in fronte sunt splendide, idem valent, quod Mars, paulatimque accedunt ad Saturni quoque naturam. Quæ in corpore numero tres, quarum mediæ reliquis rutila luce præstat, noménque habet Græcum quo Marti comparatur, referunt naturam Martis, & nonnihil Iouis. Quæ sunt in nexibus dorsi, Saturniæ, nonnihilque Veneriæ. Quæ verò in ipsa cauda, Martiales & Martiæ sunt. At gyrys ille nebulosus, vt dicitur, Martius est & Lunaris.

Ex stellis, quibus Sagittarij signum effingitur, sunt in cuspide sagittæ Martiæ & Luna-

res. In arcu et vbi illæ manu comprehenditur, Iouiales & Martiæ. Ille in ore gyrus Solaris & Martius. Aliæ in fascia & dorso, Iouiales, & aliquantum Mercuriales. Aliæ in pedibus Iouiales & Saturniæ sunt. Illa caudæ quatuor laterum figura Veneriæ, & aliquantum Saturniæ est.

Stellæ, quæ sunt in cornibus Capricorni, idē efficiunt, quod Veneris stella, & ad Mart. quoq; naturam paulatim accedunt. Quæ in ore, quod Saturn. habentq; nonnihil Vener. virium. Quæ in pedibus & aluo, Martis naturam & Mercur. Quæ in cauda, Saturni & Iouis naturam referunt.

In Aquarij humeris, itēmq; veste & manu sinistra, stellæ sunt effectus similis stellarum Saturni & Mercurij. In femoribus, quæ cernuntur, magis Mercurium, minus Saturnum referunt. Quæ in profuso latice, Saturni & aliqua ex parte Iouis naturam habent.

Stellæ in capite Piscis Australis, Mercurij vires repræsentant, habentq; Saturni quippiam. In huius corpore stellæ Mercuriales & Iouiales sunt. Quæ sunt in cauda & filo Australi, cum naturā referant Saturni: accedūt senfim tamen & ad Mercur. Quæ sunt in corpore & spina Piscis Septentrionalis, Martiæ sunt: valent tamen & Venerium quiddam.

Quæ

Quæ in filo Septentrionali, Saturniæ sunt & Iouiales. Illa in nodo splendida, Martis naturam & Mercurij quoq; nonnihil habet.

Reliquarum effigierum in regione Septentrionis sunt stellæ in Vrsa minore lucide natura Saturniæ, non tamen nihil Venerem quoq; referentes.

Stellæ verò Vrsæ maioris, Martiæ sunt. Sub huius cauda quasi crines, Lunares sunt & Veneriæ.

Draconis splendida stellæ Saturniæ sunt & Martiæ, atq; etiam Iouiales.

Stellæ Cephei Saturniæ sunt & Iouiales.

Bootæ, Mercuriales & Iouiæ sunt. Rutilus ille fulgor qui Arcturus nominatur, naturæ est Iouis.

Stellæ Coronæ Septentrionalis, Veneriæ sunt & Mercuriales.

Quæ in signo, quod in genua videtur procubuisse, Mercuriales.

In Lyra Veneriæ & Mercuriales.

Quibus idem valent alitis quoq; stellæ.

Cassiopeiæ, Saturniæ sunt & Veneriæ.

Persei, Iouiales & Saturniæ. Cyrus ille in capulo ensis, Martius & Merc.

Aurigæ stellæ splendida, Martiæ sunt & Mercuriales.

Serpentarij, Saturniæ, quæq; Veneris aliquid

h ;

habe

habeant. Ipse quidem Serpens Saturnius & Martius est.

Sagittæ stellæ, Martem referunt, habent et Veneris quiddam.

Aquila, Martia est & Iouialis.

Delphin, Saturnius & Martius.

Stellæ lucidæ equi, vires habent Martis et Mercurij.

Andromeda, Veneria.

Delta, Mercuriale est.

In regione Australi, est in rostro Piscis Australis stella lucida, potestate Veneria & Mercurialis.

Ceti stellæ sunt Saturniæ.

Orion in humeris stellas habet Martis & Mercurij naturæ. Reliquæ splendide Iouiales sunt & Saturniæ. Extrema splendida illa fluminis stella, Iouem, reliquæ Saturnum referunt.

Leporis stellæ Mercuriales sunt.

Canis, Veneriæ, vna in rostro fulgida, Iouis, & aliquantum Martis naturam habet.

Hydri lucide, Saturniæ & Veneriæ sunt.

Crateris, Veneris vires, deque Mercurij aliquid habent.

Corui, Martiæ & Saturniæ sunt.

Argo navis lucidas stellas habet Saturniæ & Iouiales.

Centauri humana figura, stellas complectitur.

Estur Venerias & Mercuriales. Equina habet splendidas, Venerias & Iouiales. Quæ in fera sunt splendida, Saturnum referunt: & nonnihil Martem.

Quæ verò in ara, Venerem, & aliquantulum Saturnum.

Corona Australis stellas habet splendidas natura Saturnias, & Mercuriales.

Hic textus per se manifestus est, nec longa indiget declaratione, adeo ut Haly pauca circa illum dicat, commentator uerò ignotus etiam uideatur prætermittere illius expositionem. Quamobrem solum cum essent quædam circa illum adnotanda, totum in unum redegi. Itaque uidetur primum illud animaduertendum duobus modis stellarum fixarum notitiam effectuum haberi: uno quidem modo, per experimentum, quod certè securissimum est, altero per rationem. Ob id igitur Ptolemæus docet experimento uires illarum cognitæ fuisse. Quo autem experimento, facile est intelligere, quod ex observationibus Chaldaeorum & Aegyptiorum, cum Sol uel Luna eis iungebantur, per longitudinem deprehensæ sunt uires. Solis quidem propter magnitudinem effectuum & naturæ simplicitatem, & reditum annuum ad illas, tum moram unius diei aut etiam plurium. Vltimo, propter exortus, qui quidem ad multos dies extenditur, cum fixa primum ante Solem sub auroræ tempore ab oriente emergit: Luna uerò propter frequentes coniunctiones certissimisque tum uerò magnitudinem effectuum & maxime in mari ob æstus, & naturæ simplicitatem, et luminis delationē. Quinque igitur modis, & à Solis coniunctione, & à Luna, seu acce-
ssibus & recessibus fixarum naturam antiqui uenati sunt.

Licuit & in coniunctionibus aliorum planetarum, & dum emergerent occiderentue, tam in temporum mutationibus, quam etiam genituris, & dum cœli medium, seu cor occuparent, in genituris tamen tantum, & ex locorum natura quibus super uerticem feruntur, aliquid de natura illarum intelligere. Ratione uerò etiam quinque modis, aut magnitudine: quæcunq; enim sunt maiores, eò sunt efficaciores, paruæ autem imbecilles: Lumine, quæcunq; lucidum habent, illustra omnia faciunt, seu bona seu mala: tenebrosæ obscuritatem mentis, & intellectus, atq; aliorum effectuum: Rursus quæ densum habent lumen, efficaces, quæ rarum, debiliores, quæ plurimum micant, ut Canicula, magnas conturbationes efficiunt, & maria agitant, & proditioes suscitant, & mentes hominum inquietas reddunt. Rubræ quoque, hoc autem ad colorem pertinet, Marti assimilantur, ut plumbeæ Saturno, & claræ micantes Soli, atq; aliæ, ut dictum est à nobis in decem libris Astronomicis, quibus titulus est, Supplementum Ephemeridum. Loco uerò, quoniam robustissimæ sunt, quæ circa uiam Solis locum habent. Vnde dicebat Haly, quòd cor Leonis, cum sit secundæ magnitudinis propter robur (hoc autem illi inest quia maxime propinquus est eclipticæ) numeratur inter stellas primæ magnitudinis. Est enim efficacissima omnium earum ferme, quæ in cœlo sunt. Causa est, quoniam à Solis lumine, & dum præsens est, & per radios uehementius illustrantur stellæ, quæ in uia Solis sunt, quam quæ extra illam. Proximæ his, quæ usq; ad octo gradus (ea enim est latitudo Veneris maxima ab eclipticæ) distant, seu Australes seu Boreales. Causam reddet at Haly, quoniam cum fixæ plurimū absint à terra, & proprio motu tardissimè moueantur, uis illarum ad terram non defertur. Quæcunq; igitur proximiores sunt eclipticæ, erraticarum,

quæ

qua illis iunguntur, beneficio vires ad nos transmittunt.
 Ideoq; & frequentius quanto propiores sunt ecliptica. Va-
 lidissime igitur qua intra tertium gradum latitudinis conti-
 nentur, quoniam corpore omni planetae praeterquam Soli,
 iungi possunt. Post has sunt, qua a tertio gradu usq; ad quin-
 tum, na & his Mars & Luna iunguntur. Debiles vero, qua
 a quinto usq; ad octauum. At de his in Ephemeridum Supple-
 mento distincte conscripsimus. Propter hoc igitur Ptolemaeus
 a stellis, qua in Zodiaco sunt, tanquam ualidioribus, & qua-
 rum opera celerius & uehementius nobis manifesta sunt, ini-
 tium duxit. Praeponuntur tertio loco, qua Borealem habent
 latitudinem nobis, qua Australem, habitantibus in regio-
 ne Antartici poli. Similiter & quarto loco, qua declina-
 tionem habent Borealem nobis: qua Australem, habitan-
 tibus ultra aequinoctialem. Quinto, qua supra uerticem
 alicuius regionis sunt, plurimum in illa regione possunt,
 qua autem remote sunt a uertice regionis, tanto minus
 possunt, quanto magis remotae sunt. Sexto, qua cum ali-
 quo planeta in longitudine iunctae sunt. Septimo, qua in
 antiscio alicuius planetae ad unguem sunt constitutae. Octa-
 uo, qua simul oriuntur aut occidunt, cu aliquo planeta, plu-
 rimum possunt, uimq; exhibent illi planetae, cum quo oriun-
 tur uel occidunt. Nono, cum medium caeli cum aliquo planeta
 occupauerint. Decimo, cum simpliciter exoriuntur. Undeci-
 mo, cum occidunt. Duodecimo, cum radijs alicuius planetae
 illustrantur. Hic autem modus est ualde debilis, quia neq; pla-
 netae a stellis radijs afficiuntur, quonia fixae radijs carent: neq;
 ipse fixae per se vires ad nos transmittunt ualidas, nisi cum con-
 iunctae fuerint planetae alicui, aut in eadem declinatione ab ae-
 quinoctij circulo, aut secundum aliquos in circulo equieru-
 rio cum planeta aliquo (id est, in circulo magno, qui per pun-
 cta intersectionum transit circuli meridiei & horizontis ha-

h s bitatio

Stelle fixae sunt foris
 de aliorum pte iunguntur

hitationis illius) aut cum stella emergerit primum in horizon-
 te, aut cor cœli occupauerit, aut occiderit in horizonte po-
 sita, uel septimo loco, cum directio ad illam peruenierit, ipsa
 uerò aut maxima fuerit, aut prope eclipticam. His septem
 modis fixæ solùm habent euidentes effectus: atq; eo ordine,
 quo scripsimus euidentiores: reliquis omnibus obscuros &
 penè inutiles. In his etiam cum Sole maximos circa uitam &
 honores: cum Luna deinde circa fortunam: post Ioue, Satur-
 no, Marte, Venere, atq; Mercurio, nisi similitudo naturæ præ-
 uertat ordinem: Similis enim stella fixa cum erratica, euiden-
 tissimos habet effectus: cum contraria obscurissimos: cum dis-
 simili atque alterius generis, incertos, & qui fèrè non nisi
 post euentum dignosci possint. Figuræ uerò existimantur ui-
 res habere, multùmq; his Ptolemæus tribuit, cum tamen figu-
 ra non sit principium actionis: deinde, quòd figuræ illæ haud
 exactæ sint, imò ne tales ut quisq; unquàm ullam agnoscat,
 nisi ualdè edoctus ac potius persuasus, quàm edoctus. Pluri-
 mum enim absunt Arietis stellæ ab Arietis figura, & longè
 plus quæ in Tauro à Tauri, atq; ita in cæteris, præter trian-
 gulum: ea enim sola, quòd simplicissima sit forma, nomen re-
 fert & dignosci absq; artificio potest. Verùm ut dicam, figu-
 ræ illæ his stellis ascriptæ sunt, ut nomen posset imponi. Nam
 quòd fortuitæ sint, uel solùm declarat, quòd adijciendo alias
 uel adimendo, semper figuræ commutetur, ut liquidum sit eas
 esse uoluntarias. Sed tamen aliquid posse uidentur quòd expe-
 rimento, non ratione ulla comprehensum est. In quibusdam
 tamen succedit, ubi nomen consequens effectui impositum est:
 Velut Tauro, qui laboriosos significat, & frontem facit cla-
 tam utrinq; prominentem. Sed quid habet Aries cum stellis,
 quæ Arietem formare uidentur? Itaq; figuræ hoc modo uires
 habent, cum linea horizontis comprehenduntur atq; aliquam
 effigiem formant. Refert enim natus & qui sub ea constitu-
 tione

Dione nascuntur, effigiem lineæ comprehendentes stellas quæ
tunc exoriuntur: atq; id pulcherrimum scire est. Nam ob id in
diuersis regionibus idem signum, eadēq; pars signi diuersas
hominum formas præstat, sed tamen consimiles, quoniam ho-
rizontis lineæ diuersis modis figuras illas secat. Est etiam, ut
dixi, quippiam ex figuris ortum habens incertis quidem no-
bis, conditori autem certissimis, ex quo plurima atq; ardua,
sed solo experimento deprehenduntur.

Est etiam illud consideratione dignum, quod fixis stellis
quippiā accedit Solis causa superioribus planetis simile, non
tamen idem. Cum etenim primum Sole illas relincente ante
ipsius exortum illuxerint, tunc ualidissima sunt, remittuntur
autem, dum Sol longius abest: Cum uero sub oppositione fue-
rint, debiliores fiunt, donec ad exortum matutinū redierint.
Hoc autem experimento & Mathematica ratione constat:
nā cum proxima Soli fuerint, lumē Solis, quod altiores sint,
ad nos reflectunt: quod imbutum uiribus stellæ, dum illa no-
te exoritur, minimè natiuis impedita radijs Solis, maximos
effectus atq; repentinos, tum celeres in his inferioribus pro-
ducit. Vtrum uero à primo discessu à Sole stellæ sint humidio-
res, deinde usq; ad oppositionem calidiores, Canicula exortus
ostendit uerum non esse: quando quidem dum primum appa-
ret, omnia excalesciat atq; exurat. Calidior igitur est, atq;
humidior Solis radijs proprio lumine infectis, non quidem, ut
dictum est centies, humido secundum qualitatem, sed secun-
dum quantitatem, atq; inimico humano generi, quemadmo-
dum est uisus serpentum. At uero quæret quispiam de plane-
tis in oppositione atq; quadratis Solis, quoniam pacto se ha-
beant, cum in ipsismet punctis fuerint: Itaq; dico, quod in pri-
mo stationis primæ puncto, tantò calidiores sunt, quantò hu-
midiores, antea humidiores, quàm calidiores, post sicciore,
quàm calidiores. In ipso oppositionis puncto, tantò calidio-
res,

res, quando sicciore: tunc uerò est, ac si nihil caliditatis ac siccitatis addidissent. Protinus uerò fiunt sicci atq; frigidi: sic ut siccitas augeri incipiat usq; ad medium spatij, quod est usq; ad stationem secundam: inde siccitas remittitur, frigiditas uerò semper augetur, donec ad medium spatij peruenerit: quod est inter stationem secundam, & occultationem: tunc enim propter quintum tempus frigiditas in ultimo consistit, & planeta fit debilissimus. Hæc autem necessaria sunt ad determinandam magnitudinem qualitatum. Sententia igitur Ptolemæi est, ut in omnibus astris habitum illorum ad Solem tribus ex causis respiciamus. Prima, quia omnia astra moderantur Solis effectus, & illius uirtutem in hæc inferiora augent, aut minuunt: ipse autem principalis causa omnium est. Secunda, quia uirtus quæ ad nos desertur ab astris, tanta est, quantum est lumen, quod à Sole recipitur ab illis. Hoc autem, ut dictum est, non simpliciter intelligi debet, sed omnibus his modis, quibus explicauimus. Tertia, quia omnes planetæ, ut dicebat Massahallac, alligantur Soli uelut fune: & uerum dixit, omnia enim coeli sidera Solis cursum obseruant. Nam Venus & Mercurius eodem motu in eccentrico mouentur, & centrum epicycli eorum idem est cum centro Solis semper. Luna epicycli centro & ab sive media hinc inde semper æqualiter distat à linea medijs motus Solis: sicut linea quæ ducitur à centro Solaris circuli per centrum Solis media semper sit inter absidem Lunæ, & lineam ductam ex centro circuli Lunæ per centrum parui sui circuli. Tres uerò superiores tantum distant ab abside sui parui circuli, quantum linea medijs motus Solis à linea medijs motus ipsius planetæ. Fixæ uerò stellæ eodem motu ad unguem mouentur, quo ipsius Solis ab sive. Itaq; constat Solem esse metrum & mensuram omnium siderum, quæ in cælo sunt. Hæc uolui dixisse, ut intelligeres Solem esse principem atq; regem inter astra, cuius consideratione atque

que respectu omnia metiri debeant. Quantum uerò ad figuras signorum, sciendum est, quòd propter octauì orbis motum, Aries amplius non est iuxta æquinoctij circulum, nec signa ipsa æqualis sunt longitudinis, atq; latitudinis, sed quædam quadraginta & amplius partium in longitudine. Similiter & circa latitudinem plurimum, ut dixi, differunt. Quamobrem non ex antiquo situ sed ex stellarum natura & configuratione, Virtus signorum octauì orbis sumenda est: Signa uerò noni orbis neq; figuras habent, neq; figuris cognitis constant, sed partes ipsius cœli ad æquinoctij circulum comparata, diuersas existimantur habere naturas, siue in nono cœlo sint, siue in octauo. Et tamen cum omni figura careant hæ partes, signorum nomine intelliguntur, non autem figuræ octauì orbis. Cum ergo dixero Arietem, non iam figuram in octauo cœlo intelligo, quæ stellis Arietem refert, sed triginta primas illas partes eclipticæ, quæ primum ab æquinoctiali uersus Septentrionem numerantur.

Cum igitur stellas octauì orbis considerat eas quæ proximè sunt, id est, in eodem signo aut cœlesti imagine, & quæ easdem habent uires, breuitatis causa & euitandi tædij studio, sub una ratione connumerauit: Velut eas quas in ore Arietis, naturæ Mercurij similes, parumq; Saturni esse dixit.

Hic igitur dubitatione dignum est, an qualitates ipsas simul temperet, an utraq; simul, tametsi contrarias esse uelit? Similiter, an, cum dixit, gratia exempli, stellam quæ est in corde Leonis, habere uim Iouis atq; Martis, uelit in his in quibus naturæ horum planetarum pugnant, utranq; aboleri, an utranque adesse? Velut Iupiter significat iustitiam iustosq; Mars iniustitiam atq; iniustos, utrumne illi, quibus cor Leonis in ascendente erit, erunt modò iusti, modò iniusti, aut simul iusti atq; iniusti, an prorsus medijs inter iustos atq; iniustos? Sed mihi uidetur, ut non aliter interpretandus sit Ptolemaeus.

Cap. 17. *lemæus*, quàm per ipsummet. In tertio libro enim Planetarum naturas miscet, ubi de qualitatibus animi loquitur. Quam obrem ex eo loco stellarum errantium mitionis ratio in fixis erit interpretanda. De qualitatibus autem, quoniam nō Galeni, sed Aristotelis sequutus est opinionem, existimandum est similes in unum coëgisse, atq; ex similibus similia auxisse, in contrarijs autem ob repugnantiam aut putranq; sustulisse, aut ex maiore minorem ademisse. Eadēq; ratio est de corporis & fortune decretis, quam de animi coniugationibus obseruandā ex Ptolemæo docuimus. Igitur stella in cauda Vrsæ maioris, quasi crines humidissimæ sunt, & suffocationes ab æquis, vel propter pituitam nuntiant; quia ex natura Veneris sunt atq; Luna. Vterq; autem istorum planetarum humidissimus est, in calore uerō mediocres: Luna scilicet calidiores, & Venere frigidiores. Ita stella de natura Saturni & Martis siccissimæ erunt, Vterq; enim planeta siccus est, in calore quasi temperatæ, sed declinabunt ad frigus, quia Saturni frigus Martis calore maius est: Erunt autē iracundi propter Martem, & tenacis iracundiæ, propter Saturnum, & in illa iracundia feroces & audaces, ea defruescente, timidi, propter Saturnum.

Caput nonum.

TEXTVS XXXVI.

De Anni temporibus, & quatuor angulorum natura.



Tq; hæ sunt vires singularum stellarum, vt à veteribus obseruatæ fuere. Exquiri autem & anni temporum quatuor natura debet, quæ nomina mus, Ver, Aestatem, Hyemem, Autūnum.

Qui

Qui putant Ptolemaeum solum ea, quae fiunt, considerare, non ea quae facta sunt, caput istud non diligenter considerauere. Docet autem se tradidisse doctrinam de stellis iuxta antiquorum experimenta: nunc anni tempus in quatuor partes diuidit proportionem respondentem quatuor partibus mensis Lunaribus, & quatuor partibus diei, & quatuor etatibus, & quatuor constitutionibus superiorum: in omnibus enim his prima pars est humida & calida, sed minus calida, quam humida: secunda calidior, quam sicca: tertia siccior, quam frigida, & quarta frigidior, quam humida. Ideo ex natura horum temporum praeter id, quod cognoscimus illam, cognoscimus etiam quod dictum est de comparatione Lunae, & superiorum, & fixarum quomodocumque: & etatum, & partium diei in medio, puta in stationibus. Nam quemadmodum medium inter Ver & Aestatem, ubi Ver Aestati coniungitur, est calidum manifeste, in humido autem & sicco temperatum: Ita in fine pueritiae dum iuuentuti iungitur, & dum Luna est in prima quadrata radiatione Solis, & in superioribus in prima statione. Posuit autem hanc tractationem post stellas fixas: quoniam a stellarum exortibus tempora permutantur.

TEXTVS XXXVII.

Ac Ver quidem humiditatis plurimum habet, cum soluto frigore aura calore diffunditur. At aestas calidior est, propterea quod tum Sol proxime verticalem nobis punctum fertur. Autumnus verò propria siccitas est, humiditatem tunc praeterito aestu reprimente. Hyems autem tota est frigida, quod Sol tum longissimè distet à verticali nobis loco.

Quod uer sit humidum, secundum Ptolemaeum, & tem-
pere

*Vea huius**huidu huius
rendu**Vea*

peratum, secundum Galenum nullam habet repugnantiam: quoniam quantitate quidem humidi ac substantia humidum dicitur, iuxta qualitatem autem est temperatum, non sicut humidum hyemis quod crudum est: eodemq; modo de Ioue supra distinximus. Similiter, quod medici breuius faciant uer et autumnum, longam aestatem, et longissimam hyemem, Astrologi autem omnia tempora equalia, neq; id rursus repugnans est, cum Astrologi rationem sequantur omnibus gentibus generalem, quæ est, quod uer fit, dñ Sol permeat ab initio Arietis usq; ad initium Cancris: dissoluit enim humidum et impinguat terram, nec tamen adhuc sensibilibiter excalescit. Ex quo liquet manifestè, quod diximus prius stellas humectare antequam excalescant: paruus enim calor et multus humectare potest, non autem calefacere. Aestas uerò à Cancris initio ad Libræ initium: à Libræ initio ad Capricorni initium, autumnus, à quo ad Arietis initium rursus hyems. Neq; obstat, quod medici annum in septem tempora diuidant: nam rationem stellarum fixarum, non Solis tantum sequuntur. Hæc autem inferius declarabitur.

Luna in anno

Porro, cur Zodiacus in duodecim signa diuidatur, Haly duas pulchras rationes adducit. Primam, quoniam unumquodq; tempus istorum quatuor habet initium, medium, et finem. Cum igitur tria ducuntur in quatuor, sunt duodecim signa. Secunda, quia Luna, et quæ et ipsa quatuor tempora facit in mense, licet non adeò conspicua, duodecies in anno coniungitur Soli, adeò ut multi Lunarem rationem non Solis sequuti, annum constituerint dierum CCCLIIII. Quia uerò Sol in trecentis sexaginta quinque diebus et sex horis ferme totum peragrat signiferum, et hic numerus erat incommodus supputationibus, diuiserunt signiferum in numerum proximiorum partibus plurimis constantem, qui est CCCLX. ut sic unumquodq; signum triginta partibus constet. Sed hæc diu

diuifio ut computationi aptior est, ita physica minimè est: sed ea quæ sit in trecentas sexaginta partes cum quarta fermè. Diuiduntur etiam partes singula ex trecentis sexaginta in sexaginta partes, quas minuta uocant. Vltra quas procedere curiofitatis est, non utilitatis. Sed tamen cogimur & debemus in supputando, non autem in assignando loca planetarum, & fixarum, & signorum: minuta enim sufficiunt.

TEXTVS XXXVIII.

Sed cùm signiferi nullum sit initium, ex ipsius quidem, ut circuli, natura, prætulêre tamen alijs, principiumq; fecerunt Arietis locum tribuentes, ut in animante primas, humido quo ver excellit, atq; ordine reliqua tempora adnumerantes. Omnia enim animalia prima in ætate humido abundant, & mollia teneraque sunt, sicut illa tempestas sentitur. Proxima verò ætas, ut æstas, feruet. Tertia, tanquam deflorescens & proprior interitui, arida est, autumnôque assimilis. Vltima, in qua animantis est corruptio, ita ut hyems, prorsus est frigida.

Octo comparasse iuxta combinationes primarum qualitatum quatuor modis, primum Solem per quatuor anni tempora: secundò Lunam: tertio superiores: quartò inerrantes, sed obscure tamen, quinto horas diei, sexto ætates: septimò uentos: octauò angulos atq; cum his regiones, iam dictum sit. Cùm igitur in circulo Zodiaci non liceret inuenire principium quatenus circulus est, initium statuerunt à sectione æquinoctij, & ideo initium ueris fuit ab initio Arietis. Tunc

i uerò

uerò existimabatur octauī orbis initium facere ueris, quā
 Ptolemæi tempore Aries octauī orbis prima sui parte tange
 bat æquinoctij circulum fermè, intelligendum tamen de signis
 noni orbis, seu octauī imaginarijs, & sunt triginta gradus
 primi, qui sunt à sectione eclipticæ & æquinoctij uersus tro=
 picum Cancrī, uel loco eclipticæ, dicas Zodiaci. Gradus au=
 tem dixi, sequutus Arabes, melius est latine dicere partes. Di=
 cit igitur, quòd prima etas quæ est à natiuitate usq; ad uige=
 simū primum annum, ubi finitur incrementum, est humida
 longè magis, quàm calida: & assimilatur ueri, & uocatur
 etas incrementi. Secunda, quæ assimilatur æstati, est calidior,
 quàm sicca, & incipit à uigesimo primo anno, & extenditur
 usq; ad trigesimū quintum annum, in robustis usq; ad qua=
 dragesimū, & uocatur iuuentutis. Tertia, quæ assimilatur
 autumnō, incipit à trigesimo quinto, & terminatur ad quin=
 quagesimū annum: in robustis autem, incipit à quadrage=
 simo & terminatur ad sexagesimū. Quarta & ultima, quæ
 assimilatur hyemi, quæ est frigidior quàm humida, sicut præ=
 cedens est siccior, quàm frigida, incipit in omnibus inter quin=
 quagesimū & sexagesimū annum, & terminatur usq; ad
 finem uitæ. Prima igitur etas est incrementi, Secunda robo=
 ris. Tertia sapientiæ. Quarta debilitatis, sicut & inter tem=
 pora anni. Primum est uoluptatis, scilicet uer. Secundum ge=
 nerationis & profectionis, scilicet æstas. Tertium collectio=
 nis, autumnus. Quartum debilitatis, hyems. Prima igitur se=
 ctio uernalis erit calida, humida, puerilis, & sanguinea, &
 continet Arietem, Taurum, & Geminos. Secunda calida &
 sicca æstiuā iuuenilis, & continet Cancrum, Leonem, & Vir=
 ginem. Tertia est frigida & sicca, melancholica decrescens,
 & continet Libram, Scorpionem, & Sagittarium. Quarta
 & ultima, est frigida, humida, hyemalis, senilis, & continet
 Capricornum, Aquarium, & Piscem. Harum media maximè
 sunt

p. 112. 113.
 mentis 21

ad 35 2a

3 ad 50m

4 ad 60.

1. Iuuentutis

2 Robor

3 Sapientia

4 debilitas

sunt talia, ut Taurus temperatissimus, seu calidissimus, & hu-
 midissimus secundum substantiam & multitudinem: Leo cali-
 dissimus & siccissimus: Scorpio frigidissimus et siccissimus: sed
 ut dixi, siccior quam frigidus: Aquarius frigidissimus & hu-
 midissimus. Initia quoque seu prima signa cuiuslibet quartæ
 partis Zodiaci excessum habent maximum unius qualitatis
 supra reliquam, utpote Aries est longè humidior, quam ca-
 lidus, Cancer longè calidior quam siccus, Libra longè siccior,
 quam frigida, Capricornus longè frigidior, quam humidus.
 Ultima uero signa minimum habent excessum unius qualita-
 tis super aliam, & ad naturam alterius temporis tendunt: in
 Geminis calor superat humidum, in Virgine siccum superat
 calidum, in Sagittario frigidum superat siccum, in Piscibus hu-
 midum superat frigidum. Secundum hoc igitur habes natu-
 ram duodecim signorum ad unguem. Et quia, ut dictum est,
 omne quod potètia est tale, fit actu tale: planeta in his signis, Rta
 & fixe, & cometa, & ascendens, & reliqua talia sunt &
 adipiscuntur naturam signi. Ex his etiā sequitur, quod Tau-
 rus est temperatissimum signum, quod sit in cœlo: nam est tem-
 peratissimum quartæ partis uernalis, quæ est temperatio o-
 mnibus alijs, & Leo est ardentissimū omnium signorum, quæ
 sunt in cœlo, biliosissimum & animosissimum, quia est arden-
 tissimum quartæ partis æstiuæ Zodiaci, quæ est calidissima et
 siccissima omnium partium Zodiaci. Et Scorpio erit perni-
 ciosissimus & inimicissimus naturæ humanæ, quia est frigi-
 dissimus & siccissimus omnium signorum, quæ sunt in cœlo:
 & ideo uenenum ei meritò tribui potest. Aquarius uero erit
 timidissimus & ignauissimus, frigidissimus & humidissimus
 omnium signorum &c. Hucusque locutus est Ptolemæus secun-
 dum uera principia physica, & absque dubitatione digna, mo-
 dō quis sciat distinguere inter caliditatis magnitudinem &
 naturam, seu luminis & opus eius, quod est in se calidum, ubi
 i 2 multum

multum sit de lumine, & frigidum, ubi parum sit de lumine, & calore: & in comparatione ad elementa, humidum ubi sit multum de uapore concocto, siccū ubi sit parum de illo uapore concocto, & de illa humida substantia. Omne enim astrum qualecūq; sit, sicut est author caliditatis, ita etiam humidi: sic ut frigidum & siccum in astrorum operibus non sint qualitates contrarie, calidi & humidi, sed nomina mensuræ paruitatis calidi & humidi. Et ut sciat distinguere inter primas qualitates in quanto, quæ sunt substantiæ, & inter qualitates primas, quæ sunt accidentia & impressiones. Vt sit exemplum, quòd Taurus est temperatissimum signum plurimum habens calidi, & humidi, quia est signum uernale medium ut dictum est, dicitur tamen planeta in eo siccus, cū Taurus fuerit in parte orientali cœli, secundum qualitatem, id est, quòd natus sub illo, licet habeat plurimū de calore naturali, & humido uitali, quod substantia ipsi idem est, ut in medicis expositionibus docuimus, illud tamen humidum erit siccius, & non erit tam purum, neq; tam feruens secundum qualitatem, ut esset humidum illius, qui natus esset, cū Taurus occidit. Et ita per contrarium natus sub planeta in Libra occidente, humidum habet purius & syncerius secundum qualitatem: non erit tamen neq; densum, neq; multum: imò, ut ita dicam, aqucum: & bene uides ista non repugnare. Dabo aliud exemplum clarius: capiatur puer, & senex, & nutrantur duobus annis: puer quidem lentibus decoctis & brassica, bibens aquam, senex autem carnibus & ouis, & uino dulci bono: puer referet temperiem nati sub Tauro tam in quanto, quā in quali, et senex nati sub Libra, tam in quanto, quā in quali. Hæc igitur uolui te intelligere, quoniam dubia uidentur, & nō sunt: & sunt clauēs ad intelligendū omnia dicta Ptolemæi, tā, quæ antecedunt, quā quæ sequuntur. Sed quæ subijcit cū clara uideantur, maximā in ueritate habent dubitationem, & sunt.

Ad hoc exemplum quatuor anguli hori-
zontis, ex quibus nascuntur, totas illas partes
occupantes venti etiam distribuuntur. Orien-
talis enim ariditatis plurimum habet: quòd
cum ibi Sol est, tum per noctem excitata hu-
miditas desiccari incipiat. Hinc igitur venti
spirant aridi, & desiccantes auras, qui ferè
Subsolani vocantur. At plaga meridionalis
& calidissima ipsa est, propter flammationes
Solis in cœli medio, quod non nostrarum ter-
rarum situs est ad meridiem maxime declinat.
Huius venti nominantur communiter Nothi,
suntque calidi & rarifici. Cæterum locus occi-
duus, quod ad illum cum Sol peruenit, tum
primum humiditas per diem exhausta diffun-
di incipiat, & humectus ipse est, & qui inde
exeunt venti, quos nominant Fauonios, tene-
ri sunt & madidi. Verum Septentrio totus fri-
gidus est, propterea quòd pro situ nostræ ter-
ræ longissime absit à calore cursus Solis per
cœli medium, quique inde spirant venti, com-
muni appellatione dicti Aquilones, frigidi
sunt & congelatores.

Maximam causam esse oportuit, propter quam Ptole-
meus à solito ordine in ventis & diei partibus, seu partibus
cœli quæ horizonte & meridiano distinguuntur, recesserit.
Siquidem ex ordine fuisset solito ut ventum orientalem ueri
simulasset, & similiter primam partem diei, quæ est ab ortu
Solis

Solis usq; ad meridiem, et partem illam etiam cœli, quæ inter
 horizontem et medium cœli posita est: Sequentem uerò à me-
 ridie ad occasum, æstati: Ita & tempus & uentum, sed in hoc
 conuenit, in prima autem non conuenit. Similiter uentum oc-
 cidentalem & partem primam noctis, quæ est ab occasu ad
 mediam noctem, poterat assimilare autumno, sed non facit.
 Partem uerò, quæ est ab imo cœli usq; ad orientem, & no-
 ctis quæ est à medio ipsius ad Solis ortum, & Borealem uen-
 tum, hyemi, quod & facit fermé. Disidet autem in duabus
 partibus, quæ sunt oppositæ ab ortu, scilicet ad meridiem, &
 ab occasu ad cœli inuim. Nam illam, quæ est ab ortu ad cœli
 medium, siccam facit, contrariam humidam: atq; ita uer sic-
 cum, autumnum humidum. Primum igitur uidere decet, quid
 Ptolemæum in hanc opinionem impulerit, inde contrarie ra-
 tiones adducentur. Quatuor igitur rationibus, ut mihi uide-
 tur, Ptolemæus innixus est. Prima est, quòd nox tota sit hu-
 mida: unde etiam illud Poëtæ, humida cœlo. dies uerò siccus.
 Ut igitur statueret diem totam siccam, & noctem humidam,
 coactus est ponere partem quæ ab oriente est ad meridiem,
 siccam & non humidam. Secunda est, quia dum Sol confur-
git, purus est & nitidus usq; ad meridiem: pellit enim uapo-
 res, non trahit, excalefacere multum non potest, cum sit no-
 uus. Igitur pars illa cœli ac temporis sicca est, & contraria
 humida. Tertia causa est, quia si humida poneretur, & cali-
 da, uelut uer, esset pars ima hyemi respondens, id est, à media
 nocte usq; ad ortum Solis, seu ab imo cœli ad ascendens,
 quare non posset esse principium uitæ. Quarta adducitur à
 Ptolemæo in textu, quòd Sol cum oritur exiccatur humidum ua-
 porum, igitur est siccus: & illud docet ab experimento, quòd
 uenti orientales exiccent. Verum in oppositum plurima
 sunt. Primum, quòd iam peruertat ordinem consuetum. Se-
 cundum, quòd uentus orientalis humidus sit, & adducit plu-

uias in Italia, quod & Galenus innuit. §. Methodi, occiden-
 talis uerò exiccat, & serenitatem parit, quod etiam Petrar-
 cha docet in carminibus suis Italicis. Tertium, quòd uenti
 iidem in diuersis regionibus diuersos effectus prorsus faciūt.

Quartum, quòd Hippocrates in sexto Epidemiorum assi-
 lat primam partem diei, quæ est ab ortu ad meridiem, ueri-
 sicut tempus quod est à meridie ad occasum, æstati, & tem-
 pus quod est ab occasu ad mediam noctem, autumno, & re-
 liquum hyemi: ita etiam dicit moueri humores & morbos.

Quintum, quòd idem author in libro de Aëre & aquis dicit,
 quòd ciuitates expositæ Euro, sunt similes in qualitatibus
 his, quæ à tempore uerno procedunt. Sextum, quia ratio sua
 de uere, probat quòd prima pars diei sit humida, calor enim
 moderatus eleuat uapores. Septimum, quoniam si pars quæ
 est ab imo cœli ad ascēdens, ponatur frigida, quomodo ascen-
 dens & prima domus erunt uitales: cum uita consistat in ca-
 lido. Octauum, quia si pars quæ est ab oriente ad medium
 cœli, sicca est, uel tantum sicca est, uel etiam frigida, uel cali-
 da, si sicca tantum, peruertitur ordo omnium aliarum quali-
 tatum in temporibus, etatibus, superioribus, & Luna, ubi
 nunquam una sola uiget qualitas. Præterea una qualitas so-
 la diu manere non potest, ut Galenus & Auerroës docent.
 Si erit sicca & calida, talis erit etiam illa, quæ est à meridie
 ad occasum, seu in parte cœli, seu in tempore, & ita erunt
 tantum duæ cōbinationes qualitatum. Vna in die, calida &
 sicca, alia in nocte, frigida & humida. Præterea, non differ-
 ret specie natura partis diei ab ortu Solis ad meridiem, & à
 meridie ad occasum. Si uerò ponatur sicca & frigida, erit
 contraria illi quæ est ab occasu ad mediam noctem, calida &
 humida, quod est absurdissimū, & contra omne experimen-
 tum ponere primam partem diei usq; ad meridiem frigidam,
 & primam partem noctis usq; ad mediam noctem calidam.

Cap. 12.

Part. I. t.

Com. 15.

Cap. 2.

Quid enim absurdius, quàm ponere diem frigidū & noctem calidam? Perinde, ac si lucem obscuram & tenebras claras. Nonum, quoniā processus erit contra ordinem quomodolibet ponatur, scilicet à secco ad calidum, à calido ad humidum, ab humido ad frigidum, à frigido ad siccum, nam iste processus est absurdus & omnino contra naturæ ordinē: quia uidemus primò materiam dissolui & fieri humidam à calore, non tamen incallescere, pòst incallescere et exiccari, et ex siccitate fieri frigiditatem, ut in senibus, quia siccī sunt, idèò fiunt frigidi, non quia frigidi, idèò sūt siccī. Ita pueri quia humidi, fiunt calidi, non quia calidi, idèò euadunt humidi. Hæc omnia adduxisse uolui, ut quisq; intelligat Ptolemæi sensum non fuisse perceptum ab ullis expositoribus, nec percipi potuisse, nisi quis intelligat nostra principia, mordicusq; retineat. Sensus igitur est, tale tēpus, talisq; pars cœli, talisq; uentus, qui ab oriente usq; ad meridiem ortum habet, siccus est, qualitate & actione, non substantia, nec aliam copulat illi qualitatem. Ratio est, quia in his quæ sunt breuis temporis, actiones cōsiderare oportet, quæ uehementes sunt, hæ uerò pariuunt qualitates non substantias. Substantia enim concoctione indiget, concoctio tempore, tempus autem breue est & perexiguum. Idèò planetæ & fixæ in partibus diei atq; cœli qualitates mutant, non substantias. Non igitur inconuenit actionē ex sicca transire in calidam, uel ex calida in humidam. Alia dubitatio est, quomodo inum cœli septentrioni tribuat, qui nobis et Aegyptijs etiam semper apparet, inum uerò cœli semper occultatur: & contraria ratione mediū cœli austro, cum Antarcticus polus semper nobis & Aegyptijs occultetur. Verū hoc agit propter similitudinem Solis: cum enim medium cœli in meridie initio æstatis cōparetur, medium noctis initio hyemis (utrinq; enim initium maximi caloris aut frigoris) Boreas uerò frigoris maximi initium sit, Australis uerò pars, id est, torrida Zona

inū cœli

non Antarticus polus caloris author immensi, manifestū est,
cur inū cœli Boreæ, mediū aut plagæ meridionali tribuatur.

TEXTVS XL.

Vtilis est harum rerum notitia ad iudicia
singularum commissionū. Patet enim, quod
de talibus constitutionibus, horarum, etatum
angulorum ipsa etiam stellarum efficientia va-
riet, quæ certè vt simplicior, ita & validior est
peculiaribus aptisq; in locis, vt in calidis calidi-
fica, & in humidis humidifica. In alienis ve-
rò admittione diuersitatis debilitatur, vt in fri-
gidis calidifica, & aridis humidifica, atq; ita
aliæ in alijs pro ratione & consequentia com-
missionis.

Non est, nisi, ut breuiter exponam, quid dicat, scilicet quo-
niam scientia quæ in hoc capitulo continetur, utilis est ad di-
gnosendum vires astrorum. Nam cum astra simplices obti-
nerint qualitates, id est, non contrarijs mistas, ut calida, &
humida in calidis & humidis, frigida & humida in frigidis &
humidis, maximos effectus faciunt. Nam & cicuta, quæ frigi-
da & humida est, in umbrosis locis nata, & frigidis atq; hu-
midis ualidior est in suo genere, & celerius interficit. Coniun-
cta uerò contrarijs locis astra, imbecilles effectus habent.

Sed utrum qualitates ipse ad substantias conferant, & an
substantia ad qualitates? an omnino diuersa sint opera? &
rursus, an contrariæ substantiæ qualitibus & substantijs
qualitates se mutuo destruant? Et mihi uidetur, quod ad con-
seruationem quidem similia similibus conseruentur, à contra-
rijs uerò destruantur: atque hoc de substantijs ad qualitates
comparatis intelligatur. De generatione autem non ita est,

nam substantiæ à uiribus fiunt, uires autem à multitudine & densitate substantiæ, & puritate. Qualitates autem à robore & debilitate, aut consimili qualitate, sic calor à multo calido uel à caliditate, frigus à paruo calido uel à frigiditate, humidum à multo humido uel ab humida qualitate, siccu à pauco humido in substantia, uel à sicca qualitate. Et generaliter substantiæ, quæ plurimum habent principij uite, id est, calidæ & humidæ, fiunt ab abundantia talis substantiæ non impediēte cōtraria qualitate. Frigidæ uel siccæ substantiæ à pauco calore, uel humido in substantia, uel à uehementi qualitate consimili, utpote sicca uel frigida. Calidum uerò & humidum in qualitate à qualitate consimili, frigidum uerò uel siccum in qualitate à qualitate consimili uel defectu substantiæ calidæ uel humidæ.

Rursus dubitabit aliquis, si calidum & humidum in substantia idem sunt, quomodo dabitur substantia frigida & humida: aut calida & sicca? Oportet autem frigidam & humidam substantiam intelligere, quæ potentia quidem calida est, actu autem humida: uelut uinum, cum nondum calidum est, qualitate actum substantiæ impediēte. Et similiter calida & sicca substantia dicitur quantitate, cum substantia calida est, non tamen humida uidetur qualitate sicca impediēte. In uniuersum igitur quo ad substantiam attinet, uerè non sunt, nisi due temperature, calida & humida, & frigida, & sicca. Cum tamen concreuerit humidum manente calore, appellamus calidam & siccam propter qualitates, quæ euidenter apparent: & cum humidum nondum incaluerit, propter qualitates manifestas appellamus frigidam & humidam.

Caput decimum.

TEXTVS XL.

De signis Tropicis, æquinoctialibus, & bicornibus.

His expositis, annexere pergamus
 ipforum etiam duodecim locorum
 traditas naturales proprietates. Ac
 ipforum quidem generales cōstitu-
 tiones, rationem eandem habent cū suis tem-
 poribus: colliguntur tamen quedam ipforum
 proprietates à familiaritate Solis & Lunæ, &
 reliquarum stellarum, sicut postea dicitur,
 ubi prius vires duodecim locorum simpli-
 ces & quas per se, & quas erga sese inuicem
 habeant, explicauerimus. Primum discrimen
 solet fieri signorum, vt alia dicantur esse
 tropica, alia æquinoctialia, itémq; firma & bi-
 corpora. Tropica sunt duo, Primum à solsti-
 tio æstiuo, hoc est partes triginta Cancrī. Al-
 terum à solstitio hyberno, id est, partes trigin-
 ta Capricornī. Atq; his nomen à re inditū est,
 quoniam Sol, ubi hæc primum ingressus est,
 mox retro conuertit, abítq; diuersam latitudi-
 nis viam, in Cancro quidem Aestatis: in Ca-
 pricornio verò Hyemis author. Sunt & æqui-
 noctialia duo. Vnum quod est æquinoctij ver-
 ni, Aries: Alterum quod autumnalis, Libra,
 quibus & ipsis à re nomen est impositū. Cum
 enim

enim primū ad ea Sol peruenerit, per totum orbem terrarum exæquantur diebus noctes. Ex reliquis octo signorum locis quatuor firma vocantur, quatuor bicorpora. Firma quidem, quæ tropica & æquinoctialia sequuntur, Taurus, Leo, Scorpius, Aquarius, quod per illorū peculiaria tempora, ubi ad hæc Sol accessit, multò vehementius sentiamus humores, calores, siccitatem & frigus. Non quod tū aëris status simplicior sit natura sua, sed quia nos aliquantulum in illis temporibus versati, ipsa mora vires eorum magis experimur. Bicorpora sunt, quæ post firma numerantur Gemini, Virgo, Sagittarius, Pisces: Inter enim firma tropicāq; & æquinoctialia posita, & initio & fine communes naturas cum illis habent, quæ & antecedunt & sequuntur.

Excusat quod signorum iam proprietates tradiderit, & tamen rursus recensere uideatur. Sed tamen hic diligentius, tres faciens ordines à Solis motu sumptos. Sed alia comparatione. Nā hæc à priore deducta est. Prima quatuor signa quatuor temporum anni, quæ sunt Aries, Cancer, Libra & Capricornus, quæ à plerisque mobilia uocantur, diuiduntur. Nam Aries & Libra dicuntur æquinoctialia: quoniam cum Sol est in illorum initio, æquinoctiū est in uniuersa terra. Cancer autem & Capricornus tropica: quia dum Sol est in illis, conuertitur, in Cancro quidem à nobis recedendo, in Capricorno accedendo. Dum etiam in illa ingreditur, commutatur uicisitudo noctis & diei: Sole enim Cancrum ingrediente, nox crescere incipit, quæ prius minuebatur: Sole uero Capricornum

4. signa 4^{te}
tempor

num intrante, crescit dies, quæ iam antea perpetuò minuebatur. Sunt etiam ista quatuor initia mutationis temporū. Sole enim Arietem ingrediente, Hyems mutatur in Ver: Cancrum, Ver in Aestatem: Libram, Aestas in Autumnum: Capricornum, Autumnus in Hyemem. Ob id igitur mobilia dici solent. Sequentia Taurus, Leo, Scorpius & Aquarius *fixa* sunt, quoniam status temporis in illis sunt firmi. Dicit Ptole-
 meus, nō quod in Tauro sit tempus temperatius aut in Leone *Ver nō tēpale* ardentius, sed quod corpora hominū iamdudum eam qualitatē in mobili signo experta, inde in hoc eandem magis sentiant, atq; immutata. Tertius ordo est bicorporeorū, dicta *bicorporea* ob id bicorporea, uel quod duobus corporibus constent, nam Gemini duos habet pueros, Pisces totidem animalia, Sagittarius, equi & hominis corpus, Virgo autem quod Libram contineat, uel bicorporea, quod Sol, dū est in illorum initio, uim temporis præsentis ostendat, dum in fine, succedentis. Vt dum Sol est in Geminorum initio, uerè Ver sentitur, sed dū est in fine, potius Aestatis species quædam, quàm Veris. Quamobrem & medici tempora finium horum signorum dum Sol in illis est, succedentibus statibus aëris, non præsentibus abscribūt. Vtrū uerò signa sint tantum uelut materia, stellis octauæ orbis relictis, non dicam. Coelum enim substantia est, & substantia opus habet. Et etiam quia in ascendente uarias facultates habent ut Ptolemaeus testatur. Et cum omne quod potentia iam tale est, alterius cōparatione tale actu per se fit, quia qualibet pars cœli octauæ, & multò magis noni à Solis radijs perpetuò illustratur. Cum igitur potentia ad Solē talis sit, erit & talis semper actu per illius radios saltem. Porro mobilia signa dicta sunt, quia mutantur tempora ab illis non in illis. Communia autem non ab illis, sed in illis. Dicta autem sunt communia, quod inter fixa & mobilia sint constituta. Palam autem est eadem esse bicorporea, quæ & com-
Coia
 mu

munia. Vt animum duplicem quasi ut corpus habeant. Docuit autem nos per hæc, quod in his signis multum referat, an in initio, an in fine quis nascatur: minus in mobilibus, minime in fixis. Porro cum fixa & communia indiuisa mancant, mobilia autem diuidantur in tropica & æquinoctialia, malè faciunt, qui illa confundunt, cum ualde diuersa sint natura. Sed sufficit scire, quod omnia talia mobilia sint. Per familiaritatem autem Solis, Lune, atq; Stellarū intelligit domos, altitudines, triangulos, & fines. Quod uerò cōmunia signa interposuerit mobilibus ac fixis, ea ratione factum est, ut intelligeremus naturam ab extremo in extremum non transire nisi per media. Oportet autem sic à fixo, inde communi, deinde mobili, initium ducere, atq; ita à Tauro. Hoc autē uoluit nos scire, quia quomodocunq; communia signa statuuntur & fixa atq; mobilia, necesse est, ut fixa mobilibus absq; intermedio ullo cohereant: ut Arieti Taurus, Cancro Leo: Sed sufficit, ut alio ordine interponantur. Nihil autem refert, quod in illo ordine non sumamus initium ab Ariete, sed à Tauro, uel Leone, uel alio fixo signo: quandoquidem Zodiacus circulus sit, & in circulo principium omne ex uoluntate pendet, non autem à natura.

Caput vndecimum.

TEXTVS XLII.

De signis masculinis & fœmininis.



Rætereà sex loca signorum masculino sexui & diurnæ conditioni attribueret, totidémq; fœminino & nocturnæ. Ordinis autē huius ratio, consequentia & serie ipsa constat, ita ut uicinitas

cinitas coniunctioq; est diei & noctis, maris
& foeminae, cumq; initium Arieti tribuatur, pro
pter causas à nobis expositas, & mares princi
pes dominique sint naturaliter, semper enim
quod agit potentia, prius est eo, in quod agi
tur: Arietis quidem locus, atq; idem Librae
masculina signa esse accepimus & diurna. Vel
ob hanc etiam causam, quod per haec circulus
aëquinoctij describitur, qui primae & ma
ximae rerum omnium agitationis author est.
Ab his igitur, serie singillatim seruata, conse
quenter ordinis ratio ducitur, id est, ut mascu
linis & diurnis continuè foeminina noctur
naque subiiciantur.

Nisi quis omnino sibi de Ptolemæo persuadeat, quod de
Hippocrate Galenus dixit, scilicet quod nihil Hippocrates
scripsit commune, sed solum reconditum & abstrusum: pro
funditatem quoq; sensuum illius nouerit, atq; in perquirendis
causis, quam longè semper recedat à manifestis sensibus (is ue
rò eam profunditatem agnoscet solus, qui quæ in magna com
positione scripserat, de causis motuum ac uarietatis planeta
rum, quam procul illas uenetur, perpenderit) nunquam quæ
in hoc libro scripta sunt, intelligere poterit. Proponit igitur
tria de signis circa antiquorum opinionem. Primum, quod
quædam sunt uera, & hic tractanda, in prima parte uerò id
exponit: Quædam falsa atq; reiicienda, in secunda parte ibi
(Nonnulli tamen) Quædam uera, sed non hic tractanda, ibi
(sunt & aliæ) In prima igitur parte docet esse sex signa ma
sculina, & diurna, & sex foeminina, & nocturna, ut intelli
gamus diurnum & masculinum conuerti, quia ambo sunt ca
lida, &

diurnum masculinum id est.

*Diurnus
Nocturnus*

*Signa hanc
matia
placita aqua
pneuma foris*

lida, & sicca, & similiter foemina nocturna eadem causa, quia conueniunt ambo cum frigido & humido: & haec regula est generalis tam in signis, quam in Planetis, quod diurnum & masculinum conuertuntur praterquam in Marte, qui & ipse uere diurnus est, id est, efficacior in die, quam in nocte, sed ponitur nocturnus propter id quod minus nocet de nocte, non quia efficacior. Deinde reddit rationem quare melius sit alternatim ponere ista signa, & non sex masculina continua, & sex foemina continua: quia & masculi foeminarum societate gaudent, & dies & nox semper uicissim sibi succedunt. Rursus, necesse fuit, ut essent aliqua masculina & aliqua foemina diurna & nocturna: tum quia haec uicissitudo in cunctis rebus inuenitur, plantis, beluis, piscibus: tum quia signa sunt quasi materie & planetae quasi formae: & istae differentiae inueniuntur in formis. Igitur etiam in materijs. Tertio, ut Planetae habeant quibus gaudeant. Sed quod masculinum debeat precedere foemininum, adducit rationem: quia agens prius est natura eo, quod ab ipso patitur est: At masculinum est agens, princeps & dominus, foemininum patiens, subiectum & parens alteri. Igitur masculinum natura praecedit foemininum. Ita etiam dies deberet praecedere noctem. Iam igitur habes quatuor de signis: Primum, quod debent esse masculina & foemina, diurna & nocturna. Secundum, quod debent esse totidem ex uno genere, quot ex alio, scilicet sex ex unoquoque eorum. Tertium, quod debent esse alternatim disposita masculinum & foemininum, & non continua masculina masculinis, & foemina foemininis. Quartum, quod masculina debent praecedere foemina. Diximus etiam, quod quaecumque sunt masculina, sunt & diurna: & quaecumque foemina, nocturna, & uicissim contra. Relinquebatur quintum, a quo signo esset incipiendum: & probat, quod ab Ariete, duabus rationibus. Prima est dicta, quia initium anni & access

accessus Solis ad nos est ab Ariete, & posita fuit superius, scilicet quòd initium in mundo, & in anno. Annus enim est ^{Gap. 9.} quasi etas mundi: & initium in animante quo ad etates, debet esse unum. ^{Annus} Est enim mundus magnum animal in uia Aristotelis: sed principium in animante seu etas prima est, cum animal est humidissimum, & mediocriter calidum. Hoc autem contingit in Vere. Nullum enim tempus est humidissimum & calidum, nisi Ver: igitur Ver debet esse principium anni. Igitur cum Sol Arietem ingrediens faciat Ver, a primo ad ultimum Aries erit primum in ordine signorum, ipse igitur erit ^{V Mas.} masculus, & Taurus scæmineum signum, & ita Gemini ^{& fe} masculinus & Cancer scæminus. Secunda ratio Ptolemei est, ^{II Mas} quòd oporteat esse masculina signa, ubi est uehementissima ^{& fe} mutatio. Declaratum est enim superius, quòd masculinum ^{Masculinū. s.} idem est, quòd efficax, seu quòd agit seu in quo est principium motus: sed Aries & Libra talia sunt, quia sunt circa æquinoctij circulum, qui efficacissime agit, quia uelocissime mouetur: actio enim, quæ per motum fit, consequitur motus ^{RTa} uelocitatem.)

TEXTVS XLIII.

Nonnulli tamen masculina signa ab orientali loco, qui horoscopus dicitur, ordientes disposuerunt. Sicut enim aliqui tropicorum locorum initia à Lunari circulo ducunt, quòd celerrimæ Lunæ conuersiones sint, ita & illi principium tribuere masculinis locis orientem propter subsolanum. Horum etiam alij seriem consequentiãmq; singulatim, ut diximus, secuti sunt. Alij totius circuli in quadrantes diuisionem. Loca quidem ab horoscopo
k vsq;

vsq; ad MC hsq; opposita, ab occidua plaga
vsq; ad IM matutina, & masculina nominan-
tes: vespertina verò & foeminina, quæ sunt in
reliquis binis quadrantibus.

Nunc ponit opiniones aliorum distinguentium signa ma-
sculina à foemininis, & matutina à vespertinis ratione ascen-
dentis: sic ut primum signum, quod ascendit, sit masculinum,
& matutinum: sub solanum enim est, id est, orientale: ueluti
Virgo ascendat, erit Virgo signum matutinum & masculi-
num, Libra erit foemininum & vespertinum, Scorpio rursus
masculinum & matutinū. & ita de alijs alternatim. Alij ue-
rò dixerunt signa contenta ab ascendente ad medium cœli,
& ab occidente ad imum cœli, esse matutina & masculina, in
alijs uerò duabus quartis foeminina & vespertina. Alij ue-
rò tropicorum initium sumpsērunt à Luna circulo: hoc bis a-
riam potest intelligi: uel de loco, ita ut signū in quo Luna est,
sit signum tropicum, propter uelocitatem conuersionis Lu-
næ. Veluti Luna est mihi in Piscibus, Pisces erunt loco signi
tropici australis, inde quartum ab illo, quod est Gemini si-
gnum æquinoctium Vernum, & ita de alijs: Vel de loco uen-
tris Draconis, quia dicit $\sigma\epsilon\lambda\eta\nu\alpha\iota\sigma\varsigma\ \kappa\epsilon\iota\tau\alpha\varsigma$ non $\sigma\epsilon\lambda\eta\nu\alpha\iota\sigma\varsigma\ \tau\omicron\zeta\eta\varsigma$, id est, si cuiuspiam caput Draconis sit in quinto gradu,
Geminorum, ibi erit punctus æquinoctij Vernalis, & quin-
tus Virginis erit tropicus æstiuus, quia tunc Luna incipit re-
cedere uersus austrum: & quia est uelox motu faciet æquino-
ctia & solstitia. Non laboro in distinguendo, quæ sit uerior
opinio, quia utraq; rejicit Ptolemæus. Quare autem rei-
cienda sit, manifestum est, tum hæc, tum etiam opinio de ascen-
dente: quia idem esset masculinum & foemininum, ut pote si
Luna sit in Piscibus uel caput Draconis in Tauro, Pisces et
Taurus erunt masculina, & iam erant foeminina ex natu-
rali

4. vernalis
Autumnalis
Sexus
Pthia: res signis non feminis masculinis
Joachim
mascul

masculina ordientes) ut per aduerbium tamen Ptolemæus ostendat se non approbare ea, quæ illi de signis adiecerunt. Approbat autem ea quæ subijciuntur. Sunt autem hæc.

TEXTVS XLIIII.

Sunt & aliæ appellationes locis factæ, de formis signorum, vt aut quadrupedia dicerentur, aut terrestria, aut ducalia, aut fœcunda, aut aliquid huiusmodi. Quorum omnium cum ex ipsis figuris causæ manifestæ sint, nos illas verbosè persequi superuacaneum duximus: cum quidem expositæ à nobis sint huiusmodi imaginum naturæ, quatenus in iudicijs vtiliter vires illorum considerari deberent.

Proponit hic alias differentias signorum, quæ ab antiquis acceptæ probantur, non tamen dignæ sunt peculiari expositione, quoniam à forma facile est illorum vires intelligere. Quas figuras se suo loco referre docet, utpote in capite de morte & de itineribus & de opificio. Sunt autem maxime duodecim principales. Humana, ut Gemini & Virgo. Quadrupedia, domestica, ut Aries, Taurus, Capricornus. Aues, ut Aquila & Gallina. Aquatica, ut Delphin & Pisces. Naufraga, ut Argo & Nauis. Fera, ut Leo & ultima pars Sagittarij. Venenosa, ut Scorpio & Serpentes. Sunt enim plures in cælo. Mutilata, ut Taurus & caput Medusæ. Vincula, ut Andromeda & Cepheus. Ducalia, ut ambæ Coronæ borealis, & australis. Fœcunda, ut Cancer, Scorpio, Pisces. Sterilia, ut Leo & Virgo. Horum omnium meminit Ptolemæus suis locis.

Caput

humana
quadrupedia
domestica
aues
aquatica
naufraga
fera
venenosa
mutilata
vincula
ducalia
fœcunda
sterilia

Caput duodecimum.


TEXTVS XLV.

De configuratione duodecim locorum.

E Amiliaritas autem intercedit locis
zodiaci secum, primū ijs, quæ cum
alijs aliquam figurarum describunt;
quæ sunt demetiens, id est, anguli
bini recti. Signa autem sex, partes centum
lxxx. Triquetra (hoc est) angulus rectus
vnus atq; insuper triens illius. Signa verò qua-
tuor, partes cxx. quadrata, hoc est, vnus re-
ctus angulus, tria signa, partes xc. Sexangu-
la, id est, illæ reliquæ duæ partes anguli recti,
signa duo, partes lx.

Vnumquodq; indiget propria ratione, ut demonstratur,

aliter è minima diffi-
cultate in maximam
res euadit. Hæc Pto-
lemai sententia figu-
ra indigebat. Sit igitur
circulus signo-
rum, quem uocant
zodiacū, quod signa
contineat, & in eo
signetur punctus B
ubicunq; uelis nō re-
fert, sit gratia exem-



pli manifestioris doctrinæ causa initium Arietis, & sit cen-
trum eius circuli A & capiantur lx partes à puncto B quæ
sint

sint contenta arcu BC & ducta BC recta ipsa erit sextilis
 radius. Nam totus zodiacus, ut superius uisum est ccc lx,
 partes, BC autē lx, cum igitur lx sit sexta pars ccc lx,
 erit BC latus hexagoni, idēq; radius sextilis. Et quia anguli
 circum A sunt quatuor rectis aequales, & angulus CAC tri-
 lis est pars spatij circum A qualis BC portio arcus totius
 zodiaci, erit angulus BAC sexta pars quatuor rectorum.
 Igitur duae tertiae unius recti. Et similiter capitis partibus
 cxx quae sint arcus BE, erit BE tertia pars zodiaci, nam
 cxx est tertia pars ccc lx, & angulus BAE eadem ra-
 tione erit rectus cum tertia, id est, tertia pars quatuor re-
 ctorum, & residuum ad duos rectos anguli sextilis. Nam re-
 ctus, & tertia pars recti cum duabus tertijs recti faciunt
 duos rectos. Constat igitur & in trigono, & in sextili &
 quadrato quod radij, & recte, si reflecterentur uersus par-
 tem oppositum, utpote sextilis ex C in E & ex E in G & ex
 G in F & ex F in K & ex K in B tandem rediret per a-
 quales lineas & angulos. Et similiter latus BE trigoni si re-
 flecteretur, transiret in F & ex F in B, & ita per aequales
 angulos, & lineas. Idē dico de quadrato BD quod est latus
 arcus BD qui est partium x c et idē quarta pars ccc lx
 & totius zodiaci. Cum igitur etiam angulus BAD sit quar-
 ta spatij pars eius, quod est circa A erit angulus BAD re-
 ctus ad unguem. Pari ratione spatium BAG ex una parte,
 cum contineat dimidium quatuor rectorum, erit duorum re-
 ctorum, & arcus BDG partium clxxx, id est, dimidium
 ccc lx, & ita G dicitur opponi B. Omnes autē radij praeter
 oppositos duplices sinistri, & sunt, qui tendunt secun-
 dum ordinem signorum, ut sextilis BC & trigonus AE &
 dextri, qui tendunt contra ordinem signorum ut sextilis BK
 & trigonus BF. Et ita de quadratis, ex quo patet quod ra-
 dius BC dicitur sinister respectu B & dexter respectu C. Et
 ita

ita trigonus EF sinister est respectu E & dexter respectu F.

Ex his patet, quod radij ueri sunt ex similibus partibus in similes, uelut posito Sole in parte undecima Libræ, radius quadratus dexter erit in x i parte Cancrī, sinister in x i parte Capricorni. Sextilis dexter in x i parte Leonis & sinister in x i parte Sagittarij. Et oppositio in x i parte Arietis. Et trinus dexter in x i parte Geminorum & sinister in x i parte Aquarij. Idem etiam intelliges de partibus partium. Vt si Sol esset in partibus decem minutis XLVII Libræ, erunt radij omnes dicti in eisdem signis partibus decem minutis XLVII.

Sed dices, quare Ptolemæus non respexit latera octogoni, quæ respiciunt per XLV partes, & duodecagoni, quæ per xx x? Respondeo, quia latera octogoni non comprehendunt integra signa. Duodecagoni autem, quia nimis sunt debilia. Igitur isti aspectus solum sufficiunt. In creticorum tamen dierum supputatione utimur figura octogeni aspectus, in quem cadit quartus dies indicatiuus, ut sit in consideratione.

TEXTVS XLVI.

Cur autem hæc tantummodo discrimina recepta fuerint, hinc cognitu facile erit. Atq; ipsius quidem diametri ratio per se patet: nam oppositio est in vna linea recta. Caterum, si maximas duas portiones conuenientes, atque item supra portiones accipiamus. Nempe rectangulorum duum ex diametro dimidium & trientem, quæ portiones cōuenientes, atq; item supra portiones sunt, fit, vt dimidiatio tetragonum constituat. Triens verò sexangulum. Supra portionum autem, si constitutur à rectangulo quadrato hemiolion, hoc est,


k 4 sesqui

sesquiplum, & epitriton, hoc est, sesquiter-
tium, illud discernit quadratam à sexangula,
hoc triquetram figuram à quadrata. quarum
quidem figurarum triquetra & sexangula con-
uenientes putantur, quia consimilia loca si-
gnorum complectuntur, hoc est, omnia, aut
masculina aut foeminina. Inconuenientes ve-
rò figuræ habentur quadrata & dimetiens,
quòd illæ per dissimilia loca constituentur.

Tria facit in hoc textu Ptolemæus. Primum colligit ex di-
ctis, cur solùm hæ figuræ sint necessariae, scilicet trigona, he-
xagona, quadrata: nam per integra signa constituuntur, &
partes totius circuli integras. Conexionem uerò, ut infra de-
clarat, per proportionales primas, et musica etiã ratione con-
stantes: sed quia de oppositione nihil dixerat, fieri eam inquit
per rectam lineam, supple quæ per centrũ circuli seu zodiaci
transit. Nã & alij omnes aspectus per rectas fieri lineas intel-
liguntur, sed nulla illarũ per cẽtrum transit, præterquam op-
positionis linea. Ideoq; ex hoc declaratur oppositionis aspe-
ctum esse omnibus alijs potentiorẽ. Nam lineæ, quæ per cen-
trum transeunt, sunt omniũ ualidissimæ, ut in cauis etiam spe-
culis apparet. Cum igitur quinq; modis erraticæ inter se mi-
sceantur, uel etiam cum fixis, omniũ commistionum ualidissi-
ma est cõiunctio, post oppositio, inde quadratã & trigonum
fermẽ æqualia: ultima & debilissima est hexagonũ. Solẽt au-
tem his notis breuitatis causa describi. Cõiunctio \circ . Opposi-
tio \odot . Quadratũ \square . Trigonũ \triangle . Hexagonum seu sextilis \times .

Cæterũ, si maximas) Hæc est secunda pars in qua adducit
Mathematicã rationem istarũ radiationũ duplicẽ, Geometri-
cam atq; Musicã. Geometrica est, quoniã si fiat circulus & su-

miatur quadratū siue dimetientis, quod sit CD medietas eius quadrati, quæ est superficies ABDG æqualis est quadrato AEBF: utraq; enim est medietas quadrati CD ex demonstratis in penultima primi elementorū, igitur AEE latus seu radius quadrati est potentia dimidium AB dimetientis, quod est primum. Rursus, si accipiamus tertiam partem quadrati AB erit pro-



portio AEBF ad illam ueluti arcus quadrati ad arcum hexagoni, id est sexquialtera. Et si fiat comparatio quadrati ad trigonū & hexagonū in superficiibus erit trigoni arcus ad arcū quadrati epitrita, arcus autem quadrati ad arcū hexagoni hemiolia. Et ut uno uerbo dicam, traduxit quod erat ignotum in arcubus ad quadratum dimetientis diuisum ut uides. Ponatur igitur AB sex & loco arcus oppositionis quadratū AB quod sit CD erit ABDG pro arcu quadrati, quia est æquale quadrato, AEBF decē octo, & HGDK tertia pars quadrati CD, id est duodecim, quare ut arcus hexagoni. Et GLMD duæ tertiæ partes quadrati CD, id est uigintiquatuor, idē quantus est trigoni arcus. Et cum ABDG sit æqualis AEBF igitur constat esse proportionem ut quadrati diametri ad quadratum in circulo descriptum. Nam oportebat rationem quadrati manere. Comparando etiam ad medium, id est quadratum AEBF superficies GHKD & GLMD proportio GABD ad GHKD est hemiolia, id est sexquialtera. Et comparando

h s GLMD

GLMD ad GABD est sexquitertia seu epitrita: igitur ponendo AEBF loco GABD erit quadratum hemiolium ad hexagonum & trigonus ad quadratum epitritus. In musica uero manifestum est, quod ratio arcuum est ut 6.4.3.2.

Nā arcus op=

positionis est

CLXXX, tri

goni CXX,

quadrati XC,

hexagoni LX,

quoscū diuer

sis per XXX

prohibūt 6.


4.3.2 in eadē

proportione.

Sed 6.4.3. fa

ciūt continuā

proportionem musicam, quia talis est proportio 6 ad 3 extre mi ad extremum, ut 2 differentie 6 à 4 ad 1 differentiam 4 à 3. Et ita 6.3.2. faciunt aliā proportionem musicam cōtinuā, nam talis est proportio 6 ad 2 extremi ad extremum, ut 3 differentie 6 à 3 ad 1 differentiam 3 ad 2, igitur in 6.4.3.2 est duplex continua proportio musica. Aliter ratio Geometrica congrueret in rectis, quia dimiciens si faciat quadratum 3 6, erit quadratum intus 18 medietas, scilicet illius, & quadratum lateris trigoni 27, & quadratum lateris hexagoni 9. Ita ut quadratum intus descriptum circulo sit duplum quadrato lateris hexagoni. Et quadrato intus descripto quadratum lateris trigoni sit sexquialterum: Et illi quadratum dimicientis sexquiterfium. Et hoc esset rectas ipsas & radios in proportionem potentia collocare. Et esset magis ad mentem Ptolemai & ad propositum rei demonstrande: sed oporteret sic



sexquialtera

sexquitertia

sexquialtera

lite

literam legere. Nempe reſtangularum duorum ex diametro dimidium & quadrantem, quæ portiones conuenientes, atq; item ſupra portiones ſunt, ſit ut dimidiatio tetragonum conſtituat, quadrans autem hexagonũ. Supra portionum autem ſi conſtituatur à reſtangolo quadrato hemiolion, hoc eſt ſexquiplum, & epitriton, hoc eſt ſexquitertium, illud diſcretur nit quadratam à trigona, hoc autem trigonam à quadrato. Inde ſubiungit (Quarum quidem figurarum) Hæc eſt tertiæ pars, in qua declarat cauſam quare triquetra radiatio & ſexangula ſint cõueniẽtes & amice, quadrata & oppoſita in conuenientes & inimicæ. Et cauſa conuenientiæ eſt clara, ceterum quia dicit trigona radiatio eſt ſemper inter ſimilia in ſexu, ut ambo maſculina uel fœminina. Et cum dixit hoc, ſubintellexit & quod ambo etiam ſunt diurna uel nocturna. Declaratum enim eſt ſuperius, quod idem eſt maſculinum & diurnum in ſignis & fœmininum atq; nocturnum. Signa igitur, quæ ſe trigono radio reſpiciunt, ſunt ambo neceſſariò maſculina, & diurna uel ambo fœminina atq; nocturna, ut de ♈ & ♉, quæ tria cum ſe mutuo reſpiciant trigono radio; ita quod Aries reſpicit Leonem & Sagittarium & ita Leo, Arietem & Sagittarium, & Sagittarius, Arietem & Leonem ſunt omnia diurna & maſculina. Sic Taurus, Virgo & Capricornus omnia nocturna & fœminina. Et ita de reliquis. Idem in ſextili aſpectu, nam Aries & Gemini qui ſe reſpiciunt hexagona radiatione, Et Aries atq; Aquarius ſunt ambo ſemper maſculina & diurna; uel ambo fœminina atq; nocturna, ut Taurus & Cancer. Item Taurus & Piſces; & ita de alijs. Et hoc totum eſt clarum: & quod conueniant, non eſt dicendum, ut quidam, quod ſint amice, nam tale nomen conuenit potius Planetis, quàm ſignis. Et etiam quia amicitia eſt ſet magis inter maſculum & fœmininam, quàm inter maſculum & maſculum, uel fœminam & fœminam. Sed dicitur conuenientia

uenientia, seu similitudo. Hucusq; totum rectè se habet. Et si-
militer, quòd signa quæ
quadrato radio se respi-
ciunt, sunt disconuenien-
tia seu dissimilia natura,
quia si unum est masculi-
num & diurnū, alterum
necessariò est fœmininum
& nocturnum. Igitur si
Aries est masculinus &
diurnus, Cancer et Capri-
cornus, quæ respiciunt
Arietem, respiciunturq;
ab illo quadrato radio,
erunt fœminina atq; no-
cturna. Et ita de alijs ea-
dem ratione dissimilitudo
constat. Et hoc totum be-
ne se habet. Sed quod di-
cit de oppositis signis, nō
uidetur uerū, nam Aries
& Libra quæ opponun-
tur sunt ambo masculina
atq; diurna: Et similiter
Taurus & Scorpio sunt
ambo fœminina & no-
cturna, & tamen opposi-
ta, & disconuenientia. Igi-
tur causa disconuenien-
tiæ non est diuersitas seu
contrarietas in sexu & natura, cum signa opposita maxime
disconueniant & longè plus etiam, quàm quadrata, & ta-
men

Trigona radiatio.

♈	♊	♉
♈	♊	♉
♈	♊	♉

Hexagona radiatio

♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍

Quadratus radius

♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍
♈	♊	♉	♋	♌	♍

Oppositus aspectus.

♈	♊	♉	♋	♌	♍
♈	♊	♉	♋	♌	♍

men sunt similia in sexu & natura. Propter hoc dixerunt quidam, quod opposita radiatio est inconueniens quia ex duabus quadratis constituitur quæ sunt inconuenientes inter se: ut opposita Arietis & Libræ ex duabus quadratis Arietis & Cancræ, Item Cancræ & Libræ: uel etiam Arietis & Capricorni, & Capricorni atq; Libræ. Sed hæc responsio est omnino falsa, quæ enim uni disconueniunt, potius inter se conueniunt, quam disconueniant. Item quadrata potius disconueniunt propter oppositam, quam opposita propter quadratam, cum opposita sit simplicissima, & per pauciores partes. Rursus opposita componitur ex duabus conuenientibus, trigona & hexagona, igitur maxime deberet esse conueniens illa ratione. Haly ob id dixit, quod opposita disconueniunt ob duas causas: tum quia quando unum ascendit, aliud descendit, tum quia quando Sol est in uno eorum, facit tempus contrarium ei, quando est in reliquo. Veluti quando Sol est in Ariete facit Ver, & tempus humidissimum. Et quando est in Libræ Autumnum & tempus siccissimum. Et quando Sol est in Leone, facit feruidissimam Aestatem: quando in Aquario illi opposito, gelidissimam Hyemem. Sed Ptolemæus non assignat rationem hanc, nec ullam harum. Item istæ non conuenirent cum illis, quas pro conuenientia assignat. Vult enim oppositas esse causas conuenientiae & disconuenientiae, quod in quadrato aspectu declarat. Præterea, si ultima ratio esset uera, Aries & Sagittarius essent dissimilia, cum Aries sit uernale signum non minus, quam Gemini qui opponitur Sagittario. Et tamen Aries & Sagittarius conueniunt. Ob id igitur dicendum, quod Ptolemæus induxit syllogismum modo Aristotelis, postponens illum, & declarans prius, quod ex illo euenit. Et est: Contraria omnia maxime disconueniunt, & hæc est per se nota: & quæ maxime distant in uno quoque genere, sunt contraria, & hanc declarauit: igitur quæ maxime distat, disconueniunt.

Posuit

In 3. Ele-
mētōrum.

Posuit postmodū aliam propositionem in hoc capitulo, quod
opposita signa maximè distāt seu per circuli partē, quæ est me-
dictas, & est maxima commensurabilium, seu per rectā, quæ
est dimctiens, quæ est maxima rectarum, quæ circulo includi
possint, ut demonstratum est ab Euclide: igitur signa oppo-
sita maximè disconueniūt. Quadrato autem radio iuncta di-
sconueniunt minus, quia contrarietas est minor, scilicet sexus
& naturæ: igitur disconuenientia minor est. Trigona autem
& hexagona radiatione iuncta non maximè distant, igitur
nō sunt contraria, nec ideo maximè disconueniūt, sed nec me-
diocriter, quia sunt similia naturæ & sexu. Igitur sunt conue-
nientia in naturā. Dixit autem Ptolomæus hoc de conuenien-
tia in sexu & naturā in trigonis, & hexagonis, & disconue-
nientia in quadratis, ut intelligeremus, quod non est, ut qui-
dam existimant in temperie ob id, cum signa quæ hexagona
radiatione iunguntur, ut Leo et Gemini, non sint eiusdem na-
turæ, sed alterum humidum, aliud siccum. Et ideo cum conue-
nientia trigona sit eiusdem naturæ cum sextili, igitur nec si-
gna trigona sunt eiusdem temperiei, sed solum naturæ & se-
xus, & inter se congruentia. Notandum, quod licet signa tri-
gona uel hexagona radiatione iuncta non sint amica, sed so-
lum conuenientia, attamē aspectus inter Planetas talis est ami-
citæ, ut etiā oppositus & quadratus inimicitæ. Quia signa
cum sint materiæ loco, possunt conuenire et discrepare, ama-
re & odisse non: at planetæ amant, & odio se habent, non so-
lum conueniunt ac discrepant, cum agentium habeant ratio-
nem: hoc autē infra uidebitur. Quod si quis dicat, nōne si-
gna masculina & diurna erunt etiam calida, & sicca, & no-
cturna fœminina, frigida, & humida? Dico, quod non est ne-
cessarium hoc: quia diurnum & masculinum non proueniunt
à primis qualitatibus, sed diurnum & nocturnum à masculi-
no & fœminino: sed masculinum & fœmininum ab efficaci

Cap. 17.

& inefficaci: efficax autē à principio motus robustissimi qui
 fit iuxta æquinoctialem, ideòq; ab Ariete & Libra. Hanc vir-
 tutem communicant Aries & Libra, Geminis, Leoni, Sagita-
 tario & Aquario, quoniā hæc signa ab utroq; principio scia-
 licet Ariete & Libra amico aspectu respiciunt, scilicet trigo-
 no vel hexagono. Et ita sexus natura diurna atq; nocturna à
 motu non à qualitibus originem ducunt: His uisis breuiter
 sensum Ptolemæi explicare decet, qui talis est: Signa quædam
 alijs sunt familiaria, ut quæ portione integra circuli se aspi-
 ciunt: ea autem quadruplex, dimidium, unde oppositio: Ter-
 tia pars, unde trigonus: Quarta pars, unde quadratum: Et
 sexta unde sextilis. Hæ autem & ad totum comparantur, ut
 partes, & ad dimidium ut superparticulares, ad totum quia
 quadratum & hexagonum sunt dimidium, aut tertia pars se-
 micirculi, nam $x c$ qui est arcus quadrati, est dimidiū $CLXXX$
 semicirculi, & LX est tertia pars $CLXXX$. Ad dimidium au-
 tem $CLXXX$ quod est $x c$ comparantur sextilis & trigo-
 nus, per hemioliam quæ dupla respondet, & per sexquiter-
 tiam quæ tripla, nam $x c$ ad LX arcum hexagoni sexquialte-
 ram habet proportionem, cxx autem trigoni arcus ad $x c$
 epitritam seu sexquiertiam. Ex hemiolia autem quæ con-
 stat diapente in musica, & epitrita ex qua diatessaron, fit
 diapason trigoni ad sextilem, quæ dupla constat proportio-
 ne, qualis est cxx ad LX . Similiter dupla, quæ est diapa-
 son oppositionis ad quadratum intercedente trigona, inter-
 eas fit hemiolia $CLXXX$ ad cxx , & epitrita cxx ad $x c$.
 Cum igitur opposita signa maximè dissent, erunt maximè con-
 traria, ideòq; dissidentia. Quæ autem quadrato distāt, minùs
 sunt cōtraria quia solum ratione sexus & temporis. At quæ
 trigona radiatione iunguntur, & sextili, eò quod sint ex na-
 tura ternarij, & oppositio & quadratum binarij, & terna-
 rius & binarius sunt numeri non communicantes, sed inui-

cem primi, non conueniet natura trigoni & sextilis cum natura oppositionis uel quadrata radiationis. Quare cum sit inter signa similia sexu & tempore, erunt aspectus hi conuenientie & similitudinis, Et quia triquetra radiatio constat paucioribus lateribus, & non est particeps oppositionis ullo modo, ut sextilis, ideò triquetra est magis conueniens sextili, sicut oppositio quadrato: semper enim quod fit paucioribus lateribus, est ualidius quàm quod fit multis: ideò oppositio ualidior est trigono, & trigonus quoquomodo quadrato, nisi quòd mala in nocendo promptiora sunt bonis in benefaciendo: Et ita quadratū hexagono ualidius. Hucusq; uolui reddere rationes eorū, quæ dixit Ptolomæus, etiā quòd cause non multum ad artem facerent: modò deinceps sufficiet declarare causas solum, quæ faciunt ad intellectum illius, aut quæ necessitatem rei dubie demonstrant: in alijs sufficiet Ptolomæi autoritas quæ experimento & antiquorum testimonijs confirmata est, auxiliante ratione. Nam iam de artis firmitate satis constat. Tot autem explicata sunt propter calumniatores. Verum non decet insanire circa illos, tum maxime quòd angustia tēporis non patitur, & si pateretur, melius esse existimo illud utilioribus in tractationibus absumere. Nam qui circa calumniatorum nugas tempus, pretiosissimam rem terit mortalium rerum, imò immortalem, uidetur aut omnino plura uelle uideri longè scire, quàm sciat, aut quòd minimum, impetu animi quòdam transferri. Sic ut Galenus ob id accusatione uix non dignus uideri possit, quanquam à prima suspitione procul absit. Sed decet etiam secunda carere. Melius est tamen contra calumniatores tempus absumere, quàm in scribendo calumnias. Ob id igitur præstat, quæ ex his sequantur, arti utilia edocere.

DOMORVM VIREs.

Ex dictis igitur licet uires domorū conijcere, hoc ipso supposito,

posito, quod astra agunt lumine, et quod uis eorum est qualis in effectu uidetur. Igitur his rationibus cœli cor seu medium est omnibus ualidius, inde ascendens. Sed in uita affectibus & animi atq; corporis, ascendens est ualidius, quia magis proprium. Tertio loco est septima domus, inde undecima, post nona, neq; de his est dubium. Post septimo loco est duodecima, quia ascendit, inde octaua. Post octauo ordine est domus secunda, quia est in crepusculo matutino. Nam posito initio Arietis in ascendente intra duas horas oritur pars xxii Tauri, sed hoc est tempus crepusculi matutini. Igitur pars secunda domus, quæ est à xviii parte Tauri usq; ad xxii eiusdem, continetur in crepusculo. Et ita Planeta cum fuerit in secunda domo, habet uires. Omne enim, quod potentia tale est, actu fit tale: seu quod aliquando tale actu fuit, fit tale potentia, & semper manet. Est etiam ipsa secunda domus in triquetra radiatione decimæ: decima autem uires habet maximas, quia potentia est cor cœli. Nec Ptolemæus eam prætermisit, quamuis in sua regione minima illius pars in crepusculo clauderetur matutino, propter paruam pollutionem. Sexta autem domus, quoniam pariter est in trigono decimæ, & ubiq; gentium clauditur in uestertino crepusculo, ob id à Ptolemæo consideratur, & apud illum nonum locum retinet. Sed quispiam dicet, cur etiam quintam non licet considerare, cum quo ad crepusculum attinet, locum obtineat secunda? Respondeo, quoniam decimam non respicit, et crepusculum debilius est, quippe uestertinum, & præterea pars quæ contermina est sextæ, non est quintæ initium sed finis, qui merito ob debilitatem negligi potest. Et tamen uirium aliquid habet, quia in lumine positum est, sed non consideratione dignarum, nisi apud borealiores.

I Caput

Caput decimumtertium.

TEXTVS XLVII.

De imperantibus & obedientibus signis.



Incuntur etiā imperantia & obedientia, loca, quæ æquali spatio distant, seu ab vno siue ab vtroq; puncto, rum æquinoctialiū, eò quòd æquali spatio temporis peroriantur, æqualesq; describunt parallelos. Cæterum, quæ in æstiuæ spheræ parte sunt, imperantia, quæ in hybernæ, obedientia nominantur, quia Sol illic dies, hic vero noctes longiores facit.

Quia enim hæc signa æqualiter ab æquinoctio distant, ideo Sol dum est in eis, æquales describit parallelos, quoniam lineæ æqualiter distantes à diametro æquales sunt, ut Euclides demonstrat. Oriuntur etiam æquali spatio temporis, ut in nostra regione Aries & Pisces in una hora & quinq; minutis unumquodq; eorum: Taurus & Aquarius in una hora & uiginti minutis: Gemini & Capricornus in una hora & quinquaginta uno minutis: Cancer & Sagittarius in duabus horis & nouem minutis: Leo & Scorpio in duabus horis & quadraginta minutis: Virgo & Libra in duabus horis & quinquaginta quinq; minutis. Talia igitur signa dicuntur, quæ in australi parte obedientia, quoniam Sol maiores noctes

efficit dies
bus, Bo.

Imperantia	♈	♉	♊	♋	♌	♍
Obedientia	♎	♏	♐	♑	♒	♓

realia uerò imperantia contraria ratione. Itaq; Aries Piscibus imperat, & Taurus Aquario, & ita de alijs. Interpretes bis lapsi sunt, cum litera Græca lucida sit.

Caput

Caput decimumquartum.

TEXTVS XLVIII.

De Intuentibus, & eiusdem potentia signis.



Ratereā, dicimus eiusdem potentia esse eas partes quæ æquali spatia distāt seu ab vno seu ab vtroq; puncto tropico: fit enim per illas partes Sole meante, vt spatia dierum ac noctium, itēq; horarum sibi respondeant. Itaq; & intueri sese mutuō illa signa dicuntur, cū ob eas causas, quas exposuimus, tum quodd vtraq; & ab iisdem partibus horizontis & oriuntur & occidunt.

Quod penē præterieram, est ut tam in hoc, quā in præcedenti capitulo res referatur ad partes: ueluti prima pars Arietis cum ultima Piscium, & secunda Arietis cum penultima Piscium, & tertia cum uigesima octaua, & ita de alijs signis. Hoc enim idē & de aspectibus declaratum est. Similiter igitur ratione quæ à tropicis æqualiter distāt, intuentia dicuntur sese signa, & æqualis sunt potentia: ueluti Gemini et

Cancer, &	Intuentia	♈	♊	♋	♌	♍	♎
quæ in ta-		♏	♐	♑	♒	♓	♈
bella descri-		♉	♊	♋	♌	♍	♎

pta uides. Nox enim atq; dies, dum Sol est in talibus signis, alter alteri sunt æquales. Veluti cū Sol est in uigesima sexta parte Canceri, tantus est dies atq; nox, quantus est, cū est in quinta parte Geminorū. Et similiter horæ temporales sunt æquales in ambobus: propterea uis eorū signorum est quasi duorum cadem potestate præditorum. Quod uerō dixit, utraq;

utraq; ab eisdem partibus horisontis oriuntur & occidunt, id est, in eodem puncto horisontis secant ecliptica horisontem seu ascendendo seu descendendo quādo oritur uigesimasexta pars Cancrī gratia exempli, & quinta Geminorum. Et similiter quando occidunt, occidunt in eodem puncto ad unguem ipsius horisontis. Igitur habent duplicem concordiam & ratione Solis & ratione horisontis, utraq; tamen prouenit, quia sunt in eodem parallelo: Intelligit enim principaliter de partibus, & per consequens de signis, principalissimē autem de punctis.

Notanda est una pulchra regula circa imperantia & obedientia & intuentia signa seu equalis potentia, quia habito uno, semper habes aliud quod est oppositum signum, & pars prioris. Velut secunda pars Arietis imperat $\times \times 1 \times$ piscium, igitur secunda Arietis intuetur $\times \times 1 \times$ partem Virginiis. Et ita ω intuetur ω igitur ω obedit Ω .

Notanda est etiam alia regula ualde utilis: & est, quod intuentia, & imperantia cum obedientibus quāto sunt propiora tropicis, id est initio Cācri aut Capricorni, eo sunt potentiora. Et uirtus eorum extenditur ad plures gradus, quia declinatio parum uariatur, & ideo decima pars Cancrī cum decima parte Geminorum fermē conuenit: quia circuli paralleli equinoctio non differunt, nisi 57. minutis. At per contrarium iuxta initium Arietis & Libræ nisi partes partibus respondent parum possunt. Sciendū, quod Ptolemæus considerauit in his duobus capitibus & sequenti, quod homines quadrifariam possunt comparari: aut enim unus naturaliter & sponte quasi alteri obedit, & talium geniturae sunt constitutae in imperantibus & obedientibus punctis, & si sint ad unguem, erit obedientia perfectissima. Veluti, qui habuerit significatorem in sexta parte, & decimo minuto Tauri, exempli gratia, obediēt ei perfecte ille, qui habuerit significatorem in

in uigesimalertia parte, et quinquagesimo minuto Aquarij, etiam si iste esset Rex, & prior esset seruus illius, dummodo ageret negotia illius. Imò dico, quòd aget, ubi sint eiusdem regionis & ad ungucm ex minuto conueniant. Quòd si conuenierint ex gradu seu parte sola, obediēt alter alteri, si sint æquales: aut qui debet obedire minoris conditionis dignitate, opibus, sexu, uel ætate. Quòd si conuenientia fuerit solum ex signo, tunc solum obediēt etiā, quando, qui habet significatorem in obediēte, fuerit seruus, & qui in imperante, fuerit dominus. Ex hoc manifestum est, quòd aliqui nascuntur, quibus nulli libenter parent: alij quibus nulli possunt imperare. Nam si aliquis in sua genitura nullos habeat significatores in imperantibus signis, nulli nisi coacti uolent illi obedire. Quòd si nullos habeat significatores aliquis in obediētibz signis, nemo poterit illi imperare, nisi ui. Et hoc est, quod dixit Aristoteles bene, quòd quidam nascuntur naturā liberi, & quidam serui. Liberi nascuntur, qui habent significatores in imperantibus: serui, qui in obediētibz. Pleriq; autem sunt mediij, alijs imperantes sponte, alijs obediētes. Pleriq; enim habent partem significatorū in signis obediētibz, & partem in imperantibus, pauci habent omnes in uno genere. De his igitur tractauit abundē superius. Secunda comparatio est eorum, qui se mutuo amant & bene conueniunt, & de his tractauit in presenti capite. Et debet intelligi regula eodem modo, & præcedens comparatio. Ex quo sequitur, quòd quilibet habet aliquos, cum quibus conuenit, quia significatores ubicunq; sint, habent correspondentem locum ex ecliptica, qui oritur in eodem loco horizontis & occidit, præterquam nati in primo pūcto Cancrī, & primo pūcto Capricorni. Tertium genus comparationis est eorum, qui se amant uel oderunt, non tamen conueniunt, quia non eadem sentiunt. Et sunt, qui habent significatores in aspicientibus se

Cap. 13.

Cap. 12. locis cōuenientiæ quidem ad amicitiam, dissimilitudinis uerò ad inimicitiam. Et de his tractauit iam superius. Quarta comparatio est illorum, qui nihil habent simul, & in hoc genere nihil est boni. Aut enim non se agnoscunt, aut etiam in magnas cum illis inimicitias incidunt, siquidem facile est ab incognitis ladi, & ut bene dicebat Plautus: Nam homo homini lupus est, cum homo hominem non nouit. De his igitur in sequenti Capite tractat.

Caput decimumquintum.

TEXTVS XLIX.

De inconiunctis.



A uerò, quæ nullam habent enumerationum societatum rationem loca, inconiuncta & aliena nominamus. Quæ neq; imperāt, neq; obediunt, neq; se intuentur, neq; idē possunt, atq; insuper nullam quatuor illarum figurarum describūt, quas diximus esse dimetientis, triquetra, quadratam, sexangulam, sed vel secunda vel sexta numerantur. Nam illa, quasi à se mutuo detorqueantur, & cum bina sint, singulos angulos complectuntur. Illa uerò, quæ sexta numerantur, totum orbem in partes inæquales fecant, cum aliæ figuræ omnes in partes æquales illum diuidant.

Combinationes signorum omnium, cum duodecim sint, erunt sexaginta sex: sex exhauriunt intuentia, sex imperantia & obedientia, sex oppositio duodecim sextilis, duodecim quadratæ

busdam, qui permittunt se decipi ab inimicis suis: & quāuis uideant damna expressa nō tamen se sciunt retrahere, sicut dicitur de Carolo Magno & Gano Pōterio, & de his uidentur infinita exempla apud Reges hodie, qui malis consultoribus obediētes, quāuis uideant iacturam expressam, non tamen possunt se retrahere. Est autem discrimen, quod si imperans fuerit humilioris fortune, agit dolo inobediēte: si nobilior, ui. Ex hoc etiam patet, quod intuentia & eiusdem potentie non sunt amica, sed conueniunt inter se similitudine morum: uelut qui sunt de uno magistratu: quidam tamē sunt inimici, ut in duabus combinationibus superioribus Tauri & Leonis, Scorpii & Aquarii. Scripsi autem has quatuor seorsum in tertia tabella facilitatis causa, ut uides à latere. Ceterum, ut ueniam ad textū Ptolemæi, dicit, signa & partes quæ non continentur sub aliquo trium membrorum scilicet imperantium & obediētium, & hoc est primum: neq; intuentium se atq; eiusdem potentie, & hoc est secundum: neq; se aspiciunt oppositis radijs, triquetris, quadratis, aut hexagonis, & hoc est tertium: talia sunt inconiuncta, & sunt, ut dixi, sedecim combinationes. Deinde docet eas inuenire & causam illorum. Circa inuentionem dat regulam, quam oportet sic intelligere: quatuor signa quæ sunt fixa, scilicet, Taurus, Leo, Scorpio & Aquarius, habent inconiuncta signa antecedentia & sequentia cum illorum oppositis, quæ sunt sexta ante & post, ueluti Taurus habet Arietem & Geminos: quæ sunt secunda à Tauro: & Libram & Sagittarium, quæ sunt opposita illis secundis: & sunt sexta ab ipso Tauro, unam ante, & aliud post. Et ita singula signa fixa, habent quatuor signa inconiuncta. Singula uero signa mobilia, & sunt Aries, Cancer, Libra, Capricornus, habent tantum duo signa inconiuncta, scilicet succedens, & ei oppositum, quod est sextum ante. Vt pote Aries habet inconiuncta solum

Taurum, quod est secundum ab ipso, & Scorpione quod est
 oppositum Tauri signum, & sextum ante Arietem. Commu-
 nia uero seu bicorporea habent duo tantum signa inconiun-
 cta, scilicet antecedens, quod est secundum signum & illi op-
 positum, quod est sextum succedens. Veluti Gemini est solum
 inconiunctum Tauro, quod est signum secundum antecedens,
 & Scorpionis, quod opponitur Tauro, & est sextum signum
 succedens Geminis. Quo ad causas dicit de sexto signo, ut po-
 te à principio Geminorum ad principium Scorpionis sunt cen-
 tum quinquaginta partes. Cum ergo totus Zodiacus sit ccc lx
 partium & cl non sit pars ccc lx quota, ut isti dicunt,
 id est, quæ ducta in aliquem numerum producat ccc lx.
 neq; à cl ad clxxix procedendo, neq; à cl usque ad
 cxxi retrocedendo sit ulla pars quota, seu pars proprie di-
 cta ipsius ccc lx, manifestum est, quod non solum signum
 Geminorum est inconiunctum Scorpionis sexto ab illo, sed que-
 libet pars Geminorum erit inconiuncta cuilibet parti Scor-
 pij, quod erat demonstrandum. Quoad secunda signa reddit
 causam, quia detorquentur ad diuersas partes, ita ut uidean-
 tur continere angulū. Hucusq; loquutus est de Planetis sim-
 pliciter à capite quarto, usq; ad caput octauum, inde de si-
 gnis simpliciter à capite nono usq; ad caput quintumdecim-
 um. Modò loquetur usq; in finem, de planetarum
 comparatione ad ipsa signa, immiscēs aliquid de
 ipsorum planetarum comparatione inter
 se. Ita ut totus iste primus liber, pro-
 cemio computato, ex quatuor
 principalibus parti-
 bus compo-
 natur.

Capitulum 15

Caput decimum sextum.

TEXTVS L.

De domibus.

Diunguntur etiam planeta locis signiferi propter domos, vt nominantur, & triangula, & altitudines, & fines, & quicquid huiusmodi est. Domuum autem ratio naturalis hæc est. Quia ex duodecim signis duo proximè accedūt ad verticalem nobis punctum, idè calores & æstus generant: ea sunt, Cancer & Leo: placuit attribuerè illa duobus præcipuis & maximis, hoc est, ipsis luminibus: Soli quidè Leo, propter eà quòd masculinum est signum: Lunæ verò Cancer quòd foemininū esset. Atq; ita factum est, vt conuenienter dimidium orbis à Leone, vsq; ad Capricornum, Solare vocaretur, dimidiumq; ab Aquario vsq; ad Cancrum, Lunare: & in vtroq; possent singula loca suis stellis assignari, quarum alia figuras cum Sole, alia cum Luna describerent, pro conuenientia orbium, motus ipsarum, & naturæ proprietate. Nam Saturno, quòd natura maximè frigidificus esset, quòdq; supremum & à luminibus remotissimum haberet orbem, ob contrarietatem caloris opposita signa attributa fuere Cancer & Leo, Capricornus & Aquarius. Quæ
signa

signa & ipsa sunt frigida & hyberna, & propter oppositionem malefica. At Ioui, qui esset temperatae naturae & subiectus Saturni globo, data sunt proxima illis signa spiritui, & fecunditate praestantia, Sagittarius & Pisces, quae cum luminum signis triquetram figuram describunt: quae conveniens est beneficentiae. Post quem Marti desiccatori, & subdito sphaerae Iouiali, similiter proxima his ascripta sunt, quae & ipsa similem haberent naturam, Scorpio & Aries quadrata dispositione, ut congruebat illius corruptrici, & noxiae constitutioni. Veneri verò, quod natura esset temperata, & sub Marte, dedere coniuncta his signa, quod fecundissima essent Libra & Taurus. In quibus & ipsis situs sexangularis custoditur. Neque ipsa etiam haec stella amplius duobus signis unquam neque anteit, neque sequitur Solē. Mercurio, qui & ultimus, neque unquam ultra unum signum abesset à Sole, omniumque aliarum stellarum infimo in loco, data fuere proxima signa luminum signis, Gemini & Virgo, quibus & ipsis ambobus ferè in primis vicinus ferretur.

Postquam pauca ad declarationem textus requiruntur, quinque nobis proponenda videntur. Primum quidem, quot sint genera dignitatum apud Ptolemaeum: atque ea septem sunt, domus, altitudo seu exaltatio, trigonus, finis seu terminus, persona, gaudium, carpentum seu solium. Omnium quidem nobilissimum est carpentum seu solium, inde domus, post altitudo.

inde trigonus, deinde finis in generalibus constitutionibus: in proprijs autem finis trigonum præcedit, inde persona, ultimum est gaudium.

Videndū est autem, quid unumquodq; horum possit, & non ut Haly, qui domum domui, exaltatione regno comparat, talibusq; explicat vires dignitatum, ut tantundem scias, postquam uideris quæ de his scribat, quantum antea. Mentem igitur adhibere decet, quoniam præstantissima hæc est traditio, & à nobis longa obseruatione, & subtili ratione inuenta. Nec minus debemus Haly, qui præter id, quod potuit præstitit, causam nobis præbuit inquiræ ueritatis. Igitur, carpen tum est cum planeta quasi in omni suo gaudio, & in omni sua dignitate est. Nam natus tali significatore, apud suos & apud alienos diligitur, honoratur, omnia illi deferuntur, creduntur, uitam agit tranquillā, disponit omnia cum facilitate quadam, ut uerè fortunatus dici mereatur. At in domo planeta cum fuerit, qui natus fuerit eo disponente, uim habebit perpetuam, & sine strepitu sponte homines illi parebunt: uitam agunt tranquillam & quandam perpetuam efficaciam planeta illius ostendunt. Si sit Mercurius, studij & negotiationis: si sit Venus, gratiæ & leporis: si Iupiter, probitatis & administrationis: si Sol, dignitatis & maiestatis: si Mars, audacia & promptitudinis, fortitudinis, iracundiæ: si Saturnus, morositatis, stabilitatis, astutiæ, pertinaciæ, sollicitudinis: si Luna, desiderij itinerum, & aliena negotia tractandi. At si ad generales constitutiones referas, eandem uidebis similitudinem. Nam si Saturnus in domibus fuerit suis & dominetur, erunt tempora generaliter frigida, & sicca cum frigiditate fixa, & ualida: & si fuerit Aestas, erunt tempora perpetuò temperata: si Iupiter, erit tempus serenum, iucundum, pulchrum, lætum cum uentis moderatis & gratis. Et si Mars, tempus aridissimum & siccissimum: si Sol, tempus calidissimum, cum pau-


eis pluuijs tamen: Si Venus, totum lene, suauē, pluuiosum: Si
 Mercurius, totum uarium & inconstans & mutabile, ut nun-
 quā tribus diebus perpetuis in eodem tenore constet: Si Lu-
 na, tempus nubilosum, pluuiosum, inconstans & graue. Hæc
 si quis dicat, unde ex Ptolemæo? (Nam expositor non debet
 addere, nisi ea, quæ ex uerbis authoris colliguntur. Quæ ob-
 rem neq; liber dignus est expositione, qui uel non totam ar-
 tem plenè attigerit, uel qui parti, de qua tractat, non plenè
 satisfecerit) Respondeo, Ptolemæum hoc nos docuisse expressè in
 omnibus imitandam esse Solis actionē. Is igitur, cum in Leo-
 ne est, maximos facit feruores, atq; æqualiter dominatur. At
 Leo Solis domus est, imò carpentum & solium (sed trigono-
 rum ratio uix debet inter carpenti partes numerari, cum sit
 à domo pendens & altitudine) ideò Solis uis in Leone à do-
 micilio procedit. Eadem ratione altitudo ipsa deprehenditur:
 nam altitudinis dignitas in priuatis quidem genituris nouas
 & non perpetuas adducit potestates, magisq; inter externos,
 quā proprios, & inquietum uitæ genus producit. Propter-
 eā neq; tranquillitate neq; duturnitate, neq; facilitate domui
 comparanda est altitudo. Sed quia noua & inusitata, ac quasi
 in sperata affert commoda, illustrior apud plerosq; habetur.
 Solent enim homines admirari magis in sperata, licet infirmio-
 ra minor aq; solitis ac maioribus. Quis enim non magis mire-
 tur hereditatem quatuor millium coronatorum ab externo
 acceptam, quā quod filius succedat patri in triginta milli-
 bus? Atq; ea ratio est, quod multi altitudinem domui propo-
 fuerint. Quod si quis nobis obieciat genituram nostrā, neq;
 carpentis, neq; domibus, neq; altitudinibus ullis penitus inni-
 ti, & tamen apud proprios atq; externos nomen, & honorem
 ubiq; suscepisse. Respondemus, nullum esse maius huius præ-
 cepti exemplam, quā hoc: nam sponte quidem neq; apud
 nostros, neq; alienos honorem suscepimus, neq; suscepturi su-
 mus:

mus: sed uiolentum quippiam propter illustrem stellam effu-
sionis Aquarij, quam Ptolemæus ex Saturni natura parū Io-
uis, alij uerò Veneris & Mercurij, & Iouem ipsum, quæ
ambo maxima astra in ipso horizonte sunt ad unguem. Por-
rò talia maxima sunt: Sed neq; id nisi uelut à Cometis concus-
sionibus quibusdam orbis, nec quæsitum. At uerò sponte ne
Lib. 2. quicquam, neq; singulari causa nostra, sed publica quadam
ratione, ut inferius declarabimus. Itaq; ut ad rem redeam,
in generalibus constitutionibus Sol cum intrat Arietem, alti-
tudinem suam, totum commouet orbem, omnia pullulant, o-
mnia ex hilarantur, nec tamen calefacit, ut in Leone, imò neq;
ut in Cancro nec Tauro. Et ut uno uerbo dicam, domus rem
quietam & perpetuam facit, altitudo in mutatione & spe-
cie maiorem. Trigonus uerò plus habet uirtutis in diuidendo
regiones terræ, quam in genituris. In genituris autem signifi-
cat robur & efficaciam, receptaq; apud homines mandata il-
lius, si præsit, uel consilia, si sit socius. Fines declarant uires po-
tentiores, sed temporibus terminatas, uelut legationes, an-
nuos magistratus & negotia singularia. In temporibus uerò
mutationes non generales, sed quæ paucis diebus aut mensi-
bus finiant. Vnde fines, quod finem accipiant dicti. Qualita-
tes autem, cum animæ, tum corporis expoliunt, non faciunt.
Vnde qui in finibus Martis aut Saturni morum dominum ha-
buerit, poterit quidem esse bonus aliò quin, sed moribus rudi-
bus, agrestibus & incomptis. In corporis etiam affectibus ma-
la lenit aut auget finis, non facit. Persona facit, ut uideatur
& speciem referat, non ut sit. Gaudium autem lenit aut exa-
cerbat significata, sed uix sentitur. Proficit aut lædit, cum ni-
hil aliud iam est boni aut mali.

Quantum uerò ad domorum ordinem, tabulam enim præ-
fixi, quæ faciliè intueri possit quisque, cui signo Planeta quili-
bet dominetur, aut cuiusq; Planeta, quæ domus sit, aut qui-
bus

bus signis imperet. Id etiam certo ordine, ut facillimè memo-
riæ comandari possit. Est
igitur ratio talis: Can-
cer est domus Lunæ, Leo
Solis, inde quæ circumdāt
signa, dantur Mercurio,
et sequentia scilicet, quæ
illa circumdant Veneri, et
ita ascendēdo ordine pla-
netarum usque ad Satur-
num. Nūc uerò rationes
ipsius Ptolemæi aggre-
diamur. Dicit igitur,
quòd efficaciora signa
nobis sunt Cancer atque
Leo: nam cū Sol est in
illis, maximum calorem
apud nos excitat. Igitur
etiā reliqui Planetæ: quia
eadem est ratio qualita-
tum, quæ sola magnitu-

dine differūt. Itaq; danda sunt efficacioribus Planetis: ea sunt
luminaria. Reliquum est clarum usq; ad id (Atq; ita factum
est) Ponit terminos Solis, et Lunæ, quos hic describo in ta-
bula sub nomine terminorum: nihil enim refert siue termi-
nos, siue fines dicas. In alijs uerò Planetis quod maxime dista-
ret à Luna et frigiditate sua maxime contrarius esset Soli Sa-
turnus, data sunt ei signa opposita Cancro, atq; Leoni, scili-
cet luminarium domibus, quæ etiā malefica sunt: quia ambo
frigidissima. Ioui data sunt proxima uelut et Iupiter Satur-
no proximior est. Respicit etiam Sagittarius Leonem et Pi-
sces Cancrum trigona radiatione, ut domibus cum luminari-
bus



Termini Solis					
♋	♌	♍	♎	♏	♐
Termini Lunæ					
♋	♌	♍	♎	♏	♐

bus conueniret, quemadmodum & naturæ beneficentia. Marti uerò succedentia, uelut & loco Mars Ioui succedit, Aries autem Cancrum quadrato respicit & Scorpio Leonem, uelut & Mars luminarium naturæ aduersatur. At uerò dices, sed Aries Leonem & Scorpio Cancrum respicit trigona radiatione? Respōdeo, duplex est discriminē à Ioue. Primū, quod Iouis domus sola trigona radiatione respiciunt luminariū domus, nam neq; Pisces respiciunt Leonem, neq; Sagittarius Cancrum. Præterea domus secundum successionem signorum à Sole considerari debent, à Luna autem contrā: sic Aries Cancro, & Scorpio solum Leoni conferri potest. Eoq; modo, non nisi quadrata radiatio excipi potest. Similiter, & Veneri sexangularem signorum cum domibus luminariū radiationem habentium par tribuerunt, quod Venus amica sit luminariibus, & non plus tertio signo à Sole unquam recedat. Mercurio quoq; proxima signa luminariibus, quod Lunæ proximus adhæreat situs ratione, & Soli loci causa: neque enim plus unquam signo à Sole recedit.

Quod uerò ad signorū proprietatem attinet, Pisces concordant cum Ioue, quia est signum fœcundum, & Sagittarius, quia uentos mouet, Taurus uerò cum Venere concordat, quia fœcundum inter animalia, & ratione etiam temperamenti Vernalis, Libra uerò fœcundum seminis causa: homo enim fœcundissimus est, inter animalia quasi seminarius, non autem prolis ratione. Ex hoc tandem sequitur, quod in

Australi medietate Capricornus erit domus Lunæ, &

Aquarius Solis, Piscis & Sagittarius Mercurij,

Aries & Scorpio Veneris, & Taurus

& Libra Martis, Gemini &

Virgo Iouis, Cancer

& Leo Saturni.

Caput decimumseptimum.

TEXTVS LI.

De Triangulis.



Triangulorum conciliatio talis est. Nulla sanè figura magis consentiens est, quàm triquetra æqualium laterum, ipsæq; signifer tribus circulis definitur, æquinoctiali & duobus tropicis. Ipsius verò duodecim loci diuiduntur in triangula æqualium laterum quatuor.

Caput hoc in quinque partes diuiditur, in prima proponit de triangulis generaliter: in reliquis quatuor succedentibus agit de singulis triangulis. Cum uerò quatuor sint, quatuor fiunt partes huius capitis, præter hanc, quam suscepimus exponendam. Intendit autem de unoquoq; triangulo atq; de omnibus simul octo ostendere: quatuor quidem generalissimæ: quatuor uerò propria. Generalissimorum tria hic proponit. Primum, quòd talia signa maxime concordant, & unius sunt naturæ ferme, quia eisdem parent dominis. Secundum, quòd in unoquoq; triangulo sunt duo signa, quæ duobus ex principalibus tribus circulis hærent, & tertium est in medio. Tres autem principales circuli sunt æquinoctialis, & tropicus Cancræ, & tropicus Capricorni, seu circulus æstiuus & hyemalis. Et dicuntur principales circuli, quia omnes tangunt circulum zodiaci, æquinoctialis quidem in medio secans eclipticam, circulus autem hyemalis & æstiuus ab extremis. Inde sequitur tertium, ut in quolibet trigono sit unum signum fixum, & unum mobile & unum commune. Describam igitur primum ipsa triangula per ordinem, ut sit faciliior intellectus & breuior explicatio. In primo igitur tri-

m

gono

gono Aries sui initio tangit circulum æquinoctij, Sagittarius sui fine hyemalem, Leo nulum: sic in secundo. hoc autem in suis locis explicabitur à Ptolemæo. Ex hoc patet, quod signa eiusdem trigoni apud Ptolemæum non sunt eiusdem naturæ, ut Arabes existimant, quantum ad temperamentum.

		Trigona			
1		♈	♌	♊	☉ ♎
2		♉	♍	♋	♀ ♏
3		♊	♎	♌	♄ ♋
4		♋	♏	♍	♂ ♎

TEXTVS LII.

Horum igitur primum ducitur per Arietem, Leonem & Sagittarium: tria signa masculina, quæ sunt Solis, Martis, & Iouis domicilia. Hoc triangulum ascriptum est Soli & Ioui. Mars enim propter alienam conditionem exclusus fuit. In administratione autem primas tulit interdum Sol, nocte Iupiter. Locus autem Arietis æquinoctialis est, Leonis æstivalis, Sagittarii hybernus. Idem triangulum potissimum Aquilonare est ob Iouis dominium, quippe qui sit fecunditatis & spirituum author, sicut & Aquilonares venti. Sed admiscetur tamen huic et Africus, propter Martis domum, ita ut fiat triangulum, ut Græci vocant, Borolibycum, quod misturam Aquilonis & Africi significat. Nam Africos Mars excitat, qui conditionem Lunarem sequitur, cum & occidua cœli plaga effœminata habeatur.

Quinq; alia supererant de triangulis declaranda, quorum
unum

unum erat generale, scilicet ut septē Planeta quatuor trian-
 gulis dominarentur: ob id primis tribus duos Planetas præ-
 fecit: quarto autem unum tantum, ut sic numerus æquaretur
 trigonorū penes dominos ipsis Planetis. Singula uerò trian-
 gula considerat quatenus conformia sunt in masculino et foe-
 minino, diurno & nocturno: nam alterum alteri consequens
 est, ut sæpe diximus. Secundò, quatenus dominos debeat in il-
 lis inuenire. Quibus inuentis, tertio quærit, quibusnam uen-
 tis prædominantur: atq; ex uentorum natura: quartum, scilicet
 quibus regionibus. Diuidit autem totum hemisphærium,
 quod ab æquinoctiali uersus arcticū polum, in quatuor par-
 tes: Orientem, quam Saturno tribuit, quoniam contrario
 gaudet, diurna uerò est illa pars, uocat autem partem hanc
 Subsolanum. Occidentē, quam Marti tribuit & uocat Afri-
 cum, tribuitur autem Marti, quia Mars siccus est & contra-
 rio pandet. Occidens autem nocturnum atq; humidum: humi-
 dum quidem ob eam causam, quæ supra dicta est, quod Sol
 occidens uapores superius eleuatos per diem, demittat in ter-
 ram: Et etiam quod Luna dum primum è radijs Solis exit, in
 occidente appareat. Septentrio Ioui tribuitur, quoniam ex
 ea parte flant uenti fecundi, hos Aquilonares uocat. Meri-
 dies Veneri tribuitur, quoniam ipsa humida est. Excipit au-
 tem luminaria & Mercurium: luminaria quidem, quia gene-
 rales sunt causæ uentorum, ut dictum est: Mercurium uerò,
 ueluti, qui luminaribus semper famuletur. Cum uerò uni-
 cuiq; triangulo duo Planeta dominarētur, par erat, ut etiam
 duo uenti præessent, & regio ipsa quasi media esset. His itaq;
 intellectis, facile est exponere, quæ Ptolemæus in unoquoq;
 triangulo scripsit, quare sola paraphrasi opus erit.

Quoniam igitur in primo triangulo, quod è masculinis
 & diurnis constat signis Mars, & Sol & Iupiter domus ha-
 bent: Mars in Ariete, Sol in Leone, Iupiter in Sagittario,

Marte reiecto, quia Soli inimicus est, qui plurimum potest per se, quod dominus sit Planetarum, tum etiam, quia exaltationem habet in eodem triangulo. Sol die factus est dominus primus, Iupiter secundus: nocte autem Iupiter primus, Sol secundus, ob id cum Sol, ut dixi, singularem uentum non habeat, Iupiter Aquilonares excitabit uentos: cui Mars hac in parte Solis uicem gerens, quod iure merito in trigono dominium habere deberet, ob id cum associatus occidentales excitat uentos. Ex hoc, & in hoc triangulo, & in alijs, intelliges uentos & regiones, quæ inter Occidentem & Septentrionem sunt, huic triangulo debere adscribi.

TEXTVS LIII.

Secundum triangulum ductum per Taurum Virg. & Capric. quodq; constat signis tribus foemininis, Lunæ & Veneri datur. Ipse Taurus vicinior æstiuo circulo est, Virgo æquinoctiali, Capricor. hyberno. Hoc triangulum potissimum Australe est, propter Veneris dominationem, cuius stella illius partis uentos suscitatur, propter validi & humidi vim. Quia uero & Subsolanum admittit propter Saturni domicilium, Capricornus qui hunc uentum ciet, quicq; orientem propter conditionem Solarem tenet, fit hoc tanquam priori oppositum, ut ita dicam, Austrisolanum.

Cum in singulis triangulis Ptolemeus obseruet tria in designandis dominis: primum, ut Planetae sint diurni in diurnis triangulis, & nocturni in nocturnis, & ob id etiam reiecit Martem à trigono primo: secundum, ut masculini Planetae masculinis triangulis & foeminini foemininis referantur: tertium,

tium, ut qui dominus est signi fixi in triangulo, semper omnibus alijs præferatur. Ita Sol quia dominatur in Leone, præfertur in primo triangulo, & Luna & Venus, quia Tauro dominantur, reiectis Saturno & Mercurio, quod masculini & diurni essent, Luna igitur nocte primas partes obtinebit, Venus secundas, die contrâ. Poterat tamen & Mercurius quippiam virium sortiri meritò, quod & si non fœmininus sit, ambiguus tamen, & plurimum possit in Virgine. Sed ad Ptolemai opinionem reuertor, qui fixis signis, quod ualidissima sint & pura & sincera, maximè innititur. Cum igitur Luna certos non habeat uentos, Veneri quidem Auster, Saturno uerò ob id Capricornum succedenti tanquam ualidiori Mercurio, & quia Mercurius proprios non habet uentos, orientalis uentus associatur. Itaq; & regio & uenti inter Austrum & Orientem.

TEXTVS LIIII.

Triangulum tertium Gemini, Libri, Aquar. complectitur tria signa masculina. Alienum prorsus à Marte, proprium uerò Saturni & Mercurij, propter duas illorū domos. Quare his permixta est administratio: diurna quidem Satur. conditionis causa, nocturna uerò Mercur. Ipsum quidem signum Gemini vicinum est circulo æstiuo, Libra æquinoctiali. Aquar. hyberno. Hoc triangulum potissimum est Subsolanum propter Saturn. Sed quia conditionis nomine Iupiter conciliatur Saturno, admiscetur ventus Iouialis. Aquilo, ut fiat triangulū, Græca uoce Borrapelioticū, quod significat cōfusionem Solani cum Aquilone.

Venus, cum nocturna sit & foeminina, ab hoc trigono pernitus, quāvis Libræ domina, excluditur. Res igitur redit ad Saturnum & Mercurium. Saturnus igitur de die, quia diurnus primus dominatur succedente Mercurio, in nocte uerò Mercurius, quod ancipitis naturæ, plus Saturno potest. Quia tamen neq; Mercurius uctos habet proprios, neq; Venus, Saturno sociari potest: tum quia nocturna & foeminina: tum quia Saturno inimicissima, neq; Mars quia cadit in Libræ & nocturnus est, & Saturno inimicus, res redit ad Iouem. Saturnus igitur orientalem, Iupiter borealem uentum affert, et quartam partem regionis, quæ inter illos terminos continetur, uentisq; intermediis. In hoc triangulo Saturnus plurimum potest, quod etiam ibi habeat altitudinem, sicut etiam in primo Sol, quod in Leone exaltetur.

T E X T V S L V.

Quartum per Cancrum, Scorpionem & Piscem relinquitur Marti, qui solus restet, quicq; ius sibi huius vendicet propter domicilium suum. Adiunctæ tamen huic sunt sociæ administrationis, cum propter conditionem, tum, propter signa foeminina, nocte quidem Luna, interdum uerò Venus. Ipse Cancer in æstiuo est circulo, Scorpio accedit ad hybernum Pisces ad æquinoctialem. Hoc triangulum potissimum est Africum, propter dominium Martis & Lunæ, sed propter Venerem commistione Austri fit Notolibycum, id est, Austri Africum.

Cum hoc triangulum foemininum esset, Mars Iouem excludit: tametsi dominus esset Iupiter Piscium & exaltaretur

in Cancro, quod uero Mars potentior esset Venere & Luna, & dominus signi fixi, primam uim sibi arripuit: Lunam tamen in nocte propter Cancrum domum eius, & Venerem in die dominam altitudinis Piscium, socios assumpsit. Ventum uero Ausum propter Venerem, & Occidentalis seu Africus propter Martis dominium, cum Lune auxilio, quæ, ut dictum est, in ea parte cum è radijs Solis exit, uidetur: quam obrem & Solem aliquid in Oriente plus præstare credendum est.

Animaduertendum, quod in regionibus nostris Saturnus Austro deberetur, Iupiter occidenti, Mars Boreæ, Venus orienti: quia meridies calidus est & humidus & Saturnus in eo temperatur: occidens temperatum quo gaudet Iupiter: Boreas frigidum quo Mars, oriens humidum quo Venus. Dictum est enim, quod benefica sydera, ut temperata gaudent similibus: & malefica ut intemperata, contrarijs. Præterea, oriens facit uoluptatibus deditos, quales Venus: Boreas autem furibundos & fortes & atroces, quales Mars: occidens moderatos, ciuiles, iucundos quales Iupiter: Meridies tristes, melancholicos, timidos, crudeles, sollicitos, quales Saturnus. Quia tamen Haly dicit, quæ Ptolemæus comprobauit, experimento consentire, credendum est tradita à Ptolemæo certiora esse ac magis conformia Aegyptiorum & Chaldaeorum observationibus. Verum, qui ex Astronomia futuræ calamitates priuatis prædixerint, & ego experientia didici, & historia tenco: qui publicarum rerum interitus prædixerint, nunquam accepi. Hæc tamen diligentius infra docebuntur.

✱

Caput decimumoctauum

TEXTVS LVI.

De Altitudinibus.

Altitudinum planetarum, vt vocant, ratio hec est. Cum Sol, vbi ad Arietem pertuenit, in semicirculum Aquilonarem conscendere incipiat: vbi verò ad Libram, deijci & deferri ad austrum, non inconuenienter ipsi tribuere in Ariete altitudinem, cum etiam dies tum crescant, & calor viuificus exoriatur. Eidem Libra vt deiectionis constituta est propter contrarias causas. Saturno vt Soli opponeretur, sicut & illius domicilium, voluere oppositum signum Libram altitudinem, Arietem deiectionem esse. Nam vbi calor intenditur, ibi remitti frigus necesse est: contraque vbi hoc augetur, illud diminuitur. Caterum, cum Luna à congressu cum Sole in Ariete primum appareat, lucéque augefcatur & quasi extollatur in Tauro trianguli sui príncipe signo, ideo Taurus illius altitudo perhibetur, eidemq; oppositum signum Scorpionis deiectionis. Iouis autem vis, cum patefcatur in suscitatione aquilonarium, & foetificorum flaminum, extollitur à Cancro in Aquilonem maximè, intendunturque ac complentur illius vires, ideoq; hoc

hoc signum ipsius altitudo dicitur, deiectione
verò Capricorn. At Mars qui natura æstuo-
sus, multoq; quàm alibi in Capricorno ma-
gis, quòd ibi terræ sit proximus, eam ob rem
merito accepit altitudinem signum Iouiali al-
titudini oppositum Capricorn. deiectionem
autem Cancer. Sequitur stella Veneris, quæ
cùm humidi maximè efficiens sit, eumq; potis-
simùm in piscibus effectum exercent, vnde hu-
miditas Vernalis moueri cernitur, in illo loco
inuenit altitudinem, deiectionem verò in Vir-
gine. Iam Mercurij aridiuscula stella, vt con-
trariæ efficientiæ contrariâ etiam altitudinem
in Virgine, cùm impendet iam Autumni sic-
citas, ipsæque quasi extollitur, deiectionem
verò in Piscibus sortita est.

Astrologi una regula potestatem inerrantium in ipsis si-
gnis uenati sunt, scilicet, cùm signum illud aut partem ingre-
diens planeta maximam in aëre ostenderet mutationem, atq;
eò magis, si id absq; stellarũ consortio fiat: ea enim sola cau-
sa res in dubiũ uertitur. Itaq; longis obseruationibus & cer-
to syderum loco opusest, quæ si accedant, certos rei euentus
in causas suas facile reducere possunt. Itaq; de Sole & Luna
ratio Ptolemæi ad eò euident est & experimento concordas,
ut dubitare de illa nō liceat: de Ioue quoq; satis manifesta est.
At de Marte, quòd opponatur Ioui, consentaneum rationi:
quòd uerò ob id in Capricorno eleuetur, quòd Capricornus
terræ sit maximè propinquus, certè multiplicem sensum ha-
bere potest: aut quòd ibi tunc esset oppositum absidis Ptole-
mæi tempore, quod & uerum erat: aut quòd linea ducta ex

oculo ad Capricornū humilior sit, omnibus quæ ab oculo dista-
cuntur ad signiferum: aut quod dicatur humilior Capricor-
nus solum respectu Cancris, id est, remotior à uertice nostro:
atq; hic est sensus Ptolemæi magno interpretis lapsu obscu-
ratus, cum Græca litera clara sit. Verum, ut dixi, talia magis
experientia constant, quàm ut certis demonstrationibus pos-
sint ostendi. Dicam autem, quod ad explicationem rationis
Ptolemæi pertinet hac in parte, ut uno exemplo mentis illius
subtilitatem intelligas. Mars cum in Capricorno fuerit, mili-
tes facit egregios: nam miles tribus indiget, feritate, callidita-
te, & ne sit præceps in negotijs agendis. Calliditas maxima
est propter Saturni consortium, qui maximè dolosus est, pes-
simus & prauus omnino, propterea qui bellicæ rei student,
egregiè auari, rapaces, subdoli, incontinentes, perfidi ac de-
nique scelesti sunt. Minimè possunt esse precipites, propter
Saturni frigiditatem Capricorni; frigidam & humidam in-
temperiem. Feritas à natura sibi prouenit, quod minimè hu-
manum est signū Capricornus. Hæc omnia comprehendit Pto-
lemæus paucis uerbis, quæ sunt recondita altiore sensu. Cum
enim Capricornus frigidum sit & humidum signum, & Satur-
ni domus maximè Marti congruit, tum quia plurimum abscē-
dit à uertice nostro. nam sic uis Martis fit moderatior, quæ
ut moderatior est, eo maior. Quod ad Saturnum attinet, ma-
ior est dubitatio, quoniam & si clarum sit ipsum altitudinem
debere habere oppositā Soli, Veluti Drances Turno: in uno-
quoq; enim genere aliquid fingitur supremo aduersum: in
astris Saturnus Soli, Deo Satanas, Aquilæ Scarabeus. Itaque
hereditario iure ubi Sol cefferit, Saturnus uincit. Sed quod Sa-
turnus exaltetur in Libra, atq; recedendo frigus augeat, du-
bitatio est. Nam superius uisum est Saturnum ea ratione infri-
gidare, quod remotus sit à capitibus nostris. Omne tamen
agens, ut propinquius fuerit, magis agit. Verum Saturni sy-
dus

Aut ideo refrigerat, quia minus excalefacit: minus autem excalefacit dum procul est, ideo Saturnus à Libra usq; ad Arietem aërem plus refrigerat, tum maxime si uentosus extiterit. Similiter Mercurius ob id gaudet in Virgine, quia siccus est temperie. Siccum uerò intelligentiæ & sapientiæ amicum, ueluti Galenus docet. Cæterum an in certis partibus magis sint altitudines, dubitatione dignum aliquibus uisum est. Videtur enim rationi quoquomodo consentaneum, quoniam experientia deprehenditur Solem, ubi primum decimanonā partem Arietis ingressus fuerit, statim Ver manifestum nobis ostendere. Sed de his in decem libris nostris astronomicis satis dictum est. Hic sufficiat Ptolemæi opinionem declarasse.

In li. quod
animi mo-
res corpo-
ris tempe-
raturam se-
quantur.

Caput decimumnonum.

TEXTVS LVII.

De Finibus.

Inium ratio duplex est. Vna Aegyptiaca, quæ principatus modò domiciliorum obseruat. Altera Chaldaica, accommodata ad triangulorū administrationes. Ac Aegyptiaca quidem quomodo vulgò tenetur, non admodum seruatur, neque ordinis neque numerorum consequentiam. Primum, quòd in ordinatione finium nunc priores dat domiciliorum, nunc triangulorum dominis, non etiam nunquam altitudinum. Vt exempli causa queri possit, si domiciliorum dominos respiciant, cur si for

si fortè de Saturno sermo sit, primas illi tribuerint in iugo, ac non Veneri potius? Itémq; in Ariete, cur Iupiter potius quam Mars? Quòd si triangulorum dominos spectent, cur principē locū assignent in Capricorno, Mercurio, ac non Veneri potius? Iam, si placeat altitudinū principatus, cur ducit agmen in Canero Mars, ac non potius Iupiter? Iam si hæc agregent singulis, quicq; horū obtinuerint, plurima illi præstantiam concedant, quæramus licet cur præcedat reliquis in Aquario Mercurius: cui in illo loco, præterquàm trianguli ius nullū est, cum Saturnus teneat & domiciliū & trianguli. Quin etiā Mercuriū cur in Capricornum primū in ordinem statuerint, qui plane ab illo sit alienus. Huiusmodi inconuenientia in reliqua serie passim animaduertere, deinde numerum etiā finium incongruum esse, manifestū est. Nam quod aiūt singularium stellarum ex terminis collectū, numerum eundem esse, quem eadē attribuat in annis, rationem propriam aut probabilem habere non videtur. Quin etiā si tali collectioni, quod ad annorum attributionem attinet, credamus, quia hoc ab Aegyptiis asseueratur, fieri tamen potest, vt idem conficiatur, etiam si aliter & diuersis modis terminorum numerus per singula signa exquiratur. Quòd autem aliqui sape-

re &

re & probare volunt hanc rationem, contra
 veritatem manifestò nituntur. Nam plenè fal-
 sum est, quòd aiunt illum numerum singula-
 rum stellarum temporalem effici, secundum
 ascensionum rationes. Primum enim sequun-
 tur vulgares traditiones de planis ascensionū
 eminentijs, quæ ne minima quidem ex parte
 ad veritatem accedunt. Nam secundum illas
 in parallelo inferioris Aegypti volunt exori-
 ri signum Virginis & Libræ temporibus 38.
 & triente: Leonis verò & Scorpj tempor. 35.
 Cum demonstratur per lineas, quòd hæc plus
 temporis in exortu consumant, illa verò, hoc
 est, Virgo & Libra, minus. Præterea, qui hæc
 conquiliaverunt, ne secutos quidem apparet nu-
 merum finium ab alijs traditum, quanvisque
 multa necessariò commenti, atque alicubi
 ipsarum portionum portionibus vli fuerint,
 quò constaret ipsis quod proposuissent: ta-
 men ne sic quidem ad veritatis metam perue-
 nisse cognoscuntur. Quæ autem ferè tra-
 ditur ab illis ratio finium, propterea
 quòd, vt diximus, plurimum
 huic fides tribui solet,
 ad subiectum sese
 modum ha-
 bet.

Fines

Ar.	Iup.	6	Ven.	6	Mer.	8	Mar.	5	Sat.	5
Tau.	Ven.	8	Mer.	6	Iup.	8	Sat.	5	Mar.	3
Gem.	Mer.	6	Iup.	6	Ven.	5	Mar.	7	Sat.	6
Can.	Mar.	7	Ven.	6	Mar.	6	Iup.	7	Sat.	4
Leo.	Iup.	6	Ven.	5	Sat.	7	Mer.	6	Mar.	6
Virg.	Mer.	7	Ven.	10	Iup.	4	Mar.	7	Sat.	2
Lib.	Sat.	6	Mer.	8	Iup.	7	Ven.	7	Mar.	2
Scor.	Mar.	7	Ven.	4	Mer.	8	Iup.	5	Sat.	6
Sag.	Iup.	12	Ven.	5	Mer.	4	Sat.	5	Mar.	4
Cap.	Mer.	7	Iup.	7	Ven.	7	Sat.	4	Mar.	5
Aqua.	Mer.	7	Ven.	6	Iup.	7	Mar.	5	Sat.	5
Pis.	Ven.	12	Iup.	4	Mer.	3	Mar.	9	Iup.	2

Primo de
Tempera-
mentis.

Cap. 17.

Dixeramus Mercurium in Virgine exaltari, ob id quod Virginis siccitate gaudeat: adduntur plurimae aliae causae, ut pote à Ptolemaeo, quod ancipitis sit natura, Virgo etiam anceps cum autumnale sit signum: Autumnus autem, teste Galieno, naturae ancipitis, ut qui mane frigeat, meridie caleat egregie: rursusque vespertino tempore sit frigidissimus, adeo ut homines nisi caueant, manifestè ledantur. At uerò dices: Virgo aestiuum est signum: uerum illius ultima pars, quoniam commune est signum, in alterius naturam transit temporis. Haly addit, quod cum Mercurius vespertinus apparere incipit, dum Sol in Leone fuerit, in signo est Virginis. Sumptum illud à similitudine Lunae: Sed nihil magis, quam quod experientia constet. Id tamen consideratione dignum, planetas inferiores quoad occidentales gaudere, uelut Ptolemaeus in tertio libro docet. Ratio est, quoniam inferiores, cum habeant motum alium praeter motum Solis, motus autem communis, qui medius dicitur, idem est cum motu Solis, uidentur esse uelociiores Sole. At qui uelocior est planeta natura motus euadit occidentalis: quamobrem superiores solum orientales gaudent, occi-

den

dentales debilitantur. Luna, quod omnino uelocior sit Sole, occidentalis robustior semper est, tunc enim primum apparere incipit. Venus igitur & Mercurius in uespertinis heliacis orbitibus occidentales non minus gaudent, cum Lunæ assimilentur, quam in matutinis orientalibus cum tribus superioribus. Obseruandum igitur est, quia in medietate cœli ipsi fuerint, hoc autem suo loco magis declarabitur. Similiter & Mercurius Veneri aduersatur, sicut Autumnus Veri, & inæquale æquali, & Virgo Piscibus, & siccum humido. Caterum, in isto capite maxima est confusio de Finibus, cum Ptolemæus narret tres opiniones, quarum duas ipse reprobat: Sed tamen primæ experientia egregie subscribit. Et uidetur Haly dicere de his hæc uerba (Tamen ego dicam id quod uidi de una experientia, quam inueni in loco qui dictus est oculus Solis, quia modico tēpore miracula magna uidi) Sed Ptolemæus claram rationem adducit quod ordinem non seruauerint. Ratio uero illa clara est: Quod uero dicit (Nam quod aiunt) respondet rationi quorundam, qui certum numerum annorum uitæ significatoribus tribuebant dupliciter: primum, quod opinio illa falsa sit, ut in tertio etiam libro ostendet, dū de uita agit. Secundum, quod & si talis numerus uim aliquam haberet, tamen aliter diuidendo signa, idem numerus confici posset. quauis, ut inferius docet, nec talis numerus conueniat numero annorum, qui planetis assignari solent. Nam Saturno dāt LX partes, & Marti LXXII, Ioui autem solum LXXVI & Veneri LXXXI, ita ut in solo Mercurio conueniāt. (Quod autem aliqui) Declarat secundum fundamentū quorundam, quod Haly nullo modo intellexit, neq; explicare aggressus est: tantō plus enim dabant fortunis, quantō ascensione ascensio maior erat: Veluti in Virgine, quod in Aegypti parallelo ascenderet in partibus æquinoctij XXXVIII & triente, Leo autem trigintaquinq; dederunt Ioui & Veneri in Virgine

gine quatuordecim partes, in Leone solum undecim: propter trientem uerò superadditum, cum non liceret frangere partes, & Libra in eisdem temporibus ascendat in quibus Virgo, & Scorpio in eisdem in quibus Leo, geminato triente quauis fierent minuta xl. tantum, tamen dederunt singulo trienti partem unam: ut in Libra Iupiter & Venus quinque partes plures haberent, quam Iupiter & Venus in Scorpione. Hanc rationem reiecit Ptolemæus bisariam, & quod ascensiones signorum in tali parallelo falsæ supponantur, Et quod nec sic generaliter quauis per minuta rem tractantes, ueritatem assequi potuerunt, ut infra docebitur. Ideo secundam subiicit opinionem, quæ fuit Chaldaeorum.

TEXTVS LVIII.

Ratio Chaldaica simplicior quidem est, magisq; persuasibilis, sed non perinde absoluta, cum ipsa in serie, quam ad triangulorum dominationes refert, tum numero quoque finium. Hæc etiam absque præscriptione perspicui facili poterit. Nam in primo triangulo Aries, Leo & Sagittarius similiter per signa definiunt terminos, sic ut primum locum teneat dominus trianguli, id est, Iupiter. Secundum sequentis trigoni, præsens ea est Venus. Ponantur tertij dominatores cōsequenter, ij erunt Saturnus & Mercurius, & ultimò Mars dominator postremi trianguli. In secundo triangulo, ubi similis per signa distributionem seruant, Primus locus est Veneris, Secundus & tertius Saturni & Mercurij, Quartus Martis, Quintus Iouis. Ad hunc modum fere sese habet

habet etiam in reliquis duobus triangulis finium terminatio. Cæterum, ubi sunt minus duo dominatores, Satur. inquam & Mercur. principatum ordinis sui tenebit interdiu Saturnus, noctu Mercurius. Iam numerus finium ne ipse quidem inuolutus est. Vt enim quæq; stella alteram ordine præcedit: ita vna parte voluerunt excellere. Sic fit vt prima semper habeat partem 8. Secunda 7. Tertia 6. Quarta 5. Quinta 4. quibus numeris triginta conſiunt. Ex hac diſtributione colliguntur Satur. partes diurnæ 78. nocturnæ 66. Iouis 72. Mar. 69. Veneris 75. Merc. diurnæ 66. nocturnæ 78. quæ omnes partes ſunt 360. Ex his duabus rationibus finium dignior eſt, cui accedatur, Aegyptiaca, propterea quod pro utili ab Aegyptijs ſcriptoribus illa eſt tradita, & quod penitus congruant partes in illa finium cum exemplaribus genituris, quas Aegyptij collectas habent. Verum, cum ſcriptores nuquam ipſorum neq; ſeriem neq; ſingulatim numerum declarauerint, ſuſpicioni fuerit atq; etiam reprehentioni iſta incertitudo obnoxia.

Cum neq; Ptolemæus hos terminos confirmauerit, neque experientia approbauerit, non eſt cur exponendo laboremus, præſertim cum litera clara ſit. Etenim omnis expoſitio alicuius boni cauſa eſſe debet, omniſq; ſcriptura temporisq; iactura. Adiecit autem numeros illos, ut oſtenderet eos non congruere annis maioribus planetarum.

Ceterum, quod ad Aegyptios terminos attinet, Dorotheus & melius Graeci sapientes illos potius, quam Ptolemaei obseruarunt, Ideoq; ratio ipsorum meo iudicio talis est. In unoquoq; signo initium dabitur planetae, qui plures obtineat dignitates: si autem solam unam, praefertur trigoni domini domino exaltationis: Hic uero domino domus, nisi infortuna fuerint. Hae de causa liquet quare in Capricorno & Aquario Saturnus non praepōnatur, Mercurius autem in Aquario trigonum habet: Ideo ipse praepōnitur. In Scorpio ne praepōnitur Mars, quia trigonum habet & domum: In Cancro autem quod eius trigoni solus sit dominus. In Libra uero Saturnus, quod Carpentum in ea obtineat: altitudinis scilicet & trigoni dominus. Ob haec igitur nullo alio in signo malefica neq; primas, neq; secundas obtinet partes. De Capricorno autem cur Mercurius praepōnatur, una ex tribus causis esse potest: uel quia Venerem pro Mercurio & Mercurium pro Venere propter figurarum similitudinem supposuerint: uel quod Mercurium, ut dixi, uim in trigono illo habere propter Virginem existimarint: uel quod experientia comprobata aliquam insignem uirtutem animaduertierint. Nam si quis recterem perpendat praeter Venerem, quae ualde debilis est in eo trigono, nullum planetam quem iure praepōnerent habebant, nam Venus debilis est, quod solum in Tauro ex secundo trigono exaltetur: ob id Luna & Venus minimas uires sortita sunt, quod duorum trigonorum particeps sint, scilicet, terrei & aquei. Quod si in Capricorno Venerem pro Mercurio supposueris, & pro Venere Mercurium, exactam habebis rationem.

TEXTVS LIX

Sed ad nostras manus peruenit liber peruestus multis iam in locis aetate consumptus, in quo

in quo contineretur naturalis & conueniens ratio ordinis, & numeri illorū, concordabātq; & in expositis genituris partium descriptio, & totius numeri comprehensio cum veterum traditione. Cæterum, oratio erat expositionis cū verbosa, tum multa superuacua argumenta cōplexa. Ipse verò liber mutilatus, vt aegrè a nobis generaliter dictorum sententia perciperetur, & si non parum adiuuaret ipsorum finium descriptio, quæ in fine libri integrior remanserat. Sed tota ratio exquisionis illorum ita se habet. Nam in ordine signorum assumentur altitudines, triangula & domus: quorum si qua stella duorum cōpos fuerit in eodem signo, illa principē locum tenet, quanuis malefica fuerit. Quòd si hoc non usu venerit, malefica semper in loca vltima collocantur. Sed altitudinum domini præponuntur dominis triangulorum, atq; hi domiciliorum dominis, consequenter quidem secundum signorum seriem: ita etiam vt duplicis administrationis stella antecedit semper habentem simplicem. Cancer tamen & Leo domicilia Solis & Lunæ attribuuntur maleficis. nam finibus luminaria non includuntur, malefica autem in illis potentiores inueniuntur, & Canc. quidem Mar. Leo autem Sat. habetur, atq; his conueniens ordo conseruatur. Sed numerus sic ex-

quiritur. Si non inueniatur stella dominatrix duplici modo, vel in eodem signo, vel in sequentibus duobus, tum dari solent beneficis, hoc est, Ioui & Veneri, singillatim septenae partes, sed maleficis, id est, Saturn. & Mart. quinae: Merc. autem qui communis est, senae, quibus numerus 30. partiū expletur. Sed hoc est accipiendum de ijs, qui non nisi simplici modo dominantur. Verum cum aliqua duplicem rationem habeant, nam Ven. sola est domina trianguli Canc. & Taurus cum Luna finibus non claudatur. His igitur singillatim vna pars adiicitur, siue hanc rationem in eodem signo, siue in proximis duobus, hoc est, vno quadrante habuerint, atque talibus adiectis partibus animaduerti in memorata percensione fuisse punctula superposita, sed adiectitiae duplici huic rationi partes auferuntur, à reliquis & solitarijs plerunque quidem à Saturno, sed tamen à Ioue quoque propter tarditatem motus. Horum autem & ipsorum finium descriptionem in sequentibus expositam subiiciamus.

*

Ar.

Ar.	Iup.	6	Ven.	8	Mer.	7	Mar.	5	Sat.	4
Tau.	Ven.	8	Mer.	7	Iup.	7	Sat.	4	Mar.	4
Gem.	Mer.	7	Iup.	7	Ven.	7	Sat.	4	Mar.	5
Can.	Mar.	6	Iup.	7	Mer.	7	Ven.	7	Sat.	3
Leo	Sat.	6	Mer.	7	Ven.	6	Iup.	6	Mar.	5
Virg.	Mer.	7	Ven.	6	Iup.	5	Sat.	6	Mar.	6
Lib.	Sat.	6	Ven.	5	Iup.	8	Mer.	5	Mar.	6
Scor.	Mar.	6	Iup.	8	Ven.	7	Mer.	6	Sat.	3
Sag.	Iup.	8	Ven.	6	Mer.	5	Sat.	6	Mar.	5
Cap.	Ven.	6	Mer.	6	Iup.	7	Mar.	6	Sat.	5
Aqua.	Sat.	6	Mer.	6	Ven.	8	Iup.	5	Mar.	5
Pis.	Ven.	8	Iup.	6	Mer.	6	Mar.	6	Iup.	4

Nec defuere, qui partiretur etiam subtilius dominationum iura, nominarentque loca & partes, illa quidem volentes accipi duodecimam vniuscuiusque signi portionem, id est, partem secundam, & dimidiam. Incipiunt autem attribuire ius sequentibus semper signis ab eo, in quo stella fuerit inuenta, sed non hac vna, verum alijs quoque ratione carentibus modis. Partes autem ascribunt iterum à principio signorum omnibus singillatim stellis ordine exposito in Chaldaicorum finium demonstratione. Sed hæc, ut disputabilia & naturali ratione carentia, magisque ostentationi comparata, prætermittamus. Hoc monentes, quod scitu dignum est, signorum vel locorum duodecim initia sumenda ab æquino-

ctialibus & tropicis, quod & ipsum à scriptoribus ostenditur, & quod vt exposuimus, illorum naturæ vires, societates, de æquinoctialibus & tropicis solis initijs existunt. Quod si alia initia constituerimus, aut signa ab vsu iudiciorum necessariò excludemus, aut assumentes multum frustrabimur, quippe cum præterita & mutata fuerint spatia signiferi, à quibus illis vires inferuntur.

Diuiditur hic textus in duas partes, cuius secundæ initium est ibi (Nec desuere qui) non tamen separari meretur, neq; ut Arabes faciunt, titulus præponendus ei parti, quoniã Ptolemæus omnia talia reijcit, nec recitat, ut doceat, sed ut refellat tales nugas, consimilesq; omneis. Illud uerò utiliter additum in calce (Hoc monentes, quod) declarando, quod signa non à formis stellarũ, quæ in octauo sunt orbe, sed ab ipsis punctis æquinoctiorum aut etiam tropicorum sumenda sunt. Quod si aliter fecerimus, dicit, ut scilicet ab initijs figurarũ octauis orbis computemus, duorum alterum fieri necesse est, aut ut existimantes eadem esse initia signorum octauis atq; noni orbis frustreremur, cum iã talia initia diuersa sint, quippe quod figura illa tempore Ptolemæi ab obseruationibus Aegyptiorum & Chaldeorum, quæ forsitan mille annis & plus antea factæ fuerant, non parum recesserint, ut pote octo uel decem partibus. Vnde si gratia exempli initium Arietis, quod ab æquinoctio est humidissimum, statuatur, ut est, inde primas stellas quæ in capite Arietis sunt, humidissimas esse existimes, ea ratione falleris, cum sint siccissimæ, ut suo loco uisum est. Quod si uirtutes hæc figuris octauis orbis tribuas sciens prudensq; nec omnino ignorans eas à punctis æquinoctijs ac tropicis re-

cessisse

cessisse, tunc signa, quæ à talibus punctis initium ducunt, erunt superflua: ut quibus neq; stellarum ratione, quæ nulla ibi sunt saltem nobis cognita, neq; ipsorum initiorum ac Solis motus causa vires aliquas esse existimentur. Rursus aliquis merito dubitabit, si ipsi eclipticæ vires & diuisio à Sole accedit, Sol autè ipse ab ingressu æquinoctij Verni ad ingressum tropici Aestiuus dies absumit nonagintatres, sed ab ingressu tropici Hyemalis ad ingressum æquinoctij Vernalis solum sunt nonaginta dies. Igitur quarta ab æquinoctio Verno ad solstitiū Aestiuum est nonagintatrium partium, & à solstitio Hyemali ad æquinoctium Vernum nonaginta: uel potius reducendo ad partes ex trecentis sexaginta erit quarta Vernalis partium nonaginta unius cum dimidio, & Hyemalis octuaginta octo cum dimidio, & ita signa Vernalia erunt partium triginta cum dimidio, & Hyemalia uigintinouem cum dimidio: Signa igitur non erunt equalia. Sed ad hoc Haly respondet, quoniam potentia hoc, in unaquaq; parte fiet: nam absis Solis mobilis est, secus, si esset immobilis: propterea arcus octauus uel noni orbis in ecliptica æquales sunt.

Ceterum, ut ad finium Chaldaicorum imò potius Ptolemæi deueniam expositionē, cum dixit (In expositis genituris) à quatuor laudat causis inuentionem hanc finium propriorum: quos tamen dicit à quodam antiquo inuentos, & obseruatos. Primò, quòd ordinem seruent planetæ naturalem in signis. Secundò, quòd numerum. Tertio, quòd genituris congruant: hoc autem est, quòd (gratia exempli) Iupiter fuerit in quartadecima parte piscium in genitura, dum Sol est in quartadecima parte Cancri, ubi immensas significat diuitias. Cum uerò Iupiter directione initium Arietis attingit, quoniam ibi fines erant Iouis, ditatus est egregie adolescentulus ille, & diuitie creuerunt maxime, donec Iupiter sextam partem Arietis excessit. Cum uerò ad uigessimam secundam peruenit Arie-

tis, quoniam ibi Mars fines habebat, multum iactura à latro-
 nibus, à furibus, propter rixas, aliâq; uiolenta, donec uigesi-
 mam sextam partem Iupiter superauit, accepit. Quartò,
 quòd totidem partes unusquisque planeta finium in signis ac-
 cepit, quot etiam in Aegyptiacis. Velut Saturnus quinquaginta-
 septem gratia exempli, & Mars sexaginta sex, atq; ita
 de alijs: non quòd totidem annis homines illis dispositoribus
 uiuant, ut rebantur Arabes, sed quòd plus dominaretur,
 quod magis generationi & animantium commodo utile es-
 set. Quamobrem plus etiam Venus accepit, quàm Iupiter:
 non quòd temperatior sit, sed ut commodius omnia luxu-
 riarent, & ob amorem in prolis generationem accenderen-
 tur. Itaque Venus LXXXII, Iupiter LXXX, Mercurius
 LXXVI, Mars LXV, Saturnus ut dictum est LVII, partes
 accepit. Mercurius enim propter lunarium propinqui-
 tatem & Veneris frequentes coniunctiones, & quia proxi-
 mus terræ est, parumq; afficitur à retrocessibus ob frequen-
 tiam, & à Sole ob familiaritatem, in causa uitæ & genera-
 tionis plus longè beneficis accedit, quàm maleficis. Eadem
 causa Mars longè Saturno præferendus est, quòd Mars ca-
 lidus sit egregiè, ideòque præferoces milites & amant &
 concumbunt, & generant, & ualidos generant: decrepiti
 neque amant, & minus concumbunt, & multò minus ge-
 nerant, & quoscunque generant, inualidos generant. Ve-
 rum quod ad rationem attinet ordinis, hæc talis est: Qui-
 cunque planeta ut etiam in Aegyptiaca diuisione diximus,
 carpentum seu solium obtinet, alijs præponitur: Inde dan-
 tur ultima loca maleficis semper, si carpentum non obti-
 nuerint, præterquàm in Cancro & Leone, in Cancro Mar-
 ti, in Leone Saturno. Nam cum luminaria suos fines per
 sex integra signa sortiantur, ut superius dictum est, initia ho-
 rum signorum maleficis dedicantur, propter hanc causam,
 quòd

quòd initio Cancrì quòd frigidissimum sit & humidissimum signū, & Luna in eo maximè gaudeat, Martis calor temperetur ac siccitas, atq; ideò gaudere in eo uideatur. Plurimum enim potest ibi Mars, ubi maximè temperiem acquirit. Ea dēratione Saturnus ubi illius frigus tum à calore Solis, tum à calore signi mitigatur, atque hæc boni causa. Nocendi uerò per antiperistasin frigus Saturni in initio Leonis, & Martis caliditas ac siccitas in initio Cancrì augebuntur, unde grandines & tonitrua & æstus ac incendia per Martem ibi constitutum fient. In cæteris autem præponitur dominus altitudinis triangulo, & triangulus domui, nisi, ut dictum est, maleficæ fuerint: nam hæ, ut diximus, solis in carpentis præponuntur. Cæterum & inter Martem & Saturnum id ordinis intercedit: ut semper quæ dignitatem obtinet, præferatur: Voluti in Geminis, Saturnus Marti, in Capricorno, Mars Saturno. Vbi uerò neutra maleficarum dignitatem obtinuerit, ut in Tauro & Virgine, Sagittario, semper Saturnus Marti præponitur. Quo uerò ad numerum partium attinet, regula hæc seruanda est: Beneficis septem partes dari solent, maleficis autem quinæ, si non in eo signo neque duobus sequentibus (& Mercurio senæ) inueniatur carpentum. Porro carpenta sunt ex toto signo, Taurus Veneri ob domum & trigonum, & Gemini Mercurio, & Virgo etiam Mercurio ob domum & altitudinem: & Libra Saturno ob altitudinem, & trigonum, & Scorpio Marti ob domum & trigonum, ut Sagittarius Ioui, & Pisces Veneri, & Aquarius Saturno ob trigonum & domum uel altitudinem. Adcò ut sola quatuor signa carpento careant, Aries, Cancer, Leo, Capricornus. Propterea licet simpliciter dicere, quòd omnibus in locis Veneri & Ioui septē partes dande sunt, Saturno & Marti quinque, nisi quòd si quæ stellas duas potestates in ipso signo, uel sequenti, uel tertio habuerit, unam partem addere oporteat.

He uerò, quæ talibus adijciuntur, adimi solent grauioribus planetis, scilicet Saturno & Ioue, præsertim tamen à Saturno, quòd maleficus sit. Exemplum autem in duobus signis deimus in Ariete: ex simplici ratione Ioui septem primæ partes debentur, quòd dominus sit trigoni: Veneri septem, quòd benefica sit: Mercurio sex: Marti quinque sequentes, quòd domicilium habeat in Ariete: Saturno quinque postremæ. atq; hæc est prima constitutio, quam demonstratam ui-

Aries	Iup.	7	Ven.	7	Merc.	6	Mars	5	Sat.	5
Aries	Iup.	6	Ven.	8	Merc.	7	Mars	5	Sat.	4

des. At quia Venus in Tauro carpentum habet sequenti ab Ariete signo, punctum Veneri superaddemus in signum additionis partis unius, hanc à Saturno detrahere licet, quòd maleficus sit primum, deinde quòd tardissimus, & Veneri inimicus. Similiter cum Mercurius in Geminis tertio ab Ariete signo carpentum obtineat, punctum super scribemus Mercurij numero, in signum addende partis, detrahemus uerò à Ioue propter tarditatem motus, & quia Mercurius inimicus est Ioui: puncta uerò subijcere decet numeris Iouis & Saturni, atq; sic constitutio secunda fiet distributionis finium. Secundum exemplum capiamus Capricornum, in quo Venus domina trianguli septem partes ex generali ratione habet, Mercurio sex sequentes, quòd dominus sit sequentis trianguli, inde Ioui septem generali ratione, quòd benefica sit, post Marti quinque, quòd habeat altitudinem quæ domicilio præponitur, inde Saturno quinque. Sed Mars, quòd in piscibus solus, ut dixi, trigonum obtineat, & in Capricorno altitudinem, partem unam sibi iungit, hanc à Saturno adimere non licet, quòd domus dominus sit, neq; à Mercurio, quòd dominus sit sequentis trigoni, neq; à Ioue, quia dominus sit piscium aufertur, ergo à Venere, quæ quanuis carpentum habeat in

Piscibus,

Piscibus, inimica tamen est Saturno domino domus, scilicet Capricorni, neq; ullibi Venus partes habet pauciores septem præterquam in Sagittario, ubi sex habet, quod ibi solitaria sit & in duobus sequētib; signis: Et in Libra ubi quinq; habet tantum, propter triū superiorū robur in eo signo & duobus sequentibus. Nam Libra carpentum Saturni est, Scorpio Martis, & Sagittarius Iouis, quamobrē tres partes sibi præter solitum uendicauerūt unam scilicet singuli: & Veneri quidem duæ ademptæ sunt, una uerò Mercurio, quod ipse Venerē ualidior esset ob trigonum. Ceterum, meritò dubitabit aliquis, propter quid triagula in finibus distribuēdis ualidiora sint domibus, cum à domorū ratione pendeant? Causa autem est, quoniā finium distributio est ex quodam consensu, sicut etiā in publicis rerū partitionibus fieri solet, maiusq; unus cuiusq; planeta dominium est, ob id concordi quodam consensu signorū partes sibi inuicē partiuntur. Sed tamē carpento cedunt, quod planeta ille tanquā princeps uel optimam partem sibi eligat ac uendicet. Sed quia de quatuor dignitatibus satisdictum est, ad reliquas tres explicandas accedamus.

Caput vigesimum.

TEXTVS

LX.

De sua cuiusq; stelle persona, & carpentis ac solijs.



Tq; hoc ferè modo sese habēt familiaritates stellarum locorūq; duodecim. Dicuntur autē stellæ & suas quasi personas gerere, quod videre facie ad faciem vulgus vocat, cum singulæ eo modo cū Sole aut etiā Luna configurentur, quo domicilia ipsorum cum domicilijs luminum.

num. Vt verbi causa, Venus in sexangula con-
figuratione cum luminibus, sed cum Sole ve-
spertina, cum Luna matutina esse debet, pro
eo atque etiam domicilia collocata sunt.

Personam suam gerere Mercurius dicitur, cum fuerit in
sequente signo post Solem, quocumq; loco fuerit Sol. Vt po-
te, si Sol sit in Libra & Mercurius sit in Scorpione. Venus ue-
rò cum secundum signum à Sole obtinuerit, et Mars tertium,
& Iupiter quartum, & Saturnus quintum, post Solem: Ve-
luti si Sol sit, ut dixi, in Libra, & Saturnus sit in Piscibus. Eo-
dem modo quo ad Lunam, ueluti in Sole, sed ut sint in antece-
dentibus signis, ut Mercurio in primo signo ante Lunam, Ve-
neri in secundo, Marti in tertio, Ioui in quarto, & Saturno
in quinto. Vt si Luna sit in Piscibus, & Mercurius in Aqua-
rio uel Iupiter in Scorpione, dicetur gerere personam. Quod
uerò hanc dignitatem probet, & non ut reliquas nugas Chal-
daorum in fine textus præcedentis descriptas confutet, docet
continuatio ad carpenta, ac solia, de quibus nulla est dubi-
tatio. Inquit enim:

TEXTVS LXI.

Suis autē quasi in regijs curribus & carpen-
tis inuehi, & solijs insidere & in istiusmodi ex-
cellentijs tum esse dicuntur, cum duobus aut
pluribus nominibus declaratum in superiori-
bus familiaritatis ius exercuerint in ijs locis
stellæ, quibus institerint. Nam quia tunc ipso-
rum maximè efficaces vires fiunt, propter
conuenientiam & similitudinem, & quasi
collatam operam duodecim locorum, ideo
solijs

folijs suis insidere & illustres dicuntur.

Quis iure non dubitet antequàm de folijs agamus, cur Ptolemæus personam agere planetas occidentales à Sole maxime superiores atq; occidentales à Luna uelit, cum expresse in tertio libro matutinas circa Solem & uespertinas circa Lunam contraria penitus ratione præferat? Verùm, nisi quispiam, ut sæpius dixi, diuidat significata atq; conditiones, nunquàm ad ueram artis scientiam peruenire poterit. Est igitur ac si sit sensus, tres superiores (Nam de inferioribus, quod Occidentales à Sole bene collocentur, iam superius ostensum est) si quando occidentales fuerint à Sole, aut à Luna orientales, optimum erit, & personam agere dicentur, quando tot signis à Sole disteterint, uel à Luna, quot propria domus post Leonem, scilicet Scorpio, Sagittarius uel Capricornus à Leone, aut antecedens Cancrum, scilicet Aquarius, Pisces & Arias ab ipso Cancro.

Cap. 4.

Rursus sciendum est quædam ex ipsius Ptolemæi sententia deriuari, quæ expositorem de cet adijcere, non ut Haly, qui palam non recepta à Ptolemæo nō solum his in locis adijcit, uerùm & ipsius sententia repugnantia, & ab illius prorsus doctrina aliena. Quod autem Ptolemæi doctrinæ conuenit, est, ut partes in quibus fines utriusq; beneficæ iunguntur, sint felicissimæ: utpote initium septimæ Arietis est Veneris initium terminum finisq; Iouis, ob id commista natura beneficarum feliciores extant cæteris. Contraria ratione ad unguem habentur infelices: ut à latere uides.

Felices		Infel.	
♈	7	♏	26
♊	15	♍	26
♋	20	♎	25
♌	14	♏	24.30
♍	12	♐	25
♎	15	♑	25
♏	9	♒	30
♐	21		
♑	9		

Cete

Ceterum, ut ad textus explicationem deueniam, carpentum seu solium trifariam accipitur. Vno modo, prout in signis & principaliter consideratur pro finibus constituendis: & est, cum planeta è tribus dignitatibus primis, quæ sunt altitudo domus & trigonus duas obtinuerit. Alio modo, cum duas quomodocunque è sex dignitatibus aliqua in parte obtineat. Tertio, cum in signo toto plures duabus obtinuerit dignitates: Velut Mercurius, cum fuerit à prima parte usque ad septimam Virginis, aut Venus in octo primis partibus Tauri. His duobus ultimis sensibus Ptolemæus carpentum, seu solium intelligit. Quod uerò dixit, collatam operam duodecim locorum, id est, quod uidentur omnia loca operam contulisse in illum planetam, ueluti dictum est de Mercurio, qui cum habeat domum in Virgine & similiter altitudinem, quam par erat habere in alio signo, & fines, quibus etiam si in alieno habeat signo plurimum potest, uidentur domus omnes in illum planetam uim suam contulisse. Tum etiam, quia ut uisum est superius, pleraque signa, quatuor scilicet exceptis, nouè coniunguntur signis alijs, aspectu, præcipiendo, uel uires æquando. Cum igitur planeta in capento suo fuerit, singulas domos possidere uidebitur.

Cap. I.

TEXTVS LXII.

Gaudere etiam uolunt, cum loca in quibus stella fuerit, non ipsi sed alteri suæ conditionis obnoxia sunt, quæ quidem satis è longo congruitatis ratio ducitur, sed similitudo illam tamen efficere putatur. Contrà autem, si in locis alienis & contrarijs conditioni suæ inueniatur, valde diluitur peculiaris ipsarum vis, diuersarum naturarum confusione, propter dissimi-

similes signorum constitutiones.

Hoc quod scripsit hic, paruum esse uidetur, sed ratione eius, quod subiicitur, tam magnum est, ut sit maximum. Nam ponamus, quod Sol sit in finibus Iouis, utpote in principio Piscium, gaudet non tanquam in loco proprio, sed amici: hoc gaudium dicit Ptolemaeus leue est, & parua efficacia. Sed si Planeta in cōtrarijs signis fuerit, ab his in quibus exaltatur, aut domicellum habet trigonum, uirtus illius diluitur & debilitatur: ut Mars in Tauro, Saturnus in Cancro: tum maxime, cum cōtraria fuerit uis planetae naturae signi. Differt autem in hoc, quod cum Saturnus aequaliter cadat in Cácro & in Leone, in Cancro quidem plus nocet ob frigiditatis immerentia, in Leone minus iuuat debilitatis uiribus à casu domus, & contraria intemperie. Sic Mars minus nocet in Cancro, & minus bene facit in Libra. Quod si quis miretur, quomodo Cancer sit frigidum & humidum signum, cum sit Aestiuum: dicimus id fieri propter Lunae familiaritatem.

Caput vigesimum primum.

TEXTVS. LXIII.

De applicationibus & de fluxibus.



N vnīuersum autē intelligimus applicare praecedentes sequentibus, de fluere autē à praecedentibus sequentes, sed non oportet longum esse interuallū. Idq; intelligitur & in corporeis congressibus, & in configurationibus illarum.

Postquam declarauit omnes affectus planetarum in signis, nunc declarat affectus ipsorum prout sunt in motu & inter

inter se. Vnde notandum primò, quòd apud Ptolemaeum non propriè dicuntur planeta cõiuncti esse uel in radijs, propter duas causas. Prima, quia corpora eorum parua sunt & semper sunt in motu, Ideò non possunt figi, nec dici coniuncti uel in aspectu uerè. Secunda causa, quæ ualidior est, est, quoniã tantum est discrimen inter applicationem & defluxum, ut sub uno nomine non mereantur comparari, propterea distinxit illas. Comparantur autem trifariam: aut ratione roboris, uelut Ptolemaeus in tertio libro, dũ applicationem defluxui comparat. Nam applicatio ualidior est longè defluxu. Defluxum uoco, quotiens planeta leuior est in pluribus partibus & recedit ab altero: Veluti in prima genitura, Mercurius dicitur à Sole defluere: & Luna per quadratum ab eodem: & similiter Luna ab ipso Ioue per trinum. Sufficit autem, quòd leuior, si non sit in pluribus partibus, ut saltem sit uno minuto uel pluribus recedens: Velut in dicta genitura Sol est in uigesimaoctaua parte, & sex minutis Libræ, & Luna in uigintiocto partibus & minutis quadragintaquatuor Capricorni, Luna dicitur recedere ab ipso Sole. Et similiter in tertia figura Luna dicitur applicare quadrato Saturni & quadrato Martis etiam, & Mars ipse dicitur applicare per corpus ipsi Ioui: Et ideo plus boni pollicetur Mars ex Ioue, quàm mali ex Saturno, quanquàm à Ioue longè plus distet, quàm à Saturno, quia Ioui applicat, à Saturno autem recedit. Secundum discrimen est in qualitate significatorum, de quibus apud Firmicum multa tractantur: & nos omnia, quæ utilia erant, ex illo traduximus in nostros decem libros de Astrorum Iudicijs. Secundò considerandum est, non oportere esse longum interuallum: hoc autem quale sit in Ioue & Ve-

Cap. 9.

Cap. 14.

nere, declaratur infra in tertio libro: iuxta hoc etiam in alijs planetis decernuntur, prout à latere uides. Cum igitur planeta cui applicatur, uel à quo sit defluxus, uel separatio, non plus

plus disteterit ab eo, qui se applicat aut separat, tunc, dicitur applicatio separatione, si-
cut partes illæ de planeta cui
fit applicatio, uel à quo fit de-
fluxio, intelligantur: non de eo
qui defluit, aut applicat. Qui
quantò tamen ex paucioribus
partibus fuerit, & propin-

Applicationes & Defluxus.		
Saturni	Par.	10
Iouis	Par.	12
Martis	Par.	7 m 30
Solis	Par.	17
Veneris	Par.	8
Mercurij	Par.	7
Lunæ	Par.	12 m 30

quior, eò ualidior erit. Adeò ut iure cum corpora ferme iun-
guntur, ualidissima sit applicatio. Illud quoq; animaduerten-
dum est diligentissime, quòd defluxuum & applicationum
quatuor sunt genera. Primum in applicatione dicitur sim-
plex, quotiens uterq; planeta est directus, & est leuior in pau-
cioribus partibus tardiore seu ponderosiore: Velut in tertia
genitura, Mars applicat Ioui & Mercurius Soli. Si uerò
uterq; sit directus & leuior sit in pluribus partibus, dicitur
separatio simplex: uelut in prima genitura, Luna dicitur se-
parari à Sole simpliciter. Secundum genus applicationis dici-
tur mutuum, & est, cum duo planeta unus motu directo, qui
est anterior & alter motu retrogrado sibi inuicem occur-
runt: Velut in octaua genitura Venus est directa in partibus
uigintitribus & minutis tribus Libræ, & Mercurius est re-
trogradus in partibus uigintitribus & minutis septem eius-
dem signi, idè sibi inuicem occurrunt, & significat affectus
duplicatos, qui per illam applicationem fieri solent. Eodem
modo est defluxus mutuus cum planeta, qui est in pluribus
partibus est directus, & qui est in paucioribus retrogradus,
& significat frustrationem significatorum. Velut in eadem
genitura Venus directa defluit à Saturno retrogrado trigo-
na radiatione: & ita significata illa alchimie & necromatie,
quibus delectari portenderet, si non ita deflueret, irrita omni-
no euadunt, ut nunquàm talibus sim delectatus, cum tamen pa-

ter in ijs plurimum profecisset. Tertium genus applicationis est, cum uterq; planeta retrogradus est, sed leuior est in pluribus partibus, & celerius redeundo grauiorem attingit. Velut in eadē genitura Mercurius applicat Saturno: qui si non esset retrogradus fieret defluxio mutua, ut dictum est, aut mutua applicatio, si Saturnus directus esset. Quod si leuior sit, in paucioribus partibus, fiet defluxio uiolenta, seu auersa, uelut in tertia genitura Venus defluit à Saturno cum sit retrograda & in paucioribus partibus, & Saturnus in trigono eius & in pluribus partibus retrogradus. Quartum genus applicationis est, cum planeta leuior retrogradus est, & in pluribus partibus, & tardior directus & in paucioribus partibus: nam esset defluxus ratione medijs motus, sed ratione ueri sit applicatio. Et hæc contingit duobus modis. Vel quia leuior iam sit retrogradus: uel quia antequā separetur extra metam descriptam in tabula exiens retrocedat. Pari ratione fiet separatio minima, quotiens leuior fuerit in paucioribus & retrocedat, uel retrocessurus sit antequā ad coniunctionem perueniat. Quod si cum hoc & grauior, permute-
tur, tunc fient alij modi compositi. Et generaliter hi modi per uiam diuisionis habentur. Ponatur igitur ut in prima genitura Venus in duodecima parte Virginis & Saturnus in decima septima, scilicet leuior in paucioribus seu uelocior, & tardior in pluribus partibus: tunc est applicatio secundum naturam. Vel igitur uterq; erit directus, uel uterq; retrogradus, uel leuior directus & tardior retrogradus, uel leuior retrogradus et tardior directus. Item quilibet istorum quatuor modorū quadrupliciter uariari potest. Dabo exemplum in uno modo & tenebit in omnibus: Vel enim posita Venere directa & Saturno retrogrado antequā iungantur non mutant statum, uel sola Venus fiet retrograda, uel solus Saturnus fiet directus, uel Venus fiet retrograda & Saturnus fiet
dire

directus. Fient igitur sedecim modi quando planeta leuior est in paucioribus partibus & tardior in pluribus. Totidem etiam sunt in naturali separatione, quotiens planeta leuior fuerit in pluribus partibus, & tardior in paucioribus. Ita igitur fient modi triginta duo. Et quia quotiescunq; iunguntur, antequam exeant metam, dicitur applicatio: & quotiens non iunguntur separatio seu defluxus, fient sedecim modi applicationis & totidem defluxus distincti robore & significato. Attamen ego descripsi nobiliores & magis manifestos, ne Commentarius cresceret in infinitum. Per hos enim reliqui intelliguntur. Docebo autem significata. Et hæc de duobus planetis tantum dicta sufficiant.

Cum uero fuerint tres planeta & leuissimus fuerit medius inter reliquos & intra metas, dicitur leuissimus transferre lumen anterioris ad posteriorem: Velut in tertia genitura Mercurius transfert lumen Iouis ad Solem. Secundum est, reddere lucem, & hoc est, cum duo planeta non se aspicientes, tertio reddunt lumen, ut in octaua genitura Sol & Luna reddunt lumen Marti, quia Mars est in trigono Solis & quadrato Lune & est ponderosior utroq; seu tardior. Tertium est, collectio luminis quotienscunq; non se aspicientibus planetis, ut in prima genitura Sole & Ioue tertius leuior, puta Luna in pluribus partibus existit, & ab utroq; simul se separat, tunc Luna dicitur colligere Lumen Solis & Iouis. Et quicquid euenerit Lune, euemet Ioui atq; Soli tam in directionibus, quam in reuolutionibus, & tales sortiuntur maximos euentus. Quartum est coniunctio luminis: & est, cum duo planeta non se aspiciunt, & tertius leuior applicat utriq; et est similis precedenti, nisi quod ille fit per defluxum, hic uero per applicationem. Quintum est, prohibitio lucis, et est, cum planeta tardior fuerit inter duos leuiores, tunc prohibet lucem illorum leuiorum communicari. Quod si talis coniunctio le-

o z uiorum

uiorum mala esset, iuuat: si autem bona, nocet. Sextum est de latio uirtutis, cum fuerint tres Planete in uno signo, & grauior fuerit in pluribus partibus, leuior autem in paucioribus, nec intra metas, sed medius intra metam applicationis ad tardio rem & intra metam, in qua leuior illi applicet, tunc medius defert uim leuioris ad tardio rem. Velut in octaua genitura, Venus defert uim Solis ad Mercurium, quia Mercurius propter retrogradationem est ponderosior Venere & Venus propter tarditatem motus, ipso Sole. Septimum est, per turbatio: & haec fit, cum duo Planete applicant alter alteri quantum ad naturalem motum, sed est unus tertius Planeta in pluribus partibus utroque, qui antequam duo primi iungantur, uel quia iam sit retrogradus, uel quia paulo post fiat retrogradus, iungit se tardiori & interponit se inter primos duos, & ita perturbat coniunctionem primorum duorum Planetarum. Octauum dicitur abscissio luminis, & est quotiens fuerint tres Planete intra metas & leuior fuerit in paucioribus partibus, sed cursu precedat & attingat illum, qui est in pluribus partibus, antequam medius illi coniungatur: tunc leuior ille dicitur abscindere lumen medij à postremo, qui est in pluribus partibus. Et omnes istae regulae originem ducunt ab ea quae saepius repetita est: scilicet quod omne potentia tale, uim retinet talem. Exemplum in tertia genitura, Mars esset iturus ad Iouem, sed Luna transeundo ipsum Martem quadrato attingit ipsum Iouem, et abscindit lumen Martis à Ioue. Licet enim Luna nondum attigerit Iouem, neque interposita sit inter Martem & Iouem radijs quadratis, est tamen ac si iam attigisset, quia potentia talis est. Illud tamen euidentius esset, ubi Luna esset in eodem signo cum Ioue & Marte, quia abscissio luminis fit quidem per radios alterius Planetae, sed ualde debilis.

Notandum, quod unusquisque horum modorum tam in tribus

bus Planetis, quàm etiam in duobus descriptorum potest fieri, uel ex Planeta debili ualde, utpote qui sit fermè sub radijs Solis inualidum uel in alium debilem, uel ex ualido in debilem, uel ex ualido in ualidum. Vtiles sunt translationes in ualidos, quæ bonæ sunt, & indebiles, quæ malæ, & rursus ex ualidis quæ malæ, ex debilibus quæ bonæ. Præterea, qui recipitur seu qui applicat, uel in dignitate est propria uel alterius, uel nulla, uel in cadenti propria uel alterius: similiter & de eo, qui recipit, ut fiant uiginti quinque modi qui ducti in quatuor priores, faciunt centum: deinde quilibet modus propter beneficas maleficâsq; uariatur quadrupliciter. Nam mediæ situ uel positione uel loco declinant ad alterũ duorum, ut fiant modi quadringenti, qui ducti in quadraginta priores faciunt modos sedecim mille. Hi uerò cum fiant per quinque congressus, & qui per tres Planetas geminati sint, fient modi omnes nonaginta sex mille. Tot igitur erunt combinationes, quæ ex applicationibus & recessibus tum coniunctionum, tum aspectuum fiunt: quas si quis diligenter sciuerit intelligere, magnam artis partem à Ptolemæo tradita adeptum se fuisse iure merito existimare poterit.

TEXTVS LXIIII.

Nisi quòd in corporeis cōgressibus applicationis & defluxus etiam latitudines conuenit notari. nam non nisi eos, qui in linea per media signa ducta existunt, admittere consueuimus: quod in configurationibus obseruare superuacuũ fuerit, cum radij vniuersi eòdem, id est, in terræ punctum intímũ tendant, atq; ita vndecunq; emissi, semper concurrant.

Ipsius rei expositio tam facilis est, ut paucissimis uerbis
 o 3 possit

possit absolui, scilicet, quoniam in aspectibus latitudo obseruanda non sit, in coniunctionibus autem sit: ueluti si Venus sedecim gradibus distet à Sole, latitudinem uerò habeat septem uel octo graduum, ipsa profectò erit extra radios Solis: hoc autem magis manifestum est in stellis fixis, quarum applicatio ad Solem si egregiam habeat latitudinem non multum impedit. Quinimò exortus potius heliaci talium, quam coniunctiones cum Sole, sunt obseruandæ. Sed quod ad causam attinet, maiorem habet difficultatem: uult tamen dicere, quòd trigonus gratia exempli sit, cum arcus interceptus est centum uiginti partium, & in centro terræ unius recti cum tertia: sed ista quantitas anguli non uariatur sensibilibiter propter latitudinem, quia arcus circularum magnorum, qui se intersecant in ecliptica, ferme non differunt, siue sumantur ex ecliptica, siue ex circulo transeunte per centra planetarum: adeò ut octo partes latitudinis faciant differentiam quindecim minorum tantum in ueris locis. Ex quo patet, quòd opinio Blanchini est falsa de projectione radiorum quantum ad latitudinem: nam ut ex spheræ ratione habetur, radij ad centrum uementes, sunt æqualis ambitus: Ideò optimè causam reddidit Ptolemæus. Ex quo colligitur unum pulchrum, scilicet, quòd Ptolemæus non considerat radios planetarum, ut ex uno perueniunt ad alterum, sed ut perueniunt ambo ad centrum terræ & in ipso angulum faciunt. Sed hic occurrunt plures dubitationes. Prima, quia Ptolemæus inferius in tertio libro dum de uita agit, latitudinem non considerare uidetur. Rursus, quia reijcit hic defluxus atq; applicationes, quæ non sunt in ecliptica, hoc autem experimento non consentit, cum omnes ferme coniunctiones planetarum euidentes faciât effectus, cum uix ex centum una in ecliptica fiat. Præterea, uidemus fixas, quæ procul sunt à Zodiaco, Luna illis coniuncta agitare tempora. Propterea respondeo ad omnia hæc,

hæc, quod sententia Ptolemæi est, quod coniunctiones omnes referantur ad eclipticam, quia tunc dicunt sidera esse iuncta, quando linea ducta per polos transit per ambo centra, & tunc necessariò diuidit eclipticam. Igitur cum sidera illa sunt iuncta, ipsa sunt in eodem puncto eclipticæ: Et hæc est causa mathematica. Alia naturalis, quoniam uita & reliqua ut dictum est, sunt per lucem Solis, & Sol semper sub ecliptica fertur. Ideò auxilia & detrimenta ad illam lineam referri debent. Verùm sententia Ptolemæi est, quod defluxus illi & applicationes ad lineam illam referri debent, quia quanto propinquiore fuerint Planetæ aut inerrantes, tantò maiores facient effectus: quanto remotiores, tantò debiliores. Non tamen uariantur tempora aut effectuum genera. Fixæ tamen, propter magnitudinem & stabilitatem, magnos præstant effectus, etiam quod procul sint: Maiores tamen longè cum exoriuntur heliacæ, uel cum ipsis Planetis: propter duorum magnorum circulorum intersectionem, & etiam propter causam naturalem manifestam, quæ est aëris immutatio repentina.

TEXTVS LXV.

Ex quibus omnibus euidentis fit, habitudines stellarum singularum exquirendas, cum ex propria natura earum, tum de natura signi in quo fuerint, necnon secundum configurationem ad Solem & cardines, quæ cuncta à nobis indicata sunt.

Tria sunt, quæ de futuris præcognosci ab Astrologo queruntur: genus euentus, magnitudo, & tempus: Genus euentus, utpote, si futurus sit sapiens aut stultus, pulcher uel deformis, robustus uel imbecillis, diues uel pauper, & ita de alijs.

de alijs. Magnitudo, ut si futurus sit ualde diues uel ualde pauper, uel ualde magnus, uel ualde paruus. Tempus autem, ut si in pueritia uel adoleſcentia iuuentute, uel ſenectute, & quo anno menſe & die ac hora iſta ſient, bona uel mala. Primum ergo genus, ex quatuor, dicit Ptolemæus, ſumitur, ex natura propria Planetæ, quia Iupiter (gratia exempli) præſtat temperamentum, & quia uirtutes & boni mores & naturæ robur conſiſtunt circa temperamentum, ideo Iupiter ſignificabit hæc omnia. Et ſimiliter ſignificat diuitias & honores, quia talia proueniunt ex moderatis actionibus, & nunquam ex extremis: neque enim omnino iracundi, neque omnino abiecti animo, commercia contrahere poſſunt: nec in extremo auari nec prodigi, nec qui nihil attingere audent, nec qui inſanam habent audaciam, poſſunt pecunias aut honores ſibi parare. Secundò, ex natura ſigna, nam ſigna perata & in quibus planeta gaudent, multum adiuuant ad qualitates præcipuè: tria prima ſigna, Aries, Taurus, Gemini propter temperamentum, Cancer, Leo, Virgo, propter promptitudinem actionum & audaciam, Libra, Scorpio & Sagittarius propter calliditatem: reliqua tria ferme ſunt inutilia. Similiter mobilia propter conuerſationem, fixa propter perſeuerantiam, communia propter prudentiam. Altitudines quoque & reliquæ dignitates Planetas reddunt meliores. Tertio, propter configurationes ad Solem: per Solem intellige etiam Lunam & reliquos Planetas: ſed poſuit maniſeſtiùs exempli loco: Veluti in quarta genitura Iupiter primò orientalis cum aldebaram ferme ſeu oculo Tauri & Luna applicans Mercurio ferme de ſextili aſſerunt felicitatem & dignitates, quas habet. Dictum eſt enim à nobis ſæpius, quòd Iupiter ſignificat diuitias & honores, & ipſe eſt in angulo & dominus loci Solis cum ipſa luna. Quarto cardines, nam & hi ſignificant qua-

litatem

litem euentuum, ascendens circa uitam, & cor cœli circa honores & dignitates.

Aliter potest exponi iste textus & utraque expositio est bona, scilicet ut conditiones stellarum & quantum ad qualitatem seu genus, & quantum ad quantitatem & tempus sumantur ex his quatuor: sed quæ augeant & minuât in sequenti textu subiicit, ita ut præsentis textus sequens sit expositio, cum dixit:

T E X T V S L X V.

Sed vires assumunt, primùm, si orientales sint, & cursum suum intendunt: tum enim plurimùm possunt, sicut minimum, si occidua sint & remittentes cursum suum. Deinde propositu suo & respectu erga finitorem, nam in medio cœlo aut succedenti illi loco potentes maxime, sed potentes etiam sunt in ipso finitore & succedenti loco, plurimum autem possunt in finitore oriëntali. Contrà verò, minùs in imo cœlo aut alio conformi finitori oriëntali loco.

Ponit igitur, quòd robustissimæ sunt erraticæ, dum orientales fuerint & motum habuerint medio motu uelociorem. Is facillè ex subiecta tabula & ephemeridibus conijcitur: id autem licet diuer-

	Medij motus Planetarum in die.					
	m	2		m	2	Par. m
5	2	0	☉	59	8	☾ 13 10
4	4	59	♀	59	8	
3	31	28	♂	59	8	

tum: In Marte tamen fit circa distantiam duorum signorum cum dimidio: In Venere autè usq; ad partes quinquaginta duas uel circa, post conium

coniunctionem à Sole, dum directa est. Verum ante cōiunctio-
nem totidem ferme partibus dum Soli appropinquat: reliquo
spatio, id est, dum post maximam distantiam redit ad Solem
occidentalis aut orientalis elongatur, à Sole est diminuta mo-
tu. Idem uerò iudicium est de Mercurio, sed Mercurius uix
excedit uigesimam octauā partem seu orientalis seu occiden-
talis. Hic igitur primus est status. Secundus est, cum est orien-
talis usq; ad stationem primam, & est ualidus: primo tamen
multò inferior. Tertius status est à statione prima ad opposi-
tionem quasi mediocris. Quartus est debilis ab oppositione
ad stationem secundam. Quintus est debilissimus à statione se-
cunda usque quo ingreditur sub radijs Solis: & iste status
non diuiditur, quia quantò magis augetur de motu, tantò ma-
gis minuitur de lumine: sed si diuidendus est, debilior est à sta-
tione secunda, donec incipit esse auctus motu, cum uerò ince-
perit donec occultetur, est debilissimus. Ex quo colligitur,
quòd Planetae habent sex status, & quòd plus facit diminu-
tio luminis, quàm motus. Tertio, ratione cœli, & primum lo-
cū obtinet cor cœli, inde undecima, deinde oriens seu prima,
& succedens seu secunda, inde septima, post octaua. Hæc au-
tem ratio, si bene meministi, superius tradita est. Sed & de ea
in sequenti expositione dicemus. Videtur autem tribuere ui-
res imo cœli, & quinto loco & nono. De nono autem nulla
est dubitatio, de quinto autem dicemus nunc.

TEXTVS LXVI.

Sed extra hæc omnia reperti, imbecilles &
prorsus infirmi habentur.

Quod igitur à finitore excluditur ex orientali parte, est
duodecimus locus, & sextus & tertius. In his igitur Planetae
omnino imbecillissimas habent uires. Sed dices, superius aliter
diximus, nam inum cœli & quintum locum & tertium ex to
to abie

Com. 46.
in fine.

to abicimus, duodecimum uerò admisimus, & nonum octa-
uo præposuimus, & primum undecimo: uerum hæc quæ hie
Ptolemæus scripsit, generali ratione tradita sunt: quæ autem
nos scripsimus, propria. Discrimen est in ratione propria
uel comparando: sexta enim uitæ omnino aduersatur, uim ta-
men habet alijs in causis. Secundus locus nullam in uitæ ha-
bet potestatem, ratione tamen honorum præfertur & diuitia-
rum omnibus, præter angulos & undecimum ac nonum. Itaq;
duodecimus quarto, & quinto, & tertio, & secundo præfer-
tur, quo ad uitam, quia plurimum habet luminis, non tamen
alijs in causis. Quartum uerò locum non præferes ulla ex par-
te sexto uel duodecimo per se, sed si Planeta ibi coierint, quia
radios mittunt in singulos angulos, propterea robusti sunt:
ipse tamen locus nullam habet significationem. Superius igitur
à nobis demonstratæ sunt uires locorum per se, hic uerò
Ptolemæus illos declarat, ut Planetae fiunt potentiores: atq;
in hoc ut respiciant angulos ualido aspectu, est obseruandum.
Aspectus autem ualidus dicitur oppositio, maximè atq; inde
quadratus. Id quoq; certum est, quod ut inferius habebitur
in tertio libro, sextus locus uim magnam ad nocendum ha-
bet. Sed de his inferius dicemus. Vnum est, quod Planeta ma-
ximam uim habent in decimo loco, deinde in undecimo, de-
inde in octauo, præterquam in uitæ, ubi octauum nonus præ-
cedit, ut infra habebitur: In uitæ causa ergo nonus ut dixi
apud Ptolemæum præualet octauo: nonus enim est in trigo-
na radiatione ascendentis & sublimis: & uidemus quod Sol,
quando est ibi, facit maximos calores. Similiter & sextus
post hos est collocandus: inde quartus, sed quartus nihil signi-
ficat per se, sed solum Planeta, dum ibi est, uires magnas
adipiscitur.

Cap. I 6.

Lib. 3.
ca. 11.

CLAV

CLAVDII
PTOLEMAEI MATHE-
MATICI DE
IUDICIIS LIBER

SECUNDVS: CVM EX-

*positione Hieronymi Carda-
ni Mediolanensis
Medici.*

PROOEMIUM AVTHORIS.

Caput primum.

TEXTVS I.



Actenus quidem percurri-
mus ea, quorū maximē co-
gnitionem predictiones re-
rum singularium requisitu-
ra viderentur, exponentes
per certa quēdā capita qua-
si in tabella. Nunc igitur de-
inceps explicabimus rationem vniuscuiusque
rei, cuius quidem præcognitio esse possit, se-
quentes vbiq̃ue naturalem quendam modum
expositionis.

COM

COMMENTARIUS.



Generalē expositionem euentuū in uniuerso orbe quam hic proponit arduam magis ac longē maioris operis, quā unius singularis hominis esse debere, nemo est, qui iure dubitare possit: Si militer & magis necessariam omnes esse intelligunt, cum tamen Ptolemæus huius generalis expositionis unicum tantum fecerit librum, & scilicet hunc secundum: geniturarū autem, singularem hominum euentus duobus libris explicauerit, scilicet tertio & quarto, quorū tertius per se solus dimidio maior est hoc secundo. Causam igitur huius quærere oportet, nam nihil absque maxima ratione fecisse Ptolemæum existimandum est. Vna igitur causa sola esse potest, scilicet quòd longē minorem cognitionem habemus de generalibus constitutionibus quā de singularibus, ob id parè de his tractandum esse existimauit.

Diuiditur etiā tota tractatio huius libri in Apotelesmata & Principia. De Principijs in primo libro actū est. Apotelesmata autem diuiduntur in generalia & propria. De proprijs in tertio & quarto loquitur Ptolemæus: De generalibus autem hoc in libro tractandum est. Ptolemæus principiorum tractationem quasi in tabella descriptam uocat, quòd per singula capita res ipsas explicauerit: nunc autem Apotelesmatum tam generalium quā priorum promittit. Igitur cum duæ sint, ideò has in sequenti textu diuidit, dicens:

TEXTVS II.

Cum autem prædictiones astronomicæ in duas potissimum & propriè partes diuidantur, quarum vna & prior totas gentes, regiones, vrbes generaliter, quam nominant uniuersalem, altera particularis singulorum hominum

num fata complectatur, quæ dicitur à genitū-
ris Genethliologica, cōueniens videtur de vni-
uersalibus priore loco disputare, quando hæc
quidem maiore vī quadam & efficacioribus
à causis mouentur, quàm particularia. Iam
cū necesse sit summitti imbecilliores natu-
ras valentioribus, atque adeò particularia vni-
uersalibus: si quis singularium rerum prædi-
ctionibus operam dare velit, non possit sine
comprehensione generaliorum esse ad illas in-
structus.

Sensum huius partis adeò clarum esse liquet, ut omnino
quatuor uerbis absolui possit. Si quis (inquit) uelit Geneth-
liacorum habere cognitionem, necesse est ut prius uniuersa-
lium scientiam habeat: quia uniuersalia maiore uī & effica-
cia, ut superius uisum est, à causis suis mouentur. Ratio au-
tem sic construitur: Causæ potentiores magis mouent debili-
bus: hæc per se manifesta est: Causæ autē uniuersales sunt po-
tentiores causis singularibus. Igitur causæ uniuersales magis
mouent. Minor propositio declaratur: quoniam causæ maio-
rum effectuum potentiores sunt causis minorum, igitur cū
effectus uniuersales, puta quòd occidat una tota gens, maio-
res sint effectibus singularibus, ut pote quòd occidat unus ho-
mo, manifestum est propositum, quòd à principio diximus.

Libr. 1. Ex hoc patet solutio problematis secundi superius pro-
Com. 25. positi, scilicet quòd non est nisi unum genus uniuersalis con-
stitutionis seu influxus, quòd quidē pertinet ad provinciam
uel ad gentem. Nullus autē potest esse uniuersalis sub hoc sen-
su, ut contingat toti: Quamuis enim Saturnus Ioui iungatur,
quia tamen coniunctio illa orientalibus contingit alio ascen-
dente

dente atq; schemate cœli. Item his qui habitant uersus meridiem quam occidentalibus aut borealibus: prioribus quidem propter horæ uarietatem, atq; ideò cordis cœli, posterioribus uerò tametsi cor cœli unum sit, scilicet meridionalibus atque borealibus, diuersum tamen est ascendens ob uarietatem finitoris, ideò nihil unum potest toti orbi generaliter significari. Ergo non dantur cōstitutiones generales ratione causæ agentis, sed solum ratione loci. Ea autem diuiduntur, ut in sequenti textu docet.

TEXTVS III.

Cæterum hæc ipsa vniuersalis consideratio, aut est totarum regionum, aut harum, & urbium.

Diuidit, ut dixi, naturam hanc constitutionum in tria genera. uel enim totæ regiones afficiuntur, utpote tota Gallia, uel tota Italia, uel etiam plures regiones, utpote Europa: uel (harum) id est, partium: Velut si Etruria tota uel Gallia togata affligatur. Vel una urbs tantum, ut Florentia, & Mediolanum. Manifestum est autem, quòd quantò generaliores sunt hi effectus, tantò etiam sunt potentiores & efficaciores, ex ratione superius adducta.

Hinc patet solutio primi problematis superius inducti, scilicet quænam sit constitutio generalis, quia est illa quæ significat super gentem aut prouinciam: propria uerò habetur ex genesi uniuscuiusq; hominis. Et quòd generalis diuiditur in quinque modos, qui hic à Ptolemaeo sub tribus comprehenduntur: scilicet generalis pluribus prouincijs integris, & uni prouincia, & uni parti prouinciæ, & uni ciuitati, & uni membro ciuitatis, ueluti oppido uel uilla. Diuiduntur etiam influxus generales bifariam, adeò ut sint tres diuisiones cum prædicta constitutionum generalium. Quæ autem sint reli-
quæ,

quæ, in sequenti textu explicantur.

TEXTVS IIII.

Præterea interdum grauiores & certarum quasi recursionum casus exquiri solent, quales sunt bellorum, pestilentia, terræmotus, diluuij, & huiusmodi. Interdum leuiiores & minores, ut annuæ tempestatis intentio vel remissio, itemque hyems aspera vel leuis, deque ventis & æstu similiter, necnon fertilitate & infœcunditate, quæque sunt alia generis huius.

Duo genera constitutionum generalium duabus reliquis diuisionibus singula distinguit in duas species, quarum altera, scilicet diuisionum, a quantitate effectus sumitur, altera a qualitate. Quæ a quantitate sumitur, duas species habet mutationum, magnam & leuem. Magnam appellat, quæ omnino præter naturam est, ut inundatio, pestis, bellum. Leuem autem, quæ est secundum naturam, sed quantitas immutata est, ut immoderate niues, grando, pruina, æstus, penuria annuæ. Circa quod notandum est sterilitatem esse duplicem: aliam, quæ non est extrema, & hæc pro naturali habetur à Ptolemaeo: aliam esse extremam, qualis tempore Pharaonis & Iosephi: & hæc magna est mutatio & præternaturalis. Mutationes igitur magnæ præternaturales, ut aliàs declaratum est, sunt septem: aut in terra, & uocatur terræmotus: aut in aqua, & est inundatio: aut in satis, & est sterilitas: aut in animalibus: & est duplex, lues in utilibus & multiplicatio in inimicis naturæ humanæ, ut serpentibus & locustis, aut in hominibus ab aëris uel aquæ corruptione, & uocatur pestis, aut ab alijs hominibus, & uocatur bellum. Et hæc est tertia diuisionis secundum qualitatem, quæ est ut dixi in septem membra. Verum naturalis seu leuis infinitas habet species, propter
eā suf

ea sufficiat eas solum declarare, quæ in textu obscuræ sunt. Sunt autem duæ, illa de æstu & de tempestate. Sed si clarius li-
tera cõuersa sit, hoc modo interdum leuiiores & minores, ut
annuarum tempestatum, hyemisque ac uentorum, æstusque in-
tensio ac remissio, non relinquitur dubitatio, quia per hye-
mem & æstum intelligit tempora contraria, scilicet hyemem
& æstatem: Per annuas tempestates, generalem quatuor tem-
porum constitutionem intelligit: Vnde hyemis additio uel di-
minutio, seu uehementia, & mitigatio succedit.

Hinc tertiæ dubitationis solutio emergit, scilicet, cum cœ-
lum sit sempiternum atque rotundum, unde initium constitu-
tionum, & quando seu ubi sumendum? Innuit igitur Ptole-
mæus, quod initium annui status, principium est mutationis
quatuor temporum & qualitatum eius. Ita longioris tem-
poris rariores ingressus & coniunctiones. Velut Saturni
coniunctio cum Ioue, annorum ferme uiginti: eorum uero re-
cursus ad initia Arietis, septingentorum nonagintaquinque
annorum. Quartæ partis autem, id est ducentorum ferme an-
norum mutatio illorum ex trigono in trigonum. Tardiorum
autem, id est, inerrantium mutationes annorum millibus di-
stinguuntur. Verum Ptolemæus omnia principaliter sumit
ab eclipsibus luminarium & eorum coniunctionibus. Cap. 3.

Est etiam illud consideratione dignum, quod quantitas
effectuum magnitudine dupliciter mensuratur: aut enim
magna dicitur, aut parua quantitate effectus, aut tempo-
ris. Atque in effectu quoque duplex est consideratio magnitudi-
nis, uel quia generaliter ad statum perueniat, uel quia celeri-
ter. Veluti pestis tripliciter magna dici potest: uel quia diu
perseueret, ut quæ Mediolani fuit anno M. CCCC.LI. toto
enim biennio perseuerauit: aut quoniam maxime sit exitia-
lis, quanuis non diu perseueret: ut quæ anno M. D. XCIII.
seuixit in eadem urbe: aut quæ breui interficit, quanuis neque

diu perseueret neq; plerosque occidat, sed plurimi euadant.
Velut anno præterito sudor anglicus, cum plures euade-
rent, quàm interirent, pro seua peste habitus est, quòd
quoscumque interimeret, intra uigintiquatuor horarum spa-
tium interimebat: plerosq; autem intra sex aut octo.

T E X T V S V.

Horum potius priùsque habendum ob
eam quam reddimus causam, illud, quod to-
tarum est regionum & maiorum casuum.

Cùm tres diuisiones generalium constitutionum Ptole-
meus suprà ostenderit, in magis uniuersalem & minus uni-
uersalem ratione loci, in præternaturalem & naturalem
ratione quãtitatis & magnitudinis, & in diuersa genera effe-
ctuum, quæ ad qualitatem pertinent & in quibus prædictio
ipsa uersatur: Veluti Saturnus & Mars cum cordi Leonis
iunguntur, significant autem aliquid super Italiam, quòd
Italiæ Leoni subiiciatur: uidendum est igitur quid significet:
an pestem? an bellum? an terræmotum? an luem, atq; talia?
Cùm igitur hæc uicißim ueniant, ordo inter illa cadere non
potest, sed in duabus primis diuisionibus. Sed cùm ex pri-
mis duabus diuisionibus quatuor fiant membra, scilicet effe-
ctus magnus & magis uniuersalis: magnus & minus uniu-
ersalis: paruus & magis uniuersalis: paruus & minus uni-
uersalis: de magnis ac magis uniuersalibus priùs tractan-
dum docet: Innuens scilicet, quòd de minimis & minus uni-
uersalibus ultimò sit tractandum, unam ob causam uerè, sed
duas, si eam distinguere uoluerimus. Causa enim quæ dicta
est, est quòd potentiores sint maiores cause maiorum effe-
ctuum & magis uniuersalium, ergo non poterimus scire
minores effectus aut minus uniuersales, nisi scitis maiori-
bus

bus ac magis uniuersalibus. Vtpote sit constellatio, quæ significet maximam felicitatem Mediolano, & sit alia constellatio, quæ significet bellum exitiale toti Italiæ, quomodo poterimus ex constellatione nostræ ciuitatis diuinare felicitatem, quam calamitas totius prouinciæ sit peruersura? Alia causa est, quia uia doctrinæ notiora sunt præferenda, est autem fermè notius semper, quod maius est.

Sed & ex præcedentibus habemus solutionem quartæ dubitationis superius propositæ, scilicet quod cause uniuersales quædam sunt potentes, & quædam debiles: debiles debilibus, & potentes potentibus conferri debent: semperque generales ex sententia Ptolemæi potentiores sunt proprijs, & generaliores minus generalibus. Sed dupliciter hic distinguere oportet: & idè diligenter animaduertere, præter id quod, ut dictum est, debilis uniuersalis non potest uincere ualidam propriam: Veluti si constellatio uniuersalis faciat aërem benignum, temperatum & salubrem, & aliquis ex propria genesi debeat egrotare grauitè, non euadet quidem ille à graui morbo, nedum à morbo ex toto propter generalem constitutionem, sed minus grauitè egrotabit. Similiter & si constitutio pestiferos morbos denuntiet, non tamen ualidissima sit, aliquis uerò ex genitura & directione & reuolutione debeat esse sanissimus, non egrotabit omnino. Vult igitur Ptolemæus, ut uniuersalis uincat singularem: ubi par sit magnitudo effectuum significatorum: obseruando tamen duo: primum, quod malum uincit bonum duabus ex causis: Prima, quod malum est de necessitate nature, ut mors: bonum autem non ita, utpote quod quis debeat suscipere filium: Secunda, quia bonum est de ratione constructionis & malum destructionis: & ad construendum requiruntur plura, ad destruendum sufficit unum, ut rectè inquit Aristoteles. Igitur malum est certius bono. Secundo,

cundò, quod magis ad rem attinet, ut cum constellatio generalis comparatur singularibus uel simpliciter comparatur non determinatis singularibus, & sic semper est ualidior uniuersalis constitutio, quam priuati, ubi pares sint magnitudine ut dictum est. Veluti est futura pestis certo anno Mediolani, quæ multos interfectura est, quidam Papie ex morbo laterali eodem anno moriturus est, dico quòd facilius est illum posse euadere à morte, qui Papie est, quam facere ne pestis multos occidat Mediolani: quia comparatio constellationis uniuersalis ad incertam multitudinem, est comparatio ad proprium effectum, sicut genesis proprie ad illum, cuius est genesis. Sed causa uniuersalis, ut dictum est in comparatione ad proprium effectum, potentior est, quam singularis ut dictum est, ergo certius erit pestem multos occisuram Mediolani eo anno, quam Papie moriturum ex morbo laterali. Sed si comparatio fiat utrarumq; constitutionum ad eundem hominem puta Socratem, tum oportet distinguere, uel genesis Socratis est ualde coniuncta constitutioni uniuersali, & tunc magis oportet credere constitutioni uniuersali & certior est, quam constitutio propria: uel est parum coniuncta, & tunc plus potest propria quam uniuersalis. Et maximè istud contingit, cum non solum propria parum coniuncta est uniuersali, sed etiam illi repugnat. Et idè ille, qui ægrotat in peste, habuit coniunctam constitutionem cum constitutione uniuersali, si autem euadit, parum coniuncta fuit aut omnino repugnauit propria genesis illi constitutioni. Et similiter qui euasit è nauì, quæ submersa est in mari, habuit constitutionem repugnantem constitutioni nauis & submersioni, non autem solum sine periculo. Et idè istud habet aliquid annexum cum scientia fati. Est uerò illud omnino scientia dignum, quòd omnis homo, qui nascitur in aliqua urbe, uel oppido, habet iam consti

constitutionem connexam cum illo oppido: quia stella uerticales & altitudo poli sunt eadem ipsi & loco, in quo natus est. Et similiter dominus trianguli dominatur illi: & ideo si constellatio fiat secundum unum istorum trium, tum communicabitur nato & poterit euadere tamen. Quod si fiat secundum erectionem loci, & adificationem urbis, tunc si genitura nati communicauerit illi, afficietur natus, & non euadet: & si non communicauerit illi, non afficietur penitus. Quod si stella uerticis, aut dominus trianguli, aut signum proprium, aut situs Solis cum Arietem ingreditur, similis fuerit ei, qui est in genitura illius, uel dispositor idem, uel interfectior Planeta in genitura fuerit idem cum significatore calamitatis, affligetur natus, & morietur prorsus. Hec uolui adiecisse: quia cum Ptolemæus tradiderit doctrinam affectuum uniuersalium per causas uniuersales, & singularium per causas singulares: Et uniuersalium quidem propter scientiam singularium, non tamen docuit quomodo uniuersales causæ determinatis singularibus, scilicet Socrati atq; Platoni applicarentur. Nam de multitudine incerta, ut dixi, illa proprie est, in quam generales constitutiones impetus suos effundunt. Quod uero illa doctrina esset necessaria, manifestum est ex euentibus ipsis, quoniam in quibuscunq; ferè calamitatibus, uidemus multos omnino interire, paucos uero affici, sed non interire: ut in peste egrotare, in ciuitatum direptione spoliari uel capi, uel uulnerari, plures etiam illosos omnino euadere, ac si nihil passa esset ciuitas incommodi, paucissimos etiam melius se habere ex propriæ ciuitatis calamitate: Veluti dicari, obseruari, honorari, magistratum iniungere. Constat igitur illorum generis constellationem conuenire, illis non conuenire.

TEXTVS VI.

Horum cognitio cum duo requirat, pri-

num quarum inclinationū terrestrium quæq;
loca signiferi & quæ stelle commendationem
habeant: Et quales suis in locis certis tempo-
ribus significationes futurorum dentur.

Ostendit duo, quæ scitu necessaria sunt, primum, ut scia-
mus loca in quibus effectus debet contingere: Et hoc, dicit,
scitur ex duobus, ex dominio signorum super partes terræ,
& dominio stellarum supple tam errantium, quam fixarum.
Sed dices, etiam nonne ex initijs urbium? Respondeo, quod
Ptolemaeus illis initijs parum tribuit propter tres causas.
Prima, quia talia initia sunt ex voluntate hominum, & non
à natura, Et ideo sunt corrupta. Secunda, quia sunt maxime
incerta. Paucarum enim aut forsan nullius urbis uera origo
habetur: Tertia, quia sæpius augentur, minuuntur, & adifi-
cantur, restaurantur, & legibus de nouo formantur. Et
modò uicem subeunt simplicis ciuitatis, modò princeps sunt
plurium urbium, modò caput regni euadunt. Deinde dicit,
quod oportet etiam scire tempus talis euentus in talibus ur-
bibus, & locis: Hoc autem quomodo, docet dicens:

TEXTVS VII.

In coitu quidem luminum defectus, er-
rantium uerò in stellarum motibus, ortus &
statio.

Tribus modis locos designari docet, primum quidem,
cū in coitu luminarium eclipsis seu Solis seu Lune conti-
gerint, tunc enim magni effectus sunt, Et non simpliciter lo-
ca, sed in quibus magni effectus sunt, designantur: Nam du-
plici causa ex eclipsibus magni contingunt effectus: tum quia
Sol & Luna in eadem linea eclipctica sunt, & equaliter ab
utroq; polo distante, uel omnino ualde propetum quia lu-
men

men illorum, quod adeo mortalibus est necessarium, aut tollitur aut auferitur, aut altero horum modorum immittitur. Secundus modus est in reliquis errantibus, cum primum exoriuntur & apparent. Exortum intelligit Heliacum. Hoc autem inferius exponetur: nam de proprijs loquitur temporibus. Ortus autem Heliacos quales sint, docuit in XIII Magnae compositionis ipse Ptolemaeus, scilicet uisionem & occultationem, de quibus plane in tertio libro agam. Hic autem solum sufficiat errantium stationes crassiore Minerva subiecisse. Ut etiam motus incrementa & diminutiones superius in enarratione & tabula, sed illa exacta est. Ergo oblata genitura licet conijcere, si solum motus uelocitas aut tarditas doceatur etiam

in Venere et Mercurio, quali in statu sint. Nam orientales inferiores uelociter ascendunt in paruo circulo, & ad Solem redeunt, ut abscondantur: Est, quia aucti

Stationes				
♂		♂		♀
110		120		130
Distantia à Sole.				

Cap. 6.
Com. 70.
Libro 1.
cap. 66.

Gradus.

sunt lumine & motu & in superiore parui circuli parte, ideo sunt in bono statu, donec latuerint. Inde etiam occidentales motu aucti, postquam Solis radios exierint. At occidentales motu tardi in pessimo sunt statu, absque dubio lumine & motu diminuti, & proximi ut abscondantur. In mediocri autem orientales postquam apparuerint, lumine & motu diminuti. In stationibus autem si quis certior esse uelit, consulat ephemerides. Ita fiet, ut ex sola motus qualitate, & loco, planetae situm agnoscas, in paruo circulo motus, differentias & locos. Et ex his, ortus & occasus, ac uires. Sed ut ad primum propositum redeam, Ptolemaeus declarat iudicia temporum in magnis euentibus, sumi debere ex eclipsibus. Par-

tium uerò temporis, quæ inter eclipses intercipiuntur ex stationibus atq; exortibus Heliacis planetarum. Ex quo manifestum est Ptolemaeum non magni facere coniunctiones illas magnas Saturni scilicet & Iouis, nisi ut ab eclipsibus uim recipiunt. Cum uerò eclipses nunquam plus biennio intermittant, idè calamitatum causæ nunquam deesse possunt. Et cum Saturnus Ioui propinquus ultrò citròq; Ioui per lumen maneat octo aut nouem nonnunquam mensibus, semper autem plus quinq; manifestum est luminarium eclipses persæpe incidere in coniunctionem Saturni & Iouis, & longè etiam frequentius in coniunctionem aliquam duorum superiorum. Idèq; tunc maximè effectus contingunt absq; dubio. Similiter et tempora deliquiorum docebit Ptolemæus diuidere per tempora coniunctionum Solis & Lunæ. Cur autem exortus & stationes Planetarum Ptolemæus prætulit eorum affectibus alijs quibuscunq; inferius explicabitur: nam commentum hoc per se satis prolixum est.

Illud potius enarratione dignum uidetur, quod mihi contigit anno M. D. XXXIX. Nā cum (ut in explicatione octauæ genituræ apparet) deliquium maximum Solis iuxta a secedens meum contigisset, multiq; Astrologi mortem prædicarent certam, tantum absuit ut morerer, ut nunquam sanior extiterim iā XXXI exactis annis: Tametsi magnis ac multis negotijs implicitus semper fuerim: & ad annū usq; M. D. XLIX multorum & potentium uirorum emulationibus uexatus. Nihilominus in corpore incōmodi nihil passus sum: Quinimò honoribus & dignitatibus perpetuò auctus fui. Adijcere inquam hæc uolui, quæ inferius suo loco declarabuntur, ut homines intelligāt deliquia ipsa si magna sint, magnorum euentuum causam præbere, non tamen in omnibus. Etenim, ut inferius ostendemus, ciuitas nostra cum eclipsi minimè concordabat. Nec etiam semper mala à deliquijs procedunt, sed persæpe

persape etiam bona atq; felicitates. Ptolemaus uerò tametsi uideatur hanc partem intactam reliquisse, quæ maxima tamen erat & maximè necessaria, nulla tamē uerior est sententia de hoc, quàm illius. Ceterum, illud dubitatione dignum uideatur, cur coniunctiones superiorum multi obseruent, oppositiones non ita, cum tamen in luminaribus hoc non contingat, nec uideantur oppositiones cōiunctionibus minora damna inferre, imò longè maiora & grauiora. Decet ergo existimare quædam in generalibus causis plus posse, quædam in proprijs & singularibus. coniunctiones enim, quod lumine cōstent, pluribus diebus manēt, oppositiones unica die transiunt. Itaq; ut declarabitur, quæ minùs manent, maiores effectus & efficaciores producant, quàm quæ diu. Quæ autem diuturniores, breuibus. Ea de causa oppositiones & quadrata mortes repentinas & subitas mutationes faciunt: coniunctiones uerò generales euentus. Oppositiones enim & quadrata sunt cum motu ueloci, & mutatione ob id magna, atq; ob id efficaciori, sed minus diuturna: Quæ autē corpore constant, diuturna & lenta. Nullum uerò lentum efficax, nec ullum quod efficax non sit, ualidos effectus producere potest. Verum, cur neq; de qualitate futurorum neque de modis ipse hic quicquam decernat, cum tamen prius proposuerit & posterius sit executurus? Ratio est, quod illorum explicatio longior sit, et magis propria, quàm ut hic mereatur exponi. Cur uerò à deliquijs temporum sumat significationes, non autem à magnis cōiunctionibus, scilicet Saturni & Iouis? Causa est, quoniam si uelis Saturni uim considerare tanquam approximationem quandam cum Ioue, cum hæc sit longioris ut dixi tēporis, in eo toto cursu infinitas fieri uarietates necesse est, non solum illorum, sed & aliorum syderum atq; figurarum cœli in unaquaque regione. Quod si exquisitam coniunctionem habere uolueris, cum in eadem parte cœli Soli pro-

pinquissimi fuerint, tunc enim uelocissime mouentur, & Iupiter à Saturno discedit, sex minuta discrimen non superat, certe septimum non attingit. At hoc discrimen nullus mortalium nec instrumento nec aliter discernere potest. Exactissima enim ratio obseruationum instrumento armillarum constat. Armillis autem tam parua distantia non deprehenditur, cum hoc instrumentum non in minores partes diuidatur, quandoquidem ut diligentissime in tres mille sexcentas diuisum fuerit à Ptolemæo. Igitur nec certa dies, nedum hora, aut coeli figura & status haberi possunt. Multoq; minus sciri, ubi nã gentium euentus futuri sunt. Hanc ob causam scientiam talium coniunctionum, quæ ad hanc usq; diem adeo celebrata fuit, quàm parui sit momenti, clarè quisq; intelligit. Sunt tamen quedam generalia, quæ ex coniunctionibus magnis habentur, & sunt, quod coniunctiones in signis aqueis, quia trigonus est Martis, significant multa bella & inuentiones operum mechanicorum, propter Martem, & morbos malignos cõtagio sos propter Scorpionem & Cancrum, & missionem Martis cum Venere, uel cū Luna, & hereses graues & magnas, Mahumetbi, & aliorum quorundam dogma, lex, sub eo trigono ortum habuit. In primo autem trigono, scilicet Arietis sunt mundi imperia & monarchie propter dominium Solis & Iouis, qui significant tranquillitatem in mundo: hæc autem non possunt contingere nisi uno regente omnia. Apparent & sapientes & uiri insignes & sterilitates magnæ propter dominium Planetarum calidorum, parumq; humidorum. Ideo post annum millesimum quingentesimum octuagesimum tertium usq; ad annum millesimum septingentesimum octuagesimum secundum ante medium, incipiet Monarchia, & omnia regentur nutu unius. In secundo autem trigono scilicet Tauri, sient terræ motus & inundationes, & comete plures propter Capricornum, in quo dominantur Saturnus & Mars: & debilitatem

titatem prefectorū, qui sunt Venus & Luna. Dissoluenturq;
 quæ parata sunt sub trigono aqueo. Sed cū coniunctio per=
 uenerit ad trigonum humanorum, id est, Gemini, tunc dissol=
 uentur Monarchiæ per trigonum Arietis factæ, & loco eius
 traducetur in aliam Monarchiam, & propter dominium Sa=
 turni & Mercurij erunt multi Sapientes, & artes uigebunt,
 & erunt multi deceptores: & homines erunt improbiſſimi,
 & uigebunt uitia in libidinibus maxima: & cometa multæ in
 cælo uidebuntur propter Mercurium. Hæc quidem erunt: sed
 non licet determinare tempora ac diuidere, & regiones tem=
 poribus accommodare, propter causam dictam, sed licebit ex
 deliquijs illa inuenire.

Reliquum est, ut dissoluamus residuum quartæ dubitatio=
 nis, quia relictum fuit unū argumentum contra Ptolemaum,
 scilicet quòd aliqui moriuntur ex morbis proprijs magis in=
 expugnabilibus: quàm sint communes, utpote aliquis ex car=
 cinomate, hydrope uel febre propria adeò concidit, & inueni=
 tabili morte detinetur, ut longè magis ille morbus inexpugna=
 bilis uideatur, quàm sit pestis. Videmus enim concidere uir=
 tutem statim, & occulta causa, in quibusdam morbis pro=
 prijs, quòd non contingit in peste, cuius si inueniretur pro=
 prium auxilium, sanabilis redderetur morbus. Et ita aliquan=
 do inuentum est, & qui laborabant, sanati sunt. Non igitur
 inexpugnabilis est hic morbus communis, quia communis sit,
 & à potentiore causa, sed quia ignota est medela. Respondeo
 igitur, quòd morbus cōmunis dum uiget constitutio & non=
 dum declinat, potentior est & magis inexpugnabilis pro=
 prio. Et quando inueniuntur auxilia, est quia iam est in decli=
 natione. Et quoniā dicis, aliquis morbus proprius est magis
 inexpugnabilis, dico quòd non est uerū. Sed quia est absolutè
 inexpugnabilis: uidetur quòd nō possit esse maior. Veluti cō=
 paremus morbū proprium, casui domus super aliquē, et mor=
 bum

bū communem, casui montis super aliquem: tunc tā inuit abī
lis uidetur mors cadente domo, quā cadente monte, quo ad
mortē solū attinet illius: attamen casus domus posset facilius
prohiberi, & à minore causa impediri, quā casus montis.

Per hæc ad quintā dubitationem clara est responsio, quòd
coniunctus loco in magna constitutione, utpote in naui sub-
mergenda, in ciuitate destruenda, in exercitu cadendo ad in-
ternitionē, afficitur necessariò & moritur, tametsi nihil aliud
habeat commune cum illa constitutione, nisi habeat genesin
potentem, cuius dispositor dominetur domino constitutionis,
aut loco exitiali ipsius constitutionis. In aliquibus autem me-
diocribus constitutionibus, si debeat interire, non sufficit con-
sensus loci: sed oportet ut constitutio ipsa sit colligata cum ge-
nitura, uel cum loco directionis uel profectionis, seu reuolu-
tionis. Constitutiones uerò à quibus nulli euadunt, sunt in
quibus domini sunt ualde potentes, & in cardinibus ad un-
guem illius loci. Qui igitur euadunt, euadunt quatuor de cau-
sis: aut quia mutant locum & ita non afficiuntur triplici illo
consensu iam dicto superius: uel quia dominus genesis illius,
dominatur loco infortunij & dispositionis illius: uel quia do-
minus genituræ illius & loci directionis & profectionis salui
sint. Ipsa uerò cōstitutio extrema non fit: uel quia solum loci
generali atq; triplici affinitate loco iuncta sit, ceterum aliò-
quin robusta genitura profectione atq; directione. Differt
hic modus præcedenti, quia in præcedenti etiā alio modo ge-
nesis constitutioni alligatur, sed uinculum non magnum est,
constitutio mediocris, hic uerò constitutio magna est, sed nul-
lo modo genesis ipsi constitutioni alligatur. Verum nihil est,
quod magis tutum reddat à cōstitutione generali, quā cum
dominus genituræ, dominus est etiam ipsius constitutionis, &
maximè si benefica fuerit: nam si malefica, seruabitur quidem
ab initio, sed postmodum morietur aut interficietur.

Ante omnia huius quasi consensionis naturales causas exquiramus, obiter etiam percurrentes gentium ipsarum proprietates corporis ac morum, qui quidem cognoscantur nequaquam discrepare à naturali constitutione cum stellarum dominantium, tum locorum zodiaci, quibus subsint.

Trifariam naturali ratione aliquid queritur, uelut ex principijs naturalibus, sicut Geometra faciunt, uelut ex experimento, ut Medici solent: uelut à notissimis, ut est ordo doctrinae: omnibus his modis naturali ratione Ptolemæus procedit ad querendas causas effectuum ac temporum: & ponit proprietates corporis atq; animi ipsarum gentium miro artificio, ut in sequentibus exponemus. Verum prius difficultates propositas explicemus.

Proposita fuit sexta difficultas, an homo subijciatur euentibus secundum naturam loci, in quo natus est uel ubi habitat: & respondemus, quod secundum naturam loci in quo habitat: ut qui exit è patria laborante peste, euadit periculum, nisi habeat genesim coniunctam constitutioni factæ in patria. Exemplum, cuiuspiam ascendit Virgo, & in regione sua sit eclipsis Sole Geminos occupante, Saturnus uero dominus loci in septimo loco sit, ex quadrato deliquium respiciens, ut pestem omnino significet: Sit uero Mercurius iuxta deliquij locum, morietur natus ille, etiam quod è patria fugiat, ex morbo pestifero. Acquirat autem propter consensum loci in poli elevatione & uerticilibus stellis, & consensu ascendentis, naturam loci. Et sicut calescit Sole illo non patriæ, & Ventis refrigeratur, & imbris madescit, ita & loci constitutionibus afficitur: nisi ut dictum est. In electionibus autem Regum

& dignitatum, uoluntariam rationem sequi non oportet, sed
 ut profectio Regni ad locum peruenerit: ita fiet, & ut genesis
 illius congruet profectio & Regno, ita eueniet similiter &
 de alijs dignitatibus & itineribus. Propterea nihil melius est
 ad augendam felicitatem, quàm sequi spontaneum affectum:
 Ad calamitatem autem impediendam electio nonnihil profici-
 cit non tam syderum constitutione quaesita, quàm exitiali ac
 naturali impedita. Circa partum uerò totum tempus com-
 prehenditur, & qui uiolento exeunt partu, seu etiam deti-
 nentur leduntur, & nihil proficiunt. Verùm omnis ratio ad
 naturalem partum referri debet. Propterea tales permistum
 habent geniturae genus, & inualidum: quoniam dissipata est
 & impedita nascendi uirtus. Sed tamen nonnihil iuuari pos-
 sunt corpore & animo, nam fortuna ex succedentibus maxi-
 mè reuolutionibus uariatur: quæ ubi in generales constitu-
 tiones bonas inciderint aut malas, similiter & directiones &
 genesis ipsa bene uel male afficiuntur. At uerò cum tales con-
 stitutiones soli Deo cognita sint, aut superis, relinquatur ut
 partus acceleratio aut retardatio nihil certi asserat præter
 iacturam foetus. Vltimò queri solet, an nauis principium re-
 cipiat ab astris? & an qui submerguntur in nauis, ex genesis
 sua hoc habeant, an ex constructione nauis, an ex ingressu
 nauis in mare, uel hora discessus? Dicimus autem nauim qui-
 dem habere principium, quo submergatur aliquod, sed ma-
 ius esse in anima nautæ, sicut & ducis belli in prælio. Et
 propterea multum confert, ut nauta & dux belli prudentes
 sint atque felices. Nam talibus benefica & bene constituta
 dominantur. Melius est autem ita opinari, quàm principia
 dare rebus artificiosis, quæ & uoluntariè fiunt & agendi
 principium uerè non habent. Indicio est, quòd eadem tempe-
 state plurimæ naues pereunt, quæ tamen diuersis tempori-
 bus constructæ fuere. Aliquot etiam seruantur non disci-
 mine

mine ipsarum nauium, sed prudentia atq; scientia gubernato-
rum. Itaque principia omnia actionum in rebus potius sunt
naturalibus, quam uoluntarijs, aut artificiosis. Dico autem
naturalia, homines, plantas, beluas, pisces, elementa, ipsaq;
artificiosa, ut impetu naturali feruntur: Veluti grauitate uel
impulsu: Et mentes hominum ut appetitu naturali feruntur
atque uincuntur: Vt uero consilio agunt, parum aut nihil ha-
bent principij ab astris, Aliter & melius: Tempestas in mari
est generalis constitutio, ut in terra praelium, in aëre pestis.
Sufficit ergo significatio ingrediendi a quas eo tempore. Ergo
si dicas, non ex genesi, poterit uita terminus qui à constitutio-
nibus generalibus, intercipi potest, neq; fortuna quæ tum ab
illis tum à profectionibus mutari solet, sciri: Respondemus
esse uerissimum, sed ueluti diuites homines fiunt paulatim sin-
gula colligendo, pauci tamen uel à prædonibus uel à tempe-
state in mari pauperes euadunt: Sic genitura hominum quid
cuique uenturum sit, decernunt: Aliqui tamen constitutio-
num magnitudine oppressi, aut profectionum potentium mul-
titudine acti, alios sortiuntur exitus. Qui cum multi uidean-
tur, eorum tamen qui singularem genesin absque interru-
ptione sequitur, maximus est numerus. Atque in illis etiam,
qui constitutionibus generalibus deprehensi, aut reuo-
lutionibus assiduis decreta genesis mutant, tandiu
effectus illius relucet in eorum uita, quandiu
à constitutione, aut reuolutionum perpe-
tuo successu fuerint remoti. Id uero
temporis etiam in ijs maxi-
mam plerunque to-
tius uite par-
tem occu-
pat.

Pro hoc
vide lib. 4.
Com. 77.

Caput secundum.

TEXTVS IX.

De proprietate vniuersali gentium.

Olent igitur gentiles proprietates distingui aut per totos parallelos, & totos angulos, aut per situm erga eclipticam, & Solem ipsarum.

Intelligit per parallelos, lineas quæ ab oriente tendunt in occidentem, & sunt gentes quæ diuersam habent poli altitudinem. Per totos angulos, id est, qui sunt sub meridiano, quasi dicat qui sunt sub eodem parallelo, sunt eiusdem naturæ & inter se conuenientes: & similiter qui sub toto angulo comprehenso inter parallelum & meridianum. Sed melius est legere coniunctim: ut sit sensus, distinguuntur bifariam gentes, uel ut comprehenditur una tota latitudo à parallelo, & meridiano, aut ut partes illæ comprehensæ diuiduntur penes maiorem propinquitatem, aut distantiam ab æquinoctiali & oriente. Prima igitur diuisio est generalis, & fit in tres partes. Prima est ab oriente in occidentem secundum longitudinem, & à tropico Cancræ ad æquinoctialem secundum latitudinem: Secunda, quæ etiam extrema est, cum eadem longitudine latitudinem habet inter circulum arcticum & polum. Tertia similiter est ab oriente in occidentem in longitudine, id est, centum octuaginta partium latitudinē habet inter duos circulos, arcticū & æstiuū, ferè æqualis ambabus alijs pariter acceptis. Ex his habetur ratio trium reliquarū quartarum mundi seu terræ, quarum mentionem non facit Ptolemeus, quia ex ista dignoscuntur. Nam singulæ quartæ tres habent partes prædictis correspondentes. Veluti quarta borealis, quæ est apud antipodas, partes habet similiter tres.

Vnam,

Vnam, quæ est ab æquinoctiali ad tropicum Cancrī quæ correspondet primæ, secundam à circulo arctico ad polum correspondentem secundæ, & tertiam inter duos polos correspondentem tertie. Hoc solum discriminis est, quod illis oriens statuendum est, ubi nobis occidens: & occidens illis, ubi nobis oriens, propter contrapositum situm. Similiter et quarta australis ultra æquinoctialem superior orientem habet & occidentem ubi & nos, inferior contrario modo. Et pars quæ est inter æquinoctialem & tropicum Capricorni, correspondet parti, quæ est inter æquinoctialem & tropicum Cancrī. Et quæ est inter circulum antarcticum, & polum antarcticum, ei quæ est inter circulum arcticum & polum arcticum. Et similiter quæ est inter tropicum hyemalem & circulum antarcticum, ei quæ est inter tropicum æstiuum & circulum arcticum. Vna igitur explicata, reliquæ manifestæ sunt. Primum igitur, ut dixi, sic in partes tres distinguit.

T E X T V S X.

Nam nostræ terræ, quæ iacet in vno Aquilonari quadrante, incolæ, qui subiecti sunt australioribus parallelis, id est, ipsi qui describuntur ab æquinoctiali vsq; ad tropicū æstiuum, cum supra verticem illorum feratur Sol, quasi vtilatis, nigrisq; corporibus videntur, & capillo esse crispo & denso, facie etiam contracta & statura contorta, natura ferè calidi, moribusq; feris propter magnitudinem æstus in locis suis, quos Aethiôpas vocare consueuimus, qui & ipsi ad expositum modum se habent. Et aëris ibi talis constitutio est, omnesq; animantes ac quæ nascuntur è terra, cum his

q

con

congruere reperiuntur. At qui subsunt Aquilonaribus parallelis, hoc est, sub Septentrionibus posita loca incolunt, cum eorum punctus verticalis à signifero & Solis calore longè absit, ideo etiam frigore & humiditate abundant. In qua cum alimenti copia insit, non exhauritur ipsa à vicino calore. Ibi sunt igitur colore albo homines, capillo promisso, statura proceri & bene habiti, naturâ subgelidi, sed & ipsi moribus feris propter frigoris illis in locis vim. Et conueniens cum his accedit hyemis magnitudo, & è terra nascentium granditas, & animantium saeuitia. Hos vocamus generaliter Scythas. Qui autem loca tenent interiecta inter tropicum Aestiuum & Septentriones, quia neque supra verticem illorum Sol fertur, neque inde longissimè ad Austrum recedit, in aëre degunt, valde illo quidem temperato & singulariter, sed frigoris, aestusque differentiae admodum paruae notantur, quapropter & medio quodam colore & medio cristatura & natura temperata sunt, habitationibus coniuncti, & moribus mansuetis.

Intemperata corpora à calido & sicco, frigida sunt interius & calida exterius. Ideo nigra & crassa & contracta & imbecillia & fera, propter siccitatem. Et similiter animalia. Contraria ratione, quae posita sunt inter circulum arcticum & polum, recta & alba & seua propter frigus, id est, propter calorem magnum qui fit à contractione facta propter

propter frigus: Ideò etiam iracunda. Et in feritate & iracundia sunt similes hi quidem, qui habitant in frigidissima regione propter caliditatem, & hi, qui in calidissima propter siccitatem. Et ideò inueniuntur Antropophagi in utraq; quorum facies sunt terribiles & ab humana adeò aliena, ut uideantur esse homines. Ita Haly & nostro tempore plures alij qui uiderunt, referunt. Hoc tertium ex duobus alijs pendet, nam ex ira & crudelitate cœperunt primò hostes captos deuorare, inde paulatim assueuerunt. Quartum est, quòd corpora illorum sunt magna in utraq; regione propter calorem exteriorem in una, & naturalem in altera. Quintum est ferarum abundantia in utrisq; quia homines non persequuntur illas propter uastitatem solitudinum. Sextum est penuria meliorum ciborum, ut uini et tritici, in calida propter siccitatem, in frigida propter frigus. Septimum est extrema quedam paruitas quorundam hominum in utrisq; regionibus, in calidissima propter siccitatem, in frigidissima propter frigus congelans humidum. Octauum est agilitas magna incolarum, in frigida propter robur caloris natiui, & exercitationem assiduam, in calida propter siccitatē neruorum, sicut apparet in phreneticis, & propter gracilitatem corporum. Nonum est malorum spirituum, ut Hermes dicit, & reliqua spectra: seu quòd solitudines mali spiritus incolere soleant, seu quòd in talibus regionibus tum propter aëris malitiam & intemperiem, tum propter prauorum ciborum usum humores adeò corrumpantur, ut talia falsò uidere & audire sibi persuadeant: tum præcipuè solitudinum metu imaginem talium augente. Ex quo sequitur decimum, quòd in talibus regionibus inueniuntur præcantatores et necromantici & magi maximi: tum propter spiritus malignos, aut persuasiones de illis, tum propter abundantiam ueneficarum plantarum, tum propter simplicitatem incolarum, quibus talia facile est persuadere.

suadere. Vndecimum, quod in talibus regionibus sunt herbe ueneficæ: sed tamen longè plures in calidissima: quanuis & in frigidissima non pauca præsertim frigidissima. Vnde in Scotia passim est cicuta, & apollinaris herba. Et hoc prouenit propter solitudines & intemperiem aëris, licet Scotia sit comprehensa sub regione temperata: Sed est in fine eius uersus circulum arcticum. Duodecimum, quod in utrisq; sunt homines rudes & deceptores: ruditas prouenit propter raritatem hominum: deceptio propter ruditatem: quia dum timent decipi, malunt præuenire. Et etiam propter ruditatem non est illis cura Dei aut honoris, propter quæ homines maximè custodiunt fidem. Differunt autem maximè in tribus, quia in calida homines sunt nigri, graciles, & regio serpentibus abundat: In frigida uerò homines sunt pingues, albi, & regio absq; serpentibus. Calida etiam regio profert gemmas & aurum, quia talia fiunt à magno calore, & humido pauco: In frigida autem fiunt metalla imperfecta. Velut plumbum & ferrum: quia fiunt à multo humido, & pauco calore. Verum in temperata regione omnia sunt mediocria, magnitudo, natura, mores, & color quasi rubeus & roseus & subsuscus, qui medijs sunt inter album & nigrum. Ex quo colligitur una regula generalis, quod cum calidissima regio terminetur ad latitudinem ab æquinoctiali partium uigintitrium cum dimidio, & frigidissima ad latitudinem sexaginta sex cum dimidio, ut tantum frigidissima extendatur à polo, quantum calidissima ab æquinoctiali: uel sequendo Ptolemæum, frigidissima incipit partibus sexaginta tribus ab æquinoctiali, erit temperatissima circa partem quadragesimam tertiam ab æquinoctiali usq; ad quadragesimam quintam. In qua altitudine est pars Italia maxima, & præcipuè Mediolanum. Ex quo patet, quod Mediolanenses sunt temperatissimi & optimorum morum, & pulcherrimæ formæ, & optimi ingenij, & terra illorum

illorum fertilissima est, & ualde mites, & mansueti supra omnes homines terra habitabilis. Et quātō gentes magis illis appropinquant, tantō sunt humaniores & a barbarie magis remota & cultu magis insignes. Quātō uerō magis appropinquant extremis inhabitabilibus, id est, male habitabilibus, tantō magis assimilantur illorum moribus, si frigidissima, moribus Getarum & Lapponum: si calidissima, moribus Aethiopum & Indorum. Contraria ratione, qui ex inhabitabilibus regionibus sunt, eō mitiores erunt & minus barbari ac feri, quō magis temperatae regioni erunt proximiores.

TEXTVS XI.

Horum etiā propiores Austro, ingeniosiores & calidiores, & rerum diuinarum periti magis esse consueuere, quōd punctus ipsorum verticalis propinquior sit cum signifero, tum errantibus sub illo stellis, pro quarum quasi familiaritate & ipsi animos habent propios & faciles in comprehensione ac uestigiatione rerum ac artium, maximēq; earum quae propriē Mathemata vocātur, praeterea orientales horum uiridiores sunt & animis firmis, nihilq; celantes. Orientem enim iure Solaris naturae esse dixerimus, proinde & pars illa diurna & uirilī & dextra putanda. Cernimus autem in animantibus quoq; dextra esse magis ualida & robusta, contra occidentales effoeminatiores sunt, & molliores, & occultatiores. Nam haec pars Lunae debetur, quae ab

occidente semper post interlunã conspicienda se præbet, atque ob hanc causam & nocturna & sinistra, vt opposita orienti traditur.

Laudes orientalium atq; meridionalium temperate regionis descripsit Ptolemæus, quoniam Aegyptus patria illius, eo in situ posita sit. At nos occidentalium quod occidentales sinus, & Borealium sub quibus Germani continentur, dicere par est. Nam litera Ptolemæi clara est. Quæ igitur in temperata regione ad Boream accedunt, quoniam ibi stellæ sunt egregie magnæ & illustres in Vrsis, & rutilus fulgor Arcturi, fortes sunt propter Martem, & patientes laborum propter Saturnum, iucundiq; & hilares propter Venerem, atq; effusi in largitionibus et conuiujs, nam stellæ illæ de natura maxime Martis sunt, inde Veneris & Saturni, parumq; Iouis. Occidentales uerò propter Lunæ naturam, minus superbi, & peregrinatores magni, fortes quoq; propter commistionem Martis cum Luna. Ex his patet, quod Ptolemæus existimat stellâ uerticales magnam habere uim, & sunt illæ, quæ tantum habent declinationis ab æquinoctij circulo, quanta est altitudo poli illius regionis. Præter has considerare debet stellâ quæ simul in ea regione ascendunt, aut cœli medium obtinent, aut descendunt, commiscunt enim uires inter se, quia plurimum eodem tempore possunt. Post has sunt, quæ in communi sunt circulo positionis, nam & hæ singulis diebus uires suas miscent inuicem. Inter has potentissimæ etiam sunt, quæ semel in die perueniunt ad communem intersectionem finitoris & Meridiani. Hæ enim singulo die, cum in eo puncto fuerint, erunt cum omnibus Planctis ac fixis in uno circulo positionis. Sunt autem hæ quæcumq; tantum habent declinationis Borealis seu Australis, quantum

deest

deest eleuationi poli regionis ad complendas 90 partes. Velut Londinum habet altitudinem poli partium 53. Et cauda Scorpij declinationem meridianam ab equatore 37 partium, & Vultur cadens tantundem uersus Boream. Dico, quod utraq; harum stellarum semel in die erit in communi sectione finitoris & Meridiani Londini: Ideo illa stella, plurimum poterunt in ea ciuitate. Et quicumq; nascetur ibi altera harum stellarum in illa intersectione constituta, plurimum poterit apud illos, & habebit mores ciuitatis exquisitissimos. Etenim omnia sydera in illa genitura cum illa stella, quia erunt in aliquo circulo positionis, cum ea necessario participabunt, inficienturq; illius qualitate. Vnde hoc notabile est in genituris.

Caput tertium.

TEXTVS XII.

*De familiaritate locorum, & triangulorum,
& stellarum.*



Am verò sequuntur hæc etiam de duodecim signiferi locis certi modi proprietates morum & naturalium institutorū. Ut enim in prædictis constitutionibus aëris, & ijs quos generaliter calidos, frigidos, temperatos esse perhibuimus, certorum quædam sunt proprietates locorum ac regionum, vbi illa generalia intenduntur remittunturue, vel obpositus sui naturam, vel altitudinem, vel humi-

liratem, vel propter etiam viciniratem. Itemq; cum alij equeſtres ſint propter campeſtria ſue patriæ loca, alij nauigatores ob viciniratem maris, necnon mitiores aliqui ob ſoli bonitatem. Ita & certi modi naturas animaduertere in his eſt, de naturali familiaritate ſtellarum iuxta duodecim loca ſigniferi particulariter & ipſa ſumpta non ſingillatim, ſed generaliter. Neceſſe igitur fuerit hæc quatenus particularibus conſiderationibus famulantur, nũc deinceps exequi.

Cũ declaraffet orbis partes generales, triſariam illas uariari ſecundum diuerſas portiones docet: primum quidem, gratia exempli, aſſumpta Hiſpania, cũ ſit prouincia temperatæ regionis, plurimum differt à Germania, & longè plus à Meſopotamia. Hoc autem triſariam contingit, uel ob propinquitatem maiorem ad æquinoctialem, uel minorem, & ita ad occidentem: Nam Hiſpania eſt propinquior æquinoctiali & occidenti, quàm Germania, longè etiam plus occidenti propinqua, quàm Meſopotamia, minus autem longè æquinoctiali: quamobrem maxima eſt differentia inter incolas iſtarum trium prouinciarum. Et per hoc non ſolum nobis dedit modum cognoscendi differentiam prouinciarum inter ſe, ſed etiam partium prouinciarum inter ſe. Veluti Mediolanum eſt magis occidentale & boreale, quàm Florentia: Ideò Mediolanenſes ſunt fortiores, & pulchriora habent corpora, & delicatiores, & laborum patientiores: At contrà Florentini ſunt magis compati, & ornati & lingua liberiores, & minus cibo indulgent.

gent, & magis amatores scientiarum & disciplinarum Mathematicarum. Hæ enim sunt proprietates australium & orientalium, quas declarauit in textu præcedenti, & pertinent ad Astrologum: Sed sunt adeò manifestæ, ut possint ascribi etiam philosopho naturali. Secundum est discrimen à natura loci, de quo locutus est Hippocrates in Libro de Aëre & aquis, & sumitur maximè à quinque conditionibus principalibus, quarum prima est, quòd locus sit campestris, aut montuosus, & est figura terræ. Nam campestres, sunt molliores, mitiores, & minus robusti habitatoribus montium, magis diuites & compti, artiumque cultores. Secunda est à natura terræ, quædam enim arenosa est & facit robustiores homines, sanos & industriosos: quædam est argilacea, quæ facit opulentiores, sed infirmiores: ubi uerò opulentia, ibi mores sunt mansuetiores, & cultus artium uiget propter præmia, & omnia magis ornata. Tertia differentia est à situ, quo ad montes: si enim montes sint à parte orientis & septentrionis, erunt morbo si, imbecilles & effæminati: si uerò regio ab his partibus patuerit, montes uerò sint ab occidente & meridie, erunt incolumes, uiribus firmi, armis dediti, feroces, artium minutarum contemptores, ut pingendi, musicæ. Quarta est in comparatione ad situm aquarum: Vel enim omnino arida est, uel stagna adsunt, & paludes uel torrentes, uel fluuij uel flumina magna: & hæc uel ab oriente uel occidente, septentrione, aut medio quodam situ. Salubriores enim, ubi aqua uelociter mouetur, & Soli exponitur, & à latere orientali est, & boreali, contrario modo montibus. Quinta est à uicinitate maris, uel distantia: Mare enim non debet alijs adnumerari aquis, tum ob salsedinem, tum ob caliditatem, tum etiam ob amplitudinem & uentorum perpetuum flatum. Vnde qui mari uicini sunt, omnes sunt mercatores uel pyræ, magis longæui & magis firmi, periti natandi & nauigandi. Quæ-

dam uerò ex his consequuntur, ueluti quòd habitàtes in plà-
 nitie, magis sunt equites: Et ob id etià equitando magis ua-
 lent: Habitantes in montibus, omnes sunt agiliores & firmio-
 res. Rursus habitantes in regionibus insalubribus, etià ob
 id sunt imbecilliores, ideòq; etià minus fortes, quia conscij
 suarum uirium, minus ergo crudeles ob timorem: unde con-
 suetudine postmodum fiunt misericordes. Ob hæc uerò astu-
 ti & fallaces conscij suarum uirium: omne enim genus non so-
 lum hominum, sed etià beluarum robore uel astutia se tue-
 tur. Ob id dici solet, quòd ubi pellis Leonis desit, Vulpina illi
 assimilis assuitur. Hæc enim duo animalia satis accommodatè
 inuicem comparantur, quòd alterum roboris, alterum uer-
 sutie maximè sit: Et pelles illorū ambæ quasi sint flauæ. Pro-
 pter hæc & tales laboriosi sunt, & circa minutas artes, pro-
 pter uirium imbecillitatem tractant minutas artes, & solici-
 tudine complent atq; assiduitate, quòd uiribus deest. ob id etià
 mercaturam exercent, quia potius assiduo labore indigent,
 quàm magno. Ideòq; etià specie liberales uidentur, ob con-
 uersationem, intrinsecus tamen auari: quoniam omnis timi-
 dus est auarus, & omnis auarus timidus. Propter hæc etià
 blandi sunt uerbis admodum, tales enim sunt timidi auari &
 mercatores. Sunt etià ob hæc omnia dissimulatores maxi-
 mi, adeò ut etià metum ipsum dissimulent. Hæc & multa
 alia, quæ innumera essent, ex hoc uno principio, quòd mor-
 bosi sint, omnia sequuntur. quæ si uelim singula persequi,
 commētarius in infinitum excrescet. Sufficiat autem hæc quæ
 ad morbosum statum succedunt, licet non omnia præscripse-
 rim, pro exemplo adduxisse: ut non solum ex hoc aliorum sta-
 tuum successus intelligas, sed etià uel huius omnia, quæ suc-
 cedunt & consequuntur, nondum tamen sunt explicata. Itaq;
 bene dicebat Haly, quòd si quis nascatur in oppido littoris
 maris, qui debeat esse ex genitura maximus medicus, quo-
 modo

modo poterit si sibi omnes fuerint nautæ fieri medicus, nisi exi-
uerit illam patriam? sed erit inter nautas peritior, & sciet
etiam quadam auxilia in medicina empirica, ut solent scire
nautæ. Et ita si quis debeat esse ex genesi maximus ductor ex-
ercitus, & Rex, & nascatur inter imbelles Nasamones, quo
modo poterit fieri dux & Rex? sed tamen fiet dux inter suos,
& forsan in suspicionem Regis adductus de rebellionē, occide-
tur mandato Regis. Et ita eadem genesis in ciuitate libera &
armis potente significabit ducem & Regem felicem, & inter
Nasamones uel alias imbelles gentes, uel subditas alieno Regi
significabit obscurum tyrannum, & seditiosum ducem, qui
breui etiam sit malè periturus. Et hæc est causa, quod tot
fuere inclyti duces Romanorum, Atheniensium, & Lacedæ-
moniorum. An putas defuisse geneses strenuorum ducum in
alijs ciuitatibus? Tamen omnes mediocres, & egregiarū plu-
rimæ, effectu frustratæ sunt: In tribus uerò illis ciuitatibus,
quod iam bello inclytæ essent, & magnum imperium adeptæ,
sufficiebat mediocris genitura. Et ita considera de diuitijs, de
artificibus, & de omnibus alijs.

Ex hoc patet, quod Ptolemæus scripsit de uniuersalibus,
non tam propter illa, quam etiam propter singularia & ge-
neses ipsas, in quibus maximè diligens fuit, quod etiam patet
per ea uerba (Si quis singularium rerum prædictionibus ope-
ram dare uelit, non possit sine comprehensione generaliorum
esse ad illas instructus) Et hæc est causa præcipua, quod li-
brum hunc, qui subiecti ratione longè maior esse debuerat,
alijs breuiorem fecerit, & nisi unicum: nam tractatio hæc etsi
etiam propter se facta sit, maiore tamen ex parte propter ge-
neses facta est. Nec solum uniuersalis ratio regionum ad pri-
uatos, sed etiam ad Reges pertinet. Nam Scotici Reges om-
nes ferè ferro pereunt, adeò ut ex centum quinq; uix qua-
tuor uel quinq; morbo perierint. Anglorū uerò Reges om-
nes

Cap. I.
huius.

nes ferme seditionibus agitantur. Gallorum autem Reges ab utrisq; sunt immunes. Si igitur nascatur Rex Scotticus, cum uel mediocribus signis necis uiolentæ, omnino trucidabitur. Si uerò Rex Anglicus cum genesi habente signa seditionis populi, Rex ille non solam habebit, sed & magnas & plures. Si uerò Rex Gallorum cum signis uiolentæ necis & seditionis mediocribus, nec occidetur, & minima seditione uexabitur. Et hæc fuit causa, quòd Rex Gallorum Franciscus, primus non obierit in prælio anno MDXXV quando captus fuit à Cesarianis, nec seditione exturbatus fuit à Duce Borbonio, nec mortuus fuit in carcere in Hispania: Nam in omnibus his Regnum seruauit Regem, & non Rex seruauit Regnum: nec propria genesis ipsius Regis, quæ mala erat & infelix. Et ideo hæc est causa, quòd qui nesciunt uti bona fortuna, dum Reges ipsi infelices habet genituras, magna incommoda patiuntur successu temporis. Nō enim decet in bellis Regum, fortunam existimare esse Regni. Et hoc totum alta mente celauit Ptolemæus.

Tertium discrimen partium regionū est, ex trigonis: nam reliqua duo faciunt quidem ad genituras, non tamen possunt reduci ad euentus uniuer sales. Vtpote si incidat cometes uel eclipsis in Ariete, non possum dicere quòd pertineat ad Britanniam, quia sit uicina occidenti uel circulo arctico, uel quia sit plana uel circumdata mari: sed oportet quòd sciam rationem qua sub signo, Arietis puti, collocetur. Secundo, usus est ratione trigonorum, quia regiones propinquæ sunt similes in multis, utpote Galli sunt mediij inter Germanos, Anglos, Hispanos & Italos. Cum igitur sint similes magna ex parte Italici, & non sint sub eodem signo, si ponantur gratia exempli signa propinqua, utpote Leo dominari Italia, Cancer aut Virgo dominabuntur Gallia: sed talia signa & domini illorum sunt omnino diuersa à Leone & Sole domino Leonis. Igitur

tur non fuisset seruata ratio similitudinis morum. Similiter multò maior confusio fuisset, si hæc familiaritas fuisset sumpta à signis quadratis uel oppositis. Et præter id oportuisset diuidere orbem terrarum uel nostram regionem in sex partes ratione oppositionis, uel in tres ratione quadrati, quod est contra naturam diuisionis quæ fit per circulos magnos. Nam cum duo circuli magni se diuidunt, diuidunt spheram in quatuor partes, & si fuerint tres circuli, in octo, & si quatuor, in sedecim. Ergo nunquam poterunt in tres aut sex partes diuidere. Signa ergo trigona primum cum sint quatuor ordinibus distincta, maximè conueniunt diuisioni habitabilis terræ per circulos magnos in quatuor partes. Secundo, conueniunt ratione similitudinis formæ: Aries enim, Leo & Sagittarius sunt agrestia, & quasi fera quadrupeda: Cancer, Scorpio & Pisces sunt quasi aquea: Nam Scorpio licet non uiuat in aquis, uiuit tamen in locis humidis, & sunt omnia muta: Gemini, Libra & Aquarius omnia sunt humana uoce, moderata etiam moribus: Taurus uerò & Virgo & Capricornus sunt mansucta & cicurata animalia, nisi quòd Virgini tribuitur forma humana propter magnam potestatem quam in eo signo obtinet Mercurius. Conueniunt etiam ob trigonum radium ista signa familiaritate quadam naturæ, adeò ut quidam existimauerint esse qualitatum similiū, nequid absurdum est, nec contra Ptolemæi opinionem. Non tamen ob id solum inter se conueniunt. Sed sicut tres mercatores, quorum unus sit Italus, alter Gallus, reliquus Hispanus, qui societatem inierunt, familiaritatem inter se habent, & amicitiam, & consensum, & eodem modo tractant negotium mercaturæ & simili forma literarum, cum tamen sint diuersorum morum & naturarum. Ita contingit de trigonis, quorum signa communi consensu susceperunt administrationem unius quartæ partis terræ habitabilis. Et tum maximè, quia concordant
singu

singula triangula in duobus dominis, quibus p̄arent, & à quibus reguntur & gubernantur. Tertiò, factum est istud, quoniam quaedam regiones ualde distantes magnam habent inter se similitudinem, non solum morum, sed etiã quia simul eisdem infortunijs quandoq; magis affliguntur quàm confines prouinciæ. Imò plerunq; confinium prouinciarũ contingit ut una sit felix & alia infelix, cum una aliam inuadit. Vtpotè cum Galli ueniunt in Italiam bello eam deuastantes. Non conueniebat igitur confines prouincias ponere sub eodẽ signo, propter hanc causam, neque succedentibus sibi inuicem propter causam antè dictam. Cũq; inuenirentur ut diximus regiones distantes magis similes inter se euentibus & moribus, quàm propinquæ, ueluti Britannia & Iudæa, ob id Britannia & Iudæa, quod sint peruicaces & truces atq; seditiosi, Britanni Arieti tribuuntur, Iudæi uerò quod impij, insidiosi & audaces, similiter sub eodem signo sunt atq; Planeta. Sic utraque harum regionũ sepius & obstinatius, ut nulla alia à Romanis rebellauit, ac sepius ad internicionem concissa. Et utraq; similiter novos ritus legis & diuini cultus sibi fabricauit, aliquando quidem in melius, per sepe in deterius. Quod uerò hæc diuisio per trigonos alijs tribus quartis terræ conueniat, satis dictum est. Sed in Septentrionali inferiore sufficiet occidens pro oriente, & oriens pro occidente commutare. Quia ratione inuenta commutato ordine domiciliorum, fiet trigonus Solis & Iouis. Primus Libræ, Aquarij & Geminarum. Secundus Lunæ & Veneris, Scorpij, Piscium & Canceri. Tertius Saturni & Mercurij, Sagittarij, Arietis & Leonis. Quartus Martis & Lunæ, uel Martis & Veneris, Capricorni, Tauri & Virginis. Primò igitur dabitur pars, quæ est inter occidentem & antarcticum Marti & Ioui. Secundò, dabitur pars, quæ est inter æquinoctialem & orientem, Saturno & Veneri. Tertiò, quod est inter orientem & antar

antarcticum, eiusq; dominis Saturno & Ioui. Eadem ratione
 & quarto dabitur, quod est inter equinoctialem & occiden-
 tem Marti & Veneri. Eadem quoque ratio erit de finibus:
 Nam fines finibus erunt contrarij ad unguem: dabimus enim
 fines Ptolemæi descriptos in tabula superius Libræ, ipsi Arie-
 ti, & Scorpionis, ipsi Tauro, & Arietis ipsi Libræ, & Tau-
 ri, ipsi Scorpioni commutata ratione, seruatis eisdem domi-
 nis atq; numeris ad unguem. Inuenta autem ratione quarta
 partis superioris terræ uersus antarcticum, quo ad triangu-
 los & fines, habebis etiam inferiorem solum commutatis, ut
 in nostra regione oriente in occidentem, & occidente in orien-
 tem, superioris partis cum inferiore.

Cap. 19.

TEXTVS XIII.

Cùm ergo in signifero quatuor triquetra
 configurationes animaduerti soleant, osten-
 sum est in superioribus à nobis, vnum trian-
 gulum, nēpe Aries & Leo & Sagit. esse Bor-
 rolybicum, quod nomē significat Aquilonis
 & Africi confusionem. Hoc gubernatur pri-
 mùm quidem à Ioue, propter Aquilonē, de-
 inde à socio etiam propter Africum. Triangu-
 lum autem Taur. & Capr. & Virgo Austriso-
 lanum est, habetq; principem dominatricem
 Venerem propter Australitatem, socium verò
 Satur. propter matutinitatē: At Gem. & Lib.
 & Aquar. triangulum commissionis Aquilo-
 nis & Subsolani est, cuius dominatio præci-
 pua est Satur. propter matutinitatē, sociūq;
 admittit Iouem ab Aquilone. Triangulum
 Canc.

Canc. & Scorp. & Pisc. Notolybicum, id est, Austri est & Africi, primūmq; regitur à Marte propter Africum, deinde & à socia Ven. propter australitatem.

Cap. 17.

Qui memor est eorum, quæ in primo libro superius scripta sunt, ne uel uno uerbo ad expositionem hoc in loco indiget. Qui uerò illa non intellexit quæ toties repetuimus, nec nunc, etiam si folia centum commentarij scripserim, intelliget. Ceterum hæc repetijt Ptolemaeus, nō ut necessaria, sed ut ordo ad sequentia melius connecteretur. Quam etiam ob causam figuram apposui, per quam quæ sequuntur, facili possent intelligi. Sed prius ipsum Ptolemæū audiamus dicentem:


TEXTVS XIII.

Quæ cum ita se habeant, & cum nostra terra distribuatur in quadrātes æquales numero triangulis quatuor, per latitudinem quidem à mari nostro ex Herculano freto usque ad sinum Issicū, & ulterius versus orientem Montanum usque dorsum, quibus separatur pars Aquilonaris ab australi. Per lōgitudinem autem ex Arabico sinu per Aegeum pelagus & Pontum ac paludes Mæotidas, quibus diuiditur pars orientalis & occidentalis, conficiuntur ita quadrātes numero positūq; congruentes cum triangulis, quorum vnus totius terræ collocatus est, secundum Aquilonis & Africi commissionē, dictus Borrolybicus, ad Celticam: habetq; commune nomen Europæ, illiq; oppositus, item vnus secundum commissionem

tionem Austri & Subsolani, quem dicunt Notapelioten ventum, ad Aethiopiam orientalem, quæ pars Australis magnæ Asiæ rectè dici poterit. Tertius est quadrans situs, secundum Aquilonis & Subsolani cōmitionem, qui ventus vocatur Borrapeliotes, vbi est totius terræ pars, quam nominamus Scythiam, fitq; planè Aquilonaris magnæ Asiæ pars, huicq; oppositus secundum Africi & Austri, qui ventus vocatur Libonotus, commistionem ad occidentalem Aethiopiam, vocatúrque communiter Libyæ.

Facile, imò facillimum est in proposita figura, quæ Ptolemaeus proponit, distinguere.

Diuidit totam terram huius quartæ partis tam habitabile, quàm inhabitabile per duas lineas: quarum altera transit ab oriente in occidentem,



primum, quod est inter septentrionem & occidentem, quem uocat Europam & a uento medio Borrolybicum dat Arieti, Leoni & Sagittario, & dominis eius Ioui & Marti. Secundum statuit illi oppositum inter meridiem & orientem, in quo est Asia & subiicitur medio uento inter austrum & orientem, quem uocant Notapeliotē trigono secundo Tauri, Virginis & Capricorni & dominis eius Veneri atq; Saturno. Similiter tertium statuit inter septentrionem & orientem, ubi dicit esse Scythiam, & tribuit trigono Geminorum, Libræ & Aquarii & dominis eius Saturno & Ioui. Et quartum illi oppositum, ubi ponit Lybiam seu Aphricam quarto trigono Cancrī, Scorpij & Piscium, & dominis eius Marti & Veneri.

Animaduertenda sunt hīc duo pro intellectu sequentium, quod totius partis Australis ultimam extremitatem, quæ est iuxta lineam C D uocat Aethiopiam: sed partem ipsius quæ est orientalis iuxta D F uocat Aethiopiā orientalem, & quæ est iuxta F C uocat Aethiopiam occidentalem. Secundum, quod magis refert est, quod cum toti Septentrioni præponat Iouem, & toti meridiei Venerem, & toti orienti Saturnum, & toti occidenti Martem, sit ut in primo quadrante domine tur Mars & Iupiter non simpliciter, sed occidentalis, id est, Iupiter, prout habet conditiones occidentalis. Et in secundo Saturnus & Venus, non simpliciter Venus, sed Venus orientalis. Et in tertio Saturnus & Iupiter, non simpliciter, sed Iupiter orientalis. Et eodem modo in quarto Mars & Venus occidentalis. Et hanc distinctionem orientalis & occidentalis in beneficiis inuenit Ptolemæus, ut doceret uarios mores gentium. Nam stellæ orientales habent adeo diuersos mores ab occidentalibus, ac si essent non unus Planeta, sed duo penitus diuersi. Et hoc diligenter nota pro intellectu eorum, quæ inferius adijciuntur. Incepit autem Ptolemæus numerare quadrantes

drantes ab occidente & septentrione, & non ab oriente neq;
à meridie, ut sequeretur eundem ordinem, quem sequutus est
in Geographia: nam ibi incipit ab extremo occidente, id est, à
fortunatis & à septentrione, ideo fecit primam tabulam, in
qua descripsit Hiberniam & Albionem, id est, Angliam, quia
sunt in extremo septentrionis & occidentis. Diuidit autem
unumquemq; quadrantem in duas partes, ut cum dicit:

T E X T V S X V.

Præterea sciendum, singulos quadrantes,
quæ vergunt in medium totius terræ nostræ,
fortiri diuersam naturam naturæ suæ, quàm
in totius terræ diuisione obtinuerint. Nam
quadrans Europæ, quem diximus in diuisio-
ne totius terræ in Borrolybico loco, id est, ad
Caurum positum, in medio & qua angulus
exit in oppositi quadrantis angulum ad No-
tapelioten, id est, Vulturum tendit, & in po-
situm huius quadrantis deuoluitur. Quod
ipsum & de alijs similiter accipi debet. Vnde
apparet singulos quadrantes binis triangulis
contrarijs conciliari, cum alia quidem loca
prorsus in se incumbens triangulum susti-
neant, media autem illa etiam in contrarium
incumbant. In hac conciliatione assumendi
sunt & gubernatores singulorum triangu-
lorum, atque rursum hi quidem soli alijs in
locis, in medijs autem illis & cum his Mer-
curij stella, quod media hæc quidem & com-

munis sit vtriusque conditionis.

Duo facit in presenti textu Ptolemæus. Primum quidem diuidit unumquemque quadrantem linea recta in duos triangulos sibi inuicem oppositos, ut in figura uides. Gratia exempli, primum quadrantem diuidit per lineam ductam à septentrione in occidentem in duos triangulos: unum, qui uocatur extremus, & est ille in quo inscriptæ sunt notæ ♄ et ♀. Alterum, qui tendit ad medium, in quo est inscriptus primus & ita de alijs quadrantibus. Cum igitur sint quatuor quadrantes, fient octo trianguli, quorum quatuor dicuntur extremi & puri, quia non tanguntur ab alijs quadrantibus: et quatuor qui uocantur trianguli medijs, qui circundantur ab alijs tribus triangulis medijs. Vnusquisque enim eorum habet duos alios triangulos à latere, & tertium à fronte seu opposito. In uno quoque autem illorum posui numerum sui quadrantis, scilicet primus, secundus, tertius, & quartus, ut intelligeres cuius quadrantis essent illi trianguli. Secundum quod docet, est quod cum sint octo trianguli, quinam Planetæ singulis dominantur: & regula est generalis, quatuor triangulis extremis seu puris dominantur sui duo Planetæ inscripti: utpote primò Mars & Iupiter occidentalis: Secundò Saturnus & Venus orientalis: Tertio Saturnus & Iupiter orientalis: Quartò Mars & Venus occidentalis. In triangulis autem medijs ponit Mercurium in medio, sicut uides in figura: quia Mercurius est particeps dominationis in omnibus triangulis medijs propter quatuor causas. Prima, ut & ipse haberet dominium in mundo: Secunda, quia habitantes in medijs regionibus sunt ingeniosiores & disciplinis magis dediti & artibus, quæ omnia per Mercurium significantur: Tertia, quia sunt negotiatores & transeunt de uno triangulo in alium triangulum, & ex uno quadrante in alium quadrantem:

tem: Et hoc est proprium Mercurij, qui transit in naturam singulorum planetarum, excepto Sole & Luna. Fit enim Mercurius quandoq; perfidus, ut Saturnus malè dispositus, & patiens, ut Saturnus bene dispositus, & lascivus ut Venus, & ferox ut Mars, & iustus ut Iupiter. Quarta, quia natura illius est media inter Planetas reliquos omnes quatuor, ideò meritò collocatur in medio. Sol autem & Luna non ponuntur domini triangulorum propter id, quod omnibus dominantur generaliter. In omnibus enim regionibus est aliquid iustitiæ, & fidei, & studij, gloriæ, & modus dominandi, quæ omnia habentur à Sole. In omnibus etiam regionibus uigent commercia hominum & consuetudines, desiderium nutriendi filios, & uidendi regiones nouas, & piscandi & colendi agros, & lucrandi, quæ omnia sunt à Luna. Ideò nulla est gens tam barbara, quæ ex toto possit se expoliare ab affectibus & moribus Solis & Lunæ, qui sunt communes omnibus gentibus. Sed si uis distinguere inter mores Solis & Lunæ, discrimen est, quia mores Solis tendunt ad honestum, generosum, munditiam, & imperandum: Lunæ humiliora sunt omnia, ideòq; ad lucrum, uoluptatem, sorditiam & seruandum. Potest faciliè comparari Sol nobilitati, Luna plebi in ciuitate. Sol patri, Luna matri in domo. Et ideò Sol non diligit adeò filios sicut Luna, id est, nati sub illis. Et ita Sol significat ex ætate iuuentutem, Luna pueritiam. Mercurio igitur in medio constituto, iste ordo seruatur in medijs triangulis: primum dominantur Planete trianguli oppositi, ut pote in primo triangulo medio primum dominabuntur Saturnus & Venus orientalis, secundo Mercurius, tertio domini ipsius quadrantis, id est Mars & Iupiter occidentalis. Et ita in quarto triangulo medio dominabuntur, primum Saturnus & Iupiter orientalis qui sunt domini tertij quadrantis, inde Mercurius, inde Mars & Venus occidentalis,

Et ita in alijs: Et hæc est causa, quòd ipse posuit secundum
 trigonum illum qui est ab opposito primi & non à latere. Et
 causa est, quia quæ pendent ab astris, nihil habent commune
 cum coniunctis & adherentibus, sed potius cum oppositis.
 Ideò primus triangulus participat de natura secundi oppo-
 siti, & non de natura tertij & quarti, qui sunt à lateribus.
 Ex hoc etiam patet, quòd regiones quantò magis sunt uer-
 sus medium in triangulis medijs, magis participant de natu-
 ra Planetarum quadrantis oppositi, deinde Mercurij, & mi-
 nimùm de natura Planetarum proprij quadrantis. Quæ uerò
 sunt iuxta basim trianguli medijs, plus participabunt de
 natura Planetarum proprij quadrantis, & minus Mercurij
 & oppositi quadrantis. Medij uerò inter cuspidem & basim
 æqualiter omnibus. Exemplum in primo triangulo medio, id
 est primi quadrantis basis habebit plus de natura Martis
 & Iouis occidentalis, inde de natura Saturni & Veneris oc-
 cidentalis ac Mercurij. Cuspis uerò trianguli eiusdem, scilicet
 primi quadrantis, plus habebit de natura Saturni & Vene-
 ris occidentalis, inde Mercurij, inde Martis & Iouis occiden-
 talis. Medium uerò inter cuspidem & basim medio modo &
 quasi æqualiter omnium particeps erit. His igitur constitu-
 tis, ipse tractat primò de primo triangulo, id est, exteriore
 primi quadrantis: deinde de medio primi quadrantis: post de
 exteriore secundi quadrantis: deinde de medio secundi qua-
 drantis: & ita deinceps. Circa quòd notanda duo sunt. Pri-
 mum, quòd partes triangulorum extremorum, ut magis ap-
 propinquant medio, id est, lineæ mediæ, sunt maximè de na-
 tura fermè unius Planetæ tantum: uelut qui sunt maximè sub
 Borca & declinant neq; ad orientem, neq; ad occidentem,
 nisi parum, ipsi sunt de natura Iouis fermè ex toto, & pa-
 rum ualde Martis aut Saturni. Et ita qui sunt in lineæ occi-
 dentis & non declinant ad meridiem, neq; septentrionem, ipsi
 sunt

sunt ferme extoto de natura Martis & quasi nihil Iouis aut Veneris. Et ita illi qui sunt iuxta æquinoctialem, nec declinant ad orientem nec occidentem, sunt toti de natura Veneris, & nihil ferme Martis uel Saturni. Et ideo in totum similes foeminis, imbelles, libidinosi, luxui & uoluptatibus ac delitijs dediti, nihil omnino ingenuum aut uirile cogitantes. Et ita de orientalibus, qui sunt omnino medij inter septentrionem & austrum pro Saturno. Secundum, quod in triangulis medijs licet obseruentur Planetae contrarij quadrantis, tamen uult quod illi exuant naturam propriam quantum ad orientale & occidentale, & induant naturam quadrantis propriam. Exemplum, in triangulo medio quadrantis primi dominiatur Saturnus & Venus qui sunt domini quadrantis secundi scilicet oppositi, sed in quadrante secundo semper dominiatur Saturnus & Venus orientalis: in triangulo autem medio quadrantis primi dominabuntur Saturnus & Venus occidentalis, quia triangulus ille est pars quadrantis occidentalis & non orientalis. Secundum hoc igitur statuimus dominos octo triangulorum per ordinem, sicut ipse facit ad facilitatem intelligentiam textus sequentis. Circa quod notandum est, quod benefice uariantur penes orientale & occidentale, scilicet Iupiter & Venus: sed Saturnus & Mars non uariantur penes boreale & australe. Causa est duplex, tum quia benefice facilius uariantur, quam malefice: tum quia orientale & occidentale sunt qualitates in re, id est in ipsis Planetis, uere & naturales, quæ ortum habent à comparatione Planetarum ad Solem: sed Australe & Boreale sumuntur hic, non ut latitudines ab ecliptica, sed solum ut differentie partium terre, quibus Planetae dominantur. Et ita non faciunt aliam differentiam quam illam, quæ dicta est superius in primo discrimine prouinciarum, quæ magis appropinquant æquinoctiali uel polo boreali. Quod si quis uellet con-

siderare Australe & Boreale iuxta latitudinem in Saturno
& Marte, tunc posset ponere Australes agiliores, leuiores.

Secundum hoc igitur, ordinem dictum sequentes, externo
triangulo quadrantis primi dominantur Mars & Iupiter
occidentales soli. Et ex signis ♀.♂.♂.

Triangulo medio quadrantis primi dominantur primò
Saturnus & Venus occidentalis, inde Mercurius, inde Mars,
atq; Iupiter occidentalibus. Ex signis ☿.♃.♂.

Triangulo externo quadrantis secundi Saturnus & Ve-
nus orientalis soli. Et ex signis ☿.♃.♂.

Triangulo medio quadrantis secundi Mars & Iupiter
orientalis primò dominantur, deinde Mercurius, deinde Sa-
turnus cum Venere orientali. Et ex signis ♀.♂.♂.

Triangulo externo quadrantis tertij soli dominantur Sa-
turnus & Iupiter orientalis. Et ex signis ♀.♂.♂.

Triangulo medio quadrantis tertij primò Mars & Ve-
nus orientalis, deinde Mercurius, deinde Saturnus & Iupi-
ter orientalis. Et ex signis ♀.♂.♂.

Triangulo externo quadrantis quarti soli dominantur
Mars & Venus occidentalis. Et ex signis ♀.♂.♂.

Triangulo medio quadrantis quarti dominantur primò
Saturnus & Iupiter occidentalis, inde Mercurius, inde Mars
& Venus occidentalis. Et ex signis ♀.♂.♂.

Et secundum hoc omnia dicta Ptolemæi quæ in sequenti
textu sequuntur, sunt adeò manifesta, ut nulla indigeant
expositione, nisi quod oportet ut habeas Geographiam illius
ante oculos, sine qua non potes bene intelligere quæ ille
scripsit de prouincijs, & earum natura. Et idè malè fa-
ciunt, qui multa nugantur in declaratione situs prouincia-
rum, cum commentaria augeant in infinitum, & nihilo-
minus non possunt rem perfectè docere, nisi depicta figura
orbis habitabilis. Quæ profectò hic si suis coloribus de-
picta

pieta adijciatur, plus proficiet ad exquisitum intellectum sententiae Ptolemæi de prouincijs, quam si magnum uolumen commentariorum conscribatur.

TEXTVS XVI.

Quibus ad hunc modum distributis, primi quadrantis Europei superiora loca, quæ sita sunt in totius terræ diuisione inter Septentrionem & Occasum, conciliantur Borrolybico, hoc est, Caureo triangulo, quod est Aries & Leon. & Sagit. dominos habent cōuenientes Iouem & Martem vespertinos. In hoc totæ gentes hæ nominantur, Britannia, Gallia Brachata, Germania, Bastarnæ, Italia, Gallia togata, Apulia, Sicilia, Tyrrheni, Celtica, Hispania. Atq; in his gentibus consequenter hi mores animaduertuntur, vt sint ob principatum triangulū sui & dominatores illius impatientes regni, & amantes libertatis: armorum bellicq; studiosissimi, patientes laborum, præstantia, munditiæ, fortitudinis sectatores. Propter vespertinum autem habitū Iouis & Martis, proptérq; suum triangulū, accidit his, vt prioribus partibus viriles sint, posterioribus effeminati, & mulierū amore non tangantur, cupidi masculæ Veneris, & hac in parte amulatores, neque hoc apud illos vitio datur ulli, neq; molle ducitur, quod hoc ipso animi illorum non perturbentur & quasi laborent, sed

retineāt nihilo fecius vsum virtutis, amicitiae, fidei, curę rei familiaris, beneficentiae. Harum ipsarum regionū Britannia, Gallia brachata, Germania, Bastarnae, propriē subsunt Arieti & stellae Mart. Itaq; harum incolae sunt communiter feroces, peruicaces, truces. At Italia, Apulia, Gallia togata, Sicilia, Leonī subiectae sunt & Soli, praestantiae, benignitati, amicitiae student. Tyrrheni verò & Celtae, Hispaniq; commendati cum Sagitta. Ioui, libertatis, simplicitatis, munditiae sunt amatores. Reliqua loca huius quidem quadrantis, sed vergentia in mediū totius terrae, Thracia, Macedonia, Illyricum, Graecia, Achaia, itēq; Cretae & insulae Cyclades & maritima loca Asiae minoris ac Cyprus, decliua de quadrante suo ad Vulcanum, adiunguntur etiā triangulo hoc Vulcani, quo comprehenditur Taur. Virg. Capricorn. & gubernatricibus stellis Vener. ac Saturn. atq; insuper etiā Mercur. Quapropter horum locorū incolae magis sunt & corporibus & animis compositi, & temperati. Et ipsi sanē praestantiae cupidi, fortes, regni osores propter Martem, Musicae autē & studiorum, libertatis cupidi, legum institutorūq; suorum tenaces, populari imperio gaudentes, latores legum, quę à Ioue habent. Certaminum & mūditię studiosi à Vener. Amicitiae, hospitalia

talitatis, iuris, literarum, eloquentiæ cultores, à
 Merc. Idem arcanorum sacrorum & initio-
 rum institutores de Vener. vespertino habi-
 tu. Rursus ex his peculiariter pertinent ad *Regioes 8*
 Taur. & Vener. maritima minoris Asiæ loca,
 Cyclades insulæ ac Cyprus: ideòq; ferme vo-
 luptatibus, munditiæ, corporiq; seruiunt. At
 Græci, Achiui, Cretenses, subditi Virg. & *Regioes 10*
 Mercu. ingeniosiores & doctiores & animo-
 rum cultores euaserunt. Macedones autem,
 Thraces, Illyrici cum subiiciantur Capricor. *Regioes 11*
 & Satur. in re quidem paranda non inertes,
 sed à mansuetudine morum & coniunctioni-
 bus alieni.

Secundæ quadrantis quæ pars est Australis
 magnæ Asiæ, loca in quibus India, Ariana, *Trophæe*
 Gedrosia, Parthia, Media, Persia, Babylon, *Regioes 12*
 Mesopotamia, Assyria, spectantia Vulturum
 in totius terræ diuisione, conciliantur & ipsa
 meritò triangulo Notapeliotico, id est, sito
 inter ortum & meridiem, Taur. Virg. Capri-
 cor. Gubernaturq; à Vener. & Satur. de orien-
 tali habitu. Quare & naturas illorum homi-
 num cognoscere, est huiusmodi dominationi
 conuenire, nam & Vener. numen adorant, vo-
 cantq; Isin, & Satur. itémq; Solis, quem Mi-
 tram nominant. Multi etiam horum futura *Regioes 13*
 præcununt, necnon & pudendæ ab his par-
 tes

tes consecrantur, quæ efficiuntur ab habitu præpositarum stellarum feminalium. Ipsi natura sunt flagrâtes concubitus, reiq; Venereæ appetentes. Saltationes his & trepidia, compitûsq; cordi à Venere, delicatûsq; victus à Saturno cum mulieribus propalam nō in occulto consuescunt, propter habitum orientalem, sed masculam Venerem odere. Neq; pauci ex matribus liberos suscipiunt, & pectore sup-
plices gestus edunt, propter matutinum ortum, & congruentiam cordis præstantiæ cum vi Solari. Vestitus ferè ornatûsq; & corporis delitijs effœminati à Venere, animis autē, consilijsq; excelsis, fortes, bellicosi, eò quòd Saturno cum habitu orientali cōgruat. Sed peculiari-
ter sunt Iouis, Venerisq; magis Parthia, Media, Persia. Qua de re & harum regionum incolæ florido vestitu vtūtur, seq; totos illo præter pectora operiūt, delicatoq; victui, ac munitiæ dant operam. Virginis & Mercur. est Babilō, Mesopotamia, Assyria, quibus ideò & eximia Mathematicarum disciplinarū cognitio & observatio syderum contigit. Saturno uerò cedit propriè India, Ariana, Gedrosia, habentq; eam ob rem cultores deformes, fœdos, immanes. Media huius quadrantis loca in diuisione totius terræ, Idumæa, Cælosyria, Iudæa, Phœnice, Chaldæa, Orchinia, Arabia

Arabia felix, recedunt à suo quadrante ad Cancrum, qui ponitur inter Septentrionem & Occasum, itaq; Borrolybico triangulo conciliantur, quod est Ariet. Leon. Sagittar. cum dominis Ioue & Marte, quibus communis Mercur. adiungitur, unde sunt ad mercaturas faciendas alijs aptiores & callidiores, in formidine contemptores, insidiosos, animis feruilibus, omninoq; instabiles pro stellarum præpositarum figuratione. Est autem Cælosyria, Iudæa, Idumæa, magis Scorpion. & Ariet. Martisq; propria, ob eamq; re incolas habent ferè audaces, impios, insidiosos. Phœnices Chaldæi, Orchini sub Leone & Sole sunt: quod simplices, humanos syderum obseruatores, inq; primis Solis veneratores reddit. Arabia felix subest Sagittar. & Ioui, unde extitit illa cōsentanea appellationi feracitas & copia aromatum, & hominum dexteritas, & liberalitas vitæ contractuum, negotiorum.

Sequitur quadrantis tertij septentrionalis pars magnæ Asiæ, cuius superiora loca continent Armeniam, Hircaniam, Mattianem, Bactra, Casperiam, Seticam, Sauromatas, Oxianen, Sogdianen, quæq; alia in diuisione totius terræ spectant Aquilonē, qui est inter Septentrionem & Orientem locus. Hæ regiones igitur conciliantur Aquilonari triangulo Gem.

Lib.

Lib. Aquar. Gubernatores autē Sat. aq; Iup.
 habitu orientali. Harum itaq; incolæ Iouis &
 Saturni numina venerantur, sūntq; ditissimi
 & auro abundantes, victu mundo, & consue-
 tudine honesta, sapientes, magi, periti rerum
 diuinarum, moribus ad liberalitatem & iusti-
 tiam compositis, animo magno, fortes, osores
 improbitatis, ita naturæ quodam instinctu
 amantes suorum, vt pro ipsis ne mortem qui-
 dem oppetere dubitēt, respectu decoris ac pie-
 tatis. In vsu rei Veneriæ moderati & puri, ve-
 stitu sūptuosi, benigni, animo sublimi, quod
 ferē Saturn. Iouisq; stella orientali in habitu
 conficit. Cæterum, ex his Hyrcani, Armeni,
 Matiani propriē referuntur ad Gem. & Mer-
 cur. itaque & sunt mobiliiores ac subimpro-
 bi. Bactrianæ gentes & Caspiæ vnā cum feri-
 cis Lib. pārent & Vener. indēq; diuitias con-
 gerunt, Musicæ delitiisq; indulgent. At Sau-
 romatica, Oxianæ, Sogdianæ subiiciuntur
 Aquar. & Saturn. habēntque homines imma-
 nes, tetricos, feros. Reliqua huius quadrantis
 & in medium totius terrę decidua loca, Bithy-
 nia, Phrygia, Colchis, Syria, Cōmagene, Cap-
 padocia, Lydia, Cilicia, Pamphylia descendūt
 à suo quadrante ad Africum, qui est inter oc-
 casum & meridiem, inciduntq; in Notolybi-
 cum triangulum Canc. Scorp. Pisc. dominan-
 te

te Mar. & Vener. cūmq; his Mercur. Hinc il-
 læ gentes ferè numen Veneris adorant, mul-
 tis variisq; suę linguę vocabulīs, vt Martem
 Deum celebrantes, ipsūmq; Martem Ado-
 nin, rursūmq; aliter appellant, hisq; diuis
 cum questibus inītia habent constituta. Sunt
 autem perimprobi & animis seruilibus, labo-
 riosi, mali, impliciti expeditionibus mercena-
 rijs, belligerationibus, rapinis, prædatiōibus,
 ipsi mutuò sese subigentes, & vastationes si-
 biipsis, bellūmq; inferētes: quę omnia à Mar.
 & Venere orientali concursu proficiscuntur.
 Quoniam autem in Vener. triangulari signo
 Capricorn. altitudinem habet Mart. & in hu-
 ius itē triangulari signo Pisc. ipsa Venus extol-
 litur, fit, vt illis in locis summa beneuolentia
 & charitate maritos suos fœminæ comple-
 rantur, domiq; custodes sint & operum stu-
 diose, famulatione, sedulitate, obediētia com-
 mendabiles. Ex his Phryges, Bithyni, Colchi
 pertinent magis ad Cancr. & Lunā. Quo fit,
 vt viri ferè leues sint, morigeriq; mulieribus.
 Contrā harum pleræq; de Luna orientali ma-
 sculinitate, viriles, imperiosæ, bellatrices, vt
 Amazones perhibentur, fugientes virorum,
 gaudentes armis, advirilitatēmq; fœmininum
 sexum instruentes ab infantia dextre mamme
 amputatione, quò habiliores ad subeūda belli
 muta

munia fiant. Has etiam partes corporis nudare solent, vt in rebus gerendis muliebritatis omnino opinio amoueat. Qui vero Syriam tenent & Comagenem, & Cappadociam, subduntur Scorpion. & Mart. itaque multum audent, improbi sunt, insidiosi, laboriosi: At Lydi, Cilices, Paphlagoni cedunt Pisc. & Ioui. suntque in re paranda attentiores, commercia & mercaturas faciunt, liberales, faciles in contractibus.

Restat quadrans Lybicus, vt appellant, in quo sunt Numidia, Carthago, Africa, Phryzania, Nasamonitis, Garamantes, Mauri, Getulia, Metagonitis. Huius situs in diuisione totius terrae est ad Libonotum, id est, Africum inter occasum & meridiem, conciliaturque Notolybico triangulo Cancr. Scorp. Pisc. regiturque conuenienter a Mart. & Vener. habitu vespertino. Ex quo apud illas gentes usu multum venit, vt vir ac mulier, aut frater ac soror vna matre geniti, regnum teneant, sic quidem vt vir viris, mulier mulieribus praesit, & hoc in successione seruatur. Calidi ibi sunt homines, procliuus in muliebrem Venerem, raptos coniugum. Ibi multis in locis cum nouis nuptis primi sunt regum concubitus. Aliubi etiam est mulierum inter omnes communitas. Mangonistantur autem admodum & muliebres mundos gestitant, quod a Venere habent.

habent. Non est tamen animorum illis prom-
ptitudo. Sunt nonnihil improbi, præstigiato-
res, peruersi, temerarij, obuij discriminibus,
idque à Marte. Rursum ex his Numidæ,
Carthaginenses, Afri, debentur Canc. & Lun.
& hac de causa à coniunctionibus commer-
cijsq; non alieni sunt, inq; omnium rerum af-
fluentia degunt. Sed qui incolunt Metagoni-
tida, Mauritaniã, Getuliam, Scorpio obediunt
& Marti, immanes, bellicosi, carniuori, disci-
minibus obuij, neglectores vitæ, inq; sese mu-
tuo inuadentes. Phizani, Nasamones, Gara-
mantes subiecti Pisc. & Ioui, liberalibus &
simplicibus sunt moribus, opus faciunt, con-
silijs valent, sordium regniq; fugientes, pro-
pter Iouem, Ammonis veneratores. Huius
quadrantis media loca in totius terræ diuisione
Cyrenaica, Aegyptus, Thebaïs, Marmari-
ca, Oasis, Troglodyte, Arabes, Asania, Ae-
thiopica media, à suo quadrante versa ad Aquil-
lonem subeunt et sub Borrapelioticum etiam
triangulum & dominos Satur. ac Iou. insu-
pérq; Merc. Vnde gentes hæ pro cõmuni stel-
larum istarum vespertino imperio, Deorum
sunt reuerentes, superstitiosi, seruiantes dñs,
eiulatores, mortuos suos occultantes terra, &
amouentes è conspectu, propter vespertinum
habítum, institutis & ritibus varijs, neq; vno
s cultus

cultus numinum genere vtuntur. Pàrent humiliter, cùmq; metu, & abiectione, ac patientia. Imperant animosè & magnificè. Viri plures vxores, foeminae maritòs habent. Connubia appetunt, cùmque sororibus commiscentur. Virorum in gignendo magna efficacia, in concipiendo mulierum foecunditas, vt in regione accommodata generationi. Multi ibi viri putidi, & animis muliebribus reperiuntur. Aliqui & in partes genitales grassantur, propter maleficarum ac Veneris vespertinamfigurationem. Ex his Cyrenarum Marmaricae inque primis inferioris Aegypti incolae ascribuntur propriè Gem. & Merc. ideòq; sunt cogitantes, prudentes, intelligentes rerum omnium, sed maximè sapientiae & diuinitatis, magi, arcanorum initiorum institutores, in Mathematicis planè excellentes. Qui Thebaida tenent, Oasin, Troglodyticen, Lib. sunt ac Ven. Vnde calida natura est illorum & mobilis & in abundantia degunt. Arabes, Azani, Medij, Aethiopes, dantur Aquar. & Satur. Suntque carniuori ac pisciuori & pastores. Agrestem & feris similem agunt vitam.

Nihil iam puto deesse ad intellectum praecedentis textus, sed existimo melius, ut postquam haec omnia principaliter propter geneses Ptolemaeus descripsit, ut etiam ad geneses Planetarum hi dominatus certo ordine ascribantur. Igitur ut ad dominos tertij trigoni deueniam, Saturnus & Iupiter orienti

orientalis facit diuini cultus obseruatores, ditissimos & auro abundantes, mundo uictu, consuetudine honesta, sapientes, magos, peritos rerum diuinarum, moribus ad liberalitatem & iustitiam compositis, animo magno, fortes, osores improbitatis, atq; adeo, ut pro decore ac pietate mortem oppetere non dubitent. In usu rei Venereæ moderatos & puros, in uestitu sumptuosos, benignos, & animo sublimi.

Mars cum Ioue occidentali facit amatores libertatis, armorum & belli studiosissimos, laborum patientes, fortitudinis, munditie, ac præstantie, conseruatores amicitie, ac fidei: Rei familiaris studiosi sunt custodes, beneficiq; ac uirtuti dediti: uerum à mulierum amore magis alicui, puerorumque sectatores: & qui ea ætate etiam Venereæ libenter patiantur. Atq; hi primo trigono externo conueniunt.

Saturnus & Venus orientales, faciunt diuinos, cupidosq; saltationum, & comptos, delicatosq; concubitus multi cum mulieribus. Sed tamen cum consanguineis & matribus etiam quandoq; concumbunt: uestitus & ornatus & delitiæ foemineæ quasi & molles: fiunt etiam eunuchi naturâ, alij uoluntate, nonnulli casu. Ceterum animis atq; consilijs excelsi, fortes, bellicosi. Talem fuisse Narsetem Eunuchum Iustiniani, qui barbaros ex Italia expulit, credendum est. Atq; hi secundo congruunt trigono externo. Sed tales etiam à masculina Venere abhorrent.

Mars cum occidentali Venere, facit procliuēs in Venereæ muliebrem, raptōres uirginum, uiolentos adulteros: adorant se, & muliebri habitu gaudent: improbi, præstigiatores, peruersi, temerarij, prompti manu, deniq; omnino mali præter fortitudinem, similes sunt habitantibus in quarto trigono extremo.

Iouis & Veneris orientalis mores sunt, delicatos esse, & munditiæ studiosos, & florido uestitu uti super omnes ho-

mines : tales sunt Persæ. Sunt etiam in re paranda attentiores Mercatores, faciles in contractibus, & liberales, consilio quoque ualent.

Saturnus orientalis facit deformes, foedos & inanes, ut Indi. Occidentalis autem carniuoros, ichthyophagos, pastores, moribus agrestes & feros: ut sunt Aethiopes occidentales.

Mercurius orientalis facit eos, qui Mathematicas optime assequantur, & syderum obseruatione maxime delectentur. Occidentalis autem ingeniosos & doctos, uerum non adeo Mathematicarum studiosos: sed qui animorum cultui tamen maxime incumbant. Generaliter autem facit mobiles & subimprobos.

Venus occidentalis facit uoluptatibus omnino deditos, sed tamen mundos: ut Cyprij. Orientalis autem, musicae studiosos et deliciarum. Generaliter autem mobiles, ut scemina.

Mars occidentalis facit feroces, pernicaces, truces, ut sunt Germani. Orientalis audaces, impios, insidiosos. Male dispositus, immanes, bellicosos, carniuoros, seditiosos, uitæ contemptores, periculis ultrò se offerentes.

Iupiter occidentalis facit libertatis amatores & simplicitatis & munditiei, ut Hispani. Orientalis autem liberales dexteritatis maxime. Ad coniunctionem cum hominibus aptissimos, & mercaturæ studiosos.

Sol facit præstantes, benignos, amicitiaque maxime obseruatores, ut Itali: facit & humanos simplicesque, & qui obseruationibus syderum delectentur.

Mars cum Venere orientali, facit improbos, laboriosos, latrones, rapaces, milites mercenarios, seruilibus animis atque omnino malos. Tum magis si Mercurio adiungantur.

Saturnus & Mars occidentales in re paranda facit minime inertes: sed ab amorum consuetudine & aliorum hominum coniunctione alienos, ut Mæcedones.

Luna

Luna orientalis facit sceminas uiriles, imperiosas, contentiosas, laboriosas. Occidentalis autem uiros molles, effeminatos & mulierum imperio subditos. Vnde fit, ut quibus in regionibus mulieres uiris exaquantur, aut plus possunt, ut in Gallia, hæ regiones Lunæ imperio magna ex parte subditæ sint. Tales autem mercaturæ apti, & à coniunctionibus cum alijs hominibus non alieni, diuitesque.

Saturnus, Venus & Mercurius occidentales, faciunt animo compositos & temperatos, fortes, libertatis amatores, & regni osiores: Musica studiosos, & eruditionis, Leges & instituta tenaciter seruant, & noua etiam condunt & inueniunt. Certamina & munditiem diligunt, amicitiam & hospitalitatem colunt, eloquentiæ operam dant, arcanorum quoque & sacrorum maximè periti.

Iupiter Mars & Mercurius orientales faciunt callidissimos mercatores, audaces, insidiosos, laboriosos, seruales & omnino instabiles.

Saturnus Iupiter & Merc. occidentales, faciunt superstiosos, mortuos sepeliunt, & illos multis ceremonijs lugent. Deum maximè timent. Sed multæ hæreses & multi ritus. Imperant animosè & magnificè, qui uerò parent, maxima cum patientia & metu, atque adeò humiliter, ut omnino abiecti esse uideantur. Fœcundi sunt tam uiri, quàm mulieres.

TEXTVS XVII.

Ac conciliationes quidem stellarum, signorumque cum certis gentibus communesque harum proprietates designatæ à nobis, breuiter ad hunc modum sese habent. Ad vsus autem facilitatem exponemus deinceps nudam traditionem conciliationis singularum gentium cum vnoquoque signo ex superioribus conuenien

uenienter ductam, hoc modo.

Quoniam hec omnia eo tendunt, ut effectus eclipsium & constellationum sciatur, quas in provincias dirigantur, ideo cum id sciri non possit, nisi cognouerimus quodcunque signum quibus provinciis dominetur: Restat igitur dubitatio, quoniam pacto affecto signo, sciamus quæ nam provincia debet affici. Vtpote Aries dominatur Britannie, & Germanie, & Iudææ, atque alijs provinciis multis, quas inferius describet: non par autem est Ariete per eclipsim affecto, ut in has omnes provincias simul calamitas aut felicitas perueniat. Postquam igitur non in omnes uenturus est effectus, scire par est, in quam uentura sit, hoc autem inferius declarabitur. Solum enim iam illud restat, quando quidem ex tam communi regionum situ in paucarum solum discrimina deueniamus, ut etiam distincte sciamus affecto uno signo, quæ nam provincia, ut dixi, illi ita subiiciantur, ut effectus in eas solas perueniat. Veluti Ariete affecto, an sola Britannia, an Iudæa, an Germania constellationi subiiciatur. Neque enim ut dictum est, uerisimile est, quod in omnibus idem effectus eueniat.

Circa hæc notandum est, quod leges omnes, ut Haly dicit, in medio habitabilis promulgantur, & ex illo in extrema perueniunt: quia Mercurius dominus est eius partis, scilicet mediæ, ut declaratum est. Leges autem multis uerbis indigent & rationibus, & mendacijs, etiam si oportuerit, & uolubilitate cerebri: quæ omnia à Mercurio significantur. Nihilominus Mercurius per se non potest dare legem, sed socius sit Saturno, & dat legem Iudæorum: quæ est durissima & foedissima, & plena mendacijs & abominatione, cum auaritia & usura, diuortio, & connubijs illicitis, & lepra, & immunditie gentis. Et associatur Ioui & dat legem Christianorum, quæ est munditie, pietatis, castitatis, misericordie, probitatis, & in qua plura fuerunt regna & honos summus

sacer

sacerdotij: quia Iupiter præest sacerdotio, & non admittit diuortium. Et associatur Mercurius Marti, & facit legem Mahumethi plenam uiolentie & crudelitatis, fœdam diuortio, & uxorum multitudini & libidini iunctam, fabulosis mendacijs & impudentibus refertam, abhorrentem à pietate & humanitate. Et facit iunctus Veneri legem idolorum debilem & luxui deditam, in qua omnia licent: Et multiplicem propter Mercurij potentiam: Ideòque cum Venus debilis sit, comparatione superiorum facta est leuis, plurium Deorum, plena superstitionibus & diuinatione, & fabulis, quæ plenæ sunt etiam adulterijs & flagitijs alijs, & amoribus puero- rum. Mercurius enim talia omnia significat. Et ex hoc patet, quòd lex Iudaica ortum habuit ab oriente, quia Saturnus orienti præest. Mahumethi autè ab occidente, quia Mars occidenti dominatur. Et Iouis imperium est à Septentrione, ideò in ea parte fundata est lex Christiana, licet & ipsa ab oriente, propter coniunctionem cum Iudaica, originem sum- pserit. Idolorum autem lex, quoniam à Venere exortum ha- buit, initium sumpsit à meridie, scilicet, Assyria, Babylonia & Chaldæis. Primus enim Belus Assyriorum Rex adorari se præcepit. Hæc autem dicta sunt, quæ ab Haly excitantur non obiter, sed ut accidentia quæ in legibus contingunt, & mutationes, & hæreses ex astris prævideri possint. Affligen- tur autem leges maximè, ut in trigonis oppositis coniunctio- nes maximæ fuerint. Est autem trigonus Christianæ, Aries, Leo, Sagittarius, & eius dominus Iupiter, quia Sol commu- nis est. Idolatriæ, Taurus, Virgo, Capricornus, & eius do- minus Venus, nam Luna communis est. Iudaicæ, Gemini, Li- bra, Aquarius, & eius dominus Saturnus, nam Mercurius communis est, quia omnibus fauet. Et ideò posteriores leges Iudaicam non deserunt, sed recipiunt, quia Mercurius, quo omnes leges indigēt, propriè dominatur trigono Iudæorum.

Idèò decreta eius legis tanquàm fundamenta ab alijs recipiuntur. Trigonus autè Cancrì, Scorpionis & Piscium Mahumethica præst, nam Mars religioni illi dominatur, & initium dedit coniunctio media anno Christi D. XC in Cancro. quæ postmodum perseveravit usq; ad annum D. CCLXXXIX in signis aqueis: nemini autem dubium est, quòd Mahumethes natus est intra hos terminos, legemq; ipsam promulgavit. Christus quoq; natus est post sex annos à coniunctione maxima in Ariete, promulgavitq; legem ea coniunctione in trigono Arietis, Leonis & Sagittarii uigente. Itaque tum ab origine temporis, tum regionum ubi cœperunt, tum moribus, patet hos trigonos hosq; Planetas, has leges moderari. Aduersantur autem trigoni, prout & Planetæ: trigonus quidem Arietis trigono Cancrì, quia Mars & Iupiter inimici sunt, & maxime potentes ambo, idèòq; diuturnum bellum. Similiter trigonus Tauri trigono Geminorum, quia Venus & Saturnus inimicissimi, sed ambo debiles tamen. Vnaquæque etiam lex, maxime posterior, alias destruit. Hec autem alibi dicta sunt: sed hac presenti proposito sufficiunt.

T E X T V S . X V I I I .

Nuda expositio, quæ gentes quibus sub signis ponantur.

Aries, habet Britanniam, Galliam Brachitam, Germaniam, Bastarnas, Cœlosyriam, Palestinam, Idumæam, Iudæam.

Taurus, Parthiam, Mediam, Persida, Cyclades insulas, insulam Cyprum, maritima loca Asiæ minoris.

Gemini, Hircaniâ, Armeniam, Mattianen, Cyrenas, Marmaricâ, inferiorem Aegyptum, Cancer.

Cancer, Numidas, Carthaginenses, Afros,
Bithyniam, Phrygiam, Colchida.

Leo, Italiam, Galliam Togatam, Siciliam,
Apuliam, Phœnicen, Chaldaeos Ochiniam.

Virgo, Mesopotamiam, Babylona, Assy-
riam, Græciam, Achaiam, Cretam.

Libra, Bactra, Casperiā, Seras, Thebaida,
Oasin, Troglodytas.

Scorpio, Metagonitida, Mauros, Getu-
ios, Syriam, Commagenen, Cappadocas.

Sagittarius, Tyrrhenos, Celtas, Hispa-
niam, Arabiam felicem.

Capricornus, Indiam, Arrianen, Gedro-
siam, Thraciam, Macedonas, Illyricum.

Aquarius, Sauromatas, Oxianen, Sogdia-
nen, Arabiam, Azaniam, media Aethiopiæ.

Pisces, Phazaia, Nazamonitis, Garamian-
tice, Lydia, Cilicia, Pamphylia.

Dubitabit aliquis quare Iudeam diuiserit à Palestina &
Idumæa: Et similiter Italiam ab Apulia, cum Apulia sit Ita-
lie pars, & Idumæa ac Palestina Iudææ? Respondeo, quod
Ptolemæus favit Græcis in hoc, quia Apulia uocabatur Græ-
cia magna: in alio Ethnicis seu Idolorum cultoribus: nam Iu-
dei unum Deum colebāt, uolebat uideri Ptolemæus quod Iu-
dei occupassent illas prouincias, hocq; studium fuerat Re-
gum ipsorum Aegyptiorum, ut eo prætextu quod & sepe fe-
cerunt, Iudeam inuaderent.

Animaduertendum, quod ad trigonos attinet atq; leges,
Mahumethicam quæ sub Marte est, sibi adiungere Venerem

uel Lunam, ut in triangulo uisum est, Venerem ob inexhaustam libidinem, diemq; illi dicatum colunt, Lunam quòd laboriosissimi sint atq; uagi, eiusq; in uexillis imaginem referunt. Ob utranque autem plures accipere uxores lex illa permittit. Iudaica autem Mercurium Saturno adiungit, unde ipsi maxime sunt industrii, loquaces & miseri, & parandæ rei pecuniariæ dediti. Christiani Ioui iunctum habent Solem, illiusq; diem colunt Dominicum, sicut & Iudæi Sabbatum propter Saturnum. Sol autem significat iustitiam & ueritatem. Christiana autem lex plus continet ueritatis, & simplicitatis reddit homines. Idolorum lex Veneri Lunam adiungit orientalem, sicut Mahumethica occidentalem; Ob id multos Deos, multasq; illorum formas fingeat pro uarietate formarum Lunæ. Obseruabat autem Calendas à nouilunijs sumptas more totius Græciæ, & antiqui ritus Romanorum. Inditum enim est unicuique legi, prouincia, genti, regno, ciuitati, familie, deniq; homini cuique, ut aliquid eorum obseruent, quæ à dominatrice stella significantur, uel etiam ipso nomine ad eam pertinent.

His itaque explicatis, reliquum est, ut ipsorum signorum significata & mores, pro genesi unicuiusq; hominis utilia, ipsisque prouincijs à Ptolemæo descriptis correspondentia, subiiciam. Igitur

Aries facit feroces, peruiaces, truces, audaces, impios, insidiosos.

Taurus uoluptatibus deditos & munditiæ corporis, qui florido uestitu utuntur, delicato uictui operam dantes.

Gemini mobiles ac subimprobos, cogitantes, prudentes, intelligentes rerum omnium: sed maxime sapientiæ & diuinitatis, magi, arcanorum institutores, in Mathematicis planè excellentes.

Cancer facit mercatores, & bonos socios, & qui rerum affluen-

affluentia gaudeant : sunt tamen leues & morigeri mulieribus. Mulieres autem quibus signum hoc dominatur, uiriles, imperiosæ, contentiosæ, laboriosæ.

Leo constantes, benignos, amicitiaq; studentes, simplices, humanos, syderumq; obseruatores.

Virgo facit optimos mathematicos, obseruatores syderum, & omnibus disciplinis aptos, ingeniosos, doctos, animorumq; cultores.

Libra Musica & delitijs deditos, & qui diuitias congerant, calida sunt natura ad Venerem, mobilisq; consilij.

Scorpio, immanes, bellicosos, carniuoros, discriminibus obuios, neglectores uitæ, seditiosos, improbos denique & fallaces ac laboriosos.

Sagittarius simplices, munditiei & libertatis amatores, liberales, dexteros in negotijs, & contractibus aptos.

Capricornus, deformes, foedos, immanes, à mansuetudine morum & coniunctionibus alienos, sed in re paranda minime inertes.

Aquarius carniuoros, ichthyophagos, pastores, & agrestem uitam, ferarumq; similem agentes, immanes & tetricos.

Pisces liberales, mercatores attentos, faciles tamen in contractibus, simplicibus moribus, minime sordidos, popularem statum amant, consilio ualent, et pulchrorum operum sunt artifices.

Caput quartum.

TEXTVS XIX.

Particularium prædictionum ratio.



Is expositis, conuenit & hæc adiungi huic parti: Fixarum etiam stellarum singulis aliquo in signo reperiatis, conciliari easdem regiones, quas illud

illud signum sortitum fuerit, quo cū ipse inducto per polum suum circulo, regiones eas aspiciant.

Fieri non potest, ut quispiam Astrologiam assequatur nisi subtilissimè tradita foret atq; rationibus exquisitissimis atq; abstrusissimis. Quis uerò potuisset eas inuenire rationes, nisi qui motuum stellarum causas tam profundissimè fuisset uenatus? At uerò is erat Ptolemæus Aegyptius: qui si non natus fuisset, aut liber iste per tot secula seruatus nō fuisset, actum prorsus de Astrologia fuerat. Verum in tot seculis neq; qui exponeret illum inuentus est aliquis propter difficultatem, nam incognitus expositor purus erat Grammaticus, qui uerò uertit, etiam longè deterior. Haly uerò conatus in irritum cecidē, propter exemplaris corruptionem. Itaq; magno fato factum puto, ut liber hic, tū duo illi expositores qualescunq; sint, in manus meas deuenirent, quo tempore propter inopinatum iter in ultimas Angliæ regiones, nullum detuleram mecum librum ex meis, quem explere possem: adeò ut ne tempus per otium mihi percurreret in Ligeri Fluuio, dum Lutetiam pergo, in ipsa naui Commentaria hæc conscribere aggressus sim. Atq; id bona fortuna quadam, qui cum equos mecum haberem, non sponte sed ab alijs persuasus, secundo amne uehi potius duxerim: & cum nihil tale cogitarem, oblata occasione, prima die hunc librum exponere cœpi, atque in quinque diebus initium eius conscriptum est. Quod si Aristoteli credendum est, id plus quàm dimidium dici potest, quod totum rei initium continet, equidem quod maius testimonium ueræ & subtilissimæ inuentionis Ptolemæi esse potest, quàm quod lex nostra, & seruator ipse sub Arietis coniunctione superiorū natus est: & ipsa lex orta, cœpit enim duodecimo Christi anno disputare, promulgata uerò sub coniunctione suæ
supe

periorum in Sagittario, in regione Arieti subiecta: & nunc,
 quod, ut dictum est, mediolorum triangulorum uis maior sit in
 extremo opposito, uiget in Gallia, Italia, Britannia, Sicilia,
 Germania, Hispaniaq;: Quæ omnes trigono illi Arietis exter-
 no subiiciuntur. Rursum lex ipsius Mahumethis sub a quo tri-
 gono fundata est, & in illius quadrante, in Arabia sub Aqua-
 rio promulgata in medio trigono, confirmata autem magis in
 Armenia, Hircania, Mattiane, Baëtra, Casperia, Setica, Sau-
 romatibus, Oxiane, Sogdiane. Demum propter concursum
 aquei trigoni qui in quadrante quarto uiget, promulgata est
 etiam in Numidia, Carthagine, Africa, Phyzania, Nasamo-
 nitis, Garamatibus, Mauris, Getulis, Metagonitis, Bithynijs,
 Colchis, Syria, Cappadocia, Lydia, Commagene, Cilicia, Pam-
 phylia. Arabia autem adiacet Aegyptus, Cyrenaica, Aethio-
 pia, Media. Constat & Scythicam gentem in extremo trian-
 guli quadrantis tertij ultimam futuram, quæ nomen Mahu-
 methi relinquat: sicut & Hispaniam & adiacentes regiones
 ut dixi, legem Christi. Hæc tam subtilia sunt, si causam diuer-
 sitatis intelligis, quoniam illa maior est, cuius quadrans con-
 sentit cum tempore promulgationis, quadrans enim duos ha-
 bet trigonos, & duo trigoni duobus trigonis respondent mu-
 tuo sibi inuicem oppositis. Ista firmior, cuius trigonus consen-
 tit cum tempore promulgationis. Sed iam ad textum redea-
 mus. Docuerat superius tres esse differentias ipsorum loco-
 rum, quibus diuersitas contingeret in hominibus atq; in ge-
 nituris: sed unam præcipue per quam regiones uniuersales di-
 stingerentur, calidam, frigidam & temperatam. Secundam,
 per quam distingerentur provincie temperate regionis:
 imò etiam intemperatarum. nam hæc tribuuntur conterminis
 regionibus trianguli externi temperati. Veluti Lituania &
 Moscouia & Lappones, & Getæ, & Noruegia erunt sub
 Marte, & Ioue, & Ariete, sicut Germania. Tertia differen-
 tia

tia fuit illa, quæ quinque discriminibus constabat, quam reducit ad secundam. Quia tertia illa naturalis erat & eo modo reducitur ad Astronomicam. Hoc igitur in capite tria facit. Primum quidem docet fixarum vires ad regiones traduce re. Nam sicut cuique regioni suum dominum signum ascripsit, & Planetam aut planetas, qui signo præessent, ita fixas non ex dominio signi, cum non dominantur signis, ex loco adiungit: Veluti oculus Tauri tempore Ptolemæi erat in Tauro, & ita afficiebat Cyprum & maritima loca Asiæ minoris & Parthos, ita nunc afficit Hircanos & Armenos & Aegyptum, quia nunc ingressus est Geminos. Et ita cor Scorpij cum olim esset in Scorpio, afficeretq; Syriam & Mauros & Capadocas, ita nunc afficit Hispaniam & Celticam Galliam, ubi est Lutetia, & Normanni & Neustrij, & quos uocant Britannos Gallie: fecitq; rapaces & subdolos, qui aliò quin antiquo tempore erant boni socij, quia erant sub Sagittario, & nunc stella illa quæ maximam significat auaritiam & crudelitatem atq; audaciam, Sagittarij ingressa est. Ita loca stellarum in signifero quæres, & vires illarum signis ascribes.

T E X T V S X X.

Præterea, ea loca signiferi potissimum consideranda de magnis vrbibus, quæ metropoles dicuntur, per quæ in harum extructionum principijs, vt in genitura hominis, ferri Solem ac Lunam animaduersum, vbique ex cardinibus præcipuè horoscopus fuit. Quarum autem tempora extructionum non comperiuntur, videndum, quo cadat M. C. in genitura Principum ac Regum, quæ quoq; tempore rerum potentur.

Hec est secunda pars, in qua docet deuenire ex prouincijs ad ciuitates metropolitanas, id est, principes aliarum ciuitatum: Veluti in Italia Roma, Venetia, Mediolanum, Neapolis, Florentia, Sena, Ferraria, Matua, Genua, Luca, Taurinum, & quaecumq; tales seu imperent alijs urbibus, etiā quod alieno Regi pareant, ut Mediolanum & Neapolis: seu non pareant, ut Venetia: seu nullis imperent urbibus, libertatem tamen suam tucantur, ut Luca, Metropolis nomine intelliguntur. Nam reliquæ ciuitates quæ neq; per se regūt, neq; alijs imperant, fortunam Metropolis maxima ex parte sequuntur. In omnibus igitur his, quæ quoquomodo seorsum aliquid habent principatus, ut in Mediolanensi regione Papiatq; Cremona, iubet Ptolemæus principalia loca debere obseruari erectionis illius ciuitatis, tāquā in genituris. Tria autem maximè principalia docet Solis & Lunæ & horoscopi seu ascendentis: nam medium cœli pertinet ad Principem potius ciuitatis, & horoscopus refert ipsam ciuitatem. Si igitur talia loca afficiuntur, afficitur & ciuitas. Quod si ignota sit cōstitutio cœli, quæ fuerit adificationis ciuitatis tempore, tunc medium cœli ciuitatem gubernantis in genitura tantāquā principalem locum ciuitatis, obseruabis.

Ex hoc habetur pulchra regula, quod ubi habueris & genesin ciuitatis (ita enim nunc manifestioris doctrinæ causa, figurarum cœli uoco constitutionem declarantem syderum tempore primæ adificationis) & genesin gubernantis, oportebit medium cœli genesis gubernantis considerare, & locum Solis ac Lunæ atq; ascendentis genesis ciuitatis conferre: tum inter se pro generali regimine, tum ad eclisium præceditum constitutionē. Quod si locus gubernetur ab aliquo proconsule, princeps autem procul absit, tunc permixta erit fortuna ex ipsis tribus, scilicet geni urbis, quæ primum obtinet locum, inde medi cœli ueri principis, tertio loco medi cœli guber

gubernatoris. Sed si princeps uerus in urbe sit, uel propè gubernatoris genesis prætermittenda est.

TEXTVS XXXI

His præcognitis, consequens fuerit percurrere rationem prædictionum, primùmque illas quæ totas regiones urbisue complectuntur, cuius contemplationis modus erit talis. Non est prior neque potentior causa huiusmodi casuum, quàm quæ ducitur à defectibus Solis & Lunæ copulationibus, & transitibus stellarum illarum tempore.

Hec est tertia pars, in qua docet generalem modum & proprium procedendi: de proprio agit ibi: sed prædictionum. In hac igitur proponit duos modos generales, quorum primus pertinet ad locos, & est, ut consideremus secundum tres illas diuisiones, scilicet, an hoc erit in regione calidissima, uel frigidissima, uel temperata: deinde per trigonos, & signa, in qua prouincia illius partis. (Sed maxime temperatam habet in consideratione) Tertiò in qua metropoli illius prouinciæ. Propter quod sciendum est, quòd ubi cõcordaret ciuitas cum constellatione, & non concordaretur prouincia, effectus continget. Sed nunquam poterit prouincia concordare, quin etiã quadrans ipsum concordet. In hominibus autem, etiam quòd concordaret genesis propria & non concordaret ciuitas, in qua est homo, nihil erit. Et propter hoc credo, quòd eclipsis illa in Tauro in parte horoscopi mei anno MDXXXIX nihil egerit, quia non concordabat cum ciuitate Mediolani, ubi ego eram & habitabam, uel propè. Nam nulla fuit pestis aut magna calamitas ab eo tempore usque nunc in tota regione Mediolanensi, in qua perpetuò habitauì. Et ex hoc patent duo corollaria. Primum, quòd nō afficiuntur homines. à ge-

nera

neralibus constitutionibus, nisi afficiatur ciuitas. Ciuitas tamen afficitur, etiam quod constitutio non adiungatur prouincie signo, et non potest adiungi prouincie signo, nisi prius consentiat cum illo ex octo trigonis, in quo est prouincia, et non potest affici trigonus, nisi tota afficiatur pars, scilicet quae est uniuersalis, et in qua trigonus continetur. Causa autem, cur absq; testimonio trigoni loci deliquij affligitur ciuitas, non autem prouincia, est, quia ciuitas habet principium per se, prouincia autem non, nisi ut est pars quaedam. Sed de ciuitate et homine est alia ratio, quia ciuitas potest pati pestem et excidium per se, quia cum sit res uniuersalis, respicit constellationem uniuersalem, per se absque prouincia, homo autem non potest pati pestem aut excidium absq; excidio aut peste ciuitatis: Quia cum sit singularis, non est subiectum proportionem respondens causae uniuersali. Similiter est animaduertendum signum ascendens pro ciuitate, nam si congruat prouinciae aut loco Lunae, aut Solis, aut horoscopi edificationis, augebit effectum. Quia cum locus deliquij non sit nisi unus, non potest concordare nisi cum loco principali ciuitatis, nec posset concordare uel cum prouincia, nisi ubi ciuitas haberet ascendens ipsius prouinciae, sed hoc non semper ita euenit, imò omnes ciuitates unius prouinciae affliguntur diuersis temporibus: igitur concordia est sumenda etiam ab abscendente. Sed Ptolemaeus commemorauit solum principalem locum, qui est deliquij. Manifestum est igitur ex ista demonstratione, quod non est necessaria concordia prouinciae, ut ciuitas deliquio subiiciatur. Secundum, quod quilibet potest euadere à talibus infortunijs generalibus mutando regionem, nisi sit omnino connexus per ascendens aut significatores primos.

Secundum autem uniuersale est, quod ducitur ex causis ipsius effectus: et ille erunt eclipses primò Solis uel Lunae:

t

deinde

deinde stella, quæ loca eclipsium respiciunt, aut quæ simul ascendunt aut in cæli sunt medio. Nihil autem refert, seu transitibus scribas seu circuitibus, quod Græca dictio sonat.

TEXTVS XXII.

Sed prædictionum huius partis, vna est localis, quæ continet præscientiam regionum ac vrbum, quibus intenditur significatio particulariter defectuum luminarium, aut concurrentes stellarum menstruationes, quæ sunt Saturnus, Iupiter, Mars, cum stationarij fiunt.

In parte hac declarat primum proprium, quod ad locos pertinet, quod sumitur ex defectibus luminarium, aut stationibus trium superiorum: quoniam, ut dictum est, uix inferiores dicuntur habere stationes, cum fuerint superiores hi domini loci eclipsis, uel in ipso loco eclipsis, uel in aspectu ipsius eclipsis, uel exoriantur hora eclipsis, & maxime si cum horum uno fuerint in stationibus, aut oriantur chronice, id est uesperis, in opposito Solis: aut occultentur, ita ut sint quatuor status horum principales, & tres qui accedunt.

Notandum, quod eclipsis quanto maior fuerit, tanto ipsa est generalior: & generaliter, licet non semper, centrum Lune proximius est, ipsa q; Luna eclipica: imò ferme necessarium est, cum eclipsis generalis fuerit, ut Luna circumferentie extremitate saltem tangat eclipicam: ideoq; effectus fiunt uehementiores atq; generaliores, tum uerò diuturniores.

Notandum etiam, quod ex deterioribus concursibus quæ in cælo fiant, est coniunctio Saturni & Martis in Cancro, cum deliquio coniungitur: quoniam Saturnus cadit à domo, Mars ab exaltatione, & Saturnus corrumpit effectus Lune, quæ ibi habet domum, & Mars corrumpit effectus Iouis, qui ibi exaltatur. Et Martis calor in signo æstiuo augetur,

Et Saturni frigus propter Lunam: Et est signum propinquissimum uertici nostro, Et quadratum respectu Arietis, quod dominatur in Europa, quanuis non in Italia. Est etiam signum, quod præest mari Et morbis serpentibus, ut elephantiasis, Et prauis, ut carcinomati Et phagedæna.

TEXTVS XXIII.

Altera est temporalis, qua comprehenditur & significationum tempus, & durationis magnitudo.

Hoc est secundum proprium, quod continet duo genera temporis dilationis Et perseverantie. Exemplum: fit eclipsis aliqua Solis decima Maij alicuius anni, quæ durat una hora, Et tertia parte horæ, Et distat ab occasu quatuor horis ad unguem: tunc dicemus, quod initium istius effectus eclipsis erit post quatuor menses a tempore ipsius eclipsis propter quatuor horas distantia: Et quod durabit anno Et tertia parte anni: Et ita de tempore magnitudinis effectus. Hæc autem inferius aperte declarabuntur.

TEXTVS XXIIII.

Tertia generalis, in qua inest cognitio, quibus quidq; rerum generibus aduenturum sit.

Vult declarare in ea parte genus materie, seu subiectum, in quo erit futurus euentus, scilicet an erit in terra, uel in aqua, uel in aëre, uel in arboribus, uel segetibus, uel in piscibus, uel in serpentibus uel in auibus, uel quadrupedibus: Et sunt genera decem subiectorum hominibus additis. Sed hominum genus diuiditur per sexus, etates, leges, conditionem et qualitatem. Sexu, an in masculis, an in fœmininis? Aetate, an in pueris, an in iuuenibus, an in senibus? Lege, an Christianis, an Mahumethanis, aut reliquis? Conditione, an in infima plebe, an patritijs, an magistratibus, an principibus? Quali-

tate an in biliosis uel pituitosis: uel sapientibus, uel rudibus: uel otiosis uel exercitatis: uel artificibus, aut agricolis?

Deniq; ex tot conditionibus dum una alteram contrahit, ad ipsa fermè singularia peruenimus, & distinctè poterimus diiudicare de genere patientis.

Notandum circa intellectum propositorum & perfectiōnem eorum, quæ tractantur à Ptolemæo, quòd quinque sunt necessaria in omni actione: agens, & est principium, ut deliquia, & stellæ cum illis coniugata: patiens, & est genus materia, de quo nunc dictum est: & locus, de quo loquitur in capite sequenti: & tempus, de quo diximus, quòd habet duo genera dilationis & perseverantia, & qualitas effectus, de quo in sequenti textu. Ergo Ptolemæus nihil addidit superfluum, neq; defecit in aliquo necessario.

TEXTVS XXV.

Quarta & vltima specialis, qua definitur singillatim modus venturorum.

Hæc autem sunt, uelut casus domorum, lésiones à serpentibus, faces & cometa in cœlo, pestis, bellum, naufragia, inundationes, sterilitas, seditiones, atq; talia.

Caput quintum.

TEXTVS XXVI.

De Regionibus, quarum sint significationes.



Rimam igitur quam diximus localem, ita explicabimus. In copulationibus enim defectiuus Solis et Lunæ, præsertim euidentibus, considerabimus defectiuum signiferi locū, itēq; cōciliationes cum signis regionum per triangula.

gula. Item quid habeat consensum cum loco defectiuo signiferi, siue in vrbium primis ex-
structionibus, siue ab horoscopo, siue ab illis
locis, quæ tum lumina occuparunt, seu m. c
eorum, qui iam rerum summæ præsent. Qui-
bus conciliationibus repertis, decernemus
euentus omnino ad illas, quarum fuerint re-
giones pertinere, inq; primis si cum signo de-
fectiuo coniungantur, & si ipsis deliquium
supra terram existens apparuerit.

Lunæ deliquia fiunt interposita terra inter ipsam & So-
lem, quo fit, ut cum ipsa soleat lumen à Sole recipere, non re-
cipiat, & fiat obscurior, non tamen planè obscura, sed quasi
rubra: quia præter lumen Solis & ipsa quippiam habet lu-
minis, quo luceat uelut obscura pruna. Cum igitur Luna
delinquit, cum uerè lumine Solis priuetur, modò ipsa sit su-
per terram, deliquiū eius uideri potest. At de Sole non eadem
est ratio, quippe Sol delinquit Luna interposita inter ipsum
& terram, quo fit, ut Lumen Solis intercipiatur ab oculis
nostris, non tamen ab ipso Sole aufertur, cum sit ipsius pro-
prium. Itaq; cōtingit Solem esse supra terram, & deliquium
pati apud quasdam gentes, apud alios autem non, propter
aspectus diuersitatem. Vt igitur locus à deliquio affici debeat
in Luna, duo sunt necessaria. Vnum, quòd Luna tunc tem-
poris in hemisphærio superiore illius loci sit, & cum provin-
cia illa concordet signo, uel trigono saltem. Secundo, cum ci-
uitate in Solis loco uel Lunæ uel ascendentis, uel cum medio
coeli illius qui regit ciuitatem ipsam. In Sole uerò necessa-
rium est præter id, quòd sit super terram & conueniat locus
eius provincie uel ciuitati, ut illi parti provincie atq; ciui-
tati

tati eclipsis ipsa appareat. Fieri enim potest, ut diximus, quòd quannuis Sol ipse deliquium patiat, & sit supra hemisphere alicuius gentis, attamen propter aspectus diuersitatem gens illa deliquium nullum Solis patiat, sed Solem totum clarum, lucidum, atque liberum intueatur. Quo fit, ut due maxime dubitationes emergant, necessaria admodum, quarum altera est:

Quòd si eclipsis necessaria est, ut uideatur illi genti, igitur uis eius non consistit in hoc, quòd ambo luminaria sub eadem linea ferantur, quæ eclipctica nominatur? Quàdoquidem & in eclipsibus tam Lunæ quam Solis quæ sub terra fiunt, Luna sub eclipctica semper sit, aut ualde propè. Et in eclipsibus Solis quæ supra terrâ fiunt ab aliqua tamen gente, non uidentur propter aspectus diuersitatem, Luna etiam sub eclipctica eodem modo sit, aut ualde propè: nec tamen ullam eius rationem habendam censet Ptolemæus, nec illarum quæ sub terra fiunt. Quinimò magnitudinē eclipsium Ptolemæus pro magnitudine prouinciarum & uehementia effectuum metitur: & tamen contingere sæpe solet in Solaribus eclipsibus ob aspectus diuersitatem, ut maior fiat obscuritas ipsius Solis, dum Luna aliquantulum ab eclipctica recedit, longè uerò minor, dum sub ipsa linea exquisitissimè fuerit. Ergo uis deliquij in luminis defectu consistit, & non principaliter in appropinquatione Lunæ ad eclipcticam. Non tamen negauerim etiam illam propinquitatē aliquid facere ad effectus magnitudinem. Sed illud quod Haly impulit ad credendum, quòd principalior causa effectuum deliquij propinquitas esset Lunæ ad eclipcticam, fuit quòd defectus est priuatio, & priuatio inter causas agentes referri non potest. Præcipuè uerò, quod Ptolemæus deliquia non solum inter causas malorum, sed etiam bonorum refert. Ergo dicendum est, quòd per deliquia luminarium lumen ipsum, quod ad nos transit (nam neque

unquans

nunquam Luna ut dixi ex toto priuatur lumine & multo minus Sol, sed in maximis deliquijs, quod corpus Lunæ per spem sit, adeo ut Venus per ipsam intueri possit, ut in physicis declarauimus, lumen croceum ad nos deueniat, affectum externa qualitate immutat, & concutit partes orbis loco, in quo est, addictas. Fieri igitur non posset, ut si deliquia lumen auferrent, ut inter causas agentes & praesertim bonas numerari possent. Sed non auferitur lumen ipsum, uerum immutatur, ideoque hæc mutatio tam bona esse potest quam mala: sæpius tamen mala.

Secunda dubitatio est, quid per consensum intelligat cum loco defectiuo significari? Respondeo, quod in provincia uult, quod sufficiat quod sit ex trigono illo: Sed in ciuitate oportet, quod conueniat ex signo eodem: quia conuenientia hæc sumitur à loco Solis uel Lunæ uel horoscopi. Cum igitur sumatur ex tot locis, si non referrentur ad signum solum deliquij sed ad triangulum, fieri non posset ferme, ut ulla ciuitas illius provincie ab eo effectu esset immunis, quod tamen rarissime contingit. In provincijs autem ob id consensus trianguli solus sufficere potest, quia ipsæ regiones non certam habent rationem, quæ uerè signo subiiciantur: Sed solum illam communem, quæ dicta est. At ciuitates genesin ut dictum est, habent. Propterea in ciuitatibus uel illarum principibus signi consensus requiritur, trianguli non sufficit, in provincijs autem sufficit. Ex hoc patet, quod si consensus fuerit ex gradu, deliquij effectus erit ualidior & certior: si ex paucis gradibus, eò minor, quod magis disteterit locus deliquij à loco principali ciuitatis. Similiter & magnitudo deliquij in plures partes signi consensum extendit: ita tamen, ut nunquam totum signum prætergrediatur. Habenda est etiam ratio, cuius luminaris deliquium sit: nam deliquium Solis in plures partes extenditur signi, quam Lunæ: Et ut extenderit, ma-

iores etiam effectus facit: Luna uero etiam si extendatur in extremis effectus, multum uirium amittit. Facit & ut dixi, aliquid propinquitas Lunæ ad eclipticam. His quatuor modis effectus deliquiorum magis aut minus extenduntur in eiusdem trigoni partibus: Et ad plures aut pauciores ciuitates, maioreſq; aut minores effectus produciunt.

Caput sextum.

TEXTVS XXVII.

De Tempore euentuum.



Ed temporalis tractatus qui complectitur significationum tempus et durationē, talis est. Cum enim quæ deliquia eodem tempore accidunt, non soleant apud omnes ubique habitantes eisdem horis inæqualibus consummari, nolo autē & Solis & Lunæ deliquia intelligi, neq; etiam obscurationem nec durationem pariter intendi, primum in vnaquaq; regione, cuius situs ratione comprehensus est ad horam deliquij, poli altitudinem & cardines tanquam in hominis genitura exprimentur, deinde exquiretur, quot horarum æquinoctialium in vnaquaq; comprehensa ratione regione duratio sit obscurationis. His enim constitutis, quotquot horas æquinoctiales inuenerimus, tot in solari quidem deliquio annos, Lunari verò

verò menses duraturos effectus pronuntia-
bimus.

Duo sunt genera horarum. Vnum quidem, quod uocatur æquinoctialium seu æqualium, & est temporis spatium quod est uigesima quarta pars eius, quo Sol ab ortu ad ortum redit, seu à meridie ad meridiem: alterum uocatur inæqualium, & sunt duodecima pars temporis ab ortu Solis ad occasum, seu diei artificialis: quam palam est & pro uarietate temporis & regionis uariam esse. Siquidem in æstate longiorem quam in hyeme, & apud Scotos, quam apud Italos. Quibus cognitis, manifestum est deliquia tam Solis, quam Lune neq; eisdem horis inæqualibus terminari, id est durare apud omnes gentes: atq; id est primum. Neq; eisdem horis inæqualibus incipere apud omnes aut desinere: hoc enim diuersitas facit meridiani, quando quidem prius apud occidentales incipit ac desinit: illud, diuersitas altitudinis poli: atq; id secundum est. Neq; æqualium horarum comparatione equaliter incipiunt: prius enim apud occidentales, ut dictū est, atq; id est tertium. Neq; in solari eclipsi æquale tempus est apud omnes, atq; id quartum est. Solum quintum superest, quod est commune omnibus gentibus, scilicet tempus horarum æqualium eclipsis Lune idem esse. Placuit autem Ptolemæo exemplum solum primi dare: quanquam litera hæc diuersis modis legi soleat: dummodo tamen quinto non legatur, uerissima est. Quod uerò de obscuratione ac perseuerantia dixit, iam ad tertium sensum & quartum referri debent, ac si diceret eclipses Solis ac Lune apud omnes gentes in eisdem horis inæqualibus non perficiuntur, neq; obscuratio aut duratio eodem tempore, uel horis equalibus incipiunt aut perficiuntur: hoc autem potestimum ad tertium modum pertinet. Quod si ad Solem solum referas, ut Haly facit, posset ad quartum referri modum.

His intellectis, figura fiat dicit Ptolemeus quemadmodum in genere erectis quatuor cardinibus: inde consideretur quantum temporis intercedit inter initium finemque deliquij, quotque erunt æquinoctiales horæ in Sole deliquium patiente, tot erunt anni affectus: & pro partibus horarum partes eadem anni: Luna uero pro singulis horis atque partibus menses totidem exposcit. Ex quo patet, quod cum effectus magni procedant ab eclipsi Solis, & eclipsi Solis non possit durare plus duabus horis & media equalibus, quod nulla magna calamitas potest durare, plus duobus annis cum dimidio. Verum ne leniores possunt plus durare, quia sunt à Luna deliquium patiente, Luna autem licet in deliquijs tres horas cum dimidio possit excedere, quia tamen menses significat, non potest producere calamitatem.

TEXTVS XXVIII.

Cæterum, exordia ipsa & vehementiores progressionis cognoscuntur ex loci defectuius habitu erga cardines. Nam cum locus ille inciderit in orientalem finitorem, significat euentuum exordia circa primos quatuor sequentes statim deliquij tempus menses futura esse, vehementiores autem progressus in primo triente totius durationis affectionalis. Sed si inciderit idem locus in m. c. exordia erunt proximè sequentium mensium & trientis mediæ totius durationis. In occidentali autem cardine significantur exordia vltimorum quatuor mensium, & vltimi trientis totius durationis futura esse.

Hoc est secundum, et sumitur ab horis inaequalibus, do-
 cētq; duo simul inuenire, tempus initij euentus, et magnitudi-
 nis. Et est, ut uideas, qua in parte contingit locus eclipsis, id
 est initium eius: quod quidem initium potest esse sub terra.
 Sed tamen melius est, ut existimemus propter ea uerba capitis
 precedentis (supra terram existens apparuerit) quod sit ab
 initio orientis usq; ad occasum, diuidendo per duodecim ho-
 ras, quas uocant temporales seu inaequales, et secundum to-
 tidem horas, menses numeretur. Vtpote si disteterit ab ascen-
 dente quatuor horis, initium erit quarto mense. Vel melius,
 ut medium ipsius deliquij pro tempore eclipsis statuas, et
 uideas figura constructa, cui cardini propius sit. Et si fuerit
 propius ascendenti, continget euentus ille in primis qua-
 tuor mensibus: et si medio caelo ultrò citròue, in quatuor
 sequentibus mensibus: et si occidenti, in quatuor ultimis men-
 sibus. Deinde dicit, quod eadem ratione, si deliquij locus
 medio eius tempore, quo scilicet maximum est, fuerit pro-
 pinquius ascendenti, effectus maximus apparebit in pri-
 ma tertia parte temporis ipsius effectus: et si medio caelo
 ultrò citròue, in secunda tertia parte temporis effectus:
 et ita si propinquius occidenti, in tertia et ultima parte.
 Exemplum sit eclipsis Solaris, cuius tempus deliquij sit unius
 horae cum dimidio: et palam est, quod significat effectum,
 qui durabit anno cum dimidio: Cadat igitur locus deli-
 quij tempore maxime obscuritatis iuxta ascendens alicuius
 regionis, tunc initium talis effectus, puta pestis significatae
 per tale deliquium, continget in primis quatuor mensibus,
 et per primos sex menses sequentes erit ualidissima, deinde
 mitigabitur paulatim, donec compleantur decem octo men-
 ses ab initio, in quo pestis incepit: Seu ante uigintiduos men-
 ses post tempus eclipsis. Rursus sit locus deliquij iuxta cor-
 coeli magis, quam orientem uel occidentem: tunc incipiet effe-
 ctus

Etus seu pestis inter quartum & octauum mensem ab hora
 deliquij, & per sex menses sequentes, scilicet usq; ad quar-
 tumdecimum, fermè ab hora eclipsis augebitur mediocriter,
 deinde sex alijs mensibus sequentibus fiet maxima pestis: post
 reliquis sex mensibus ita delinabit, ut post uigesimum sextum
 mensem tota finiatur. Rursus sit, ut illa eclipsis cadat in occi-
 dentem, tunc effectus incipiet ab octauo mense usq; ad duode-
 cimum: & per duodecim menses sequentes non erit ualde ma-
 gna, sed in ultimis sex mensibus sequentibus qui fermè termi-
 nabuntur ad trigessimum mensem, erit maxima pestis. Ex his
 sequitur, quod nullius eclipsis effectus potest extendi ultra
 tres annos cum dimidio ab hora ipsius eclipsis. Et hoc erit,
 quando fuerit maxima eclipsis Solis, quæ non attingit duas
 horas cum dimidio, & fuerit in occidente: tunc enim incipiet
 in fine anni ab hora eclipsis, & durabit duobus annis cum di-
 midio fermè, & ita extēdetur effectus usq; ad tres annos cum
 dimidio. Eclipsis uerò Lunæ eadem ratione, quādo fuerit ma-
 xima & in occidente, non poterit effectus eius extendi ultra
 sedecim menses: scilicet duodecim dilationis & quatuor ope-
 rationis. Opinio igitur Ptolemæi est, quod omnium eclipsium
 effectus incipiant intra primum annum ab hora eius. Haly
 uerò deceptus est existimans, quod posset proferri in deli-
 quijs Solis usq; ad duodecimum annum propter authorita-
 tem in Centiloquio, quam credidit esse Ptolemæi, quoniam
 falsò illi ascribitur. Similiter & deceptus est, quod protule-
 rit effectus eclipsium in multos annos, cum id facere non pos-
 sint, neq; secundum Ptolemæi opinionem ultra duos cum di-
 midio, ut dictum est, extendantur. Quod uerò medium ecli-
 psis & non initium assumamus, rationem habemus ex præce-
 denti capite, cum dixit (In copulationibus enim defectiuis So-
 lis & Lunæ præsertim euidentibus considerabimus defectuum
 signiferi locum) nam cōiunctionem luminarium seu copulam
 præ

presupponit: hæc autem non fit, nisi in medio eclipsis. Secundo, quia euidencia quærit, euidentiſſimum autem mediũ, non initium ipsius deliquij. Præterea non loca, sed locum considerare docet. Sed si initium considerare oporteret, & finem: par enim est ratio utriusq;.

TEXTVS XXIX.

Verum particularium remissionũ, intensio nũq; iudicia fient de intercedentibus toto tempore luminaribus copulationibus, cum in locos authores effectiõis, aut illis configuratos inciderint, deq; alijs vnà exoriẽtibus stelis effectiõis designatricibus, cum aut in emergencebus aut occultationibus, aut stationariæ, aut noctu emicantes, configuratæ cum authoribus effectiõum locis fuerint. Emergentes autem vel stationariæ intendũt euentus, dum verò occultatum se eunt, aut splendore Solis obruuntur, noctuue emicantes, & de euentibus remitti aliquid solet.

Docet hac in parte singularia tempora, in quibus effectus eclipsis iam inchoati augentur aut minuuntur duobus modis, aut per interluna seu plenilunia, uel quadratas radiationes luminarium, cum in locos authores effectiõis, id est in locos eclipsis aut illi configuratos, id est ex trigono respicientes inciderint. Atq; hæc pulcherrima est regula, quoniam multi decipiuntur existimantes luminarium coniunctiones & aspectus semper debere aliquid adiungere effectui iam per deliquium designato: cum tamẽ plerunq; potiùs minuant. Nanq; si concordauerint, augebunt: si non concordauerint, non solum

lūm non augebunt, sed dum quippiam semper faciunt, aliud faciendo, minuunt.

(Deque alijs) intelligit stellas, quæ cum loco deliquij concordantur: Concordia est, ut inferius docebit, cum dominatur Planeta è domo uel altitudine, uel trigono, uel fine, uel respicit locum. Si igitur quæ disponunt stella nouiter emergant, aut occultentur, aut stationem ingrediantur, uel noctu emicent, augent uel minuunt effectus. Augent quidem emergentes è Solis radijs haud dubiè, quia lumine & motu aucti sunt. Augent & in stationibus, quoniam licet debiliores sint, quia tamen firmi in uno loco, plus operantur. Debilis enim assidue assistens plus operatur, quam ualidus uagans. Propterea ad fortunam bonam malamue etiam in genesi stantes Planete plurimum ualent, quoniam inuariabilem decernunt. In animi autem uiribus & corporis non idem possunt, quia sunt imbecilles. Dum uerò occultantur dispositores Planete, imbecilliozem reddunt effectum. Et similiter noctu emicantes, id est, cum Sol occidit, Planeta qui in oriète lucet, is est occidentalis, & in die exortus, imò etiam retrogradus, is factus est imbecillis (intelligit autem de superioribus tantum, tanquam manifestioribus, nam status inferiorum obscuri sunt ualde & implexi) ideo effectus minuunt.

Illud animaduertendum est, quòd de effectibus longioribus non tractat Ptolemæus, quæ spectant ad coniunctiones trium superiorum, maxime Saturni & Iouis, quia effectus tardiores sunt, & non adeò euidentes: qui potius ad prophetas pertinent, quam ad Astrologos. Hi tamen effectus, ut dictum est, ab ipsis eclipsibus augentur ac minuantur, uel etiam ad actum deducuntur.

Caput septimum.

TEXTVS XXXX.

De genere euentuum.

Ertio loco propositum fuit, cognoscere in quæ genera rerum euentus essent exituri. Hoc ipsum deprehendatur & de natura signorum, & de forma, in quas loci deliquiorum inciderint, horumque locorum dominatrices stellæ, cum vagantium, tum fixarum, hæc & de ipsius deliquij & de cardinali signo deliquij sunt intelligenda.

Genera accidentium descripsimus superius esse res subiectas, quæ bifariam sumuntur, aut ex loco deliquij, aut Cardinali signo. Locum deliquij nemo ignorat qui sit. Verum signum Cardinale appellat illud, quod est in angulo sequente eclipsim, hoc enim in presenti capite inferius declarat. Manifestum est autem, quod nullus angulus potest sequi locum eclipsis, nisi cæli cor & ascendens. Si enim eclipsis fuerit inter cæli cor & occidens, cor cæli erit signum Cardinale. Sin autem inter ascendens & cor cæli fuerit eclipsis, erit signum Cardinale signum ascendētis. Horum unumquodque quadriariam imò quinque modis accipi debet: primum de natura signorum, utpote si sit in signo masculino diurnoq; , aut foeminino uel nocturno, æquinoctio, æstiuo, tropico, mobili, fixo, imperante, obediente ac intuyente, uel trigono. Secundum, a forma non in nono orbe, sed in octauo stellarum, auis, piscis, quadrupedis, humanaq;. Tertium, a dominis locorum, puta domus altitudinis, trigoni, & finis. Nam ut sæpe dixi,

hæc

hæc solum sunt genera principatus stellarum. Quartum, si quæ erraticæ in ipsis locis sint. Quintum, si quæ pari modo fixæ sint in eodem loco. Atq; id plurimum potest in regionibus, quæ plurimum distant ab æquinoctiali: Nam fixis magis reguntur, quam erraticis. Hodie quæ est uigesima sexta Iulij MDLII hora sexta à meridie in Scotia Edimburgi dum esset, nebula tantum in aëre apparuit, ut homo ab homine dignosci non posset, neq; tamen id frequens, cum iam mense ab hinc expleto nihil tale uisum sit (nam id illud exegimus) nec tamen Luna ulli Planetæ iungebatur, nisi quis uelit dicere Venerem Mercurio iunctam, aut tardius quam in Ephemeride, aut Solem Ioui celerius. Sed mihi profectò in causa fuisse uidetur, quod Luna eo in parallelo coascendit spicæ Virginis primæ magnitudinis stellæ, naturæ Veneris & parum Martis, quæ iuxta eclipticam posita est, et atq; cum quadrilatero Virginis, naturæ Mercurij Venerisq; quæ & ipse iuxta eclipticam erant. Et rursus coascendit cum stellâ secundæ magnitudinis, quæ est in Corona boreali quarta parte & minuto decimo octauo Scorpionis, boreali latitudine partium ferme quadraginta quinque, naturæ Veneris atq; Mercurij. Itaq; constat quantum fixæ stellæ possint, erraticæ quidem ab æquinoctiali ad tropicos maxime: fixis, à polis ad quos declinant usq; ad suos circulos: in temperata regione, ut magis ad hanc uel illam extremarum appropinquauerint: Et pro magnitudine & luce, & situs rectitudine supra regionis uerticem.

TEXTVS XXXI.

Dominationio autem stellarum errantium ita colligitur. Quæcunque enim pluribus modis utriusque loco, id est, deliquij ipsius & hoc sequentis cardinis adiungi cernetur, ea sola dominationem occupabit. In hoc autem consideran

derantur proximæ & apparentes accessus, & defluxiones, & ratione comprehensæ figuræ, itémq; domiciliõrum, triangulorũq; potestas, vnà cum altitudine & terminis.

Tres ordines pulcherrimos proponit: Primus est in genere coniunctionis corporum, & est applicatio & defluxus. Secundus in genere radiorum, & sunt sex: quatuor tantum tamen commemorat, & duo prætermittit, tanquàm nota. Tertius ordo est domini: qui diuiditur in quatuor. Vt autem primum singula discutiamus, sciendum quod corporis uis ualidior est, quàm radij. Et ideo primus ordo sumitur à corpore, & diuiditur in applicationem & defluxum, quarum applicatio ualidior est defluxu. Secundus ordo est ualidior tertio: quia radij sunt magis res secundum naturam, quàm potestates: Nam potestas est inuenta quadam ratione generaliore, & ad aliquid dicta seu comparata. Ergo secundum ordinem, in species sex diuidere licet: ualidior est oppositio, inde quadratus, inde trigonus, post sextilis, post intuitia & imperantia: quanuis de his non constet an sextili debeant præponi. Hoc tamen infra uidebitur. In tertio ordine præponit domum trigono, & trigonum altitudini, altitudinem uerò finibus. Itaq; tria sunt genera per ordinem posita, coniunctio, aspectus, potestas: genere quidem se præcellunt, sed non semper species speciem. Ordo autem specierum talis est. Primum, est applicatio: Secundum, defluxio: Tertium, oppositio: Quartum, quadratus in contrarijs, & trigonus in similibus: Quintum, est quadratus in similibus, & trigonus in contrarijs: Sextum, sextilis, uel intuitia, uel imperantia: Inde septimum & octauum: Nonum uerò, est domus: Decimum, trigonus: Vndecimum, altitudo: Duodecimum, finis. His intellectis, dicit Ptolemæus, debes uidere qui plures habet

in utroq; loco, scilicet deliquij & anguli antecedentis potestates, is erit dispositor.

T E X T V S X X X I I.

Sin vna eadēmq; stella dominium vtriusq; loci, id est, defectiui & cardinalis sortita non fuerit, præferetur quidem defectiui loci dominus, sed assumetur etiam ille, qui præ cæteris vtriq; loco pluribus modis de præscriptis adiungi videbitur.

Hanc eandem regulam non satisfacere ubi plures sint domini ex diuersis locis sumpti, sequens textus edocebit. Vbi uerò ex eodem sumuntur loco, maior minorem obscurat: idēq; unum tantum sumemus dominum. Hic uerò cum ex cardine & ex loco deliquij dominos sumat, si non concordēs fuerint, ambos accipere oportet, scilicet potentiorē in loco deliquij, & potentiorē loco cardinis. Vt sit regula generalis pulcherrima: Quotiescunq; fuerit unus locus tantum significator alicuius rei, potentiorē in illo loco pro disposito accipiemus: Si uerò duo aut plures loci fuerint significatores, principalis erit, qui plus habet potestatis in primo loco, inde etiam illi ex ordine adiungentur, qui reliquis locis primi imperabunt.

T E X T V S X X X I I I.

Sed multis dominationem sibi vendicantibus propter æqualitatē respectus ad vtrūq; locum, præponetur reliquis vel cardinalior, vel potentior, vel qui maioris conditionis scæq; fuerit.

Vt igitur ambigua fuerit domini ratio, præponetur ille, qui in

qui in angulo fuerit: uel potentior, ut pote in domo sua, uel altitudine, peregrino: uel qui fuerit maioris sectæ & conditionis, ut directus retrogrado, orientalis occidentali. Verum hæc regula non ualde necessaria est, cum raro contingat, ut æqualis sint potentia plures stellæ. illud tamen scire necessarium est, quod si plures æqualibus numero potestatibus præferantur, qui maiorem habebit potestatem, eligi debet. Veluti qui spiam est dominus domus & altitudinis, alius trigoni & finis, primus secundo præponi debet: Secundus etiam habebit aliquid potestatis, non tantum, quantum ille, qui in alieno loco potestatem habente dominabitur.

TEXTVS XXXIIII.

Stellarum autem inerrantium assumetur ea, quæ loco defectiuo quasi affederit in præcedente cardine. Primum, splendore secundum nouem modos demonstratos in primæ compositionis nostræ libris. Deinde vel cum cardine orientis vel m. c sequente locum defectiuum reperta.

In fixis autem stellis duos angulos obseruare iubet, alterum quidem, quem eclipsis ipsa sequitur; alterum, quem antecedit. Ut si eclipsis sit inter septimum locum & medium cæli, primum locum obtinebunt stellæ, quæ sunt in septimo loco, inde in cæli medio. Quod si eclipsis fuerit inter cæli medium & ascendens, primum locum obtinebunt stellæ quæ in cæli medio, inde quæ in ascendente. Et ita antecedentes præponentur sequentibus, eligit tamen utrunq; locum antecedentem & sequentem. Ex his non omnes eligit stellas, sed quæ lumine præferuntur: id est, maximè illustres. Præferuntur autem nouem modis, de quibus locutum fuisse affirmat in

primæ compositionis libris, id est, in octauo Magnæ compositionis, quam uocant Almagesti: Vt pateat omnibus hunc eundem fuisse Ptolemæum, qui & Magnam scripsit compositionem. Hi igitur modi sunt: Primus ortus matutinus, cum stella cum Sole oritur: Et hic est triplex, aut enim est parum post Solem, aut cum ipso Sole, aut parum ante Solem, & hoc solo potest uideri: & si uideatur, est firmissimus status. Secundus, qui dicitur meridiare, est, cum Sole oriente, stella cœli culmen attingit: Et hic triplex, uel enim postquam ortus est statim, uel in ipso ortu, uel ante ortum subito, & hoc solo stella uideri potest. Similiter totidem membra fiunt, si Sole oriente stella sit in imo cœli. Hic in genere est ualidior primo, sed distinguendo tertius est ualidior sexto. Tertius est, cum Sole oriente stella occidit, & habet tres differentias: uel post ortum, uel in ipso ortu, uel ante statim: Et hoc solo tertio stella uideri potest. Debilior est in genere & singillatim secundo, primo autem ualidior, nisi quod nonus est debilior tertio. Tres alij modi principales, scilicet quartus, quintus & sextus, fiunt ad unguem ex opposito, scilicet Sole posito in occidente, aut enim stella est in occidente, & fit quartus modus, tria habens membra ut primus, aut stella est in medio cœli, et fit quintus modus: qui & ipse habet sex membra: tria, dum est in medio cœli, & tria dum est in imo, aut stella est in oriente, & fit sextus modus, habens tria membra. Septimus modus est, cum Sol est in medio cœli uel in imo, & stella est secum uel in opposito, & ita habet quatuor membra. Octauus modus est, cum stella oritur, et Sol est in medio cœli, uel in imo, & ita habet duo membra. nonus modus est, cum stella occidit, & Sol est in medio cœli, uel in imo, & sic habet duo membra. In uniuersum igitur sunt xxxii membra, & nouem modi principales, & in unoquoque modo solum est unum membrum, in quo stella uideri potest, & ita nouem modis

modis solum stella uideri potest, ita ut Sol & ipsa sint in angulis.

Tunc cum stella est cum aliquo Planeta, uel in angulo, considera, si in aliquem horum nouem modorum incidat, an non: si non, est debilissima, si sic, considera an non uideatur & sit cum Sole: & tunc est etiam ualde debilis: Vel si non uidetur, nec est cum Sole, tunc est debilis: Vel si uidetur & est cum Sole occidentalis, & est mediocris. Vel si uidetur, & non est cum Sole, & est potens. Vel si uidetur, & est orientalis à Sole, & est ualidissima. Hæ igitur sunt sex regule inseruientes nouem modis.

Sed dubitatur, quoniam in erraticis præponit sequentem angulum & omittit antecedentem, in fixis autem non solum antecedentem omittit angulum, sed etiam sequenti præponit. Causa est, quia erraticæ cum moueantur ab occidente in orientem magis, locum deliquij superasse uidentur, & ad illum ferri motu primimobilis: At uerò fixæ, cum ualde tardè moueantur ab occidente in orientem, uidentur in præcedente loco esse robustiores, quia orientales sunt à Sole.

TEXTVS XXXV.

Atque ita animaduersa in stellis authoritate effectuum contemplabimur & formas signorum, in quibus & deliquium ipsum & huius dominatrices stellæ repertæ fuerint, à quorum proprietatibus modi generalium euentuum communiter ducuntur. Nam quibus signis forma humana tribuitur, siue in signifero, id est ecliptica intelligantur, siue per reliquos inerrantes appareant, significant eua-
suros euentus in genus humanum. Aliorum

terrestrium formæ quadrupedes, assimilibus brutis, serpentes anguibus, et huiusmodi, rursum feræ, immansuetis & noxijs humano generi, mites, vtilibus domitis, operamque & adiuumentum commoditatibus vitæ nostræ afferentibus pro cuiusq; formæ descriptione, vtrequi, bouis, pecudis, ventura portendunt. Præterea, septentrionales formæ terrenæ, terræ subitos motus, meridionales nimborum fluxus afferunt. Iam cum loci illi authoritatis fuerint in figuris pennigeris, vt Virg. Sagitt. Gallinæ, in aues & volatica, inq; primis ea, quæ victui apta sunt, similiter cum natantibus in aquatica & pisces euentus cadūt. Quæ figuræ si fuerint marinæ, vt Canc. Capricor. Delphin marinis piscibus, classibusq; insuper & navigationibus: sin Fluiatiles, vt Aquar. Pisc. Fluiaticis & Fontanis ventura decernunt. Argo autem vtrunque genus completur.

Stellas, quæ dominantur in loco deliquij & cardinis eum sequentis ordine signorum, considerat, in quibus signis sint: tum etiam ipsius deliquij locum gratia exempli ascendat Gemini, deliquium sit in Ariete parte vigesima & octaua: Mars & Mercurius principaliter dominabuntur: sed Marti primus locus debetur. Sit igitur Mars in Virgine & Mercurius in Tauro. Exempli gratia hoc in deliquio, Arietem propter deliquium, & Virginem propter Martem, & Tauri signum propter Mercurium considerabimus. Non quidem signa noni

cœli,

cœli, sed quæ in octauo formantur ex configurationibus fixarum stellarum: Hoc enim nunc tractat. Tria autem in illis considerat, formam, mores, declinationem. Formam, ut in uolatilibus, piscibus, quadrupedibus. Afficiuntur enim similia similibus. Mores, ut in feris & mansuetis, & in nauibus ueluti Argo in marinis & fluuiialibus piscibus tum nauigijs detrimenta, aut felicitatem significat. Ex declinatione autem septentrionale, terræ motus: in meridionali autem portendit imbres & tempestates. Hoc autem tam in figuris significari, quam extra. Capricornus autem mare significat Australe, quia Cancer significat Boreale.

T E X T V S X X X V I

Ad hæc repertæ authoritatis stellæ in signis tropicis ac æquinoctialibus cõmuniter aëris & temporis sui statum significant: propriè autem Vernal tempus, & ea quæ è terra nascuntur. Si enim reperiantur in æquinoctio Verno, indicio sunt pullulationum arborum fructiferarum, ut vitis, ficus, fructuumq; maturitatis. In solstitio, perceptionum frugum et conditionum, peculiariter autem in Aegypto & Nili exundationis. In æquinoctio autumnali, sationum & pabulariorum, & huiusmodi. In bruma, olerum & auium ac piscium illius temporis.

Nunc aggreditur signa nonæ spheræ: seu quæ distantia ab æquinoctiali uel motu Solis esse intelliguntur potius, quam sint (Hæc autem sunt de quibus locutus est superius à capite de anni temporibus usq; ad caput de carpentis, in præcedenti libro) illorumque significata docet. Nam tropica &

æquinoctialia aëris mutationem significant, & propriam conditionem satorum & arborum eo tempore. Præcipuè autem æstiuum solstitium uim habet in Nili inundatione. Sed hæc propria Aegypto est. Ipsa autem textus structura clara est.

T E X T V S XXXVII.

Sed æquinoctialia etiam significationem dant sacrorum & diuinæ culturæ. Tropica mutationum aëris, & in rebus publicis morum ac legum.

Præter generalia æquinoctiorum & tropicorum signorum significata, Ptolemæus subiungit propria uniuscuiusq; scilicet, quoniam æquinoctia super status legum dominium sortiuntur. Haly declarat causam dicens, quodd in talibus signis sit augmentum diei ac noctis: utpote dum Sol est in Ariete, dies augetur: & dum Libram peragrat, nox crescit. Itaq; inquit, cum consensus hominum in legibus fiat, consensus autem hominum significetur à signis æquinoctijs: Ideo etiam & leges per illa. Sed clarius leges constant mutatione opinionum, quæ significatur per signa æquinoctia: quoniam dum Sol est in æquinoctijs signis, facit uigintiquatuor minuta quandoq; declinationis singulo die, ergo maximam mutationem affert in rebus humanis. At nulla est maior mutatio quam legis promulgatio, quæ plerunq; fit aduersus constitutiones Principum, & poenam mortis, & consensus patritiorum, & magistratuum. Ideo est tanquam fax quædam in mentibus hominum accensa, quæ fertur maximo impetu quasi ardens ex cælo demissa, quam homines hauriunt ueluti hianti ore, contempto metu mortis, & gratia principum, ciuilibusq; legibus, commodis proprijs, ac filiorum, ut quidam gaudeant illos contra omnem humanitatem (modò cōstanter pereant)

percant) à carnificibus excruciaci, ob legis amorem. Est & alia ratio similitudinis, quia initium signi æquinoctij commune est ipsis ambobus hemispherijs: Leges autem ipse solæ inter omnes communes sunt toti humano generi: Idè ergo meritò leges signis æquinoctijs assimilantur atq; trihuuntur. Necessè est igitur, ut talia signa rebus quæ ad leges pertinent, ut sunt sacra, ceremonia, hereses, emendatio, quam uocant reformationem, sacerdotia, reditus, Pontificatus, ac talia præsent. Tropica uerò signa significant mutationem aëris, quoniam efficacissimæ sunt qualitates illius, cum Sol est in eis, caloris uel frigoris: omne autem, ut dictum est, potentia tale fit princeps illius in toto genere. Veluti quod summam efficit caliditatem, caloris princeps est, & illius quantitatem moderatur. Præsent & mutationibus legum & moribus: mutationibus quidem legum, quia maxime ab æquinoctijs distant tropica, & quoniam cum Sole est in eis, cursum mutat: Nam si prius ibat ad austrum ubi ingressus fuerit Capricornum, redit ad Septentrionem: contraria ratione in Cancro. Mutatio autem morū fit eadem ratione, qua mutatio legum: tum etiam, quia mutatis legibus, necesse est & mores mutari.

TEXTVS XXXVIII.

De solidis iudicium fiet foundationum & substructionū. De bicorporibus hominum, ipsorumq; Regum.

¶ Ponit duo genera reliqua signorum, nam in præcedenti textu de mobilibus locutus est, hîc de fixis & communibus seu bicorporeis. Fixa igitur res significant quæ illis meritò debentur: Debentur autem ædificia, quoniam ita comparatum est, ut quæ ædificia manere debent, sub fixis signis ædificantur: Sunt autem fixa, ut dixi ☿, ♀, ♁, ☿. Communia autem significant homines, quia ex illis tria sunt forma huma-

na, scilicet Π , $\nu\gamma$, Φ . significant autem super Reges propter similitudinem, quia Reges plerunque sunt duplicis animi, & ualde callidi, & Sagittarius maxime. Et ideo poëta recte finxerunt magistrum Achillis fuisse centaurum Chironem, quia Reges & Magistratus primo habent faciem humanam ad alliciendum homines, & ita audiunt blandè, quos etiam oderunt exitialiter. Inde in recessu cum habeat Sagittarius partem posteriorem ferinam, uel quasi non cognouissent, ingratis quosdam, alios crudeliter tractat. Et eos, quos tam libenter & auidè amplexabantur, dum illis indigebant, peracto negotio quasi illos non agnoscant, neque admittunt, & admissos non audiunt, & auditos superbis responsis repellunt à se. Igitur Reges & homines tanquam duo extrema posuit, sub quibus magistratus etiam intellexit. Sunt & alij Reges, magistratusq; significati per Geminos & Virginem: qui quauis sint subdoli: sunt tamen meliores & sapientiores & humaniores, quorum quidam sunt grati: qui cum Sole uel Ioue uel Venere aliquid commune habent: Qui à Sole ob magnificentiam, ut dicatur de eis (non quia auari non sint natura) talis Princeps aut Rex est magnificus: Qui uerò à Ioue, sunt liberales & dant, quia existimant tales mereri. Hi autem pauci sunt, quoniam Iupiter nullas habet uires in Geminis, nec Virgine, imò cadit in illis: Sagittarius autem, ut dixi, partem posteriorem ferinam habet. Qui uerò à Venere propter innatam quandam mansuetudinem atq; beneuolentiam, uel propter persuasionem aulicorum, atque hi plurimi sunt: pauciores, qui propter Solem: paucissimi uerò, ob Iouem.

T E X T V S X X X I X.

Quæ uerò tempore deliquij oriëntali magis positu fuerint, fructibus, adolescentiæ, fundamenti euentura, sed à M. C. templis, regibus, ætati

ætati virili. Occidentalia autem legum, institutorumq; mutationes, & senectæ casus, & vita functos significant.

Tres ordines nobis insinuat. Vnum, quando eclipsis & significator fuerint iuxta orientalem angulum. Secundum, cum iuxta coeli medium. Et tertium, cum iuxta occidentem. In unoquoq; autem eandem seruat rationem, ut si fuerint iuxta orientalem angulum, significat initia omnium rerum, aut res, quæ facile perficiuntur. Ex ætatibus igitur exemplum dat adolescentiam, & tanto magis pueritiam, & infantiam. Ex ædificijs eadem ratione initium: Initium autem sunt fundamenta. Fructus autem significat, quia facile perficiuntur. Et sic per hæc exempla significabuntur etiam germina & disciplina primæ, ut Grammatica, et Tyrones. In medio coeli perfecta & magnæ authoritatis: Vt est ætas uirilis: ea enim perfecta est, & templa & reges qui sunt in magna ueneratione. Si uerò uersus occidentem, quæ sunt in extremo, uel iuxta extremum, ita tamen ut adepta sint perfectionem. Itaque qui uita sancti sunt, in extremo iam fuerunt: Senes prope extremum. Leges autem & instituta similiter suos fines habent, nam & ipsæ suam perfectionem habuerunt. Indicat autem septimus locus mutationes & interitus: propriè autem leges & instituta, quæ sæpius & facile mutantur, ob id occidentalis angulus in talibus plurimum potest, quod sæpius illis imperet. Fit autem in omnibus etiam cœlestibus, ut sympathia quadam & assuetudine dominiū sortiantur atq; regant.

T E X T V S X L.

Cæterum quatenus in deprehensum genus affectiones progressuræ sint, ostendet magnitudo obscuritatis deliquiorum & erga defectuum locum stellarum authoritatem sortitarum

tarum habitudines. Nam vespertini erga Solaria deliquia, Matutini verò erga Lunaria, minora omnia reddunt. In oppositionibus autem dimidiū demunt. Sed matutini erga Solaria, vespertini erga Lunaria deliquia augēt.

Magnitudinem affectus & subiecti declarat: scilicet an si gratia exempli super pueros influxus extendatur, an super plerosq; , an paucos, an mediocres. Id uerò ex duobus coniectatur. Ex magnitudine deliquij: magnum enim in plerosque extenditur, minimum in paucissimos. Tum uerò ex stellis dominantibus: Atque in his tres status declarat. Vnum communem, scilicet, quòd quando erunt in opposito ipsius eclipsis, afficitur dimidium illius generis: In eclipsi autem Solari si fuerint orientales, aut in Lunari occidentales ab ipsa Luna, tantò plus dimidio significabunt, quantò erunt ipsi eclipsi proximiores, & tantò minus, quantò remotiores. quòd si in Solari fuerint, occidentales aut in Lunari orientales, eò minus, quòd fuerint propiores ipsi eclipsi. Eademq; ratio in quantitate eclipsis seruanda erit: Nam si umbra perfecta fiat, & maxima in Luna, quæ fieri possit, totum genus definitum afficietur: si dimidium fiat maximæ umbræ, tunc uerò ferme tota Luna eclipsabitur, dimidium definiti generis afficietur. Propterea, in eclipsibus Solis quantitatem partis obscuratæ obseruabis, in Luna autem, ipsius umbræ.

Caput octauum.

TEXTVS XLII.

De modis futurorum.



Varto loco proposita fuit à nobis exquisitio modorum præcogniti euentus, hoc est, in bonumne, an malum illi euasuri, & quales per

utrunque

vtrumq; in sua specie futuri essent. Hoc ipsum declarat naturalis efficientia stellarum dominantium in autoritatum locis, & cum ipsarum secum tum etiam cum his locis in quibus ipsae fuerint commistio.

Erat quartum genus conditionum futurorum qualitas ipsa euentuum, Id autem superius declaratum est. Ex duobus autem uenatur, stella quidem dominante in locis & eas, quae illi commiscuntur: seu quae commiscuntur & ipsae dominantur, seu non. Nam prius dixit plures dominos aliquando necesse fore ut accipiamus. Ponamus exemplum: fiat eclipsis Solis in initio Capricorni, sitq; in medio caeli, Saturnus disponet: ipse uero sit in decima parte Aquarii, Iupiter uero in nona parte Librae, Mercurius autem Saturno applicet ex fine Capricorni, tunc hic accipiemus qualitatem significationis à Saturno primum, inde Mercurio, deinde Ioue. Rursus fiat eclipsis Solis in Leone parte quidem uigesimaquarta, sit uero tunc Sol in undecima, ascendat autem in eo finitorem Librae pars uigesimaquarta. Quoniam igitur Sol excluditur ab hoc negotio, Iupiter dominabitur loco deliquij finem ibi habens, & trigonum, Saturnus uero cum Mercurio & Venere loco ascendentis. Sint autem omnes hi Planetae in Virginis principio quod signum est domus, altitudinēq; Mercurij, fiet Mercurius omnium dominus, inde uero Iupiter, post Saturnus, ultima erit Venus. Itaque non tam inspiciendum qui Planetae dominantur, quam qui non dominantur: pauci enim sunt qui non dominantur. Atque in his qui dominantur respicere oportet ordinem ipsum. Itaque iam uides discrimen loci effectus, qui à signo eclipsis & uisione eiusdem sumitur: Et temporis, quod sumitur à loco deliquij inter orientem & occidentem. Habetur & de subiecto, quod ex loco deliquij, locoque stellarum

Cap. 4.

rum dominantium: Et qualitate euentus, quæ sumitur à nativitate stellarum dominantium deliquio & cardini, & quæ illis commiscetur: uel radijs, uel quia domina sint locorum, in quibus ipsæ stellæ sint constitutæ.

TEXTVS XLII.

Nam Sol & Luna ut Principes omnium, imperium & edictionem penes se habent, aucthores effectuum & dominationis ius stellarum committentes, ipsorumque stellarum aut vires augent aut imminuunt. At quibus stellarum potestas contingit commistionis, earum consideratio demonstrat euentuum modos.

Dat differentiam inter Solem & Lunam, & reliquos quinque Planetas, dicens, luminaria significant affectionem, & magnitudinem ipsius affectionis. Vt pote Sol si deliquium patitur, causa est, ut fiat effectus in istis inferioribus & secundum quantitatem deliquij magnitudinis, & paruitatis. Et possumus comparari accensioni ignis in fornace: Nam cum accensus fuerit ignis in fornace, non significat, nisi quod possunt fieri multa medio illius: & quod si est magnus, possunt fieri magna: si parvus, parua: non tamen an debeant eo qui lateres, an liquecere vitrum, an purgari argentum, an separari ferrum ab ære, an commisceri plumbum nigrum albo: & sic de multis alijs. Hoc igitur simile pertinet ad quinque Planetas, scilicet et definire qualitatuum euentus.

Sed iam dubitatur, quomodo poterimus distinguere hos euentus, si in omnibus eclipsibus ferme quinque Planetæ dominantur? Respondeo oportere diligenter inquirere, quinam primus sit dominus, qui secundus, qui tertius, qui quartus, & qui quintus? Nec solum inspicere, qui plus dominetur, sed qui plus possit. Cum enim idem fuerit dominus loci deliquij,

et loci sequentis anguli, ille prorsus erit dominus et principalis. Quod si non fuerit unus idem Planeta, si quis locum de liquis aspexerit, aut ad illum applicuerit, uel fuerit in sequenti angulo, ille erit primus etiam et principalis dominus. Quod si neutrum horum fuerit, inspicimus an alter alterius loco dominetur: et qui Planeta ab alijs Planetis acceperit testimonia, et illum statuemus primum dominum in hac causa. Et similiter, si stelle fixae commistus fuerit quæ lucida extiterit, et nobilis idem continget. Vltimum est, cum nihil horum contingat, tunc primus dominus erit is Planeta, qui loco de liquis præest: secundus, qui loco cardinis sequentis præfuerit: tertius, qui locis in quibus primi duo fuerint.

TEXTVS XLIII.

Incipiemus autem nunc deinceps singulatim errantium stellarum proprietates explicare, ubi hoc prius monuerimus lectores huius brevis institutionis nostræ, quod in generali hac mentione quinque errantium stellarum commistionis & efficientiæ, similis natura intelligenda sit, siue illa ipsa huius constitutionis suæ locum teneat, siue alia inerrantium, aut signiferi etiam aliquis locus, perinde ac si naturæ hæc & proprietatis ipsarum, non stellarum essent appellationes.

Duorum necessariorum lectorem monet. Primum quidem est, quod cum dicit Saturnus gratia exempli facit hoc, et hoc, et illud, non intelligit solum ista de Saturni stella, sed de quacunque stella etiam fixa, quæ sit de natura Saturni. Veluti quæ in Cæto sunt, et quædam quæ in Orione. Et similiter debet intelligi de locis signiferi: Velut est finis Scorpionis ratione

tione naturæ signi, quæ est frigida & sicca, & termini, qui est de natura Saturni. Aded ut hoc nomen Planeta, quod ponet inferius, sit nomen commune tam errantibus quam inerrantibus ac locis. Quia effectus illi tribuuntur naturæ Planetæ, non syderi. Exemplum, rursus quando dicit (Saturnus ubi solus dominationem fuerit sortitus, corrumpit generaliter frigore) est, ac si diceret (ubi quæ dominatur stella aut locus in deliquio naturam sortiatur Saturni solum, & non alterius Planetæ, tunc generaliter corrumpet omnia frigore, & reliqua quæ sequuntur) secundum quod docet, est.

TEXTVS XLIIII.

Itemque quod in mitionibus non solum ipsarum inter se errantium coitus, sed etiam inter has & alias similis naturæ siue inerrantes, siue loca signiferi, necnon quid cum his errantibus familiaritatis intercedat, inspicere oporteat.

Non oportet solum errantes ipsas ipsarumque mitiones considerare, sed etiam mitionem cum fixis stellis, & cum locis familiaritatem. Et quamquam familiaritatem intelligamus radios atque dominium, hic tamen coniunctionem potius intelligit atque æqualem ascensum: Hic autem est quadruplex, ut superius demonstratum est. Vnus est, quando sunt Planeta & fixa stella in eodem circulo paruo, & ex eadem parte, & uocantur intuentia se, ut Gemini & Cancer: sic tamen ut partes partibus respondeant ut superius dictum est. Secundus, ut sint in similibus circulis & equalibus, sed in diuersis partibus declinationum, ut una stella sit Borealis, altera Australis, & uocantur imperantia & obedientia, ueluti in octaua genitura Venus & Mercurius sunt cum stellis extra formam Leonis de natura Saturni & Veneris. Et Iupiter afficitur a stella

stella quæ uocatur sequens in dextra uertebra Aquarij, sed parum, quia est parua & in alia latitudine. Tertius modus est, ut sint in eodem circulo magno meridiei: & hic est duplex, uel in eadem parte, & sic est ualidior, ut pote quod sint in medio cœli simul uel in diuersis partibus, ut cum una fuerit in medio cœli, altera sit in imo. Quarta erit, ut sint in eodem finitore & hoc potest trifariam contingere: uel quod simul orientur, uel simul occidant, uel una oriente, altera occidat. His omnibus modis Planetæ à fixis uel à locis afficiuntur: Item applicatione ac separatione, ac loco. Fixæ uerò etiam radijs à Planetis afficiuntur.

TEXTVS XLV.

Saturnus ubi solus dominationem fuerit fortitus, corrumpit generaliter frigore. Peculiares autem sunt huius, cum in homines illa corruptio cadit, morbi diuturni, tabes, marcores, humores, molestiæ & fluxiones, febres quartanæ. Tum exilia, inopia, angustia, luctus, terrores, mortes potissimum ætate prouectorum. Bruta ferè apta hominū vsui comminuit, rebus ipsis morbisfera mala infert, ut illis uescentes similia in mala deuenientes intereant. In aëre excitat frigus horrendum, glaciolum, nebulosum, pestilens. Tempestates aduersas, densas nubes, caligines. Item niuis magnam vim non opportunè, sed contrariè, unde serpentum noxia hominibus multitudo concreta existere consueuit. In fluuijs ac mari communiter, hyemes, naufragia, difficiles
x cursus

cursus, piscium penuriam & interitus, peculiariter autem vorticofos in mari fluctus, & fluuiorum exundationes, & aquarum deprauationes. Terra verò frugum caritatem, penuriam, vastitatem, potissimum earum, quæ necessaria sunt ad victum, immittit per erucas, locustas, aquarum inundationes, nimborum impetus, grandinem, aut alia huiusmodi, quæ usq; eò procedunt, vt fame, similiq; perniciæ homines extinguant.

Iupiter solus nactus dominium, generaliter incrementa rebus confert. Sed peculiariter cum euentus in humanum genus exeunt, largitur gloriam, amicitias, tranquillitatem, pacem, rem familiarē auget, corpus, animūq; componit, conficit dona, & beneficia à regnatoribus, hosq; ipsos auget ac ornat, facit magnis animis, inque summa felicitatis vniuersæ est author. Animantum reliquarum vtilium ad vitam degendam copiam & abundantiam, contrarium, exitium & interitum procurat. Tempestates reddit salubres ventis & imbribus altrices terrestrium, fortunat classibus cursus, fluuiorum aquas moderatas conseruat, frugum copiam & his similia efficit.

Mars vbi solus arripuit dominationem, generaliter corrumpit feruore, sed peculiariter in humanum genus sæuit bellis, seditionibus

bus intestinis, carcere, populationibus, tum multibus plebeis, iracundijs principum, & ab his inopinatas mortes infert. Huius sunt æstuentes febres, tertianæ, sanguinis eruptiones, morbi acuti, violentæ mortes, in primis ætatis validæ. Item vis, contumelia, iniuriæ, incendia, homicidia, rapine, latrocinia. In aëre commouet calidos ventos, pestilentes, tabificos, fulminū iaculationes, & flammæ, squallorem. In mari subitas nauium subuersiones per ventos turbulentos, fulminave, aut alia huiusmodi. Fluviorum aquas exorbet, desiccatur fontes, deprauat latices. Quæ necessariae sunt ad vsum vitæ humanæ animantes eq; terra nascentia pessundat, vel pernicioso hæc æstu nondum percepta vastans, vel condita, conflagrationibus.

Venus sola domina ventorum generaliter ea efficit, quæ Iupiter cum venustate quadam, peculiariter autem hominibus conciliat famam, honores, gaudia, frugiferos annos. Dat fortunata connubia, copiam liberum, & gratiam in coniunctionibus, incrementa bonorum, victum mundum, honestatem, reuerentiam, venerationem. Insuper & corporis decorem, & necessitudines gratas potentiorum ac principum. Aëra ventis replet temperatis, humidis, fecundissimis, commoda

tempestate, serenitate, demittitque imbrium
tempestiuas pluuias. Nauibus felices cursus
& successus lucrosos tribuit. Fluminū alueos
complet. Animantum vtilitati seruientium &
frugum in primis copiam, abundantiam, com-
moditates confert.

Mercurius adeptus dominationem gene-
raliter quidem in illius stellæ naturam se insi-
nuat, cum qua fuerit configuratus, est autem
omnium maximè impetuofus. Et in ijs quæ
humana sunt, acer, efficax, accommodabilis,
offerentibus se rebus. Vfurpator latrocinio-
rum, furtorum, pyratice inuasionis, contra-
riorum ventorum fuscitator, in configuratio-
nibus cum maleficis. Author morborum sic-
citatís, febrium quotidianarum, tussis, anhe-
lationis, tabis. Habet & sacerdotalem ratio-
nem & cultus diuinos, & regios reditus. Ha-
bet & mutationes suis temporibus legum ac
morum, quæ omnia congruunt cum illius ac
reliquarum stellarum singularum cōmistio-
ne. In primis ventos turbulentos, vehemen-
tes, instabiles, siccitatem aëris & mobilitates
commouet, cum de vicinitate Solis, tum cele-
ritate cursus sui. Itaq; & tonitrua flamma-
tiq; fulmina immittit, dissipâtque ac con-
cutit terram, fulgura ciet. Vnde & interdum
perniciofus est aptis vsibus vitæ, animantibus
& fru

& frugibus: flumina occidens siccatur, explet oriens.

Quæ hic traduntur, adeo clara sunt, ut sufficiat admo-
nere lectorem ordinis ipsius, qui bifariam constat. Primum,
quod beneficae duæ Iupiter & Venus semper benefaciunt:
Malefica autem semper malefaciunt: Sed diuersis modis. Sa-
turnus quidem immodicè refrigerando, Mars autem exic-
cando cum calore, feruorem hunc appellant: Mercurius au-
tem iuxta naturam stellarum quibus commiscetur. Secundus
ordo est: penes subiecta: diximus autem superius, ea esse tria
elementa & tria genera animalium in illis contenta: & præ-
ter id serpentes, deinde arbores & segetes, hominumq; ge-
nus, quod diuidebatur multis modis. In singula igitur genera
horum declarat Ptolemæus quid agat unusquisq; Planeta:
distincteq; ita ut alia expositione non indigeat. Preponit au-
tem semper generalem causam effectumq; proprijs. Venus
autem calefacit & humectat: Iupiter autem est temperatio:
Veneris igitur opera ualidiora sunt propter multitudinem
luminis, substantiaeq; innati caloris, ideoq; & fecundior &
ad uitæ longitudinem magis opportuna: Saturnus ut dixi fri-
gidityte nocet, inde siccitate: Mars siccitate, inde caliditate.
Notanda est etiam regula, quod beneficae non solum homini-
bus benefaciunt, sed etiam omnibus animalibus, quorum con-
suetudine homines gaudent, ut equis, asinis, canibus, uel quæ
esui apta sunt, ut auiculis & piscibus, & ouibus, & feris
esui aptis: ueluti capreolis, ceruis, cuniculis: item plantis om-
nibus propter lignorum usum. Sic etiam lapidibus in Scotia,
quæ ardent, item gemmis. Nocebunt autem lapidibus inuti-
libus, herbis uenenosis & animalibus etiam homini noxijs:
aut feritate, ut Leones & Lupi: aut ueneno ut Serpentes &
Scorpiones: aut quia edant quod utile est, ut corui, cornices,

Com. 24
huius.

mures, locustæ: aut quia sola scditate sint homini odiosa, & crabrones, muscæ, pulices, cinices, pediculi, uermes: omnia enim talia minuunt. Quo fit, ut cum malefica contraria ratione utilia omnia homini minuant, noxia uerò multiplicent, & in regionibus & in annis abundantia istarum sorditatum, ut sunt muscæ, uermes, crabrones, itémq; uenenosarum herbarum in regionibus quidem prauitatem hominum significat, in annis autem periculum pestilentie aut sterilitatis. Quod si quis dicat, quonam pacto fieri potest, ut tanta bona fiant ab ipsis deliquijs, qualia benefica pollicentur? Respondeo hoc esse interregnum: Cum enim duo sint Reges in cælo, Sol & Luna, altero delinquente, subit Planeta, qui plurimum potest uices obscurati luminaris. Ergo si beneficus fuerit, benefaciet: si maleficus, male atq; pessime. Rursus dices, quomodo potest in tam breui tempore stella prouincie uel partis mundi dominium suscipere, cum nulla eclipsi, ut dixi, quatuor horarum spatium possit attingere? Respondeo id fieri interrupto luminaris dominio, fauente uerò altero luminari. Est autem temperamentum & mistio: non quod solus Planeta absq; luminari deliquium patiente regat. At dices, ergo dabuntur stellæ humano generi salubriores ipsis luminaribus? Respondeo non simpliciter id fieri posse: nam luminaria plus luminis habent, ergo caloris & humiditatis uitalis. Indicium etiam est uitæ longitudo, quam decernunt nulli alteri Planeta, comparanda: similiter & robur illius. Sed dicitur benefica magis fauere, quia certo generi fauet, luminaria autem omnibus. Dum ergo luminaria fauent locustis, gratia exempli, sterilitatem inducunt: Dum addunt animos hostibus, bellum pariunt: Dum humida terra calorem subministrant, reptilia multa gignunt: quæ primum homini infesta sunt, deinde etiam pestem excitant. Non igitur benefica meliores sunt simpliciter ipsis luminaribus, sed certo generi cui fauent

fauent comparata. Fauent autem hominibus & cicuribus animalibus ac mansuetis: Malefica autem horum inimicis: sunt enim beneficis contraria. Rursus benefica ex hominibus fauent his, qui mansuetiores sunt moribus, & temperatas habitant regiones. Malefica latronibus, feris gentibus atque barbaris. Rursus benefica huic prouincia uel illi ex temperatis magis utpote Italia: Malefica contraria utpote Gallia quae semper infensa Italia fuit. Licet nunc Regum moderatione dissensio mitescerit. Similiter & in eadem ciuitate benefica huic uel illi fauent, malefica illorum inimicos impellunt: Itaque cum luminaria omnibus quasi ex aequo fauant, non dicuntur adeo benefica huic uel illi. Gerunt ergo luminaria uicem regis atque magistratus ex aequo omnia distribuentium; quae licet plura dent, quoniam tamen communiter dant, beneficorum nomen non meruerunt. At Iupiter & Venus amicorum uices semper referunt, ideoque benefica appellantur. Saturnus et Mars inimicorum, ideoque malefica. Mercurius medius est inter illos quadrifariam: uel quia modo totus bonus in una re uel uni aliis, uel alijs totus malus: uel quia modo bonus, modo malus uicissim in eadem causa atque in eodem homine, uel urbe, uel prouincia, uel quia partim bonus, partim malus simul: uel quia omnino mediocris neque bonus neque malus, neque dans neque adimens. Est autem propria natura impetuosus ut in mari & uentis: & in humanis actionibus acer, efficax & qui omnibus se accommodet. Hoc autem contingit illi, quia celerrime uertitur in paruo circulo, adeoque ut omnino careat statione. Hoc adiungere uolui, ut intelligeres quomodo Mercurium dominari uel in temporibus, uel in gentibus, uel in hominibus cognoscere posses. Sed dices, status hi beneficorum sunt cum bene se habent, maleficorum autem cum male: quid si benefica male disposita fuerint: aut malefica bene? Respondeo minora

omnia fient. Hoc autem docet dicens:

TEXTVS XLVI.

Vbi igitur peculiari in natura reperta stella fuerit, effectiones quoque illam ipsam consequuntur similes.

Peculiarem uocat naturam quæ duo habet: Primum, quod sola imperet: secundum, quod in proprio sit statu ut masculinus Planeta atque diurnus in masculino signo in quo etiam gaudeat & in die. Id autem continget si orientalis fuerit à Sole & supra terram dum dies est, non nox, ut imaginantur Arabes. Nam uim acquisiuit, cum ante Solem noctu exortus sit. Licet autem hunc appellare primum statum. Secundum autem cum emerferit ante Luchano propè Solem & ante ipsum, sed nondum iam emerfit Sol. Tertium, cum supra terram est diei tempore sed occidentalis à Sole. Quartum, cum infra terram orientalis in die. Quintum, cum infra terram orientalis in nocte. Sextum atque ultimum, cum infra terram occidentalis extiterit.

TEXTVS XLVII.

Sed cum inter se permiscantur cum configurationibus ipsis, tum permutatione signorum & à Sole apparitionibus, consentanea etiam in effectionibus temperatio, & mixtæ variæque proprietates decretorum existunt. Quia verò infinitum, hoc est, neque fieri potest ut vniuscuiusque temperaturæ peculiare decretum doctrina comprehendat, omnesque simpliciter aliquis cuiuscunque modi configurationis ratio

rationes tam multiplicis præsertim rationis, exequatur, relinquendum meritò est hæc pars Mathematici in singularum rerum iudicijs gnauitati ac industriæ.

Duo proponit quæ dixeramus: tertium quoq; in sequenti adiungit textu. Primum igitur est de puritate naturæ ipsius Planetæ, utpote quòd sit in signis similibus sibi, itémque in bono habitu erga Solem. Ex quo patet, quòd Planetæ sunt similes magistratibus & Sol Regibus: cum magistratus est in gratia Regis, utitur plenè sua potestate: Si uerò in illius iram aut odium inciderit, boni nihil facit, mala quoq; implicat. Secundum est, ut non alijs misceatur Planeta. Si uerò aliter contigerit (Per hæc enim multa alia intelliguntur, utpote quòd ab angulo decidat: quòd Lunam uenientem ad se non excipiat: sed sit orientalis ab illa) debilis prorsus erit & infelix. Circa quod notandum est, quòd apud Ptolemæum non sunt nisi quinque genera status Planetarum: Primus est, quo ad Solem: Secundus quo ad Lunam: Tertius quo ad stellas, & hic est duplex, fixas, & errantes: & horum unusquisq; triplex est, coniunctio & est ratione polorum zodiaci & ferri in uno circulo uel respectu uerticis, id est, finitore uel respectu polorum mundi, & est in parallelis æquinoctialis: uel respectu utrorumq; id est, uerticis & polorum mundi, & est ferri in meridiano. Quartus est quo ad partes cœli, & hic est duplex ratione naturæ signorum, & ratione dominij. Quintus & ultimus est ratione mundi: & hic est duplex: uel ratione quatuor quarterum, uel ratione propinquitatis ad angulos. Potest & addi sextus: sed de hoc non inuenio quòd immutet robur. Et est latitudo ascendens uel descendens, meridiana uel borealis, magna uel parua. Dicit ergo, quòd hanc missionem uel remissionem qualitatum aut augmentum impossibile est

- Lib. 3. penitus describere: quod etiam Galenus in libris methodi, &
 cap. 7. Auicenna quarta primi testati sunt. illud ergo industria &
 labori cum iudicio hunc gnauitatem appellat relinquendum
 Verbo Ptolemaeus docet. Et hoc est quod recte dixit Hermes in cen-
 tiloquio: ἀπὸ οὐρανοῦ καὶ ἀπὸ γῆς ἐπιστήμη: id est, scientia Astro-
 nomica ex astris habetur, & ex industria, iudicioq; tuo.

TEXTVS XLVIII.

Sed hoc diligenter obseruabimus, quis sit stellarum principum decreti respectus, & regionum ipsarum ac urbium in quibus significationes cadent.

Declarat tertium, quod supra dixit, & est quod oportet etiam obseruare robur stellarum, quæ illis dominantur: utpote si è directo sint uel supra capita illorum ferantur, ualidiores enim effectus facient. Vnde regiones quæ æquinoctio proximæ sunt, magis ab erraticis afficiuntur: quæ uerò à Boreâ uel Austro positæ sunt, minùs ab erraticis afficiuntur: generaliter etiam minùs à deliquijs eadem causa, ab inerrantibus autem magis. Aliud quod magis refert, quod stella dominatrix loci deliquij si loco significato dominetur, minus affert malum, seu locus ille fuerit ciuitas, seu prouincia, seu fuerit homo: & hoc est quod dixit Hermes in centiloquio (Cum Mars coniunctus fuerit in Leone cum ascendenti domino corpore ipso natus cremabitur, nisi Mars ipse dignitatem haberit in ascendente uel benefica fuerit in octaua) Ecce uident, quod Planete non nocent tantum, ubi dominantur: sicut etiam uidemus in malis principibus quî non tam malè tractant suos proprios subditos, quàm alienos.

TEXTVS XLIX.

Cùm enim sunt illæ beneficæ & conciliatæ locis

locis obnoxiijs neque superantur ab alijs diuersæ sectæ, multò magis absoluunt naturæ suæ bonitatem, sicut & alienæ aut superatæ ab aduersarijs minùs profunt. Quòd si noxiæ hunc principatum ceperint, conciliatæ cum obnoxiijs locis, aut superatæ à stellis aduersariæ sectæ, minùs nocent. Quæ cum neque dominatrices regionum erunt, neque superabuntur ab alijs quæ illarum commédationem accipere, tum vehementiorem suæ constitutionis pestem infligent.

Sensus est, cum domini deliqui & cardinis fuerint benefica & dominantur ciuitatibus uel prouincijs in quas signficata incidunt, nec impediuntur à maleficis: his tribus conditionibus iunctis, plurimum illis locis benefacient: quòd si defecerit conditio aliqua, utpote quòd impediatur ab alijs Planetis, uel quòd non dominetur regioni, ciuitati, uel homini, uel (quod subintelligit) quòd benefica debilis sit, omnibus his modis minus iuuabit. Malefica uerò si præfuerit deliquio & cardini, præfuerit & locis per deliquium affectis, uel uincatur à beneficis parum oberit: & multò minùs, si utrunque adsit. Quòd si non dominantur locis affectis seu regionibus uel ciuitatibus, nec à beneficis impediuntur, malefica deterius afficient ac pessimè, & quantò ualidiores fuerint. In genere igitur bonorum est benefacere semper: item dominari locis subiectis deliquio & id semper prodest seu bonum augendum sit, seu malum minuendū. Sed robur stellæ non ita: namq; tam bona, quàm mala auget, sicut & imbecillitas minuit. Dubitatur autem quomodo stellæ quæ deliquio dominantur, possint non dominari loco per deliquiū significato? Exemplum, si Iupi

si Iupiter dominetur Leoni ubi deliquium factum fuerit, & Leo dominetur Italiae & praesertim Romae uel Rauenna, uel Cremonae, quomodo fieri potest, ut Iupiter his ciuitatibus aut Italiae non dominetur? Hoc certe difficillimum uidetur. Haly exponit, quod concordauerit natura, Planeta cum regione. Sed istud difficillimum uidetur, quanuis ex textu suo posset expositionem tueri, & antiqua uersione: Sed Graece litterae accommodari nequit. Propterea dicerem, quod Planeta hic dominari regioni intelligitur, quotiens ascendenti dominatur, aut principalis est. Esse etiam potest, ut figurae dispositor non dominetur loco illi, quia ipse erit dominus sequentis cardinis loco deliquij, & locorum etiam in quibus domini deliquij inueniuntur: locum quoque ipsum deliquij aspiciet, aut in ipso peregrinus erit. Exempli gratia, deliquium sit in Leone in duodecimo loco, ascendatque Mercurius in initio Virginis: tunc Mercurius dispositor erit deliquij, & quicquid facere mali poterit faciet, cum nullam prorsus in loco deliquij potestatem obtineat.

T E X T V S L.

In genere autem vniuersalibus à malis potissimum corripuntur ij, quorum ingenuitatis praecipua loca, nempe luminum aut cardinum eadem fuerint cum illis, à quibus vniuersalium casuum causae veniunt, id est eclipticis ipsis, aut his oppositis. Sed in primis periculosa ac ineuitabiles sunt partiles occupationes, dimetientesque deliquiorum vtriusuis illae luminum respectum habuerint.

Haec est ultima pars huius capituli, in qua docet principale. Principale autem fuit, si bene meministi, ut ex generalibus


constitutionibus fata singulorum dignoscantur. Hoc igitur est quod docet. Docet autem hoc modo, quoniam illi maxime affligentur ab uniuersalibus calamitatibus, quorum in genituris loca præcipua luminarium & cardinum supple mediij cæli & ascendens, medium quidem cæli pro fortuna & honoribus, ascendens autem pro uita & corpore: similiter & luminarium, alterum pro uita, reliquum pro honoribus, eadem fuerint cum loco eclipsidis & in eadem parte. Secundo, qui in opposita ad unguem parte. Tertio, intelligit quæ sunt in quadrata, inde quæ proximiora (Ex manifestissimis enim doctrina procedit) eodem ordine.

Dubitatur, cur non dixerit de his, qui bene afficiuntur. Existimandum est enim parem esse rationem ut in his, qui distantur, honoresque consequuntur, propter nouarum legum aut institutorum promulgationes: itemque cum ciuitas aliqua imperium adipiscitur: cum princeps aliquis nouus non hereditario iure prouincia præficatur. Igitur dicendum est eandem esse in utrisque rationem. Verum consentientia potius in his licet accipere, quam opposita uel quadrata, ita ut cum medium cæli aut Sol uel Luna aut ascendens (hoc autem est ultimum) eadem parte consenserint cum eclipsidis loco, aut in trigono illius fuerint partili, id est, quod si deliquium fuerit, gratia exempli, in decima parte Virginis, ascendens uel locus luminarium uel locus mediij cæli, sint in decima parte Tauri uel Capricorni, tunc ille sperare poterit, quod boni polliceantur decreta deliquij. Obseruare autem oportet, ut ex his qui præficatur eligatur. Veluti si cui Luna sit uita significatrix, eclipsidis in ascendente parum aut nihil oberit uitæ. Omnia autem hæc, ut dixi, & Haly bene animaduertit de hominibus, intelligenda sunt ciuitatis deliquio subiectæ.

Caput nonum.

TEXTVS LI.

De coloribus in deliquijs & crinitis, ac huiusmodi alijs.

 Bseruandæ etiam sunt in vniuersa-
libus considerationibus colores in
deliquijs, non modò ipsorum lumi-
num, verum aliorum quoque, quæ
iuxta illa solent colligi, vt Virgularum ac
Arearum, & quæ alia sunt huiusmodi.

Omnes scientiæ certiores sunt atq; pulchriores, quò subie-
ctum illarum firmitus est atque stabilius. Ob id certissima est
atq; pulcherrima Astrologia: certior quoq; illa ac pulchrior
longè Theologia: post Astrologiam uerò est Mathematica:
inde naturalis Philosophia: demum Medicina. Atq; hic ordo
est scientiarum naturalium in nobilitate ac certitudine. Ve-
rùm cum ad nostri intellectus imbecillitatem respicimus, non
illarum natura, sed nostro uitio fit, ut res penè contra-
rio modo se habeat: Nam relictæ Mathematica, certissima
omnium est Medicina, inde Philosophia naturalis, post Astro-
logia, ultima omnium est Theologia. Inde factum, ut nostris
etiam temporibus generosi Medici, qualis fuit Galenus, Pro-
pheta cuiusdam ac supra humanam naturam authoritatem
retineant: Dictaq; horum de futuris tanquàm oracula ha-
beantur. Et ita contingit, ut Medicorum pronuntiata de fu-
turis tanquàm solida ratione & firma fundata nihil uani re-
tineant: Vt contrà philosophorum naturalium, atq; magis
Astrologorum, & Theologorum, uana sunt: atque talia ut
ne unus cum altero idem sentiat (Quod etiam magis mirum
est, quòdq; uix fieri posse uidetur) omnes tamē ab ipso scopo
longè

longè latèq; aberrent. Id fit partim incuria, ut dictum, ipso-
rum artificum: partim etiam, quòd scientia ipsa astrorum
altior sit longè, quàm ut intellectus noster eam possit intueri.
Id inspiciens Ptolemæus, non quòd ipsa scientia quæ in se, ut
dixi, certissima est, atque clarissima, talibus indigeret auxi-
lijs incertis atq; obscuris, sed quòd intellectus noster imbe-
cillus sit, uoluit coniecturas etiam è naturalibus signis sum-
ptas ipsi arti adiungere. Nec solum hic, ne obiter fecisse cre-
das, sed & alibi etiam, ut cum de facie cœli obseruanda lo-
quitur. Duo igitur hic proponit. Primum, ut color in lumi-
nari patiente obseruetur. Secundò, Virgularum & Arearum
ac talium, quæ circa eclipsim contingere solent. Circa quod
scire primum decet, quòd dum eclipsis fit ex agitatione lumi-
nis magna atq; illius imbecillitate, quòd non potest dissoluere
multos uapores, multaq; caligo trahi superiùs & maximè
uersus eclipsim solet. Ex qua primum fieri solent uirgæ quæ-
dam splendentes exrefractione luminis imbecillioris, nec pe-
netrare potentis densam caliginem nubemue à latere ipsius
deliquij, & Areæ, quas Græci Alonas uocant. Sunt autem co-
ronæ quædam Iridis in modum circa Lunam plerunq; quan-
doque etiam circa Solem à me uisæ uarijs distinctæ coloribus
atq; iucundæ uisu, de quibus in libris de Subtilitate, luculen-
tius uerò in libris de Varietate rerum dictum est. Hæc igitur,
tum ipsa nubes afficiuntur à Planeta tempore deliquij domi-
nante. Nam si Saturnus dominetur, cogit nubem, atq; ideo co-
lores seu luminis deliquij, seu Arearum uel Virgarum ad ni-
grum seu liuidum inclinât, atque ita de alijs. Scitu autem di-
gnum est, quòd colores hi non tales inspicere licet, cum sem-
per color delinquentis Lunæ sit rubeus & Solis croceus: Sed
ita accipiendi sunt, ut declinant à proprio atq; naturali, ue-
luti in deliquio Solis: si color fuerit paulò nigrrior atq; ob-
scurior croceo ac quasi teter, dicitur niger: aut si lux ipsa
paulo

Cap. vlti-
mo huius.

Li. 3. ca. 4.
Cap. 2.

paululum hebetescat & splendor ille croceus desinat, ut potius remaneat color, quam splendor, dicitur liuidus, qui color est plumbi, & euidentius spectatur in carne puerorum cæsa loro uel uirgis, citra sanguinem tamen, est enim fuscus & aliquantò nigrior plumbi colore, aliquāq; luce participat, quā à fusco & sub fusco etiam differt. Splendescit enim liuidus aliquantulum, fuscus atq; sub fuscus nequaquam. Ergo si color luminis deliquij croceo aliquantulum fiat rubicundior atque sanguineus, Martis erit opus, diciturque rutilus. Quod si color ille croceus aliquantulum remissus fuerit, splendor uerò auctus qualis auri fiet, diciturq; flauus. Quamobrem hos solos duos flauum & rutilum, deliquij lumen accipere potest. In deliquio quidem Solis flauum uerius quam rutilum spectare licet: Luna uerò rutilum uerius quam flauum: Reliquos uerò colores, quod ad illos uergant potius quam quod tales sint, ita appellare libet. Nam quod de albo dicitur in deliquio Solis fit, quotiens purissimus est aer, croceaq; uis illa citri colorem dum impalescit, imitatur. Varium uerò colorem facile est intelligere atq; uidere, si diligenter animaduertas: sed si oscitanter, effugiet oculos tuos, quoniam paruum est discrimen uarietatis. Neque enim expectes una in parte uidere lumen cædidum, in altera nigrum, in alia rutilum. Sed una in parte croceum obscuriorem, in alia dilutiorem, in alia splendidiorē. Quinimò etiam si contingat, intentusque fueris, uidebis quandoque in una eadēq; parte ex pluribus intermixtum simul coloribus. Videntur autem hi colores non solum in luminari deliquium patiente, sed & in ipso aere, & in parietibus. Omnia autem hæc considerata sunt: Verum ne omnino intentus inspicere deliquium Solis satagas, Solem ipsum intuendo, cum aliqui hanc ob causam facti sint cæci: Non solum ratione generali claritatis Solis, sed etiam peculiari quadam natura, quod lumen illud per Lunæ corpus trans

transiens initium, oculos uitiet, offendatq; caput certa ratione. Nam plurimis quibus caput est imbecille, in magnis eclipsibus caput dolet. Illud quoq; considerandum, quod ad rem pertinet, quod eclipses Solis præsertim magnæ si in florentem segetem inciderint, eo anno stipulæ absq; granis coliguntur. Et maximè fit illud, si Sol exoriens deliquiam patitur. Dicta est autem causa huius superius, quoniam cum inter florentem segetem & absolutum granum paulò plus minùsue quadraginta diebus intercedat, si deliquium fiat in oriente, effectus eius statim prodit, atq; effectus pars maior ac robustior sub ipso initio: quo fit, ut seges ipsa naturali ratione afficiatur ac corrumpatur. Verùm ut ad colores reuertar, eadem diligentia adhibenda est in mutatione Arearum atq; Virgarum, quæ natura sua uariæ sunt. Ideòq; omnes dicande Mercurio sicut Solis colores delinquentis Veneri & Lunæ Marti. Sed, ut dixi, non naturalis color spectandus est, verùm ad quem à naturali uariatus aliquantisper accedat, scilicet si ad rutilum, si ad nigrum, uel fuscum, si ad album, si ad flauum, si ad uarium. Ita colores ex additione & inclinatione ad quos uergunt, nominandi sunt, non ex natura propria, cum Lunaris semper rutilus sit, Solaris flauus, Arearum uariis, Virgarum rutilus cum uarietate quadam. Similiter & in nubibus eadem hora deliquij ratio spectanda est coloris (He autem solæ ueros referunt colores, & uerè tales sunt) quædam enim nigra uerè seu fusca, quædam candida, quædam flaua, quædam uaria, quædam rutila.

TEXTVS LII.

Nam si nigra siue liuida esse videantur, significat ea quæ de Saturni natura exposuimus. Candidus color Iouialis est. Rutilus Martius. Flauus Veneris. Varius Mercurij.

y

Quòd

Quòd si coloris proprietas per tota luminum corpora, aut etiam loca se diffuderit, plurimis regionis partibus futura decernit, sin quacunq; à parte apparuerit, illis partibus, in quas se proprietas illa inclinabit.

Tria docet ex hoc. Primum, ut ex colore Planeta qui designatur dignosci possit. Neq; ratio querenda est huius præterquam in Venere. Nam Iupiter candidus est & purus, ideo etiam candidum significat colorem & à candore significatur, cum illòq; conuenit. Similiter de Marte & Saturno, qui sanguineus quoquomodo est. Mercurius uarium propter naturæ suæ uarietatem, non propter colorem proprium significat. Sed Venus flauum obtinet, non quia flaua sit, sed quoniam humidum habet à calore cōcoctum: sicut in auro uidere licet. Secundum est de quantitate, quia si totum occupat, toti parti per eclipsim significata contingit: si parti, parti. Hoc autem contingit secundum uim dominantis Planete: Nam si plene dominetur, tunc continget hoc toti: si parum, parue parti: si mediocriter, mediocri parti. Tertium est in qua parte erunt: Et dicit, quòderunt in parte in qua continget mutatio illa coloris luminis: Vtpote si eclipsis significet super Italiam & mutatio luminis sit in parte Notapeliotis, id est, media inter austrum & orientem, significabit illud super Apuliam & Neapolim. Quòd si fuerit mutatio illa in Borrolybico, id est, inter septentrionem & occidentem, continget illud Mediolanensibus, qui ea in parte siti sunt respectu Italiae. Quòd si ad orientem, septentrionemque ad Venetos, atq; ita de alijs.

Verum dubitabis & iure merito quomodo colores eclipsium fiant à dominantibus erraticis, cum constet ex tabulis Alphonsi & Limerij eos potius in Sole fieri per distantiam à nodo

nodo seu capite uel Cauda draconis: Et in Luna iuxta distan-

tiam ab Apogeo sui parui orbis, tam
men etiam à latitudine ab ecliptica,
ut patet in duabus tabellis subiectis,

ne quicquam huic operi deesset.

Quidam ob id solent culpāre Ptole-
mæum, sed frustrā: Nam primum
sciendum, quòd colores in tabula
descripti uariantur secundum natu-
ram Planetæ dominantis, ueluti Sol
à nodo ad primum gradum fit plene
niger. Si tamen Saturnus dominetur,
fiet ater, ut carbo uelut quando que
contigit. Si Venus erit aliquantulum

Tabula Solaris eclipsis	
\overline{G}	Solis longitudinis
$\overline{-}$	à nodo.
1	Nigrum pressum
2	Nigrū obscurum
3	Nigrum fuscum
4	Fuscum in croceo
5	Fuscum clarum
6	Fuscum rubeum
7	Rufum
8	Rufum
9	Rufum glaucum
10	Rubeum glaucum
11	Croceum
12	Croceum album

flauus Sol, licet sit obscurus. Præterea nihil prohibet aliquid
causam habere mathematicam simul & naturalem. Ita ut in-
telligamus, cum Sol plene obscuratur, dominatur Saturnus,
cum sex partibus à nodo disteterit Saturnus, parum, Mars
plurimum dominabitur. Si uero duodecim, Iupiter cum Ve-
nere præerunt eclipsi. Est etiam illud dignum consideratione
maxima, quòd tabula colores luminaris definiunt, Ptole-
mæus uero de coloribus aeris & qui in arboribus & terra
& parietibus apparent, loquitur. Quare cum non necessa-
rium sit eos esse similes, nihil absurdi sequitur. Vidimus enim
Lunam planè obscuratam, rubram tamen, & quæ uideban-
tur nigra erant.

TEXTVS LIII.

Obseruandæ & crinitæ seu in deliquiis,
siue alio quolibet tempore fulserint in consi-
derationibus vniuersalibus, quales sunt quæ
dicuntur trabes, tubæ, dolia, ac huiusmodi.

y 2

Est

Est enim harum naturæ effectio Martiæ ac Mercurialis proprietatis, bellorum, æstus, turbulentia, & eorum quæ ista sequi consueuere.

Crimitas stellas multis modis apparere & tubæ forma, & trabium contingit: uerum plerumque figura hæc potius ignitis ostentis quæ in cœlo apparent conueniunt. Nam tria genera rerum quæ in sublimi uidentur Ptolemæus in hoc capite complexus est. Primum est eorum, quæ uidentur & non sunt, ut Aræ & Virgæ: Nam nulla substantia penitus constant. Secundum eorum, quæ substantiam habent: Velut trabes, iacula, hæc enim accensis uaporibus uerè sunt, ut prima ex collisione uisus: uelut & Iris. Tertium genusest eorum, quæ media sunt: ut Comete: Nam horum naturam mediam inter corpoream & imaginariam esse censendum est: Ptolemæus uerò illam adnumerauit ignibus iuxta opinionem antiquorum: Existimans in elementari regione eam fieri: cum nos declarauerimus fieri in cœlo. Sed ut res magis distinctè agatur, primum à stellis transcurrentibus atque ignitis facibus quæ in aëre apparent, initium ducamus.

Has igitur uolantia sydera, alij repentina, alij traiectiones, alij incensas stellas, uel deciduas, uel transcurrentes, uel repentinos ignes uocauere. Commune est omnibus siccitatem asferre: & quæ ex illa sequuntur: scilicet ariditatem, paucitatem aquarum, mortem piscium, sterilitatem, uentos, prælia. Propriè autem uentos, eaque ex parte, ex qua mouentur. Quod si ex pluribus, erunt diuersi uenti. Quod si detrimenta uelis scire ubi futura sint, locum ad quem tendunt, considerabis: Ibi enim erunt & prælia & seditiones, & uenti, & sterilitates, & morbi acuti. Atque hæc ubi in eclipsibus contigerint, procul dubio euenient. Vbi autem præter illas,

illas, nō ita: nisi magnæ & crebræ fuerint. Quod uerò ex istis

eueniet (Nam nō omnia expectanda sunt) ex Cometarum ratione discere licebit. Hoc differunt traiectiones hæ & repentinæ ignes à Cometis, quòd breuiiores effectus significant, & minores, & celerius ingruentes quàm Cometæ. Semper tamen hæc quia à Marte & Mercurio fiunt, magnum significabunt: nisi uni soli, per quem forsan uel seditio excitabitur: uel ipse bello prouinciam deuastabit. Ob id igitur cū eius naturæ sint, æstum magnum significabunt. Sunt enim naturæ Martiæ quia igneæ: et Mercurij, propter motus celeritatem & iaculationem.

Similiter & Cometæ à Marte & Mercurio fiunt, quoniam & ipsæ

uelociter mouentur & igneum quippiam præ se ferunt. Vocauit autem eas crinitas, qui conuertit à nobilioribus, cū Græca lectio Cometæ habeat, quod est cōmune nomen. Nam Cometarum tria sunt genera. unum quidem, quod comam

Tabula Lunaris eclip.

latitudinis	distantiæ ab Apogeo	
m	G	
10	180	Nigrum pressum
	210	Nigra
	150	
20	240	Nigrum viride
	10	
30	270	Nigrum subrubrum
	90	
40	300	Glaucum pallens Quod est Griseum
	60	
50		Grisea pallida
60	330	Grisea alba
	30	
90		Ruffa

Li. 7. belli
Iudaici.

habet circum circa, uocaturq; cometes. secundum, quod barbata appellatur, cum in unam partem tantum crines feruntur. tertium, quod caudata quoniam caudam habeat. Immensum autem & celerrimum est incrementum omnium harum: ut quæ pedales primò uideantur, inde intra paucorū dierum spatium, quartam totam zodiaci occupent. Durant incerto temporis spatium, ut quædam etiam per annum, ut Iosephi tempore supra Hierosolymam, excidium illi portendens, affulsit: Velut & Iosephus ipse testatur. Longissimum tamen earum tempus uix (nisi pro miraculo) sex menses excedit: plerumq; autem finitur ante trigesimam diem: nunquam ante septimam. Motus illius triplex. Vnus ab oriente in occidentem: alter ab occidente in orientem, tertius diuersus ueluti ab occidente in meridiem, uel à septentrione in occidentem. Generatur autem frequentius in septentrione & maxime in candida uia à tropicis citra: sunt tamen & quandoq; sub æquinoctiali & etiam iuxta tropicum hyemalem, atq; alibi. Verum, ut dixi, frequentius circa septentriones, quæ in parte tres ego in tribus annis uidi. Nocte uidentur pulcherrimè sub crepusculis, non item de die, non nisi potenti modo. Plures posse uideri constat simul, ut Caroli Martelli etate mense Ianuario duo uisi sunt intra quatuordecim dies, quorum alter Solem præcedebat, alter sequebatur, caudis uersus Aquilonem spectantibus: fuit is annus salutis septingentesimus uigessimus sextus. Duo quoq; anno millesimo trecentesimo trigessimoseptimo apparuerunt simul: nec breui tempore: cum duos menses socij simul impleuerint. Differunt Cometes à iaculis, quòd, ut dixi, in longius Cometes effectus suos extendunt, quàm iacula, & per se etiam, quòd non eclipsis tempore uideantur, plurimum possunt. Nemini autem dubium est, quòd si cum eclipsi contingant, quin geminatis uiribus plurima & assidua mala producant. Vnde iacula & repen-

tinæ

tinae stellae nisi crebrae fuerint, ut dixi, aut magnae ualde, aut
 in die conspicuae non sine deliquio, quicquam effatu dignum
 significare poterunt. Et quanquam omnes Cometae à Marte
 & Mercurio producantur, habent tamen aliquid etiam cum
 alijs Planetis commune, quod à coloribus non secus ac eclipsis
 discernitur. Nam qui fuscus est, participem habet Saturnum,
 qui exacte candidus, Iouius est, qui exacte rutilus, Martius,
 qui flauus, Venerius, qui totus uarius, in illo uis Mercurij do-
 minatur. Constat enim obseruatum fuisse quandoq; Cometas
 etiam aliorum Planetarum quam Martis & Mercurij mo-
 tum retinuisse, quemadmodum Iouianus Pontanus enarrat
 dicens: Cometes tenui primùm capite, comaq; admodū bre- 33
 ui à nobis conspectus est: qui mox mirae magnitudinis factus, 33
 ab ortu in septentrionem cœpit deflectere, nunc citato motu, 33
 nunc remisso. Et quoad Mars, Saturnusq; regrederentur, 33
 ipse auersus, coma progrediente ferebatur, donec ad arctos 33
 peruenit: Vnde cum primùm Saturnus & Mars recto cursu 33
 pergere cœperunt, in occasum interflexit, tanta celeritate, ut 33
 die uno triginta gradus emensus sit, atq; ubi ad Arietem & 33
 Taurum comaeuit uideri desijt. Ille dies plurimos fulsit, & 33
 qui initio breuior uisus fuit, adeò creuit, ut quinquaginta 33
 gradus, atq; etiā amplius occupauerit. Feruntur autem ue- 33
 locissimè quandoq; mirisq; modis, caudamq; contorquent:
 Sed sufficiat tam uelocis motus quam etiam conuersionis cau-
 dae, præclarum unum exemplum subiunxisse. Verum antea
 forsitan quispiam quæret in quo cauda & crines ab ipso Co-
 meta differant? Respondemus caudam atq; crines tenuiores
 esse substantia atq; rariiores, ut nisi præ magnitudine uideri
 queant. Verum sydus ipsum densum est, ac facile præ luminis
 magnitudine uidetur. Sed ad exemplum reuertor, id desum-
 ptum est ex Iacobi Ziglieri monumentis qui ea à Ioannis Re-
 gio Montani obseruationibus desumpsit. Obseruatio autem

talis est atq; series uerborū Regio Montani: Idibus Ianua-
 rijs anno Domini millesimo quadringentesimo supra quin-
 tum & septuagesimum, uisus est nobis Cometa sub Libra
 cum stellis Virginis: cuius caput tardi erat motus, donec pro-
 pinquum esset spicæ: nunc incedebat per crura Bootis uersus
 eius sinistra. A qua discedendo, die uno naturali portionem
 circuli magni quadraginta graduum descripsit. Vbi cum esset
 in medio Cancri, maxime distabat ab orbe signorum sexa-
 ginta septem gradibus, & tunc inter duos polos Zodiaci &
 equinoctialis ibat, usq; ad intermedia pedum Cephei: deinde
 per pectus Cassiopeiæ super Andromedæ uentrem. Post gra-
 diendo per longitudinem Piscis septentrionalis, ubi ualde re-
 mittebatur motus eius, propinquabat Zodiaco, transiens
 ipsum iuxta medium Arietis, donec cum stellis Ceti occasus
 Heliacus illum nobis occultauit in ultimis diebus Februarij.
 Hoc motu suo proprio, circuli magni portionem descripsit,
 quo in septentrionem, & cum hoc contra signorum succef-
 sionem ferebatur à Libra in Arietem, in fine & principio
 tardè mouebatur: in medio uerò apparitionis uelocissimè:
 Vno die ferè per quatuor signa à fine Virginis in principium
 usq; Geminorum. Cauda uerò eius minus mobilis continuè
 respiciendo stellas Geminorum, eas circuibat: nunquàm ab
 eis per totum apparitionis tempus deuians. Ideoq; in prima
 emersione, ad occidentem illam protendebat: quoniam illic
 stellæ Geminorū putabantur. In fine uerò Cometa sub Ariete
 locata propter Solis uicinitatem nisi in occidente apparuit,
 cauda orientem uersus protensa, quia in hoc situ stellæ Ge-
 minorum ponebantur. In medio uerò apparitionis caudam
 uertebat ad meridiem: illic tunc erant stellæ Geminorum, con-
 tingebatq; tunc nocte eadem, ut statim post Solis occasum
 cauda orientem respiceret. Appropinquante medio noctis
 respexit meridiem: post medium noctis uerò occidentem.

Ante

Ante Solis exortum indicabat locū septentrionis. Hæc caudæ
 diuersitas in situ, ex motu diurno oriebatur: qui semper est
 ex consequentia primi mobilis ab oriente in occidentē. Motu
 autem proprio extremitas caudæ quauis tardius, quàm ca-
 put Cometæ, semper tamen etiā ad occidentem contra signo-
 rum successionem describens parallelum, à principio Libræ
 usque ad medium Tauri mouebatur: Vadens sub pedibus Vlu-
 lantis per Vrsam maiorem propinquando Perseo: per quem
 circa Pleiades ad Caudam Arietis ibat ferè in medio Tauri.
 Vnde patet tam Caput, quàm Caudam Cometæ uersus occi-
 dentem, & nunquàm uersus orientem iuisse: non solùm motu
 diurno, sed etiā proprio. Hæc igitur de motu & illarū con-
 uersione dicta sufficiant. Quantum uerò ad substantiam ea-
 rum pertinet, dictum est in libris de Subtilitate, & primo de
 Varietate rerum. Quo uerò ad significata communia, dicit,
 quòd significat bella & constitutiones mobiles: potest referri
 & ad aërem & ad seditiones & ad utrumq;: Nanq; & alia
 significant utpote siccitatem atq; inde sterilitatem. Velut in
 illo Cometa qui subsecutus est coniunctionē magnam in Can-
 cro factam anno millesimo quingentesimo quarto, ut Augu-
 stinus Nyphus refert, quam Cometes consecuta est anno
 M. D. V. I. Illum igitur biennio pòst tanta siccitas in Insubria
 subsecuta est, ut à mense Ianuarij in Nouembrem nulla pe-
 nitus pluuia deciderit in ea regione. Itaque & hæc omnia &
 uentos præcipuè & pestem significat & Principum mor-
 tes. Nam tales effectus à Martis & Mercurij mitione fieri
 solent. Fiunt etiam aquæ & imbres copiosi quandoq; tū mu-
 tationes Principum & Hæreses, & Legum nouarum insti-
 tutiones, & multa alia. Sed de imbribus (Reliqua enim nota
 sunt) causa est magnitudo caloris, qui trabens multos uapo-
 res, eos non potest dissoluere: declaratum est autem à nobis
 hoc in libris de Subtilitate. Sed de modis futurorum quatuor

Lib. 4.

Cap. 1.

Lib. 21.

illa erunt obseruanda, scilicet ut & locos sciamus, & genus affectuum, & tempus, & qualitatem propriam affectionis. Dicit igitur Ptolemæus.

TEXTVS LIIII.

Cæterum, loca in quibus hæc euentura sint designantur, cum à signiferi partibus in quibus collectæ illæ stellæ fuerint, tum de crinitæ figurationis inclinatione. Per ipsam quidem collectionis quasi faciem & formam, futurorum species & genus cui effectio expectanda sit, deprehendetur. Verum de tempore durationis, intensiōe euentuum. De habitudine autem erga Solem, initium patescit. Nam cum fuerint matutinæ, diuque fulserint, celeritatis, siue vespertinæ, tarditatis, significatio futura est.

Declarat quatuor illa, genus, speciem, locum, & tempus. De loco inquit, sumitur à signo in quo fuerit, & ab inclinatione ipsius Caudæ, scilicet uersus quam regionem tendat. Locus autem Cometes dignosci facile potest planisphærio: Vtpote si sit in Ariete, erit in Britannia uel Germania, & quia Britannia differt à Germania: inspiciendo quò tendat Cauda, sciemus an sit Britannia an Germania. Nam si Cometes fuerit Australior, Britannia & Germania, & Caudam inflexerit ad dextram, significabit Borussia, si ad sinistram parum, significabit Frisiam: sed si multum, Britanniam. Quo uerò ad tempus euentus, & magnitudinem effectus, docet illam ex duobus comprehendere, ex diuturnitate temporis quo fulget, & habitu ad Solem: Nam si diu fulgent, diuturnus erit effectus: Si matutinæ, celer: Si parum, breuis: Si uesperti-

nae, tardé. Quo uerò ad genus effectus, dicit faciem & formam Cometæ inspicendam, circa quod notandum est in Cometa obseruanda esse decem, magnitudinem, colorem, splendorem, formam, diurnitatem, situm, locum, motum, habitum ad Solem, & situm orbis. Magnitudo significat effectus futuri claritatem & uehementiam. Color autem significat naturam Planetæ dominantis, ut si fuerit subobscurus, significat declarata in Saturno, ut pote tabes & morbos lōgos, terræ motus, inopiam, niues. Iam uerò colores, quibus tribuantur Planetis, diximus. Habet autem, ut dixi, semper hoc præcipuum Cometes à deliquio distinctum, ut Martis ac Mercurij furentium damna significet. Itaque & Ioui bona quædam immista habebit: Veluti uentos salutare pluribus atq; fecundos. Verum & cum hoc disidia sacerdotum in religione Christiana, prælia, non diuturna bella, abscessus & febres acutas. Talem fuisse eum qui uisus est anno millesimo quingentesimo trigesimotertio, in Ariete sub septentrionali parte Galaxiæ, credendum est. Nam Iupiter legem Christianam, Aries Britanniam, Mars & Mercurius significauerunt disidium & permutationem quæ facta est post triennium in tota illa prouincia, iubente Rege illorum Henrico Octauo. Fuerat autem Cometes ipse, diuturnus à fine Iunij ad initium Septembris. Martius autem Cometa immodicas siccitates parit, bella seuissima, & pestem acerbissimam. Venercus autem Attonitos morbos, Paralyse, Febres uiolentas, Hereticos, seditiosos Principes, & qui plurimum lingua ualeant apud populum, seditiones quoq; in religione Mahumethana: nam illa, ut dixi, Marti & Veneri subijcitur. Mercurialis fulgura, tonitrua, terræ motus, uentos graues, seuas tempestates, nouas artes & inuentiones omnes tamen humano generi perniciosas significat. Splendor significat efficaces actiones & quas plurimi sponte sequuntur: Ideò Regibus aliena occupantibus

bus & seditiosis, & hæresiarchis utilis. Locus autem multa significat, & locum in terra, seu provinciam, seu regionem, seu ciuitatem: ut de Ariete in exemplo dictum est. Secundò, stellas quæ loco illi dominantur, ut si in Leone fuerit Sol, illius effectum adiuuabit, splendescereq; faciet. Semper autem hoc auxilium ad malum tendit totius populi uel gentis ratione: in bello tamen & heresi, & seditione aliquem illustrabit. Tertiò, latitudinem à signifero: Hæc locum proprium declarabit, ut supra, Germaniam uel Britanniam uel Italiam. Quartò, cum qua erratica fuerit uel in cuius opposito, facile enim erit intelligere ex hoc cuius naturæ sit. Quintò, cum qua fixa collocata fuerit eadem enim est ratio quæ de Planetis: Veluti si cum corde Leonis, significabit bellum ambitionis causa. Sextò, quæ in parte cœli fuerit: Quibus enim in oriente exitum uitæ, quibus in cœli medio, Regni Regis atq; potentia. Septimò, in cuius angulo ceciderit. Veluti narrat Haly quod apparuit Cometes in angulo coniunctionis, in qua incepit Regnum filiorum Abex, obijt ergo anno illo Abex Anezir. Solum istud dubium est, quis locus debeat ascribi Cometæ cum ob uelocitatem motus & magnitudinem nullum proprium habere uideatur? Verum quo ad magnitudinem, non dubia res est: quandoquidem neq; crines neq; cauda quo ad locum sint considerata: ipsum uerò corpus paruum & exiguum certum sibi determinat locum. Sed quo ad motus rationem attinet, spectare decet, uelut in eclipsibus mediū tempus ad unguem: atq; imita ratione quo tunc loco sit obseruare: obseruentur & initia & finis, quæ cum difficilima sint, ob id Ptolemæus (non quod paruiores esset momenti Cometes aut mediocres, sed ne magnitudine rei lectorem in desperationem adducere uelle uideretur) paucis uerbis illius historiam absoluit. Octauò, locus quo ad figuras, Octauī orbis considerata est. Nam similia à similibus afficiuntur: Velut in Argo naufragia ma-
gna

gna classium decernet aut fluuiorum ariditatem. Forma au-
 tem, quoniam quæ gladijs assimilantur, ciuitatum destructio-
 nem significant: est enim propriè Martis. Quæ uerò similis
 columnæ Iouis, ea Principes & Reges occidit. Quæ uerò cri-
 nita, parua, uersicolor, lucida & bene caudata, Mercurij
 est, ideoque uentorum & seditionum & hæresis prænuntia.
 Nigra uerò, breui cauda, crinibus nullis, Saturni est, & ste-
 rilitatem, diuturnaq; bella & lepræ ac talia significat. Porro
 quæ lucida est & uultu quasi humano, flaua & breui cauda
 (rarò uisa) Veneris est, & post longas discordias gratum
 Principem significat. Diuturnitas uerò magnitudinem effe-
 ctuum portendit, atq; illorum diuturnitatem, & stabilem in
 perturbatione statum. Situs autem partem illam declarat ter-
 ra, ad quam Caudæ acumen respicit. Motus uerò & unde ef-
 fectus uenturus sit, & progressus illius celeritatem aut tardi-
 tatem significabit. Veluti si Cometes ex oriente feratur in se-
 ptentrionem tardo motu, sensim quidem ex orientis partibus
 proueniet, aut pestis, aut Lex, uel Princeps qui Boreales na-
 tiones conturbabit ac deuastabit. Sic crinita quæ in angulo
 orientis apparuit, & ad ortum ferebatur magna uolocitate
 Georgij Trapezuntij atate, Thamyrim Parthorum Regem
 Taburlanum uocatu significauit, qui in oriente ortus Asiam
 celeri cursu deuastauit: in Europamq; trāsiturus morte eius,
 quem Regno proprio præfectum reliquerat, in Parthiam
 reuersus est. Motus igitur, celeritas & tarditas & ex qua par-
 te & in quam partem consideranda sunt. Feruntur enim quæ-
 dam contrario ordine signorum, ut quæ anno M. D. XXXIII
 ex Geminis in Taurum & ex Tauro in Arietem. Aliæ uerò
 ordine signorum, aliæ permisto motu in latitudinem, aliæ se-
 cundum latitudinem simpliciter, aliæ alijs modis, ut par est
 rem quæ (ut diximus) triplici motu moueatur. Semper autem
 uidentur, quæ contra ordinem signorum feruntur, mutatio-
 nes

Com. 28.
huius.

nes legum significare: quòd motus is primi cœli sit, atque ob id à Deo uel supremo rectore: Leges autem permissione Dei sunt. Habitus uerò ad Solem, declarat ipsius effectus initium: Nam si orientalis extiterit Cometes, breui initium est habiturus effectus: si occidentalis, tardè. Et hæc quidem in genere: in specie uerò quantum temporis requiratur, Ptolemæus non dixit: sed uerè, cum rara sit res Cometes, si diu durauerit, in multos annos extendere effectum suum potest. Initium tamen ut eclipsi tot mensibus potest differri quot sunt horæ inæquales, quibus Cometes ab oriente distat. Ratio autem ista perpulchrè superiùs declarata est. Hoc unum interest, quòd semina quandoq; eorum quæ per Cometam significantur, diutius proferuntur. Veluti, cum Seruator noster natus est, Cometes apparuit in oriente, quam Magi uiderunt, atq; ob id ad ipsum adorandum uenerunt. Hanc stellam uocauerunt communi nomine, quòd Cometes stellæ uocentur, tum quòd pulcherrima esset atque his similis quæ in nocte lucent. Hæc seditionem & turbas quæ per fidem Christi promulgandam successere, pronuntiavit: tot exilia, tot Martyres, inde Regnum pacis constituendum atq; salutis. Cuius quidem author atque Rex Christus in ipso Cometæ fulgore natus est: quòd Cometes in oriente apparuerit. Verumtamen effectus ipsius, scilicet prædicatio, legis promulgatio, seditio populi, conturbatio, persecutiones, exilia, mortes, bella, regna, nomine Christiano inchoata, uix post triginta annos initium habuere, & ad hanc usq; diem perseverant. Ita contraria ratione exitialis Cometa anno Christi M. CCLX in oriente apparuit usq; ad medium cœli, si credere fas est, crines extendens, durauitq; perpetuis sex mensibus fermè, nec priùs euauit, quàm Urbanus Gallus Pontifex è uiuis excessit: post cuius obitum Carolus cum exercitu è Gallijs mouit, & superato Manfredò regnum Neapolitanum occupauit. Biennio post

Pœni

Pœni in Hispaniam traiecerunt, magnâsq; clades ibidem intulerunt, quanquam pulsi postea & caesi. Per quæ tempora magni tumultus in Ethuria concitati fuerunt. Quidnam sequutum? Anno à Cometa tertio, Banducar, uel, ut habet Paulus Aemilius Gallicarum rerum scriptor exquisitus, Bando-dachar Babyloniorum atq; Assyriorum Rex, Armeniam cum ingentibus copijs inuasit, Antiochiam expugnauit, & grauissimas cedes Christianorum edidit. Anno à Cometa exortu quarto, Conradinus Sueuus uictus, captusq; à Carolo prouinciæ Comite, & Siciliæ, Hierosolymorumq; ut idem scribit Aemilius, Rege nuncupato, securi percussus interijt. Anno quinto Ludouicus nonus Gallorum Rex, in Aphricam traiciens, Carthagine, uel ut alij tradunt, Tuneta ui capta, mortem, alui profluuiò correptus, obiit, magna parte exercitus fame & peste absumpta. Cuius interitu cognito, Carolus Pœnorū regem ad tributa quotannis pendenda coëgit. Anno sexto Scythæ (quos hodie Tartaros uocant) Armenis opem ferentes Assyrijs seu Sarracenis uictis, fugatisq; Asiam liberauerunt, eamq; Christianorū concessu, diu tenuerunt. Itaq; meta temporis effectus non nisi ut Ptolemæus describit præfigi debet, atq; sic ex duratione & magnitudine coniectari potest. Sed sunt qui motum Cometarum ita interpretantur: si ad Austrum tendant, pluuias significant: si ad Aquilonem, siccitates: si ad ortum, pestem, & maxima mala: si ad occidentem, optimā anni constitutionem & temperatam. Ita cen-suit Porphyrius Philosophus egregius, sed ut existimo deceptus ex hoc, ut dixi, quòd Cometa contra signorum ordinem procedens, mutationem legis significat. Ergo qui ab oriente in occidentem tendit, significat mutationem legis, nam ille contra ordinem signorum fertur. Cum ergo illud solū significet, contingit, ut sit temperatus annus, non tamen temperamentum anni significat: sed contingere potest etiam ut


cum

cum intemperie anni contingat: & maxime quod, ut dixi, effectus Cometæ in multos annos extenditur. Quod uero de reliquis partibus dicit, etiam illud uerum est, & rationem habet naturalem. Similiter & Cometam cauda respicere stellas aliquas, seu erraticas, ueluti dictum est de Cometa illo Regio Montani, qui semper stellas Geminorum obseruabat, minime absurdum uideri debet, quodq; uires illius sortiatur aut illarum: Tunc enim maxima siccitas fontium fuit, & Henricus rex Angliæ cum filio Edoardo interemptus est. Constat autem Geminorum stellas ferme omnes & maxime præcipuas naturæ esse Martis & Saturni, præter Apollinem, qui Mercurij est. Similiter & Turcæ Pannoniam sunt deprædati. Quamquam Antonius Mizaldus Monslucianus, ex quo hystoriam hanc desumpsimus, nescio quo pacto dum hæc scribit, non sibi constat: modò ad annũ M. CCCCLXXV. modò M. CCCCLXXII. Cometis uisionem transferens. Cæterum, ut ad institutum reuertar, finiuntur effectus Cometarum trifariam, aut per se finita ui, quemadmodum contingit in omnibus causis naturalibus: Aut alio Cometa superueniente, qui uel contraria sit natura, uel ui sua aliud agendo euertat prioris decreta: Tertio eclipsis aliqua uel coniunctio natura contraria in contrarijs Cometæ locis fiat. Porro quod ad singularia attinet, eadem est ratio quæ in eclipsibus. Nam si in loco decreto Cometæ subiecto quis habeat uitæ significatorem, aut ascendens, periclitatur de uita: Si uero cœli cor, alijs quidem euertit dignitatem & statum, alijs uero constituit, prout natura loci & genituræ fuerit. At uero in his qui nuper nascuntur, alia ratio est. Quicumq; enim nascuntur cum Cometa in ascendente, uel omnino non uiuunt, uel si uiuunt, egregij & magni uiri euadunt. Similiter si quis nascatur Cometa Medium cœli possidente, maximus profectò erit. Motus enim ualidi circa fortunam illius semper erunt & felices, quo

quoniam omnia fauorem trahunt ab initijs suis. Quod si moriantur qui sic constitutum habent Cometem, non ob id moriuntur, quoniam Cometem sic habeant, sed ex alia causa. Non sic autem qui oriente Cometa nascuntur: plurima enim ex his moriuntur ut dixi, quoniam ualidum motum nascentes sustinere nequeunt: quod si sustineant, manci aut debiles euadunt: non secus ac qui maleficas in ascendente habuerint: qui uerò omnino euaserint, ab omni calamitate ualidi sunt, & efficaces, ac prompti, & omnino ad maxima negotia nati, quibus etiam principatus contingunt: motum enim ualidum habent. Quod uerò ad situm orbis attinet, diligenter obseruandum est tempus medium ipsius Cometæ, aut initium, uel tempus maximæ motus, & qui dominus fuerit loci Cometæ & succedentis anguli, si ordine signorum moueatur: aut antecedentis si contra ordinem signorum: Is erit figuræ & Cometæ dominus et futurorum significator. Horum omnium igitur causa Cometæ, qui ab Haly describitur, historiam quasi pro exemplo subiiciemus, inquit ille:

Volo narrare ostentum, quod uidi dum iuuenis essem, atq; studerem: apparuit Cometes cuius pars solida erat rotundæ figuræ, triplôq; maior Venere, cuius claritate totus orbis illustrabatur, eratq; Lux eius, quantum si quarta pars Lunæ luceret. Cuius locus fuit in quintadecima parte Scorpij, mouebaturq; motu primi mobilis ab oriente in occidentem, ita ut uelocius procedendo ferretur contra signorum ordinem, donec peruenit ad quintadecimam partem Virginis. Cum uerò primum incepit apparere, situs cœli talis fuit, qualis hîc describitur. Successit autem inter Mauros discordia maxima, inde prælia & cades, & ciuitatum ac magnarum regionum depopulationes, & siccitas aëris, & annonæ penuria, indeque pestilentia maxima, ut mors, tum peste, tum fame, tum bello fuerit innumerabilium hominum.

Excitatusq; est hæreticus siue rebellis (Nam ut Ioannes Leo affirmat, rebelles in Aphrica in titulo legis seditiones mouent ac populum ad se trahunt dicentes Mahumethem sic



et sic uelle adorari, atq; eo modo tyrannidem occupant, nulli crudelitatis generi parentes, ut etiam filios ex utero uiuentium matrum extraherent) qui Regem Meche et Hyetob maximis cladibus affecit. Hoc igitur de Hæreticorum natura ascripsimus, ut intelligeres quantum mali sub uno uerbo hæretici comprehendere Haly uoluerit. Nunc uerò quod ad rem attinet, explicemus. Primum, obseruandum est, quantum ualeat diligentia, cum Haly unius Cometæ obseruationem posuerit tam absolutam eo tempore quo difficillimum erat Astrorum motus supputare, cum decissent Ephemerides: ut difficilior esset unum thema erigere cœli, quàm nunc centum. Et tamen nostro tempore præter illam quam scripsimus,

mus, à Regio Montano obseruatam (qui Princeps sua etate Mathematicorum (& meritò) habitus est, quæ confusa à Mizaldo ad nos peruenit: Et si etiam diligentissimè exscripta fuisset ab eo, nihilominus multum ab Haly industria deficiebat) nullius alterius obseruatio memoria digna ad me peruenit. Mihi uerò non tantum otij fuit, postquam maiora tractare cœpi, ut tot rebus satisfacere possem. Forsan si successerint, Deoq; id placuerit, cuius numine cuncta mihi licuerunt, aliquid in rem addam. Nunc uerò sufficiat homines excitasse ad maiora capeffenda, paulòque diligentius obseruanda atq; tradenda. Qua in re dignus est laude Antonius Mizaldus, quòd quantum potuit materiam hanc crinitarum ac uolantium ignium excoluit: forsan etiam in melius (quòd illi suaferim) prouecturus. Sed hoc uitium tantæ negligentiae ob id solum nobis contingit, quòd malimus uideri quàm esse: quo cum caruerint Arabes, meritò digniores laude uidentur. Atq; ea ratione maximè damnandi qui illos tam impudenter insectantur, nisi quòd illi præstare uoluerint, ipsi re ipsa præstent. At uerò qui solum in eos inuehuntur, ut aliqui esse uideantur, nonne illud Horatianū manes Arabum iuste obijcient:

Tu cum sis quod ego, & fortassis nequior, vltro
Insectare velut melior, verbisque decoris
Obuoluas vitium. Quid si me stultior, ipse
Quingentis empto drachmis deprenderis?

Sed iam ad propositum reuertamur (Quandoquidem maxima laus fuerit Haly Rodoan ea scripsisse temporibus illis infelicibus, linguâq; tam rudi, quæ nostri cum tanta copia librorum, tam felici æuo, nec imitari, nedum æquare potuerunt. Græcorum uerò quisquis ille fuit, qui Commentaria ea scripsit, nugacissimus atque rudissimus improbitusque, tantum chartæ perdiderit, nec ullum alium uideam ex illis qui non plus præstet Grammaticum quàm Astrologum,

logum, meritò plus dicemus fuisse ingenij Arabibus sedulitatibusq; atq; industriae.) Atq; huius qualiscunq; ad nos uenerit laboribus adiutum me plurimum fateor nec ullius alterius quicquam (Graecorum & recentiorum plus felicitatis, ambitionisq; ac nugarum) Secundum obseruatione dignum est thematis in eclipsi atq; in Cometis coelestis erectionis exemplum: cum quatuor tantum cardinibus, locorq; initiorum quarta & decima, cordis & imi coeli dispositio, non solum iuxta Arabum consuetudinem, sed etiam Ptolemei, locorumq; Planetarum, quonam pacto in themate disponi debeant, pateat. Tertium est quod initium ipsius Cometes potius quam medium aut finem obseruauit, non quidem simpliciter, sed cum primum apparuit. Quartum, quod Cometem hora qua erigit ascendens infra terram ponit, cum tamen non possit tunc uideri: Id factum subtilissima ratione atq; notabili: Nam cum certum illius initium uix sciri possit, ideo primam Solis cum Luna coniunctionem obseruauit, quae post Cometæ ortum fuit: Tempore autem eius coniunctionis contingit ut Cometes ipse sub terra latèret. Itaq; in alijs ita faciendum iure merito aliquis censebit: Si tamen uerum initium habeatur, illud obseruare etiam oportet. Quintum est circa significata, haec autem, quod ad legem Mahumethanorum pertinerent Haly manifestè declarat, quod lex sua à Scorpionis signo initium habuerit, idq; diligenter animaduersum. Deinde quod hic omnia mala decernerentur & maxima omnia: maxima quidem propter syderis magnitudinem, diurnitatem & splendorem. Quod uerò omnia malorum generata, quia tota erat de natura Saturni, Martis & Mercurij. Primum, quod stellæ, quæ circa locum crinitæ erant in Scorpione, eo tempore omnes de natura erant Martis atq; Mercurij. Deinde, quod crinita esset in domo Martis, & proxima illi per sex partes. Quarto, quod Mars ipse esset in domo

domo propria. Quinto et sexto, quod uterq; scilicet crinita
 & Mars essent in angulo hora interlunij. Septimo, quod ut
 declaratum est, Scorpio sit pessimum signum omnium eorum
 quæ sunt in cælo. Octauo, quod Mars erat in finibus Mer-
 curij. Nono, quod trigonus tam crinita quam loci Martis,
 Marti subijcitur. Decimo, quod Saturnus projiciebat radios
 ante locum interlunij & ante locum crinita, & in angulo
 erat ascendentis infortunatus in Leone. Undecimo, quod cri-
 nita accedebat ad Saturnum & Saturnus ad crinitam, unde
 erat maxima applicatio & mutua per quadratum. Duode-
 cimo, quod crinita nata sit in oppositione loci interlunij ad
 anguem, & in tempore etiam ipsius interlunij: ex quo decla-
 rabatur maximus effectus & diuturnus qui debebat succe-
 dere: Ideoq; durauit per multos annos calamitas illa. Tercio-
 decimo, quia coniunctio facta est in cardine illius regionis re-
 spectu ciuitatis principalis, quæ erat Alforat in Aegypto.
 Quartodecimo, quod dominus finis coniunctionis fuit Mer-
 curius & ipse quoq; ualde potens iuxta cæli cor. Quinto-
 decimo, quod Cometes progrediebatur contra ordinem si-
 gnorum & hoc ut dixi significat hæreses & legum turbas,
 quibus nullæ sunt crudeliore, cum in omnibus malis alijs ho-
 mines sciant se mala facere: sed in seditionibus legum & hæ-
 resibus, & bellis propter diuersas leges suscitatis, homines
 cum sciant in infantes & puerulos, uiros cruciatibus &
 igne perimant, captiuos in seruitutem abducant, agros de-
 vastent, ciuitates incendio diruant, alij putant se Deo obse-
 quium præstare, alij simulant. His igitur tot modis probus
 Haly nobis insinuauit, quonam pacto & deliquorum & cri-
 nitarum locus, tempus, genus, qualitas & magnitudo effe-
 ctus considerari debeat. Reliquum est, ut quarundam crini-
 tarum clariora exempla subijciā. Cum igitur Xerxes Persa-
 rum Rex maximum exercitum comparasset, ut in Græciam

ueniret, apparuit deliquium Solis & crinita, ceracias dicta, ad instar cornu obliqua, successitq; ut Xerxes Graciam totam deuastauerit: ipse uictus à Themistocle nauali pralio, reuersusq; est ignominiosè etiam magna parte exercitus terrestris amissa. Tēporibus Neronis crinita alia fulsit, inde interfectus ipse, et bella ciuilia tanta crudelitate exarserunt, ut nihil fermè toto orbe multis annis intactum relictū sit. Nam Cometes admodum fuit diuturnus, quippe qui sex mēsis totis respēdit. Antequā Ludouicus Germanicus et Carolus Caluus pralio exitiali inter se dimicarēt, Frater contra fratrem in Gallia, quo nullū fuit cruentius neq; maius, adeoq; cōciderint Gallorum uires, ut nunquā postea plenè potuerint restitui, Cometes ingētes apparuerūt è quibus ultimus fuit in Aquario, primus in Libra, secundus in Ariete. Quidam uolunt diuersis annis sed eodem ordine apparuisse. Temporibus Ioannis xviii Pontificis apparuit Cometes terribilis meridiem uersus, quem secuta est mors Pontificis ipsius, ingēsq; fames ac pestis. Ante Constantini mortē Cometes magnus pluribus mensibus apparuit, qui & illius mortem prænuntiauit, et seditiones ac bella & calamitates, quæ toti orbi contigerunt propter diuisionē imperij inter tres filios, quos heredes reliquerat. Vltimo anno Vespasiani Cometes uisus est: quem ille (quod iocosus esset) ridebat, dicens, pertinere ad Regem Parthorum qui comā nutrirēt: Ipse tamen mortuus est. Inde etiam paulō post mortuo Tito, succēdere nefanda Domitiani tempora. Anno m. clxviii Scotia apparuit Cometa ingens cum duobus longissimis radiis ardens, intrāq; quatuordecim dies Malcolmus, quartus Scotorum Rex, cognomento Virgo, ob continentia, mortuus est. Hoc uolui subijcere ut intelligeres diuersas esse formas atq; innumerabiles crinitarum: quasdam incuruas ut illa Xerxis, quasdam bifidas ut hæc, atq; species alias infinitas quæ describi nequeunt. Anno m. ccxiiii
mensē

mense Martio duo apparuerūt Cometae terribiles in Scotia,
 alter Solem præcedens, alter sequens, quo anno felicissimus
 & optimus Rex Gulielmus cum annos quadragintanovem
 regnasset, senio extinctus est. Anno M. CCLXVII Cometes
 miræ magnitudinis sub meridie (magno pro miraculo certè)
 pluribus diebus uisus est in Scotia. Inde anno M. CCLXXI
 nona Ianuarij uentus adeò saeuus exarsit, & cum ingenti tem-
 pestate, grandinèq; insolitæ magnitudinis sauij, ut tota Sco-
 tia deiectis edificijs, ignèq; accenso, propter uentos, eumque
 qui asseruabatur in edificijs usus gratia ignem, maxima pars
 prouinciæ exarserit. Itaque intelligis non prorsus Cometas
 sequi affectus sensibiles, sed originem ac seminaria. Exarse-
 runt & nostra tempestate anno M. D. XXX Cometes: Flo-
 rentia in seruitutem redacta est. M. D. XXXI alius per Can-
 crum, Leonem, Virginem & Libram discurrens, terræmotus
 fuit in Lusitania. M. D. XXXII alius in Virgine, Libra,
 Scorpione intra tropicos, unde Frisij, Bataui, Zeelandi ac
 Flandri aquarum inundatione submergūtur. Sequenti à fine
 Iunij usq; ad initium Septembris per Geminos, Taurum &
 Arietem alius retrocessit, de quo dictum est, terræmotus ac
 uentus Rheno uicinas regiones circa mediū noctis exagitauit:
 Fames Germanos uexauit. Subsequenti anno, in Polonia tam
 grauis fuit inundatio aquarum, ut Cracouia & Casimyræ
 lapidei pontes & moenia cum plurimis edificijs sint euersa.
 In Brabantia fortuito igne apud Bredanium noningentæ &
 sexaginta domus conflagarūt. Hæc de Cometis dicta sufficiāt,
 ut pro exemplo his, quæ uentura sunt, satisfaciant. Illud so-
 lum animaduertentes, quod cum ratione non constent aduen-
 tus futuri Cometarum, nec eclipses uulgus animaduertat nisi
 magnas, plurimas ex utroq; genere quæ ad rerum notitiam
 pertinerent, historiarum Scriptores præterisse. Nunc uerò
 inuentis Ephemeridibus, deliquia omnia obseruare licet.

Multiplicatio effectus syderum secreta, & Scruatoris genesis.

Sciendum est præterea, quòd si uolueris cognoscere res magnas, oportet ut has tres regulas memoria mandes: primum raritatem seu tempus, & multiplicabis unum in aliud, si sit exquisitum, & si non in partem illius ratione dierum: & numerus qui prouenit, erit numerus dierum illius effectus. Exemplum, si fiat coniunctio Saturni & Iouis in aliquo puncto, & præter id Lunæ ad unguem in annis uiginti, dicamus, quòd fiat coniunctio Saturni & Iouis, & Lunæ recursus sit in uigintiseptem diebus & octo horis, tunc multiplicabimus uigintiseptem & tertiam partem, & fient anni quingenti quadraginta sex, & duæ tertiæ, scilicet effectus tempus illius coniunctionis. Sed tamen ab alia coniunctione poterit antè id perturbari, & maximè post dimidium temporis, augebitur enim naturaliter effectus usq; ad annos ducentos septuagintatres cum tertiâ: & hoc ubi coniunctio omnium trium fiat in eodem puncto. Sed ponamus, quòd Luna distet tunc triginta minutis, accipiemus semidiametrum Lunæ, qui est quindecim minuta, & uidebimus proportionem distantie ad ipsam semidiametrum, ut demus illi dimidium additionis, quia semidiameter est dimidium distantie. Et si luna disteterit uno gradu, dabimus quartam partem, ut multiplicemus sex dies & uiginti horas in uiginti annos, & erit tempus effectus anni centum triginta sex: & ita faciemus, donec Luna plus disteterit, quam sit lumen eius, quod superius diximus esse partium duodecim & dimidiæ. Et licet hæc ratio non sit omnino exquisita, est tamen sensibilis & ueritati proxima. Magnitudo autem Solis est minorum sedecim, Lunæ decem & septem, Iupiter & Venus quinque & usq; ad sex fermè, Saturni & Mar-

tis qua

tis quatuor, Mercurij duorum. Secunda regula est, quòd
 effectus multiplicantur in robore iuxta raritatem, secun-
 dum exquisitam applicationem. Veluti Saturnus habeat
 quatuor vires, Iupiter quinque, Mars tres, & iungantur si-
 mul in eodem puncto: tunc multiplicabimus tres, quatuor,
 quinque simul, & erit effectus ille sexaginta in robore: scili-
 cet duodecuplus effectui Iouis solius, & quindecuplus Sa-
 turno, & vigintuplus Marti soli. Quòd si Mars disteterit
 per unum gradum tempore, quo coniunguntur Saturnus &
 Iupiter, tunc multiplicabimus tria minuta semidiametri Mar-
 tis in tria numerum roboris Martis, & fient nouem: Hunc
 numerum diuidemus per sexaginta numerum minutorum di-
 stantiae Martis à Ioue, & Saturno, & exeunt tres uigesimæ,
 quas multiplicabimus in uiginti numerum roboris coniu-
 ctionis Saturni & Iouis, & fient tria, quæ addes ad uiginti
 & coniunctio illa habebit robur uigintitrium, & erit ferme
 octupla robori Martis, & sexcupla robori Saturni, &
 quintupla robori Iouis, & sic de reliquis. Robur uerò unius-
 cuiusq; Planetæ condiscas ex magnitudine illius & tarditate
 motus: quanto enim maiores sunt Planetæ & motu tardiore
 mouentur, tantò sunt robustiores in causis generalibus: In
 proprijs autem non ita est. Exemplum, uolo scire quantum
 uirium habeat Saturnus in comparatione ad Lunam quo
 ad effectus longitudinem: Video, quòd Saturnus reuoluitur
 in annis xxix . diebusq; clviii . & sunt dies xm d c c l .
 Hoc duco in semidiametri sui quadratum, fiunt dies x c vi .
 m d c c l . Similiter duco circuitum Lunæ in quadratum mi-
 nutorum semidiametri, & fiunt dies vii m d c c c i c .
 cum tertia, diuido unum per alium, & exeunt duodecim, &
 tanta est proportio uirium Saturni ad vires Lunæ. Idem dico
 de coniunctionibus, quo ad effectus longitudinem. Et potest
 demonstrari uno uerbo, quia effectus durant ad reditum, ut-

pote coniunctio Saturni & Iouis usq; ad aliam coniunctionem: & Saturni ingressus in initium Arietis usq; ad aliam ingressum in initium Arietis: Quia nihil datur inane in natura: Et ideo si effectus non duraret usq; ad reditum, esset circuitus Mathematicus non naturalis: Et causa sine effectu, & impotentia quedam: Quamobrem proportio circuitus ad circuitum, ut temporis ad tempus, quod erat probandum. Vnusquisq; tamen horum circuituum redigitur ad dimidium: nam ab oppositione finitur coniunctionis uis, attenditurque ipsa oppositio. His itaq; uisis, manifestum est, quod in utraq; regula dictum de duobus Planetis & tribus, tenet etiam in quatuor & quinque & sex: utpote si iungantur ad unguem uel per partes Saturnus, Iupiter, Mars & Luna, tam quo ad magnitudinem effectus, quam temporis multiplicantes tempora & uires illorum, sequentes regulam primam in temporibus, & secundam in uiribus.

Ex his concluditur, quod potentissima coniunctio & maximè diuturna, est capitis Arietis octauæ sphaera cum capite Arietis nonæ: quia non fit nisi in $xxviii$ annis. Et etiam sunt qui dicant in quadraginta nouem millibus. Et in ea coniunctione palam est, quod consentiunt omnia signa nonæ sphaerae, & omnes stellæ octauæ orbis tribuunt uires suas, & omnes Planetæ, quia absides illorum mouentur motu octauæ orbis, & etiam quia eclipticæ se iungunt inuicem, ad quam Planetæ tum propter Solis motum, tum propter latitudinis rationem, habent respectum.

Secunda est coniunctio Saturni & Iouis in signo Arietis, id est, circuitus ex Ariete in Arietem, qui fit in $dcxcv$ annis habita ratione mutationis trigoni.

Tertia est mutatio coniunctionis Saturni & Iouis ex trigono in trigonum, quæ fit in centum nonaginta nouem annis: Et fit secundum ordinem signorum, id est, ex trigono Arietis
primo

primo in trigonum secundum Tauri, inde in trigonum Gemini, inde in Cancrum, post reuertitur ad primum trigonum.

Quarta, est reditus Saturni ad initium Arietis in triginta annis.

Quinta, est coniunctio Saturni & Iouis, quæ fit singulis uiginti annis.

Sexta, est reditus Iouis ad initium Arietis, qui fit in fine duodecim annorum.

Septima, est coniunctio Martis & Iouis, quæ fit in uiginti septem mensibus.

Octaua, est coniunctio Solis cum Marte, quæ fit in uigintis sex mensibus.

Nona, est coniunctio Martis cum Saturno, quæ fit in uiginti quinque mensibus.

Decima, est circuitus Martis, qui fit in uiginti tribus mensibus.

Vndecima, est coniunctio Solis cum Ioue, quæ fit singulis quatuordecim mensibus.

Duodecima, est coniunctio Solis cum Saturno, quæ fit singulis tredecim mensibus.

Tertiadecima, est circuitus Solis, qui fit in duodecim mensibus. Et quod dixi de Sole, quo ad proprium circuitum & quo ad coniunctionem cum superioribus, intelligitur de Venere & Mercurio. Et similiter, quod dicemus de coniunctione Lunæ cum Sole, intelligendum erit de coniunctione Lunæ cum Venere, & Mercurio.

Quartadecima, est coniunctio Veneris cum Sole, quæ fit in decem mensibus seu diebus CCXCII.

Quintadecima, est coniunctio Mercurij cum Sole, quæ fit in duobus mensibus seu diebus LVIII.

Seddecima, est coniunctio Lunæ cum Sole, quæ fit in diebus uigintinouem & horis decem, & mensis Lunaris.

Decima

Decima septima, est reuolutio Lune, quæ sit in diebus
xxvii & horis octo.

Decima octaua est, reditus cuiuscunq; Planeta uel fixæ uel
loci coniunctionis ad finitorem in ascendente, uel ad circulum
medij coeli, qui tantam habet uim, quantam habet ingressus
stellæ eiusdem in primum punctum Arietis. Et hoc demon-
stratur ex tertia regula, quæ talis est: Quodlibet astrum tan-
tam sortitur uim per se, quanta est raritas euentus: iam hoc
enim demonstratum est superius: & hæc raritas in gradu est
semper trecentesima sexagesima pars: igitur si astrum est
idem & raritas eadem, tantum est habere astrum illud in gradu
ascendentis, quod sit in quolibet die, & uocatur hic circuitus
diurnus, quantum est, quod illud astrum ingrediatur pri-
mum punctum Arietis. Ostendo modò, quod sit eadem rari-
tas: quia sicut in uno die manet ille gradus quatuor tantum
minutis in ascendente, & Saturnus manet in primo gradu
Arietis per unum mensem ferme: Et ita licet ingressus Saturni
in Arietem non fiat, nisi in triginta annis semel, & Saturnus
in ascendente singulo die semel sit: quia tamen in ascendente
non manet nisi momento, id est, quatuor minutis horæ, qui
sunt pars trecentesima sexagesima unius diei, & est totius
circuitus, & in primo gradu Arietis per mensem, qui & ipse
est trecentesima sexagesima pars circuitus triginta annorum,
patet quod tam rarum est habere Saturnum in gradu ascen-
dentis, quam in primo gradu Arietis. Idem potest demon-
strari de Luna & de coniunctione magna capitis Arietis
octauæ spheræ cum capite Arietis nonæ: quia licet nō fiat nisi
in triginta sex millibus annis: quia tamen durat caput Arietis
octauæ spheræ in primo gradu Arietis nonæ, & qualibet
stellæ fixæ octauæ in certo gradu nonæ, centum annis: patet
quod tam rarum est habere caput Arietis in ascendente, siue
octauæ siue nonæ, quantum est, quod quis nascatur tempore
illius

illius coniunctionis, scilicet capitis octauæ sphaera cum capite
 nona in eodem gradu. Et sic de reliquis, in quibus habetur ra-
 tio circuitus, quia unus terminus manet fixus. Similiter pro-
 bo de his in quibus uterque terminus mobilis est: & manife-
 stum est gratia exempli in coniunctione Iouis & Saturni,
 quod licet fiat in uiginti annis solum talis coniunctio, tamen
 manent iuncti per trecentessimam sexagesimam partem cir-
 cuitus, id est, per plus quam uiginti dies. Et ita de omnibus
 alijs. Et eadem est ratio de circuitu & coniunctione corporea
 respectu unius ex illis astris in puncto ascendētis, uel in pun-
 cto cordis cœli. Ex quo sequitur quod etiam coniunctiones
 omnes seu planetarum seu ad fixas, respectu eiusdem spatij
 puta unius gradus uel decem minutorum uel in eodem minuto
 ipso, sunt eiusdem uirtutis quantum ad raritatem, & etiam
 quantum ad uires respectu raritatis. Sed non tamen respectu
 stellarum, quæ iunguntur: quia ut iam dictum est plus potest
 coniunctio Saturni cum Ioue, quam Martis cū Ioue: & multo
 plus coniunctio Saturni cum Ioue, quam Veneris cum Mer-
 curio in eadem distantia, ratione corporum ipsorum. Et ita
 etiam plus faciet cōiunctio Saturni cum Ioue in eodem gradu
 in quacunque parte natiuitatis, quam habere Saturnum uel
 Iouem solum in gradu ascendētis, uel cordis cœli, non ratio-
 ne raritatis: quantum enim ad hoc sunt æqualis potentie, ut
 iam demonstratū est. Sed ratione ea, quod Planetæ iuncti per
 secundam regulam conduplificant uires. Et ex hoc sequitur
 aliud, quod aliqua coniunctio Veneris & Mercurij, erit
 longè potentior quam coniunctio Saturni & Iouis, uel Solis
 & Lune: quia coniunctio Saturni & Iouis, uel Solis & Lu-
 næ, erunt in eodem gradu tantum, & coniunctio Veneris &
 Mercurij erit corporea. Corpoream coniunctionem uoco,
 quando Planetæ non plus disteterint inter se quam sit aggre-
 gatum semidiametrorum, utpote quod Venus & Mercurius
 non

non distant inter se plus, quàm octo minutis in longitudine: Et ita Venus à Luna uigintitribus minutis. Et si talis coniunctio fieret, etiam secundum latitudinem, esset longè ualidior. Latitudo tamen non tantum facit, quantum differentia in longitudine: quia distantia in latitudine non impedit, quin ambæ stellæ ferantur in eodem circulo transcurrente per polos Zodiaci. Et maxima distantia duarum erraticarum quæ esse possit in latitudine, est inter Martem & Venerem, quando Mars fuerit in extremo latitudinis Australis, & Venus borealis: tunc enim distabunt partibus quatuordecim cum dimidio. Secundus modus, quo coniunctio Veneris & Mercurij poterit esse maior coniunctione Saturni & Martis (omitto nunc, quòd essent cum aliqua stellæ fixa uel in initio Arietis, & Saturni & Iouis in fine Virginis, nam istud esset multiplicare coniunctionem & facere triplam) est, quòd Venus & Mercurius sint in gradu ascendente, & Saturnus & Iupiter sint in fine secundæ domus, gratia exempli: Et hoc ex tertiâ regula. Tertius modus est, quòd in una natiuitate in qua Venus & Mercurius iunguntur, Venus uel Mercurius dominentur ascendenti: in alia ubi iunguntur Saturnus & Iupiter, neuter habeat potestatem in ascendente, uel nullam omnino, ut si ascendat decima pars Virginis aut Tauri: uel paruam ualdè, ut si ascendat decima pars Leonis, Vbi solus Iupiter nihil aliud habet, nisi dominium trigoni, & maxime si natiuitas diurna fuerit. Quartus modus est, si dū Venus est iuncta Mercurio, sit Cometes in cælo, aut fiat coniunctio Lunæ cum Sole, & magis si fiat eclipsis, tunc enim etiam quòd non aspiat locum (quia in cælo est ueluti in homine qui totus est transpirabilis ut sententia Hippocratis utar, omnia ab omnibus afficiuntur quoquomodo) erit coniunctio hæc Veneris & Mercurij potentior coniunctione Saturni & Iouis, cum qua nihil harum magnarum rerum contingat. Et nota, quòd

quoddam magnæ res in cælo sunt sex: Prima est coniunctio eclip-
pticarum octauæ & noni orbis, & capitum Arietis eorum.
Hec enim præstat ordinem uniuersæ machinæ elementari. Se-
cunda est Cometes, qui maria & terras & omnia miscet.
Tertia est deliquium luminaris, quod plerunque perturbat
unum certum genus determinatū. Quarta est coniunctio Solis
& Lunæ, qua reguntur omnia humida: Ideoq; Maria, Cancrī,
Pisces, morbi, ligna cædua, & talia. Quinta est coniunctio Sa-
turni & Iouis quocunq; in loco contingat, qua reguntur le-
ges, imperia, regiones. Sexta, est coniunctio luminarum cum
fixis, quarum Solares uentos regunt: & Lunares maria con-
eunt. Forsan dicet aliquis, quod duo Planetæ iuncti non
multiplicant uires: sed iungunt solum, sicut duo reges fœdere
colligati. Sed uidemus, quod qui habent iunctos Planetas cor-
pore, plurimum possunt, in comparatione eorum qui eos
iunctos habent tantum in eodem gradu: cum tamen nullum de-
beret esse fermè discrimen si in coniunctione nulla uis noua
consurgeret, nam qui distarent (cum uirtus singulorum iam
per se maneat, tota etiam si nullo modo iungantur) iuncti
per unum gradum idem fermè efficerent, quod corporaliter,
quod iam patet esse falsum.

Decimanona est coniunctio Veneris & Mercurij, quæ ir-
regularis dici potest, hæc autem certum non habet circuitum.
Fit tamen circuitus eius ex multis coniunctionibus collectus
atq; diuisus, & uocatur circuitus medius quinque mensium
& trium dierum, uel circiter.

Vigesima, est transitus absidum de uno signo in aliud, qui
est circiter trium millium annorum: alij dicunt quatuor mil-
lium: Sed quia sunt quinque absides præter Lunam, ideo con-
tingit, ut non possit fieri, quin transitus seu mutatio fiat sin-
gulis mille ducentis annis: aut quando seriùs iuxta aliam opi-
nionem in annis mille sexcentis. Et ex hoc facile est intelligere.

cur litera tantum habuerint incrementi à centum annis citra quia iam centum annis mutatus est absis Mercurij ex Virgine in Libram. Et primus punctus Libræ est punctus ualde potens, quia est punctus æquinoctialis. Et significat perturbationes in legibus, ut dictum est. Et similiter à ducentis annis citra facta est permutatio absidis Solis, & Veneris in primum punctum Canceri, qui est punctus tropicus: & trigoni sectæ Mahumethicæ: ideo significauit incrementum magnum illius sectæ. Et quia Mars est dominus illius trigoni, significauit intentionem mirabilem & exitialem & (ut more uulgarium loquar) diabolica machinarum ignearum, quarum uis similis omnino est fulmini, & forsitan maior ut existimo. Et quia Luna est domina loci illius, significauit detegendum uniuersum orbem per nauigationes. Et quia Iupiter est dominus altitudinis, significat omnium artium illustrationem, & uitam maximè ciuilem: & inuentionem illam gloriosam typographicam, qua omnes disciplinæ maximum susceperunt incrementum. Et prima mutatio erit absidis Iouis in primum punctum Libræ inter sexcentessimum & octingentesimū annum, quo tempore incipiet mutatio legum, cui nunquam fuit similis, & consurget una noua lex, & cum his alia multa. Et hæc pauca placuit adiungere ex libris de Archanis eternitatis, pro exemplo.


Nunc uerò reuertor ad propositum, & dico, quòd hoc est illud, quod dixit Ptolemæus superius, quod erat relinquendum gnauitati Astrologi. Oportet enim talia diligenter considerare. Animaduertendum etiam, quòd reditus Solis ad eandem stellam fixam singulo anno fermè faceret annum integrum trecentorum sexagintaquinque dierum & sex horarum. Veluti nunc ad primam stellam, quæ est in ligno piscium, faceret semper æquinoctium Vernū: quia annus fermè tantum retroactus est, quantum stellæ fixæ processerunt. Erat enim
tempo

tempore Christi æquinoctiū Vernum uigesima tertia die Martij: Plinius posuit (cui credendum est, ex obseruationibus ut uerisimile est Sosigenis, iussu C. Iulij Caesaris) uigesima quinta die Martij: & Bramam uigesima quinta die Decembris: nunc autem est æquinoctium Vernum decima die Martij, ita ut Sol fermè quindecim diebus anticipauerit. Fixæ autem decemno-
uem partibus processisse uidentur, ita ut parum à natiuitate Christi usq; nunc differant dies anni, in quibus Sol iungeba-
tur stellis fixis tempore Christi, & etiam tempore nostro, ut sint fermè quinque dies differentie, in quibus nostro tempore Sol posterius occurrit stelle eidem, quàm tempore Christi. Exemplū, Nonis Ianuarij, id est, quinta die Ianuarij scriptū inuenitur apud Ptolemaum: Fidicula exoritur, Aquila occi-
dit, Delphinus totus emergit, uentorūq; fit concursus: dice-
mus, quod ista contingent circiter decimam Ianuarij & infra uidebis, suo loco. Et si sumeremus motum medium fixarum, quo procedit in cxxxvi annis parte una conueniret ad unguem: Antea enim erat uelocior. Ex his tandem deuenio ad id, quod est pro exemplo maximo omnium eorum quæ dicta sunt: Et est genesis Domini nostri Iesu Christi, in qua tot uidebis & tanta mirabilia, ut iudices, quod etsi naturalibus rationibus solum insistendum esset, Christi natiuitatem fuisse admirabilem, naturamq; illi tribuisse quantū concursu omnium cælorum excogitari poterat, & naturaliter legem nostram esse legem pietatis, iustitiæ, fidei, simplicitatis, charitatis, optimeq; institutam: nullūq; habituram finem, nisi post reditum eclipticarum, in quo fiet nouus status uniuersi. Nec tamē me uelle credas dicere, quod uel diuinitas in Christo, uel miracula eius, uel uitæ sanctitas, uel legis promulgatio ab astris pendeant: Sed sicut natura illum ornauit optimo temperamento, pulchritudine corporis, sanitate perpetua, grauitate intuitus, quæ omnia fermè ex Iosephi in de bello Iudaico

A

testimonio

testimonio colliguntur, sic etiam Deus optimus & gloriosus optima constitutione astrorum atq; admirabili, genesin illius adornauit: Quod si frustra esse talē constitutionem uoluisset,



duorum alterum contigisset: aut ut nō omnino tā constanter diem & horam natiuitatis illius ecclesiæ obseruaret, imò & horæ momentum: Et ut hæc omnia per tot secula innotescerent adeò diligenter: uel nō adeò omnia fuissent in

illius genitura singularia, magnifica, gloriosa, & tanto concursu digna: tum uerò omnibus quæ successerunt de uitæ sanctitate, de morum grauitate, de sapientia, de persecutione, de lege optima promulgada, de maiestate & concursu populorum, de morte deniq; ac mortis tēpore, adeò congruentia, ut nil exactius posset excogitari. Hac igitur fiducia, quod diuina

Motus latitudines	
5	Retrog. M A 1. 4
4	Medioc. S A 1. 31
3	Medioc. S A 0. 31
2	Velox
1	Velox M A 1. 50
0	Velocif. M A 2. 0
1	Velox S D 4. 22

mens

mens uelit alicuius propositi causa hanc tantā rem euulgan-
dam (quam iam uiginti annis atq; amplius cum struxissem,
non ausus sum ob religionem edere) duxi. Neq; in numerum
coaptandam tantā luminis maiestatem censui: sed opportunē
hic inserendam putavi, quod res maximā, atq; generalissimā
hic traderentur: Nulla uerō illustrior toto orbe fuit quā
Christianae legis promulgatio (omitto nunc diuinitatem) siue
ad legis magnitudinem, quae totum orbem complexa est, siue
diuturnitatē, ut quae iam mille quingentis uiginti annis per-
seuerat, seu quod aduersus Caesares orbis dominos (uix cre-
das) uulgata sit, seu quod omnibus maius est, quod aduersus
uitia: Ut ne glorientur qui laxatis habens liberioris uitae,
suum dogma latius breui diffuderunt: Sic enim Mahumethes,
sic reliqui. Facile enim est homines iam magno nixu naturae
procacis in uitia delabentes, etiam uncino adiecto secum tra-
here. At aduersus naturae inclinationem, humanāq; leuita-
tem & auiditatem pugnare, hoc solum diuinum est, atq; Dei
munus. Itaq; ut ad genesin reuertar, in illius ascendēte quinq;
sunt maxima, rarissima, atq; praecipua. Primum, est coniun-
ctio ipsa capitum Librae octauī & noni orbis tam in sectione
eclipticarū cum æquinoctij circulo, quā etiam, quod caput
Arietis parui circuli octauae sphaerae in una esset longitudine
cum capite Arietis, quod est centrum parui circuli ipsius no-
nae praesens, non dico quae praesuerit (nam Christi tempore ad
unguem celebrata fuit) hac autem ut demonstratum est pri-
mum, illustrissima est concursu tot stellarum clarissimarum
octauī orbis, & effectum suum in annos triginta, sex mille,
ut superius docuimus, ad minus extendit. Secundum est Come-
tes ipsius fulgentissimi praesentia, quae cōturbationem in toto
orbe & nomen clarissimum declarabat. Tertium erat Iupi-
ter, qui suauitatem morū & probitatem & mansuetudinem
cum eloquentia & sapientia maxima declarabat. Itaq; fa-
ctum

Etum est cum in ascendente esset, ut anno duodecimo in templo disputauerit. Iupiter enim ibi ante tēpus dat sapientiam. Iam, ne antea procedamus, Iupiter præstabat gratiam et eloquentiam, & suauitatem morum: hanc Cometes per omnes populos uelut fulgur repēte diuulgabat: Suprema uerò coniunctio in animis hominum ita stabiliebat, ut neq; per turpissimam mortem quæ contingit, neq; per edicta principum memoria eius qui illum cognouerāt, posset euelli. Quartum fuit spica Virginis, stella magnitudinis primæ & naturæ Veneris, ac parum Martis, quæ antè ascendens fuit partibus solum tribus, tum ob par. 2. Australis latitudinis, tum quia uerum æquinoctij punctum ascendebat, idè eloquentiam & gratiam apud gentes præstabat, naturalemq; futurorum cognitionem. Licet enim altiùs diuina resideret, attamen quod supra humanitatē sapientiæ est in humanis ex Veneris fulgentissimo sydere, stellisq; ex eius natura clarioribus habetur. Quintum erat punctus autumnalis æquinoctij, nam, ut dixi, paululum uel momento temporis ante noctis medium natus est, quod etiam ex directione Lunæ ad occidentis angulum dignoscitur. Itaq; ob id necesse fuit tropicū æstiuum esse in cæli medio, atq; ob id, Ptolemæo teste, ad legem promulgandam aptissimum. Ibi etiam erat insignis stella, Hercules uocata, magnitudinis secundæ, naturæ Martis, quæ tot nobiles morti fortissimè obijciendos declarabat: Tot martyres egregios, tot ordines militum Ioannis, Iacobi, Michaëlis, Petri, Paulique, Teutonicorū, Ensisferorū, aliorūq;. Ex occasu uerò unum, scilicet magna coniunctio, quæ in Arietis tertia parte anno ante Seruatoris natiuitatem sexto celebrata est, cum primū Saturnus ac Iupiter in trigono Cancrī iungerētur: Eaq; iuxta Arietis capita utriusq; sphaeræ, quæ ad unguem, ut dixi, in angulo fuerant occidentis. Hoc igitur octauum est insigne huius genesis, quo decernebatur mors publica atq; famosa ob capitum

capitum Arietum coniunctionem, Principumq; mandato & ob populi seditionē propter Saturni, Iouisq; coniunctionem. Significabat & à morte promulgandam legem, quia capitum Arietum coniunctio erat in ipsa occidentis linea. Duo alia erant insignia ex cœli imo: Solis præsentia indicans mortem præclaram, & à morte nomen clarissimum: Mercurius quoq; ibi præsens, & cum Sole, & ascendens respiciens ingenium et dexteritatem maximam, ac solertiam in rebus agendis declaravit. Adeò ut Euangelium referat turbas in responsis eius mirari solitas, quæ constat non à diuina sapientia (quæ nullo tali indiget auxilio) sed humana profecta esse. Atq; hæc illa sunt decem singularia, atq; rarissima huius genituræ: quorum concursu penè diuino, effigies quædam tam mirabilem operum, quæ ab æterna serie constituta erant, præmonstrata est. Nunc uerò consentientia dicamus, Mercurius in apice parui circuli uelocissimus & cum Sole, & in angulo, & dominus ascendētis ex parte, & in quadrato Iouis & Martis præstitit ingenium acerrimum, & prudentiā maximam. Cum Iupiter esset in opposito Martis, & Mars in domo sua in occidente, contradictiones, emulationes, insidias, grauissimæq; pericula decernebant. Sol in imo Cœli inimicus ascendenti cum Mercurio, & in quadrato Martis Regiam potentiam insensam demonstrabat. Atq; id tam ab initio, ut Herodes infantes occiderit, existimans eum inter illos esse. Quia uerò Luna significatrix uitæ erat, Sole & Sorte sub terra constitutis, & ipsa sub initio 34 anni ad occidentis lineam perueniebat in cōuersa directione, isq; locus solus in hoc casu occidit, significauit eo tempore moriturum. Cumq; ibi esset Mars Lunæ et ascendenti hostis, crudeliter & uiolenter periturum: Cumq; ibi essent radij Iouis oppositi iudicis: cumq; Solis quadrati, etiam Regiæ potestatis consensu: Cumq; ibi coniunctio spherarū, & magna seditione populorū & consensu gentis.

Vnde illa uox plebis, Crucifige, Crucifige. Solē autem radijs suis mortem publicam decernere palam est. Saturni carpentum in ascendente, quod altitudinem, trigonum & sinem ibi possideret, efficit illum mœstum & taciturnū. Adēo ut Iosephus dicat uisum sepius flere, ridere nunquā. Sed & ob id grandior etate uidebatur: spiritus enim tristis exiccat ossa. Vnde Iudei existimabant illum quadragesimū annum excessisse, cū dixerint, Nondum quinquaginta annos habes, & Abraham uidisti: Idem cum Venere faciebat maculosum in facie, ut Iosephus refert, dicens, lentiginosus in facie. Quod si à Deo omnia fuissent profecta, quorsum erat lentiginosum creari? absoluta enim sunt omnia, quæ à Deo proficiuntur. Sed ut famescere, sitire, lassari, dolere, propter plagas, mori ob resolutionē caloris naturalis: ita etiā ob Saturni & Veneris dominium masculos nasci, & quæcūq; alia ut ceteri homines, perpeti, naturaliter contigit: præter hoc unū, quod est ex uirgine nasci. Incolumitas corporis & pulchritudo ob Saturni & Veneris dominorum horoscopi, trigonam radiationem ad ipsum horoscopū, Iouisq; præsentiam in illo contigit. Cūq; sors esset sub terra in sinibus Saturni desolata, significauit paupertatem. Vnde de seipso dixit: Filius hominis non habet ubi reclinet caput suū. Luna & Mars in occidentis angulo in signo terrestri perpetuas quasi peregrinationes, & per terram ostendunt. Infans delatus in Aegyptum et reuersus totam penē prædicationem in itinere peregit. Luna propinqua Pleiadibus tumultus et turbas populorum significabat: & non absq; cōtradictione et periculo, cū stella illa ex natura etiam Martis sint, & ob Iouis, Martis ac Solis hostiles uicissim radios. Vnde illud Simeonis in Euāgelio: Hic est positus in signum, cui contradicetur. Cūq; Saturnus esset in nono loco, atq; retrogradus, significauit studium euertendæ legis, in qua natus erat: Nemo autē legem euertit, nisi qui no-

uam condere uult. Cùm uerò illud diuinitus faceret, natura-
liter tamen hoc studiũ Saturni stella declarabat: Intentumq;
perpetuò in opere faciebat. Cùm uerò cõiunctiones capitum
celebrarentur in ascendente & occidente, significauit & ab
initio statim & in fine seculi obseruandam legem iustitiæ,
quæ magis etiam circa finem ob Iouis & Saturni coniunctio-
nem iuxta angulũ occidentis celebratam. Hoc est, quod dixit:
Cùm uenerit filius hominis, putãtne inuenturum fidem in ter-
ra? In medio uerò seculi pessimè homines legem obseruabũt.
Nam ibi maximum discrimen est inter eclipticas: Suntq; ibi ra-
dij hostiles Solis, Iouis, Mercurij & Martis, quod indicat
Regum metu ob Solem, sacerdotum improbitate ob Iouem,
impiorum persuasionem ob Mercurium, uolentia & bellis ob
Martem, euenturum. Itaq; uideant hi, qui artem ueram esse
negant, an nos tempus mutauerimus: An astrorum locum
malè supputauerimus: An quicquam in decretorum recita-
tione à Ptolemæi sententia uariauerimus? Quid id igitur re-
liquum est, nisi ut dicant Ptolemæum qui ne forsã unquam
hanc genesin cognouit, ut arti fidem faceret, totum hunc li-
brum ad eius exemplar consinxisset? Quò quid stultius dici,
aut absurdius excogitari possit, non intelligo.

Caput decimum.

TEXTVS LV.

De Nouilunio.



Emonstrata iam ratione vniuersalis
considerationis regionũ ac urbium:
sequitur quædam subtilior exquisi-
tio, eorum inquam, quæ singulis
anni temporibus euentura sint, cuius tracta-

A 4 tio

tio quandam desiderat de Nouilunio, vt vocatur, anni disputationem.

Cum declarasset omnia illa quæ pertinebant ad res generales, quæ sunt quasi præter naturam, in presenti capite aggredditur secundam partem principalem, quæ est de proprijs qualitibus uniuscuiusq; partis anni. Quam tractationem precedente subtiliorem appellat: quoniam ut diximus, mutatio temporum exuentis contingit. Ventorum ratio, causæ, origo, accidentia, qualitates tam abstrusæ sunt, tam uariæ, mutabiles, incertæ, ut Aristoteles aliò quin maximus naturæ indagator, nihil aliud proferre ausus sit, quàm quòd uentus sit exhalatio calida & sicca. Quod an planè omnino uerum sit, meritò quisque possit dubitare. Quod uerò sequitur ex hoc, arduum atque difficillimum est, quod Galenarum pluit, atque Cardani media uia serenum est, cum tamen nix mille passibus distent hæc duo oppida. Quæ nam igitur erit ars aut coniectura tam subtilis, quæ discrimen hoc & causas illius in tam paruo spatio, quod uicem puncti gerit, seu ad cœli ambitum uisibilem, seu ad terræ superficiem conferatur, assequi possit? Torsit me hoc diu argumentum, atque ut existimo, Ptolemæum etiam, propter quod coactus fuerit illa uerba addere (Sequitur quedam subtilior exquisitio) nec ullum maius argumentum Astrologo obijci posse, dubium non est. Sed si Medicina carcinomata curare non possit, non propter id ars contemnenda est. Nulla enim ars quantuncunque egregia, omnia complecti potest atque assequi: multa omittit Medicina, multa desunt in Geometria, plurima in Musica: neq; Grammatici, neq; Rhetores, neq; Dialectici artes suas perfectas habent. Quid dicam de Peripatetica Philosophia, quæ ne unius fermè problematis exquisitam rationem naturalem hucusq; docebat? Atq;

ca de

de causa hæc pars in Astrologia manca est, quæ de uentis agit, atq; imbris, quod in ipsa philosophia naturali causæ uentorum atq; ortus à quibus imbres proueniunt, non solum omnino incertæ sint, sed ne unus Peripateticus quidem uel tentare ausus sit, cum tamen ingentia uolumina nugis suis repleant, digladiantes inuicem, non ex ipsis rebus argumenta sumentes: Sed uerba Aristotelis tanquam Dei uenerantes: Et ut prophætæ ancipitia, uel ut ineruditi Astrologi perplexa et plures habentia contrarios sensus, quam uerba, non secus ac ouillam pellem, quantum uolunt distrahunt, atq; quod libet distorquent. Nec hæc mea est accusatio, sed Galeni. Vtinam uerò uel ipse scripsisset, uel qui solus meritò probandus est inter Peripateticos, Galenòq; atque nobis admirabilis uideatur, quæ scripsit de uentis Theophrastus, inuenirentur. Præstat igitur forsân (neque enim aliter pars hæc Astrologiæ intelligi potest ullo modo) quæ nos in libris de Varietate rerum, scripsimus de uentis, diligenter perlegere. Cum igitur de nouilunio, id est, requiuit (Quid autem sit, inferius declarabitur) quæstionem proposuisset, quæ differant audiamus dicentem.

Lib. I.

Cap. I.

TEXTVS LVI.

Quod igitur illud principium capi oporteat à reuerſione Solis in omni ambitu illius, ac eum locum vnde abierat, ipsa res docet, cum effectiōe ipsa, tum etiā nomine. Quale autem principium in circulo constitui simpliciter possit, omnem etiā cogitationem fugere videtur. In illo tamen circulo, qui describitur per mediâ signa, probabilia sola principia sumpserimus, eorum punctorum, quæ

A 5 aequi

æquinoctialis & coluri signant, hoc est, bina æquinoctialia & bina tropica. Sed rursus & hinc dubitatio alicui fortè oriatur, quoniam ex his quatuor, ut principe rectè utatur. Atque est de simplici quidem & circulari natura horum nullum ut unius principij præcipuum. Scriptores tamen harum rerum uno quopiam usi sunt, alio sanè alius, cui quisque principium pro ratione & sensu naturæ suæ ascriberet. Etenim singula hæc membra eximium quoque quiddam habent, cur principium & novum annum sibi iure vendicare videantur. Nam æquinoctij verni proprium ut tum longiores dies noctibus fiant, humiditatisque, hoc est, tempus. Humiditatis autem natura potissimum, ut antè quoque diximus, in exordijs genituræ regnat. Solstitium longissimum diem edit, & Aegyptijs inundationem Nilī, ac ortum Caniculæ significat. In autumnali æquinoctio cadit tempus condendarum frugum, & quasi de novo principio aliarum semina terræ mandantur. Bruma diem incipit diminutum producere. Sed convenientius mihi ac naturalius videtur, ad annuas inspectiones quatuor principia constituere, observatis & præcedentibus coniunctionibus Solis & Lunæ cum interlunij, tum plenilunij, atque in primis defectivis. Atque ita de Arietis principio iudicium

cium facere de statu veris. De æstate à Cancro. De autumnò à Libra. De hyeme à Capricorno.

Laborat Ptolemæus ad declarandum, quòd oporteat quatuor principia pro quatuor anni temporibus obseruare: illud intelligens, quòd cum uia Solis circulo constet, non potest unus punctus habere uim supra totum annum: quia alia puncta & ipsa habent uires, cum sint saltem quatuor principalia: uocat autem (πεποινηται) non interlunium, ut iste exposuit, sed noui mensis initium, seu nouum mensem, quasi dicat nouum principium anni. Consulit igitur adductis rationibus pro singulis partibus, ut pro uere, consideremus coniunctionem uel oppositionem, quæ primò præit ingressum Solis in primum punctum Arietis, & pro æstate Cancri, & pro autumnò Libræ, & pro hyeme Capricorni. Et maxime, si coniunctio illa fuerit, cum eclipsi Solis, uel oppositio cum eclipsi Lunæ. Et ideò accipit coniunctionem uel oppositionem, quia utraq; potest esse causa alicuius eclipsidis. Et omne, quod est potentia tale, est etiam principium agendi, & ideò reijcit quadratas radiationes in hoc, quia non possunt esse causa alicuius deliquij. Iubet autem considerare coniunctionem uel oppositionem, quia possumus cum exquisitè sciant, erigere thema cæli, & cum hoc etiam considerare ingressum ipsius Solis in punctum illum æquinoctium aut solstitiale. Sed quia tempus illud non habetur adeò exquisitè, ideò non possumus erigere thema cæli, sed sufficiet disponere Planetas in locis suis & uidere aspectus illorum. Sic fiant duæ figuræ pro Verno tempore, & duæ pro æstate, duæ pro Autumnò, & duæ pro hyeme. Et sicerunt octo figuræ: quarum quatuor erunt perfectæ cum situ Planetarum & erectione domorum. Et sunt illæ coniunctionum uel oppositionum luminarium quæ

quæ proximè magis antecedunt ingressum Solis in punctum cardinale. Voco puncta cardinalia, initium (ut dixi) Arietis, Cancris, Libræ & Capricorni. Et quatuor figura imperfectæ, in quibus solam est situs Planetarum, & sunt sumptæ ab ingressu Solis in illa quatuor dicta puncta cardinalia.

Sed si fuerit eclipsis Lunæ ante ingressum Solis in punctum cardinale, & inter eclipsim & ingressum Solis fuerit coniunctio luminarium sine eclipsi, uel si fuerit eclipsis Solis in hyeme, inter ipsam autem & ingressum Solis in primum punctum Arietis, media sit alia coniunctio uel oppositio: quid dicendum erit? Respondeo, quod eclipsis primò erit consideranda, quia si potest super totum annum, ut uisum est, multò magis super uer solum, aut æstatem, aut autumnum, aut hyemem cui proximior erit. Figura igitur eclipsis primū locum obtinet statim sequentis temporis & in parte anni, etiam in qua effectum suum ostensura est: In reliquis autem partibus anni obtinet ultimum locum, nisi sit eclipsis ualida. Secundum locum obtinet figura ingressus Solis in punctum cardinale, quo ad robur, sed non quo ad cognitionem. Tertium locum, quo ad robur, obtinet figura interlunij uel plenilunij proximioris ingressui Solis in punctum cardinale.

His uisis, ponamus quod si in uere sint signa multi humidi, significabit putredinem fructuum & paucitatem illorum & abundantiam herbarum inutiliū. Et si fuerint signa caloris, arbores citò emittent folia & florebut citò & fructus uerni, ut fraga & cerasa, erunt tempestiui: & si non colligantur ante maturitatem præcipuè cerasa, uermes parient: & apparebunt rosæ ante tempus non multum odoratæ, & erunt omnia similia moribus temporum nostrorum, id est, composita ad speciem potius, quam ad ipsam rem: Erit igitur uer formosum & inutile. Quod si præter id sint signa frigoris & siccitatis, in fine ueris cadet pruina iuxta plenilunium, & erunt

erunt paucissimi fructus eo anno, uini ferme nihil. Quod si uer futurum sit siccum, pauci erunt fructus, & boni & penuria frumēti. Quod si uer fuerit frigidum, fructus erunt serotini. Aestas uero si multis abundauerit pluuijs, fructus aestiui putrescent, & non erit copia frumenti, multiq; morbi erunt. Si uero sit siccior, erit penuria frumenti, fructus aestiui erunt salubres, pisces morientur, morbi acutissimi. Si uero calidior, erunt & morbi multi, & multa copia fructuum aestiuorum. Si frigidior, incolumis annus, fructus serotini.

Autumnus humidior, putrefacit uuas, uinaque facit, quæ Vere peruertuntur. Si sit ultima parte humidior, sequenti anno erit penuria frumenti. Si siccior in prima parte, eo anno penuria erit milij. Si calidior, erit morbosus atque omnino malus. Si frigidior, autumnalium fructuum fiet iactura in quantitate, sapore, & gratia. Hyems frigida & sicca laudabilis est, frigidissima occidit arbores, maximè quæ cælo calido gaudent, Ideoq; in primis punicum malum, inde ficum & persicum, & super omnia malum medicam cuiuscunq; generis: dico citria, arancia, limunia, & si magis sæuiat, uitem & oliuā, cerasa & chrysomela. Calida uero & humida hyems, insalubris & segetibus inimica. Omnis præterea immoderata intemperies mala & peruersio temporum, etiam mala, & equalitas illorum. Ventorum quoq; multitudo, noxia fructibus est, paucitas segetibus, tranquillitas totius anni, de pestilentia suspecta est. Hæc igitur, cognitis primis qualitatibus, prædicere oportet Astrologum.

Quomodo autem primas qualitates cognoscere queat ex tribus illis figuris aut saltem duabus si deliquit nullum adsit, regulam tradidit Ptolemæus, dum de deliquijs loqueretur. Inspice igitur quænam Planetae inspiciant Solem ingredientem locum cardinalem, & ubi Luna sit: nam si propinqua sit Soli, & infra terram, siccior erit constitutio: Et si remota & super

super terram, humidior: Et si cōmista Ioui, aer serenus erit, temperatus & clarus: Si Veneri, humidissimus, & pluuiosus. Venus enim pluuiarum mater est. Eadem ratione uidebis & fixas, quæ Lunæ commiscetur. Postremò & dominos loci Lunæ considerabis. Quòd si cardinem sequentem ingressum potueris habuere exquisitè, non prætermittes. In interlunio autem uel plenilunio ipsum omnino considerabis, etiam ut dictum est in deliquijs.

TEXTVS LVII.

Nam ipse quidem Sol vniuersales temporum constitutiones & modos facit, vnde & penitus imperiti Mathematicum, futura prægnoscunt. Sed & proprietates signorum ad significationem ventorum & generalium naturarum assumendæ.

Docet nos duo. Primum, quòd Sol iuxta naturam stellarum, quibus applicat, generales facit constitutiones: utpote quòd cū iungitur Canicula, commouet maria, & maximos æstus parit, & multos morbos, & hoc semper & similiter cū Vergiliæ oriuntur, flat Auster: oriuntur autem mense Maij: Cum uerò exoritur Orion, flat Aquilo: oritur autem post Caniculam die sequenti mense Iulij: mense uerò Februarij cum Fidicula occidere incipit: Fauonius flat, confirmatur autem zona Orionis emergente, inde terra aperitur & pululare incipit. Hæc igitur inquit Ptolemæus norunt cognoscere (etiā si Mathematica carent, quod & superius in primo libro docuerat) nautæ atq; etiam prædicere. Similiter & agricolæ uentorum & statuum cœli habent cognitionem, quoniam à Sole pendet talis generalis mutatio.

Cap. 2.

Propterea consulo, ut quilibet qui uelit de futuris pronuntiare statibus temporum anni, obseruet tribus uel quatuor annis

annis exortus syderum, & occasus singulis diebus, & præter id diligenter uentos & cæli status in sua regione: & in quibus concordant, statûsq; ipsi consistunt, adnotet, tabulamque faciat toti anno inseruientem, exemplo deducto à Ptolemæo, qui talem obseruationem non omisit, quæ ad nos peruenit diligentia Nicolai Leonici, qui illam in Latinū uertit sermonem, impressâq; habetur cum P. Ouidij Fastis à Colineo, Lutetiæ, opus sanè perquàm elegans. Sed cùm tam publicum esset, frustrâ hîc adijciendum duxi. Ptolemæus autem ad situm urbis Alexandrinæ illum construxit. Quamobrem cùm nulli alij urbi inseruiret, sola methodo utilis ille liber est, ut sibi quisq; talem fabricare possit. Nam ut facilius quisque ex illo Ptolemæi ad suæ urbis uerticem & consuetudinem trahere possit, obseruet primum præter æquinoctia & solstitia, quæ nostro tempore ita disponuntur, æquinoctium uerum die decima Martij, solstitium æstiuum undecima Iunij, æquinoctium autumnale tertiadecima Septembris, bruma undecima Decembris, congressus Solis ad stellas, ut dixi sit fermè quinque diebus post eam diem, quam scripsit Ptolemæus. Exemplū, zona Orionis emergit Nonis Februarij, id est, quinta die, ut Ptolemæus ponit, eo in libello, adijciens, turbidus est aër Fauonij flatu. Primum igitur accepta sphaera, in qua stellæ descriptæ sint locis suis diligentissimè, animaduertes, quando cingulus Orionis orietur. Id uerò erit circa decimam Februarij, ut dixi, id est, quinque diebus post obseruationem Ptolemæi (Nam regula non tenet ad unguem in omnibus propter diuersitatem altitudinis poli) Obseruabis etiam, quîsnam uentus spiret: qui profectò nobis est Fauonius etiam. Nam in astrorum ortu, & occasu, semper concordabunt obseruationes nostræ cum obseruationibus Ptolemæi, paruo discrimine temporis excepto: de uentis autem & cæli statibus etiam plerunq; Scripserat de hoc Franciscus Siriga

Sirigatus, sed non satis experiri potui, an exortus illi ueri essent, atq; occasus iuxta finitoris nostri rationem, secundum quam conscripsit librum, sed omnino partem obseruationis temporum non attigit. Quamobrem, si ea uera esset, tantò minus deesset. Fuit at consilium mihi, hanc ad librum istum traducere, quæ Ptolemæi erat emendatam atq; perfectam, sed cum considerarem soli posse conuenire uni regioni, atq; neq; illi perpetuò nec diu, sed solum quantum ad usum uitæ unius hominis sufficiat, æquum non duxi tam inutiles chartas implere. Nam quod ad exemplum attinet atq; inuentionem, sufficit libellus ille Ptolemæi iam omnibus uulgatus, magna certè utilitate humani generis. Consulo igitur, ut quisque sibi qui uelit mutationes temporum cognoscere, pro sua ætate atq; regione libellum similem sibi fabricet.

Secundum est, quòd non solum fixas obseruare oportet, quibus Sol congregitur, sed etiam signorum ipsorum naturas, ueluti quòd Aries sit humidus, calidusq; parumper & mobilis æquinoctij signum Verni, atque talia eiusmodi, quæ ad signa noni orbis pertinent. Dixit autem uentorum & generalium naturarum, quoniam non solum propter stellas uenti mouentur, sed propter naturam etiam locorum signiferi.

TEXTVS LVIII.

Temporalium autem mutationum incrementa & diminutiones indicabunt uniuersaliter quidem vicinæ prædictis punctis coniunctioniones, & erga has stellarum errantium configurationes, particulariter uerò in unoquoque signo interlunია & plenilunია, itémque stellarum transitus, quam menstruam inspectionem nominare liceat.

Intendit duo. Primum, quæ possint constitutionem ingres=
sus

sus Solis generaliter augere uel minuere, puta calorem, qui
 decernitur à Sole, quando ingreditur primum punctum Can-
 cri, & dicit, quòd erunt coniunctiones (supple præcedentes
 talia puncta) & errantium stellarum configurationes, et per
 coniunctionem intelligit etiam oppositionem. Dixit autem
 hoc propter duo. Primum, ut intelligeremus, quòd oportet
 etiam in coniunctionibus ipsis uel oppositionibus Solis &
 Lune præcedentibus ingressum Solis in puncta cardinalia,
 etiam considerare configurationem reliquorum Planeta-
 rum, quod dicere prius omiserat. Secundum, ut intelligere-
 mus differentiam coniunctionum uel oppositionum præce-
 dentium ingressum à coniunctionibus & oppositionibus lu-
 minarium sequentibus ingressum, & est duplex. Vna, quia in
 præcedentibus oportet unam tantum considerare coniun-
 ctionem, uel oppositionem, in sequentibus omnes coniunctio-
 nes, uel oppositiones. Secunda est, quia coniunctio præcedens
 uel oppositio (proximiorum autem, ut dictum est, semper in-
 telligo) supra totam quartam anni significat, quæ uerò se-
 quuntur coniunctiones & oppositiones (& hoc est, secun-
 dum principale) singulorum mensium significationem ha-
 bent. Ex quibus colligo, quòd coniunctio uel oppositio, quæ
 præcedit ingressum Solis in punctum cardinalem, duo gene-
 ra effectus habet, proprium & generalem: proprius est usq;
 ad tempus ingressus Solis in punctum cardinalem: generalis
 ab ingressu Solis in eundem punctum. Exemplum: sit con-
 iunctio Solis cum Luna secunda die Martij: æquinoctium
 Vernum decima die: solstitium æstiuum, ut dixi, undecima die
 Iunij: tunc proprius effectus illius coniunctionis extenditur à
 secunda die Martij ad decimam eiusdem: generalis autem à
 decima Martij ad undecimam Iunij. Quod uerò dixit (stel-
 larum transitus) explicabit inferius, ibi uidebis à nobis expo-
 situm. Ceterum, quod dixerat prius oportere Solis con-
 gressum

gressum cum stellis fixis seu signis octauæ orbis ac signis zodiaci obseruare, hoc in sequenti capite qualiter fieri debeat, docet,

Caput vndecimum.

TEXTVS LIX.

De particulari natura signorum in tempestatibus.



D hæc teneri debent particulariter proprietates naturales signorum ad annuas constitutiones, necnon singularum stellarum, quas nos suprà exposuimus, accommodatis errantibus & similis modi inerrantibus ad aëris & ventorum, tum temporum anni familiaritates. Restat nunc particulares signorum naturas exponere.

Cap. 8. Tria proponit de proprietate temporis dignoscenda, Primum, est cognitio stellarum erraticarum quo ad naturam propriam, quam descripsit suprà. Secundum, est natura
 Cap. 8. ipsarum inerrantium, quam in primo libro descripsit: horum, utrunq; dicit esse explicatum, si modò illa quæ dicta sunt, ad aëris, uentorum & partium anni naturam accommodentur. Gratia exempli, Saturnus dominatur in uere: Ver est humidum ualde, calidum parum, plurimum uentosum: significabit igitur Saturnus cum sit ualde frigidus, parum siccus, minime flatuosus: Ver quidem egregiè frigidum, non tamen siccum, sed parum humidum, parumq; flatuosum, non tamen omnino absq; flatibus, Quòd si dominetur in estate, non iam frigidam estatem, sed temperatam faciet, siccam immoderatè, penitusq; tranquillam. Similiter nosse oportet qualitatem regionis:

gionis: nam in Scotia minuet uentos Saturnus, frigiditatem uerò aëris faciet: In Aethiopia frigidum non faciet aërem, faciet tamen tranquillum. Per familiaritatem aëris igitur intelligit regionum diuersitatem, & etiam qualē quisq; aërem progignat, nebulosum, pluuiosum, frigidum, siccum, humidum, calidum, turbulentum, clarum, crassum, tenuem, molestum, salubrem, grauem: qualēsque uentos Saturnus orientales, Mars Occidentales, Iupiter Boreales, Venus Australes. Idem dicit declaratum fuisse de fixis: utpote stella de natura Saturni, opera Saturni faciet: quæ uerò de natura Saturni est, & Martis, exiccabit quidem uehementissimè, cæterorum citra molestiam calefaciet aut refrigerabit. Tertium uerò, quod declarandum supererat, est, ut signorum naturæ, seu signa sumantur pro spatijs zodiaci in nono orbe, seu pro figuris, quæ in octauo orbe constitutæ sunt per stellas, quas palam est multū à signis zodiaci recessisse, adeò ut totus ferme Aries octauo orbis sit in Tauro noni orbis, & Tauri maxima pars in Geminis.

TEXTVS LX.

Arietis igitur signum generaliter est propter significationem æquinoctialē tonitruosum, & grandinosum. Particulariter uerò hæc & intenduntur & remittuntur de proprietate inerrantium stellarum, quæ in illo nunc inueniuntur. Priores illius partes imbres & uentos cient, mediæ temperatæ, extremæ æstuosæ & pestilentes sunt. Septentrionale spatium æstuans corrumpensque, australe glaciosum & frigidiusculum.

Tauri signum præ se fert generaliter utrumque

modum, & est subcalidum, sed particulariter priora ubiq; Vergiliæ visuntur, turbulenta, ventosa, & nebulosa habet. Media humectantia & frigida. Sequentia ubiq; succulæ conspiciuntur, ignea fulminum ac fulgurum efficientia. Septentrionalia temperata, australia instabilia ac incerta.

Signum Gemini, vniuersaliter est temperationis efficiens, particulariter verò primoribus in partibus humidum ac corrumpens. Medijs temperatum. Posterioribus mistum ac incertum. Septentrionalibus ventos ciet, & terras concutit. Australibus aridum & æstuosum.

Signum Cancri, generaliter serenitatis & æstatis effectiorem sortitum est, sed particulariter in principio sui & iuxta præsepe suffocat & terras quatit, caliginemq; offundit. Medium temperatum, in fine ventosum. Tam Septentrionali, quàm Australi in spatio igneum corrumpens, æstuosum.

Leonis signum, in vniuersum æstuat ac suffocat, particulariter verò habet principium suffocans ac pestilens, Medium temperatum. Finem siccum & corrumpens. A Septentrione instabile est, & igneum, ab Austro humidum.

Virginis signum in vniuersum humidum est ac tonitruosum, sed particulariter incipiens cali

calidiuſculum ac corrumpens. In medio temperatum, deſinens aquoſum. Septentrionale ventoſum, Auſtrale temperatum.

Chelæ, ſignum, ſunt generaliter varium ac mutabile, verum particulariter primis in partibus ac medijs temperatum, vltimis aquoſum. Septentrionem verſus ventoſum, ad Auſtrum ſiccum ac peſtilens.

Signum Scorpionis vniuerſaliter eſt tonitruoſum ac igneum, ſed particulariter priores partes nungunt. Mediæ temperatę ſunt, poſteriores turbulentę, ſeptentrionales æſtuant, auſtrales humectant.

Signũ Sagittarij, in genere ventoſum, particulariter in principio ſui humidum, medio temperatum, calce igneum eſt. Ad Septentrionem vergens ventoſum, ad Auſtrum humidum & variabile.

Signum Capricorni, generaliter humidum eſt in prioribus partibus æſtuans & corrumpens, medijs temperatum, poſterioribus pluuiouoſum, tam ſeptentrionalibus, quàm auſtralibus humidum ac corrumpens.

Aquarij ſignum in genere eſt frigidum & aquoſum, ſed particulariter prima habet humida, mediã temperata, extrema ventosa, ſeptentrionalia æſtuantiã, auſtralia niuosa.

Signum Piſcis vniuerſaliter frigidum eſt,

B 3 &

& ventosum, partes autem priores quidem temperatas, medias verò humidas, posteriores aestuantes. Septentrionalis situs ventosus, australis aquosus est.

Tres diuisiones Ptolemæus insinuat. Prima est signi, ut simpliciter sumitur in nono orbe & ab omnibus separatam stellis. Secunda, ut ipsum signum noni orbis diuidit in tres partes, principium, medium & finem. Tertia, ut diuiditur in partem Borealem & Australem signum unumquodq; Oportet autem ostendere, quod in principio uniuscuiusq; signi intelligat de signis noni orbis: quia dicit de Ariete, quod est tonitruosum & grandinosum: & similiter illa uerba (Tauri signum præ se fert generaliter utrunq; modum) per ea uerba (utrunq; modum) intelligit tonitruosum & grandinosum, quæ non essent necessaria, ubi per Arietem intelligeret signum octauæ orbis, seu figuram illam, quæ describitur à stellis. Item, quia dicit se uelle loqui de signis in principio capituli. & cum dicit signa, simpliciter intelligit de signis noni orbis. Sed quod in alijs diuisionibus intelligat de figuris octauæ orbis uidetur: quia stellæ quæ sunt in filo septentrionali

Cap. 8. Piscis, ut dixit in primo libro, sunt de natura Iouis & Saturni, & illæ iam erant tempore Ptolemæi in principio Arietis, nonæ spheræ: igitur prima pars Arietis nonæ spheræ debuerat dici pluuiosa uel temperata, & non quod imbres & uentos pariat, quod propriè conuenit stellis solum Mercurij & Veneris & non Saturni & Iouis. Rursus stellæ, quæ erant tempore Ptolemæi, usq; ad medium Libræ, erant ex figura Virginis iuxta quadrilaterum de natura Martis nonnullæ, et tamen ponit hic eas temperatas: Igitur si partes illæ Libræ sunt temperatæ, non possunt referri ad stellæ Virginis, sed ipsius Libræ in iugo, quas dicit esse de natura Iouis & Mercurij.

curij. Præterea non fuisset doctrina hæc perpetua, sed mutabilis secundum tempora: quoniam constat, quod Ptolemæus nouit optimè stellas fixas moueri. Sed utcunq; sit, certum est, quod cum parum differrent tempore Ptolemæi signa octauæ spheræ à signis nonæ, & ipse has facultates tribuat his signis propter stellas, quod melius est intelligere proprietates partium initij mediij & finis Borealiū & Australiū, de figuris noni, quàm octauæ orbis à stellis descriptis. Vt sit sensus, exempli gratia, in signo Arietis hoc modo.

Arietis signum noni orbis, quod triginta gradibus continetur, cum sit signum equinoctium, tonitruosum est, & grandinosum totum. Verum, quod ad partes attinet, qualitates hæc augentur ac minuuntur iuxta stellas, quæ in eo sunt. Quoniam priores partes propter stellas, quæ ibi nunc inueniuntur imbres & uentos faciunt. Stella enim quæ ibi sunt, naturam signi imitantur, eiq; effectum per se faciunt: Mediæ uerò temperatæ, quoniam ibi sunt stellæ de natura Veneris: Extremæ æstuosæ atq; pestilentes, quoniam ibi stellæ Martiæ sunt. Septentrionale autem spatium æstuans est & morbosum: quoniam stellæ quæ ibi sunt, ex figura Arietis, sunt de natura Martis, quæ uerò sunt in spatio australi, de natura Saturni sunt. Ideò spatium illud glaciolum est frigidiusculum. Verum dubitabit aliquis, quomodo dixerit glaciolum & frigidiusculum, cum glacies à maximo frigore fiat? Intelligit igitur frigidiusculum altero duorum modorum, uel ratione quantitatis temporis, quia parum durat tale frigus, & licet congeletur, glacies tamen sit solum tempore noctis. Vel quia glacies illa non tam à frigore congelatur ob eius magnitudinem, quàm quod sit frigus siccum, & propter uicissitudinem frigoris & caloris facilius congelatur: sicut & aqua calida ob eandem causam facilius frigida congelatur.

Caput duodecesimum.

TEXTVS LXI.

De particulari tempestatum consideratione.

Is igitur expositis, sequitur percur-
 sio particulariū significationū, quæ
 talis sit: Vna est ratio generalis re-
 spectu quadrantum signiferi, qua,
 vt diximus, obseruanda sunt proximè ante-
 cedentia æquinoctiales ac tropicas signifi-
 cationes, interlunía ac plenilunía, horumque
 vtrorumlibet in vnoquoq; proposito climate
 cardines tanquàm genituræ tempore consti-
 tuendi, tum cognoscendæ dominatrices stel-
 læ cum interluniorum, tum pleniluniorum
 loci, & sequentium hunc cardinum, sicut su-
 præ in deliquiorum doctrina exposuimus,
 atque ita vniuersalia de proprietate quadran-
 tum exquirere, sed intentiones ac remissiones
 de dominantium stellarum natura, cuiusque
 modi ac constitutionis effectiōem illæ ha-
 beant, perdiscere oportet.

Cum declarasset signorum nonæ spheræ uirtutes, & sim-
 pliciter, & prout in eis stellæ fixæ constituebantur Ptolemæi
 tempore, itēq; totius signi cuiusq; & partiū, principij, me-
 dij & finis: non quod per principium exquisitè intelligat de-
 cem primos gradus, & per medium decem sequentes gradus,
 & per finē decem ultimos gradus. Nā si ita fuisset Ptolemæus
 declarasset,

declarasset, cum uno uerbo magnam potuisset asserre lucem. Sed neq; uerum erat, cum in quibusdam stellæ principij signi ad medium usq; perueniant fermè, in alijs medijs usq; ad uigèsimam quintam partem, atque ita de fine, qui quandoq; plus, quandoq; minus extenditur. Sed & necessarium erat, ut ob inanitatē partes aliquæ, uel principij, uel medijs, uel finis, non ipsius partis qualitates, sed potius totius, cum nullæ ibi essent stellæ, retinerent: In alijs uerò stellæ adeò sunt confusæ atq; inuicem propinquæ, ut octauus gradus gratia exempli, & septimus naturæ magis sit medijs signi, quàm principij: ob id per principium intelligere oportet primam signi partem: Inde illi partes propinquas usque ad aliquot: & per medium, quintamdecimam & sextamdecimam partem, & illi propinquas usq; ad aliquot ultra citràq; per finem uerò ultimam partem signi & aliquot præcedentes proximiores utpote modò quatuor aut quinque, modò octo uel nouem, modò duodecim uel tredecim. Accedebat, quòd & si Ptolemæi tempore signa potuissent in denas, ac denas, & denas partes æqualiter diuidi, cum Ptolemæus intelligeret fixas ac perpetuò moueri, non poterat hanc regulam distributionis signorum in tres æquales partes ullo modo imitandam nobis proponere. Poterit autem nostris temporibus sic imitari, si inspiciamus in cuiuscunq; signi prima parte quintadecima & trigesima, quæ nam stellæ & cuius naturæ sint ibi, uel proximiores, & secundum illarum naturam pronuntiare de principio, medio atq; fine. Quòd si altrinsecus diuersarum stellarum sint naturæ, etiam mistio quædam ex illis pronuntianda erit: quoniam pacto autem id faciendum sit (aliò quin difficile opus) facillè intelliges: si accepto libro Magnæ compositionis Ptolemæi, uideris stellæ, quæ tunc erant in principio Arietis, medio, & fine, atque ita de alijs signis, quomodo ex natura Planetarum ad naturas temporum ipse traducat: con-

siderat autem maiores & illustriores semper, & ex his iudicium facit: quibus bene intellectis, illarum locum nostro tempore considera, & cui maxime propinqua fuerint, ex principio, medio, uel fine alicuius signi tale illud pronuntia, scilicet principium, uel medium, uel finem: Hoc autem eo commodius, quia Ptolemæus quæ de partibus pronuntiat signorum, non simpliciter sed comparatiue profert. Veluti cum dicit Leonis signum in uniuersum æstuat ac suffocat: proprie uero principium habet magis suffocans ac pestilens, namque ibi stellæ sunt naturæ Saturni & Martis, Saturnique & Mercurij, & Martis splendida, medium uero temperatius, quod stellæ ibi sint naturæ Saturni & Veneris, tum uero Veneris simpliciter, & parum Mercurij: finis autem siccior atque exitialis propter stellæ quæ sunt in capite Virginis & in ala boreali, quæ sunt de natura Mercurij & parum Martis, & quæ est in uola posteriore Leonis, naturæ est Saturni & Veneris: unde constat temperies illius, quo ad stellæ ex natura Saturni, Mercurij, Martis & Veneris. Manifestum est autem, quod talis natura, in qua Mercurius primò dominatur, inde Mars, inde Saturnus & Venus, exitialis est. Si ergo pronuntiandum erat de Leone tempore Ptolemæi, ita dicendum fuisset: Leonis initium æstuat ac maxime suffocat, atque pestilens est. Medium uero & ipsum calidum est, sed non adeo æstuat, nonnihil etiam suffocat. Verum finis incedio & siccitate adeo suffocat, ut exitialis sit: sed si ita dixisset, miscendo naturam signi cum natura stellarum, non potuisset doctrina Ptolemæi nostris temporibus inseruire, atque alijs futuris intermedijsque. Ob id igitur comparatiue illa dicta sunt: Veluti cum dicit (temperatum mediū in Leone) intelligit, quod æstuat ac suffocat, non tamen plus iusto, quam natura totius signi ferat. Quod si uoluisset simpliciter significare eam partem esse temperatam, oportuisset, ut dixisset mediū frigidius est, atque

humi

humidius: ut quantum natura signi excedebat in aestu, & suffocatione, tantum natura stellarum loci in frigidando & humectando aquaret intemperiem. At dices, cum temperatum dicitur, nihil ergo minuit ex aestu & suffocatione? Respondeo, quod exiguum, non tamen multum: sicut si tepidam aquam feruenti immiscueris aquis portionibus, non fiet temperata nec temperata proxima. Veruntamen nonnihil minuet de feruore: ita in alijs missiones has diligenter oportet considerare, atque quasi ad trutinam metiri atque expendere. Eadem ratione de partibus latitudinis quod comparatiue protulerit, patet in Tauro, cum dixit totum esse subcalidum, & postmodum dicit septentrionalia esse temperata, & clarius in signo Scorpionis quod dicit esse igneum & australia humectare. Comparatiue igitur intelligendum est, sic quod stellae quae erant tempore Ptolemaei in signo Virginis in latitudine australi humectabant. Sed dices, est magna dubitatio, quia ponit signum Geminorum temperatum, & Tauri subcalidum, ratione signi, & non stellarum: & tamen Taurus est remotior ab aestate, & ab aestiuo solstitio, quam sit Gemini. Nota, quod hic est pulchra sententia, quoniam Taurus est signum fixum, & inter temperata: Gemini est commune, & inter temperata, plus uult, quod faciat quoquomodo natura fixa, quam propinquitas puncti aestiui tropici: & hoc est quia signis fixis omnibus dat quandam naturae proprietatem, ideo Tauro non poterat dare mitiorem, quam quod esset subcalidum, Leoni dat quod aestuet & suffocet, Scorpionis quod sit tonitruosum & igneum, Aquario, quod sit frigidum & aquosum, nullis alijs signis dat adeo uehementes qualitates: Circa quod dignum est consideratione, quod has omnes qualitates de signis ac partibus eorum declarauit in comparatione ad Solem, quando est in eis, uel quia Sol non habet latitudinem, quando iungitur stellis, quae sint illius latitudinis: Veluti Sol

quando

quando erit in Scorpione & iungetur stellæ australi, signis Scorpionis (De his tamen dico quæ in signo Scorpionis erant tempore Ptolemæi) humectabitur aer. Itaq; traducit has proprietates (uelut fecit in alijs) à Solis præsentia in illis inuentas ad reliquorum Planetarum præsentiam in illis. Exemplum, fiat interlunium antecedens ingressum Solis in Brummam, ascendente gratia exempli Aquario, atq; ibi Saturnus sit in primis partibus Aquarij cum latitudine australi, tunc ego componam sic iudicium: Hyems tota naturaliter est frigida & humida, & hoc est, quod dicit in textu (uniuersalia de proprietate quadrantum exquirere) Sed hæc hyems inter alias, cum Saturnus prædominetur sequenti angulo, sitq; in Aquario in prima parte, & australis erit solito humidior atq; niuosa. Hoc uerò maximè erit, quia scriptum est, quod totum Aquarij signum in genere est frigidum, & aquosum, & ideo partes illius hyemis, quæ erunt minus frigide, erunt adeò frigide, ut pars frigidissima communis hyemis: pars autem frigidissima huius hyemis erit longè frigidior alijs, & intolerabilis. Inde quia dicit, quod prima pars Aquarij est humida, erit hæc hyems humidissima tripliciter, cum ratione generali, quia hyems, tum propter totum signum Aquarij, quod est aquosum, tum propter primam partem ipsius Aquarij, quæ est humida, & similiter, quia est in parte australi Saturnus, erit niuosa quadruplici causa, tribus iam dictis, & hac quarta propria. Additur etiam quinta, quia Saturnus est dominator & ipse est frigidissimus & significator niuium: & ita talis hyems erit adeò frigida, & humida, & niuosa, ut non fuerit talis iam multis annis, & præsertim, si interlunium fuerit à decimanona parte Sagittarij usque ad uigesimam quintam, scilicet in sinibus Saturni: & hic effectus etiam multò maior erit, quia Saturnus non solum est dominus sequentis anguli, sed est etiam in ipso, & in domo propria, ut

nihil

nihil ad robur addi possit : & hoc exemplum intelligatur in tempore Ptolemai, & non in isto: quia tam natura partium signi in longitudine, quàm etiam in latitudine uariata est, quia stellæ quæ erant in Aquario tempore Ptolemai, à medio usq; in finem ingressæ sunt Pisces: & quæ erant à medio Capricorni, ad finem eius ingressæ sunt Aquariū: & ita necesse est facere hanc aliam secundam tabulam, cuius titulus sit de qualitate tempestatum ex natura signorum, partiumq; illorum tam in longitudine, quàm in latitudine. Circa quod notandum est, quòd non solum oportet considerare stellæ, quæ sunt in signis zodiaci, Ariete, Tauro, Geminis &c. sed etiam quæ sunt in alijs signis, quæ sunt extra zodiacum: Puta in ursa maiori minori que, in Cepheo, in Boote, in Perseo, in Orione, in Cane, in Hydra, in Fera, Corona australi, Argo, & omnibus alijs: has omnes stellæ descripsit Ptolemaeus & naturas earum, & loca in signis & latitudines & magnitudines & reliqua necessaria, ut pote nebulosas, nam hæ faciunt tempus nebulosum. Constituire igitur oportet tabulam cum illo titulo, quæ erit pro ætate nostra: & si rectè fiat, durabit fermè usq; ad trecentos annos, paucis in singulis seculis mutatis. Nunc tractat de propria consideratione temporum, & dicit quòd idem faciendum est, quod in deliquijs te docuit, referendo plenilunia deliquijs Lunæ, & interlunia deliquijs Solis. Et scias, quòd si hæc fiant sub terra, sequentem sub terra angulum accipere oportet.

TEXTVS LXII.

Altera ratio est menstrua, qua consideranda sunt in singulis similiter signis interlunia & plenilunia hoc solo obseruato, si interlunium fortè antecesserit proximè punctū tropicum, aut æquinoctiale, ut interlunij illo toto quadrante

drante vtamur : ſin plenilunium , vt plenilunijs . Conſiderandi & cardines & vtriuſq; loci dominatrices ſtellæ , inque primis applicatio- nes , deſluxionéſque errantium ſtellarum , earundémq; proprietates , necnon & locorum , quoſque ventos , quæque ſtella ac quæque ſignorum partes in quibus illæ fuerint , commoueat . Prætereà , in qua ventum latitudine ſua inclinēt Lunæ in obliquitate eclipticæ , de quibus omnibus notatis potioribus , menſium generales ſtatus ac ventos præcognoſcere poterimus .

Mirabile fuiſſe Ptolemæi ingenium uel ex capite de trigonis patet , uel ex hoc , propter quod hæc ultima pars libri ſolum deſcripta eſt , uelut & reliquum præcipuè propter ca- put de modis futurorum . Sed ea pars non adeò in unum co- gitur , ut poſtrema hæc : Nam in præſenti capite quinq; facit . Primum quidem , declarauit propriam naturam cuiuſq; par- tis anni generaliter , quæ ſumitur ex præcedente interlunio uel plenilunio , ipſum ingreſſum Solis in punctum cardinale . In ſecunda quæ præſens eſt , qualitatem cuiuſq; menſis ex in- terlunijs aut plenilunijs ſequentibus ingreſſum Solis in pun- ctum cardinale . In tertia docet cognoſcere naturam temporis quarta partis cuiuſlibet menſis quæ communiter paulo po- teſt excedere dies octo , neque tamen minor eſſe poteſt ſeptem diebus , ita ut inter ſeptimam & octauam diem ſermè finia- tur : & hoc non ſolum ex interlunijs & oppoſitionibus , ſed etiam quadratis accipitur : huius partis initium eſt ibi (Ter- tia ratio) In quarta docet cognoſcere quocunq; die qualita- tem aëris ibi (Verum horum) ex illuſtrium ſtellarum ortu uel occaſu

occasu. In quinta docet illud idem cognoscere per horas sin-
 gulas ex luminarium itinere per cardines ibi (Idem iudican-
 dum) atq; ita elegatissimo modo usus à generalissimis ad ma-
 xime propria peruenit. Animaduertendū igitur, quod quæ-
 dam sunt generalia praecepta, quædam uerò propria uni-
 cuiq; parti. Propria quidem sunt singulis partibus, quæ de-
 terminant quantitatem temporis tempestatis, qualia sunt,
 quæ in singulis partibus declarat Ptolemæus, & nos iam ea
 in hoc Commēto, dū partes distinguemus textus, attigimus.
 Generalia autem hac solum in parte declarat, quæ quidem
 & huic parti & præcedenti, tribusq; sequentibus fermè ex
 equo inseruiunt, talia autem sunt duorum generum: quædam
 pertinent ad subiectum, & quædam ad qualitatem. Quæ
 pertinent ad subiectum, sunt tria. Primum continet duo sci-
 licet locum interlunij uel plenilunij pro mense sequentis in-
 gressum Solis in punctum cardinale: uel si pro tota quarta
 anni interlunij uel plenilunij antecedentis, ut dictum est, uel
 si pro quarta mensis considerabitur locus luminaris, id est,
 Lunæ & etiam Solis tempore coniunctionis uel oppositionis
 uel quadratæ radiationis illam quartam partem mensis in-
 choantis. Secundum est angulus sequens locum luminaris tem-
 pore interlunij uel plenilunij uel quadratæ radiationis lumi-
 narium. Secundum pertinet ad subiectum, sunt stellæ domi-
 nantes in utrisq; locis dictis, scilicet luminaris & cardinis se-
 quentis. Et per stellas dominantes, intellige, quæ utriusque loco
 simul dominantur. Quod si nulla talis haberi possit, primum
 eligemus dominantem maxime in loco luminaris, deinde ma-
 xime in loco cardinis. Tertium, sunt stellæ applicantes & de-
 fluentes ipsi luminari uel ab ipso. Circa qualitatem uerò
 futurorum, quinque obseruanda declarat, quæ cum maxime ge-
 neralissima sint, tam in quarta anni quam etiam in mensibus,
 & quartis mensium, & diebus, & partibus diei diligentis-
 simè

Cap. 8. hu
ius seu tex
u 45.

finè erunt consideranda. Primum est natura loci cardinis & luminaris: utpote si sit mobile, fixum, commune, uernale uel æstiuum: & quale signum sit, & qualis pars sit signi in longitudine uel latitudine. Hæc autem in præcedenti capite declarata sunt. Secundum est natura stellarum dominantium in cardine & loco luminaris uel applicantium, uel defluentium ab altero illorum locorū. Nam loca illa tales stellæ afficiunt. Porro, natura illarum stellarum superius iam declarata est. Tertium quos uentos stellæ commoueant, Saturnus orientales, Mars occidentales, Iupiter boreales, Venus meridionales, Mercurius omnes adiuuat. Quartum sunt signorum partes, in quibus Planete illi fuerint: nam Aries, Leo & Sagittarius uentum mouent inter septentrionem & occidentem: Taurus, Virgo & Capricornus inter orientem & meridiem: Gemini, Libra & Aquarius inter orientem & septentrionem: Cancer, Scorpio & Pisces inter occidentem & meridiem. Vnde egregiè falluntur qui hos trigonos uel orientales, uel occidentales, uel septentrionales, uel meridionales appellare nituntur: cum nihil minus sint, sed Medij inter has regiones. Similiter ex latitudine talium stellarum in signis boreali uel australi. Id coniectari licet, quòd ad uentos attinet: Veluti hoc anno præsentis die duodecima Augusti, cum celebrata est coniunctio Iouis & Mercurij in decima octaua parte Leonis, uterque erat septentrionalis ascendens, idèò cum Iupiter moueat uentos boreales & Mercurius augeat omnes uentos, significabat uentos ualidos boreales. Sed quia erant in Leone, poterat facere aliquam indeclinationem ad occidentem, uerum quia uterque erat borealis, fuit modica, uel nulla indeclinatio ad occidentem. Atque ita fuerunt ualidissimi uenti ex ea cœli regione, adèò ut uias transire non possemus. Quintum est Lunæ inclinatio ad boream uel ad austrum in latitudine. Hæcigitur sunt generalia, quæ in hoc textu declarantur.

tur. Cæterum propria huic parti sunt, quòd mensis lunaris quilibet temporis naturam sequitur quæ ab ipso interlunio uel plenilunio illum inchoante decernitur. Et quòd ex his duobus, scilicet interlunio uel plenilunio oportet illud eligere, quod est simile ei à quo totius quartæ naturam didicisti: Ita quòd si interlunium præcessit ingressum Solis in punctum cardinale, omnes menses illius quartæ ab interlunio inchoandi erunt. Si autem ingressum Solis in punctum cardinale proximius præcedat plenilunium, omnes menses illius quartæ anni ab ipsis plenilunijs sequentibus inchoandi erunt, neglectis nouilunijs pro mensium ratione.

Verum ut ad omnia hæc pateat intellectus, figuram descripsi, quæ uentos omnes scilicet trigintaduos notiores, quiq; nautis deseruiunt Soli, contineret. Et quanquam in aliquibus nomina uariant, attamen res ipsas potius quam nomina considerare oportet. Ita ut dicamus quòd generaliter uentus Septentrionalis est frigidus & siccus, serenitatis author: nec solū Septentrio, sed qui propè sunt ad Borrhas pelioten & Borrholybicum usq;. Contrà notus calidus, humidus, grauis atq; morbosus, pluuiosusq;: nec solū ipse, sed quicunque sunt inter ipsum & Notapeliotem & Notolybicum. Discrimen tamen est iuxta propinquitatem illorum ad principalem uentum. Principales autem sunt quatuor, Septentrio, Notus, Subsolanus, & Zephyrus, qui & Fauonius dicitur. Post hos robore sunt proximiores Boreæ & Noto, scilicet Vpaquilo & Mesocircius, Mesolibanotus & Mesophœnix. Verum quia non tam subtiliter Scriptores rimati sunt naturas & nomina singulorum uentorum, idè notiores & proximos his qui tamen & ipsi robusti sunt pro illis subicere, id est, Aquilonem, Circium, Phœnicem & Libanotum. Nobilitate tamen post primos quatuor ponentur Ptolemaici uenti, id est, Notapeliotes, Notolybicus, Borrhapeliotes

exiccabit, & serenitatem maximam pariet. Est enim robu-
stissimus omnium uentorum apud nos. Post hunc est Auster
in parando pluuias, quod natura sit calidus, & humidus, &
pluuiosus, situ quoq; multum distans, ob idq; maximè plu-
uias parit. Inde est uentus Zephyrus, qui quanuis natura sit
frigidus & humidus & pluuiosus, quia tamen ualde proxi-
mus est Italia, in frigidat quidem, sed non humectat, uerum
exiccet & serenitatem parit. Vnde Poëta Italicus inquit:

Zephyro spira, el' bel tempo rimena. Hoc latine sonat:
Zephyrus aspirat, redeunt iam tempora clara.

At orientalis cum calidus sit & siccus atque serenus in
oriente apud nos calefacit quidem, uerum non exiccet sed
humectat, et pluuias facit, quoniam procul abest. Itaq; expe-
dit non solum scire naturas uentorum generaliter, sed ex ob-
seruationibus quid, & quantum unusquisq; possit ea in re-
gione, in qua de temporis natura iudicium facere deliberas.
Quamobrem omnium uentorum figuram apposui. Cumque
sedecim tantum, qui nomen habebant ascripisssem, forte for-
tuna aderat Gulielmus Casanatus Medicus uir egregius, &
mihi amicissimus, quem honoris causa nomino, qui tabellam
conscripserat maxima diligentia, omnes quotquot erant, sci-
licet triginta duos uentos continentem, placuit itaq; & nostræ
addere sedecim illos intermedios, ut uberior doctrina sic-
ret. Nominibusq; additis ad usum, qui talis est eam parauit.

Describe igitur figuram huic consimilem in sublimi loco
domus, & in medio illius colloca uolubile flabellum: Ita uerò
facias, ut singula partes figuræ singulas cœli correspon-
dentes respiciant. Deinde obserua flabellum, super quam lineam
cadat singulo die, naturamq; temporis & qualitatem quam
uentus ille in regione tua producit in aduersa linea flabelli,
colloca sub proprio uento. Veluti si flabellum super lineam
Libanoti extendatur, fiatque serenitas magna cum frigore

describes in aduersa linea, quæ est Aquilonis uenti serenitas magna cum frigore. Nec te fallere poterit, si singulorum uentorū ter uel

quater effectus obseruaueris, quod facile in uno anno fiet. Sed caue, ne multorum uentorū effectus pro unius tantū ascribas. Sic enim fiet, ut Boream aliquando pluuiosum esse existimes. Porro qualitates temporum sunt de-

Serenum purum frigidum
Serenum purum temperatum
Serenum frigidum
Serenum temperatum
Serenum purum calidum
Serenum calidum
Nebulosum frigidum
Nebulosum temperatum
Nebulosum calidum
Pluuiosum frigidum
Pluuiosum temperatum
Pluuiosum calidum
Imbres cum frigore
Imbres cum temperamento
Imbres cum calore.
Grando & tempestas cum frigore
Grando & tempestas cum temperamento
Grando & tempestas cum calore.

cemocto, quas à latere uides. Quod si tempora sint inconstantia (rarò quidem ex uno uento, id contingit ex pluribus) diligenter adnotandum seorsum: ut tandem noueris non solum effectus uentorum simplices, sed & compositos. De his autem in libris de Rerum uarietate dictum est. Quo uerò ad usum spectat Astrologi, in figuris ita facere decet: Sit gratia exempli Iupiter significator solus & in Geminis cum latitudine Boreali, & ascendens: tunc significabit uentum Septentrionem. Quod si fuerit cum parua latitudine & orientalis, significabit Vpaquilonem. Quod si cum hoc esset descendens, significaret Aquilonem. Quod si esset iuxta eclipticam descendens cum radio Saturni significabit Mesaquilonem. Quod si sit Meridionalis descendens cum radio Saturni, uel sit in Geminis, ubi cadit cum radio Saturni, uel suas uires cum Satur-

Lib. 1. c. 1.

no æquet in Libra, & Iupiter sit Borealis ascendens, Saturnus uerò in primo statu orientis, tunc facient Borrhapeliotem. Quod si duæ sint domini Saturnus puta cardinis sequentis Iupiter loci luminaris, uterq; autem ualidissimus, tunc stabunt duo uenti Boreas & Subsolanus.

TEXTVS LXIII.

Tertia ratio est subtilioris cuiusdam obseruationis intensiõnum ac remissiõnum. In hac cadunt configurationes Solis ac Lunæ particulares, non solum interlunij & plenilunij, sed etiam horum mediæ, id est, quadratæ. Vbi animaduertendũ ante tres ferè dies omnium tempestatum significationes existere solere, aut etiam post tres nonnunquam, exæquatĩ itineris Lunaris erga Solem cadunt. Et singulorum istorum status, neq; istorum modò, sed etiam aliarum figurarum, ut sexangulæ ac triquetrae, itẽmq; aspectus stellarum errantium, nam de harum natura consequenter mutatiõnis proprietas deprehenditur, respõdens aspicientium stellarum & signorum erga circumdans nos cœlum ac ventos, familiaritati.

Declarat quõnam pacto liceat quartarum mensis status intelligere: mensis enim Lunaris si à coniunctione incipiat, coniunctionem in principio habet, à qua status septem uel octo dierum proximè sequentium habetur, eodem modo, quo totius mensis natura ab eius initio deprehenditur. inde succedit quadrata radiatio, quæ uocatur crescens, cuius ratione septem uel octo dies proximi gubernantur, non secus ac primi: nisi quod in his etiam figura coniunctionis, quæ præcessit

obseruanda est, tanquàm toti mēsi generalis. Pōst sequitur oppositio, quæ & ipsa septem uel octo sequentes dies gubernat. Eodem modo & ultima quarta, quæ uocatur decrescens: septem uel octo dies habent singulæ: figurā & reliqua eodem modo consideranda, ut in præcedenti Commento. Et hæc sunt clara. Deinde dicit (Ante tres ferè dies omnium tempestatum significationes existere solent, quandoque etiam ultra tres exæquati itineris Lunaris erga Solem cadunt) Hic difficilissimus est punctus, qui sit in toto hoc uolumine: Sententia tamen esse uidetur, quòd Luna latitat sub Sole, quia Sol quindecim partibus antè, & quindecim pōst ex æquinoctialis circulo tegit & illuminat, ut sint gradus triginta, atque ita abscondit Lunam. Verùm propter obliquitatem zodiaci cùm Luna fuerit in signis breuium descensionum, illis triginta gradibus ex æquinoctiali circulo corresponsdebunt circiter quadraginta: non enim tota ascensio consideranda est, quæ corresponsdet triginta partibus æquinoctialis, nam sic etiam in climate Ptolemæi excederet quinquaginta partes. Cùm igitur Luna uelox motu fuerit, pertransibit istos quadraginta gradus ante tertiam diem, adeò ut si fuerit in signis longarum descensionum, quandoq; neq; duobus diebus integris lateat. Quòd si fuerit tarda motu & in summitate epicycli, & signis breuium descensionum, non uidebitur nisi quarta die. Hoc est igitur, quod dixit (Lunam erga Solem habere tres dies, quandoq; plus, quandoque minus exæquati itineris) Luna igitur uires retinet istorum trium dierum in producendis tempestatibus. Atq; hic unus est sensus, ut sic legatur littera: Luna quandoq; usq; ad tres dies producit signa tempestatum, & etiam ultra tres dies, ut (post) aduerbium, quod per Græcè scribitur (ultra) interpretemur. Alius sensus isto dilucidior est, ut intelligamus sic: Luna in quacunque quarta mensis, dicamus per exemplum, quòd duodecima Augusti

gusti huius anni M. D. L. I. ineat quadratam radiationem cum Sole decrefcentem, & tunc cum nullo Planeta congregiatur, sed die quartadecima, quæ est tertia à die quadratæ radiationis cum Sole ineat coniunctionem Martis, qui est in secunda parte Cancræ, & manifestum est, quod talis coniunctio, si fieret, dum Luna est in quadrato Solis, quod significaret pluuias & nebulas toto illo tempore, igitur etiam nunc significabit talem effectum. Veruntamen non adeò complebitur is, ut si esset coniunctio eadem hora. Neq; apparebit adeò euidenter, nisi postquam Luna Marti congressa fuerit, id est, post quartadecimam diem. Similiter Luna die undecima fuerat in quadrato Iouis, qui est in Leone cum latitudine Boreali: Ideò significat uentos Boreales. Et hoc tamen intelligendum est, quando Iupiter uel Mars hora quadratæ radiationis aliquam uim habuerint, uel in loco Lunæ uel in cardine sequente. Et hæc uis Lunæ contingit, quia ipsa Luna, ut dictum est manet tribus diebus abscondita sub radijs Solis.

Deinde dicit (Et singulorum istorum status) Id est, status propriè, qui fit quarta die ante congressum Lunæ cum Sole, siue per coniunctionem siue oppositionem, seu quadratum: & status, qui fit, quando congregitur quadrata radiatione uel opposita uel corpore ipso: & status qui fit quarta die post congressum. Et hic sensus est uerus & genuinus duabus conditionibus seruatis. Prima, quod accipiatur dies illa ad unguem quarta antè, uel post, & non aliqua intermedia. Secunda, quod semper accipiatur antecedens quarta, nō tamen semper consequens. Quandoq; tamen utraq; consequens accipitur & antecedens. Et quod iste sensus sit uerus, ostendo primò authoritate Plinij, qui dicit ueteres obseruasse quartam Lunā à congressu Solis, atq; secundum illam indicasse. Et ratio, quia Luna post tres dies quadragintaquinque gradibus distat à Sole: Ergo intelligenda est figura octagona, quā non

Lib. 2.
cap. 46.

ausus est Ptolemaeus appellare aspectum: quia etsi à congressu Solis obtineat partem cum toto consentientem, atamen non in alijs locis, sicut fit de trigono, sextili & quadrato. Volo dicere, si Luna decimanona die Augusti cōiungatur Soli in sexta parte Virginis præsenti anno die uigesimasecūda, id est, quarta die post, distabit quadragintaquinque partibus à Sole, & quadraginta etiam: modò quadraginta est nona pars totius circuli, et quadragintaquinque octaua pars totius circuli. Ergo à quadraginta partibus usque ad quadragintaquinque Luna erit in primis radijs Solis. Et quia dū erat coniuncta Soli, non poterat ostendere aliquem effectum & nunc primum congregitur Soli, & nouū lumen habet: Igitur quarta Luna ostendit quid factura sit toto eo uense. Nam in quarta Luna exacti sunt tres dies integri, atque ita distabit à quadraginta partibus usque ad quadragintaquinque. Hec igitur est secunda ratio, quæ ostendit hunc fuisse sensum Ptolemai. Nam duo reliqui sensus artificio carent, ideòque Ptolemaeo indigni sunt. Quia tamen numerus, XL , bis repetitus, facit XXX , qui non est pars integra totius circuli: & similiter XLV , ter repetita, facit $CCXLV$, qui neque est pars totius circuli integra, ideò distantia hæc non habet uires aspectus. Nā reliqui aspectus semper geminati uel triplicati, faciunt aspectum uel coniunctionem: duplicatus enim quadratus, facit oppositionem, triplicatus facit alium quadratū, quadruplicatus facit cōiunctionem. Duplicatus sextilis facit trigonū, triplicatus oppositionem, quadruplicatus alium trigonum, quincuplicatus facit alium sextilē, & ita de alijs. Quia tamen illi radij seu portio illa circuli à XL partibus ad XLV , magnam habet uim circa coniunctionem propter regulā sæpius adductā de potentia: retinet etiam uim ante oppositionem, & post: & similiter ante quadratas radiationes, & post. Verum Ptolemaeus existimauit præcedentem distantiam frequentius uires habere: quia

in futurum extenditur: quæ sequitur, potius spectat ad sequentem congressum. Veluti, si ut dixi, duodecima die Augusti Luna quarto aspectu congregiatur Soli, nona dies habet rationem ad quartam mensis sequentis, quæ est præcedentis coniunctionis, uel oppositionis Lunæ cū Sole ad quartam anni sequentem. Sequens uerò distantia, id est quintadecima dies non poterit significare super præcedens tempus, sed potius significabit supra sequentem coniunctionem. Sed dices, nonne poterit significare super tres dies sequentes usque ad coniunctionem Solis? Respondeo, quod non: quia mens Ptolemæi est, quod imperfectum habeat rationem potentie, & non possit deduci ad effectum nisi à perfecto, id est à sequente radiatione. Sed dices, quare ergo dicit, quod conuenit aliquando etiam obseruare sequentem distantiam seu quartam diem? Respondeo, quod ubi in illa quarta die contingat aliqua potens coniunctio, quæ uim det illi potentie, ut deducatur ad actum, tunc erit consideranda non quidem pro tempore præcedente, sed pro illis tribus, uel quatuor diebus succedentibus usque ad coniunctionem, oppositionem, uel quadratum. Verum, ut dixi, quarta dies succedens post coniunctionem Solis cum Luna, uim habet magnam duplici peculiari ratione: tum quia primum apparet: non quod antea non apparuerit: tertia enim die semper quando tardius uideri solet, quandoque etiam celerius: sed quod iam tum nouo lumine lucet. Secunda ratio, quæ ualidior est, quoniam ea die, scilicet quarta, bis distat in decem horis aut paulò plus à Sole pars integra totius circuli, scilicet $\times 1$ gradibus, deinde $\times 17$.

His uisis, iubet ergo Ptolemæus nos quinque considerare pro quarta mensis cognoscenda: Primum, congressum Solis cum Luna, qui fit in initio illius quartæ, & qui illi dat initium: Secundum, diem quartam ante: & in hoc oportet intelligere duo illa puncta, scilicet quando Luna ad unguem di-

stat partibus quadraginta & partibus quadragintaquinque, & tunc uidere situm ipsius ad reliquos Planetas, & locum & latitudinem, ex imo etiam ascendens: Tertium, ut consideretur aspectus trigonus Solis cum Luna uel sextilis, qui cadit in illa quarta: nam in omni quarta mensis, necesse est, ut cadat unus trigonus, uel unus sextilis in ea: & non possunt cadere unquam duo ex his in una sola quarta. Ille ergo trigonus seu sextilis, si fuerit debilis & solus, non significabit nisi super reliquos dies, qui sunt usque ad initium succedentis quarta. Sed si Luna fuerit in cardine supra terram, uel orientis saltem, aut fuerit cum radijs, uel corpore alterius Planetæ, maximè qui loco dominetur, uim retinebit, si sit trigonus decem diebus sequentibus: si sextilis, tantum quinque. Quartum est, ut quandoque consideretur quarta dies sequens: & hoc in duobus casibus: uel cum coniunctio fuerit initium quartæ mensis, uel cum talis quarta dies habuerit aliquam coniunctionem uel oppositionem ualidam, quæ adiunct uim ipsius Lunæ. Quintum, ut considerentur aspectus & coniunctiones reliquorum Planetarum inter se, qui contingunt in ea quarta mensis: Et etiam cum Luna: Et in his omnibus considerare naturam stellarum illarum, quos uentos & quam temporum naturam in illo cælo seu regione asferre soleant. Similiter illud idem à signorum natura perquirere oportet. Nam, ut diximus, primum iuxta naturam trigonorum, deinde etiam iuxta latitudinis partem, & similiter quo ad qualitatem aëris iuxta naturam signorum & partium eorum superius declaratam.

Circa hæc notanda sunt quedam, singula ex singulis. Primum, quod præter uentos adductos sunt alia genera uentorum singularia, alia quidem generalia, & sunt quinque. Typhon, id est, uibratus, qui torrentiū modo descendit, agit atque circumuoluens & paleas, & stragula. Est & Ecnephas, qui
impul

Impulſu deorſum frangit & pondere aggrauat, locum ex loco mutans, rapida uertigine naues mergens: Idem illiſi ipſo reperiſſus correpta ſecum in cœlum refert, ſorbētq; in excelfum. Eſt, qui cum fragore erumpit cuncta proſternens, uocaturq; Turbo. Eſt & qui cuncta amburit, igneā habens uim, uocaturq; Preſter. Quintus eſt Aura, quæ leniter flat. Proprij uerò, ut Athenienſibus Sciron: Narbonenſi prouinciæ Circius: In Ponto Cæcias nubes trahit, atque ita de alijs. Sunt & uenti proprij quibuſdam temporibus aut locis, ueluti Eteſiæ & Ornithiæ ab Aquilone uel Septentrione, & Fauoni. Præſtat igitur ſcire, quòd Eteſiæ Aquilones ſunt, quæ quadraginta diebus perflant, incipiuntque octo diebus ante exortum Caniculæ. Poſt hos Auſtri frequentes uſq; ad exortum Arcturi. Poſt quem Corus flat. Fauonius autem uer apertit, Plinij tempore nona die Februarij inchoabat, circiter nouem diebus perſeuerat.

Secundum eſt, quòd in omnibus congreſſibus Lunæ cū Sole obſeruare oportet locum Lunæ, accidentia & qualitates principaliter, deinde Solis, præterquàm in coniunctione, in qua Solis conditio primùm ſpectanda eſt, deinde Lunæ. Obſeruato etiam quis robuſtior fuerit, ſcilicet in cardine & ſupra terram, nam illum magis conſiderabis.

Tertium eſt circa congreſſus Planetarum, recentiores obſeruauerunt, quod & nos didicimus Saturnum cum Ioue iunctum, ſecundum qualitatem ſtellarum & ſignorum multis diebus æerem afficere, ſerénitate uel pluuiâ, uel uentis, ut minimum luminarium aſpectus conſenſerint. Quòdque dico de coniunctione, idem de oppoſitione ſtatue, ſed minùs: poſt de quadrato, inde trigono, ultimò de ſextili, atq; idem de ſequentibus. Saturni & Martis coniunctio tribus diebus agit antè, & poſt, ſecundum qualitatem ſignorum: proprium eſt grades facere, ſi reliqua inuent. Saturni cum Sole coniunctio,

ctio, oppositio uel quadrata radiatio paucis diebus frigidum aërem facit, & persepe grandines. Saturni & Veneris coniunctio, facit imbres & frigora propriè. Semper tamen intellige iuxta qualitatem signorum. Saturni & Mercurij coniunctio, secundum qualitatem signorum. Iouis & Martis coniunctio, secundum qualitatem signorum & stellarum: propriè uero cum pluias significat, tonitrua addit, & fulmina, & fulgetra. Iouis & Solis coniunctio, status uentorum parit, pulchrâmq; serenitatem. Iouis & Veneris coniunctio, serenitatem parit in aqueis, leues & mites pluias.

Iouis & Lunæ coniunctio, secundum qualitatem signorum facit, per se tamen serena est, uentôsque parit. Mars cum Sole coniunctus, secundum signorum qualitatem facit: Sed cum uehementia, ita quod in aqueis facit imbres, tonitrua & fulgura. Martis & Mercurij coniunctio secundum qualitatem signorum facit: propriè tamen uentos cum impetu. Vterque enim illorum Planetarum impetuosus est.

Martis & Lunæ coniunctio, iuxta qualitatem signorum facit & stellam, cui postmodum applicat. Commune enim est hoc Lunæ semper, per se tamē facit nubes rubras. Solis & Veneris coniunctio propriè humidum tempus significat, reliqua secundum naturæ signorum qualitatem. Solis & Mercurij coniunctio, generaliter ut reliqua, propriè tamen uentos parit. Solis & Lunæ, ut dictum est, congressus diligenter considerandi sunt: neque enim unum significant. Veneris & Mercurij coniunctio, ut reliqua, propriè tamen facit imbres. Veneris & Lunæ coniunctio, facit propriè imbres cum frigore.

Mercurij cum Luna coniunctio secundum qualitatem signorum. Notandum præterea, quod magnæ mutationes aëris non fiunt, nisi adsit unus superiorum, saltem in coniunctione, uel aspectu. Sed si Sol cum inferioribus uel ipsi inferiores inter
se con

se conueniāt, sine fixis magnis, aut parum, aut non diu qualitatem aëris mutant, nisi in congressibus Solis & Luna, ut dictum est, ista contingant.

Sunt præter eas coniunctiones illæ, quæ uocantur portarum apertiones, & sunt tres: Saturni & Solis coniunctio: Secunda est Iouis & Mercurij: Tertia Martis & Veneris. Dicit autem, apertio portarum, quia maximus & euidentissimus sit effectus: Saturni quidem & Solis in aëre turbido & frigido, Iouis & Mercurij in uentis: Martis & Veneris in imbribus & fulgure. Vnaquæq; autem sit tribus modis, uel quia iunguntur inuicem hi Planetae, opponuntur, uel sunt in quadrata radiatione, & hæc est minor & mixta, & habet tres gradus: oppositionem quæ ualidissima est: inde coniunctionem, post quadratum. Secundus modus est, cum Luna applicatur superiori separata ab inferiore coniunctione, oppositione uel quadrato, & tunc tempus naturam mutat maximè, & secundum naturam superioris & maximè si superior & inferior se aspiciant. Exemplū, Sol aspiciat Saturnum de quadrato applicatio illi, utpote, quod Sol sit in uigesima septima parte Scorpionis, & Saturnus in uigesima nona Aquarij, & Luna sit in uigesima septima parte Leonis, tunc fiet apertio portarum maxima ex Sole in Saturnum, & fiet tempus nebulosum & frigidum in locis, ubi Luna erit in cardine. Et si fieret in signis aqueis, adduceret magnos imbres, & præsertim si Saturnus dominaretur cardini hora quadratæ radiationi. Quod si Luna deflueret à Saturno ad Solem, minor esset illa mutatio aëris, & breuior, & post turbulentiam sequeretur claritas, & ita de alijs. Quartum est, quod ex prima expositione textus Ptolemæi dignoscitur, quod Plinius dicebat (Lunam quandoque die interlunij uideri & hoc contingere solum, quando ipsa fuerit in Ariete) Quia Aries longissimas habet descensiones. Si igitur Luna sit uelox motu poterit

poterit attingere quindecim gradus in suo cursu ferme in una die: quare quatuordecim partibus distabit à Sole. Quòd si cùm hoc habeat maximam latitudinem, quæ est quinq; graduum, distabit à Sole quindecim gradibus, & in æquinoctiali aliquanto plus propter rectam descensionem, quare uesperu uideri poterit. Videtur enim quandoque post quartumdecimum gradum distantia à Sole, quòd minimum est spatium in quo uideri possit. Idem Plinius docuit sua ætate Vespasiano & Tito tertio coss. uisum bis deliquium in duodecim diebus, quod uix omnino fieri potest, sed errorem esse existimo in dierum numero: nam constat quòd tantum spatij Luna peragere non potuerit, quantum est ab oppositione ad coniunctionem, seu à coniunctione ad oppositionem in duodecim diebus: nisi hoc modo intelligatur, quòd gratia exempli, ex oriente Sole decima septima Septembris facta fuerit eclipsis Solis (Diem enim Romani ab exortu Solis inchoabant) & quòd uigesimanona ante diluculum trigesima diei uisa sit eclipsis Lunæ: Nam sic erunt tredecim dies re, nomine autem duodecim. Imò plusquam tredecim dies propter noctis elongationem. Circa secundum sensum est ratio Galeni sumpta de diebus criticis in tertio dierum criticorum. Verum quia talis ratio reiecta fuit à nobis, illam dimittimus. Illud quod maiori consideratione dignum est, quòd Luna cùm latitet tribus diebus, etiam per tres differt opus suum aut accelerat, quo in casu multi qui quarta die ante nouilunium egrotant, per sepe moriuntur, aut diuturno morbo laborant.


Sextum est, quod ex tertio sensu uerborum Ptolemæi elicitur: & est ratio dierum criticorum salutis aut mortis, longitudinis aut breuitatis morbi, prauitatis aut facilitatis eius: & hæc talis est. Prima hora & momento qua quis egrotat, statue figuram octo laterum, ut uides in exemplo, & cuilibet domui

domui dabis quadragintaquinque partes, & uidebis locos
 & aspectus Planetarum ad initia domorum: inde cum Luna
 peruenerit ad initium secundæ domus, statues ascendens, ut
 prius, & ita uidebis res mirabiles comparando secundam &
 tertiam, & quartam figuram, usque ad octo, ipsi primæ fi-
 guræ. Velut in tribus exemplis quæ subijciam, quorum pri-
 mum est unius qui ægrotauit, & sanatus est, alter ægrotauit
 & obiit, tertius uulneratus est uulnere quod mortale non
 uidebatur ab initio, & tamen obiit.

Igitur Ioannes Antonius de Campionibus, ætatis anno-
 rum circiter triginta, ex itinere ægrotauit. primum quidem,
 ut uisus est, leuiter usque ad quartam diem, quod Luna esset
 in sextili Veneris & Venus illam reciperet. Nam Venus erat
 in suis dignitatibus. Quod enim recipiat Planeta Planetam,
 non sufficit ut alter in alterius sit dignitatibus, nam sic in o-
 mni figura multi reciperentur Planeta, sed quod præter id
 dominus loci illum bene dispositus aspiciat, uel mutuò sint in
 dignitatibus, seque aspiciant, uel quod benigno aspectu se
 aspiciant, licet eorum alter sit malè affectus. Et quia Luna
 erat cursu ualde tarda, morbus non est uisus accipere incre-
 mentum, remorante etiam, ut dixi, Venere. Quamobrè Lunæ
 motum singulis diebus adijcere oportet, ut sciamus quo loco
 sit unaquaq; die, & qualis etiam singulis diebus sit eius mo-
 tus. In Mercurio autem adijcere oportet motum in prima die
 & quarta, & septima, & undecima, decimaquarta, deci-
 masextima & uigesima, quoniam & ipse multum quandoq;
 paucis in diebus cursum suum uariat. Et si oporteat ultra ui-
 gesimam extendere, facias per dies criticos qui sunt uigesi-
 musquartus, uigesimusseptimus, trigessimusprimus, trigesi-
 musquartus, trigessimusseptimus & quadragesimus. Simili-
 ter & reliquorum quinque Planetarum motum adijciens
 presentem. Sufficiet enim ob paruam uarietatem, quæ in tam
 paucis

paucis diebus contingit. Atque hæc omnia nos perfecimus.

Motus Plane tarū diur.		
5	o.	4
4	o.	5
♂	o.	29
☉	o.	58
♀	o.	59
♂	I.	44
	I.	40
	I.	35
	I.	30
	I.	17
	I.	5
	o.	51



10	11	12	13	14	15	16	17
12.8	12.3	12.0	11.52	11.43	11.41	11.42	11.0
18	19	20	21	22	23	24	
12.30	12.52	13.5	13.17	13.29	14.0	14.18	
25	26	27	28	29	30		
14.29	14.33	14.42	14.50	14.56	14.46		

ut uides non solum in exemplo hoc, sed & duobus sequenti-
bus Igitur ut ad rem reuertar, Luna attigit partem uigesimam quintam Geminorum in diebus tribus, horis decem octo
ferme, ob motus tarditatem, unde protracta est quarta dies.
tunc uero occurrit Iouis & Martis sextili in Leone & cum
stellis humidis, ideo factum est incendium magnum & tur-
bulens


bulentia in urina, quæ ob protensam quartam diem uisa sunt habere initium in quinta. In septima uerò, cum nondum peruenisset ad nonagesimum gradum distantie ob motus tarditatem, sed ad Leonis initium tantum, deterrimè se habuit, quoniam nulli beneficæ occurrit: Similiter in octaua & nona morbus augebatur: quia tunc Ioui & Marti iunctis iungebatur, & quia erant inter humidæ stellas, sudauit. Calor enim cum humido sudorem creat, & urinam multam quam reddidit. In undecima sudauit, fuit tamen cum magno labore: nam Luna oppositum Saturni superauit, sed ei successit sextilis Veneris. Duodecima egrè se habere uisus est, quia multum delirauit. Sed tamen ob Veneris sextilem urina concoctæ apparuere. Decimatertia ob Mercurij quadratum nihilo deterius se habuit, quia erat motus iam ad salutem, sed nec melius ob Mercurium, decimaquarta sudauit, iterum & melius se habuit. In ea non potuit solui morbus, quia Luna non peragrauerat nisi partes 174 minuta 22. Et oportuit extendi morbum ad decimaseptimam usq; In decimaquarta tamen occurrit Luna sextili Iouis & Martis & quadrato Veneris, idè sudauit decimaseptima liber euasit, cum iam Luna oppositum loci superasset, & trimo Veneris applicuisset.

Hic alter uerò Lunam ab initio habuit in quadrato Veneris ex intemperie cibi & potus ægrotauit. Celeriter grauatus est ob motum Lune uelocem. In septima deterius ualde se habuit, nam Luna erat cum cauda & uacua à Iouis aspectu ibat ad oppositum Veneris, & tunc Sol Saturni quadrato affligebatur. Octaua leuari uisus est fluente è naribus sanguine, sed tamen uirtus cecidit, ob Veneris oppositum. Nona aliquantulum respirare uisus est ob trinum Solis. Decima fuit loco undecimæ cum ad angulum, id est, Piscis initium peruenisset ad oppositum Iouis & Martis. In undecima rursus erat illum mori, cum ad Saturni coniunctionem hora decima, ad

D

Solis

Solis quadratum hora decimaoctaua post meridiem perue-



Luna motus ad dies	23	24	25	26
	14.49	14.46	14.44	14.40
	27	28	29	30
	14.35	14.26	14.4	13.37
	1	2	3	4
	13.16	13.5	12.44	12.16
	5	6	7	8
	11.55	11.41	11.40	11.47


Motus Planetarum
diurn.

5	0. 3
7	0. 7
9	0. 31
11	0. 58
13	0. 53
15	1. 20
17	1. 5
19	0. 51
21	0. 27
23	0. 5
25	0. 18 Retro.
27	0. 38 Retro.

nisset. Mortuus est quinta Iunij, hora tertia ante meridiem. Et fuit initium decime quartae. Et Luna peruenit ad oppositum loci sui ad unguem.

Hic alter affinis meus erat & uir sexagenarius, cum uulneratus est, Luna à Marte separabatur, & Mars cum Capite

pute erat, & Luna cum Cauda, & applicabat Saturno



Luna motus ad dies	19	20	21	22	23
	13.42	13.22	13.9	12.57	12.45
	24	25	26	27	28
	12.12	11.45	11.38	11.37	11.53
	29	30	31	1.	2
	11.55	12.2	12.7	12.15	12.24

Iouis infelicis opposito, non tamen statim grauatus est, quia Luna ibat ad sextilem Mercurij & uulnus erat brachij transgressio. Quarta grauatus est,

propter Solis quadratum, caruit tamen febre, quia nulla malefica oppugnabat, ob id usque ad decimam adeo leuatus est, ut urgeret. In undecima grauatus est hora noctis tertia,

Motus diurn.

♂	0. 5	
♀	0. 2	Retro.
♂	0. 7	Retro.
☉	1. 1	
♀	1. 15	
♂	1. 47	
	1. 49	
	1. 50	
	1. 50	
	1. 50	

D 2 cum

cum Lunam ad oppositum Solis tenderet. Hic autem erat anæreta, dominus siquidem oppositi loci Luna: Et post Luna ad Mercurij oppositum ibat. Febre igitur & sanguinis profusio correptus est $\times 1111$ die, quæ fuit secunda Ianuarij, hora diei tertia, cum Luna corpore Marti iungebatur, expirauit. In omnibus his si bene animaduertis, exitus fuit iuxta conditionem Lune ab initio morbi bonam aut malam. Quod si rationem hanc criticorum dierum ad diuisionem circuli totius in triquetras & nonangulas figuras deducas, uidebis rationem quartæ diei, quæ est cum Luna peragrauerit partes $\times 1$ tunc peruenit ad radium nonangulum, hoc autem fit in diebus tribus perfectis, sed si Luna uelox cursu fuerit, intra tres dies. Septima autem, cum ad $\times c$ partes, uel cum ad $1 \times \times \times$ has autem in sex diebus perfectis peragrat, cum uelox fuerit cursu, & ob id crisis in sexta semper mala est: quia fit ex Lune cursu ueloci, cum peruenit ad $1 \times \times \times$ partem à loco, in quo erat, sed pars $1 \times \times \times$ non aduersatur loco primo, igitur crisis tunc erit mala. In septima autem potest esse bona & mala, quia potest fieri ex tardo motu Lune ad octogesimam partem, & tunc erit mala, uel ad $\times c$ quod plerunque contingit, & tunc erit bona. In decima quarta fit, cum Luna uadit ad oppositum loci, in quo erat in initio morbi, ideo per se bona. Non enim potest fieri ob nonangulam figuram, quia CLX partes & c nimis distant à peregrinatione Lune in $\times 1111$ diebus, seu Luna fuerit tarda, seu uelox. Cum uero decima quarta dies fiat in diebus 13. horis 16. dies 20. dupliciter potest consurgere, uel additis semicirculo $\times c$ partibus, & Luna sit uelox motu, & tunc crisis erit bona, uel additis $1 \times \times \times$, & Luna sit uelox seu tarda, incidit in uigesimam diem, & tunc crisis erit mala. Solum uero additis $\times c$ partibus, & Luna tarda cadit crisis in uigesimam primam, ideo crisis in $\times x$ est longè frequentior crisi in uigesima prima, sed crisis

crisis in uigesima prima est securior. In xiiii enim uel uigesima prima nisi incidat malus aspectus, ualde seruantur ægri, quoniam locus ille aduersatur loco initij morbi. In pestilentibus autem cum raro natura rectè operatur, raro fit crisis in uigesima. Crisis igitur in sexta ualida & semper mala: in septima ualida & anceps: in uigesima ualida & frequens, sed plerumq; mala: in uigesima prima rara, sed bona: in decima quarta frequens ualida & bona. In decima tertia mala.

TEXTVS LXIIII.

Verum horum ipsorum particulariũ modorum, diurnæ intensiões remissionesue, existunt potissimum, ubi inerrantium stellarum eæ, quæ maximè illustres sunt, matutinis aut uespertinis, ortusq; aut occasus sui fulgoribus erga Solem conspicuæ fuerint: nam conuertunt particularem statum illæ plærũq; ad modum naturarum suarum.

Docet in hac quarta parte dignoscere qualitates dierum singulorum obseruando stellas fixas maximè illustres cælo, quas quidem tum ex libro Magnæ compositionis, tum ex libello Ptolemæi de Ortu syderum, de quo superius diximus (testaturq; ignotus expositor Ptolemæum talem scripsisse librum, ut iam non dubium sit illam esse Ptolemæi) Eas excipies: Exemplum in Aprili mense tertio nonas Aprilis, id est, tertia Vergiliæ occidunt uespertino: tempore autem Ptolemæi Sol erat circa duodecimam partem Arietis, Vergiliæ uero circa quintam Tauri, quare occidente Sole ilico post crepusculum, quod durat donec descendant sedecim aut decem octo partes cæli, Vergiliæ occidunt uespertino, id est, illæ quæ iam prius uidebantur occidente Sole post occasum eius,

nunc primum Sole appropinquante incipiunt latere, ideoque immutant statum aeris, cum aer priuatur tali lumine iam solito illarum stellarum, uocaturque hic occasus uespertinus, scilicet quando in occidente, quæ prius solebant uideri Solis lumine adumbrata, desinunt apparere. Tunc igitur stat Africus sequenti die. Hoc exemplum dedi de Vergilijs, ut intelligeres non solum de una stella magna sensum esse Ptolemæi interpretandum, uerum etiam de pluribus quæ ualde sint propinquæ inuicem, ut sunt Vergiliæ, Succulæ, Cingulus Orionis, Asini. Aliud exemplum: inquit, quod Nonis Maij exoriebantur Vergiliæ ortu matutino, id est, quod Vergiliæ, incipiunt appetere ante Solis exortum propter Solem recedentem: Nam Nonis Maij, id est, septima Maij, Sol erat circa quintamdecimam partem Tauri, Vergiliæ, ut dictum est, circa quintam partem Tauri, ideo illa quæ plus habet latitudinis incipit apparere. Circa quod notandum est, quod quando sunt plures stellæ, exortus intelligitur cum una earum primò incipit uideri: occasus autem, cum prima illarum qualiscunque sit, abscondi inceperit: ita quod ortus intelligitur de prima quæ apparet, & occasus de prima quæ absconditur. Ex quo patet, quod plus distant stellæ à Sole, quando absconduntur si sint plures, quàm quādo oriuntur. In occasu enim Vergiliæ distabant à Sole partibus uigintitribus uel paulò minus, in ortu distabant decem partibus à Sole. Et causa nota est, ut dixi, quia exortus & occasus capiuntur à diuersis stellis: exortus à prima quæ apparet, occasus à prima quæ occultatur. Et quia pars finitoris occidua contraria est orientali, ideo his duabus causis contingit uarietas. Secundum considerandum est, quod talis ortus et talis occasus in pluribus stellis durat per plures dies, scilicet à prima, quæ oritur ad ultimam earum durat ortus: & similiter occasus à prima, quæ occidit ad ultimam: & perseverat talis effectus plerumque non solum

solū toto tempore intermedio, sed in ortu etiam per aliquot dies, postquā omnes apparere cœperint. Sed in occasu est alia ratio, quia non durat effectus nisi ab occasu primæ ad occasum ultimæ: Vbi autem omnes occiderint sequenti die cessat effectus. Si uerò sit una stella tantum illustris, puta Arcturus uel Canicula, tunc ortus sit in una die, sed effectus durat pluribus diebus: adeò ut Canicula ortus duret triginta diebus, & secundum aliquos quadraginta, Arcturi uerò octo uel decem. Occasus uerò contingit in una die, & effectus etiam finitur eadem die, & hoc est tertium. Quartum est, quòd ortus & occasus unius & eiusdem stellæ non fiunt in æquali distantia à Sole, sed est magna uarietas, tum propter obliquitatem uel rectitudinem signorum, tum propter latitudinem australem uel borealem: nam latitudo borealis facit, ut oriantur matutino celerius, & uespertino ortu: Australis autem facit ad occasum tam uespertinum quàm etiam matutinum: Ergo boreales stellæ, utpote Arcturus oritur utroque ortu in minore distantia à Sole, quàm occidat: Canicula contrario modo. Quintum considerandum est, quòd licet ortus stellarum insignium per plures dies duret & effectus earum, mutatio tamen, de qua loquitur hic Ptolemæus, non sit nisi in prima die ortus, sicut etiam in occasu sit mutatio status aëris die illa solū. Sextum notandum est, quòd ortus & occasus earundem stellarum non fiunt apud omnes gentes eisdem temporibus, propter diuersam poli altitudinem & uarium finitorem, propter quam causam & etiam propter motum stellarum fixarum ostensum est superius necessarium esse facere unam tabulam totius anni ortus, & occasus syderum tam uespertini, quàm matutini pro sua regione & ætate. Circa quam etiam animaduertendum, ne bis sextus annus errorem unius diei faciat: hoc enim prætermissum fuit, nec admonueramus

dum de tabula facienda loqueremur. Septimum est, quod ortus & occasus eorundem siderum non solum in diuersis regionibus diuersa operantur propter naturam uentorum & qualitatum aeris & situm, sed etiam diuersis temporibus ualde distantibus, utpote tempore Ptolemæi & nostro, propter uarietatem situs stellarum: Et etiam diuersis temporibus propinquis, puta anno præterito & præsentis propter diuersam naturam aeris: quia ijdem uenti præcedente aëre siccò faciunt serenitatem, & præcedente humido faciunt pluuias. Et etiam, quia quidam uenti parum spirantes serenitatem pariunt, multum, pluuias: ut Cæcias & Corus: quidam contrario modo parum spirantes adducunt nubes & pluuiam, diu spirantes depellunt eas, & serenitatem faciunt. Octauum notandum est, quod exortus maiorem faciunt mutationem, quàm occasus: & matutini comparati uespertinis sunt ualidiores: ita ut sint quatuor ordines, ortus matutinus qui est ualidissimus, ortus uespertinus secundo loco, occasus matutinus tertio, occasus uespertinus quarto: Et ideo nil mirum est, si Ptolemæus in libello illo, quando scripsit, tertio Nonas Aprilis, Vergiliæ occidunt, uespertino nihil adscripsit, sed sequenti die fiat Africus: quia effectus ille cum sit debilissimus, quia fiat ab occasu uespertino, differtur in sequentem diem. Sed Nonis Maij, cum scripsit Vergiliæ oriuntur matutino, quia ortus matutinus erat ualidissimus, adscripsit eadem die: & spirat Fauonius. Nonum notandum, quod isti quatuor modi eo ordine sibi succedunt, ut si ponatur primus occasus uespertinus, inde sequitur post ortus matutinus, deinde hunc sequitur occasus matutinus, et post hunc ortus uespertinus, inde res redit ad occasum uespertinum. Decimū est, quod stelle fixæ exoriantur in parua distantia à Sole plusquàm Luna propter tres causas, uel propter luminis claritatem, & uigorem, sicut

Mercurius qui apparet in distantia septem partium à Sole, cum sit ualde paruus tamen, propter claritatē luminis: Luna uerò nisi post quatuordecim partes: causa etiam est, quia ut demonstratum est in naturalibus à nobis, omnes stellæ tam erraticæ, quàm inerrantes lucent lumine proprio: Sed Luna lucet lumine Solis, & quanuis luceat etiam proprio lumine, illud tamen lumen est ualde hebes, & ideo Luna occultatur à Sole in maiore distantia, quàm ullum aliud astrum: quia cum luceat lumine Solis maximè & propinqua Soli, cum sit illo inferior, excipit lumen à superiori parte, & ita nō potest uideri à nobis. Secunda causa, quare stellæ fixæ maximæ uideantur in magna propinquitate Solis, est altitudo ipsarum stellarum magna: quæ fit, ut lumen earum minùs præpediatur à Sole. Tertia est latitudo magna quarundam earum, ut Arcturi & Caniculæ, quæ quanuis non tantum faciat, quantum longitudo, quia circulus latitudinis multum conuenit cum finitore, adeo ut aliqua stella possit distare uigintiquinque partibus, & plus ab ipso Sole, & tamen simul exorietur cum Sole, & sic obscurabitur à Sole, quod fieri non potest de uigintiquinq; partibus distantie à Sole in longitudine: nihilo minus magna distantia in latitudine facit, ut plerunq; stella ualde propinqua Soli secundum longitudinem appareat ante ortum Solis: & hoc contingit nobis, ut dixi in latitudine Boreali tam in ortu matutino, quàm uespertino. Hæc tam diffusè uolui explicare, quia erant ualde necessaria non solum pro intellectu qualitatis aëris, sed etiam pro genituris ipsis: multum enim refert, quod quis nascatur ipsa die exortus matutini uel uespertini, ipsa stella quæ exoritur cardinem orientis uel occidentis aut meridiei possidente. Nunc ad exempla reuertor. Matutinus occasus intelligitur, cum Sole exoriente stella occidit, ueluti Pridie Idus Octobris, id est, die duodecima eiusdem, Vergiliæ occidunt matutino, id est Sole exo-

D 5 riente

riente ipsa occidunt. Erat enim eo tempore æquinoctium
 autumnale undecimo calendis Octobris, id est, die uigesima
 prima Septembris. Sol igitur erat in Libræ parte uigesima
 prima, dum igitur Sol descenderet uigesima prima pars Arie
 tis ascēdebat. Cum uerò Vergiliæ essent in quinta parte Tau
 ri, ipsæ erant supra horizontem, seu finitorem, atq; statim
 occidebant, itaq; uocabatur occasus matutinus Vergiliarum.
 Sed notandum, quod duplex est occasus quo ad hunc sensum,
 scilicet Chronicus & Heliacus, ut superius dictum est, ex
 quorum malo intellectu tanta confusio orta est, ut ne Oedi
 pus se possit explicare, si quis uelit uerbis Plinij, qui purus
 fuit grammaticus, adherere. Nam mos est grammaticorum
 audacissimè de rebus non intellectis penitus scribere: Bene di
 cta ab alijs, errata & confusa simul, ut ita dicam, consarci
 nare. Vnde fit tanta conturbatio, ut si quis illorum uerbis at
 tendere uelit, nunquam se explicet. Idè Plinio utamur pro
 historia Romanarum rerum, explicandisq; rebus Latino ser
 mone, quibus in usibus non parum præstitisse uidetur, plúsq;
 præstitisset, si uel diligentior fuisset in scribendo, uel uetu
 stas sinceriores illius libros ad nos transmississet. Ergo ut ad
 rem redeam, exoriri dicitur astrum Heliacè, quando matu
 tino exoritur ante Solem, & hic modus nobilissimus est. Se
 cundò Chronicè, quando Sole occidente in oriente emergit,
 ut Vergiliæ tertio Idus, id est, nona die Nouembris: nam tunc
 cum Sol esset circa decimam nonam Scorpij partem ipso oc
 cidente emergunt ex aduersa parte in oriente Vergiliæ, quæ
 sunt in quinta parte Tauri, seu potius erant Ptolemæi tem
 pore, ut dictum est. Tertius modus est occasus Chronicus, cum
 Sol accedit ad astrum occidens & occultans ipsum. Occasus
 uerò Heliacus est, cum ante Solem exorientem ex aduersa
 parte astrum occidit. Exempla igitur horum habentur, ne
 spertini occasus Vergiliarum Chronici tertia die Aprilis:
 ortus

ortus matutini Heliaci Vergiliarum septima die Maij: exor-
tus uespertini earundem Chronicus undecima die Nouem-
bris: occasus autem Heliaci, seu matutini duodecima die
Octobris.

TEXTVS LXX.

Idem iudicandum usu venire, ubi lumina
iter per cardines fecerint. Talem enim ad ha-
bitum illorum horariae remissiones ac inten-
siones tempestatum sese conuertunt, sicut se-
cundum Lunę æstus maris ac redundationes,
itemque mutationes ventorum præcipuè per
tales cardinationes fulgorum tales consue-
uere esse, ad quales ipsa se Luna latitudine
sua inclinauerit.

Hic docet cognoscere partes ipsius dici exitinere Solis uel
Lunæ, quādo Sol uel Luna sunt in cardine: Sed magis de Lu-
næ, quia mutat & auget dispositionem temporis argumento
sumpto ab æstu maris, qui increfcit ex oriente Luna, dūmq;
illa in medio cœli est, maximè augetur. Eodē modo dicit uen-
tos à Luna augeri ea ex parte, ad quam Luna ipsa inclina-
uerit. Quauis enim Sol & ipse uentos mutet: attamen ad
eam partem mutare solet, ad quam Luna ipsa inclinat: dico
ad uentos meridionales, si Luna fuerit in parte meridionali
latitudinis suæ, & boreales, si fuerit in parte boreali. Et
nota, quòd uentos meridionales & septentrionales intelli-
gere oportet, non Notum aut Septentrionem, sed per meri-
dionales omnes illos uentos qui continentur à Subsolano ad
Zephyrum in parte superiore figuræ, ubi uenti describun-
tur: Et per boreales eos omnes qui in medietate inferiore fi-
guræ continentur, ita ut figura ipsa in duas partes diuidatur,
supe

superiorem & inferiorem, superiores uenti meridionales dicantur, inferiores boreales. Itaque cum dicimus Lunam mouere uentos boreales, intelligimus aliquem ex inferioribus: Si uero meridionales, aliquem ex superioribus. Nam constat, quod Sol ex se uiceuersa mouet uentos orientales in oriente, & occidentales in occidente: Similiter intelligendo per uentos orientales, eos, qui sunt in parte sinistra, per occidentales uero eos, qui sunt in parte dextra ipsius figurae. Itaque per has das combinationes uenti singuli ad horaria tempora & distribuuntur & augentur, ac minuuntur. Quod uero dicat fulgorum cardinationes, nihil te moueat, cum Graece scribatur $\phi\alpha\sigma\epsilon\alpha\gamma\ \kappa\epsilon\upsilon\tau\ \rho\acute{o}\sigma\epsilon\alpha\varsigma$. Contra enim luminarium obseruari iubet, non solum ipsa luminaria, insinuans nobis horarias mutationes, quae uel momento finiuntur, exquifita indigere scientia.

Sciendum est Iouem esse parentem serenitatis, Venerem pluuiarum: atque ideo si coniungantur, tempora sequi iuxta naturam illius qui ex eis superior fuerit. Superiorem intelligo in coniunctionibus sex modis. Primum, qui plus potestatis habuerit in loco coniunctionis, magisque conuenerit cum stellaris, quae iuxta posita sunt. Secundum, qui maiorem habuerit potestatem in cardine sequenti. Tertium, qui uelocior motu fuerit. Quartum, qui fuerit proximior absidi sui eccentrici. Quintum, qui latitudinem habuerit magis borealem. Sextum, qui maiorem habuerit potestatem in loco luminaris uel luminarium, quae supra terram extiterint. Solem uero & Saturnum qualitatibus aeris calidi & frigidi dominos esse constat: Solem scilicet caliditatis, Saturnum uero frigiditatis. Iouem quoque & Mercurium esse dominos uentorum, Martem esse dominum imbrium, quae cum tonitru conueniunt tempestatum, fulgurum, grandinum & coruscationum. Lunam omnia haec ad inferiora deferre.

Vbiq̃ue autem hoc tenendum est, priorem ac posteriorem, generalem & primariæ subiectionis causam, sequi verò eam, quæ sit particularium accidentium, sed tum efficaciam firmam in primis ac validam esse, cum generalis naturæ dominatrices stellæ illis quarum fuerit particularis curatio, aspectu ac configuratione sese coniunxerint.

Sensus huius partis textus est, quòd semper debemus obseruare primum generalissima, quæ maximas habent vires, ut deliquia & crinitas: inde minùs uniuersalia quæ sunt significata quarta anni: inde propria mensis: inde quarta mensis: inde diei. inde horarum. Et quòd quantò generaliora, tantò efficaciora. Sed dices, igitur semper effectus consequuntur secundum generaliores significationes: & minus generales solum augebunt aut minuent? Respondeo, quòd generaliores semper sunt ualidiores minùs generalibus, duabus seruatis conditionibus. Prima, quòd generalis sit adeò perfecta in suo genere, & magna sicut propria, uelut magna eclipsidis comparata coniunctioni Solis & Lunæ potenti, aut parua eclipsidis coniunctioni Solis & Lunæ debili, & ita de alijs.

Secunda, ut sit sola propria significatio: nam duæ minus generales conuenientes simul plus possunt, quàm una generalior. Dicit deinde,

quòd ubi plures significationes conuenierint, tunc certissimum erit

iudicium, & maxime

si significatores

ijdem fuerint.

runt.

Caput decimumtertium.

TEXTVS LXVII.

De observandis Meteoris, id est, facie cœli.

Rosuerit & in particularium signi-
 ficationum prævisionibus notasse
 iuxta Solem, Lunam, ac stellas ap-
 parentia visa. Ac Solem quidem
 intuebimur orientem in iudicio tempestatis
 diurnæ, nocturnæ verò occidentem. Sed diu-
 turnioris configurationem cum Lunæ illius,
 nam singulæ figuræ tempestatem qualis usque
 ad proximam futura sit, declarare consueve-
 runt. Si igitur pura luce & expers caliginis,
 varietatis, nubiū, Sol orietur aut occidet, se-
 renam tempestatem pollicetur, in varietate
 autem orbis, cūque hic flammeus, ruben-
 tesue eiaculari radios videbitur, siue illi dire-
 cti, seu refracti appareant, itēque cū illas
 Solares nubes, quæ paelia dicuntur vna à
 parte informarit, nubiūque figuras subru-
 bras, radios in longum tendentes circum sese
 habuerit, vehementes tum flatus significan-
 tur, pro ijs angulis, quos respexerint visa illa.
 Niger aut luridus, in ortu occasuve, si nubi-
 bus quoque inuoluetur, aut area vna à parte
 cingetur, aut Solares illę nubes vtrinq̃ue ade-
 runt,

runt, necnon radij subpallidi aut nigri, minatur hyemes atque imbres.

Diuiditur hoc caput in octo partes. Primum ponit signa à Sole, deinde à Luna, deinde à stellis, quartò à crinitis, quintò ab ignibus, sextò à nubibus, septimò ab his quæ solùm uidentur & non sunt, ut irides, arcæ, pareliæ, octauò concludit. Addidit autem hoc Ptolemæus capitulum, ut intelligeremus in singulis diebus ac noctibus quid futurum sit, & honos qui adimitur Astrologo iniuste propter artis difficultatem, non autem inconstantiam, aut uitii ullum aliud, hæc ex parte fertiatur. Deinde etiam, quòd diuinatio hæc per astra quomodo est & per superiora: de qua si cui libeat, copiosius legere, legat apud Plinium. Sensus igitur huius est, si uelis pro die tantum scire naturam aeris, inspicere Solem exorientem: Si uerò pro nocte tantum, inspicere Solem occidentem: Si uerò statum longioris temporis, inspicere statum in hora, in qua Sol Lunæ per radios aut per corpus iungitur. Nam usque ad sequentem cum Luna configurationem significatio illa iuuat. Igitur si Sol oriatur uel occidat, quatuor consideranda sunt, color, puritas, nubes, & radij. Puritas & in colore & in nubibus & in obscuritate, significat serenitatem. Radij uerò & nubes subrubræ, & refractiones quales sunt arcæ & uirgæ, significant uentos ex ea parte, in qua talia apparent. Subpallida, nigra & obscura, imbres & hyemes.

Lib. 18.

ca. 15.

TEXTVS LXVIII.

Lunã obseruabimus in itinere suo dierum trium ante, vel post interlunã ac plenilunã, & mediũ tempus quo erga Solem quadratur. Nam tenui, puraque luce nitens, siquid nihil illam circundet, serenitatem spondet: sin tenui rubeat

rubeat luce, sique totus perspicuus sit orbis illius, etiam qua parte non illustratur, & tremere videatur, ventos maximè declinationis sue ciet: nigra, pallida, spissa, hyemes ac imbres minatur. Non negligetur animaduersione quoque arearum, quæ Lunam interdum cingunt. Nam si vna fuerit pura, paulatimque euanescat, serenitatem: sin duæ aut tres hyemes significant, atque has cum ventorum turbulentia subrubræ, quasique perruptæ: Cum niuibus, si caliginosæ ac spissæ: Si luridæ ac nigrae, & laceræ, tam cum his, quàm cum illis, eoque etiam vehementiores significant illas, quod ipse maiores fuerint.

Quod proposuerat præcedenti capitulo de obseruatione Lunæ, hic declarat, scilicet, ut obseruentur tres dies ante interlunium, & post interlunium. Et similiter in oppositione & in quadrato aspectu, ita ut obseruentur sex dies pro quacunque configuratione cum Sole. Et si tenui luce & clara fuerit, & nihil eam circundet, puram serenitatem, id est, sine uentis, nebulis & pluuiæ significat. Si uerò adfuerit uarietas, uel tenui rubeat luce, uel totus orbis illius, id est, limbus luceat etiam ea parte, quæ non illustratur, tremereque uideatur, uentos significat. Et ita nigra, pallida & obscura imbres ac hyemes: adeo ut sit eadem ratio Solis ac Lunæ. Circa areæ uerò, si una fuerit & paulatim euanescat, significat serenitatem. Si uerò duæ sint, aut tres, significant hyemes: quod si cum hoc rufæ fuerint ac quasi laceratæ, hyemes & magnos uentos. Caliginosæ ac spissæ, hyemes & niues, laceræ uerò nigrae aut luridæ, utrunque significant.

Dubitatur, quia si assumas septem dies pro quacunque configuratione Solis ac Lune, cum sint quatuor in uno mense, assumemus uiginti & octo dies pro dijudicandis triginta, quod erit absurdum in tanta Lune uarietate. Propterea dicendum est, quod Ptolemaeus fuit inuentor participationis & in Musica, & in alijs, & maximus obseruator sicut & nos, naturæ subtilis & humidi pinguis: quædam enim sunt generalissima & non adeo omnibus cognita, quæ si obseruentur, magnam afferunt utilitatem. Igitur, ut dixi, participatio ipsa una est ex his. Vocatur autem participatio, quia si grætia exempli fiat coniunctio Lune cum Sole in die uigesima Augusti, iubet obseruari à decima septima usque ad uigesimam tertiam. Sit igitur quadrata radiatio eorundem die uigesima septima: iubet ergo per tempus, quod est à die decima septima usque ad uigesimam tertiam, cognosci tempus à uigesima die ad uigesimam septimam, & ita non ijdem dies obseruantur, qui etiam cognoscuntur, sed bene participant. Vt potest à uigesima die ad uigesimam tertiam. Decursus enim ille prior in Luna signum est decursus tempestatis sequentis, quia causa prior est effectui.

TEXTVS LXIX.

Errantibus ac inerrantium splendidis circumfusæ Areæ de proprietate coloris sui portendunt ea, quæ naturæ ferunt stellarum. Inerrantium etiam quasi turbulas aspiciemus, quo illa colore quaque magnitudine videantur. Nam si splendidiores, grandioresque solito appareant, quacunque in plaga cœli luxerint, ab illa ventos concitabunt. Quin etiam nebulosi gyri qui dicuntur, ut in præsepî & alibi propriè

E si

si sereno cœlo aut exiles sint, visumq; fugiant, aut perdensæ esse videantur, nimbos, puri vero ac vibrati turbulentiam ventorum portendunt. Iam si stellarum earum, quæ vtrinq; ad præsepe cernuntur asinorum appellatione, vna quæ septentrionalis sit, non appareat, flabit Aquilo: si verò altera australis non appareat, flabit Auster.

Hæc est tertia pars, in qua primum præsupponit quod quandoq; contingit, scilicet areas stellis circumduci. Harum igitur color & natura stellæ significant quod uenturum est. De natura stellæ & coloribus superius doctrinam habuisti, sed tamen eā non simpliciter, sed quo ad tempestates attinet, considerabis: nam nigra & liuida Saturnia sunt, tempestatesque & uentos significant orientales: Rutila & Martia turbulenta tempora cum tonitru & fulguribus significant. Quòd si composita sit natura, utpote circa stellam de natura Iouis, area de natura Martis uideatur: iuxta naturam coniunctionis Iouis & Martis significabis. Porro de coniunctionibus Planetarum superius dictum est. Sunt etiam circuli singulis stellis, id est, Limbi. Græca lectio habet $\alpha\gamma\tau\iota\pi\lambda\lambda\theta\epsilon\gamma\epsilon\gamma\epsilon\delta\varsigma$ $\delta\gamma\tau\omega\pi$ παραθεντέων, id est, quæ sunt secundum ambitum intus contentæ spissitatis. De nebulosis gyris, ut Pleiades & Hyades, reliqua textus declarat. In hoc enim toto opere constanter obseruatum est, ut si conuersionem textus corruptam uiderem (Quod pleriq; in locis contigit) sola emendatione contentus fuerim: Si obscurus fuerit textus, ne uel unum (Et) inexpositum permittere uolui. Si textus ipse per unum multa significare uoluerit, quæ defecerant, omnia adieci. Verum ubi textus ipse perfectus fuit atque clarus, ne uel unum uerbum addere uolui, nisi forsitan ad causæ expositionem: unde

admo

Tex. 45.
& 52.


Cômēt. 63

admonitum Lectorem pium uelim, ut omnino id semper obseruet, quod textum ipsius Ptolemæi cum ipso Commentario coniungat legendo, & ex his quasi unum corpus efficiat. Igitur ut ad rem reuertar, causam exponamus, quare gratia exempli borealis Asinus, qui in tertia parte Leonis est nostro tempore, latitudinem uerò habet borealem trium partium detracta tertia unius partis, si non uideatur, uentos efficiat boreales. Id uerò contingit, quoniam ut in primo de Rerum uarietate libro scripsimus, uentus sit eliso uapore à regione frigida uersus nos. Cum uerò stella illa non uideatur, indicio est, uaporem ibi adesse congregatum, qui elisus uentos ex ea parte significabit. Sed dices, cum borealis Asinus non solum nostri comparatione, uerum etiam Aegyptiorum australis sit, quo ad declinationem, cum ab ea parte elidetur, uentus semper australis erit, non autem borealis. Ad hoc respondemus uaporem illum adeò esse humilem, ut borealis significet partem eam, quæ nostro oculo obducitur, extendi ad boream, atq; ita ab ea parte excitari uentos. Nam si extendetur etiam ad austrum, australem Asinum occuparet: modò cum non occupet, signum est exhalationem ad boream extendi: quoniam stelle illæ cum parue sint & obscuræ, & pauci luminis, à quacunque minima exhalatione absconduntur. Eadem ratione igitur ubi stellas aliquas non uideris ex paruis, alias uerò paruas eis proximas uideris, à contraria parte illius parue, quam uides, uentum expectabis. Gratia exempli, sint duæ stellulæ: quarum una sit posita inter septentrionem & orientem, nec uideatur, alia uerò orientior, & in eodem situ, quo ad Septentrionem, quæ uideatur, tunc habebimus Corum uentum. Quia enim occidentalior ex his non uidetur, occidentalis est uentus: Quia uerò in æquali situ ad boream posita uidetur, borealis regio pura erit. Ventus igitur planè occidentalis erit, & ad boream declinabit:

Cap. I.

nabit: quia regio borealis tametsi pura sit, non tamen exquisitissime. Nam iam supposuimus stellam illam, quæ absconditur, esse borealem. Ventus igitur occidentalis est declinans ad boream paululum: Talis uerò,

ut dictum est, Co-
rus. Vt uerò res
tam utilis dignosca-
tur, & quæ dicta
sunt de stellis, qua-
rū altera uidetur,
altera non, cum ta-
men ambæ propin-
quæ sint, atq; par-
uæ, figuram subie-



ci. Manifestum est autem, quòd ubi remotior sola non uideatur, aut neutra illarum, uentum oportet expectare ex ea parte, in qua stella obscurata sita est: Sicut etiam, si splendidior solito atq; grandior appareret.

TEXTVS LXX.

Præterea, quæ certis tēporibus in cœlo se ostendunt, & ostenta dicuntur, eorum crinita sydera semper squalorem, ventosq; prænuntiant, eò quidē uementiores, quò pluribus in partibus & ipsorū corpora grandiora fuerint. Diuisiones & iaculationes stellarum si ab vno angulo prorumpant, inde quoq; ventum emittunt. Sin occurrent inter se, ventorūmq; prælia suscitant: Sin uerò de quatuor plagis ruant, hyemes varias ferunt, atq; etiam fulmina, tonitrua, & quæ alia huiusmodi sunt,

Per squalores, intelligit siccitates prauas, quibus herbæ
 & arborum folia, aut siccantur, aut flaccescunt. Caterum
 quia hæc quarta & quinta pars textus per se clara est, quæ-
 dam quæ ab Hermete dicta sunt Ptolemæi placitis consenta-
 nea, subiungere, quauis loco aliena uideantur, ut quæ non
 de his, quæ in sublimi apparent repente, sed de perpetuis sy-
 deribus scripta sint, libet: Ea autē ut Haly recitat, talia sunt:

Cum malefica, seu in genitura alicuius, seu erectione re-
 gni, seu in principio ciuitatis, seu in distributione prouincia-
 rum, per signa transferit per altitudinem Planetæ significa-
 toris, & maxime si retrograda fuerit, & eo magis, si ibi ste-
 terit, atq; eo magis, etiam si illi signo fuerit inimica, ut Satur-
 nus Arieti, Mars Libræ & Tauro, & uterq; illorum Can-
 cro, & Mercurius Piscibus, & Sol Libræ, tunc quicunq; subij-
 cientur illi signo, patientur quippiam: Et eo magis, cum Pla-
 neta super gradum proprium exaltationis alterius trāsierit.
 Et si fuerit regnum aut Rex, tunc ministri illius graues erunt
 subditi & iniusti. Rursus cum gubernator seu præses in Pla-
 neta uitæ uel honoris, uel diuitiarum mutatur de signo in si-
 gnum, hora qua mutatur, erige figuram, & uide quis Pla-
 neta illum aspiciat: Et si sit gubernator decimæ domus, in spi-
 ce quis Planeta sit in ea uel aspiciat eam: Et si sit gubernator
 loci Solis uel Lünæ, uel ascendentis, uel partis fortunæ, in spi-
 ce quis Planeta sit in illo loco uel aspiciat eum: Et secundum
 illud iudica de Rege per principium Regni, & de ciuitate, &
 de prouincia, & de priuato homine. Exemplum, si cum gu-
 bernator medij cœli mutatur de signo in signum in figura re-
 gni, & hora qua mutatur ipse gubernator sit in septimo lo-
 co, & Saturnus in medio cœli aspiciens eū de quadrato, tunc
 Rex ille propter auaritiam & secordiam negligetur à suis
 subditis, et odio habebitur. Et si debilis fuerit erectio Regni,
 et processus testimoniū præbuerit, fieri poterit, ut in fidiæ illi

parentur: Si non, non erunt nisi uerba. Ex quo patet, quod ex moribus cuiusq; Regis, gentis, et priuati, facile poteris dignoscere Planetā qui gubernat, si fuerint mores perpetui: Si uerō fuerint mores unius anni, uel aliquot mensium, uel dierum, cognosces naturam Planetæ qui gubernatori miscetur. Nam si fuerit auaritia cū socordia & malignitate, erit Saturnus. Et si fuerit auaritia cū audacia et crudelitate, erit Mars. Et si fuerit iustitia cum liberalitate, & pietate, erit Iupiter. Et si fuerit liberalitas cum bonis uerbis, iocis et conuiujs, erit Venus. Et si fuerit uarietas morum & subdola uerba et delatio picturarum & artiū, erit proculdubio Mercurius. Et si fuerit auaritia occulta cum splendore et magnificentia magna, & ambitione summa cum iustitia, erit Sol: et hoc contingit rarō. Et si fuerit ille, quasi mercator & humilis cū plebe, totūsq; negotiosus et uarius, fungaturq; quasi officio suorum magistratuum, uel si fuerit priuatus suorum seruorum, erit Luna: & hoc etiam contingit rarō. Ex hoc etiam sequitur, quod qui habent gubernatores tardi motus, fortunā habent æqualem, seu bonam, seu malam. Qui uerō ueloces motus, uariam & inconstantem, quia sæpius mutantur de signo in signum. Et planetæ inferiores et ueloces in motu, & oriētales à Sole, & iuxta orientem, et in principijs signorum, festinare faciunt euentus & successus rerum, & contrarij retardant. Similiter etiam septentrionales nobis iuuant ad celeritatem, meridionales ad tarditatē: contrariū contingit in hoc habitantibus ultra æquinoctialem. In his tamen certus ordo habendus est. Primum igitur est, quod Planeta sit orientalis à Sole: Secundum, quod sit auctus motu: Tertium, quod sit ab ascendente ad medium cœli: Quartū, quod sit Planeta uelocis motus natura, id est, inferior Sole: Quintum, quod sit in initio signi: Sextū, quod sit borealis, et hoc pro festinatione: cōtrario ordine pro tarditate. Nota etiā, quod Planeta inferiores sunt

sunt boni pro negotijs paruis, et sepe recurrentibus, ut mer-
 cibus, conuersatione hominum, exercitatione artiũ, quæ quo-
 tidie mutant aliquid, utpote pro Medicis: mali autem pro re-
 bus magnis ac stabilibus, ut regno, consilio, iuris administra-
 tione, bellica arte, pictura, sculptura, plastica. Vnde quibus
 Planetæ inferiores solum dominantur, si iustitiæ sint admini-
 stratores, eam pro commodo proprio metiuntur: Dico autem
 pro amicitia, muneribus, expectatione mutæ gratiæ, urba-
 nitate et iocis, et potentia partiũ. Superiores autem Planetæ
 inepti uicissitudinibus et paruis negotijs, magnis autem et
 stabilibus utiles et conuenientes. Inspice etiam in unoquoq;
 negotio in initio eius, et decursu statum Planetæ secundum
 naturam dominantis: Veluti si duo Reges pugnent, quorũ neq;
 genituram habeas, neq; principia regni: quia bellum pertinet
 ad Martem, inspice si sit orientalis, uincet Rex cuius regnum
 est magis uersus orientem: Et si occidentalis fuerit Mars, toto
 tempore decursus belli erit contrarium. Et similiter si fuerit
 septentrionalis, uincet Rex, cuius regnum erit magis uersus
 septentrionem. Et si regio una fuerit magis uersus orientem, et
 meridiem altera, et Mars fuerit orientalis et borealis, erit in
 eodem tempore fortuna uaria. Et si Mars permutet situm in
 contrarium, permutabitur et fortuna illorũ regum. Idem de
 alijs significatoribus. Et quando gubernatores trigonia ali-
 cuius uel loci uitæ uel mediũ cœli, id est, honoris uel partis for-
 tunæ seu regni, seu regis, seu priuati, seu gentis, seu ciuitatis,
 robusti fuerint, et maxime in cõparatione loci, tunc talis res
 erit ualida. Et si fuerint debiles et infelices et maxime ma-
 leficæ, tunc in illa re euenient multa incõuenientia. Et rursus
 scias, quod ex deterioribus dispositionibus, quæ contingant
 in significatoribus, est quod Saturnus sit oppositus Marti
 retrogrado, et alter eorũ fuerit significator: uel si ambo fue-
 rint iuncti, et retrogradi afficientes significatorem ex oppo-

sito, & maximè, si significator fuerit occidentalis à Sole, uel sub illius radijs, uel si iungantur significatori, sic dispositi, uel illum de quadrato respiciat. Et scias, quòd natura signorum etiam ostendit mala, nam si significator gentis damnetur in trigono Cancrì, erunt inundationes aut genera lepræ: Et si in trigono Geminorum, erunt latrones & bella, & forsitan pestis. Mars autem & Mercurius propriè significant latrones in humanis signis, quando simul participant radio uel domino: Et causa est, quia uterq; eorū est infidus, promptus, crudelis, uigilans, infelix, & tales sunt latrones. Et si fuerit in trigono Tauri, erunt terræmotus, uel iactura in armentis. Et si fuerit in trigono Arietis, erit iactura in frugibus & arboribus propter siccitatem, uel febres acute, uel etiam iactura in animalibus, & rabies canum & luporum. Præter has sunt sex regulæ notatu dignæ, quæ nostræ sunt: & sunt ex sententia Ptolemæi, quarum una est regula generalis effectuum.

Regula generalis effectuum.

Effectus omnes significatorum generaliter reducuntur ad tres dispositiones, naturam significatoris bonam, uel malam, aut mediam, ad debilitatem uel robur, ad qualitatem, quòd sit felix uel infelix: Ita ut optimi effectus fiant, cum benefica fuerit robustissima felicissima: pessimi, cum malefica fuerit robustissima infelicissima. Media cognosces ex his.

Regula de successibus.

In genituris priuatis, & initijs ciuitatum, & erectionibus regnorum, & qualitibus temporum, sunt duo genera dominationis, successio & participatio. Participatio est, cum duo Planetæ dominantur in eodem loco, & neuter eorum est debilissimus, & tunc contingit idem, quod duobus in eodem magistratu administrantibus, quia uterque participat in actionibus: ueluti in genitura nostra, Venus est domina domus & finis, & secunda domina trigoni: Luna

uerò

uerò domina altitudinis & prima domina trigoni, & aspici-
 cit ascendens: Ideò qualitas erit composita perfectè & bene
 mixta ex natura Veneris & Lunæ. Sed successiones fiunt,
 quoties solum unus potest præesse illi effectui: Vel etiam si
 duo possint præesse, unus propter debilitatem redditur inha-
 bilis. Tunc contingit, sicut in duobus, qui pugnant de aliquo
 magistratu, tunc quicumq; succumbit ex illis, nihil penitus re-
 tinet dignitatis, etiã si in mille suffragijs caderet uno solo ab
 altero, & præter id uictor conatur omnia facere contrario
 modo ei, qui uictus est. Exemplum primi modi in nostra geni-
 tura, Luna succedit Soli in uita, post ascendens, quia Sol est
 nimis debilis, & ideò Sol nihil penitus significat in uita, quia
 ex toto excidit à dominio. Et si Sol perueniret ad centum pes-
 simas directiones, nihil penitus offenderet in uita. Et quando
 Luna peruenit ad oppositum radiorum Solis, radij Solis quasi
 interfecerunt ex pestilenti febre & bubone, alijq; dispositio-
 nibus succedentibus prauis. Exemplum aliud: sit significator
 Iupiter honoris & dominus decimi loci, & in reuolutione sit
 sub radijs Solis: & ita amittit significationem & non redit ad
 secundum significatorem, sed ad signum decimæ. Dico igitur,
 quòd eo anno experietur mirabiles mutationes in honore
 iuxta Planetas ambulantes in illo signo. Exemplum secundi: in
 tertia genitura dominus loci Lunæ erat Mercurius, inde Lu-
 na, Mercurius est debilissimus Sub Sole, ideò res redit ad Lu-
 nam, & quæ significantur per Lunam, erunt de natura Lunæ
 in totum absque ulla significatione Mercurij. Et similiter in
 eadem Mercurius erat primus significator loci Iouis & Mar-
 tis, & Saturnus secundus. Cum uerò Mercurius sit debilis-
 simus, tota res redit ad Saturnum, & tantum abest, ut fiat
 aliquid cum participatione Mercurij, quòd Saturnus om-
 nia administrabit absque ulla participatione Mercurij, & ut
 ita quasi dicam in contemptum.

Regula de Planetis combustis.

Cum Planeta fuerit sub Sole, Sol ipse disponit loco illius Planetae seruata qualitate eius. Exemplū: in tertia genitura, Sol significat pro Mercurio eadē, quā Mercurius: puta si uolueris cognoscere ingenium eius, considera dispositionē Solis, qui est in Ariete: Et ideo potens ac felix: & significat amorem ad disciplinas, eruditionem, splendorem in negotijs.

Regula de initijs regnorum.

Aberrant Astrologi, qui initia regnorum sumunt ab electione solenni, quā fit cum pompa, & est uoluntaria, ideo nunquam diuinant. Nam cum ille iam habeat potestatem regiam, & electio illa non addit nisi pompā, re uerò est inanis, oportet quod cum constitutio astrorum sit similis rei, à qua sumitur, quod talis constitutio electionis regni nihil significet: cum quia merè uoluntaria, tum quia est sumpta à tempore, in quo nullam acquirit potestatem ueram, sed solum speciem quandam potestatis. Ob id igitur si regnū sit per successionem, capies in ipsa hora accessionis, id est, mortis Regis precedentis: Si uerò sit per electionem ab ipsa hora in qua primum consenserunt, & nō ab ipsa pompa uel ceremonijs, quia pompa & ceremonia, postquam iam electus est suffragijs, sunt in arbitrio Regis, ipsa uerò electio per suffragia est in arbitrio Dei & cœli eius ministri. Et ab eo tempore sumenda est constitutio cœli pro regno, & ita in Pontificibus Maximis eligendis. Si uerò regnum acquiratur cum contentione, ut contingit inter fratres, uel sit regnū nouum bello acquisitū, sicut dixi in eclipsibus, quod debet sumi constitutio cœli à medio ipsius eclipsidis: Ita hic ab initio uictoriæ, quādo omnes iam incipiunt fugere. Et si fuerint plures uictoriæ, sumatur illa, postquam uires inimici nunquam amplius refectæ sunt. Et si fuerint ciuitates, quæ se tueantur aduersus illum, ab hora expugnationis illius, uel deditionis uoluntariæ, postquam nulla repugnauit

nit pro libertate, neq; certauit extremo conatu, sed solum, ut bonas conditiones acciperet. Plerunq; autem contingit, ut hoc eueniat in Metropoli, non tamen semper. Et quando Metro-
polis uno tempore acquiritur & alie ciuitates alio tempore: tunc oportet diuersas facere figuras, & qualibet seruit sua ciuitati. Et similiter si ciuitas principalis capta fuerit uno tempore, & arx eius ualida alio tempore, tunc regnum illud erit quasi diuisum, & oportebit facere plures figuras, & unaquæque seruiet suo loco. Et hoc est secretum magnum.

Regula de transmutationibus.

Dico etiam, quod Caput & Cauda Draconis, cum iunguntur Planetis, magnas habent uires: Vtpote si Saturnus coniungatur Capiti, quia iam locus ille ecliptice magnam uim recipit à Luna, quæ ueniens ad nos, bonum affert: Ideò Saturnus bene afficitur à Capite, & malè à Cauda. Verum quia Saturnus ipse inficit locum sua frigiditate & siccitate & Luna ueniens ad nos, transit per illum, ideò Luna malè afficitur, quādo Saturnus fuerit iunctus Capiti Draconis, & deterius, quando Caudæ: Ita coniunctio Capitis Draconis cū Saturno, iuuat decreta Saturni, sed malè afficit Lunam: cōiunctio uerò Saturni cū Cauda, inutilis est utriq; id est, Saturno & Lunæ. Sic coniunctio Iouis cum Cauda, inutilis est Ioui, utilis uerò Lunæ: coniunctio uerò Iouis cum Capite, utilis est utrique, scilicet Ioui & Lunæ.

Regula de statu temporum.

In æstate interlunio tempus est calidius, quia Luna nobis proxima est: plenilunio frigidius: quia cū Sol sit nobis proximus in æstate, in plenilunio Luna illi opposita erit remota à nobis. In hyeme autem plenilunia faciunt tepidiores noctes, quia Luna nobis proxima est, ut nouilunia frigidissimas, quia Luna abest à nobis. Eadē ergo regula erit de omnibus Planetis calidis, Marte, Venere, Ioue: Contraria de frigidis, Saturno

turno atq; Mercurio: quando Mercurius naturæ Saturni assimilabitur. Stationes autem Planetarum maximè ostendunt eorum vires, ut rectè obseruauit Ioannes Vernerus Noricus, uir ueridicus. Saturnus enim frigiditatem facit, Mars calorem, Iupiter temperamentū & serenitatem, Venus pluuias. Cūq; Luna ad ascēdens nouilunij aut plenilunij peruenerit, plerunq; mutatur aër iuxta decretū nouilunij uel plenilunij. Similiter cū ascendens directione peruenerit ad Planetam loci nouilunij uel plenilunij dominū, dando partes 13. minuta 11. pro uno quoq; die. Ingressus etiam Planetarum in signa sui casus tempora mutant. Coitus quoq; plurium & maximè cum fixis similis aut cōtrariæ naturæ tempora mutat. Et maximè, cū Luna ad illos peruenerit corpore uel aspectu. Cūque tales coitus in plenilunia aut nouilunia incidunt, erunt ualidiores. Minus firmum est, quod tamen sæpius obseruatum, uerum inuenit, Venerem & Martem, & Solem cū partem cardinis occidentalis hora æquinoctij ingrediuntur, maximas aëris mutationes asserre pro suæ naturæ qualitate. Lunam quoq; idem facere, quoties Planeta occurrit occiduum æquinoctij cardinem peragranti.

TEXTVS LXXI.

Nubes in quibuscunque finibus conspectæ asimiles floccis lanæ, nonnunquam hyemes afferunt.

Intendit per hyemes non tempus hyemis, sed pluuias cū frigore: causa est, ut Haly bene dicit, uapor humidus ualde crassus & copiosus: nam flocci illi crassitiem ac spissitatem ostendunt. Et hæc sufficiunt pro sexta parte textus declaranda: Nunc sequitur septima.

TEXTVS LXXII.

Sed arcus quocunque tempore extiterit, si
sere

serenum sit, hyems: sin hyemet, serenitas expectanda.

Causa huius est, ut bene Haly inquit, quia arcus coelestis fit à nube rorida sparsa. Si igitur succedat serenitati, signum est, quòd aër humectatur & crasse sit. Ideò significat hyemes, id est, imbres magnos. Si uerò succedat imbribus, cum hi fiant à densis nubibus & denso aëre, coelestis arcus significat utrunq; iam rarefcere. Ob id Moses scripsit Deum posuisse Iridem in signum foederis ipsius cum humano genere: nam cum Iris fiat, ut diximus, à nube rorida atque disgregata, nec inundationes, nec squalores succedere possunt.

TEXTVS LXXIII.

Vt autem hæc concludatur, sciendum generalia visa aëris certis temporibus eadē por- tendere, quæ sunt in superioribus de suis quæ- que accidentibus explicata. Atque hæctenus placuit de generali inspectione vniuersalium atque particularium signorum breuiter disse- rere. Quod superest, Genitales præcognitiones, sicut & ordo postulat, nunc deinceps exequemur.

Concludit in hoc, quòd significata horum, quæ in cælo uidentur super tempora singularia, scilicet propria, & paucorum dierum, sunt similia in natura & dispositione, significatis eorundem superius explicatis, dum de coloribus deliquiorum loquemur.

Com. 53.

FINIS SECVNDI LIBRI.

I N
C O M M E N T A
R I A T E R T I I
L I B R I

*Ptolemæi de Iudicijs, Hieronymi Cardani Mediolanensis
Medici, ad Reuerendissimum D. Ioannem Hamulthonem
Sancti Andrea Archiepiscopum, Legatum &c.*

P R A E F A T I O.



Actenus de generalibus iudicijs tractatum est: Nunc verò de genituris, quod principale, ut diximus, fuerat intentum, tractandum est. Quærit Haly, quod superfluum est, cur Ptolemæus scilicet nō tractet de electionibus & interrogationibus: cum interrogationes omnino sint sortilegæ atq; indignæ non solum viro Christiano, sed viro bono. Similiter electiones plus inuentæ sunt causa auaritiæ Astrologorum, quàm quòd quicquam conferant in utilitatem eligentis. Et si quippiam modò continent veritatis, illud adeò est tam exiguum atq; abstrusum, ut dignum arte non videatur. Ars enim est de euidentibus & quæ commodè pa-
rari

rari possunt. Horum cū neutrum sit in his, non est ars de illis. Velut nec de imaginibus faciendis in nubibus tanquā in speculo, quæ cū fieri possint, ad artem tamen nullam spectant, cū sint maximæ difficultatis, & nullius propemodum utilitatis. Sed has & interrogationes vanas cōmenta est auaritia Astrologorum, velut & Sacerdotum auaritia multas superstitiones quæ cū religionem non possint facere deteriorem, tamen indigna sint viris probis: Ita hæc superstitiosa sunt & indigna homine Christiano, nec tamen artem ipsam superstitiosam reddere possunt. Propterea Ptolemæus ab his in genuinis libris, tanquā superstitionibus abstinuit, nec omnino vllum verbum fecit. Vnde facile est intelligere, tum ob hæc, tū ob diuersas de eisdem rebus sententias, quæ à Ptolemæo in his libris referuntur, & ab authore Centiloquiū, non esse authorem Centiloquiū ipsum Ptolemæum. Verū quod maius est argumētum, in oppositum est procemium Centiloquiū, in quo de Syro meminit & de his libris. Sed huius rationem reddit Galenus dicens: Olīm Reges vt instruerent bibliothecas, magno pretio emendo illustrium virorū scripta, causam dedisse, vt sua veteribus attribuerent. Quod verò obijcitur ab aliquibus, constitutio

tiones generales facere, vt singularium gen-
 turarum superflua videantur, tum quia con-
 stitutiones generales propriam vniuscuiusque
 vincunt, tum etiam quod eodem modo liceat
 de singularibus iudicare (atq; id probat Pto-
 lemæus trifariam in procemio sequenti, vbi
 dicit (Quæ operando, & quæ cōtemplando)
 id est, quod modus operandi astrorum, &
 contemplatio est eadem tam in vniuersalibus,
 quàm in singularibus, idque trifariam ratione
 causæ, id est, quia omnia contingunt per So-
 lis ac Lunæ ad cæterorum syderum motus ac
 constitutiones luménq; , tum etiam traectio-
 nes in aëre: nam istæ eadem sunt causæ ad vn-
 guem effectuum in prouincijs & ciuitatibus,
 & in genituris singulariū hominum. Secun-
 dō, mediū est idem, scilicet continens ipsum.
 Tertium est idem genus effectuum, puta ca-
 lor, frigus, detrimentum ab aquis, detrimen-
 tum ab hominibus, detrimentum à feris, ser-
 pentibus, alijs) Respondet ergo Ptolemæus,
 quod differunt in ratione principij, quia in
 vniuersalibus accipimus duplex principium.
 Vnum à cœlo, vtpote eclipsim, aliud ab infe-
 rioribus, velut quod hæc prouincia huic si-
 gno subiecta sit, vel hæc ciuitas talem origi-
 nem habuerit: Sed in singularibus solum prin-
 cipium ab inferioribus sumimus, id est, ab il-
 lius

lius proprio ortu. Ex quo colligitur regula,
 quam dixi superius, quòd eclipsis superue-
 niens alicui genituræ, vbicunq; cadat, nihil pe-
 nitus nocet, nisi inquantum nocet illi regioni
 & ciuitati: aliter sequeretur, quòd etiam singu-
 laria haberent duo principia, scilicet superius
 & inferius. Per superius intelligit defectus lu-
 minarium & vehementes stellarum occur-
 siones, id est, superiorum magnas coniun-
 ctiones & luminarium cum fixis. Quibus ma-
 nifestum sit responsum ad primam dubitatio-
 nem, scilicet quòd generales constitutiones
 deberent sufficere ad prædicendum de singu-
 laribus hominibus: non enim sufficiunt pro-
 pter duas causas. Prima, quia generales con-
 stitutiones non semper significant supra sin-
 gularia, quia non semper conueniunt cum lo-
 co, in quo habitat ille homo. Deinde etiam,
 quòd conueniant, non sunt quandoque adeò
 vehementes, vt possint ex toto euertere singu-
 lare illius principium genethliacum, ac om-
 nino disponere illum secundum naturam di-
 spositionis generalis. Veluti si aliqua
 dispositio generalis significet stu-
 diosos, non tamen ille fiet stu-
 diosus, cui à natura odio
 sunt bonæ literæ &
 quasi exosæ.

F

CLAV

CLAVDII
PTOLEMAEI MA-
THEMATICI
DE IVDICIIS,
LIBER III.

Caput primum, quod est
Procemium.

TEXTVS I.



Explicata à nobis in prioribus, communiū euentuum consideratione, nimirum quæ & natura præcedit, & plurimum valet in peculiarium, prout vniuscuiusque conditio requirit, casuum decretis, quam quidem præscientiæ partem Genethliologicam dicimus, existimare conuenit vtriusque generis vnā, eandemque vim esse, qua operādo, qua cōtemplando. Enimvero tam generatim multis, quàm singulis peculiariter accidentium effectrix est errantium stellarum, Solisque ac Lunæ motio, mutationis autem subiectarum hisce rerum præcognitio, erudita est secundum conformes coelestium

lestium corporum per circūfūsum nobis cœ-
 lum traiectiones accepta obseruatio, nisi qua-
 tenus generalis illa cœlestium efficientia latius
 patet, ac seipsa contenta est: partibus verò non
 ita. Nec verò initia vtrarunq; , vnde sumentes
 cœlestium constitutionem , quæ per eas figu-
 rarum commistiones significantur, præuidere
 nitimur , eadem esse putabimus, sed genera-
 lium effectuum complura (neq; enim vnum
 habemus vniuersorum) eaque non ab infe-
 rioribus semper accipienda, sed à superiori-
 bus etiam, causasque euentuum inferentibus.
 Ferè enim in ijs omnibus ex defectibus lumi-
 num euidentioribus & vehementibus stella-
 rum occursationibus considerationem insti-
 tuimus. Singulis verò hominibus peculiari-
 ter contingentium & vnum statuimus exor-
 dium, & plura: Vnum videlicet ipsius concre-
 tionis humanæ. Complura verò ea, quæ dein-
 cept primo isti initio succrescunt. Sed hîc an-
 tiquius habetur vnum illud initium, cùm re-
 liqua tanquàm subiecta sibi perficiat.

C O M M E N T A R I V S.



Eclayat rationes dictas in præcedenti proœ-
 mio, sed concludit initium unum esse principa-
 le, quod est à genitura: reliqua autem quæ illi
 succrescunt, scilicet directiones, diuisiones eta-
 tum per Planetas, progressiones: de quibus in fine huius
 tractat.

Quæ cum ita habent à primo initio accipiuntur quæ vniuersim nato conueniunt, à reliquis autem quæ labentibus temporibus euenient leuiora grauioræ iuxta temporum succedentium, quam dicemus distributionem.

Sensus est initium illud, id est, Genethliaca constitutio significat, quæ vniuersim conueniunt nato, utpote, si erit ingeniosus, honoratus, pulcher, gratus, diues: reliqua uerò tria quæ diximus, directio, diuisio & progressio significant incrementa & decrementa horum. Memineris tamen diuitias & honores (quoniam filiarum participes sunt) natiuitate filiorum & morte immutari, item coniugijs. At in coniugijs (ut dictum est) non solennitas illa & pompa animaduertenda est, sed primus punctus consensus eorum, qui possunt.

Cum verò sit humanæ genituræ temporale aliquod exordium, natura quidem ipsius fœtus, potentia verò, & ut contingit, cum fœtus enitendo in lucem editur, si constet de fatio- nis tempore, ita ut illud vel casu, vel obseruatione correptum sit, illud sanè sequi conuenit ad corporis, animi & peculiares conditiones coniectandas, considerando cuiusmodi sit effectuum, quæ tunc temporis sit astrorum constitutio. Semel enim in initio cum pro ratione circumfusi cœli suâ qualitatem semen induit, licet succedentibus temporibus corporatura diuersa

diuerſa fiat, cum tamen propriam tantum materiam natura augescendo ſibi conciliat, magis imitatur primum illum ſtatum ſuum & peculiarem priuſq; impreſſam cōformationem. Verum enimuerò, quando illud initium (vt ferè euenire ſolet) ignoratur, à partu neceſſariò accipiendū eſt, quod & ipſum maximum eſt, & hoc ſolo à priori ſuperatur, quod per illud etiam, quæ ante partum contingunt, præſcire liceat. Ac proſectò ſi quis illud initium quis appellauerit, hoc verò quaſi poſt principium, magnitudinem huius tempore quidem inferiorem, æqualem verò atque adeò perfectiorem potentia conſtituerit, vt propemodum non abs re illa ſeminis humani, hæc verò hominis appellari poſſit generatio. Si quidem multa etiam tunc infanti accreſcunt, quæ priuſ cum in vtero materna eſſet, illi non aderant, atque hæc peculiaria humanæ naturæ, corporiſq; configuratio, licet ibi nihil videatur nouæ qualitatis in partu accedere, hoc acquirit, vt iuxta cœli circumſuſi conſtitutionem in lucem edatur, quum natura poſt maturitatem fœtus ad conuenientem ſitum, ſimilémq; illi, quo primum informari cœpit, partum vergeat, vt meritò & huius generis effectuum exiſtimare conueniat ſignificationem eſſe, quæ in partu contingit aſtrorum conſtitu-

tionem, non vt effectricem omnino sanè, sed quæ necessariò similimam efficiendi vim potentia complexa sit.

Duplex statuit initium humani corporis: primam generationem & natiuitatem, generationem præfert ipsi natiuitati. Et quia aliquis posset dicere, generatio foetus multis diebus durat imò mensibus? Respondet, quòd in illo momento sancitur, quando eijcitur, quicquid futurum est. Et ob id, quicquid accedit, simile redditur priori. Quod facillè exemplo demonstrari potest in seminibus, quæ plantantur: quæ si calida sint, quicquid accedit, calidum fit, et simile in substantia & reliquis. Sed quia tale principium est ignotum, ideò suscipimus primum principium, quod est natiuitas, quod dicit licet minus significet, quo ad tempus, quàm principium genituræ, quia natiuitas ipsa significat ab ortu usq; ad mortem, genitura uerò significat à tempore generationis usq; ad mortem, & ita nouem menses plus, attamen natiuitas perfectior est generatione: quia generatio est foetus generantia, & ortus seminis humani. Natiuitas uerò est ortus ipsius hominis. Quantò igitur perfectior est homo semine & imperfecto foetu, tantò natiuitas est perfectior generatione. Quòd autem ita sit, ostendit, quia licet non fiat noua generatio post partum, neq; accedat aliquid corporeum, in partu multa tamen accedunt quæ priùs non habebat, quorum primum est respiratio cerebri per nares & palatum: secundum respiratio per pulmones & asperam arteriam, & os: tertium est assumptio nutrimenti per os: quæ omnia dum infans est in utero, fiunt per uenas & arterias umbilici. quartum est eiectio urinae per uirgam, quæ & ipsa fit dum infans est in utero per meatum medium inter uenas & arterias. quintum est excretio fecum, quæ nulla fit, dum infans est

in utero: ita ut aliqui nati sint sine anno. sextum est, uti sensibus exterioribus Et hæc omnia contingunt statim ab ortu. Quædam etiam statim post ortum: quorum primum est uigilare & dormire, quanquam hoc sit incertum, an fiat etiam dum fœtus est in utero: Secundum est ridere & plorare: tamen si aliqui crediti sint plorasse in utero matris pro ostento: pauciores ridere, maiore etiam ostento. Quintimo etiam pro ostento habitum est Zoroastem Magiæ inuentorem, statim cum natus esset, risisse. Tertium est usus sensuum interiorum. Quartum, sunt motus membrorum perfecti ut ambulare. Quintum, est iudicium sensuum exteriorum. Sextum, est sermo. Sunt etiam quædam symptomata, ut tussire, sternutare, singultire, titillationem sentire, quæ pro octavo possunt poni. Nonum, est uariatio uocis, exaltatio, depressio. Decimum, Veneris usus. Undecimum, ortus quarundam rerum, ut pilorum, capillorum, dentium: quanquam etiam aliqui nascantur cum capillis, ut ego & filij mei. Duodecimum, est generare alium, quanquam multis aliquibus id contingere affirmant, ut etiam in utero matrum fœtus alios gignant in semetipsis: Et horum partem Haly in Commentario assignat. Ex quo colligitur, quod Ptolemæus non credit natiuitates agere tanquam signa, sed solum tanquam causas: in qua re multi decepti sunt. Nam si existimaret natiuitatem posse significare super præcedentia, nihil magis conueniebat, quam ut super illos nouem mensis generationis uim haberet, quod cum neget Ptolemæus, manifestum est natiuitatem non esse signum in aliquibus, sed causam tantum. Dicit enim Ptolemæus hoc in textu (Hoc solo differt genitura à natiuitate, quod per genituram præscire non licet, quæ ante partum contigerint) Hoc autem mente habet quia plurimum facit ad intellectum sequentium. Dicit deinde, quia aliquis posset dubitare quomodo nati-

uitas possit significare super corpus, cum non sit causa illius (quippe iam iam perfectum est) quod natiuitas est similis generationi: quia natura emittit foetum in ea constitutione caeli, quae similima est constitutioni generationis. Porro, quae similitudo sit haec, Ptolemaeus non dixit, Haly dixit, quod prima similitudo est, quia Sol est in septimo signo, uel in nono, uel in decimo, uel in undecimo in tempore natiuitatis ab eo, in quo erat tempore generationis. Veluti si in generatione fuit in Aquario Sol, nascetur necessario infans, si uiuere debet, postquam Sol fuerit in Leone, uel Libra, uel Scorpione, uel Sagittario. Et quia Leonem Aquarius respicit de opposito, ideo natus septimestris, cum difficultate uiuere potest: uiuit tamen. Si uero post Solem in Scorpione erit in quadrato sui loci prioris: Et ita natus decimo mense etiam poterit uiuere, sed aliqua cum difficultate: Si uero Sol sit post Sagittarium, respiciet locum de sextili, & nascetur undecimo mense, ideo poterit uiuere, sed cum difficultate: quia radius sextilis est debilis. Verum si nascatur Sole Libram inspirante, nascetur ualidus quo ad rationem signorum, & nascetur in nono mense, quia Libra respicit Aquarium trigono radio. Si uero nascatur, dum Sol est in Virgine, nascetur octauo mense. Cum igitur Virgo non respiciat Aquarium, non poterit natus eo mense uiuere. Contingit tamen aliquos uiuere natos in octauo mense, quando Sol fuerit à principio in Piscibus uel Virgine, uel Geminis, uel Sagittario hora generationis, deinde tempore natiuitatis sit in octauo signo, quod respicit, aut imperat, uel obedit, iuxta numerum graduum. Exemplum, aliquis nascitur, cum Sol est in uigesima parte Librae, dico quod oportuit, si generatus fuit, dum Sol erat in Piscibus, quod esset in undecima parte Piscium: quia undecima pars Piscium intuetur uigesimam Librae. Breuiter igitur

tur concludendo in aspicientibus signis intelligitur, quòd transferit Sol talem aspectum & durat per unum mensem post. Exemplum, si Sol sit in uigesima parte Capricorni, septimus mensis incipit, dum Sol est in uigesima parte Cancrì, & durat, donec Sol peruenierit ad uigesimā partem Leonis: à uigesima parte Leonis, usq; ad uigesimam Virginis est octauus mensis, in quo non potest nasci, quod uiuat, quia nullus est aspectus qui præcesserit per triginta gradus, nisi contingat quòd duo illi gradus se intueantur, quemadmodum in exemplo iam dato. Cum uerò Sol fuerit in uigesima parte Virginis, incipiet nonus mensis, quia iam peruenit ad trigonum suum, & durat usq; quo Sol perueniat ad uigesimam partem Libræ: tunc uerò peruenit ad quadratum suum, & ita incipit decimus mensis: & eodem modo de undecimo, qui finitur, cum Sol est in uigesima parte Sagittarij. Et quia uigesima pars Sagittarij non aspicit uigesimam Capricorni, non poterit nasci infans duodecimo mense, ut uiuat, nisi in una sola die, quando Sole esset in signo & gradu aspiciente. Veluti hora genituræ in undecimo gradu Capricorni, hora natiuitatis in uigesimo Sagittarij. Viuacissimi igitur secundum hanc rationem sunt nati nono mense, inde decimo, inde undecimo, inde septimo: minimè nati octauo, & etiam longè minus duodecimo. Quæ ratio Astronomica cum concordet experimento, manifestum est, quòd est uera. Secunda concordia est à Luna, & est Hermetis, ut etiam recitat Haly hîc in Commento. Ex qua patet, quòd etiam iudicio Haly Centilium sit Hermetis, & non Ptolemæi, & si postmodum, illud exponendo Haly mutauerit sententiam. Dicit ergo Hermes. Luna tempore natiuitatis est in signo, quod ascendebat tempore generationis: & ascendens tempore natiuitatis, est idem signum uel eius oppositum, in quo Luna erat tempore generationis. Dicit Haly se hoc frequentius expertum esse:

uerum licet non semper. Sed animaduerte, quod Haly aliter interpretatur uerba Hermetis, quia habuit falsam conuersionem. Tertia concordia est nostra, & est quod sufficit post Solis Concordiam, ut Luna uel aliquis alius Planeta dominus coniunctionis uel oppositionis præcedētis generationem perficiat circuitum, uel commutetur cum altero luminarium, uel per directionem perueniat ad locum luminaris, uel (quod frequenter contingit) quod Mars perueniat ad locum oppositum, in quo erat in genitura: quia Mars propriè significat partum, quia partus fit cum maximo dolore, & acerbissimo, & multa effusione sanguinis, & periculo mortis matris, quæ omnia sunt opera Martis. Et tales partus plerunque sunt laboriosi, sicut quando ego natus fui. Quod si uel iam dies partus sit constituta, id est, quando foetus conuertitur cum capite inferius (illud enim est tempus propriè, quod cum generationis tempore concordat, & non natiuitas, unde multi Astrologi decepti sunt quærentes nodum in scirpo, dum quærunt concordiam natiuitatis cum generatione) consurget quarta ratio, quæ etiam tenet in partu uiolento: quando aliqua mulier parit propter lapsum corporis in terram, uel percussione, uel timorem, uel nimiam defatigationem, uel ieiunium, uel medicamentum, uel si infans excisus fuerit, poterit uiuere seruatis tribus rationibus, numeri mensum per Solem, ut dictum est, & numeri dierum per Lunæ reditus applicationes, & defluxiones, & numeri horarum diei per id, quod ascendat talis numerus signi, uel sit in medio cæli, qualis est numerus signi, in quo est Planeta, qui dominatur loco coniunctionis aut oppositionis luminarium natiuitatem præcedentis. Quod si seruari non poterit, quia tam præceps sit ortus infantis propter casum & uiolentiam externam, aut excisio non in id tempus incidat, tunc uiuere non poterit. Ex quo patet, quod etiam tales partus naturales sunt

sunt, & non uoluntarij. Et partus excisi, tempus durat ab hora, in qua moritur mater usque ad momentum, in quo excinditur infans, quando primum incipit trahere spiritum.

T E X T V S I I I I.

Cùm autem propositum nobis sit, hanc etiam partem nō omittere, ad eum quem initio huius operis exposuimus ratiocinādo modum, quatenus talem præscientiam consequi liceat, veterem quidem prædictionum consuetudinem, quæ mistura constat astrorum omnium aut plurimorum, cū multiplex sit, & propemodū infinita ratio, si quis accuratè eam exequi velit, magisq; eorum quæ naturaliter contemplando lingulatim inueniuntur, quàm quæ præceptis comprehendere vniuersim possent, declinabimus, quòd ut minimum utilitatis, ita difficultatis plurimum adferat. Rationes verò eas, per quas singulorū generum decreta præuidētur, & peculiāres, adeoq; manifestiores citra vnumquodq; efficiendi vires, quàm poterimus consentaneæ, naturaliq; conuenienter inuestigationi exponemus. Præfigentes certa circumfusi cœli loca, ad quæ vniuersi humani casus, tanquàm scopum quo collimare oportet, referendi veniunt. Deinde his locis secundum corporum dominātium conciliationem effectrices vires quasi sagittas eò
con

conſciendas accommodantes , temperandi,
miſcendique illud, quod ex diuerſarum natu-
rarum coniunctione decernitur , modum re-
linquemus , tanquam perito Sagittario per-
quirentium indiſtriæ.

Com. 34. Proponit duos modos procedendi. Vnum, qui eſt per com-
poſitionem, & erat Aegyptijs familiaris: & nunc Arabibus.
Veluti dicendo , ſi Saturnus fuerit in Scorpione in ſexta, &
Iupiter in Piſcibus in undecima , uelut in ſecunda figura, ſi-
gnificat prudentem animo & egrum corpore: dicit Ptole-
maeus, iſte modus eſt infinitus, & ueriſimè dicit, ut in primo
libro oſtenſum eſt: ſi tamen poſſet deſcribi, eſſet longè facia-
lior. Secundus modus conſtat ex ſimplicibus, ex quibus ſiunt
compoſiti, & iſte eſt facilis & utilis. Exemplum, ſi quis di-
cat, ſi Saturnus fuerit diſpoſitor morum, faciet tardum, ma-
leuolum, inuidum, grauem. Si uerò ſit Mercurius, faciet cele-
rem, acutum, uarium. Ex his ſequitur, quòd ſi fuerit Satur-
nus cum Mercurio, faciet doſoſum, quia Mercurius præſtat
uarietatem & inſtabilitatem, Saturnus inuidiam, auaritiã.
Item talis erit mediocris inter tardum & uelocem, quia Mer-
curius ſignificat uelocem, & Saturnus tardum, & ita in alijs.
Et quia, ut diximus in qualibet genitura ſunt omnes ſtellæ
Planete ſigna, & denique totum cælum, ideò quis meritò
poſſet dubitare, & dicere, quomodo ſeligam iſta ſingulariæ?
Reſpondet ad hoc declinando Ptolemaeus, & dicit quòd oportet
in unaquaq; genitura ſeligere quendam locū in cælo pro
uita, pro diuitijs, pro honoribus, & ad illa loca comparare
totum reliquum cælum, & iuxta illam comparationem iu-
dicare. Exemplum: In ſecunda genitura: Sol ſignificat uitam,
ideò uigeſima quarta pars Aquarij, in qua eſt Sol, erit com-
paranda toti cælo. Et quia Mars ibi reſpicit de quadrato &

Satur

Saturnus ibi habet domum, & trigonum, ideo significat debilem uitam: Et quia distat solum tribus partibus à Martis quadrato, significat quòd iuxta tertium annum natiuitatis habuit aliquam lesionem uel morbum: Et nisi esset, quòd Iupiter est dominus finis, non potuisset uiuere usque nunc. Et similiter comparatur Mercurio domino secundi trigono, & Luna, quia præcessit oppositio in uigesimaprima parte Leonis, & tunc Luna erat cum corde Leonis, & Sol erat supra terram tempore oppositionis. Et ita considerabo trigesimam partem Sagittarij pro diuitijs, comparando ei totum cælum.

TEXTVS V.

Primum verò dicemus de ijs, quæ solent in genere considerari in partus exordio, sicut ordo, consequitioque monet, à quo exordia omnia quæ natura colligi possunt, accipere licet. Nonnihil tamen conducentibus si quis curiosior esse velit, ad sola illa, quæ circa concretionem peculiariter & ipsum status momentum occurrunt, eadem considerandi ratione, acceptis conditionibus.

Proponit ordinem dicendorum, initium sumens ab ijs, quæ sunt circa partum, ut parentibus, fratribus, sexu, geminis, monstris his qui non aluntur, & certo ascendente, id est, quid uerè ascendat: Et hoc est primum in consideratione. Omnia uerò considerata circa partum sunt septem, ut clarum est, & nos addemus octauum necessarium, sine quo nihil potest sciri, & ponemus illud in digressionem sequentis Commentii. Et quia Ptolemaeus proposuerat duo principia, scilicet genituram & natiuitatem, & præposuit principium natiuitatis nobilitate & consideratione, meritò quis posset dubitare & dicere

cere, cū sint duo principia, licet genitura non sit tantimō-
menti, quare non tractauit etiam de illa? Respondet ergo
Ptolemæus, quōd si quis curiosior esse uelit, poterit conside-
rare etiam momentum genituræ, eisdem rationibus, quibus
et traduntur regule natiuitatis.

Caput secundum.

TEXTVS VI.

De parte Horoscopi.



Vandoquidem sæpenumero etiam
id quod primum ac præcipuum est
momentum, uidelicet horæ natali-
tiæ, in dubium vocatur, cū sola
ferè Astrolaborum horoscopiōrū inspectio pru-
denter obseruantibus partus momentū pro-
dat, reliqua verò quibus plurimī vtuntur ho-
rologia, non rarò à vero aberrare possent, so-
laria quidem ob situum ac gnomonum acci-
dentem peruersionem, aquatica verò tum ob
laticum naturam diuersis de causis, tum for-
tuita cohibitione & inæqualitate facile à ve-
ritate declinant: necessarium fuerit tradere
quemadmodum quis partem signiferi inue-
niat, quæ tum in ortu debeat constitui, iuxta
naturæ consentaneam rationem, proposita
illa quæ secundum datam proximè horam ex
ascensionum doctrina inuenta est.

Accipiemus igitur eam, quæ proximè par-
tum

tum antecessit coniugationem, siue illa inter-
 lunij fuerit, siue plenilunij, & obseruantes di-
 ligenter in interlunio quidem vtriusq; lumi-
 naris, plenilunio verò eius quod supra terram
 extiterit partem, quæ nam stellæ partus tem-
 pore gubernet, quæ quidē ratio in his quinque
 consistit, triangulo videlicet & domicilio, al-
 titudine, termino, & irradiatione seu configu-
 ratione, hoc est, cum vnum aut plura horum,
 aut etiam vniuersa quæsitus locus erga poti-
 turam dominatione stellam obtinet. Si igitur
 vnum his omnibus aut pluribus instructum
 reperiemus, quam ille partem occupat, eius
 signi, in quo versatur, tum quando fœtus in
 lucem editur, quota sit animaduertemus: to-
 tam enim oriri iudicabimus eius signi, quod
 ascensionum regula proximum huic depre-
 hensum est. Quod si duo pluresve ad princi-
 patum aspirant, cuius partilis locus partis tem-
 pore vicinior numero fuerit illi, qui iuxta
 ascensiones in ortu existit, huius partium nu-
 mero utemur. At si duo pluresve in hac pro-
 pinquitates pares sunt, is qui potiolem habet
 rationem tum angulorum, tum etiam condi-
 tionis prærogatiua, præferendus erit. Verum
 sanè ubi huius dominationis partium distan-
 tia maior inuenitur à posito horoscopo, quam
 à medijs cœli cardine, tum eodem partium
 numero

numero ad constituendum mediij cœli angulum vtentes, secundum eius ductum reliquos cardines figurabimus.

Sensus talis est, ut cognoscas ascendens tempore natiuitatis, accipe Planetam qui dominatur in loco coniunctionis luminariũ precedentis natiuitatem, uel si proximior fuerit oppositio eorum natiuitati, accipe Planetam, qui dominatur loco luminaris, quod tempore oppositionis est supra terram. Et si unum esset in orientis linea, alterum occidentis, accipe orientalem, & considera in quo gradu sui sit signi, & considera medium cœli & ascendens, & cuius numerus fuerit proximior numero illi, statues illum angulum sub eo numero signi, reliquum uerò cum tota figura iuxta rationem duodecim domorum. Exemplum in secunda genitura, datum mihi tempus fuit quod uides, & ascendit secunda pars Geminorum: Et quia tempus non erat sumptum per Astrolabium (nam ubi tempus habeatur per Astrolabium, dicit Ptolemæus debes fabricare figuram iuxta illud, sicut est tempus natiuitatis filiorum meorum, & non debes querere aliud) considero, quod oppositio Solis & Lunæ præcessit genituram: Et quia Sol erat supra terrā tempore oppositionis in uigesima prima parte Aquarij: Vbi Saturnus habet carpentum. Est enim domus & trigoni, & Saturnus est in tertia parte Scorpionis: & hic numerus est proximior numero ascendentis, qui est 2. quā mediij cœli qui est 24. Ideo statuam ascendens Geminorū partes 2. min. 18. Et similiter in prima genitura coniunctio præcessit natiuitatem circa uigesimam partem Libræ, ubi Saturnus habet carpentum & solium. & quia decimus septimus gradus numero proximior est 21. Tauri, qui est mediij cœli, quā 1. Virginis, qui est ascendentis, ponam decimam septimam partem Tauri in medio cœli, & cadet uigesima

gesimanona pars Leonis in ascendente: & istud est uerissimum, & longè melius, etiam pro Maiestate sua, quàm ponere primam partem Virginis in ascendente. Deinde dicit, quòd ubi sint duo domini uel plures, qui paritate numerorum certent, & propinquitatem cum angulis, quòd frequenter contingere potest, debemus accipere angulum secundum numerum signi, in quo est Planeta potentior. Velut in nona genesi coniunctio Solis & Lunæ fuit in decima parte Libræ, ubi Saturnus habet carpentum, altitudinem & trigonum, et respicit locum, Venus etiam carpentum, domum, & fines, Mercurius trigonum primum, quòd natiuitas nocturna sit: Saturnus igitur habet primam dignitatem, Venus secundam, Mercurius tertiam: Venus est ualde remota à similitudine numeri angulorum, accipimus igitur Saturnum, qui est potentior & statuemus ascendens iuxta illud, licet Mercurius sit proximior ascendenti Saturno. Et quia Saturnus licet numero sit proximior ascendenti, quàm medio cœli, quo ad numerum: quo ad situm tamen est ualde proximior imo cœli, quàm ascendenti, & numerus Mercurij numero ascendentis, statuimus in imo cœli Saturnum cum partibus 15. min. 32. Ap. Ideò Ptolemæus admonet in hoc utendum iudicio magno, spectando dignitatem Planetæ, propinquitatem numeri, & omnia conferendo, uerisimiliorem eligere.

Intelligit ergo propinquitatem quo ad numerum graduum, non quo ad situm, id est, quòd sit propinquior Planeta angulo ascendentis, quàm medijs cœli, ut manifestè apparet in exemplo primæ genituræ, ubi Saturnus est in prima domo & propinquus ascendenti. Et tamen non sumimus numerum signi ascendentis secundum illum, sed numerum signi medijs cœli, qui est proximior illi. Itē nota, quòd non uult Ptolemæus ponere regulam illam de duobus Planetis, uel plurius in æquali propinquitate ad numerum angulorum: quia

præsupponit exquisitissimam æqualitatem differentie, sed ut facias comparationem potentie Planetæ ad propinquitatem. Gratia exempli, sit medium cœli 19 Capricorni, ascendens 7 Tauri, sicut in nostra genitura, dominus loci conjunctionis præcedentis robustior Mercurius, inde Luna & Venus, inde Mars: ponamus igitur, quod Mars esset in quinto gradu Geminorum, & Mercurius in tertiadecima parte Libræ, tunc licet Mercurius longè plus possit, quàm Mars, quia tamen numerus Martis est longè proximior numero ascendentis, quàm numerus Mercurij numero medij cœli, ego statuo potius quintum gradum Tauri in ascendente, quàm tertiumdecimum Capricorni in medio cœli. Rursus ponatur Mars in quinto Geminorū, & Mercurius in uigesimotertio gradu Libræ, tunc ponam potius uigesimumtertium gradum Capricorni in medio cœli, quàm quintam partem Tauri in ascendente, licet numerus Martis sit proximior numero ascendentis quàm numerus Mercurij numero medij cœli: quia potestas Mercurij comparata ad distantiam quatuor graduum, maiorem habet proportionem, quàm potestas Martis (intellige in loco conjunctionis luminarium) ad distantiam duorum graduum. Memineris etiam, quod ubi propinquitas sit eiusdem rationis, tunc melius est accipere mediam seu proximior in medio. Veluti in exemplo dato, si Mercurius esset in quarto gradu Libræ, & Mars in quinto Geminorum, tunc melius esset ponere quintam partem Tauri in ascendente, quàm quartam. Sed ubi esset distantia contraria, ut in exemplo priore, melius est potentior Planetam obseruare, quàm propinquitatem numerorum.

Ex hoc patet, quod modi habendi uerum ascendens sunt tres. Primus est, ut per Astrolabium habeatur, & hic est firmissimus. Dicit Haly quod Astrolabiū inuentū fuit ab Abraham tempore Salomonis, uel ab Astor, unde Astrolabium quasi

quasi Astoris linea, Lab enim lineam significat Arabicè, sed Astrolabium dicitur ab ἀστρολάβιον, quod est capiens astra. Secundus modus est ex directionibus effectuum qui consequuntur: hunc prætermisit Ptolemæus, quia præsupponit natiuitatem proximam esse, imò nec quicquam scire Astrologum de nato, an masculus, an fœmina, an uiuus, an mortuus, nedum ut sciat quæ illi contigerint. Nos uerò non curamus, nisi ut quæ prædicatur, uera sint. Vtraque uia defendi potest. Sed Ptolemæus præsupponit, quòd quilibet debeat uti omnibus auxilijs, quibus potest ad tuendum honorem suum, ueritatẽque indagandam. Ob id si effectum aliquem habeas, Ptolemæus uult pro principali illum obserues, dirigasq; et iuxta illud geniturã constituas. Verum non ad exactam graduum constitutionem hoc facit, quoniam plerunq; ut uidebitur propter processus tempus uariatur. Tertius modus est, quem nuper descripsimus, ut ex domino coniunctionis uel oppositionis loci Solis et Lunæ proximè procedentis, inquiratur.

Iuxta hoc sequitur difficillima et longa et maximè necessaria dubitatio, quæ duo habet capita: et est, cuius causa iam nihil usq; ad hanc diem, nisi à paucis, illustre in hac scientia apparuit. Est autem talis, ut à primo capite initium ducam, scilicet, quomodo possit hæc ratio de numero signi Planetæ dominantis in loco luminarium esse uera: nam si est uera generaliter, non esset bonum uti Astrolabio. Si uerò non est uera generaliter, ut Ptolemæus fateri uidetur, scilicet, ut uerum ascendens sumptum per observationem Astrolabij concordet cum ascendente inuento per hanc uiam numerorum, homo habebit duo ascendentia et duo decreta stellarum. Gratiæ exempli: in prima genitura ponamus, quòd Rex illius patet iusserit obseruari ascendens per Astrolabium, et quòd sit primus gradus Virginis, dederitq; illam genituram alicui egregio Astrologo iudicandam iuxta uiam Ptolemæi, hanc

uerò ministri ipsius Regis mihi, qui ne sciens eam esse ex
 Astrolabio sumptam, reduxi per hanc regulam Ptolemæi ad
 metam $\times \times \times$ partis Leonis ascendentis. Itaq; secundum Pto-
 lemæum fient duo iudicia distincta, genere, qualitate, magni-
 tudine, & tempore futurorum, omnino distincta de eodem,
 quod esse non potest, ut uera sint ambo. Secunda difficultas
 est, quoniam homo non nascitur in uno momento, ut uidetur
 presupponere Ptolemæus: sed primum uertitur in utero, atq;
 tunc non potest ampliùs reuerti, nec manere in utero. Secun-
 dò, frangit tunicam qua circūcingitur. Tertiò, prodit capite,
 si tamen secundum naturam nascatur. Quartò, prodit totus.
 Quintò, & ultimò abscinditur umbilicus, aut inter nascen-
 dum frangitur: quæ quinque actiones nunquàm minus claudūt
 temporis à primo ad ultimum tribus horis, plerunq; autem
 plus una die, nonnunquàm tribus diebus, ut quando nos nati
 sumus, & quandoq; etiam plus. Vel igitur omnia habebunt
 uim uel unum tantum. Si omnia, quomodo poterimus habere
 aliquid certi? Si unum tantum, unde illud debemus sumere? Si
 enim sumamus à natiuitate, quando exit caput, nondum to-
 tus ortus est? Si uerò, cum totus ortus est, istud uidetur uolun-
 tarium, cum sit in arbitrio obstetricum. Si uerò à spatio inter
 ortum capitis & totius, illud aliquando prolixū est, ut dixi.
 Propterea dico primò, quòd ortus infantis est secundum cer-
 tum tempus, in quo toto tempore acquirit uim ab astris. Et
 quòd sit uerum, uidemus in omnibus operationibus & casti-
 bus, qui contingunt homini, quòd sic contingit. Si moritur,
 primò ægrotat, deinde fit mala crisis, uel cadit uirtus, et post
 uiuet aliquando etiam duobus uel tribus diebus, post amittit
 sensum, & adhuc uiuit quandoq; per tres uel quatuor ho-
 ras, & plus, ultimò moritur. Et similiter quando aliquis oc-
 ciditur, primum fit coniuratio ab inimicis, inde aggrediuntur
 ipsum, deinde uulnerant, deinde ubi uulnus primum non sit
 mortale,

mortale, uulnerant ipsum mortali uulnere, inde etiam poterit uiuere aliquot diebus, tandem moritur. Similiter de itinere, de lucro, de habendo magistratum, & de omnibus alijs. Statuendum est igitur in natiuitate tempus quoddam latitudinem habens, id est, certam magnitudinem, cuius sunt tria momenta principalia. Primum, quod est principium: & secundum, quod est principale, quod nolo appellare medium, quia nolo, ut decipiaris credens, quod sit equaliter distans ab extremis, cum quandoque sit ualde proximū principio uel finis: neque quod sit unum tantum, cum quandoque sint plura principalia in eadem actione, sicut uidebis in exemplo capitali de itineribus. Tertium momentum principale est finis eiusdem temporis. His uisis dico, quod totum tempus natiuitatis habet uires in singulis operationibus, ita quod principium significat de principio, medium de medio, seu media de medijs, & finis de fine: & ita quaelibet pars temporis habet suum proprium significatum in omnibus actionibus. Sed principium significat de initio ipsius rei, quando fit prima deliberatio de tali re. Est autem duplex. primum, respectu agentium: secundum, recipientium. Exemplum, est aliquis, qui deliberat ducere aliquam in uxorem, quando ille deliberat, tunc est principium perfectum respectu deliberantis, & imperfectum respectu mulieris, quam debet accipere. Cum uero mulier ipsa assentitur, est principium perfectum respectu ipsius mulieris. Secundum uero principale momentum est illud tempus, in quo homo amplius non potest se retrahere nec recuperare, si sit malum: nec amittere, si sit bonum. Et si sint plura in eadem re, quae non possint mutari, utpote si quis habeat sententiam quae transferit in iudicatum in possessorio, quanuis illa etiam pendeat à petitorio, attamen illa causa habet duo capita principalia. Et generaliter illud dicitur principale, quod est perfectum, & non potest amplius ex se mutari. Finis uero

est, quando res actu perficitur. Exemplū in morituro, quando incipit ægrotare, est principium: cum sit crisis mala, tunc est principale: cum uerò moritur, tunc est finis. Et in itinere cum deliberat ire, est principium: cum accedit ad locum ipsum, tunc est medium seu principale: cum reuertitur, est finis. Et in lucro cum mouentur prima uerba, est principium: cum numerata est pecunia, est principale seu medium: cum asportauit rem, est finis. Cum aliqui deliberāt hominem occidere, est principium pro illo qui occiditur: cū letaliter uulneratur, est principale. Principium in unaquaq; re consistit plus in uoluntate, quam in effectu, mediū in effectu superante uoluntatem, finis in solo effectu & illius perfectione. Determinatis his dico, quod principium natiuitatis et medium et finis debēt sumi à principali operatione, quam nascendo acquirit, hac autē est respiratio. Principium igitur nascendi est, cum incipit respirare: punctus uerò principalis natiuitatis, cum ita respirat, ut iam posset per se uiuere: finis uerò cum iam tantū attraxit aeris, ut sponte cessent respirare & moueri umbilici arteria. Et ita patet ratio secundi quæ sit. Patet etiā, quod hoc totum tempus est breue & exiguum. Ex hoc patet solutio primi quæ sit, et est, quod tempus principale natiuitatis semper est illud, quod debet obseruari per Astrolabium. Tempus uerò, quod docet Ptolemæus inuenire ratione numerorum, hic aliquando est idem cum principali, & tunc prognostica Astrologi sunt uerissima: quandoque est idem cum principio, & tunc significat principia rerum, & uoluntatem, ad quæ plerunque sequitur effectus, non tamen semper. Aliquando autem tempus hoc coincidit cum fine natiuitatis, & tunc significat qualitatem finis rei: Veluti in nostra genitura, si ponatur undecima pars Tauri ascendens propter locum Martis & Lunæ, qui sunt in undecima parte signorum, & sunt domini loci coniunctionis luminarium, & etiam Mercurius principalis dominus

minus erit propinquus numero medij cœli ualde: tunc habebimus finem omnium negotiorum nostrorum, & casum, qualis futurus sit. Ex hoc sequuntur duo. Primum, quod illi, quibus ascendit numerus consimilis numero inuento, per uiam Ptolemæi, uel saltem ualde proximus, tales habent principia, media, & fines, ualde similia & conformia: quibus uero ascendens uerum plurimum distat ab ascendente quæsito per uiam numerorum, in his principia rerum, & media, & fines erunt ualde dissimilia, & maxime, si multum disteterint, ut in nostra genitura. Tales enim uidebuntur quandoque esse in cœlo & statim decidunt in eadem causa: rursus quandoque uidentur esse demersi in profundo & destituti spe omni, & statim præter omnium spem quasi cœlesti quodam auxilio emergunt. Causa est, quia principia sunt dissimilia medijs, & media finibus. Secundum est quia iuxta Ptolemæi sententiam oportet utrunque principium considerare, scilicet uerum & naturale. Verum appello, quod est inuentum per Astrolabium. Et si dicas, non potui habere per Astrolabium tale principium. Respondeo habeas illud per consensum plurium directionum, quas ueras experimento inueneris, sicut ego in mea genitura feci. Quod si dicas, quare appellas naturale ascendens, quod est inuentum per rationem illam numerorum, cum rationem numerorum Ptolemæus in sequenti capite reprobet? Dico, quod Ptolemæus intelligit consensum inter doctissimum loci luminarium & ascendens, uel medium cœli tempore genituræ: qui consensus fit per trigonum, ut declaratum est, ut inter decimum gradum Arietis & decimum Leonis, uel si non potest, per hexagonum, qui est dimidius trigoni, ut ex decimo Arietis in decimum Geminorum: uel si non potest, per dimidium hexagoni quod est spatium triginta graduum, & per composita ex illis, ut inter decimum Arietis, & decimum Tauri, uel Cancræ, uel Virginis, uel Libræ. Et generaliter

intelligit figuram duodecim laterum equalium in eclipctica, quæ, ut manifestum est, cadit semper in similes gradus signorum. Et si dicas, cur ergo talem figuram non recepit in numero aspectuum? Respondeo, quod talis figura non est sufficiens ad operationem aliquam sensibilem, sed bene ad hoc, ut habeat principium naturale nascendi, quia tale principium consistit in quadam sola potentia & in quadam permissione, seu consensu, cui sufficit figura duodecim laterum, quæ tamen non sufficit ad actiones. Rursus, si dicas, quare non ergo nascuntur omnes ascendentibus talibus gradibus naturalibus, seu correspondentibus numero mediæ cœli, uel ascendentis cum numero gradus Planetæ dominantis in loco conjunctionis uel oppositionis luminarium? Respondeo, quod istud contingit, uel propter fatum aliquid aliud intendente natura, uel propter natiuitatem patris, & matris, directiones & progressiones, & maximè matris: uel quia Planeta dominator est debilis, ut mihi Mercurius, qui parum aut nihil potest, nec in Tauro, nec in Capricorno, nec etiam in signis oppositis, & est retrogradus & in sexto loco. Vel dicas, quod naturale principium & uerum, sunt semper distincta parum aut multum, & quod naturale semper sumitur à principio respirationis, & principale à perfecta respiratione, quando iam fœtus non posset amplius uiuere in utero, & istud uerisimilius est. Cum igitur Ptolemæus non possit habere secundum principium & principale, accipit imperfectum & primum. Et hoc, quia sunt partes totius temporis natiuitatis, & secundum hanc uiam ascendens nostrum esset uigesima quarta pars Arietis, dico de naturali, quia ascendens naturale semper præcedit uerum, et naturale, & uerum ascendens est sexta pars Tauri, & decem minuta, et tertium ascendens quod uocatur finis, esset duodecima pars Tauri: & totum tempus natiuitatis est minorum

xxxix, id est, duæ tertiæ fermè unius horæ. Et per hoc facies
in omnibus alijs genituris sciēdo, quod tēpus principale illud
est uerè, quod cōprehenditur inter ascendēs naturale, et finē.

Caput tertium.

TEXTVS VII.

Diuisio præcipiendorum.



Is ita definitis, si quis ordinis sectan-
di gratia, ea quæ in genituris vni-
uersim spectanda sunt, diuidat, in-
ueniat sanè inter ea quæ natura com-
prehendi possunt, quædam ante genituram
sita esse: cuiusmodi est de parētibus tractatio,
quædam verò & præcedere & sequi, vt cūm
de fratribus & sororibus solliciti sumus, quæ-
dam circa ipsam genituram versari, quæ varia
sunt, neq; vno capite comprehendī possunt.
Postremò verò quæ eam sequuntur, & hæc
multiplicem habent tractationem. Est verò
inter ea, quæ circa geniturā versantur de ma-
sculino & foeminino partu, de geminis aut
pluribus, de monstris & de ijs, qui antequam
nutriantur, extinguntur. Inter ea, quæ geni-
turam sequuntur, est de vitæ spatio tractatio,
haudquaquam illi connexa, quæ de his qui
nutritionem non consequuntur, instituitur:
deinde, de forma, de morbis & vitijs corpo-
ris, post de animi statu, deq; eius morbis, de-

G s incept

inceps de possessionibus, de dignitatibus, post hæc verò de opificij genere, mox de coniugio, deque liberorum procreatione, & de societate, deque mutua beneuolentia amicorum, hinc de peregrinatione, ac postremò de mortis genere, quæ quidem tractatio, cum natura & potentia conueniat cum ea quæ de vitæ spatio agit, ordine tamen meritò his omnibus subiicitur. Ac de vnoquoque horum generum in capita enarrationem instituemus, ipsam indagationis institutionem cum nudis effectricibus viribus, vt diximus exponentes.

Quatuor proponit tractanda. Vnum de precedentibus natiuitatem, & hoc habet unum caput, scilicet de parentibus quod tamen diuiditur in duo, scilicet in tractationem de patre & matre. Secundum de ijs, quæ partim præcedunt natiuitatem & partim sequuntur, & habet unum caput tantum, scilicet de fratribus & de sororibus, potest autem diuidi in duo sicut præcedens. Tertium, quod est de ijs quæ contingunt circa natiuitatem, & continet quatuor capita. Primum de sexu: secundum de geminis: tertium de monstris: quartum de ijs, qui non nutriuntur. Quartum principale est de ijs, quæ contingunt post natiuitatem & continet per se tredecim capita: primum de uita, secundum de forma, tertium de morbis & uitijis corporis, quartum de qualitate animi, quintum de uitijis & morbis animi, sextum de diuitijs, septimum de honoribus & dignitatibus, octauum de exercitatione seu arte, nonum de coniugio, decimum de liberis, undecimum de amicis & inimicis, duodecimum de peregrinatione (nam serui inter species amicorum numerantur) tertiumdecimum

de morte : hoc debuit sequi caput primum de uita : sed quia mors est finis omnium , ponitur ultimo loco. Adijcitur post hæc capitulum generale conueniens omnibus de triplici diuisione temporum , ita ut sint in uniuersum capita uiginti , quæ consideranda sunt in qualibet genitura.

TEXTVS VIII.

Quæq; multi curiosè & petulanter nugati sunt , neque ullam veri similitudinem præ se ferentia ad ea , quæ naturæ non conuenienter dicta sunt , relegabimus : quæ verò natura deprehendi possunt , non per sortes & numeros , quibus à natura rationes nullæ inditæ sunt , sed ad ipsam figurationum cum familiaribus locis inspectionem collimantes deprehendemus.

Reprehendit sophisticam Astrologiam sui temporis , quæ etiam per Arabes multos perducta est ad nostra tempora , & illorum etiam nugas , qui nunc mentiuntur Astrologiam fictis figuris & numeris , de quibus in proæmio huius libri diximus : Similiter & docet Astrologiam non procedere per signa , sed per causas , cum à priori semper procedat. Vnde interrogationes uanæ sunt. Sub hoc etiam comprehendi debent artifices , qui difficillimā artem , parua sciētia , minore iudicio , labore penè nullo tractando , uituperant : unde tam malè audit.

TEXTVS IX.

Sanè in uniuersum in omnibus , ne in singulis capitibus idem dicamus , primum quidem oportet inuestigare locum signiferi familiaritate coniunctū generi quæstionis , quem admodum verbi gratia : De opificij genere
locum

locum signiferi in cœli medio constitutū, aut de patre Solis. Deinde cōtemplari stellas, quę dominium ius exercendū in hæc loca habeāt, secundum eos, quos prædiximus quinque modos: & siquidem vna omnibus modis præfuerit, in illam conferre omnem eius euentus decernendi iurisdictionem: sin duæ trēsve, in eas quę suffragiorum numero præstant. Post hæc verò, vt quale tandem futurum sit, quod decernitur coniectemus videre, & naturas ipsorum dominorum & signorum in quibus ipsi præcipuāque loca reperiuntur: ad magnitudinem decretorum spectare vtrum sint valentes tam secundum mundi, quàm genituræ statum, an contrā. Validissimī quidem sunt pro Mundi situ, cū in domesticis aut etiam in proprijs sunt locis, & rursus cū orientales sunt, auctique numeris. Pro genituræ verò situ, cū in angulis aut succedentibus locis dispatiantur, maximè primis: dico autem ortus, mediique cœli loca. Imbecillissimi verò, iuxta Mundi situm, quando in alienis locis, siue non domesticis & occidentales, aut retrogradi fuerint, sed pro genituræ statu cū ab angulis cadunt. Ad tempus verò decreti vniuersim cognoscendū, vtrum matutini sint, an vespertini, tam ad Solem, quàm ad horoscopum comparati, quandoquidem

quidem antecedentes vtrunque horum quadrantes, iisque oppositos matutinos dicimus, reliquos verò sequentes, vespertinos. Et in angulis ne reperiantur an succedētibz: Nam matutini cū sunt aut in angulis constituti, suam citius vim exerunt: vespertini verò aut in succedentibus, tardius.

Quinq; proponit, quæ in quolibet quæsito sunt consideranda. Primum est, ut inueniamus locum qui quæsito præsit. Exemplum in textu habes. Secundū, dominos, qui loco præ sunt. Sunt autem quinq; trianguli, domicilij, altitudinis, finis & aspectus, seu configurationis, ut in præcedenti capite docet. De ordine tamen illorum non est habenda ratio iuxta ibi descripta, sed in his quæ ad uitam spectant plus potest domus in dignitatibus, & magistratibus altitudo, in fortuna & amicis & populari quadam gloria trigonus, in rebus singularibus & proprijs finis. Tertium est, ut consideremus qualitatem futurorum, utpote si erit felix an infelix, si in pecunia, uel agris. Quartum, de magnitudine ipsius effectus & unde sumenda sit. Quintum, de tempore in quo illa contingere debent. Hæc autem cum quatuor illis conueniunt, quæ superius descripta sunt in secundo libro de uniuersalibus prædictionibus, quantum ad tempus & qualitatem: Hic uerò adduntur quantitas, locus cæli, & dispositores, ibi utrunque sumitur, scilicet locus & dispositores à loco eclipsis, & succedenti cardine, sive in fixis etiam antecedenti. Magnitudo autem effectus ibi coniungitur cum tempore. Sed locus affectus hic non desideratur, cū debeat esse ubi erit natus: neque genus, cū sit in ipso nato, & ita coincidunt.

Et si quidem una) Quomodo una stella potest uni loco omnibus modis præesse, cū in sola Virgine Mercurius habeat altitu

A^o textu
22. ad 25.
includendo.

altitudinem & domum: ibi uerò trigonum non habeat: in reliquis signis altitudo à domo differt? Respondeo omnibus modis præesse intelligit, ut si Mars sit in initio Scorpionis, ubi est eius domus trigonus, finis altitudinem ibi non habet, sed nec alius Planeta.

Post hæc uerò) Genus rei significata, utpote diuitie, qualitatibus distinguuntur, pecunia, mercibus, agris, domibus, donis, redditibus, præmijs, multa, pauca: hæc omnia à dominis, scilicet intelligendo etiam qui aspiciunt locum, & qui dominis commiscuntur: & signis in quibus sunt significatores. Si gnorum nomine omnes figuræ etiam octauæ cæli ueniunt, & noni etiam.

Ad magnitudinem decretorum) Robur Planetarum ex quatuor rebus sumit in comparatione ad mundum, ad genituram, ad Solem & per se. In comparatione ad mundum, quod sint in hoc uel illo loco, seu signo. In familiaribus & magis, ubi potestatem habent, ut Marti Virgo est familiaris, Ioui Libra. In Piscibus uerò Mars habet dignitatem: In Leone Iupiter, & magis in Cancro. In comparatione ad genesin quod sint in angulis præcipuè nobilioribus: Ascendente & cæli culmine, uel succedentibus. In comparatione ad Solem, quod sint orientales. Per se, quod sint numero aucti, id est, ueloces. Nam cum Planeta est uelox uocata Aequatio, medio motui additur, ideò tunc Planeta auctus numero dicitur: diminutus, cum aufertur. Quod si ablata æquatio etiam medio motu maior fuerit, retrogradus dicitur Planeta. Ob id cum in Sole & Luna nunquam æquatio medium motum excedere possit, luminaria quidem motu tarda dici & esse possunt, retrograda nunquam.

Celeritatem effectus ex tribus uenatur. Ex situ significatorum, quo ad cæli quadrantes, ab horoscopo ad cæli medium, & ab occasu ad cæli inum exitus præstant celeres, in alijs

alijs duobus quadrantibus tardos. Ex situ significatorum in partibus sui quadrantis: in angulo enim celeres, in cadenti tardos, in succedenti medios significabunt. Ex situ, quo ad Solem: nam à loco Solis ad x c partes ante, et ab eiusdem opposito ad totidem partes ante dicuntur matutini Planetæ, in alijs quartis uespertini. Velut mihi Sol est in partibus 10 minutis 37 Libræ, Planetæ à partibus 10 minutis 37 Cancrì ad partes 10 minuta 37 Libræ & à partibus 10 minutis 37 Capricorni usque ad partes 10 minuta 37 Arietis dicuntur esse in quadrantibus matutinis à Sole: In reliquis autem uespertinis, notandum, quòd orientale & occidentale aliud est in Planetis à matutino & uespertino: Orientale propriè est à coniunctione Solis ad oppositionem: occidentale ab oppositione Planetæ cum Sole ad coniunctionem. Matutini, ut dixi in superioribus & Luna à coniunctione & ab oppositione ad radium quadratum cum Sole. Vespertini à quadrato cum Sole ad coniunctionem uel oppositionem. Aliquando à coniunctione uel oppositione ad stationes matutini dicuntur, à stationibus autem ad coniunctionem uel oppositionem uespertini. In inferioribus autem aliter res se habet: quia nunquam ad Solis oppositionem ueniunt. Hoc autem suo loco declarabitur.

Commen.
70. huius.

Caput quartum.

TEXTVS X.

De parentibus.



Væ igitur iam dicta est singulorum contemplandorum ratio, quam insequi in omnibus oportet, sic se habet. Accingamur nunc iuxta propositam seriem à prima, quæ de parentibus habetur tractatione. Sol igitur & Saturnus patris familia

familiares sunt, Luna, Venúsque matri. Pro quorum statu tum inter se mutuò, tum erga alios de rebus parentum opinandum est. Fortunas enim & opes ex luminum satellitio deprehendere oportet. Circumdata namq; beneficis eiusdémq; conditionis syderibus, siue in iisdem signis, siue in proximis, illustrem & luminosum parentibus statum decernunt, maxime quando Solem matutinæ cingunt stellæ, Lunam vespertinæ, eaq; bene affectæ.

Antequàm ad textus expositionem accedam, quædam necessaria scitu exponenda sunt, quæ omnia cum ex Ptolemæi litera diuersis in locis manifesta essent, atq; à me præuisa, inueni etiam Haly eadem sensisse, quæ & rationi naturali consentaneæ erant: quorum primum est, quòd natiuitates filiorum significant super parentes suos & fratres & filios, eadem ratione, quæ est, quòd cum parentes habeant uirtutem generandi semper, non tamen semper generant, sed solum, cum tempus, in quo conueniunt utriusq; genituræ, fuerit simile. Similiter & de natiuitate non nascitur infans, nisi cum natiuitas conuenerit parentum natiuitati. Igitur ex natiuitate filij cognoscuntur dispositiones parentum maxime. Et hoc est primum. Similiter ex natiuitatibus parentum, cognoscuntur qualitates filiorum conuersa ratione, & hoc est secundum. Et quia natiuitates filiorum sunt similes parentibus, ut dictum est: Igitur natiuitates fratrum inter se habebunt similitudinem. Sed tamen minorem quàm cum parentibus ipsis uel proprijs filijs: Et ita significabunt statum fratrum. Et hoc est tertium (Intelligo autem cum fratribus sorores) Rursus quia astra significant, ut causæ & non ut signa, ut sæpius

ostend

ostendi, significabitur status parentum non præcedens natiuitatem filij, sed solum subsequens. Idem dico de fratribus. Et hoc est, quod Haly dixit in Commento, natiuitates filiorum significant statum parentum, qui succedet post natiuitatem illorum, non autem qui præcessit. Et ita significabit de fratribus maioribus quid succedet illis post natiuitatem suam: De minoribus autem generaliter. Et hoc est quartum: Ex quo sequitur quintum, quod cum nascitur filius in una domo, mutatur status parentum & fratrum & sororum in melius, uel in deterius. Sextum ex his colligitur: Et est, quod status parentum sequitur genituram propriam parentum, deinde post natiuitatem primogeniti, propriam natiuitatem & primogeniti: deinde post natiuitatem secundogeniti componetur parentis ex propria natiuitate & primogeniti & secundogeniti: Et ita status deinceps quotquot fuerint filij, uel filiae. Septimum ex hoc sequitur, quod status filiorum componetur ex natiuitatibus proprijs parentum, atq; fratrum, ac sororum. Octauum, quod est ordo in his, natiuitas parentum in infantia habet primum locum, deinde natiuitas propria, deinde natiuitates fratrum multo minus: post quartum uero annum quibusdam post septimum, alijs à quarto decimo, nonnullis à uigesimo natiuitas filij habet primum locum, inde parentum, post fratrum. Nonum, quod parentum natiuitates primum obtinent locum pro seipsis: deinde succedit natiuitas primogeniti: & succedentium sunt debiliores, si sint pares inter se: quia quandoq; contingit, quod natiuitas ultimogeniti sit ualidior omnibus & clarior, ut Iosephi inter filios Iacob. Decimum, quod natiuitates parentum etiam inter se significant mutuo tantum, quantum natiuitas primogeniti. Et hoc post coniunctionem illorum, de uita dico, & sanitate, & honoribus, quiete, moribus, opibus mariti, significat. Et cum dico significat, dico agit, & est causa, genitura uxoris et uicuersa.

Vndecimum, quod mater significat magis supra infantiam filiorum & mores corporeos & corpus ipsum: sed pater super adultam etatem & qualitates animi et fortunas eorum. Duodecimum quod est maximi momenti, quod mors uniuscuiusque: uel separatio à domo facta secundum leges, uel emancipatio, & diuortium, extinguunt significata pertinentia illis qui cum eis coniuncti erant: Et illi reuertuntur ad proprias natiuitates, & statum earum.

Principale aliud est, quod Planete orientales à Sole sunt robustiores, quia Sol qui illos obumbrabat, relinquit illos splendidos. Et absque (ut ita dicam) suspitione reditus Solis ad eos. Similiter occidentales à Luna sunt in lato statu & pulchro, quia expectant Lunam uenientem ad eos, sicut quando aliquis expectat amicum ex longinquo uenientem, & apparet domum, & exornat eam.

Principale tertium est, quod Planeta dicitur obsessus, quando est inter duos alios, & eò magis, si sit in dignitatibus eorum. Exaltatus autem super alium, quando fuerit occultior & ponderosus, utpote si Saturnus sit in uigesimo gradu Libræ, & Sol in principio Libræ, & hoc fit quadrifariam. Deterius primum, cum Saturnus fuerit in angulo & Sol extra angulum. Secundò, cum Saturnus fuerit in dignitatibus proprijs, & Sol in dignitate Saturni. Tertiò, cum fuerit Saturnus in quadrato aspectu Solis uel Saturnus fuerit in imperante & Sol in obediente: Veluti Saturnus in decima parte Arietis sit, & Sol in uigesima Piscium. Quartò, si Saturnus ascendat ad absidem eccentrici sui, & maximè Sole descendente à proprio abside. Dicitur autem Planeta superior, quando est occidentalis eleuatus supra Solem uel Lunam, quia Sol uel Luna in tali statu semper uadunt ad illum Planetam, & nunquam superior Planeta uadit ad eos: & sicut homo, qui expectat alios domi, uidetur in illa causa saltem

tem nobilior his qui uadunt ad domū eius: Ita Planeta superior cum fuerit occidētalīs, dicitur eleuatus super aliū, et maxime si fuerit una illarū quatuor cōditionū, uel plures ex eis.

Principale aliud, quod Ptolemæus deinceps in omnibus decemnouem quæsitis intelligit tres status, optimum, pessimum & medium. Et similiter in magnitudine, robustissimum, debilissimum & medium. Et similiter in tempore (Sunt enim hæc tria, quæ docuit in præcedenti capitulo esse in singulis quæsitis consideranda) celerrimè, ut in pueritia: tardissimè, ut in ultimo senio: mediocriter, ut in ætate consistentiæ. Ex quibus uult intelligi duo. Primum, ut declarato uno quandoq; intelligamus reliqua duo breuitatis causa: quandoq; declarat duo & oportet subintelligere tertium: quandoq; declarat omnia membra: Vel ut magis instruat, ut in principijs fieri solet, sicut & in hoc capitulo: Vel quando res est magni momenti. Secundum, ut intelligamus media omnia, quæ possunt cadere inter illa extrema, quæ sunt infinita: Velut in ætatibus, præter infantiam & ultimum senium, quæ sunt extrema, & consistentiam, quæ est uerè media. Sunt aliæ mediæ plures in genere: Velut ante consistentiam, pueritia, adolescentia, iuuentus: post autem primum senium, & quælibet etiam istarum ætatum in partes diuiditur multas. Vult ergo, ut ex naturali coniectura non solum illas tres principales assequamur, sed omnes alias intermedias. Idem dico de magnitudine & qualitate, scilicet quod per duo extrema, & medium docet nos coniectari omnia media, quæ sunt infinita.

Principale quintū est, quod unicuiq; parenti assignat duos significatores, Solem & Saturnum patri, & Lunam et Venerem matri. Ex quo fit magna confusio, dum uult declarare statum amborū parentum simul: quia ingrediuntur quatuor Planeta. Ideo ego declarando solum dicam de patre, et quod

dictum erit de patre, idem intelligatur de matre, accipiendo dicta de Sole in patre, ut sint dicta de Luna in matre. Et quod de Saturno in patre, sint dicta de Venere in matre, adhibitis solum duabus distinctionibus. Prima, quod Sol in die & Luna in nocte gaudeat: & Saturnus in nocte, & Venus in die. Secunda, ut in Sole orientales præferantur: In Luna autem præferantur occidentales.

Principale sextum est, quod eligit duos Planetas unicuique parenti: quia cum parentes generant, sunt in ætate virili & ualida, idcirco non decet, ut habeant unum significatorem tantum, ne si ille male afficiatur, parens male habeat: maxime cum ipsi infanti quatuor aut quinque significatores uitæ assignari soleant. Imò neque Ptolemæus audet declarare de morte parentis etiam ambobus significatoribus male affectis.

Principale septimum in dignitate semper Ptolemæus considerat luminare, in uita autem robustiorem ex duobus significatoribus, in erigenda autem figura Planetam congruentem tempori, utpote locum Solis de die, & Saturni de nocte. Et ita iuxta tres causas diuersas, facit tres ordines electionis: quod etiam obseruat in quæstis proprijs nato: nam pro dignitate semper quærit Solem uel Lunam pro uita potentiorum ex significatoribus, pro qualitate corporis, quod fortuito obijcitur, id est, horoscopum semper.

Principale octauum est, quod considerat quatuor status in unoquoque parente. Primus est concordia ipsorum significatorum inter se, utpote in patre Saturni & Solis, & hic est optimus. Secundus est concordia unius significatoris cum beneficis. Tertius est status ipsius significatoris per se, ut in angulo in carpento suo uel saltem ubi habeat dignitatem. Quartus est, si malefica super significatorem eleuentur.

Nonum principale est, quod per concordiam intelligit trigonum & sextilem: coniunctio autem est in numero concordie,

die, cum fuerit cum beneficis, uel si fuerit etiam inter significatores ipsos, ut Solem & Saturnum. Caliditas enim unius temperat frigiditatem alterius, & frigiditas caliditatem. Et iudicium de coniunctione est etiam in intuentibus & imperantibus: Discordia uero est semper in opposito aspectu, inde quadrato: Coniunctio uero & intuentia & imperantia cum fuerint cum maleficis, quæ non fuerint significatores, & maxime si malefica fuerit domina loci oppositi significatoris: Sed si domina fuerit loci significatoris, non erit tam infausa coniunctio, uel intuitus uel obedientia.

Decimum principale sequitur ex præcedentibus, & est observatione dignissimum, & est, quod quotienscumque in aliqua genitura infantis masculi, uel femine Sol afficit Lunam de quadrato uel opposito: uel Saturnus Venerem aut Lunam eodem modo: tunc parentes illius infantis odiosè habebunt. Et peius est inter Solem & Lunam, inde inter Saturnum et Venerem, ultimum inter Saturnum et Lunam, & deterius erit, si sint in angulis. Ex hoc sequitur, quod expositio Ptolemæi per partes ut fieri solet, et facit Haly in quibusdā locis, nō satisfacit, sed oportet totum simul distinguere capitulum, sicut nos hic fecimus. Nunc ad ipsius textus expositionem deuenio.

Inspicere oportet in natiuitate patris, si Solem antecedunt stellæ, tum erit optimum. Si uero non antecedant, sed sequantur, erit & bonus status.

T E X T V S X I.

Si uero Saturni quoque & Veneris stellam contingat orientalem esse in propria persona, aut in angulis, felicitatem insignem intelligere oportet, iuxta peculiarem utriusque parentis rationē. Contrā si luminaria cursu inania sint, & satellitio destituta, humilem & obscuram

H 3 paren

parentū vitam significant, & maximè, quando Venus Saturnūve nō sat pulchrè videntur sit. Si satellites quidem nō desint, sint tamen diuersæ sectæ, vt cū Mars ad Solem fertur, Saturnus ad Lunā, aut si nō sint feliciter sitæ beneficæ, etiā secundū sectę cognitionem, mediocris & incōstans parentū status ostenditur.

Declarauit duos status primos illustrem & magnificum: hic declarat tres postremos: Tertius, qui est mediocris, est tamen insignis & ipse, cū solus Saturnus excesserit Solem in primo suo orientis statu. Ex quo & primo statu simul iunctis, fit status illustrissimus, scilicet cū Iupiter, Venus, Saturnus & Mercurius in primo statu orientis Solem præcesserint. Quartus status est, cū quæ præcedunt beneficia Solem, malè afficiuntur, cadentes ab angulis aut combustæ, aut si Mars bene dispositus præcedat, tunc erit mediocris status, & inconstans: quia erit mistus ex bono & malo, scilicet malefica natura sua nocebit, & ut bene disposita iuuabit: contrario modo benefica malè disposita. Quintus status est, cū Solem nullæ circundant stellæ: Et hic est pessimus & significat patrem omnino abiectæ & sordide fortune. Quod uerò bis adijcitur de Venere, referendum est ad matrem: Et ut sit occidentalis à Luna. Ita quòd si Sol & Saturnus ambo fuerint in angulis, erit bonum pro patre: & similiter si Venus orientalis à Sole fuerit in angulo cum Luna, erit ualde bonum pro matre.

TEXTVS XII.

Si fors fortunæ, de qua pōst dicemus, conuenit in genitura cum Solis Lunæve satellitibus fortunatis, per manus tradentur liberis salua parentum bona: sin minùs, aut si reputat

gnat, & luminarium laterones, aut nulli sunt, aut malefici, inutiles erunt liberis parentum possessiones, atque adeò noxiæ.

Pars fortune seu sors diuitias significat apud Ptolemæum: si ipsa fuerit in quadrato, uel opposito maleficarum Soli circumdantiū, pater nō relinquet hereditatē filio: aut nihil habebit, quod relinquat: aut erit cū magnis litibus. Et si pars fortune fuerit sub sole, natus parū gaudiū habebit de paterna hereditate. Nō sicerit, si pars fortune fuerit sub Luna: habebit enim hereditatē maternā, et illa gaudebit. Reliqua textus nota sūt.

TEXTVS XIII.

Longæuitas autem eorū aliunde deprehenditur. Patri nimirū, si Iupiter aut Venus quouis modo Soli cōfigurantur aut Saturno: Siue & ipse Saturnus conuenienter Soli cōfiguratur cōiunctione radiisue sexangularibus aut triangularibus, siquidem illi potentes fuerint, longæuita decernitur: si imbecilles, nō ita: neq; tamen continuò breuis. Cū verò illud vñ non venīt, sed Martis sydus supra Solem aut Saturnū attollitur, iisue succedit, aut si ipse iterum Saturnus cum Sole non conuenit, sed vel ex opposito loco vel tetragono aspicit, decedentes ab angulis, valetudinarios tantū patres efficiūt, breuis autem vitæ aut vitioso corpore cū angulares sunt, aut angulis succedunt, ac vitam sanè breuem in primoribus duobus angulis, ascendente nimirum & cœli fastigio locisue succedentibus, vitiosos verò

in reliquis occidente nimirum & cœli parte infima. Mars igitur Solem intuitus ad eum, quem diximus modum subito interimit, aut vitium oculis iniicit, Saturnum verò feriens febrili rigore, vitiiſve per ſectiones & vſtiones inuoluit. Saturnus quoque malè affectus erga Solem, morti paternæ viam per morbos ſternit, turbationeſque ex humoris copia profiſcientes adducit. Quod ad matrem attinet, ſi Iupiter quocunq; modo cum Luna & Veneri committitur, aut ipſa Veneris ſtella cum Luna concordat hexagonis radijs, aut trigonis, illiſve cõiuncta fortes cum ſint, longæuam matrem ſignificant. Si verò Mars Lunam aut Venerem intuetur quadrangularibus aut oppoſitis radijs aut ſuccedens, ſiue Saturnus hoc modo Lunam ſolam, ſi minuti curſu fuerint ceciderintve, rurfus aduerſus tantum caſibus morbiſve implicat, aucti curſu aut angulares brevis vitæ, & vitioſas decernunt matres. Brevis quidem vitæ in orientalibus angulis, aut ſuccedentibus, vitioſas verò in occidentalibus. Enimuerò Mars Lunā ita intuitus orientalē, mortes matribus repētinas, vitiaq; oculo rū adducit, occidentalē verò, mortes ex abortionibus aut ſimilibus, vitiaq; per ſectiones & vſtiones. Venerem aſpiciens, mortem per ſuccelliones maturat, abditisq; in locis naſcentia vitia,

vitia, obtenebrationes & repentinos humorū decursus. Saturnus verò Lunā irradians, mor-
tes, morbosq; affert, cū oriētales ea est per fe-
briles rigores, cū occidentalis, per vteri affe-
ctiones & corrosiones. Animaduertere quoq;
vnā oportet, vt vitiorum, morborū & mortis
genera distinctiūs eliciamus, signorū in qui-
bus stellæ significatrices reperiuntur natiuas,
peculiarēsque vires, de quibus opportunius in
ijs quæ circa genituram contingunt dicemus.

Hoc est secundum, in quo docetur uitæ longitudo, si uel
Soli, uel Saturno coniunctione, trigono, uel sextili, iupiter
uel Venus ualidi associentur. Secundus status est, si associen-
tur, sed non sint ualidi, erit enim anceps iudicium & plerun-
que uita longa, sed debilis. Tertius, si non associentur o-
mnino, nec tamen necessariò uita erit breuis. Sed si Mars su-
pra Solem, aut Saturnum eleuatur, aut si Saturnus Solem
de quadrato aut opposito respiciat: tunc enim si malefica
fuerit in decima, uel prima, uel undecima, uel secunda, signi-
ficabit breuem uitam: si in quarta uel septima, uel cadenti-
bus, uale tudinarios solum decernit. Et hoc declarat per tres
modos, quando Mars exaltatur supra Solem, & quando
Mars exaltatur supra Saturnum, & quando Saturnus ad-
uersatur Soli. Et hoc pro natura signorum, quæ declarabi-
tur in fine quarti libri. In matre uerò loco Iouis & Veneris, Cap. pen.
qui possunt conciliari Soli uel Saturno, ponit Iouem qui po-
test conciliari Veneri uel Lunæ: uel Venerem, quæ Lunæ con-
ciliatur. Est uerò aliud discrimen, quia Saturnus uel Mars de-
stitutam Lunam uel Venerem oppugnantes breuem uitam si-
gnificant, cū fuerint in eisdē angulis, decima uel prima, uel
succedentibus. Sed ita tamen, ut sint aucti cursu: Sed si fuerint


diminuti cursu seu tardi, uel in alijs locis, solum significant morbos. Vnde colligitur, quod si fuerint tardi cursu & in cadentibus locis, non ualetudinarias efficient, id est, quæ perpetuò ferè affligantur morbis, sed solum ad uices frequentius ægrotabunt.

TEXTVS XIII.

Amplius obseruare conuenit die maximè Solem & Venerem, nocte Saturnum & Lunam. Quod reliquum est in singulariori euentuum exploratione, conueniens sanè ac proximum erit patris aut matris locum, qui se pro tempore obtulerit, tanquàm orientem ponere, ceteraq; quasi propolita parentum genitura, iuxta eas, quas deinceps trademus de præcipuis generibus rerum & euentuum inductiones deprehendere. Meminisse autem & in his & in ceteris oportet constitutionis, contemplantes vniùsne modi sint an diuersi, contrariarumve effectiõnũ illi qui dominium locorum quæstionis obtinent, qui pluribus affluant ad unumquodque negotium spectantium virium suffragiis, vt rei significandæ prælint, vt eorum naturæ conuenienter iudicemus. Aut æquilibria, cùm sunt suffragia, si vnà fuerint imperantes, id quod ex diuersarum naturarum mistura conflatur, prudenter ratiocinabimur.

Sententia est, quod oportet significatorem tempori congruentem ponere in ascendente, scilicet Solem de die, uel Saturnum

turnum de nocte, et collocare figuram et Planetas uelut uides
in exemplo octaua figuræ ex qua extraximus figurā patris,
prout uides. Dicit ergo, oportet, ut postmodum illam iudi-



ces uelut alias genituras ad unguē considerādo illos, qui præ
sunt, quia sub uno quatuor generū. Aut enim sunt concordēs
in significādo: Et tunc oportet iungere significata. Vel discor
des & inæquales, & tunc oportebit statuere secundum natu
ram uincētis & excessum, super contrarium significatorem.
Aut æqualiter possunt, et tunc nihil decernunt. Aut alterna
tim significāt: de quo dicit in sequēti textu. Ex quo sequitur,
quod Ptolemæus mira arte usus sit in hoc libro, qui tanta
breuitate satisfacit omnibus quæstis copiosè. Nā si bene ani
maduertatis, factis duabus figuris altera pro patre, altera
pro matre, bis utitur toto libro ad dijudicandum illas. Ita de
de fratribus, filiisq;. Manifestū est igitur ex hoc, primum cur
filijs

filij patri similes extant plerunq, scilicet cum Sol in centro horoscopi fuerit in diurna genitura, aut Saturnus in nocturna. Eodem modo filia matri similis, cum Luna in nocturna genitura, aut Venus in diurna in centro horoscopi fuerint, tunc enim erit utriusque genitura figura eadem, & fortuna, & reliqua penè similia.

Fratres inter se similes erunt, cum significatores fuerint in communibus signis seu bicorporeis, nam plures habebunt eundem significatorem & eandem figuram cœli. Vel etiam cum in natiuitate alterutrius parentum significatores filiorum fuerint in bicorporeis. Nam illo significatore in ascendente posito eadem figura pluribus filiis, qui inter se fratres erunt, seruiet.

Nepotes auis erunt similes, quando significator patris iunctus fuerit significatori filij: Et similiter de auia & nepte. Sed in his idem continget, si Venus de die aut Luna de nocte, filiarum fuerit significatrix. Posita enim alterutra in ascendente, figura illa matri & filia nati seruiet: unde neptis auia similis erit.

Filij fratrum patris aut filiae amitis similes erunt, cum genethliaca figura eius qui uni pater est, alteri frater, eundem habuerit patris & filij significatorem. Aut non eundem, sed coniunctos licet diuersos. Et hæc semper à natiuitate illius intelligenda sunt.

Ceterum, ut ad patris genesin reuertar, dubitabit aliquis quomodo possit patris significator in ascendente poni cum non sit: Et cum adierit, uel iam adfuit loci Planetarum saltem Lune sensibiliter sunt mutati? Sed illud cōtingit, quòd quemadmodum materia in materia posita est: ita & formæ & causæ nati & parentis sunt alteræ in alteris posita, absque temporis ulla successione. Manifestum est autem, quòd cum esset nocturna genitura Saturnus in ascendente poni debuit: quo con-

stituto

stituto significatur pater à natiuitate nostra debilis, pauper ob Sortem pessimè collocatam, & implicitus. Direxi igitur Lunam quæ erat apheta & peruenit in 23 annis ad Solis opus positum: Et ascendens ad quadratum eiusdem: & quia erat senex octuagenarius, mortuus est. Et nisi fuissent radij trigoni Veneris & Mercurij ad ascendens nō tam diu distulisset mortem, quia figura est debilis. Et si comparaueris hanc figuram propriæ genituræ parentis inferius sub octaua genitura exponendæ, parum uidebis uarietatis: Nisi quòd in illa uidebis statum iuuentutis & senectutis, hic tantum senectutis, quia solum temporis quo superuixit post meam natiuitatem. Et ex hoc patet, quòd figuræ per talem extractionem commutantur in longè melius quandoq; aut deterius. Et idèò contingit, quòd filius clarissimus potest habere patrem ignobilem, & egregius pater filium nebulonē. Et nota, quòd præceptum Ptolemæi quo in una genitura utitur uigesies toto suo libro ne cogatur repetere: ita ut una genitura si rite fiat, sit longè maioris laboris, & maior duplo quàm totus liber Ptolemæi. Seruaturn est etiam à me in explicando Ptolemæum, quia licet Commentaria sint longè maiora libro Ptolemæi, ita quòd totus hic liber cum textu Ptolemæi complet unum corpus absq; repetitione. Vt si quis uelit per eum facere genituram, necesse est, ut totum bene perlegerit, intellexerit & mente teneat, aliter millies errabit. Quia unusquisq; textus & Commentum seruit in centum locis: Vclut doctrina hic de patre, præcepta, figura, modus extrahendi eam, indigent toto hoc libro: Et seruiunt matri, fratribus & filiis &c.

T E X T V S X V.

Si verò destiterint seorsim unicuique peculiararia tempora gubernandorū decretorum tribuemus priora orientalibus, occidentalibus

bus posteriora. Verum enimvero initio necesse est quaestionis loco, conforme esse id quod efficere possit quidquam circacum sy-
dus. Alio qui fieri omnino non potest, ut aliquid praestet, quod cum principio non conuenit.

Quia quaestio est de Planetis circulantibus Solem uel Lunam, & possunt esse circulantes commisti, id est, propè: Et tunc id contingit tribus modis explicatis in superiore Com-
mento: Vel erunt separati & tunc unusquisque faciet effectum suum completè, nec unus impedit alterum: etiam quod sint contrariae naturae, sed diuersis temporibus: orientales celeriter, occidentales tardè. Et quia dicit, quod operabuntur suo tempore, adjicit, si tamen habuerint, quod debeant operari, id est, quod non praueantur ab alijs, ut exponit Haly: puta si orientales decernerent mortem, occidentales felicitatem, aut orientales exilium cum paupertate, & occidentales postmodum diuitias. Difficile enim est in senio miserum fieri diuitem.

TEXTVS XVI.

At sane temporis, quo decreta sese produnt, ratio non ex primaria dominatione pendet, sed ex ea, quae dominantis stellae reperitur ad Solem & cardines collocatione.

Docet tempus rerum successurarum parentibus non esse sumendum à Solis statu uel Saturni, sed à dominis loci Solis, uel Saturni in genitura patris, gratia exempli, cum fuerint matutini uel uespertini à Sole uel angulis, ut superius positum est. Ex hoc exemplo superius posito habes, quod geniturae certius aliquando habentur à genituris filiorum, quam à proprio tempore: quia ascendens sumitur à loco Planetae,

qui

qui tardè mouetur, non tamen possunt esse efficaciores, quanuis sint certiores.

Dico etiam, quòd hoc caput & tria sequentia capita, scilicet de fratribus, de masculinis, geminis & monstris, licet in Aegypto, ubi erat Ptolemæus, propter propinquitatem ad circulum zodiaci & locum erraticarum magnam habeant efficaciam: In regionibus tamē nostris & quæ plurimum à tropico Caneri distant in nostra medietate, parum habent efficaciae, & ueritatem quasi umbratilem: adeò ut si quis fidere uelit, multum magnos sit commissurus errores. Quod animaduertens Ptolemæus in sequenti capite admonet de fratribus maximè, quia debilissima significatio est horum, ne artis metam excedamus. Ego uerò rursus admonco, ut neq; in his, neq; parentibus, neq; filiis, neq; sexu, neq; numero, neq; monstris simus in prædicendo animosi. Sed tamen si quid fieri securius potest, licet de parentibus per natiuitates filiorum prædicere & maximè primogeniti & ultimi. Cæterum, quod ad sexum, numerum & monstra, id magis ad generationis principium, quàm ad natiuitatem prædicere pertinet. Atq; id est, de quo Ptolemæus in initio huius libri nos admonuit.

Cap. I.

Caput quintum.

TEXTVS XVII.

De fratribus & sororibus.



Væ ad parentes igitur pertinere uidentur, ex his quæ iam dicta sunt, manifesta propè sunt. De fratribus uerò, si quis & hoc generatim inquirat nec ultra quàm fieri possit, numerum quoque accuratè & singulatim exploret, conuenientius sanè id acceperit de ijs solis, qui eadem

eadem matre geniti sunt, ex eo, qui cœli medium occupat ligniferi loco & matris conditionario, qui nimirū interdiu Veneris est, noctu Lune, cum hic quæstioni de prolibus matris destinatus sit, futurus etiam index eorum, quæ de fratribus opinari oportet. Cum igitur beneficæ cū hoc loco configurantur, amplum fratrum prouentū pronuntiabimus, pro ipsarum stellarū multitudīne, iudicium instituentes, & vtrum in signis reperiat̃ vniformibus, an duplicibus. At si maleficæ supra hæc loca attollantur, aut ipsæ opponantur, paucitatem fratrum significant, maximè si & Solem complexæ fuerint. Quæ dissidētia si in angulos cadat maximè horoscopo, Saturnus quidē primogenitos, primove educandos curat. Mars verò, reliquorū morte fratrum paucitatem adducit. Si largiores fratrum Planetæ sat pulchrè quantum ad mundi situm attinet, collocati videntur, splendidos, clarosq; promitti existimandū est, si contrā, humiles & obscuros. Si superant, largiores aut ad eos feruntur malefici, breuis etiam vitæ: ac mares quidem ab his qui masculini sunt pro mūdi situ, foeminas à foemininis. Rursus priores natu, qui orientales sunt, occidentales verò posteriores. Ad hæc si fratrum authores conuenienter configurati sunt Planetæ domināti signo fratrum, beneuolentiā mutuam, ani

animosq; fraternos tribuunt, si parti quoque fortunæ, vitæ, fortunarúmque communicati-
nem. Si in signis extiterint nulla necessitudine coniunctis aut contrarium dictis acciderit, contentiosos & inuidos, atq; omnino sibi mu-
tuò insidiantes. Quod reliquum est, si quis de
singulis curiosam indagatiōem instituat, is
tanquàm horoscopum ponens largitoris Pla-
netæ locum, reliqua non secus ac in genituris
perquirat.

Quàm altus sit sensus Ptolemæi, qui non animaduertit,
non intelliget: mulier si filium debet parere, nouem mensibus
indiget: Vnde Poëta:

Matris longa decem tulerunt fastidia menses.

Propterea ualde exiguus est numerus uterinorum, si ad
patrimos filios comparentur. Vnde etiam uterini Luna uel
Venere indigent, cum patrimi etiam à Sole & Saturno signi-
ficentur, quoniam hi nullo labore, sed uno ictu generantur:
adeò ut pleriq; etiã patri ignoti sint. Itaq; cum innumeri sint
& incerti, de illis ars Astronomica esse non potest. Assumit
igitur Planetam significatorem matris tempori congruentem
tanquàm causam, quod prolem generet: matris autem proles
frater uterinus est, aut soror nati. Medium uerò cæli, quod
particeps sit omnium rerum magnarum que nato iungun-
tur. Porrò talem significatorem qui tempori congruit, Haiz
Arabes uocant. Si igitur cum significatore Planeta Iupiter
aut Venus configurantur, multos natus habebit fratres: Et si
ipsi fuerint in bicornis, duplicabunt numerum. Nam qui
nullum aut unum tantum, aut duos habuerit fratres uteri-
nos, artificiosa coniectura deprehendere licet: supra hunc

numerum, quod plures habeat aut ualde multos, dicere suffi-
 cit: ne inaniter perscrutando, uanus habearis. Regula enim
 una generalis est, mater prolifica, in utero non habens, cum
 uiro prolifico concubens, hora congruente natiuitati utrius-
 que per uiam progressus signorum in annis, mensibus, diebus
 et horis, generat, seu concipit. Ex quo patet, quod fecunda
 mulier semel in anno si nihil desit, parere potest. Vir autem
 quingentos cum quingentis mulieribus fecundis oportuno
 tempore concumbens, uno in anno posset generare. Patritius
 quidam è Besuntino Senatu, nouem in uno mense filios ha-
 buisse confessus est, dum simul apud Ioannem Casanatum
 Medicum Hispanum pranderemus. Ab ancillis quatuor, à
 nutricibus alios totidem, unum ab uxore. Igitur bicorporea
 signa multiplicant fratres, non exactè duplicant. Quod si
 malefica maximè Soli commissa, alterum ex locis damnaue-
 rint, natos occidunt fratres: Saturnus et in oriente natu ma-
 iores: Si Mars et in occidente minores. Largitores fratrum
 uocat beneficas, quorum status statum fratrum significat:
 sicut et malefica quæ exaltantur supra significatores bene-
 ficas. Mares et fœminas à situ mundi diiudicabis, tam in signi-
 ficatoribus, quam in impredientibus. Vt orientalis pars ma-
 sculos, occidentalis fœminas significet. Natu maiores orien-
 tales erga Solem, minores occidentales. Consensus uerò illo-
 rum habetur, si benefica largitrix cum domino loci matris,
 id est, Lunæ uel Veneris consenserit: dissensionem si dissense-
 rint: uel etiam sint naturarum diuersarum nec consenserint.
 Cohabitabunt, si omnes hi cum sorte, id est, fortunæ parte
 conueniant. Reliqua ex figura habebimus, ponendo benefi-
 cam quæ fratres largitur in loco ascendentis. Quod si plures
 fuerint benefice, plures figuras eriges pro diuersis fratribus.
 Illud obseruando, quod si dominus ascendentis nati, uel ascen-
 dens fuerint in opposito, uel quadrato significatoris fra-
 trum

trum, fratres odio natum habebunt. Similiter si fuerit malefica, quæ domina loci fratrum, id est, significatoris fuerit, & ipsa eleuata super dominum ascendentis aut Solem, frater uel fratres natum paruipendunt. Memento autem, quòd Mercurius inter beneficas & maleficas collocatur.

Caput sextum.

TEXTVS XVIII.

De partu masculino & fœminino.



Ost absolutam à nobis de fratribus tractationem, proximum est ea, quæ circa geniturâ consistunt, ac primùm masculinî, fœminique partus considerationem aggredi. Pendet verò illa non ab vno quopiam & simplici principio, sed ab utroq; luminari & horoscopo, ab iisque astris, quæ ad hæc loca rationem aliquam adepta sunt, maximè quidē satus ipsius tempore, planius verò cum fœtus enitendo in lucem editur. Omnino autem obseruandum est, utrum tria prædicta loca, iisque dominantes stellæ, uel omnes vel plures masculinæ sint, ad marium scilicet productionem, quemadmodum ad fœminarum procreationem fœmininæ, atq; ita demum pronuntiandum. Masculina verò & fœminina loca, stellæve iudicabimus secundum rationem nobis in canone tabularum initio huius operis traditâ, à signorum in quibus sunt & ipsarum stellarum natura,

tura, & ab eo, quem erga mundi cardines habent situ. Nam orientales cum sunt, masculescunt: effœminantur occidentales. Præter hæc, ex familiaritate, quam habent erga Solem. Nam matutini cum sunt, rursus masculescunt: Euiantur autem vespertini. E' quibus omnibus vtrius tandem generis superatio sit, coniectare oportet.

Tria obseruare docet pro sexu, Solem, Lunam & ascendens. Et quinq; modis hæc tria, dominantēsq; stellæ: Si licet natura Planetæ masculina uel fœminina eius situ in mundo & erga Solem, orientalia masculina, occidentalia fœminina, natura signi & natura stellarum, quæ in eo loco sunt, stellæ Saturni masculinæ, Veneris gratia exempli fœmininæ, Mercurij uel Saturni & Veneris ancipites uel neutre. Hæc autem, dicit, firmiora sunt, si generationis tempore considerentur, clariora tempore natiuitatis. Sed tamen quod dixi superius, memoria teneas.

Caput septimum.

TEXTVS XIX.

De partu geminorum.



Ngemellorum quoq; pluriūve procreatione decernenda, ijsdem duobus nimirum luminari vtriq; & horoscopo credendum est. Incidere enim solet hic euentus circa commisturas, quādo in duobus tribusve his locis duū corporum signa reperiuntur, maximè cum stellæ ijs imperitantes eodem spectāt, vt quædam

dam in bicorporibus, quædam binæ pluresve vnâ sitæ sint. Si quando & in bicorporibus fuerint dominâtia loca et pluribus stellis configurata, plures duobus nasci contingit, quorum multitudinē à numero significatoris Planetæ colligimus. Genus autem ab astris cum Sole & Luna & horoscopo configuratis pro masculino aut foeminino partu, quemadmodum antè diximus. Quando verò huiusmodi constitutio vnâ cum luminaribus complectitur horoscopi angulum, sed eius loco mediæ cœli culmen, hæc matres geminos, vt plurimū aut plures cōcipiunt. Peculiariter tribus quidem maribus donant, vt in Anaëtorum genitura simul prædictis locis in bicorporibus configurati, Saturnus, Iupiter, Mars. Tribus verò foemellis in gratiarum genitura Venus & Luna cum Mercurio effoeminato. Duos verò mares & foeminam vnâ largiuntur in Dioscurorum genitura, Saturnus, Iupiter, Venus, duas foemellas, vnūq; marem: in Cereris, Cores et Dionysij, Venus, Luna, Mars. In quibus ferè accidere solet, quòd non ad frugem perueniant, quæ nata sunt, quòdque non sine insignibus quibusdam corporis notis producantur, & ampliùs eueniant locis selecta quædam & inopinata, propter illorum casuum veluti euidentiam quandam.

Duo nos docet Ptolemæus, & multitudinem filiorum, quæ una nasci possunt, quorum numerus est incertus, adeo ut Halley sex unâ, aliâs etiam duodecim natos significet. Et numerum eorum, qui simul unâ nati, possunt uiuere. Atq; in hoc melius Ptolemæus ipsis Iurisconsultis sentit, qui nescio qua falsa Hippocratis autoritate decepti, quinque simul natos superuiuere posse existimant. Atque iuxta hanc rationem grauidæ mulieri partes ex hereditate defuncti mariti asseruant. Ita ut si duos filios maritus ex prima uxore reliquerit, filij illi ex hereditatis fructibus duas tantum partes ex septem partibus accipiant, uxor grauida relicta quinque. Quarto simplicius et uerius Ptolemæus censet mulierem non plures tribus qui super sint parere posse: Quod si plures pariat, omnes moriuntur: quoniam naturæ humanæ conditionem iam mulier præterit. Non memini me legisse apud quenquam fide dignum auctorem, quod enixa plures quam tres, seruatus sit aliquis. De omnibus certè, quod seruentur, fieri non potest. Quod uerò è pluribus unus uel duo seruentur, quanquam non legerim, neque uiderim, fieri tamen non posse certò dicere nolim. Hæc de multiplici partu Ptolemæi atq; mea sententia est. Verum de tribus sepe contingit, ut in Romana historia trigeminorum Curiatorum & Horatorum. Et ego memini me uidisse trigeminos bis: semel quidem tres masculos adultos nobili genere natos Italos: rursum tres puellas Mediolanenses nuper natas sub aduentu Cæsaris.

De causa uerò horum dicit Ptolemæus: sumitur à Sole, Luna, atq; ascendente: Velut in præcedenti capitulo, & fuerint duo saltem ex his cum dispositoribus in bicorporis signis, uel duo ex his, et dispositores in eodem signo unâ iuncti, quauis non in bicorporis, erunt duo qui nascentur. Quod si præter id duobus significatoribus, omnibusq; dispositoribus in bicorporis positis, alij Planeta dispositoribus cōmisceantur, erunt plures
quàm

quàm duo. Quòd si loco ascendentis medium cœli in bicor-
poreo sit, eiusque dominus, tantundem refert, quantum si
ascendens esset cum suo domino, partus etiam erit multiplex
nihilominus. Dico, multum confert in his matrum consuetu-
dinem agnoscere, quæ plures parere soleant. Id trifariam fit.
Vel sensu cognita matre quæ multos aliquando peperit: uel
habita genitura matris: uel cum in filiorum genitura me-
dium cœli atque eius dominus in bicorporeo signo fuerint.
Ex quo colligitur, quòd decima domus aliquam cum matre
significationem habet, iuxta Ptolemaum. Ex quo quidam
inum cœli patri etiam tribuunt, sed falsò: neque enim statim
sequitur, si decima matri conueniat, quòd quarta quæ sub
terra est, conueniat patri. Neque decimam, nisi hoc uerbo &
in hac in causa Ptolemaeus matri tribuit, id est, in filiorum
numero. Vt cumq; sit, cum de matre tractauit, ubi locus erat
medij cœli, nullo modo penitus meminit. Decima igitur domus
filiorum erit significatrix, quod etiam in quarto libro docet.
Ceterum, ut ad propositum reuertar, sexus illorum cognos- Ca. 6.
scitur ex præcedenti capitulo, ubi de sexu agitur, non autem
ex capite de fratribus: quia gemini & trigemini plus habent
aliquid, quàm simpliciter fratres, sed quasi unus sunt natus,
tum ob similitudinem corporum & morum, & quòd pleri-
que ex his eisdem affectibus in eisdem ferme temporibus sub-
iiciantur, quod sæpe obseruatum est. Habent gemelli, quòd
caui sunt dorso, osque sacrum intus retrahitur, quod præci-
puum signum est illos dignoscendi, sicut et sex- ^{est} menses, quòd
ungues habeant imperfectos cutimq; haud expolitam. Quòd
uerò dixit de trigeminis masculis subijci Saturno, Ioui et Mar-
ti Anaëtorum fratrum exemplo, quorum duo cum essent pes-
simi referentes naturam Saturni et Martis, tertius erat opti-
mus, Iouialisq;. Tres uerò cum fuerint foemina sub Venere,
Mercurio & Luna natæ erunt, probatq; exemplo trigemi-

narum gratiarum, quæ uno partu editæ suauissimis moribus
 & formosissimo corpore fuerunt: id eo quæ nomen gratiarum
 meruere. Si uero duo masculi atq; una foemina nascatur, Sa-
 turnus & Iupiter et Venus dominabuntur, exemplo Dioscu-
 rorum, id est, Castoris & Polucis et Helenæ, quorum Castor
 fuit optimus, Polux pessimus uir, Helena formosissima: hi tres
 uno partu editi à Latona retulerunt naturam Saturni, Iouis
 et Veneris. Si uero ex trigeminis duæ sint foemina, tertius ma-
 sculus: ut Dionysius, Ceres, et Cores, uno partu editi, mascu-
 lus Marti subijciatur, foeminarum altera Veneri, altera Lu-
 næ: Nam Dionysius egregius fuit Dux, quiq; Indiam subegit,
 Ceres autem pulchra, Cores laboriosa. Quod uero aliter dis-
 tribui non possint, si uiuere debeant, manifestum est de tribus
 masculis, atque tribus foeminis. De duabus uero foeminis &
 masculo id contingit, quia Mars natura proximior est Vene-
 ri et Lunæ, quam Saturnus uel Iupiter. Est enim Mars uelo-
 cior motu & nocturnus. De duobus uero masculis & una
 foemina accipere oportet Saturnum & Iouem, tanquam ro-
 bustissimos, si uiuere debeant, qui difficillime uiuunt: Venus
 uero similior est Saturno & Ioui, quam Luna, quia tardior
 motu. Et quāquā sic etiam nascantur, qui supersunt uel o-
 mnino non adolescunt omnes, uel non sine insignibus quibus-
 dam corporis notis, aut statim post natiuitatē, quædam rara
 & inopinata illis eueniunt, propter nimiam permissionem, atq;
 ut ita dicam, confusionē Planetarum. Et præcipue ut bene di-
 cit Haly, quia in natiuitatibus trium masculorum prædomi-
 nantur duæ malefice, in natiuitatibus autem triū foeminarum
 humida qualitas uincit, et calor imbecillis est. In cæteris est re-
 pugnantia: in duobus masculis et foemina, Saturni et Veneris:
 frigidit asq; multū prædominatur: in duabus foeminis & ma-
 sculo, Mars Lunæ repugnat. Itaq; raro uiuunt etiam qui sic
 trigemini nascuntur. Plus tamen facit repugnantia ad interi-
 tum,

tum, quàm exuperantia qualitatum. Vnde qui diuerso simul sexu nascuntur, seu duo fuerint seu tres, rariùs uiuunt omnes, quàm si omnes fuerint simul masculi uel simul foeminae.

Caput octauum.

TEXTVS XX.

De monstris.



Eq; à prædictis alienus est, qui de monstris sermo instituitur. Primum enim in huiusmodi lumina quidem ab angulis decidentia, & horoscopo nulla familiaritate coniuncta, anguli uerò ipsi à maleficis occupati reperiuntur. Cum igitur talis quædam occurrit constitutio, quandoquidem illa sæpenumero etiam in abiectis & infelicibus licet neutiquàm monstrosis genituris incidit, euestigio inspicere oportet præter lapsam proximè coniunctionem aut oppositionem luminarium, eiusque & genituræ gubernatorem. Si enim genituræ eorum, Lunæque & horoscopi loca, vel uniuersa vel complura nulla necessitudine coherent, cum prædictæ coniunctionis aut oppositionis loco, id quod nascitur, contortum & inuolutum esse significatur. Si igitur his sic habentibus, luminaria in quadrupedibus, aut feralibus signis inueniuntur, duoque angulis insidentes Planetæ malefici non humanum esse portenditur, quod procreatum est.

I - 5

Si bene

Si beneficorū nullus seu maleficorum quispiā
luminaribus testificetur, prorsus ab humana
forma aliēnum, & quod ferarum agrestem,
maleficāque naturam referat. Si Iupiter aut
Venus animantium dijs consecratorum, vt
canum, felium, simiarum & id genus reliquo-
rum. Si Mercurius, vsui humano deuoto-
rum, vt auium, porcorū, caprarum, bouum,
& his similium. Si in humanis signis lumina-
ria deprehensa sunt, reliquis sic habentibus,
humana sunt quoq; , quæ generantur mon-
stra, formāque peculiarem in modum per-
plexā, cuius ratio & modus ex signorum
formis colligitur: in quibus quæ luminaria
& centra occupauerunt, maleficæ stellæ de-
prehenduntur. Si igitur & sic nullus benefi-
corum testificetur alicui prædictorum loco-
rum, muti fortis producuntur, & re vera mon-
strosi. Si Iupiter aut Venus in honore & in
pretio habebitur, quicquid fuerit portentū cu-
iusmodi quiddam circa Hermaphroditos, &
quos Harpocratiacos dicimus, aliōsq; eius ge-
neris cōtingere solet. Si & Mercurius præter
hæc oraculorum & somniorum interpretes
creat & qui hinc victū quærent, solus verò
mutos & surdos, ingeniosos tamen & vafros.

Declarat nobis monstrorum natiuitates, quæ ut dixi, ma-
gis pendent à generatione, quàm à natiuitate: quia tamen na-
tiuitas est similis generationi, ideò & natiuitates indicant
monstra.


monstra. Quòd uerò dicit Ptolemæus, est natiuitates monstrorum similes esse his, qui non nutriuntur. Monstra enim rarissimè nutriuntur: Si tamen nutriantur (quia formam habeant humanam) rarissimè uiuunt: quædam tamen uiuunt, quæ parum à natura humana sunt permutata. Velut dicit Haly uidisse quosdam natos sine pedibus, alios sine manibus, quosdam sine auribus: audiuisse de alio, qui nullum habebat membrum præter duo foramina, unum per quod suggebat cibum, aliud per quod emittebat excrementa: Et quod diuinabat multa nutu illa significans. Et de his sunt Hermaphroditi Græcè (Androgini Latine) et Harpocratiaci, id est, optimorum raptor. Androgini quidem ab initio mari mergebantur Romana lege aruspicum, post cæpère in delitijs haberi, quòd utroq; sexu luxuria nephariorum simul potiri uiderentur. Tales igitur quibus Iupiter & Venus, & Mercurius fauent uiuunt: ob idq; diuinant, quoniam extincta luce lumina-rium, uis Iouis, Mercurij & Veneris magis relucet. Si igitur monstra esse debent, Solis & Lunæ uim extinguere necesse est: Et maleficas dominari in angulis. At si hæc contigerint, mori necesse est, nisi à Ioue & Venere & Mercurio adiuuentur. Sed his dominantibus & maleficis in angulis constitutis, necesse est eos malorum esse morum, qui sic nati sunt: Et futurorum diuinatores. Aliqui etiam præsentium, quos Harpocratiacos Haly existimat appellari, id est, tales quibus res repente uerè in mentem ueniunt, statimque proferunt. Velut narrat ipse de quodam Aegyptiano cui in mentem uenit Regem Concin mortuum esse, dixitq; & inuentum est ea hora illum Regem mortuū fuisse. Et narrat de quodam Porphytone uiro Aegyptio maximo Mago et præcātore, quiq; res faciebat admirabiles, dicitq; has artes notas fuisse in Cina Indiæ regione quæ nunc notissima est Lusitanorū nauigatione: Et ita est. Inde aduehitur radix quæ Cina uocatur: alij uocāt Chinā.

His

His uisis Ptolemæus duo docet, primum formam natiuitatis monstrorum, quæ constat in tribus rebus. Prima quòd luminaria cadant ab angulis nulla familiaritate iuncta horoscopo, id est, in duodecimo uel sexto loco: poterit & adijci octauus & tertius. Secunda, ut maleficæ sint in angulis & maxime ascendente & medio cæli. Tertia, ut dominus loci coniunctionis uel oppositionis præcedentis natiuitatem, neque ascendenti, neq; loco Lunæ, neq; domino genituræ aliqua familiaritate iungatur, tunc erit monstrum. Quòd si beneficæ non testificentur, erit abiectum: si uerò auxilientur erit in honore ubi forma humana constiterit. Formam uerò seu humanam seu aliam præstabunt signa in quibus erunt luminaria, & hoc est secundum. Quod uerò dicit (mutos & surdos) legi potest iuxta Arabes mutos, & sine dentibus, utraque lectio uerò bene habet.

Vt uerò clarissimum huius rei & monstri habeatur exemplum, subiicio hanc genituram. Natum est in Anglia, dum ibi essem, in uilla uocata Mioletōstoni v l l l. m. passuum distante ab inclyta academia Oxoniensi, fuitq; posthumum. Pater uocabatur Ioannes Kemer. Ita enim Anglicè scribitur. Erant duæ puellæ ad umbilicum commistæ, quæ in unum coierant quasi recta altera alteri inserta, uenter uetri, dorsum dorso, unus umbilicus, una uulua, unus anus, qui inter crura sinistra atque nates positus erat. Itaq; sinistra crura locum suum seruabant: Velut cum pueri sedentes colludunt. Dextra uerò, crus, & pes alter alteri commistus in unum coiere. Itaq; pes ille nouem habuit digitos. Primis duobus diebus lac suggere noluerunt à matre, ob partus laborem, nutriti lacte uaccae, tertia suxerunt à matre, dormiebat quandoque altera, reliqua uigilante, quod ab umbilico supra unaquæque sua membra seorsum retineret. Itaque uixit una ad decimam octauam Augusti, reliqua ad xix. Longitudo pollicum xx. lati

xx. latitudo autem vi. Hoc igitur fuit monstrum & geminum, & posthumum, & quod non uixit, licet fuerit nutritum. Causa Geminorum fuit ascendens bicorporum & do-



minus eius commistus alteri. Quod monstrum fuerit, facit Luna cum nodo, & Iupiter dominus trigoni coniunctionis cum nodo, & Sol in sextili Martis ex longa ascensione, secundum signa, & locum (nota bene) & in angulo & Saturnus eleuatus super omnes Planetas, ad cuius oppositum tendit Sol. Ideò etiam parum debuit uiuere hoc monstrum. Præterea Mars, qui damnat & est in angulo ascendens & Mercurius ascendentis dominus, erant in capitibus & nodis suis. Ideò satis promptè de uitij compositionis pronuntiare poteris, cum significatores ac malefice nodi iuncti sunt.

Caput

Caput nonum.

TEXTVS XXI.

De his qui non nutriuntur.

V'm reliquum sit ex ijs, quæ circa ipsam genituram spectantur de his, qui nō nutriuntur dicere, intelligere oportet hanc quæstionem interdum annexam esse illi, quæ de vitæ spatio agit, est enim vtriusque quod quæritur, idem genus, aliquando separatā esse, eò quod ipsius inuestigationis vis diuersa sit. Viuendi enim spatium in ijs consideratur, qui tempus aliquod tulerunt, hoc est non minoribus vna Solis circuitione. Tēpus enim propriè hoc vnus anni accipitur, potentia verò etiam minus est illo menses videlicet ac dies, & horæ, sed quæ de illis, qui non nutriūtur, suscipitur quæstio, in eos tantum cadit, qui ob malitiæ abundantiam minoribus temporibus decedunt. Vnde illa quidem magis variam habet pertractationem, hæc verò simpliciolem.

Hucusq; præter tractationem de parentibus licet sint gloriosa Astrologo, non tamen adeò utilia sunt, neq; tamen ipsa tractatio de parētib; uel fratribus adeò firma est, ut de proprijs effectibus à genitura sumptis. Nam monstra, sexus & numerus sensu dignoscuntur, ideò non indiget, ut querantur certa incertis modis ab Astrologo: nec etiam talia sunt per se, sed solum ut natiuitas assimilatur genituræ, quæ
causa


causa est talium effectuum. Hoc uerò, quod hîc docetur, maxime quæri solet, & adeò efficaciter, ut cùm ego implicitus alijs negotijs quibusdam nolens satisfacere, perpetuas incurrerim inimicitias, eorum qui putant magistratum, aut diuitias illos dignos efficere, ut qui uirtute præditi sint, illis inseruire debeant: quòd uideant illam turbam nebulonũ Astrologorum, tum etiam aliorum artificum, qui sine scientia, sine iudicio, sine diligentia, sine labore, plenos falsis opinionibus ac fabulis, ultro se illorum in seruitutem ingerere. Hîc itaq; præter tractationem de parentibus & de fratribus incipit solida natiuitatum explicatio atque utilissima, cuius initium est ab his, qui non uiuunt. Dicit ergo Ptolemæus, ij, qui non uiuunt, duorum sunt generum. Quidam enim non accipiunt nutrimentum, sed statim moriuntur, antequàm lac sugant, quorum tractatio est simplicissima, quia unius sunt tantum modi: alij uerò sunt, qui nutriuntur, non tamen dicuntur uiuere, quia non pertranscunt primum annum. Et tales sunt multorum modorum. Quidam enim uiuunt per aliquot horas, sed non implent diem, quidam per aliquot dies, sed non implent mensem, quidam per aliquot menses, sed non implent annum. Igitur uiuere dicuntur solum infantes, qui annum excedunt.

TEXTVS XXII.

Omnino igitur si in angulis sit alterum luminarium, & vnus maleficorum illi congregiatur siue etiam opponatur, idque partiliter & secundum figuram æquicruriam, nullo beneficorum interim affulgente, & gubernator luminarium in maleficorum locis detineatur, alij non poterit, quod natum est.

Exponit tres casus, in quibus natus non nutritur: quorum
pri

primus est, quòd luminare sit in angulo, & malefica in illius coniunctione, aut oppositione per gradum & in figura æquicruria, id est, quòd in coniunctione latitudo sit eadem, & in oppositione Solis sit in ecliptica, & in oppositione Luna habeat contrariam latitudinem. Vt pote, quòd si Luna sit in decimo gradu Arietis cum tribus gradibus latitudinis borealis, Saturnus uel Mars sit in decimo gradu Libræ cum tribus gradibus latitudinis australis: tunc enim malefica & Luna, & locus in ecliptica, malefica & Luna facient duos triangulos æquicrurios & æquales, quorum unum latus erit quarta eclipticæ, aliud erit quarta



circuli magni transeuntis per centra Luna & maleficæ: Et hæc est figura æquicruria, prout in figura uides. Aliter posset dici æquicruria, quando latitudo ex eadem parte æqualis

esset, quia arcus à polis zodiaci sunt æquales. Deinde oportet, quòd nulla benefica respiciat aliquem illorum, scilicet nec luminare nec maleficam: & quòd luminarium dispositor sit in locis maleficorum, & ita sunt quinque conditiones.

Prima luminare in angulo, secunda malefica in gradu illius uel opposito, tertia latitudo eadem in coniunctione, contraria in oppositione, quarta quòd benefica non adsit, quinta dispositor luminariū, uel dispositores in locis maleficarum. Causa autem huius est, quoniam homo non potest uiuere cum tam magno infortunio unius luminaris: at infortunium non potest esse tam magnum in luminari, nisi malefica sit in angulo: sed malefica non potest esse in angulo opposita uel coniuncta luminari per gradum, nisi luminare & ipsum sit in angulo, quare ut tam graue sit infortunium, necesse est, ut luminare sit in angulo. Et manifestū est, quòd quantò erit proximius lineæ finitoris, tātò erit certius. Secundus casus est hic.

TEX

Ad hæc non superuiuet natus, & si non iuxta figuram æquicruriam hoc accidit, sed è propinquo applicent maleficorum radij ad lumen loca, duæq; maleficæ, vel alteri, vel vtriq; noceant, aut secundum successione aut oppositionem partiliter alteri luminari altera, aut si vna quidem ex opposito, altera successione oblit, minimè diuturnum erit, quod producitur, cum prauitatis magnitudo demoliat, quicquid ad vitæ diuturnitatem succedentis maleficæ distantia facere videbatur. Insigniter verò obest per successione, vt Soli Mars, ita Lunæ Saturnus, contrà per oppositionem aut eleuationem Soli Saturnus maximè incommodat, Mars Lunæ, potissimum, si eadem possident cum gubernatoribus luminarium, & horoscopi loca.

Si non iuxta longitudinem eandem, id est, non per gradum aut non per latitudinem noceant, sed ex propinquo tantum, ita tamen ut altera secundum eundem gradum reliqua succedat eidem luminari oppositione uel cōiunctione, aut si unum luminare offendat malefica ex eodem gradu, reliqua malefica succedat reliquo luminari, sint uerò luminaria in angulis tunc & reliqua, quæ dicta sunt de beneficis et dispositore luminarium non nutrietur infans. Docet autem, quòd in successione Mars est deterior Soli interficiens propter nimiam caliditatem, & Saturnus succedens Lunæ propter frigiditatem. Contrà, in oppositione quia maior fit à contrarietate actio Mars Lunæ & Saturnus Soli. Idem in eleuatione, id est,

cum superiores euadunt malefica luminaribus, & maxime si possideant hæ malefica loca eadem, id est, iuncta sint gubernatoribus luminarium & horoscopi.

TEXTVS XXIIII.

Si verò duæ accidant oppositiones luminarium in angulis agentium, & maleficorum secundum figuram equicruriam, mortuus aut semiuuius infans educitur.

Hic est tertius casus, quando utrunq; luminare in angulis fuerit in opposito maleficarum in figura equicruria, hoc est in eodem gradu secundum longitudinem & oppositæ latitudinis, tunc infans extrahetur semimortuus potius quam semiuuius. Idem continget ubi una malefica opponatur utriq; per figuram equicruriam luminari: cum luminaria in eadem parte iuncta in angulo fuerint. Vel si malefica uniuigatur per gradum in longitudine & latitudine, alteri uerò opponatur per figuram equicruriam: maxime si Mars Soli iungatur & opponatur Lunæ, aut Saturnus iungatur Lunæ & opponatur Soli: omnes hi casus à Ptolemæo intelliguntur. Sed quia in his quinq; casibus semper quinq; conditiones præsupponuntur, ideo cum inter illas una sit quod benefica nulla se interponat, subiungit.

TEXTVS XXV.

His ita constitutis, si defluere luminaria contingat ab aliquo beneficorum, aut aliqui illi configurati, ita ut radij in partes præcedentes iaciantur, superuiuet infans pro numero partium interiectarum inter luminare & radios malefici proximè, totidem uidelicet mensibus, vel diebus, vel horis etiam, pro magnitudine

tudine prauitatis & maleficarum stellarum vi.

Cum igitur luminaria non exquisitè tetigerint maleficas, sed aliquot partibus disteterint, ita quòd benefica aliqua fuerit ante ipsum luminare, uel radios proiecerit ante ipsum luminare, tunc infans poterit uiuere tot horis, uel diebus, uel mensibus, quot fuerint partes inter luminare & maleficam, uel eius radios oppositos. Et causa est, quia luminare sit tantò robustius propter beneficam, ut non statim moriatur infans. Et hoc de horis, uel diebus & mensibus contingit secundum robur maleficæ, quæ est post luminare & alterius, quæ reliquo luminari coniungitur, uel opponitur. Similiter inspicendum est robur beneficæ, & quam propinqua sit ipsi luminari, tantò enim plus uiuet. Remota enim benefica dabit horas, tangens luminare menses, propinqua dies. Et similiter malefica ualdè potens & coniuncta, & quòd benefica iuuet horas tantum dabit debilis menses, mediocris dies. Quòd si uolueris partus uiolenti exemplum habere, habes primam genituram in fine libri. Nam Rex hic natus est matre pereunte, extractusq; ab utero.

TEXTVS XXVI.

Verum enim uerò si maleficarum radij ad præcedentia feruntur loca, beneficarum ad sequentia, quod in lucem editum est, conualefcet ac uiuet.

Expedita parte in Commento præcedenti atq; textu eorum, qui nutriuntur sed non uiuunt, antea uerò eorum, qui neq; uiuunt nec nutriuntur, in hoc præsentì textu qui est tertie partis principalis huius capitis initium, tractat de his, qui uiuunt & nutriuntur, sed tamen infelicitè nutriuntur: quales referunt historiæ Romulū & Remum, & Oedipum, & alios infinitos, qui nunc deferuntur ad loca, quæ uocant

hospitalia: olim incerti infantes feris deuorandi exponerentur, quæ uerissima historia est. Abrogata fuit consuetudo tam impia propter Romulum & Remum (ut dixi expositos) à Romanis. Plures uerò etiam sponte agrè uiuunt. Hi omnes sunt, quibus luminare est in angulo, & malefici corpus aut radij ante luminare, benefici autem post. Gratia exempli, ascendat prima pars Arietis atq; in ea Mars: Sol uerò in secunda parte: Iupiter uerò in tertia parte Sagittarij, trigono respicit partem sequentem Solis, tunc talis infans patietur nascendo, sed tamen superuiuet.

TEXTVS XXVII.

Ac rursus si quidem maleficæ supra configuratas in genitili constitutione beneuolas stellas euehuntur, uiuet in pœnam & subiectionem: si contrà hæ extollantur supra illas, expositum alijs parentibus subiicietur. Ac si beneficorum quispiam vel cooritur, vel applicat Lunæ, maleficorum uerò occidit aliquis, ab ipsis parentibus in libertatem redditum, filiorum loco enutrietur.

Nunc proponit quoniam bene tractabuntur & qui male. habet autem duplicem sensum. Primus est, quod postquam si debet nutriri, oportet ut benefica extollatur, seu sit posterior malefica: uel quod eadem malefica sit potentior eadem benefica, quia in dignitatibus suis: Et ita benefica potentior, quia malefica sit in dignitatibus beneficæ: Et hic est primus sensus. Secundus est, quod alia malefica sit potentior uel debior reliqua benefica, quæ non est cum luminari: Et hoc etiam consonat. Sed ex his colligitur tertius sensus uerior, quod utraq; benefica, utriq; maleficæ comparetur secundum quatuor modos eleuationis iam dictos. Et si uincant beneficæ, recipietur

ciepietur ab alijs pro filio, & enutrietur, tamen erit seruus. Si uerò malefica, nutrietur in poenam & seruitutem nō pro filio, sed ut catuli proiecti. Et hic mos antiquis erat notissimus: nunc propter legem Christianam omnia quoquomodo mitiora facta sunt: Ideò interpretanda sunt hæc iuxta proportionem eorum, qui ab hospitalibus educandi sumuntur. Si igitur inquit existis, qui pro filijs nutriuntur, malefica occidat, & benefica oriatur, uel Luna illi applicet, tunc educabitur uerè pro filio, uel filia instructus disciplinis & bene uersitus. Et ego memini me uidisse quendam sumptum ab hospitali educandum, qui creuit & factus est hæres domini in magnam hereditatem, & dum ego essem puer, uidi illum diutem equitantem superbe per urbem nostram. Alium scio, qui educatur uxore decipiente maritum, uel etiam marito confcio, & decipiente consanguineos in maximam hereditatem, cum sit filius pauperule mulieris & misere.

TEXTVS XXVIII.

Eodem modo in plurium genituris utendum est. Siquidem ad occasum deuoluitur quodpiam eorum, quæ duobus pluribûsue modis configurantur astrorum, semiuiuum est, & mutilum, & carnis ueluti frustum, id quod producit. Ac si supra illud euehuntur maleficæ, nutriri non poterit, & diuturnum non erit ob id quod procreatum est.

Postquàm docuit de uno tantum nato, hic declarat de pluribus, qui nascuntur. Et quia cum plures nascuntur, facilius est, ut moriantur, ideò ne quis crederet ne in geminis ac trigeminis magis, quod requirantur illæ quinq; conditiones, docet quod duæ sufficiunt, ad hoc ut moriatur, nam si astrorum unam, quæ ascendenti & duobus luminaribus imperitant,

quodq; necesse est alteri luminarium configurari, si debeant esse gemelli, uel plures, ut supra uisum est, fuerit in occidente, quod nascetur, erit oblatum ac semiuivum. Quod si præter id etiam malefica super eundem Planetam eleuetur, quod nascetur, non nutrietur. Et ita in geminis pauci seruantur, & ægrè, in trigeminis rariùs et difficiliùs, in pluribus autem aut omnino nunquam, aut uix unquam, ut supra dictum est.

Caput decimum.

TEXTVS XXIX.

De vitæ spatio.



Nter ea, quæ secundum genituram eueniunt, primo loco de vitæ diuturnitate differendum erit. Quandoquidem veterum de more ridiculum est singillatim ad illum omnia futura referre, qui ad horum tempora vitam prorogare non potest. Neq; verò simpliciter, neque leuiter huius rei consideratio instituitur, sed à præcipuorum locorum domino multipliciter captanda est. Est autem maximè nobis, naturæq; conueniens hic modus, omnino enim pendet ex Apheticorum locorum, uisq; dominantium, deprehensione amplius locorum, & astrorum interimentium. Dñjudicatur igitur horum vnumquodq; hoc pacto.

Quia iam tractauit de his, qui non nutriuntur: nunc tractat de ijs, qui nutriuntur: Et de diuturnitate uitæ illorum, quia frustra quæreretur de coniugio, & filijs, & qualitate illorum,

illorum, in eo, qui moriturus sit in pueritia, absurdius uerò scriberentur hæc, quod antiqui faciebant ridiculose satis. Veluti si quis scribat, hic natus ducet uxorem in senio formosam & diuitem, quia Venus est occidentalis iuncta Ioui in utriusque dignitate, habebitque prolem pulcherrimam. Et ita de diuitijs, de amicis, de magistratu comparando in senio, deinde ultimò subiungat (post longa scripta perplexa & dubia, qualia solent facere Astrologi nostri temporis plena contradictionibus & obscuritate) quòd morietur in prima iuuentute, nonne strenuè hic nebulo suam declarabit stultitiam? Ptolemæus igitur docet, quòd primò querenda est quantitas uitæ, deinde adiucendi casus, qui intra terminum illum uitæ continentur, ceteri omnes relinquendi. Quomodo autem debeat longitudo uitæ præsciri, docet ex tribus, loco Aphetico, id est, ab ἀφετη, quod est dimissio, & illius dominus, & tertio anæreticis, id est, interficiendis, ab ἀναίρεσις, quod est occido, ἀναίρετης, occisor. Sic dicti etiam Aphetae, quasi dimissio, ut ex loco intelligatur afflatu quodam dimitti, quasi linea quæ uitam mensuret, ut à Parcis olim antiqui fabulantur, Clotho, Lachesi, interficiens erat Atropos.

Caput vndecimum.

T E X T V S X X X.

De locis Apheticis.



Rimùm sanè existimandum est esse Aphetica loca, in quibus omnino reperiri necesse est eum, qui uelit uitæ gubernandæ iurisdictione potiri, ut circa horoscopum à quinis partibus, prius supra finitorem emergentibus vsq;

K 4 ad

ad 25. reliquas succedentes, & qui has tricenās partes dextris hexagonis radijs contingit, qui boni dæmonis locus dicitur, & qui tetragonis nimirum cœli supra terram fastigium, & qui trigonis, qui Deus appellatur, & qui oppositis, is nimirum qui in occasum prouoluitur. Præfertur cæteris cœli culmen, proximè qui circa ortum est, deinde qui cœli fastigio succedit, post qui circa occasum existit, tandem qui medium cœlum præcedit. Omne enim quod subterraneum est, meritò posthabendum est, in præclaro adeò imperij genere, eo tantum excepto, quod cum horoscopo in lucem prodit. Ex ijs etiam, quæ supra terram extant, neque illum locum, qui nullo familiaritatis vinculo cum ascendente cohæret, accipere conuenit, qui Argos, id est, piger Græcis dicitur, neque eum, qui prius exortus erat, qui mali dæmonis appellatur, quoniam astrorum ibi commorantium in terram effluxus, cum etiam ab angulo præcipitetur, turbat ac veluti abolet, quæ ex terræ humoribus nascitur fumosa tenebrositas, qua de causa suis neque coloribus, neque magnitudinibus apparent. Deinde Aphetas, siue vitæ gubernatores, accipere oportet, non quosuis, sed præcipua geniturae loca, Solis nimirum & Lunæ, horoscopum, Partem fortunæ, & horū gubernatores.

Triā

Tria proponit. Primum, qui possint esse uita gubernatores, & sunt quinque qui esse possunt, Sol, Luna, Ascendens, Pars fortunæ, & dominus horum locorum. Secundum, sunt loca in quibus positi Aphetæ possunt decernere uitam. Et sunt quinque per ordinem, primus est medium cœli, secundus est ascendens, tertius est undecima domus seu locus bonæ fortunæ, quartus est septima domus, quintus & ultimus, qui omnibus est debilior, est nona domus, quam Deum uocat. In his igitur si inueniatur unus ex illis quinque significatoribus, erit Aphetæ, id est, decernet annos uitæ & robur eius: reliquæ septem domus sunt inutiles. Manifestum est igitur, quod poterunt esse plures Aphetæ simul & plerunque contingit, ut in prima, & secunda, & tertia, & quarta genituris, quandoque unus tantum, licet rarò, in his qui adolescunt. Tertium est mensura domus et pro exemplo capiamus decimam: dicit Ptolemæus, quòd illa tenet quinque gradus ante initium, & uiginti quinque post initium, & intelligit de gradibus æquinoctialis. Veluti gratia exempli in octaua genitura medium cœli habet rectam ascensionem partium 280. minutorum 47. uolo scire, ubi uigesima quinta pars finiatur. Scio, quòd quilibet quinque gradus occupant tertiam horæ partem, igitur uigesimus quintus gradus æquinoctialis distat hora una, & duabus tertijs à cœli medio. Quære igitur gradum propè quartam partem Aquarij inuentam per regulam trium, dicendo, Si triginta gradus æquinoctialis, qui sunt inter decimam et undecimam, faciunt decemnouem ex ecliptica, quid facient uiginti quinque æquinoctialis? & facient quindecim ex ecliptica, quia medio cœli numerati finiuntur in quartam partem Aquarij. Huius igitur horaria tempora sunt undecim, & duæ tertiæ: duc in horam unam & duas tertias, et fiunt partes decemnouem, minuta uigintisex, adde ad partes 289. min. 47. fiunt partes 309. mi. 13. quibus respondent partes septem Aquarij, quod

conuenit. Conuerso modo procedendo inuenies septimā partem Aquarij iuxta Ptolemæi sententiam distare à medio cœli partibus uiginti quinque; æquinoctialibus. Quauis parum differret ab hoc, iuxta Monteregij tabulas. Eodem quoque modo faciemus, ubi uoluerimus inuenire uiginti quinque gradus undecimæ: nam uigesimus quintus gradus illius domus distat horis tribus et duabus tertijs, ab angulo mediæ cœli. Et ita in quinque gradibus anterioribus. Rarò etiā accidit, ut Apheta sit circa finem domus, ita quòd oporteat uti hac supputatio-
ne. Sed ego eam apposui, ut necessariam ad sciendum quocun-
que anno quo quisque Apheta perueniat. Nam eodem modo ad unguem operari licet.

Notandum, quòd decima domus extenditur usque ad undecimam, et undecima usque ad duodecimam, scilicet per triginta gradus æquinoctialis. Verùm Ptolemæus non uult, quòd illi quinque gradus ultimi licet habeant uim, attamen habeant eam tam magnam, ut significator uitæ ibi possit dare uitam et esse Apheta.

Notandum secundò, quòd ubi domus idonea succedit domui idoneæ, illi quinque gradus ultimi non sunt auferendi: quia licet non sint boni ratione domus, cuius sunt pars: sunt tamen boni ratione domus sequentis. Exemplum, quinque gradus ultimi nonæ, licet non sint boni pro nona, sunt tamen boni, quia sunt pars decimæ domus sequentis. Et quinque gradus ultimi decimæ, licet non sint boni pro decima, sunt boni pro undecima domo, quæ sequitur. Et ita possumus considerare nonam et decimam absque detractiōe illorum quinque graduum. Solùm ergo erunt detrahendi à prima, septima, et undecima, quia domus quæ has sequuntur, quæ sunt secunda, octaua et duodecima, non sunt Apheticæ. Et quia dixerat partem fortune, seu sortem esse unum ex locis Apheticis, illam docet in capite sequenti inuenire.

Caput duodecesimum.

TEXTVS XXXI.


De Sorte siue Parte fortunæ.

Ortunæ quidem partem colligimus ubiq; nocte, non secus ac die ex numero partium interceptarum inter Solem & Lunam, si totidem partes ab ascendente signo iuxta signorum consecutionem abijciamus, quo tunc sanè euaserit supputatio, eam signi partem, cūque locum dicimus, fortunæ sortem continere, vt quam rationem siue configurationem habet Sol ad orientalem finitoris partem, eam habeat & Luna ad partem fortunæ, & sit veluti Lunaris quidem horoscopus. Verū & illud videre oportet, vtrum luminum altero magis in consequentiā feratur. Nam si Luna, numerum partium ab horoscopo reijciendarum pro sorte fortunæ habenda, reijcere veluti consequentiā signa versus oportet. Si verò in præcedentiā magis Sole fertur Luna, versus præcedentiā.

Intendit, quod debemus detrahere locum Solis à loco Lunæ, & quod relinquitur de signis, gradibus & minutis, addere ascendenti. & ubi cadit, est locus partis fortunæ. Exemplum in quarta genitura, locus Solis est signa tria, gradus tres, minuta 52. locus Lunæ est signa 0. gradus 18. min. 9. detraho signa 3. gradus 3. min. 52. ex signis 0. gradibus 18. minutis 9. addita una reuolutione integra, id est, signis 12. quia
aliter

aliter detractio fieri nequit: relinquuntur signa 9. gradus 14. minuta 17. quibus addo signa 7. gradus 26. pro ascendente, & fiunt signa 17. gradus 10. minuta 17. Et quia excedunt unam reuolutionem, abijcio illam, id est 12. signa, & relinquuntur signa quinq; partes decem, minuta 17. quæ si numerentur ab initio Arietis, finiuntur in partibus 10. minutis 17. Virginis: Et ibi est pars fortune quartæ genituræ. Dicit igitur Ptolemæus, quod quantum distat Sol ab ascendente, tantum Luna à parte fortune. Et similiter si Luna est à coniunctione ad oppositionem, tunc Luna sequitur Solem, & pars fortune semper erit sub terra, & sequetur ascendens: quod si Luna transferit oppositionem, ipsa antecedit Solem & ita pars fortune antecedit ascendens, & erit semper supra terram. Causa igitur

huius est hæc sit Sol in A, Luna in B, & ducta fuerit AC linea à Sole ad ascendens & à Luna BD æqualis AC, tunc erit ex monstratis in tertio elementorum Euclidis arcus BD æqualis AC detracto cōmuni AD re-



linquetur AB æqualis CD. Cum igitur addiderimus differentiam Lune à Sole ascendenti consurget locus Sortis, qui est locus, ubi radius Lune à Sole refractus æqualis radio eius, quo ascendens illuminat reflectitur. Sors igitur fit ad eandem distantiam Lune à Sole ipsi ascendenti. Hæc igitur est ratio Sortis quæ in alijs Planetis non tenet, quoniam non sunt luminaria, & non reflectunt lumen Solis.

Caput decimumtertium.

TEXTVS XXXII.

Quos eligere conueniat Vitæ gubernatores.

Ræferendus sanè est in diurnis genituris Sol, si in Apheticis locis re-
pertus fuerit, sin minus, Luna: si
neque hæc, illi qui plura obtinent
ad dominādum suffragia & Solis loco & pro-
ximè elapsæ coniunctioni ac horoscopo, hoc
est, cum suffragiorum quinque genera sunt, is
qui tria ad vnum horum locorum aut plura
possidet. Postremò si neque hoc usu venit,
horoscopum præferimus. Noctu verò qui-
dem Lunam consulimus, deinde Solem, post
qui maiorem habet suffragiorum copiam ad
Lunæ locum moderandū, præcedentis quoque
oppositionis ac partis fortunæ. sin minus, si
coniunctio luminarium præcesserit, horosco-
pum accipimus. At si oppositio, partem for-
tunæ. Si neque huc licebit, horoscopus vitæ
transigendæ præerit. Si verò & ambo lumi-
naria & propriæ conditionis gubernator in
locis Apheticis fuerint, id quod maioris do-
minij fuerit, seligendum est. Tunc demum gu-
bernatores vtriusque luminibus anteferimus,
quando honorificentiores occupat locum, &
ad vtrasque conditiones gubernandi ius habet.

Tres


Tres facit ordines. primum de die præferendo Solem, si in loco fuerit Aphetico, ex quinque domibus dictis superius, & pari conditione semper intelligas: inde Lunam si Sol aptus non fuerit: inde si Luna apta non est, gubernatorem accipiemus, qui tres ex quinque dignitatibus habuerit in tribus locis, scilicet loco Solis, loco coniunctionis præcedentis, & loco ascendentis: & sit gubernator ille in loco Aphetico: Et si hic aptus non est, relinquetur ascendens. Secundus ordo est, in nocte accipiemus primò Lunam, si erit in loco Aphetico: & si non, Solem, si fuerit in illis uiginti quinque gradibus qui sequuntur ascendens: si non, accipiemus gubernatorem qui habeat tres ex quinque dignitatibus in tribus locis, scilicet loco Lunæ, loco oppositionis luminarium præcedentis natiuitatem, & loco partis fortunæ, si talis gubernator fuerit in loco Aphetico. Quod si non, si coniunctio præcessit natiuitatem, accipies ascendens, quia Sol fauet ascendenti: si oppositio, accipe partem fortunæ, si sit in loco Aphetico: si non, accipe rursus ascendens. Tertius ordo est, quod si sint tres principales Aphetæ, scilicet Sol & Luna, & gubernator locorum prædictorum in locis Apheticis, tunc præpones ex Sole & Luna illum, qui fuerit potentior. Gratia exempli, si de die Luna sit in decima, & Sol sit in nona, præpones Lunam Soli. & si Luna esset in decima & Sol in undecima, tunc erunt fermè pares. Præpone igitur illum ex his, qui fuerit in maiore dignitate. Quod si parua fuerit differentia, uide si cui illorum dominus loci coniungatur, uel cum benigno aspectu respiciat. Similiter si de nocte Luna esset in nona uel in septima, præferes Solem illi, si sit in ascendente, & maxime si fuerit iuxta gradum ascendētis: uel in dignitate sua, dummodo sit intra uiginti quinque gradus dictos. Et in his casibus indigemus magna coniectura & iudicio bono: & maxime quia ut dixi, Aphetæ, quantumcunque potens, cum cadit

cadit ab altero, nullam retinet uim, nisi sit ascendens: quia est quasi quædam alteratio & non communis administratio. Gubernator uerò debet præferri luminaribus, quando duas habuerit conditiones. prima, quòd ipse fuerit in meliore loco Aphetico, quàm luminaria. secunda, quòd habeat tres ex quinque dignitatibus, in loco Solis & coniunctionis præcedentis natiuitatem & ascendentis: & item tres alias in tribus alijs Locis, scilicet Luna & loco oppositionis luminarium præcedentis natiuitatem & loco partis fortune. Et tunc dicitur gubernator utriusq; temporis, sicut in natiuitate mea est Mercurius. Est enim dominus domus & altitudinis loci cōiunctionis, & primus dominus trigoni Solis: Et rursus dominus domus, & altitudinis loci oppositionis: Et dominus primus trigoni partis fortune. Tam coniunctio enim, quàm oppositio præcedens natiuitatem meam, fuit facta in Virgine, & locus Solis & partis fortune, fuit in Libra.

Circa quod nota tria: Primū, quod iam dictum est, sed repetito ob uehementem utilitatē, scilicet, quòd per quinq; dignitates intelligit domū, trigonum, altitudinem, finem, coniunctionem, uel aspectū qualiscunq; sit: & sub aspectu etia comprehenduntur intuitia & imperātia, dūmodo sint ad amussim, aliter non. Secundū, quòd si in natiuitate diurna præcedat opposito luminariū proximior, tamē debemus accipere locum coniunctionis, quia Sol est potentior Luna. Et similiter in nocturna, quanuis coniunctio sit proximior natiuitati oppositione, debemus accipere locum oppositionis, quia Luna fauet oppositioni, cum in coniunctione nullam habeat potestatem. Et hoc non tamen ausus fuissē dicere, nisi colligeretur à Ptolemaeo in textu. Tertium, quòd locus oppositionis etiam in hoc casu est locus luminaris, quod inuenitur supra terram tempore ipsius oppositionis: et hoc est, quia Sol propter suam magnam potentiam non patitur sibi cripi priuilegium

legium suum, quod est, quod in diurna oppositione nisi sit in gradu occidentis, locus eius debet praferri loco Luna.

Quoniam uerò res est maximi momenti praeter reliquas



genituras in quibus docetur Aphetæ, hanc præcipuè subijcere uolui, quod uerissima sit, & diu me torserit: quoniam antequàm Ptolemæi sententiam pulchrè tenerem, existimabam fieri non posse, quod uiueret propter multiplicem grauiorum Planetarum, tum inter se, tum etiam ad Solem contradictio- nem. Primum igitur timui, ne non nutriretur. Cum uerò nutrirî uisa sit, dubitabam ne non uiueret. Exacto autem anno cum non solum uiuere sed etiam longè melius cæteris fratribus suis uiderem, quippe quæ nunquàm ægrotaret, admiratus ualde, causam quærere cæpi diligenter. Verum præpeditus, aliisque interuertentibus negotijs eò usq; distuli, quoad Ptolemæi hunc librum exponerem. Nunc igitur re plenè intellectu,

intellecta, quid tanta Solis calamitas mali significaret, totque Planetæ cadentes, inuicemque radijs pugnantes, determinabo. Si igitur primum inspicis, locus Lunæ erat sub loco Lunæ patris, & in sextili ipsius Iouis ad unguem, quamobrem declarabat eam esse domum Iouis, & sub radijs Lunæ sine malo alio aspectu, quamobrem & nutriendam et plurimum patri dilectam futuram ostendit. Quo uero ad ipsam attinebat, Luna defluebat à Ioue & Veneris sextili, applicabat in alterutris dignitatibus, posita dico, altitudine, trigono, finibus Veneris, & Iouis domo, quare & nutriendam & super futuram & robustam & matrem nihil incommodi passuram (cùm optimè constituti essent illius significatores ambo & alligati inuicem) demonstrabat. Nec quicquam passa est incommodi, nisi quòd propter nodum, qui cum Venere erat in ascendente, cum quodam tumore in collo nata est, quem tamen hereditariū à patre habuit. Verum longè maior illi erat, cùm orta nuper esset, adeò ut paterna auia plurimum doleret. Sed & hic mira felicitate successu temporis euauit, qui nullo medicamento certè tolli potuisset, cùm esset Bronchoceles. Itaque falsum est, quod dicitur, connatos morbos non posse curari: nam & tumor ille oui magnitudinem implebat. Sed iam redeo ad ordinem. Quæsiui igitur de causa constantis uitæ, & animaduerti Solem, quia erat de die, esse in duodecimo loco, qui malus demon uocatur à Ptolemæo, sicut octaua Argos, neque Lunam esse idoneam, siquidem sub terra erat & in cadenti domo, quare quæsiui an quispiam esset dominus locorum diurnorum, id est, Solis coniunctionis, et ascendentis, inueni quædam esse Venerem, quæ secundum trigonum possidet in loco Solis & coniunctionibus natiuitatem præcedentis, & finem in ascendente: quare cùm sit in loco Aphetico, nec quisquam alius Planeta sit in loco idoneo præter Saturnum, qui omnino nullas habet dignitates in locis potentioribus,

ribus, Venerem statu Aphetam, præsertim quòd gubernator sit utriusq; temporis: nam præter id domina est loci Lunæ multis modis, ut dixi, & etiam eam aspiciet amico aspectu, & domina loci Sortis, & loci oppositionis præcedentis, loci quidem Lunæ domus domina est, trigoni autē Solis secunda: ipsa præterea est in dignitate sua, scilicet trigono, quare manifestum est (quod rarissimum est tamen) in hac genitura Venerem solū dominari: quod ut in uiro malum est, in muliere tamen nequaquā. Itaque educata est pulcherrimè, ac uirtutibus, quæ ad foeminas pertinent, egregiè instructa. Cūq; Luna deflueret à Ioue ad Venerem, gratijs mirum in modum pollebat, nuptaq; est satis locupleti uiro, quoniam pars fortune in finibus est Veneris, atq; in Martis trigono. Qui igitur dirigeret Venerem, sciret omnia quæ contingunt circa uitam eius, quæ erunt circa trigesimumquintum annum, trigesimumseptimum & trigesimumnonum, quos si euaserit, poterit ad maximam senectutem peruenire. Nupta est sextodecimo anno, cū Sol peruenit ad cor Scorpij, ubi erant radij quadrati Lunæ. Caterū, quid Sol significabat tam oppressus & cadens, quid aliud certè nisi patris tot persecutiones, tot contentiones, calumnias, metus, discrimina, anxietates, quæ à natiuitate puellæ ortum habentia, perpetuis septem annis cum dimidio adeò increbuerunt, ut pro miraculo magno euaserit? Et si dicas, quomodo potuit euadere, Sole & Saturno cadentibus ab angulo, Saturno etiam infelici in Leone, sine auxilijs beneficorum? Respondeo, quòd ex hoc cognoscitur consensus genitura parentum cum filiis: nam in patris genitura Sol est in cadenti, & in trino Martis: in genitura filiæ Sol rursus est in cadenti & in trino Martis: sed hoc est plus, quòd Mars est dominus loci Solis, ideò hoc unum fuit auxilium uiolentum, periculosum, infidum, donec superuenit genitura alterius filij, quam inferius exponemus.

Hanc

Hanc igitur genituram diffusius explicavi, quod multa, ut uides secreta contineat, atq; ut ita dicam, admiranda.

Arabes significatorem uitæ adesse necessarium existimant, nec sufficere solum Aphetam. Vocant autem hunc significatorem Alcocodes. Cum uerò eligunt, qui potestatem aliquam habens in loco Aphetæ ipsum respiciat, innituntur septem rationibus. Prima est, quod non deceat naturalis uitæ terminos esse fortuitos: sed si sumantur ab Aphetæ solum directio-
ne erunt fortuiti, quia ab incurso cum Anæreta. Præterea, quod multi euadunt à concursu Aphetæ cum Anæreta, & ita uidetur incerta mortis ratio hoc modo: Contra alij ante in-
cursum pereunt. Posset etiam aliquis uiuere annis propè cxxv posita prima parte Leonis ascendente sub altitu-
dine poli partium lx, & benefica respiciente primum abscis-
sionis locum. In frigidissimis etiam regionibus plus uiuerent, quàm temperatis, quod & rationi philosophorum & expe-
rimento repugnat. Ptolemæus quoq; in capite de finibus, com-
memorat numerum annorum maiorum: qui, quorsum essent, si nulli usui essent utiles: Nec ulli usui utiles esse possunt, nisi uitæ decretis ac termino. Præterea, cum uideamus & familias
quasdam non excedere certum uitæ spatium, ut de quibus-
dam Vicecomitibus, qui quinquagesimum annum non attin-
gunt. Nationes etiam quedam, ut Nasamones quinquagesi-
mum, Garamantes quadragesimum non excedunt. Verum
Ptolemæus innixus est firmissimis experimentis ac rationi.
Nam ut reliqua exempla præteream, in prima genitura in fi-
ne libri posita, nullus est uitæ significator: Siue enim ascen-
dens, siue Venerem aphetam ponas, constitues significatorem
Solem, aut Mercurium, Sol xv annos, Mercurius xx pol-
licebitur, quorum terminorum alterum excessit, alterum
longè excessurus est. Si quidem si tam propè esset in uiolenta
morte multa pericula propè terminum præcedere solent, in

naturali autem multi morbi graues, quod animaduersione dignum est. In octaua quoq; genitura siue Lunam, siue ascensum aphetam ponas, seu Iouem, uel Martem, habebis uitae significatores, quorum alter Iupiter, scilicet, quod retrogradus sit, xxxvi solum annos, Mars xlv praestabit. At tantum abest, ut intra terminos illos mortuus sim, ut nunquam ualidior extiterim, aut plura egerim, quam illis superatis. Quod cuiq; conspicuum est, qui librum nostrum de Libris Proprijs legit. Nam & maxima pars librorum perfecta ab eo tempore & edita. Itinera, congressus cum principibus, publica professio, atq; alia multa. Igitur ad primam dicimus & naturalem uitam finem habere fortuitum. Naturali morte pereunt solum, cum apheta ad suum quadratum peruenerit: atq; hic est ultimus uitae naturalis terminus in unaquaq; regione. Ad secundum non concordant processus nec ingressus, ut suo loco ostendetur. Ad tertium, qui debilem habet aphetam, & naturaliter etiam debiles ex finium malorum concursu cum processibus ex Antiscijs (Commune hoc est nomen intuentibus & imperantibus ac obedientibus) Ex occursum siue xarum maleficarum, uel in eadem longitudine, uel etiam in eodem circulo positionis, si ex familia aut gente ualde breuis uitae sint, pereunt: Quod etiam ultimo argumento satisfacit. Ad quartum fieri potest, legiturq; de duobus, quodam Ioanne de temporibus, & alio. Cum autem tot sint necessaria, uix nisi in multis seculis contingit. Ad quintum uerum est ratione periodi, non roboris naturae. Quo fit, a leuioribus anæretis intercepti, minus uiuant, quam qui in intemperata habitant regione. Quod si temperata iuxta polos posset inueniri, ut de Hyperboreis fabulantur, argumentum concluderet. Ad sextum assumpsit hoc Ptolemæus ad confirmandam rationem finium, quam intendebat. Nam & ex falso uerum sequitur: Licet autem ad hominem sermonem habenti. Præterea

tereà numerus ille in Saturno satisfacit ei reuolutionum numero, quem uocauit Ptolemæus restitutionem. In Ioue restitutionis Martis, quod malefica esset & maior, numerum derunt. Marti autem inæqualitatis solum Iouis facta commutatione. Sed non addito numero reuolutionum, quod malefica esset, quasi res hominū uoluntate agatur, non Dei imperio, illum fraudarunt: ut in capite de finibus uisum est. Sed ut ad rem reuertar, quod decepit Arabes, est, quoniam si dominus loci Aphetæ potens locum ipsum præcipuè bono aspectu aspiciat, Aphetam robustiorem reddit: atq; idè etiam uitam & robustiorem & longiorem præstat, quod nec Ptolemæus nec nos negauerimus, modò non res ad certum numerum annorum traducatur, sed ad id, quod Anæretas facillè sibi occurrentes possit superare, aut non superare. Hoc autem & ipse iubet circumspecti in capite sequenti.

Tex. 44
& 45.

Caput decimumquartum.

TEXTVS XXXIII.

Quæ nam sint vitæ moderandæ rationes.




Vm vitæ moderandæ principes indicauerimus, ampliùs huius quoq; moderationis duos esse modos intelligamus, cum qui cõsequentia signa versus instituitur, quam actinobiliam, id est, radiorum projectū dicimus, quando in orientalibus locis nimirum à coeli culmine & ascendente interceptis vitæ gubernator inuentus fuerit: & eum qui non solum consequentia versus, sed & in præcedentia signa peragitur,

L 3 quam

quam horinæan dicunt, cum in locis à culmine declinantibus reperitur.

Duos statuit dirigendi modos, alterum, qui fit dum significator uitæ fuerit à medio cæli usque ad finem primæ domus: qui est secundum ordinem signorum & secundum ascensiones ipsius Aphetæ: Et in hac locus Anereta ducitur ad locum Aphetæ secundum consequentiam signorum. Exemplum in genitura puellæ præcedentis locus Aphetæ est Veneris locus, Anereta licet non perfectus, fortasse est decima septima pars Aquarij: locus scilicet quadratus Mercurij, qui est secundum temperiem Martis, & Veneris tamen. Ideò deducemus decimam septimam partem Aquarij ad locum Veneris in nono cælo, iuxta ascensiones ipsius loci Veneris, id est, sextæ partis Capricorni in eo loco, id est, in prima & tantundem distante ab ascendente. Secundus modus est, quando significator fuerit inter cor cæli & septimum locum, uelut in genitura primo geniti mei, in qua Luna est Aphetæ, & tunc fit duplex directio, dicit Ptolemæus. Vna, quæ est eadem cum prima dicta, & est secundum successionem signorum ipsius Aneretæ ad ipsum Aphetam, secundum ascensiones Aphetæ: Et ita hæc directio est generalis omnibus Aphetis, ubicunq; constituti sint ab angulo occidentis usq; ad finem primæ domus. Sed tamen discrimen est, quòd à medio cælo usq; ad finem primæ domus directio fit, secundum ascensiones Aphetæ: ab occidente autem usq; ad medium cæli iuxta descensiones Aphetæ, quæ sunt æquales ascensionibus arcus oppositi. Secunda uerò directio est propria significatori constituto inter decimam & septimam: Et hæc fit contra successionem signorum, quia Aphetæ ducitur ad Aneretam secundum ascensiones ipsius Aneretæ. Exemplum in figura primogeniti nostri, Luna Aphetæ deducitur ad occidens per descensiones ipsius occidentis. Et ideò in primo

mo quadriennio fuit in periculo mortis, & relictus quasi mortuus.



TEXTVS XXXIIII.

His ita constitutis, interēptoriæ sunt partes secundum eam, quæ versus præcedentiâ signa fit moderationem occidentalis finitoris, sola eò quòd dominum vitæ labefactet.

Docet in conuersa directione esse tantum unum Anaretam, id est, occidentis angulum. Et hoc est proprium illi secundum: nam primum fuit, ut Apheta dirigeretur ad Anaretam per descensiones Anaretæ, id est, occidentis. Non igitur Saturnus, aut Mars, uel alia stella ante Aphetam posita, occidere potest. Nunc subijcit tertium proprium, quod est:

L 4 TEXTVS

Syderum verò occurrantium aut testificantium partes adimunt tantum vel adiiciunt annos ihs, qui à vitæ moderatore colligebantur, vsq; ad occasum illius, & nō interimunt, quod non in locū Apheticū hæ impingant, sed contrā. Ac adiiciūt sanè benefici, malefici adimūt. Mercurius vti solet, eorū se attemperat moribus, cū quibus corpore, vel radijs cōmittitur.

Sydera igitur aut radij interpositi inter locum Apheticum & occidentem non occidunt, quia dicit talia non impingunt in locum Apheticum, id est, non mouentur uersus locum Apheticum, sed potius Apheta ad Anaretam. Ex quo patet illud, quod aliās dixi in Ephemeridum supplemento, scilicet quòd in directione directā Anareta deducitur ad Apheticum locum, non autem Apheta ad Anaretam. Qui locus est, ut dixi, Apheta in nono orbe fixus: Anareta autem mobilis, ascendensque ad Apheticum locum secundum signorum successionem: Veluti in tertia genitura. Ascendens est locus Apheticus, septima Aquarij est leuis Anareta, septima Piscium est Anareta potens: dicemus, non quòd ascendens perueniat ad septimam partem Aquarij in annis xL, uel ad septimam Piscium in annis LVII, sed quòd septima Aquarij, & septima Piscium in dictis temporibus perueniat ad ascendens. Dicit ergo Ptolemaeus, quòd radij uel Planete, qui sunt ante Aphetam in occidente, non occidunt, sed si fuerint benefici, addunt annos, menses & dies retardando descensum Aphete ad gradum occidentis. Et si fuerint malefici, detrahunt annos, menses & dies accelerando descensum Aphete ad gradum occidentis. Quantum autem addant, uel minuant, declarat in sequenti textu, dicens:

TEXT

Numerus autem temporis adiecti ablatiue colligitur ex partium vnus cuiusq; situ. Quot enim fuerint horaria tēpora vnus cuiusq; partis interdiu diurna, nocturna noctu, tot significantur anni, qui sanē numerus cum in ortu fuerit, integer seruandus est, & secundum discessus ab ortu proportionem attenuandus, donec ad occasum in nihilum abeat.

Vbi paulo tempestiuor esset tertia figura, Luna fuisset Apheta: quia fuisset in gradibus ante nonam, qui pro nona accipiuntur. Sit igitur ita ut Luna sit Apheta, quando quidem in exemplis nō curamus de ueritate, sed claritate dicendorum. Vides igitur quot radij intercidunt, inter Lunam & gradum occidentis, primum quidem trigoni Saturni, qui nihil addunt neq; minuunt, quia sunt radij amici maleficæ: Velut neq; sextiles Martis: Rursus neq; radij Solis, Veneris aut Mercurij, quia omnes sunt naturæ mediæ, & etiam quia quantum addunt radij quadrati, tantum adijcient trigoni, cum ambo cadant inter Lunam & occidentem. En uides iam octo radios, qui tamen nihil faciunt intercideri inter Lunam & gradum occidentis. Relinquuntur ergo soli radij sextiles Iouis, qui addunt. Quantum uerò addant, exemplo docendum est, nisi enim exemplo docuerimus, in re difficilima nihil peragetur. Dicit igitur, cape partem horariam loci Iouis nocturnam, non quia natiuitas nocturna sit, sed quia Planeta, cuius sunt radij, id est, Iupiter est sub terra: Si autem esset supra terram, caperes partem horariam diurnam. Hanc igitur sic habebis in tabula quantitatis dierum, quæ maximè necessaria est huic negotio, sub altitudine poli quadraginta octo graduum, inuenies arcum semidiurnū tertiadecimæ partis geminorum,

horarum septem, minutorum quadraginta nouem, cuius residuum ad duodecim, est arcus seminocturnus, scilicet horarum quatuor, minutorum undecim, qui queritur. Hanc multiplicata per duo cum dimidio (Et est ac si reduceres horas in minuta multiplicando per LX & diuidendo per $xxxi$), productum ex sex horis, qui est numerus arcus semidiurni, uel seminocturni in quatuor numerum minutorum horæ, in quibus unus gradus ascendit) & fiunt gradus x , minuta $xxvi$. Et hæc sunt horaria tempora. Vide igitur quantum Iupiter distet a gradu occidentis, & patet ex modo, qui inferius tradetur, quod distat ferme per horam. Multiplicata igitur numerum horarum distantia, id est, i. in gradus x , minuta xxx , fiunt rursus gradus x , minuta xxx , diuide per xii , semper i. numerum horarum temporalium arcus nocturni, si Planeta qui radios proiecit sit sub terra, uel diurni sit supra terram & exhibunt minuta lii unius gradus: quibus dando quinque minuta pro quolibet mense, sicut menses decem, dies decem octo addendi tempori directionis Lune ad gradum occidentis.

Nota, quod dantur horæ æquales & horæ temporales: horæ æquales dicuntur, in quibus ascendunt semper quindécim gradus ex æquinoctiali: Et sunt uigesima quarta pars unius diei naturalis, id est, ab uno meridie ad unum meridiem sequentem, nec uariantur æstate, nec hyeme, nec die, nec nocte. Horæ autem temporales sunt duorum generum, diurnæ atque nocturnæ: Et sicut diurna est duodecima pars temporis, quod intercipitur inter ascensum alicuius puncti eclipticæ ad descensum eius in occidente, ita nocturna hora temporalis est duodecima pars eius temporis, quod intercipitur inter descensum alicuius puncti eclipticæ in occidente, & ascensum eiusdem in oriente. Et hæc hora temporalis fit maior uel minor tribus modis. Primus est ratione puncti ce

Et ecliptica, quia alie sunt horæ temporales Virginis & sunt longæ, alie initij Libræ & sunt eadem cum equalibus, alie Scorpionis, & sunt breuiores equalibus. Secundus est ratione regionum: quia horæ temporales initij Geminorum in nostra regione continent unam horam æqualem & quatuordecim minuta: Londini autem horam unam æqualem & xxi minuta. Tertius modus est diurnæ & nocturnæ, quia hora temporalis initij Geminorum diurna continet, ut dixi horam unam, & quatuordecim minuta ex equalibus: nocturna uerò initij Geminorum solum continet minuta xlii horæ æqualis. Horaria igitur tempora uocantur numerus graduum æquinoctialis & minutorum qui ascendunt in quocunque hora temporalis. Arcus autem diurnus seu tempus diurnum alicuius puncti, est tempus in quo ascendit arcus contentus inter illum punctum & oppositum, secundum successionem signorum. Veluti arcus diurnus seu tempus diurnum initij Cancrī, est tempus in quo ascendunt Cancer, Leo, Virgo, Libra, Scorpio, Sagittarius. Nocturnum uerò tempus seu nocturnus arcus dicitur, in quo ascendit arcus interceptus inter punctum oppositum, & punctum illum. Velut arcus nocturnus quintadecimæ partis Cancrī est, in quo ascendit arcus contentus inter quintadecimam partem Capricorni, & quintadecimam Cancrī secundum successionem signorū, id est, ultimi quindecim gradus Capricorni, totus Aquarius, Pisces, Aries, Taurus, Gemini, & primi xv gradus Cancrī. Ex quo patet, quod si arcus diurnus, seu tempus diurnū alicuius puncti est prolixum, quod signa quæ succedunt illi puncto, tardè ascendunt, et reliqua quæ antecedunt illū punctum iuxta ordinem signorū celeriter ascendunt. Quod si tempus diurnū fuerit breue, erit contrario modo. Similiter si nocturnū fuerit breue, erit sicut de diurno lōgo: et si nocturnū fuerit longum, erit sicut de diurno breui. Hec uolui diffu

diffusius declarasse, quia sunt maximè necessaria ad sequētia.

TEXTVS XXXVII.

Secundum eam, quæ in sequentia signa fit, moderationem, interficiunt loca maleficorum Saturni & Martis, siue corpore ipso siue radijs vnde libet tetragonis, aut oppositis occurrantium.

Perfecta expositione conuerse directionis, nunc aggreditur directam, & exponit quæ omnino occidunt per se, licet nec illa tamen semper: & sunt sex, Saturni corpus & Saturni oppositum, Martis corpus & Martis oppositum. Saturni & Martis quadrata. Deinde subiungit etiam de quibusdam, quæ non per se interimunt generaliter.

TEXTVS XXXVIII.

Aliquando verò è signis dicto eorum audientibus aut aspicientibus secundum æquipollentiam: Tetragonus quoque Aphetico loco radius interimit, si est iuxta signorum consecutionem. Aliquando è signis longarum ascensionum iam deprauatus hexagonus, quemadmodum è signo breuium ascensionum trigonus.

Docet modò Anæretas, qui non per se occidunt generaliter, sed tantū cum aliqua conditione, & sunt nouem. Primus & ualidior ex his est radius quadratus sinister ipsius Aphetæ, id est, qui procedit secundū successionem signorum. Cuius exemplum uisum est in genitura Pauli tertij Pontificis satis manifestè. Nā in Scotia & Anglia ubi ascendat initium Aquarii, sitq; Apheta, radij quadrati sinistri cadunt in initium Tauri, quod deductum ad ascendens ad illud peruenit anno XL. in

nostra

nostra uerò regione in anno LII. Ne forsā credas longissimè hanc directionem semper protrahi: Causa huius est locorum natura cōtraria. Quòdque iam ab initio repugnabant hi loci, ut etiam de intuentibus ac imperantibus locis dicemus. Vnde manifestum est, quòd si trigonus maleficæ quadrato ab initio Aphetam respiciētis occurrerit, Aphetæ certius interueniet ipso quadrato per se. Et similiter trigonus opposito aspiētis Aphetam maleficæ. Et rursus sextilis quadrato respiciētis. Duo alij Anæretæ sunt Saturni & Martis ex locis intuentibus: ut pote si Apheta sit in prima parte Geminorū & Anæreta in ultima parte Cancrī, in his requiritur, ut ab initio Anæreta sit in intuente cum Aphetico, deinde ubi peruenerit Anæreta ad Aphetam, interficit. Hæc conditio non est necessaria in aspectibus, scilicet quòd Anæreta si sit in Tauro, & projiciat radios quadratos in Aquariū, & Sol sit in Sagittario, poterunt radij illi quadrati interficere, quanuis Saturnus ab initio nō respiciat Solem quadrato radio. Hæc igitur conditio est necessaria in intuentibus, nisi sint ualde senes: quia etiam absq; illa potest interficere. Eadē conditio requiritur in imperantibus & obedientibus. Demū dicit, quòd trigoni etiam maleficarum, quādo fuerint per signa breuium ascensionum, ut pote quòd Saturnus sit in Geminis, & trigonus eius cadat in Aquariū, tunc poterit interficere. Sic etiam ex Cácro in Pisces: Velut si Saturnus sit in sextadecima parte Piscium, radij trigoni eius cadent in sextadecimam partem Cancrī. Et ita cum in nostra regione differentia ascensionum sextadecimæ partis Cancrī, & sextadecimæ partis Piscium sit nonaginta partes ex equinoctiali, talis trigonus equipollebit quadrato iuxta motum primi mobilis, & ex consequenti occidet. Ex quo patet, quòd intelligit de trigono, cuius ascensiones sint propè nonaginta gradus. Similiter & de hexagono, qui amplectatur arcum longissimæ ascensionis, uelut in nostris

nostris regionibus inter initium Leonis & initium Libræ, ubi
intercipiuntur partes octuaginta.

Ex his sequitur, primò quòd Ptolemæus accipit aspectus
Planetarum ex consimili gradu & minuto in consimilem gra-
dum & minutum absq; ascensionibus mistis: Aliter trigonus
breuium ascensionum, uel quadratus longarum non interfice-
ret. Oportet autem, quòd istud eueniat in parte orientali,
ubi signa breuium ascensionum celeriter ascendunt, & lon-
garum tardè.

Item nota, quòd Ptolemæus fingit duos aspectus. Vnum in
æquinoctiali, & alium in zodiaco, & nunquàm miscet illos.
Et hæc est causa, quòd ipse dicit undecimam semper respicere
primam de sextili: Et medium cœli primam de quadrato, &
initium nonæ primam ex trigono: & tamen contingit in alti-
tudine poli quadraginta octo graduum ascendente quinta
parte Geminorum, quintam partem Aquarij esse in medio
cœli & ita horoscopus aspicere medium cœlum trigono ra-
dio ad unguem. Idem dico de sexta parte Geminorum ascen-
dente. Rursus in eadem altitudine ascendente tertia parte
Capricorni, initium nonæ domus erit tertia pars Libræ, &
ita horoscopus aspiciet nonam de quadrato. Igitur Ptole-
mæus uult, quòd fingamus duodecim signa in æquinoctiali,
sicut etiam in zodiaco: & demus triginta gradus cuilibet
domui ex ipso æquinoctiali, & tunc uera erunt ambo illa:
primum, quod dicit Ptolemæus quòd prima respicit undeci-
mam de sextili semper, & decimam de quadrato, & nonam
de trigono, & quòd nunquàm respicit duodecimam domum
neq; octauam. Secundum, quod dicit Firmicus, quòd si ascen-
dens sit in Ariete, medium cœli erit in Capricorno, & oc-
casus in Libræ, & imum cœli in Cancro. Et similiter si ascen-
dat Gemini, medium cœli erit in Piscibus, occasus in Sagit-
tario, & imum cœli in Virgine: Et hoc erit uerum semper,

Ubiq; gentium de signis æquinoctialis, non zodiaci. Quod ego non intelligens alias erravi, & feci errare multos, sed nostræ sinceritatis semper fuit magis diligere ueritatē, quā gloriam, uel utilitatem: quā in parte felices fuimus, & omnes mortales superauimus aut æquauimus. Quod enim alij magno dedecori sibi ascriberent, fateri tam ingentem errorem atq; diuturnum, nos pro gloria insigni ducimus calcasse factum existimationis ob ueritatem. Sed huic errori ansam præbuit Paris Ceresarius, uelut & ueritatis cognitioni librorum Ptolemæi diligens interpretatio, collocatūque illius uerba cum Ioannis Montereij uiri nostræ ætate eruditissimi sententia.

Ergo ut ad rem reuertar, explicato iam magno tenebrarum chaos, dico quòd aspectus ipsi ad unguem in ecliptica sumi debent: cum uerò inter illa duo puncta tantum clauduntur per circulos positionis ex æquinoctiali, quod referat partem alterius aspectus, tunc oportebit utriusq; aspectus naturam considerare, & iuxta uincientem iudicare: Et hoc quantum ad uitam, & reliqua: quia omnia gubernantur à duobus motibus: quorum unus est ab occidente in orientem, iuxta mensuram eclipticæ: quia illa uelocissimè mouetur: quoniam æquidistat à polis. Et alter est ab oriente in occidentem, cum mensura sumitur ab æquinoctiali eadem ratione: nam & æquinoctialis uelocissimè mouetur.

TEXTVS XXXIX.

Et cum Luna uitæ moderationem iniit, Solis quoque locus interimit.

Contingit hoc, ut inferius exponit, quotiescunq; sub radijs Solis aliquis maleficus sine benefico extiterit, uel si Sol malefici radijs imbuatur. Velut princeps malo consultore
utens

utens, nocet non per se. Fieri tamen potest, ut Sol solus etiam perdat, quando Sol in contrario loco fuerit. Corpus enim eius immoderatè calidum est, radij autem non interficiunt.

TEXTVS XL.

Valent enim iuxta hanc vitæ moderationem, hi occursus ad perdendum, aut feruandum, posteaquàm in ipsum moderatoris locum feruntur. Non tamen semper existimandum est, & in vniuersum interficiendi vim habere hæc loca, sed cum malè affecta fuerint: Impediuntur enim, si in benefici alicuius terminum incidunt, & si beneficorum aliquis radium eò eiacularur tetragonum, aut trigonum, aut oppositum sanè ad ipsam partem interemptricem, siue ad partes proximè sequentes, in Ioue non vltra duodenas, in Venere non supra octonas. At si corpus vtrunq; dum est, & quod occursat, & quod moderatur, non sit eadem vtriusq; latitudo. Quando igitur duo aut plura fuerint utrinq; quæq; iuuent, quæq; interimant, videndum penes quæ victoria sit, idque & secundum numerum & secundum virtutem. Secundum numerum, quando scilicet euidenter plura fuerint hæc illis. Secundum virtutem, si iuuantium aut interficientium stellarum hæc quidem in domesticis locis inueniuntur, illæ verò non, maximè cum hæc quidem orientales sunt, illæ verò occidentales. Omnino verò

earum

earum, quæ radijs obrutæ sunt, nullam accipere conuenit, nec ad interficiendū, nec ad commodandū operam, nisi quod cum Luna vitæ moderatrix est, ipse quoq; Solis locus interficit, quando malefici alicuius congressu oppressus, à beneficorum nemine iuuatur, aut liberatur.

Postquàm docuit quæ per se generaliter, quæq; per se, sed non generaliter, quæq; neq; per se nec generaliter occidunt, ostendit modò, quando occidant, & quando non. Tria enim sunt impedimenta quare non occidant: uel quia Anæreta sit in termino benefica, uel quia benefica proijciat radios quoscuq; seu trigonos, seu oppositos, uel quadratos, uel sextiles, uel ibi sit corpore post Anæretam, ita tamen ut Iupiter corpore, uel radijs non plus distet duodecim gradibus, & Venus octo: Hæc enim sunt quantitates luminum horum Planetarum, ut in primo libro ostensum est. Quia quauis Iupiter diametro uisibili non sit maior Venere: quia tamen ista operatio fit per radios in octauo orbe, & Iupiter est propior octauo orbi, quàm Venus: Ideò maius est lumen Iouis, quàm Veneris. Similiter si latitudo diuersa sit Anæreta cum Apheta: Vtpote quòd Apheta sit in parte boreali, & Anæreta in parte australi, hæc tria scilicet impediunt. Nec tamen dicit, semper impediunt, quia fieri potest ut malefica sit potentior, uel auxilio alterius malefica, uel etiam per se. Et ideò oportet, dicit, comparare hæc testimonia inuicem numero, & robore. De numero satis patet, quia tria testimonia plus possunt quàm duo, & duo quàm unum. Et hoc est per se clarum. De uirtute, quia ille qui est in dignitatibus suis, & orientalis, & liber à radijs Solis, plus potest occidentali peregrino, uel eo, qui est sub radijs Solis. Ita quòd intelligas dicit

M

Plane

Planetam, qui sit sub radijs Solis, nihil penitus iuuare neque obesse, nisi in uno solo casu, quando Luna fuerit Aphetæ, & malefica fuerit sub radijs Solis, tunc ipsa est causa, ut radij Solis interficiant, cum radij Solis ad Lunam peruenerint. Et per contrarium uoluit intelligi, quod si benefica ponatur loco maleficæ cum Sole, tunc radij Solis non interficient.

TEXTVS XLI.


At verò annorum numerus quem interstitia illa reddunt quæ inter vitæ moderatorem & interfectorem intericiuntur, non simpliciter sanè, neq; vt se obtulerit accipiendus est, sicut plurimi tradiderunt, ex ascensionis temporibus semper vniuscuiusq; partis, nisi tunc demum cum ipsa oriens cœli pars vitæ gubernatorem adepta est, aut quippiam proximè illi cooriens. Vna verò ex omnibus ratio reliqua est ijs, qui naturæ consentaneam considerationem instituunt, videre, quot æquinoctialibus temporibus sequentis corporis aut irradiationis locus in præcedentem secundum ipsam genituram, peruadat, eò quod æquinoctialia tempora æqualiter transeunt, & finitorem & meridianum, ad quos locorum similitudines accipiuntur, & valet vnumquodque huiusmodi tempus vnà in Solis conuersionem.

Quando igitur in ipso oriëntali finitore fuerit vitæ moderator & præcedens locus, ascensionis tempora partium interiectarum vsque
ad

ad occurſationem conuenit accipere, tot enim temporibus æquinoctialibus interſector in vitæ gubernatoris locum, hoc eſt, in orientalem finitorem fertur. Quādo verò in meridie repertus fuerit, rectæ ſphæræ aſcēſiones quantis vnaqueq; ſectio meridianum perambulat. Cū autem in occidentali finitore verſatur, quantis ſingulę intercapedinis partes occidūt, hoc eſt quantis oppoſitæ illis oriuntur. Cū autem præcedens locus in hiſ tribus limitibus non reperitur, ſed medio inter hos interuallo, non amplius dictarum aſcenſionū aut deſcenſionum, aut cœli culminationum tempora ſequentia loca ad eaſdem cum præcedentibus ſedes perferunt, ſed diuerſa. Similis ſanè & idem locus eſt, qui ſimilem eiſdēq; in partibus ſitum habet, & ad finitorem, & ad meridianum: Illud verò proximè accidit eiſ, quæ ſub eodem ſemicirculo ſunt ex eorum genere, qui deſcribūtur per ſectiones finitoris & meridiani: quorum ſinguli iuxta eandem poſitionem horam proximè æqualem efficiūt, cūmq; circunducitur circa dictas ſectiones, in eundem quidem ſitum inciditur cum finitore & meridiano, tranſitus verò ſigniferi, tempora inæqualia vtrobiq; efficit: eodem modo etiam iuxta aliarum diſtantiarum ſitus per inæqualia illis tempora tranſitiones conficit.

In dirigendo Apheta, potest esse uel in ipso horoscopo ad unguem, uel in ipso coeli medio ad unguem, uel in ipso gradu occidentis, uel in loco intermedio inter duos ex his angulis: utpote uel inter occidentem & medium coeli, uel inter coeli medium & horoscopum, uel inter horoscopum & imum coeli, ubilibet sit inter duos angulos duobus modis id contingere potest: uel quod Anereta sit inter duos eosdem angulos, uelut in prima genitura posita Venere Apheta, locus Anereta est corpus Mercurij, & ambo Planetae sunt inter horoscopum & imum coeli: Vel Anereta est ultra angulum, uelut in tertia figura. Si Luna esset Apheta, tunc Anereta esset corpus Saturni, & Luna esset inter occidens & medium coeli, & Saturnus inter medium coeli & ascendens. In omnibus igitur his est unus modus dirigendi: Et est ut fiat per circulum positionis transeuntem per locum Aphetae deducendo Aneretam usque ad illum, & numerando partes aequinoctiales quae in ista deductione transiuerunt circulum ipsum positionis, & numero illi adde septuagesimam secundam partem semper, cuius non meminit Ptolemaeus, cum eam superius in primo libro nobis insinuauerit. Numerus igitur collectus graduum erit numerus annorum uitae, & pro minutis quae erunt ultra gradus, dabis quinque dies & duas horas pro quolibet minuto. Quando igitur Apheta fuerit in circulo positionis horoscopi, tunc erit in horizonte in parte orientali: & fiet directio per gradus ascensionis tuae regionis. Si uero Apheta fuerit in medio coeli, erit circulus positionis circulus meridianus, & fiet directio per ascensiones rectas. Si uero Apheta fuerit in occidente, erit circulus positionis finitor in parte occidentis, fietque directio per descensiones obliquas illius regionis quae sunt eadem ad unguem, cum ascensionibus obliquis puncti oppositi. Si uero Apheta fuerit inter istos locos, seu angulos, faciemus directiones per semicirculum positionis transeuntem

euntem per locum Apheta. Et si semicirculus positionis fuerit orientalis, faciemus per ascensiones ipsius circuli: si occidentalis, per descensiones quæ sunt eadem cum ascensionibus



puncti oppositi. Sed hic mentem apponere decet: quia si Anæreta fuerit inter eosdem angulos inter quos est Apheta, ut in natiuitate primogeniti mei, quando Saturnus & Mars deducuntur ad Lunam, tunc tota directio fiet secundum descensionem Apheta, id est, Lunæ: uel si Luna esset in parte orientali, fieret iuxta ascensionem ipsius Apheta. Verum quando Apheta est ante cœli medium & Anæreta post eundem angulum, qui sequitur Aphetam, ut in tertia genitura posita Luna Apheta (quæ utinam esset) esset Saturnus Anæreta, tunc in hoc casu Ptolemæus dirigit medium cœli ad Aphetam, id est, Lunam per ascensiones ipsius Apheta, utpote Lunæ. Deinde dirigit Anæretam ad angulum medium, utpote

coeli medium per ascensiones ipsius anguli, quæ sunt ascensiones rectæ, & has duas ascensiones iungit, & numerus qui consurgit addita septuagesima secunda parte (hoc enim semper intelligitur, & intelligi uolo, etiam si non addatur, non addam autem in posterum breuitatis causa) est numerus annorum, mensium, & dierum uitæ illius. Si autem Apheta sit ante ascendens, Anæreta post, directio tota fit per ascensiones Apheta, quia non uariatur ascensio in descensionem, ut in priore. Ideo huius exemplum non dedit Ptolemæus.

Pro quo notandum est, quod circulus, qui transit per uerticem nostrum & polos mundi, uocatur meridianus, & hic secat æquinoctialem ad angulos rectos: Et hic est primus circulus positionis: Secundus est finitor, cuius uertex est quasi polus, & licet hic secet æquinoctialem in partes æquales, non tamen ad angulos rectos, nisi sit finitor in sphaera recta. Hic igitur finitor obliquus secat meridianum tantò inferius polo mundi, quantò uertex distat ab æquinoctiali. Cum igitur polus mundi semper distet ab æquinoctiali nonaginta partibus, erit ut communis intersectio meridiani & finitoris, cum sit infra polum mundi, ut dixi, multò plus distet ab æquinoctiali per partem superiorem, quam per partem inferiorem: adeo ut Mediolani ubi A, id est, uertex, distat ab æquinoctiali partibus x l i i i i & tertia, communis intersectio meridiani & finitoris distet in parte superiore gradibus c x x x i i i i & tertia, & ex inferiore partibus x l v, & duabus tertijs tantum. Et licet finitor non secet æquinoctialem ad angulos rectos, sed, ut dixi, inclinetur ad partem inferiorem: attamen quia secatur à meridiano ad angulos rectos finitor ipse, ideò isti duo circuli, scilicet finitor & meridianus, diuidunt æquinoctialem in quatuor partes æquales: ita quod à meridie
ad

ad ascendens sunt semper nonaginta partes ex æquinoctiali:
 li: Et ita ab oriente ad imum cœli: Et ab imo cœli ad oc-
 cidentem: Et ab occidente ad medium cœli, semper sunt
 nonaginta partes, ut dixi æquales ex æquinoctiali. Inter
 hos igitur duos circulos, scilicet finitorem & meridia-
 num, qui & ipsi positionis sunt, sed tamen propria habent
 nomina, omnes semicirculi ducti ab intersectione commu-
 ni, ad intersectionem communem, uocantur semicirculi po-
 sitionis. Et si sunt inter orientem & meridiem, sunt ascen-
 sionum: Et si inter meridiem & occidentem, descensionum:
 & qui supra terram, diurni: & qui infra terram, no-
 cturni. Et qui transeunt per triginta gradus distantes à fi-
 nitore uel meridiano, appellantur semicirculi positionis
 domorum, & sunt octo. Qui igitur transit triginta par-
 tibus distans à medio cœli uersus orientem, seu duabus ho-
 ris, est semicirculus positionis undecimæ domus. Qui ue-
 rò ab oriente distat duabus horis, seu triginta gradibus
 uersus meridiei circulum, est semicirculus duodecimæ do-
 mus. Et ita qui distat ab ascendente uersus imum cœli, tan-
 tundem est semicirculus secundæ domus: & qui distat ab
 imo cœli uersus orientem, tantundem est semicirculus ter-
 tiæ domus: Et qui distat ab imo cœli secundum succes-
 sionem signorum partibus triginta æquinoctialis, seu horis
 duabus, semicirculus est quintæ domus. atque ita de alijs.

Quomodo autem fiant directiones, si quis scire uelit,
 quatuor sunt modi. Primus est per spheram solidam, quem
 Ptolemæus insinuat, & hic est optimus, sed duas habet diffi-
 cultates. Primam, habendi spheram exactam: secundam
 conseruandi eam: si tamen habeatur, inseruit omni loco &
 omni figuræ. Secundus est per Astrolabium, hic est optimus,
 facta tabula conuenienti regioni tuæ. Sed non seruit omnibus
 regionibus nec tam exacte. Ideò Ptolemæus non meminit eius.

Tertius est per tabulas exactissimas Ioannis de Regiomonte, qui ætate nostra laborem hunc illustrem & difficillimum suscepit. Sed si conficiendi difficultas, operandi difficultatem leuasset, aut operandi difficultas parem laboribus utilitatem afferret, certè omnino illis uti præstaret. Quartus est per tabulas, in quibus primum præsupponit nos habere tabulam ascensionum rectarum & quantitatis dierum: hisceq; contentus est: hocq; quia breues sint, & facillè habeantur.

Licet etiam per has tabulas conficere tabulam ascendentis & medijs cœli hoc modo: Quære ascensionem rectam ascendentis propositi, & eiusdem arcum semidiurnum, quem per x multiplicabis, & quod producit, detrahe ab ascensione recta inuenta: Et ei quod relinquitur quære gradum & minutum correspondentem in tabula ascensionum rectarum, & is punctus erit in medio cœli, dum propositus punctus erit in ascendente. Exemplum, sit ascendens decimaquinta pars Sagittarij perfecta, eius recta ascensio est Par. 253. min. 42. Arcus semidiurnus in regione nostra horæ 4. mi. 25. Duc per 15. fiut Par. 60. mi. 375. quæ in partes deducta, faciut Par. 6. mi. 25. Productum igitur est Par. 66. min. 15. hæc detracta à Par. 253. min. 42. relinquunt Par. 187. min. 27. Quibus respondent Par. 8. min. 6. Libræ in tabula ascensionum rectarum. Dum igitur ascendunt partes 15. Sagittarij perfectæ, in cœli medio sunt partes 8. minuta 6. Libræ. Ex hoc igitur poteris facere tabulam in quacunque regione in qua cuiuscunque gradus cœli medijs ascendens correspondens cognoscatur, & uersa uice.

TEXTVS

XLII.

Vna tandem nobis erit institutio, cuius opera, siue orientalem, siue meridianum, siue occidentalem, siue quemcunque alium situm habeat

habeat locus præcedens, id quod respondet temporibus prætergredientibus loci sequentisprehendetur. Cum enim acceperimus culminatē signiferi partem, & amplius præcedentem & insequentem, primum contemplantur præcedentis situm, quot horis temporalibus distet à meridiano, numerantes quæ inter illam & cœli medium intersint, siue supra terram, siue subtus in recta sphaera ascensiones: Et diuidentes in multitudinem horariorum temporum ipsius partis præcedentis, siquidem supra terram fuerit, diurnorum: sin minus, nocturnorum. Et quoniam quæ eisdem temporalibus horis distant à meridiano signiferi partes, sub vno eodémque continentur prædictorum semicirculorum, spectare oportebit post quot æquinoctialia tempora sequens locus paribus horis distabit à meridiano eodem, quas postquam collegerimus, videbimus quot secundum eum qui prioris partis erat situm, æquinoctialibus temporibus abest pars sequens à medio cœlo per ascensiones iterum in recta sphaera collectas. Et quotquot æquales horas reddit locus præcedens, multiplicantes in multitudinem horariorum temporum Partis sequentis, si quidem ad cœli medium comparatio fiat diurnorum, si verò ad cœli

imum nocturnum, cum exorta ex superatione vtriusq; distantie tempora acceperimus, quæditorum annorum multitudo innotescet.

Duo hic docet. Primum, querere horas temporales hoc modo: quare horaria tempora Apheta, & per illa diuide distantiam eiusdem à cœli medio per ascensiones rectas, & quod exit, est numerus horarum distantie Apheta ab ipso medio cœli. Exemplum in nostra genitura, cœli medijs recta ascensio fuit partes 289. min. 45. Ascensio recta loci Lunæ partes 343. min. 14. Differentia igitur erit Par. 53. min. 29. Horaria tempora loci Lunæ sunt Par. 13. min. 52. diuide Par. 53. min. 29. per Par. 13. min. 52. prodeunt hor. 3. min. 52. distantie loci Lunæ à cœli medio. Exemplum aliud, in prima genitura uolo distantiam Lunæ ab imo cœli, accipio differentiam ascensionum rectarum utriusq;, quæ est Par. 73. min. 23. Horaria tempora 29. partis Capricorni nocturna, quia Luna est sub terra, sunt Par. 20. min. 22. diuide Par. 73. min. 23. per Par. 20. min. 22. exeunt horæ tres min. 35. Et hæc uia exactissima est, & minus laboriosa circulis positionis: Et est Ptolemæi. In qua semper si Apheta sit supra terram, debes accipere differentiam ascensionis rectæ à cœli medio, & diuidere per horaria tempora diurna. Si autem infra terram, accipies differentiam ascensionis rectæ ab imo cœli, & eam diuides per tempora horaria nocturna, & exhibunt horæ temporales. Si igitur Apheta fuerit inter medium cœli & ascendens, exhibunt horæ temporales distantie sequentis. Si autem inter cœli medium & occidens distantie antecedentis. Et ita inter ascendens & imum cœli distantie antecedentis, inter imum cœli & occidens sequentis. Quia, ut dixi, quartæ cœli oppositæ sibi inuicem respondent. Et sit exemplum in octaua genesi, ponamus quod uelim distantiam Martis tanquam significato

eatoris (hoc enim loco Aphetæ nomine omnem intelligo significatorem, sicut Aneretæ promissorem) Ascensio recta Martis est Par. 69. min. 45. imi cœli Par. 19. minu. 45. Differentia est Par. 40. minu. 0. Horaria tempora nocturna loci Martis sunt Par. 11. min. 12. diuide Par. 40. min. 0. per Par. 11. min. 12. exeunt hora 3. 34. distantia antecedētis Martis ab imo cœli. Hoc uolui etiam adiecisse, quia in directione occidentis ad Aphetam qui est inter cœli medium & occidens, accipere oportet horaria tempora Aphetæ pro temporibus loci occidentis. Exemplum, uolo dirigere Martem in genitura filij mei natu maioris ad occidens, ita ut occidens habeat locum promissoris, Mars significatoris: Dispono ut uides, & duco Par. 67. min. 20. in Par. 18. min. 57. fiunt Par. 1275. min. 58. diuide per hor. 18. min. 37. exeunt Par. 68. min. 32.

Quæ si detrahantur

		Differentia	Rect.	Hor.	Tem.
à partibus 113. min.	Mars	67	20	18	37
45. relinquetur distantia Martis ab oc-	Occidens	113	45	18	57

cidente Par. 45. min. 13. Et ita patet, quod hæc non est eadem directioni ascendētis ad oppositum loci Martis. Nam oppositum loci Martis distat ab ascendente Par. 44. min. 10. Et per hunc modum dictum patet modus fabricandi domos iuxta Ptolemæi sententiam: quæ differt à sententia Ioannis Montæ regij aliquantulum. Sed Ptolemæus non curat exactam notitiam. Modus igitur talis est, undecimæ initium differt hor. 2. à cœli medio, duodecimæ autem hor. 4. tertia ab imo cœli hor. 2. secunda ab eodē horis 4. Et oppositæ domus habent easdem distantias ab oppositis locis, ut nonæ initium à medio cœli hor. 2. octauæ autem horis 4. Igitur inuenies partem illam, cuius tempora horaria ducta per numerum horarum distantia domus à cœli medio producant differentiam rectæ ascensionis à cœli medio. Idem de imo cœli. Exemplum, cœli medium
pri

primæ genituræ habet rectam ascensionem Par. 44. min. 30.
 Pars 27. Geminorum distat à cœli medio Par. 42. min. 13. Et
 hoc est ad unguem, quod producit ex 2. numero horarum
 distantia initij undecimæ à cœli medio in Par. 21. min. 7.
 quæ sunt horaria tempora 27. Partis Geminorū diurna. Igi-
 tur initium undecimæ domus secundū Ptolemæum est 27. pars
 Geminorū. At apud Monteregium, ut dixi, est discrimen: nam
 ipsa est prima pars Cancrī. Inuēta ergo differentia horarum
 Aphetæ à cœli medio, ubicunq; sit Apheta, quæres horaria
 tempora Anæretæ diurna, si Apheta sit supra terrā: noctur-
 na, si sub terra. quæ multiplicata per horas distantia Aphetæ
 à cœli medio, & quod producit ubi Apheta sit inter ascen-
 dens & cœli medium, detrahe à differentia ascensionis rectæ
 Anæretæ & medij cœli, uel si Apheta sit inter cœli medium
 & occidēs, Anæretæ inter cœli mediū & ascendens: adde, uel
 si uterq; sit inter cœli medium & occidens, detrahe differen-
 tiam ascensionum rectarū à producto, & quod sit, est nume-
 rus par. & min. directionis. Quod si Apheta sit in ipso cœli
 medio, cum nullæ sint horæ distantia, fiet directio per ascen-
 siones rectas. Si uerò Apheta sit sub terra, operaberis, ut di-
 ctum est per horas distantia & differentia ascensionis rectæ
 ab imo cœli: Aut cum punctis oppositis, nam idem numerus
 prouenit. Manifestum est igitur, quod nō possunt esse plures
 his quatuor differentiis: Aut enim Apheta est in cœli medio,
 & nihil additur differentia ascensionum rectarum: Vel diffe-
 rentia iungitur producto & Apheta tūc est inter cœli mediū
 & occidens, Anæretæ inter cœli medium & oriens: uel pro-
 ductū detrahatur à differentia, & tunc Apheta est inter cœli
 medium & ascendens. Vel differentia detrahatur à producto,
 & tunc Apheta & Anæretæ sunt ambo in medietate occi-
 dentali. Hac igitur ex causa Ptolemæus quatuor exempla
 subiecit. Vnum scilicet pro singulo modo, dicens:

TEX

Exemplum.

Vt euidentius fiat quod diximus, ponatur præcedens locus initium Arietis. Verbi gratia, sequens Geminorum principium, regio verò, ubi maximus dies est, horarum quatuordecim. Horaria igitur magnitudo initij Geminorum est temporum æquinoctialium septendecim & 8. scrupulorum proximè & oritur primum initium Arietis, ita vt m. c. occupet initium Capricorni, & dissideat à cœli fastigio Geminorum principium 148. 47. Cum igitur Arietis initium distet à meridiano horis temporalibus senis, has ducentes in 17. 8. quæ sunt tempora horariæ magnitudinis principij Geminorum, quandoquidem à cœli culmine est temporum 148. distantia, habebimus & huius distantie tempora 102. 48. Post superationis huius tempora 46. locus sequens in præcedentē fertur. Tot verò sunt etiam ascensionis tempora proximè Arietis & Tauri, posteaquàm locus Apheticus in horoscopo ponitur. Ponatur similiter m. c. occupare initium Arietis, vt absit secundum primam positionem, principium Geminorum à cœli culmine temporibus æquinoctialibus 58. Quoniam igitur ex secunda positione oportet cœli medium occupare locum Apheticum, habebimus

bimus prioris distantiae excessum illū ipsum, nimirum 58. temporum, quibus rursus eod quod in medio cœlo sit locus Apheticus, meridianum prætergreditur Aries & Taurus. Rursus occidat ad eundem modum principium Arietis, vt medium cœlum occupet initium Cancrī. Distet verò à cœli culmine initium Geminorum præcedentia versus temporibus æquinoctialibus 32. 16. Quoniam igitur sex iterum horis temporalibus abest à meridiano Arietis initium versus occasum, si septies decies eas sumpserimus, habebimus 102. 48. tempora, quibus aberit à meridiano Geminorum exordium, quando occidit. Aberat verò & iuxta primum situm versus eandem partem temporibus 32. 17. In temporibus igitur supra terram 70. 32. in occasum fertur. In quibus etiam descendunt Aries & Taurus. Oriuntur verò his opposita signa, Libra & Scorpius. Ponatur igitur in nullo angulorum initium Arietis. Distet verò, verbi gratia, versus præcedentia à meridie horis temporalibus tribus, vt medium cœlum teneat Tauri pars decima octaua. Distat verò iuxta primum situm principium Geminorum à cœli fastigio versus sequentia temporibus æquinoctialibus tredecim. Si igitur rursus 17. 8. tempora in tres horas

ras multiplicauerimus, distabit etiam iuxta se-
 cundum situm Gemínorum principium à lí-
 nea mediꝝ cœli versus antecedentia temporibus
 51.24. Omnia verò tempora constituentur
 64.24. Absoluerat autem per suam motio-
 nem, cum oriretur locus Apheticus, tempora
 46. cum cœli meditullium occuparet tempo-
 ra 58. in occasu 70.32. Differt igitur iuxta si-
 tum intra medium cœlum & occasum colle-
 ctus temporum numerus ab utroq; aliorum:
 Fit enim temporum 64. Differt autem pro ra-
 tione excessus triũ horarum, quandoquidem
 in integris secundum angulos acceptis qua-
 drantibus duodecim temporum, erat in ab-
 scessu verò trium horarum sex temporũ. Post-
 quàm verò eadem ferè ratio in omnibus serua-
 tur, fieri potest, vt ad eundem modum simpli-
 ciori via ingrediamur. Rursus enim cum in or-
 tu est pars anterior, ascensionibus vtetur in-
 ter eam & sequentem interceptis: cum in cœli
 medio est, iisdem recta sphaera desumptis, cum
 in occasu, descensionibus. Quando verò me-
 dijs horum interstitijs, vt exempli gratia in
 prædicta distantia Arietis, primũ accipie-
 mus tempora, quæ sese offerunt vtriusq; angu-
 li proximí. Inueniemus autem, cum post me-
 diꝝ cœli lineam supra terram posuerimus, ini-
 tium Arietis, intra culminantẽ & occidentem
 angulum

angulum intercedentia tempora 64. proximè
 vsque ad initium Geminorum : Culminatio-
 num verò 58. obituum 70. Deinde discamus
 (vt prædictum est) quot horis temporalibus
 distet anterior locus ab alterutro angulorum.
 Quotacumq; enim hæ pars fuerint horarum
 temporalium quadrantis sex, totam partem
 superationis vtriusq; per angulos delationis
 auferemus, adiiciemusve angulo vnde com-
 parationem accepimus. Vt quoniam prædi-
 ctorum terminorum excessus est temporum
 duodecim, ponebatur verò abesse anterior lo-
 cus ab vtroque angulorum horis æqualibus,
 temporalibus tribus, quæ semissem reddunt
 sex, accipientes verò & 12. temporum semis-
 sem & adiicientes ad 58. aut à 70. auferentes
 inueniemus superationem 64. temporum. Si
 verò duabus temporalibus horis abesset ab
 alterutro angulorum, quæ trientem consti-
 tuunt sex horarum. Trientem quoq; supera-
 tionis temporum 12. nimirum 4. siquidem dua-
 rum horarum distantia à medio cælo pone-
 bantur, adiecerimus sanè temporibus 58. Si
 verò ab occasu, subduxerimus à 70. Sic igitur
 nobis temporum interiectorum magnitudo
 conuenienter rationi inuestiganda est.

Facile est inuentis addere : absq; enim horis distantia, &
 subtracta una operatione poteris omnes directiones perfice-
 re. Adno

re. Adnotabis primum omnibus Aphetis & Anaretis, locisq; principalibus, & si uelis etiam fixis stellis ascensionem suam rectam, seu si melius uelis differentiam ascensionis rectæ ab ascensione recta mediæ cœli ex tabula, quam hic subiiciemus, in inferioribus signis addēdo gradus 180. Et ē directio horaria tempora, quæ ex tabula quantitatis dierum posita in Ephemeride, sic habebis: multiplica numerum horarum & minutorum meridiei, uel mediæ noctis, per duo cum dimidio, & quod prouenit, est numerus graduum & minutorum temporum horariorum. Exemplum, uolo tempora horaria sextæ partis Tauri, uideo sub altitudine poli quadragintaquatuor graduum nostræ ciuitatis ē directio sextæ partis Tauri scriptum sub horis & min. 6. 54. multiplico per duo, & dimidium, sunt 15. 135. resoluo 135. diuidendo per 60. & habeo 2. grad. 15. min. addo 2. grad. ad 15. grad. quæ erant cum min. 135. fient horaria tempora sextæ partis Tauri in nostrâ regione grad. 17. min. 15. Et hæc sunt diurna, quia Taurus est ex signis interioribus seu borealibus. Adnotabis autem semper diurna tempora horaria, ne fiat confusio. Si autem opus fuerit nocturnis temporibus horarijs, detrahe diurna ex 30. & confestim habebis nocturna. Velut in exemplo, uolo horaria tempora nocturna sextæ partis Tauri, detraho tempora horaria diurna, quæ sunt partium 17. min. 15. ex triginta partibus relinquuntur Par. 12. min. 45. pro temporibus horarijs nocturnis sextæ partis Tauri. His sic dispositis, si Apheta seu significator sit supra terram, multiplica differentiam rectam Aphetæ seu significatoris. (Sic enim uoco differentiam ascensionis rectæ illius a cœli medio) in horaria tempora Anarete seu promissoris (quia etiam sunt directiones pro alijs causis quam pro uita) & quod producit, diuide per horaria tempora significatoris, & illud quod exit, addes aut minues a recta differentia promissoris, uel rectam differentiam

N

rentiam

rentiam promissoris minues ex illa secundum quadruplicem illam distinctionem superius datam, & quod relinquatur, est numerus annorum.

Exemplum in figura Ioannis Baptiste filij mei, uides, quod Luna est Apheta, quia Mercurio dispositori desunt due conditiones. Prima, quia non est gubernator utriusque temporis, cum non habeat dignitatem in loco oppositionis nec partis fortunæ. Secunda, quia est remotior ab angulo septimæ quam Luna. Igitur uolo eam dirigere ad Saturnum & Martem, accipio differentias ascensionis rectæ, Lunæ, Martis & Saturni ab ascensione recta medij cœli, & scribo illas è directo, ut à latere uides. Inde quia significator est supra terram, adijcio horaria tempora diurna singulis, ut à latere uides. Pro Saturno igitur multiplico

		Differentia	Rect.	Hor.	Tem.
grad. 18. min. 42. hora	☿	108	10	19	5
raria illius tempora in	♄	72	10	18	42
differentiam rectæ Lu-	♂	67	20	18	37
ne, quæ est grad. 108.					

min. 10. Et fiunt par. 2022. min. 43. quæ diuido per horaria tempora Lunæ quæ sunt Par. 19. min. 5. exeunt Par. 105. min. 57. Et quia Apheta & Ancreta sunt inter angulum occidentis & medium cœli, idè detraho ab hoc producto differentiam rectam Saturni, quæ est Par. 72. min. 10. Et relinquuntur partes 33. min. 47. quæ sunt anni 34. menses 3. dies 4. Similiter pro Marte multiplico horaria tempora illius quæ sunt grad. 18. min. 37. in differentiam rectam Lunæ quæ fuit grad. 108. min. 10. & fiunt partes 2013. min. 42. quæ diuido per horaria tempora Lunæ, quæ fuere Par. 19. min. 5. exeunt Par. 105. min. 32. à quibus detraho Par. 67. min. 20. differentiam rectam Martis relinquuntur Par. 38. min. 12. quæ sunt anni 38. menses 8. dies 26. Manifestum est igitur, quod in his temporibus erit in maximo uitæ periculo. Deinde

sicua

si euadet, dirigam Lunam ad oppositum Iouis & sextilem So-
lis, quæ pertinget post triennium ad illum locum, id est, finito
quadragesimo primo anno ætatis, & erit magna felicitas, si
potuerit eam expectare. Rursus uolo dirigere ascendens ad
Iouis corpus, seu potius corpus Iouis ad ascendens (Non
enim facio discrimen in uerbis. Dixi enim etiam Lunam ad
Saturnum & Martem & oppositum Iouis, cum iam decla-
rauerim superius semper promissorem dirigi ad significato-
rem) Duco grad. 65. min. 36. differentiam rectam ascenden-
tis seu significatoris in grad. 11. min. 32. horaria tempora
promissoris fiunt partes 754. min. 43. quæ diuido per hora-
ria tempora loci Iouis

quæ sunt grad. 11. min. Differentia Rect. Hor. Tem.
2. et exeunt, partes 68. Ascend. 65 36 11 2
min. 24. quas detraho, Iupiter 112 34 11 32

à differentia recta Iouis, & relinquuntur Par. 44. min. 10.
id est, anni 44. menses 9. dies 14. Et idem numerus fiet, si
sumpseris ascensiones obliquas nostræ regionis inter ascen-
dens & secundam partem Aquarij, quo tempore si superui-
xerit magna habebit incrementa felicitatis propter trigonum
Solis cum oculo Tauri positum. Igitur cum omne negotium
duabus tantum tabulis, scilicet ascensionum rectarum &
quantitatis dierum absoluitur, nec quicquam desideretur
(nisi uelis hæc postmodum pro fixis stellis oculata fide in so-
lida sphaera, quemadmodum ego soleo plus uoluptatis & ioci
causa, tempusq; transigendi quam necessitatis ullius, intueri)
præter has quarum altera iam in Ephemeridibus, ut dixi de-
scripta est, placuit reliquam hic subiungere.

Ceterum quod ad textus expositionem attinet, nihil est
nisi ut numeri qui in plerisque codicibus corrupti habeban-
tur, recte se habeant, quamobrem ad sequentia transeun-
dum est.

Tabula ascensionum rectarum.

	♈	♉	♊	♋	♌	♍						
	♎	♏	♐	♑	♒	♓						
	G	G	M	G	M	G	M	G	M	G	M	
1	0	55	28	50	58	50	91	6	123	15	153	4
2	1	50	29	48	59	53	92	11	124	17	154	1
3	2	45	30	46	60	56	93	17	125	19	154	58
4	3	40	31	44	61	59	94	22	126	21	155	55
5	4	35	32	42	63	2	95	28	127	23	156	52
6	5	30	33	40	64	5	96	33	128	24	157	48
7	6	25	34	38	65	9	97	38	129	26	158	45
8	7	20	35	36	66	13	98	43	130	27	159	41
9	8	16	36	35	67	17	99	48	131	29	160	37
10	9	11	37	34	68	21	100	53	132	29	161	33
11	10	6	38	33	69	25	101	58	133	29	162	29
12	11	1	39	32	70	29	103	3	134	30	163	25
13	11	57	40	31	71	33	104	8	135	30	164	21
14	12	52	41	30	72	37	105	13	136	30	165	17
15	13	47	42	30	73	42	106	18	137	30	166	12
16	14	43	43	30	74	47	107	22	138	29	167	8
17	15	39	44	30	75	52	108	27	139	29	168	3
18	16	35	45	30	76	57	109	31	140	28	168	59
19	17	31	46	31	78	2	110	35	141	27	169	54
20	18	27	47	31	79	7	111	39	142	26	170	49
21	19	23	48	32	80	12	112	43	143	25	171	44
22	20	19	49	33	81	17	113	47	144	24	172	40
23	21	15	50	34	82	22	114	51	145	22	173	35
24	22	12	51	36	83	27	115	55	146	20	174	30
25	23	9	52	37	84	33	116	58	147	18	175	25
26	24	5	53	39	85	38	118	1	148	16	176	20
27	25	2	54	41	86	43	119	4	149	14	177	15
28	25	59	55	43	87	49	120	7	150	12	178	10
29	26	56	56	45	88	54	121	10	151	10	179	5
30	27	53	57	47	90	0	122	13	152	7	180	0

TEXTVS

Discernemus verò deinceps in vnaquaque prædictarum occurfationum aut obituum iuxta ordinem ab ijs qui temporis breuiffimi sunt, acceptum & interemprices & scalares quæq; alias per traiectiones eueniunt, prout inficitur occurfus aut iuuatur, ad eum quem diximus modum, & pro singulorum occurfuum temporali exitu. Afflictis enim simul & locis & in exitu annorum reuolutione stellarum inficiente, præcipua loca, mortem certam expectare oportet. At si alterutrum horum humanæ naturæ laboranti succurrat, affultus magnos & graues, utroq; verò iuuante, languores tantum aut damna & deportationes temporales, horum peculiari ratione accepta ab occurfantium locorum ad genituræ negotia, neceffitudine.

Docet duo, primum de interficientibus, secundum de climaticis, id est, qui inæqualiter ac quasi repente afficiunt uitam: quia quandoq; iuuantur per traiectiones aut leduntur, seu per occurfus, quemadmodum superius dictum est. Nam tales finientibus etiam annis per reuolutionem stellarum in progrefione, ut in quarto libro habebitur: Si ab utroq; ledantur, mors certa est. Si uerò unum iuuat, alterum ledat (Hoc autem prætermittit) dubium est de uita. Sed ideo prætermisit, quia est ac si nihil iuuaret aut lederet. Si uerò unum iuuat, reliquum non iuuat, neq; ledat, erunt magni infultus & graues: non dico pericula tantum, sed cum periculis

Ca. 8. & 9.
& ultimo.

lesiones. Si uerò utrunq; iuuet, pro morte erunt morbi, pro paupertate, iactura pecuniarum, pro supplicio exilia, pro iactura existimationis peregrinationes iuxta peculiarem rationem locorum occurrentium ipsi significatori. Hæc autem sunt adiecta ob tres causas: prima, ut doceret promissores semper aliquid præstare, non semper omnia quæ pollicentur, & quando, & quomodo, & cur. Secunda, ut ostenderet artem esse infinitam, & quæ iudicio & coniectura ac existimatione solum perfici posset. Tertia, ut declararet hoc caput non solum inferuire uitæ cui nuncupatum est, sed etiam omnibus alijs causis, scilicet dignitati, diuitijs, itineribus, atque alijs omnibus quæ sitis. Exemplum habes locuples in nostra genitura, quo potes multum te adiuuare: anno trigesimo sexto ætatis, Saturnus peruenit ad ascendens, & erat in proprio trigono & sinibus & inimicus ascendenti, idè debuit omnino interficere. Verum quia radij Veneris & Mercurij cadebant post illum gradu uno cum dimidio, & Venus erat amica ascendenti, carpentum habens in illo & Mercurius in natura Veneris dominus trigoni loci in quo est & loci Saturni, & ascendens robustum propter Iouis præsentiam, & quasi geminatum Apheta, cum radijs Lune sextilibus et ipsa domina ascendentis et in proprio trigono, non interfecit, sed dedit fluxam urinæ non inuoluntarium sed potius multitudinem tantum, à qua perfectè nunquam potui liberari. Et ne credas me nugari, quandoq; perseuerat per aliquot dies ad multitudinem unciarum fermè centum, nec tamen lesus ne factus macilentus ob hoc: Et manifestum est quòd fit à frigiditate. Et medicus absurdus Astrologiæ imperitus, solum uidens primam indicationem, curando me cum frigidis, ut quidam consulebant, interfecisset. Et causa quare tot Planetæ auxiliares non potuerunt liberare, est quia Luna est debilis in duodecima, Iupiter retrogradus, peregrinus, dominus

octauī loci & extra ascendens secundum longitudinem, Venus & Mercurius debilissimi in sexto loco, & uespertini de nocte & quasi sub radijs, & Mercurius præter id retrogradus. Et hoc exemplum, si bene animaduertis, docet te infinita. Et ego utor exemplis in mea genitura & filiorum tantum, cum plurimæ aliæ sint illustrissimæ, quia ubi de directionibus agendum est, exquisitissima temporis notitia opus est, ne artificis error in alijs arti tribueretur.

Notandum quod ex hoc textu Ptolemæus insinuat ipsummet punctum concursus radij Anæretæ uel corporis eius cum Aphetæ esse obseruandum, & in eo fieri effectum. Quia dicit, quod si processus aut ingressus non conueniat, non interficit: Ergo non expectat congressum in operando, sed statim operatur. Attamen dico, quod post etiam & antè operatur, cum processus conuenerit: & quandoque interficit, cum in ipsa hora congressus non interfecerit. Vnde duo magni morbi si bi inuicem succedentes, paruo interuallo, indicant mortem in secundo: quia indicant, uel quod concursus præterijt sed à processu impeditus prius, post adiutus & ita interficit, uel adiutus congressus in primo morbo, sed non perfectus, in secundo perfectus interficit. Et ita punctus ipse aliquid semper operatur: non negat Ptolemæus propter hoc, quod in sequentibus uerbis & in ultimo capite operis dicit, concursum quanuis imperfectum, adiutum processu, perficere opus.

TEXTVS

XLV.

Nihil verò prohibet interdum dissidentibus ijs, penes quos interimendi ius esse oportet, occursum singulos æstimantes, aut ijs maxime uti, qui ad exitum euentuum, & ad ea, quæ post consequutura sunt, comparati

N 4 esse

esse videntur, aut omnium pro virium magnitudine valentium, obseruationem instituere, eorum vehementiam & imbecillitatem hñdem rationibus coniectantes.

Causam subiectarum nostrarum geniturarum diximus esse exactam notitiam illarum: nec consensus illarum inter se tum paternæ, tum etiam auitæ parum facit. Itaq; & illud adieci-
mus, peculiarem necessitudinem locorum obuiantium ad genituræ loca esse obseruandam. Veluti si qui iuuat aut nocet, parti fortune imperet, erit id ob diuitias. Quòd si itin-
rum loco erit, detrimentum in itinere, si noceat. Si autem in-
uet, ex transmutatione aeris uel itinere ad balneas. Rursus, si
ascendenti dominetur iuuëtque, ipse industria & animi
fortitudine euadet: si noceat, despondebit animum, uoletque
quoquomodo mori. Quod etsi per se rarum sit, frequenter
tamen contingit ob alias causas: Velut desperationem, iram,
timorem, luctum. Adijciunt alij quòd Iupiter auxilia signifi-
cat per medicos in morbis, & in uiolentis à magistratibus.
Venus uerò in uiolentis ab amicis gratia, largitionibus: In
morbis autem diuinam quandam & certè incognitam sana-
tionis rationem pollicetur. Velut per somnia, præcantatio-
nes, fortuitòsque quosdam casus. Cui etiam opinioni Ptole-
mæus consentit.

Ceterum, quod ad textum præsentem attinet, si duo uel
tres Anæretæ simul obuiant, morietur certè. Sed unde mors,
duo dicit obseruanda Ptolemæus, & tertium insinuat. Pri-
mum est, ut à robustiore sumas indicationem, ueluti radij op-
positi corpore sunt potentiores: corpus radijs quadratis: si-
nistri radij quadrati potentiores dextris: quoniam in sinistris
Planeta imitatur eum, qui se toto corpore inicit in ictum, in
dextris qui se retrahit. Similiter stantes & in angulis robu-
stiores

stiores sunt motis, & cadentibus: & directi retrogradis: & aucti motu tardè se mouentibus, & dignitatem habentes in loco ubi manent, & ubi radios proijciunt, quàm si in altero locorum uel ambobus sint peregrini: & ascendentes & absidem magis, quàm descendentes: & commisti alijs Planetis uel fixis, quàm solitarij: & propè eclipticam, quàm remoti: & boreales, quàm australes: & orientales occidentilibus: & supra terram, ijs, qui infra terram: & diurni de die nocturnique de nocte, quàm contrario modo: & in masculinis signis, quàm foemininis: & iuxta quatuor puncta cardinalia maximè uernum & æstiuum, quàm in alijs locis, & in fixis signis, quàm mobilibus uel communibus: & generaliter Saturnus ualidior est interfector, quàm Mars, & in morbis maximè. Secundum est, quòd debemus præponere cum, qui consentit cum alijs, ueluti si Saturnus & Mars sint Aneretæ, Saturnus significet mortem per morbum, Mars uiolentam: Sol uerò significet publicam: Vel Mercurius latronem & furem, uel iupiter significet iudicium & damnationem à iustis uiris, tunc dicemus, quòd morietur morte uiolenta, & non ex morbo. Et si incidant in eadem tempora, Saturnus significabit morbum succedentem cruciatibus tormentorum & tristitiæ ac mœrori animi, & squalori ac pædori carceris. Tertium, quod insinuat Ptolemæus,

est quòd si aliqua calamitas publica accedat,

utpote strages in prælio, naufragium,

pestis, morietur ex illa Ane-

retæ afflictione, quæ

illi magis cala-

mitati con-

grua fue-

rit.

N S

Caput

Caput decimumquintum.

TEXTVS XLVI.

De forma & temperatura corporis.

Narrata à nobis de vitæ spatio per-
tractatione, dicamus secuti præscri-
ptam ab initio seriem, de forma &
corporis declinatione. Quandoqui-
dem quæ corporis sunt, natura ante animam
finguntur, & corpus cum sit densius, cogna-
tas ferè habet peculiarium suarum commistio-
num apparitiones. Anima non nisi post, &
paulatim infusas sibi à prima origine dotes in
lucem profert. Quæ verò extra nos sunt, suc-
cedenti magis deinceps tempore aduentant.
Osservare igitur vniuersim oportet orienta-
lem finitoris partem, & succedentes, aut gu-
bernandæ eius ius possidentes erroneas, sicut
diximus. Partim verò & Lunâ similiter. Nam
ex horum locorum iusq; imperantium infor-
mandi nativa vi, & horum temperatura, am-
plius ex coascendentium ipsis fixarum stella-
rum delineatione, ea, quæ ad corpus fingen-
dum spectant, colliguntur: ita tamen, vt pri-
mas tribuamus stellis, penes quas dominandi
ius est: secundas ipsorum locorum peculiari
naturæ. Primum igitur si quis illud singulari
&

& simplici via prosequatur, hunc habebit modum.

Dicit, tria sunt, de quibus sermo habendus est: corporis effigies, animi qualitates, & fortunæ casus. Corporis effigies statim apparet, ut homo natus est: animi qualitates aliquantò post, tardius fortunæ casus. Igitur primum de corporis effigie tractandum est. Hæc igitur sumitur ab octo rebus per ordinem. Prima est dominus ascendens. Et secunda dominus loci Lunæ. Tertia locus ascendens ab horizonte usque in finem domus. Veluti si ascendat in prima genitura uigesima pars Leonis, capiemus Solem pro parte minore, sed Mercurium pro maiore, quia plus est de signo Virginis longè, quàm Leonis. Quarta, est locus Lunæ. Quinta, stellæ coascendentes domino ascendens. Sexta, stellæ coascendentes domino loci Lunæ. Septima stellæ coascendentes ascendenti. Octava, stellæ coascendentes loco Lunæ. Ista igitur sic se habent per ordinem: ita tamen, ut multum faciat linea finitoris, sicut & in dominis coascendentes per centrum stellæ: quia remotio per unum gradum, non dat dimidium affectus: Et per duos gradus quartam partem. Volo dicere, quod si aliquis Planeta sit in linea finitoris, & alius sit propè unum gradum domino ascendens, quanvis dominus ascendens sit in primo ordine, & ascendens in tertio: tamen plus poterit stella quæ est in finitore, illa, quæ est cum domino eius. Neque esset inconueniens, quod ascendens præferetur domino loci Lunæ: quia textus Græcus habet, ἡνι μεγὸς δ'ε, καὶ τὸν δ'ωσάτω, & non ἡνι μεγὸς. Et mihi placet hæc opinio. Vtunque sit, uni Planetæ plura ex his contingant, plura etiam posse consentaneum est, uelut in octaua genitura Venus, Luna & Iupiter multiplices habent potestates singuli. Iupiter est in finitore, & est dominus loci Lunæ: Venus domina
loci

loci Luna, & ascendens, solium habens in utroq; Luna per
 se significat, dominâq; est ascendens, & ipsum sextili aspe=
 ctu respicit. Planeta autem, qui commiscetur illis, sunt Ve=
 neri quidem Mercurius, propter coniunctionem & Saturni
 radij trigoni. Luna uerò Mars, propter quadratum & ca=
 put Persei. Nam eo ascendere dicuntur, quotiescunq; fuerint
 in eodem semicirculo positionis superius declarato. Hoc au=
 tem si uelis inuenire per planisphærium licebit, melius etiam
 per sphaeram solidam. Non ueto, quin per tabulas Ioannis
 Montereij id peragas. Et sunt exactiores instrumentis, nisi
 instrumenta sint magna ualde: tamen usus tabularum est tæ=
 diosus, laboriosus, & periculosus de errore. Et maximè, quia
 Montereijus malè fecit in hoc, quod non apposuit rationem
 operationum, quam uidemus in tabulis Alphonsi: adeò ut nisi
 sit peritissimus Mathematicus, oportet ut perpetuò inha=
 reat regulæ & tabulæ Montereij: quod ipse studiosè fecit,
 ut homines essent serui libri eius. Vnde iuste à patre meo re=
 prehēdebatur. Nam homo fit obnoxius errori trifariam. Pri=
 mum, si tabula aliqua in parte mendosa sit. Secundum, si sini=
 stre aliquo modo regulam intelligas, quod faciliè euenit inter
 tot uarietates latitudinis borealis, australis ascensionis rectæ,
 obliquæ, arcus nocturni uel diurni, totius uel medietatis in me=
 dietate, descendente uel ascendente super terram uel infra ter=
 ram: ob id meo iudicio optima est sphaera solida magna, uel
 planisphærium magnum & ad amussim ex ære factum. Nos
 tamen aliquando, si licebit (Est autè breuis res, utpote duo=
 rum foliorum) rationem harum tabularum explicabimus.
 Nunc autem sufficiat monuisse lectorem, qui his cum ratione
 uti uoluerit, ut quemadmodum fabricatæ sint, intelligat. In=
 telliget autem aliò quin iam, exercitatus tamen, si tabularum
 eiusdem Montereij de primo mobili regulas seu propositio=
 nes diligenter fuerit assequutus. Ceterum, ut ad rem reuer=
 tar, in

tar, in presenti negotio, postquam res per circulos positionis agitur & corpulenta est, corpusque Planeta aut stella non uirtus sola requiritur, non minor utiq; habenda est latitudinis ratio, quam longitudinis, quod peculiare ferme est huic negotio de forma corporis habenda, atq; proprium.

Verum dubitabit aliquis, nonne considerata erunt in hoc regio, & ciuitas, & uictus ratio, atq; parentum forma? Nam uidemus plerumq; filios esse parentibus similes, qualis est filia mihi: alios auis, ut natu maior meus ad unguem similis patri meo? Respondeo, quod de patria & ciuitate & modo uiuendi Ptolemæus superius in primo libro satisfecit. quia cum hic dicit, quod Saturnus facit nigrum, si sit occidentalis, intelligemus de Germano, quod non erit niger, sed obscurior alijs. Et Iupiter orientalis facit Aethiops splendidior & nitidior carne, non albos. Et ita omnia quæ subiunguntur, intelligi debent & referri ad homines, qui eisdem muris circum ambiuntur. Porro quod ad parentes attinet, & auos, & patruos, & fratres, quoniam iam genituras consentire necesse, demonstratum est. Illud uero in quo consentiunt, etiam in ipsa genitura comprehenditur, si uniuersam illam explicauerimus. Explicabimus & partem, qua natus suis maioribus aut fratribus assimilatur. Adeo ut illa similitudo tanquam pars in toto contineatur. Quod si quis parentes agnoscat, priusquam iudiciū fecerit, nihil prius habebit, quam ut quod intellectu concepit, melius exprimendo ac sensui propius ueriora dicere uideatur, ac non nati formam descripsisse, quod Astrologi proprium est, sed depinxisse potius, quod Physionomi officium est. Sed quod ad effigiem attinet, quæ ex laboribus mutatur, ut in rusticis: uel ex arte, ut in ferrarijs fabris, uel ex uitæ miseria, ut in pauperibus: uel ex morbo, uel ex casibus, non est hic sermo: quanquam de casibus sequenti capite dicturi sumus. Illud quoque non est prætermittendum omni

Com. 17.
& 18

omnino , ut quæ hîc de parentibus & de maioribus , tum de patria ac ciuitate ac consuetudine obseruanda esse diximus , aut omittenda , ut non necessaria , sed solum utilitatis causa consideranda pro effigie corporis inquirenda , eadem ad unguem etiam de qualitatibus animi dicta esse intelligantur.

TEXTVS XLVII.

Nam inter stellas sanè Saturnus , quum orientalis est , flauos commodèq; habentes procreat , capillis nigris , crispo capite , oculis magnis & statura moderata : Temperatura verò humidior & frigidior. Occidentalis verò cum est , nigros & macilentos & paruos , capillo simplici , tenues aliquantulum , moderata statura , nigris oculis , temperatura verò frigidiori & sicciori.

Iouis autem sydus locis prædictis imperans , orientale , albos cum quadam coloris commendatione , capillitio mediocri , nigris oculis & bene magnos , forma venerabili , temperatura verò magis declinante ad calorem & humorem. Occidentalis verò cum est , albo quidem colore , sed indecenti : item capillis rigidis , aut recaluastros etiam & caluos , statura mediocri , temperatura verò humidior.

Martis sydus orientale , rubescens efficit , & bonæ staturæ , ac valentes , oculis castis , hirsutos , capillamento mediocri , temperatu

peratura calidiori & sicciori. Occidentalis verò rubentes omnino, statura mediocri, exiguo capite, subtenues, flauis capillis, rigidis, constitutione verò corporis sicca.

Venus similia ipsa efficit, quæ Iupiter, nisi quòd elegantiora, & plausibilia, mulierumque magis habitum decentia, omnia habitiora, succulentiora, ac denique teneriora. Peculiariter verò oculos dat decenter sublucidos.

Mercurius orientalis flauescentes, statura temperata & conformi, oculis exiguis, capillamento mediocri, temperatura magis ad calidam accedente. Occidentalis verò cum est, flauos, rara & tenui corporis contextura, oculis cauis, caprinis pedibus, subrubescences, constitutione corporis sicciora.

Quod dixit ἀγρόδοντας, intelligere debemus tenues pedes, & obliquos, aliquantulum cum tibia tenui quales sunt capris. Credo tamen potius legendum, ἀγρίδοντας, ab oculorum similitudine cum capris: unde morbus oculorum sit uocatus, quòd hi, qui tali morbo laborant, caprillos habeant oculos. Estque id rationi & experimento consonum: Sunt enim Mercuriales caprillis oculis. Ceterum non solum simpliciter hæc scire decet, sed composita obseruatione: Velut quòd si Sagittarius ascendat, Iupiter uerò sit in Geminis in septimo loco, corpulentos facit & præpingues. Nam Sagittarius primò facit satis crassos: & Iupiter plus, tum maximè in angulo & ascendens respiciens, & in Geminis signo humano & uernali, & duplicis corporis, & ubi Iupiter
cadit

radit: sic nos maximam corpulentiam obseruauimus. Facit & hæc constitutio desides, & desidia corpulentiam, & corpulentia desidiam: atque ita uides quàm pulchrum sit in his philosophari. Animaduertendum quòd hæc & reliqua quæ dicuntur, maximè intelliguntur in etate status, id est, à trigésimo usque ad quadragesimum annum. In cæteris uerò ætatibus relucet indicia harum constitutionum. Sed si fuerint euidentiora, indicium est constitutionem esse ualidam.

TEXTVS XLVIII.

Opitulantur autem unicuique horum configurati. Sol quidem ad formam decentiorem producendam & habitiozem.

Luna uerò maximè in separatione uniuersim ad maiorem conformitatem & robur ac temperaturam uiuidiorem. Particulatim uerò habita ratione illuminationis, sicut in principio huius operis recensuimus.

Per principium huius operis, intelligit caput de configurationibus erga Solem: Luna igitur in prima quadra, corpus facit humidum ualde & calidum parum: atque ita de alijs. Et hæc propriè significat. Generaliter autem in separatione Arabes interpretantur: Ego malim intelligere ab ipso significatore formæ corporis. Facit magis commensuratum, temperatum atque uiuidius, robustiusque.

TEXTVS XLIX.

Rursus in genere cùm matutinæ sunt stellæ & apparentes, ingentia efficiunt corpora, cùmq;

cūmq; in prima statione fuerint, valida, ac firmis lateribus: Præeuntes verò, immoderata, & cū secundo constiterint, imbecilliora: Occidentes verò dignitate prorsus nulla, & vitiorum fœcunda.

Quinq; ponit status trium superiorum: orientalis ualidissimus, facit ingentia corpora: in prima statione, ualida: dum retrocedunt, male temperata: ideo incommensurata, lego: in secunda statione prorsus imbecilla: post uerò penitus morbosa, & sine ulla bona qualitate. Veneris uerò & Mercurij status non hi sunt, sed ex his intelliguntur. Non tamen adeò manifestas habent differentias, ut superiorum status inter se differunt: Quoniam inferiores magis inconstantes sunt, & neq; synceras habent constitutiones: nam cū primum in oriente ante Solem apparent, aut retrocedunt, aut ad Solem ipsum accedunt, ita ualidi unde quaq; esse non possunt.

T E X T V S L.

Ac cū loca quoque ipsa ad configurationes maximè informationum, & temperaturarum, vt diximus, conducant, in genere rursus qui à verno æquinoctio & æstiuâ conuersione intercipitur quadrans, coloris grati, efficit staturiferos, valentes, oculis nitidis, magis ad humidam, calidamq; temperaturam accedentes. Qui verò inter æstiuam conuersionem, & autumnale æquinoctium comprehenditur, colore medio, conformi statura, valentes, oculis nigris, hirsutos, capillis crispis, calidiores et
O ficciores.

sicciores. Qui inter autumnale æquinoctium & conuersionem hybernæ intercipitur, flavos, graciles, maculosos, raræ corporis contexturæ, capillamenti mediocris, decentibus oculis, frigidiores & sicciores. Qui à brumali solstitio & verno æquinoctio continetur, nigros, statura conformi, capillis rigidis, subternues, temperatura frigida & humida.

Hoc est quartum, à quo effigies corporis. Igitur de signis ascendentis & loci Lunæ, & in quibus domini horum duorum locorum constituuntur, intelligendum est. Principaliter quidem de signis ascendentis, deinde Lunæ, post significatoris aut significatorum. Pertinet autem ad signa noni orbis, seu signa eclipticæ equalia, quorum initium est à uerna sectione. Per colorem gratum intelligit roseum, per medium rubrum, per nigrum autem μελίχρως, non atrum, sed fuscum, qui fit calore naturali in profundo corporis delitescere: Sub quo etiam liuidus intelligitur.

TEXTVS LI.

Particulatim verò humanæ quidem figuræ constellationes, tam intra signiferum, quam extra comprehensæ, conformiæ & temperata corpora producunt. Quæ verò alterius sunt figuræ, deformant ea quidē iuxta suam vniuscuiusque formam hominis corporaturam. Et quodammodo similia ijs euadunt membra, vel magnitudine & paruitate, vel robore & tenetudine, & conformitate: Magnitudine, ut verbi gratia, Leo, Virgo & Sagittarius. Paruitate,

uitate, vt Pisces, Cancer, & Capricornus. Rur-
sus, vt Arietis, Capricorni & Leonis, priora
quidem & superiora ad valentio-rem corporis
constitutionem faciunt, inferiora & postero-
ra ad infirmio-rem: Ita contra Sagittarij, Scor-
pij & Geminorum, anteriora quidem ad im-
becillio-rem temperaturam iuuant, posteriora
verò ad robustio-rem. Similiter Virgo, Libra
& Sagittarius, conformitatem adducunt &
moderationem, Scorpius verò & Pisces &
Capricornus minùs sibi constantem tempera-
turam & incommensuratam. Et in alijs simi-
liter, quæ quidem omnia contemplantur &
commiscentes, propriam & exactam tempe-
raturæ rationem assequemur.

Primum signum sumpsit à natura Planetarum: Secundum
à mitione luminarium & habitu eorum: Tertium ab habitu
Planetarum ad Solem. Quartum à signis zodiaci nona sphae-
ra, de quibus in præcedenti textu. Et hæc magis circa tempe-
riem & quæ ab ea proueniunt. Quintum, quod est præsens,
est de compositione & forma corporis, non de temperatura:
Et sumitur à signis octauæ orbis quæ constituuntur à situ stel-
larum. Propterea si quis causam uelit intelligere eorum, quæ
hic dicuntur à Ptolemæo, & generaliter de cunctis signis
octauæ orbis, quæ in zodiaco sunt, pronuntiare, habeat sphae-
ram solidam, aut in plano depicta signa cum stellis, quæ in
eo sunt, uidebit, uelut apud Higinum, quòd priora Arietis
sunt magis suffulta syderibus, quàm posteriora, & cur Scor-
pij posteriora sint ualidiora eadem ratione. Frequentia enim
stellarum, facit robur: commensurata illarum dispositio,

decentem formam: distantia in longitudine magna, proceram
 staturam: in latitudine, crassum corpus,

Caput decimum sextum.

TEXTVS LII.

De vitijs & morbis corporis.



Vm proxima his sit de vitijs & mor-
 bis corporis disceptatio, ea nobis
 primùm explicanda est. Et hñc eos,
 qui generalem inuestigationem spe-
 ctant, respicere oportet ad finitoris duos an-
 gulos, orientalem scilicet & occidentalem.
 Maximè verò ad occidentalem, quòdque ipsum
 antecedit, quod quidem nulla necessitudine
 cum horoscopo coniunctum est: obseruare
 etiam maleficas stellas conuenit, quomodo
 affectæ ad ipsum fuerint. Si enim ad partes
 succedentes ipsæ, quæ iam dicta sunt, constite-
 rint, corpore aut radijs tetragonis, oppositi-
 uisve, siue vtræque maleficæ, siue harum altera,
 vitia & morbos corporis nato infligunt. Idque
 potissimùm, quando luminarium vel alte-
 rum, vel vtrunque in angulis, ita vt diximus,
 situm est, vt vel vna sint, vel ex aduerso. Tunc
 enim non solum si succedat maleficorum qui-
 spiam, verùm etiã si præcedat luminaria, ipse
 centrum obtinens potest vitium morbumve
 inferre, pro ratione locorum finitoris & signi-
 feri,

feri, pròq; natura ipforū, vel maleficorum vel
affectorum syderum, iisq; configuratorum.

In quo differat uitium à morbo, inferius declarat his uer-
bis (Separata enim sunt hæc duo, ac uitium quidem semel in-
fligitur, nec constantes dolores adfert, morbus uero, uel con-
tinuos uel reciprocos) id est, uitia sunt, ut cecitas, surditas,
clauditas: inflicta enim semel dolorem afferunt, inde postea
nequaquam. morbi autem in hoc conueniunt omnes, quòd
dum adsunt, dolorem afferunt, sed duorum tamen sunt gene-
rum. quidam enim sunt reciproci, ut asthma, comitialis, po-
dagra, qui ut abscedunt, redeunt: morbi uero non reciproci
sunt, ut febres & morbi laterales. Vitia præterea ferme sunt
inseparabilia, sed minus affligunt, morbi contra natura sua
sunt separabiles, licet reciproci medijs quasi natura sint inter
simplices morbos & uitia. Lapis in uestica quauis perpetuo
affligat, morbus tamen est potius, quam uitium. Sed ut dixi
quasi medium est. Quinq; igitur proponit in hoc textu, qui-
bus ego tria alia ex ratione & obseruatione addo. Primum
est, quasi materia & sunt tres loci, septima, inde prima,
deinde sexta domus (ordine illas refero) adijciòq; quod obser-
uauit, rationiq; est magis cōsentaneum, primam & septimam
uitia, sextam morbos efficere. Secundum, quod habet ratio-
nem causæ agentis maleficæ in his locis posita, seu oppositis,
seu quadratis succedentes, id est, maxime prope & post illa-
rum initia (ut in secunda figura Saturnus) significant uitia
uel morbos. Mars quoq; in eadem figura idem significat: quia
licet sit propè finem sextæ domus: quoniam tamen septima
deterior est sexta, idè nihil minus significat tota sexta do-
mus, quam eius initium. Regula hæc enim declarata est supe-
rius, dum de locis Apheticis ageremus. Quòd cum duo loci
coniuncti habent eandem significationem, pars ultima unius,

Cap. II.

quæ alteri committitur, eadem fermè habet uim, & aliquan-
do maiorem, si ualidiori in ea causa committatur, quàm
initium. Tertium, quod rem facit euidentem & auget
(Nam pauci sunt qui aliquibus uitijis uel morbis non deti-
neantur iuxta Poëticum illud: Quisque suos patitur ma-
nes) scilicet constitutio malefica in angulo cum luminari, uel
in opposito eius uel quadrato: tunc enim uel uitia facit, uel
morbos graues & inseparabiles si solum in sexto loco sit:
Velut in secunda genitura, Mars in sexto loco est, radijs
que quadratis Solem in medio cœli petit: radij que ipsi suc-
cedunt Soli, non illum antecedunt. Hic aliud adiiciendum,
quod obseruauimus, maleficas in sexta domo positas, plus lon-
gè efficere, quàm radijs locum afficientes. Quartum, quòd
in hoc statu sola una malefica etiam antecedens potest mor-
bum inferre, dummodo malefica sit in angulo ad unguem,
hoc est, esse secundum centrum. Quintum, quòd tales pe-
ssilentia contingunt pro natura trium principalium seu po-
tius quatuor, scilicet loci mundi, puta primæ uel septimæ
domus, medij cœli uel imi, duodecimi uel sexti loci, & pro na-
tura signiferi duplici, scilicet à configuratione stellarum, &
locis respectu punctorum cardinalium, ut sæpius diximus, &
maximè in capite præcedenti. Et à natura maleficæ, & affe-
cti syderis & natura stellarum illis configuratarum. Pro-
pterea difficile est inuenire morbum simplicem aut uitium
propter tot causas, quæ principalibus commiscuntur. Ter-
tium est, quod nos adijcimus plurimum referre, si domini lo-
corum ad corpus pertinentium, id est, ascendentis uel loci
Lunæ, uel ipsa Luna in ijs locis male afficiantur à maleficis
extra positis, aut si malefica in his posita illas alibi cõstitutas
male afficiant: Dico autem septimam et sextam domum. Nam
prima rationem habet patientis loci id est, eius, qui afficitur
potius, quàm qui afficiat alium. Quauis contingat etiam
malefi

Cómē. 11.

maleficas ibi positas nocere propter luminarium ab illis iacturam.

TEXTVS

LIII.

Partes enim vniuscuiusque signorum loco horizontis affecto circumfusæ, significabunt corporis partem laboraturam, & vtrum vitium futurum sit, an morbus, an potius vtrunq: astrorum verò naturæ, horum euentuum genera & causas aperiunt. Nam ex potissimis hominis partibus Saturnus præest auditui dextro, vesicæ, spleni, pituitæ, & ossibus.

Iupiter, tactui, pulmōi, alterijs & semini.

Mars, auditum sinistrum possidet, renes, venas ac pudenda.

Sol, visui imperat, & cerebro, cordi, nervis, & denique dextris omnibus.

Venus, in olfactum, hepar, & carnem dominium exercet.

Mercurius, sermonem gubernat, & menti, rationique præsidet, linguæ etiam, felli & sedi.

Luna, gustui, & gulæ, stomacho, ventri, vuluæ, & sinistris omnibus.

Videtur in his uerbis quedam contradictio, quoniam primò dicit, quòd partes signorum significant partes corporis laborantes: & etiam an sint uitia, uel morbi, uel utrunque, & postmodum dicit istud de Planetis. Nam docet quòd Planete significant ipsas partes & non signa. Ad hoc Haly dat unam responsionem bonam, dicens, quòd intelligit Ptolemaeus per partes signorum, quæ sunt in horizonte, id est, in se-

ptimæ uel primæ initio, fines seu terminos. Velut in secunda natiuitate Iupiter est dominus termini septimæ domus, & Iupiter significat pulmonem & arterias, ideo morbus erit in pulmone. Et similiter in secunda natiuitate exemplari Haly, Sol afficitur à Marte & Cauda, & Sol significat neruos: ideo habuerit lesionem in neruis: & habebat pedem sicut bestia. Sed hæc responsio quauis bona sit, non uidetur satisfacere uerbis Ptolemæi: quia Græcè habet, καὶ ἢ ἀστέρας πύσιν τῶν τε κακόντων, καὶ τῶν κακομένων, id est, & astrorum natura malè affectorum & malè afficientium. Vnde uidetur aliud uelle, per (Et) coniunctionem significare Planetas aliud partes signorum seu terminos, qui ui Planetarum significarent. Præterea ipse exponit etiam de Sole & Luna, partēsque illis tribuit, sed Sol & Luna non habent terminos, qui sint partes signorum, sed tota comprehendunt signa. Sed Ptolemæus intelligit per corporis partem in signis, partes exteriores, ita ut Aries capiti, Taurus collo, Gemini brachijs, Cancer pectori, Leo à furcula pectoris usque ad umbilicum, Virgo uentrem inferiorem, Libra nates, Scorpio pudenda, Sagittarius coxas, Capricornus genua, Aquarius tibias, Pisces pedes. Per membra autem à Planetis significata, intelligit interiora & humores. Quantum uero ad distributionem ipsorum, quia Ptolemæus nō fuit Medicus, melius erit iuxta rationem et experimentū ita partes corporis Planetis attribueret.

Saturnus præst auditui dextro, uescicæ, spleni, ossibus, melancholia & pituitæ crudæ, non naturali, cartilaginibus & ligamentis.

Iupiter tactui, pulmoni, sanguini, iecori & carni.

Mars auditui sinistro, renibus, felli, bili atque intestinis, & sedi.

Sol oculo dextro & cordi, & arterijs, sanguini que in eis contento.

Venus

Venus olfactui, gustui, semini & uasis seminarijs, pudendis utriusque sexus, uentriculo.

Mercurius neruis, menti, rationi, memoria, digitis, spiritui.

Luna cerebro & oculo sinistro, & pituitæ naturali, & quando est plena luminibus, significat pituitam multam, inspidam, & dulcem. Et si commisceatur Saturno, acidam, quia multa difficile fit salsa aut amara: sed uacua luminibus, paucam. Ideò si Marti commisceatur, facile amarescit, uel fit salasa. Paucum enim à leui causa inficitur.

Similiter notandum est, quòd membra pleraque à duobus uel tribus Planetis gubernantur: Vt cerebrum ratione substantiæ à Luna, ratione tot arteriarum à Sole, ratione spiritus & facultatum, à Mercurio.

Quod uerò dixi uitia & morbos, sunt uelut carcinomata, & fistule.

TEXTVS LIIII.

Solent uerò uitia plerunque accidere, cùm oriëntales sunt maleficæ, morbi è diuerso, quando sunt occidentales. Separata enim sunt hæc duo, ac uitium quidem semel infligitur, nec constantes dolores adfert, morbus uerò, vel continuos vel reciprocos.

Malus quantò potentior est, tantò deterior: Orientalis autem potentior est occidentali, ideò malefica orientalis dat uitia, occidentalis autem morbos. Bene autem docet Haly Ptolemæum per hæc uerba insinuare omne genus roboris, et comparisonem in illis superius descriptam.

TEXTVS LV.

Quantum ad accuratiorem minutorū euentuum obseruationem attinet, sunt peculiaria quædam his considerandis schemata, ab euen-

tibus crebris ex similibus configurationibus originem habentibus, annotata & collecta. Orbitates enim portenduntur, alterius quidem oculi, quando Luna solitaria in præfatis angulis reperitur, aut cum Sole congregiendi, aut ei ex aduerso posita. Et cum in alterutra reliquarum erga Solem configurationum, applicatur nebulosarum stellarum alicui in signi ferro conuersantium, ut ipsæ quæ in Cancris constellatione sunt, aut Pleiadi, aciei quoque sagittæ Sagittarij & aculeo Scorpionis, partibusque Leonis circa Berenicis crinem, item urnæ Aquarij. Amplius quando Mars aut Saturnus ad Lunam in angulis sitam & occidentalem ipsi orientales ascenderint, aut hi ipsi in centrīs constituti, Solē antecesserint. Si verò ambobus luminibus, siue in eodē signo, siue ex opposito, sicut diximus sitis configurentur, matutini quidem ad Solē cōparati, ad Lunam verò vespertini vtriusque oculo minitantur. Mars quidē à plaga, aut pulsatione, ferro aut vstione, cæcitatem inducit, & si Mercurio conciliatus est in palæstris & gymnasijs, aut ab hominum malorū incurlibus. Saturnus verò per suffusionē, frigus, glaucomata, & his similia.

Tradita ratione generali, docet modò singularia. Et primò circa nobilissimam partem corporis, & operationem, id est, uisum. Et explicat quatuor modos, seu potius tres, nā quartus est compositus ex secundo & tertio. Et primus modus est
qua

quadruplex. Primus est, ut Luna sit sola in ascendente uel septima domo, & applicet uni stellæ nebulosæ signiferi. Et numerat sex Pleiades Asinos, cuspide Sagittarij, aculeum Scorpionis, urnam Aquarij, et quæ in Leone sunt iuxta crinē Brenicis. Circa quod notandū est, quod quatuor sunt loci faciētes uitia in oculis. Primus est nebulosarum stellarū. Secundus Lactea uia. Tertius stellarū, quæ sunt naturæ Solis et Martis, uel Lunæ et Martis. Quartus stellarū occultarū. Præterea, scias quod etiā in alijs angulis quādoq; fiunt cecitates, ut in figura subiecta patet. Nā cum dictum esset mihi, uidissemq; puellam cecam ambobus oculis, prædixi necessariū esse, ut Luna multum affligeretur, oblata figura apparuit Luna cadēs et combusta in angulo cum Ioue cadente combusto & in angulo, & cum Mercurio, et cū stella occulta ex zodiaco, et Iupiter erat in cauda sua & Venus etiam impedita & Saturnus in centro imi cœli dominus loci luminarium & Iouis, & cum tribus stellis de natura Martis & Lunæ, quarum una etiam est nebulosa & omnes Planetæ in uia Lactea & sub terra: Ideo cecitas erit incurabilis, quæ incepit à paralysi quarto anno cecitatis, & processit ex dilatatione pupillæ: Ideo erit breuis uita etiam, uel saltē morbosa toto tempore uitæ suæ. Sūt enim beneficæ impeditæ & ambo luminaria impedita, & omnia in angulis & sub terra, & Saturnus dominus omnium in centro imi cœli & cum nodo. Est autem ex gente illustri. Secundus modus est, quod Luna sit in quadrato dextro uel sinistro Solis cum his omnibus & est peior. Tertius modus est, si his stantibus Luna sit in opposito Solis: Et manifestum est, quod est adhuc secundo deterior. Quartus si fuerit coniuncta Soli cum his, scilicet, ut sit in uno illorum angulorum, et uadat ad unam stellam ex his applicando ei, et hic est pessimus.

Secundus modus principalis, quādo Luna fuerit in altero istorum angulorū post Martem uel Saturnū, et in eisdē angulis.

Tertius

Tertius modus, quando loco Luna fuerit Sol, & ante ipsum Saturnus uel Mars in angulo, tunc significatur ex quocunq; horum trium modorum cecitas in altero oculo.



rum. Nota, quòd per centra intelligit, ut aliàs dixi, cuspides
angulorum, ut non intelligas fines ipsorum angulorum. Nam
angulum uocat γωνίαν, anguli autem summitatem, κέντρον,
Græcè Ptolemæus.

Circa secundum modum potest esse triplex sensus. Primus est, ut Luna sit post maleficam, sicut etiam Sol: Veluti ascendat primus gradus Arietis, & Mars sit in tertio gradu & Luna in quinto, uel sexto eiusdem: Et hoc modo legit Haly: Et sic non differt à modo Solis. Sed non uidetur uerisimile, quia Ptolemæus facit differentiam inter modum Solis & modum Lunæ. Et etiam quia in uerbis sequentibus dicit, quod malefica debent esse matutine ad Solem, & uespertine ad Lunam:

Lunam: At sic essent matutinæ etiam in comparatione ad Lunam. Præterea quomodo possunt ascendere ad Lunam, nam neq; motu diurno, cum antecedant ipsam Lunam, nec proprio, cum Luna sit uelocior illis? Secundus sensus est, ut gratia exempli, Luna sit in decimo gradu Arietis in occidente: Sit autem gradus occidentis, quartus Arietis: Et Mars sit in oriente in duodecimo gradu Libræ: Tunc Luna erit occidentalis à malefica, & tamen malefica ascendet motu diurno ad ipsius Lune oppositū: quia Luna est prior angulo, quam malefica. Et iste modus posset esse uerus, quia stat cum litera & ueritate rei. Tertius sensus est, ut legatur litera hoc modo (Amplius quando Mars aut Saturnus ad Lunam in angulis situm & orientalem ipsi occidentales ascenderint) utpote quod Luna sit in primo gradu Libræ, & ascendat uigesima octaua pars Virginis & Mars sit in tertio uel quarto gradu Libræ: Tunc Mars ascendit ad locum Lune motu diurno: & posset etiam dici orientalis in comparatione ad Lunam, non mutando literam: quia posteriora sunt propinquiora orienti, quam anteriora. Veluti si ascendat decima pars Arietis, sexta pars est propinquior orienti: Et dicitur magis orientalis, quam quarta pars: et quarta, quam prima. Sed hoc modo oportere capere orientale sub alio significato. Quicquid sit, intellectus literæ Ptolemæi debet capi sub tertio uel secundo sensu, te non sub primo: quia etiā sub his duobus sensibus ultimus respondet experimento & rationi. Ratio autē talis est, ponamus Solē in primo gradu Arietis, Martem in uigesima octaua parte Piscium, & Lunam in uigesima sexta eiusdem. Tunc dico, quod Mars ascendit ad Lunam motu diurno, quia proprio non posset eam attingere: Et Luna motu proprio uadit ad Martem. Et ita fit duplex mutuus concursus, quamobrem Luna damnatur. Rursus Mars damnat Solem, quia Sol motu diurno fertur ad locum Martis, & ita damna

damnatur ab ipso. Et si dicas, quare requiritur dispar ratio in Luna & Sole respectu motus diurni: nam in Luna motu diurno malefica fertur ad Lunam, & in Sole Sol fertur ad maleficam? Respondeo, quod cum motus ab occidente in orientem, sit quedam retardatio motus diurni, sic fit quedam collisio: quia Luna motu proprio mouetur ad maleficam, & malefica ad Lunam motu diurno, & ideo breuiore tempore sibi occurrunt, quare etiam maiore concursu quasi colliduntur. In Sole autem, cum Sol sit potentissimus, non potest offendi nisi à potente Planeta: Sed superiores occidentales & prope Solem maximè sunt debilissimi: Igitur si debent inferre cecitatem, oportet ut sint orientales ipsæ maleficæ à Sole.

Quartus modus, est, quādo uterq; oculus damnatur, oportet autem ambo luminaria esse in centro eodem, uel oppositis. Reliqua sunt clara, sicut etiam illud, quod Saturnus faciat ista per morbos & sensum: Nā est frigidus, & infert sua mala paulatim: Mars calidus, & ideo uiolenter & repente.

TEXTVS LVI.

Rursus quando Venus constituitur in aliquo prædictorum augulorum, maximè in occasu cum Saturno congregiēns, aut ei configurata, aut loca mutuò cum eo permutans, & supra eam Martis sydus attollitur, aut ex opposito ferit, maribus quidem sobolem negat, foeminis verò abortiones decernit, crudos partus ac foetus laceros, maximè in Cancro, Virgine, & Capricorno, ac si Luna in ortu Marti se applicat. Quod si Mercurius Veneri hoc modo configuretur cum Saturno, & rur-

sus

sus Mars supra eam elatus sit, aut ex aduerso
 respiciat, eunuchi aut hermaphroditī, & quo-
 rum genitales meatus concreti sunt, in lucem
 producuntur. His ita habentibus, cum etiam
 Sol configuratur & luminaria vnāq; Venus,
 masculina sunt, & Luna occidentalis, & ad
 eam maleficæ per proximè sequentes partes
 ascendant, mares quidem euirati nascuntur,
 & testium vitij afflicti, præcipuè in Ariete
 & Libra: foeminae verò, infrugiferæ & steri-
 les. Aliquando neque ab oculorum vitij li-
 beri sunt, qui ita nascuntur.

Exponit secundum singulare magnum, quod ad sterilita-
 tem pertinet, cuius sensus est: Si Venus fuerit in oriente uel
 occidente, sed magis in occidente, & Saturnus fuerit cum ea,
 uel in illius aspectu quadrato uel opposito, uel commutet di-
 gnitatem, ut si Saturnus sit in Tauro & Venus in Capricor-
 no & Mars super Venerem eleuetur uel opponatur, signi-
 ficat, ut in textu. Quid autem sit eleuari, uisum est superius.

Com. 10.

Secundus casus est deterior, ubi omnibus his positis Mer-
 curius Veneri iungitur, aut respicit, aut locum commutat.
 Quæ sequuntur, clara sunt.

Tertius casus est, cum his omnibus positis luminaria confu-
 gurantur Veneri uno trium modorū dictorum in Saturno &
 Mercurio, & Luna fuerit occidentalis & ad eam ascendant
 maleficæ, quod est super eam eleuari: Tunc hoc erit pesti-
 mum, & simul patientur & in membris genitalibus & in
 oculis. Manifestum est enim quod talis constitutio ratione
 luminarium, offendit oculos, & ratione Veneris, genitalia.
 Itaque utrunq; completitur detrimentum.

Notan

Notandum, quòd ut bene dicit Haly, si hæ constitutiones fuerint ualde potentes, erunt à natiuitate: Et si debiliores, erunt post natiuitatem. Tempus autem cognoscetur ex quinque: robore constitutionis, quod facit celeriores euentum, situ Planetarum ad mundum & Solem, progressionibus, directionibus & diuisionibus etatum cum natura Planetæ uitium significantis congruentibus.

TEXTVS LVII.

Impedita lingua sunt & blæsa, ac balbutiente, quotquot Saturnum & Mercurium habent in prædictis angulis congregientes cum Sole, maximè quâdo occidentalis etiam est Mercurius, & ambo cum Luna configurantur. His verò fortè adiunctus Mars, soluere plerunque solet linguæ inuolutionem, posteaquàm Luna illi obuiam fit.

Hic est textus, qui hereticos in Astrologia ad fidem deducere posset, unde mira fiunt prognostica.

Sed nec omnia hæc quæ sequuntur, duo uitiorum genera solum eueniunt, cum malefica, & significatores in angulis fuerint, sed etiam in sexto loco omnes uel alter eorum, id est, malefica uel significator ex sexto loco alterum respexit quocunque aspectu, uel etiã si extra locum, malefica ipsa ipsi sexto loco dominetur: Erunt tamen leuiora. Et inter hæc sextilis uix sentitur, sicut oppositio pessima est. Et hæc si in signis congruentibus fiant, erunt deteriora: Velut in mutis signis pro læsione linguæ. Sunt autem muta signa, Cancer, Scorpio, Pisces, rauca uerò quadrupedum, ueluti Arietis, Tauri, & reliquorum. Exemplum habes in genitura filij mei ultimi inferius.

TEX

Rursus si vel lumina ad maleficos in centrīs hārentes ascenderint, aut ex opposito ab ipsīs impedita fuerint, maximēq; Luna in nodis siue flexuris constituta, aut in signis obnoxīs, nimirum Ariete, Tauro, Cancro, Scorpio, & Capricorno, vitia corporis eueniunt, gibbi scilicet aut claudicationes, et luxationes, siquidem cum ipsīs luminaribus fuerint malefica ab ineunte ætate & hora partus. Sin autem in cœli fastigio fuerint, & supra luminaria eleuentur, eq; regione ponantur, à grauibus periculis, nimirum præcipitationibus, aut latronum incursionibus atq; quadrupedum. Si Mars hoc pacto elatus est ab igne, aut vulnibus tumultuosè illatis, aut latrocinīs. Si Saturnus ex præcipitationibus, naufragio, artuum contractionibus.

Declarat quartum magnum uitium, claudos, gibbos, contortos, qui omnes fiunt maximè propter nodos, cum in ascendente uel alijs angulis fuerint, maleficis adiuantibus: fiunt enim impressiones magnæ, cum ipsæ ad apices angulorum cum luminaribus ascenderint. Sed si in eadem parte etiam fuerint constituti, uitia erunt à natiuitate. Declarat etiam, quòd malefica in Medio cœli declarant talia accidentia contingere per terribiles casus, quos declarat in textu. Sunt autem loci prauī Caput, & deterior Cauda, & nodi Planetarum proportionē respondentēs Capiti & Caudæ, id est, sectiones, ubi Planetæ eclipticam transiere eundo ad meridiem & boream: & quædam signa detruncata, quæ sunt Aries,

P

Taurus,

Taurus, & reliqua, quæ in textu ponuntur.

Inquit Haly, ego prædixi gibbositatem, quæ durauit duodecim mensibus in natiuitate, in qua Luna erat iuncta cum Marte, & capite Draconis in duodecima domo, qui erant in quadrato aspectu Solis cum Ioue, qui in tertia erant. Et temporis quantitas tot mensium, quotus est numerus annorum reuolutionis Iouis: Quia Iupiter sub Solis radijs positus erat. Ego uerò obseruauī frequenter Caudam maximè cum Luna & persæpe cum alijs Planetis in angulis constitutam obliquos quoquomodo efficere. Itaque diligenter inspicendum, cum nodos Planetis iunctos in angulis inueneris.

TEXTVS LIX.

Verum enim uerò vitia ut plurimum eueniunt in signis tropicis et æquinoctialibus Luna versante. In verno quidem signo, potissimum ex vitiligine: In æstiuo ex impetigine: In autumnali ex lepra: In hyberno ex lentigine, & id genus alijs.

Hoc est quintum uitium, quod ad cutim pertinet solum et carnes, & leuius est cæteris. Est autem clara textus sententia, modo per lepram intelligas squamosam scabiem & profundam, non elephantiasim. Significare potest & dominus ascendens damnatus hoc modo in autumnali signo, quemadmodum in nostra genitura. Proportione autem respondent morbi temporibus. Leuissima est uutiligo, quæ solum cutem fœdat: grauior impetigo, quæ colorem pilorum mutat, profundius in carne hæret: deterior lepra autumnō respondens, pruritum enim adducit.

TEXTVS LX.

Morbi uerò accidere plerūq; solent, quādo
in

in prædictis constitutionibus malefici configurantur modo contrario, videlicet vespertini cum Sole, cum Luna matutini. In genere verò Saturnus ventres frigidos efficit, superuacuis humoribus plenos, pituitosos, defluxibus obnoxios, tenues, valetudinarios, dysentericos, tussientes & ægrè sordes tussi efficiētes, colicos, leprofos, ampliùs fœminas ex vtero laborantes. Mars sanguinem expuentes, atra bile detētos, anhelosos propter affectum pulmonem, scabiosos, & qui nunquàm non vel in scissuris vel vstulationibus, aut tectioribus corporis partibus laborent, fistulis nimirum, sanguinis effluxibus, adustionibus, etiàm ac succensis, depascentibusq; vlceribus. Fœminas ampliùs præter hæc abortibus, aut fœtus mutili & inchoati enixibus & corruptionibus solet inuoluere.

Debilioribus constitutionibus fiunt morbi: Ideòq; cum maleficæ ante Lunam (refugit enim Luna ob proprii motus celeritatem) uel post Solem (debiles enim sunt) peculiariter uerò Saturnus morbos facit longos, frigidos, & ea membra afficit, quæ sunt exanguia, & quæ tamen officio addicta sunt, ueluti uentriculum. Pulmones uerò ob defluxiones, quia cerebrum lædit. Et ut una regula omnia comprehendam, Iupiter & Venus ueri assimilantur, & temperatæ constitutioni, Mars æstati, Saturnus hyemi, Mercurius autumnō. Vide igitur, quinam morbi æstate & hyeme uigeant, et tales unicuiq; maleficæ tribues, quæ illi tempori assimilatur.

TEXTVS LXI.

Peculiares etiā astrorum cōfiguratorum naturæ ad corporis partes peculiaria quædam in morborum generibus efficiunt. Iuuat autem ad malorum vehementiam Mercurius. Saturni enim frigus intendit ei conciliatus, magisq; constanti motione incitat pituitæ de- fluxus, & humoris turbam, præcipuè circa pe- ctus, ventriculum ac guttur. Marti operam nauat exieccando, vt in vlceribus ex denuda- tione & siccitate prouenientibus, incrustatis apostematis, igni sacro, lichenibus feris, siue ex nigra bile orientibus, comitiali, lepra & his affinibus.

Lichenes feræ, uocat graues impetigines, & forsan ele- phantiasim. Mercurius enim in uniuersum omnium, sex Pla- netarum naturam induit: Et ut facilius mala eueniunt quàm bona, ita ad morbos promptior. Propriè autem impetum addit materierum fluxui, propter motus facilitatem & te- nuitatem substantiæ luminis.

TEXTVS LXII.

Similiter iuxta signorum variationes, eo- rum uidelicet, quæ in angulis est dictis figu- rationibus circumfunduntur, accidunt quædam morbis propria. Cancer enim in primis & Capricornus, Piscēsq; & omnino quæ terre- stribus sunt, & aquaticis similia signa, vlce- rum depascentium ac serpentium calamitates infligunt, impetiginū, scrophularum, fistula- rum,

rum, lepræ & his similitum. Sagittarius uerò et Gemini comitalem. Et quæ in postremis partibus signorum reperiuntur astra, extremis artibus morbos & vitia inferunt, per humorum scilicet defluxus, unde lepræ, & vniuersim podagræ & chiragræ oriuntur.

Hic ponit proprietates signorum octauæ orbis, quæ describuntur per stellas, sicut prius ibi (Verū enim uero uitia) proprietates signorum noni orbis. Itaq; Cancer, Capricornus et Pisces faciunt depascentia ulcera et morbos iuxta cutim, tum quia animalia hæc natura sunt Mercurij, tum quia hærendo comedunt. Sagittarius uerò & Gemini comitalem, propter naturam Iouis & Mercurij mistam: Et etiam, quia, ut dixi, Mercurius dominatur rationi & neruis, quæ ambo in comitali morbo afficiuntur. Illud uerò de corporis partibus pulcherrimum est & consideratione dignum, quòd non à signis noni orbis sed octauæ indicia accipit: Vnde multi decipiuntur: Cuius exemplū demonstrabo in figura filij mei natu minoris.

T E X T V S L X I I I.

His igitur ita constitutis, si nullus beneficorum configurabitur maleficis morborum authoribus aut luminibus angulos occupantibus, insanabilia & grauia erūt, siue vitia, siue morbi. Idem coniectandum est, si configurati quidem sunt benefici, sed à maleficis suppositi in potestate constitutis. Si uerò ipsæ beneficæ stellæ iuxta præcipuas cōfigurationes positæ, supergrediuntur supra maleficas quæ morbis, vitiisq; occasionem dabant, tunc vitia decetia erunt, minimòq; dehonestamēto, morbi me-

diocres, benéque tractabiles & nonnunquam
facile curabiles, quādo videlicet beneficę stel-
lę, orientales sunt. Ac Iupiter quidem huma-
nis auxilijs per opes & dignitates tegere vitia
solet, morbosq; mitigare: Cū Mercurio etiam
medicamentis & Medicorum consilijs: Ve-
neris stella deorum prædictionibus & oracu-
lis vitia quodammodo elegantia plausibiliq;
efficit, morbos diuinitus petitis curationibus
mitigabiles: At si illi Saturnus congressus sit,
non sine ignominiosa pœna & vulgò nota,
alijsq; id genus: Si Mercurius, non sine subsi-
dio & lucro ad ipsum ægrotum ex morbis &
vitijs redituro.

Septem facit, tria pro uitijs, tria pro morbis, & unum
commune, quod ad causam agentem pertinet. Cū enim ui-
tia sint insanabilia, morbi uerò sanabiles, sufficit in uitijs ut
tegantur & honestiora reddantur: Morbi uerò ut curentur
conuenit: teguntur uerò & curantur ualidioribus auxilijs,
ut etiam ualidioribus causis sunt deteriores. Itaq; ab orien-
talibus stellis maiores procedunt utilitates, & à beneficis au-
xilia, uelut à maleficis detrimenta. Ergo si nullę sint benefi-
cę, nec morbi, nec uitia minùs mitescent. Si autē beneficę sup-
plodantur à maleficis, ut pote quòd sint in illarum dignitati-
bus, scilicet maleficarum, beneficę sub terra sint & in cadena-
tibus locis, auxiliabuntur quidem, sed ualdè parum. Si uerò
beneficę fuerint potentiores, maximèq; si sint orientales, mor-
bos quidem curabunt, uitia uerò tegent. Reliqua sunt mani-
festa, nisi quòd Mercurius cū per se sanare non possit, mul-
tū tamen Iouem et Venerem si bene sit dispositus, iuuat. De
morbis

morbis quidem Ptolemæus fatetur, quod diuino prætectu,
Astrorum autem auxilio, curentur: de uitijs nequaquam.
Quamobrem Christi & Sanctorum miracula non infingit.
His enim uitia curabantur non morbi, nisi de socru Petri, quæ
febri curata est: Sed id inter mira, non miracula refertur.

Caput decimumseptimum.

TEXTVS

LXIIII.

De qualitate animi.



E ijs igitur quæ corpori eueniunt,
sit hoc veluti simulachrum quod-
dam considerationis. Eorum verò
quæ ad animæ qualitatem pertinent,
intellectus quidem & rationis contemplatio
à Mercurij constitutione accipienda vbique
est, morum verò & hebetiorum animæ actio-
num & à ratione secretarum, à luminaribus
corpulentioribus, nimirum à Luna & astris
illius, vel separationi, vel applicationi con-
figuratis.

Differentiam rationis & intellectus si uelis habere, quo-
niam ea ad Mercurium spectant, ab hebetioribus animæ
qualitatibus, quæ à Mercurio pendent, quales sunt pru-
dentia, constantia, urbanitas, simplicitas, comitas, musi-
ce peritia, curiositas, diligentia, grauitas, austeritas, pie-
tas, superbia, liberalitas, nitor, parcitas, inuidia, letitia, im-
pudentia, superstitio, morum compositio, facilitas, prom-
ptitudo, ineptia, patientia, fides, & talia multa, considerare
oportet mores illorum, in quibus maximum est discrimen
constitutionis Mercurij & Lune. Et rursus eas, in quibus

Mercurius multum Lunam exuperat, & uersa uice in quibus Luna multum Mercurium uincit, tum uerò in quibus utriq; pares atq; potentes, demum ubi utriq; pares atq; imbecilles. Exposui autem plurima exempla in libris Astronomicis, Trapezuntij, Philelphi, Alciati, Petrarchæ, Facij Cardani patris mei, Corbete atq; aliorum. Verum in omnibus duo memineris obseruare. Vnū scilicet, ne Planetam ipsum sed locum eius, id est, non tam Mercuriū et Lunam, quàm loci illius dominos obserues. Alterū, ut hos locos et dominos ad ascendens ipsum conferas. Atq; ne omnino in incerto uageris & ut præsentia magis spectes, duas pro exemplo subieci. Harū altera sexta est suppositarum in fine geniturarum, ubi Luna in Sagittario est, & cum Scorpij corde, et in Solis quadrato & Veneris sextili licet occidua, tamen his gaudet: at Mercurius cōtrā combustus in aqueo signo cadens à domo & exaltatione in Iouis quadrato. Itaq; literarum penitus ignarus ad summā peruenit authoritatem, fortuna, ut dici solet, uirtutem comitante. At contrā in duodecima genesi, Mercurius iuxta anguli apicem cum Venere à Sole liber & matutinus trigono radio Iouem aspiciens, illūque recipiens in suo trigono, Luna uerò combusta cadens ab altitudine, ad Solem iens, in fine anguli, cum australi nodo absq; benefica testimonio unde quaq; infelix. Quid aliud decernebat, quàm in agendis uirū minime, ut ita dicam, alijs similem, sed ineptum? Vnde illi in iuuetute misera uita, in senectute morbofa, tota uerò calamitosa, plena periculis & persecutionibus. At eruditio tanta, ut etiam ipsis æmulis foret admirationi: Et mundum sanè ac seculū hoc nostrum illustrauit. Et ne quid ad maximū discrimen horum duorum syderum in genitura hac deesset, unicus loci Lunæ dominus in uilissimo totius schematis loco fuit: Dominorum autem loci Mercurij uterq; in centris angulorum, alter ascendens, reliquus occidentis, ut sic tota uita eruditione illustris-

simus

simus haberetur, nec seniculorum quorundam more desiperet. Verum enimvero qui ultimū corpusculi illius labefactati spiritum dies clausit, idem uidit in summo sapientie culmine animum constantem atque illæsum.

Meminisse autē ubiq; oportet inerrantium stellarum, de quibus superius egimus. Et si cum Planetis sint, aut in locis principalibus, aut in positionis circulo cū dominis locorum Luna, aut Mercurij. Quodq; ibi prætermissum est, scilicet an statum habeant quæ sic cōstitutæ sunt stellæ: Voco autem statum, cū eadem die in centrīs inueniuntur cū Sole, uel etiam Luna, uoco centra lineas angulorum. Contingit uerò hoc septem tātū modis utiliter. Primus est, cū stella uideatur ante ortū Solis in oriente, uel si post ipsum constituta uideri possit ab occasu. Secundus, ut statim ante ortum Solis uideatur stella in cœli medio, uel etiam si oriente Sole (at hoc debilius est) licet non uideatur stella cœli centrū ad unguem occupet. Tertius, ut ante Solem orientem stella occidat statim, uel si simul quod minus est. Quartus, ut oriente Sole stella imū cœli obtineat ad unguem. Quintus, cū Sole imum cœli occupante, oritur ad unguem, uel occidit. Sextus, cū occidente Sole stella cœli medium occupat, uel statim ab occasu, quod melius est. Septimus, si occidente Sole stella ad unguē imum cœli occupet. Hi modi nō coincidunt, neq; tamen plures imaginari possunt, qui non coincidunt. Nam cum ad statum dici referantur et ad potentiam, alij esse nō possunt. Quod si actu id contingat, ut scilicet Sol & stella in centrīs angulorum sint, erit hoc potentius ac firmitus. Ceterū & illud pro sentētia Ptolemæi percipiendā ac exemplis intelligendis obseruandum est, quod per animæ rationalis qualitates intelligere debemus imaginatricem uirtutem, memoriā, rationem, atq; intellectum. Verū ne Ptolemæi sententiam à nostra alienā esse credas, intellige Lunam cerebrū significare, atq; eas uires, quæ magis ex

Lib. 2.

Com. 34.

sensibus pendent, & illis sunt propiores. Mercurius uero significat spiritum cerebri. Vt ergo quilibet Planeta suos habet affectus & animi qualitates, siquidem Saturnus perseverantiam & pertinaciam. Iupiter probitatem & simplicitatem. Mars fortitudinem & iram, unde crudelitas. Sol gloriæ amorem & ambitionem, seu superbiam. Venus amorem & luxum. Mercurius prudentiam & uasfriciem. Luna promptitudinem & instabilitatem. He diuersis in partibus corporis fundamentū habent, utpote corde, iecore: nō tamen ad actum deducuntur, nisi cerebrum & spiritus animalis hos affectus suscipiendo exerceat. At cerebrum, ut dixi, Luna, spiritus animalis Mercurio subijcitur. Quamobrem locum Mercurij & Luna in omnibus affectibus animi considerare oportet. Non tamen in singulis affectibus hi erunt principales, sed ut dixi, alios Planetas considerare decet. Velut in grauioribus doctrinis Saturnum, & Iouem in eloquentia, Venerem in decore, & maiestate & gloriosis facinoribus Solem.

Dubitatur, quonam pacto Mercurius poterit dici male affectus, cum in Alciati genesi peregrinus & Marti iunctus sit, in secunda genesi combustus, in octaua uespertinus retrogradus, & sub radijs, nec tamen ullus horum eruditionis fuit expers. Quinimo & in sexta genesi non deest ingenium promptum, sagax, & illustre: Ptolemæus, ut dixi, non à Mercurij dispositione ingenij qualitatem uenatur, sed domini loci illius. Quod si modò ledatur, facit hoc in signis aqueis, præcipuè Piscibus, Saturni gradijs infelicibus affictus. Nec tunc præter eruditionem, quæ ex literarum studijs habetur, quicquam negat. Nam retrocessum & combustionem ob consuetudinem non timet. Nec aliud præstat retrocessus nisi ingenij tarditatem, ut celeritas promptitudinem. Combustus uero studia disciplinarum negat, eloquentiam & historiarum cognitionem non prohibet. Itaque omnia potius ad loci domi-

num, quàm ad ipsum Mercurium sunt referenda: Pati etiam parum uidetur ob proprij luminis claritatem & siccitatem: Vt contrà Luna, quòd Solis lumine plurimum splendeat & humida sit, multum uidetur affici. Eos uerò, qui ita afficiuntur, stultos solemus uocare, quòd à communi usu deuiant. Vbi uerò Mercurius malè afficitur, solùm hebetes appellamus: at hebetudo parui æstimatur, cùm frequens res sit. Quanquàm uiderim etiam non afflicta Luna, sed solo Mercurio, uerum egregie à Sole & malefica, præcipuè Saturno, stultos factos esse. Ob id etiam contingit, quòd cùm Mercurius ingenio præsit, Luna moribus, plerosque stultos afflicta potius Luna quàm Mercurio fieri, cùm tamen contrarium potius contingere deberet. Sed, ut dixi, afflicta Luna nati, à communi consuetudine declinant, & ob id stulti iudicantur. Mercurio autem laborante, ingenium fit obtusum, segne, & turbulentum: hoc tamen cùm non adeò sit conspicuum hominibus, uerè stultos facit, non tamen ita uideri.

T E X T V S

L X V.

Cùm uerò multiplices sint animæ motio-
num & variæ formæ, meritò sanè & hanc con-
siderationem nō simpliciter & temerè institue-
rimus, sed per multam ac variam obseruatio-
nem. Ac signorū quidem, qui Mercurium &
Lunam & dominiū in eos exercentia syde-
ra circumstunt, differentiæ multum momen-
ti adferunt ad peculiāres animorum dotes, &
rationem habentium ad prædictorum astro-
rum genus configurationes ad Solem, & an-
gulos, ac deniq; peculiaris vniuscuiusq; syde-
ris ad animæ affectiones procreandas natura.

Quod

Quod iam dixi, constans est, scilicet nō Lunam, non Mercurium inspiciendos esse, sed eorum locos: hic uerò declarat quomodo istud sit obseruandum, atq; id ex quinq;. Primum, est locus ipse tam Mercurij quam Lunæ. Secundum, est dominus illorum locorum. Tertium, est constitutio colligatorum, ut ita dicam Planetarum cum illis locis, uel cum dominis eorum habitus ad Solem. Quartum, habitus eorundem ad angulos: Quintum, & ultimum, peculiaris cuiusq; syderis respectantis uel cōiuncti illis locis proprietas ac natura ad animæ qualitatem declarandam. Quæ omnia singillatim exponet.

Circa quod notandum est, quod ut dicebat Haly in Commento, si Mercurius sit robustior Luna, anima rationalis uincet sensitiuam: & maxime si Mercurius sit in signis longarum ascensionū, & Luna in signis breuium. Dico ego addendum esse quod sit Mercurius in signis imperantibus, Luna in obedientibus, tunc enim omnibus numeris rationalis anima sensibili imperabit: contrarijs causis sensibilis imperat rationali: atq; id est longè frequentius: adeo ut si uideas in illis genituris iam adductis quantumuis sapientissimorum uirorum, in omnibus ferme, præterquam Erasini & patris nostri, Luna Mercurio dominatur. In nostra uerò uehementius quàm uellem: ob id enim odio habemur, quod cum alijs non sentimus. Causa autem cur tot homines sensibus pareant, tam pauci rationi, à Ptolemæo exposita est: Quia Mercurius rationi, Luna animæ sensitiuæ præest: at Luna plerunq; ualidior est Mercurio, propter duas causas. Prima, quia longè maior est corpore & ualidior lumine. Secunda, quia Mercurius propter paruam distantiam loci citius à Sole semper plerunq; est sub radijs eius.

Ex his liquet Planetas in centro ascendentis uel iuxta maximas circa animi affectus uires habere. Etenim uix fieri potest, quin in Mercurij loco aut Lunæ aliquam habeant potestatem

statem : Qua ascendenti communicata simul & ob anguli
 robur maximè animum afficiunt. Saturnus igitur cautos, lu-
 piter eruditos, Mars efficaces, Sol graues, Venus facundos,
 Mercurius, promptos, Luna comes facit.

TEXTVS LXVI.

Signa igitur mobilia, vt generatim dica-
 mus, publicolas mentes generant, ciuiliū,
 forensiūq; negotiorum cupidas : Amplius,
 ambitiosos, diuinis vacantes, ingeniosos, agi-
 les, indagatores, inuentores, bene coniectan-
 tes, refutatores, diuinatores. Bicorporea verò
 signa, varios, mutabiles, indociles, leues, per-
 mutationis auidos, neutiquàm simplices, sed
 versipelles, amatores, musicæ studiosos, negli-
 gentes, obuios, ad pœnitendum pronos. Fi-
 xa, æqui obseruantes, ab assentatione alie-
 nos, constantes, firmos, intelligentes, tole-
 rantes, laboriosos, rígidos, continentes, illa-
 tæ iniuriæ memores, cœpti operis prosecu-
 tores, contentiosos, ambitiosos, seditiosos, cu-
 pidos, perfractos, non facilè flexibiles.

Locorum ipsorum naturam iam incipit declarare. Scien-
 tia & inuentio à mobilitate quadam ingenij proueniunt. Ideò
 mobilia signa ad linguas præcipuè discendas sunt aptiora.
 Communia ad conuersationem, quia homines sunt natura
 fallaces. Fixa ad magna opera, & ad regnandum, nam tales
 decet esse graues, & minimè mutabiles.

TEXTVS LXVII.

Configurationum quæ orientales sunt, &
 apud horoscopū, maximè quæ in propria per-
 sona

sona, liberos simplices & præfractos, fortes, ingeniosos, & acutos, apertosque faciunt.

Hoc est tertium & quartum: stellæ quæ sunt orientales & maximè cum primùm emergunt à terra, ut nobis Iupiter, quia sunt potentes, faciunt liberos & suis uiribus confidentes. Eligit autem ex orientalibus in mundo solùm, quod est horoscopo proximum, ut in sequenti ex stationibus tantum primam. Comparat autem orientalem statum, quo ad Solem exortui supra terram: Sicut in sequenti stationem primam, stellæ Medium cœli possidenti.

TEXTVS LXVIII.

Matutinæ verò stationes & cœli culminationes: Ratiocinatores, constantes, magnanimos, memores, cœpta vrgentes, immobiles, fortes, fraudis expertes, prudentes, inflexibiles, crudos, censores, negotiosos, scelerum vindices, scientiis idoneos.

Hic comparat stationem primam, in qua adhuc Planeta est orientalis (loquendo de superioribus) ipsi cœli Medio: nam utrobique ut superius uisum est, Planeta ultimum robur acquirat. Sic in sequentibus angulum occidentis: uespertinamque uisionem simul confert dicens.

TEXTVS LXIX.

Ortus verò stellarum in noctis exordio, & occasus, Instabiles, flexibiles, infirmos, laboris impatientes, facilè concitabiles, humiles, viles, timidos, dubios, timidè audaces, obtusos, iactrabundos, tardos.

Hic bifariam posset intelligi ortum stellarum in noctis exordio: scilicet cum in oriente emergunt oppositæ Soli: uel

cum

cum in occidente illum sequuntur: sed intelligit tantum de stellis tertij status, id est, quæ Solis oppositionem iam superauerunt. Hæ igitur occasui in mundo comparantur, utrimque debiles: Debiliores tamen ratione Solis, quam anguli occidentis. Ideo animam pessimè affectam nuntiant. Neq; tamen credas, quod hic situs alijs in causis adeo debilis sit. Sed in animæ qualitatibus ualidissimus exigitur.

T E X T V S L X X.

Vespertinæ stationes, & subterraneæ culminationes, amplius in Mercurio & Venere die quidem vespertini obitus, noctu uero matutini: Ingeniosos, & sapientes, non nimis in mores, neque laborum aut patientes, aut cupidos, occultorum perscrutatores, & inuisarum rerum indagatores, ut magicarum, mysteriorum, sublimium, machinarum, fabrilium, operum mirabilium architectos, rerum cœlestium & philosophiæ studiosos, aruspices, diuinatores ex somnijs, & his affines.

Hæc est quarta cōparatio, in qua inum cœli confertur uespertinæ stationi, id est, secundæ, in qua superiores dirigi incipiunt. Et est status mediocris, quia stationes natura sua sunt ualide, sed secūda est debilior prima. Huic igitur comparatur status inferiorū, scilicet Veneris & Mercurij. In die uespertinum obitum, in nocte uero matutinū, scilicet occasum. Pro quarum intellectu, tabulam hæc subieci ex decimotertio Magnæ compositionis, qua possis scire, quādo inferiores maxime superiores etiam uideri possint, aut occultentur. Plurimum enim hoc interest, cum Planeta exiens è radijs Solis, sit in optimo statu, occultatus uero omnibus uiribus careat.

Tabu

Tabula Ortus & Occasus Planetarum.

	Sa tur ni lo				uis Mar				ris Ve				ne				ris Mer				cu				rij			
si- pus	Or. M	Occ. V.	Or. M	Occ. V.	Or. M	Occ. V.	Or. M	Occ. V.	Or. M	Occ. V.	Or. M	Occ. V.	Or. V.	Occ. M	Or. M	Occ. V.	Or. V.	Occ. M	Or. M	Occ. V.	Or. V.	Occ. M						
	G	m̃	G	m̃	G	m̃	G	m̃	G	m̃	G	m̃	G	m̃	G	m̃	G	m̃	G	m̃	G	m̃						
♄	23	1	11	28	20	10	10	19	21	12	11	40	3	0	4	9	5	10	10	28	23	58	9	53	9	58	23	38
♅	21	57	11	44	19	6	10	29	20	8	11	48	6	16	4	16	5	5	9	40	22	15	10	15	10	4	22	19
♆	17	52	12	26	15	51	11	10	17	21	12	30	9	19	5	17	5	12	7	36	18	0	11	47	10	18	16	44
♇	14	2	14	2	12	48	12	46	11	33	14	33	9	50	8	23	5	36	5	59	14	4	15	34	12	22	12	30
♈	11	34	15	34	10	31	14	31	12	38	17	15	8	2	13	3	6	16	5	5	11	25	19	59	13	43	10	29
♉	10	53	16	53	10	1	16	12	11	46	20	5	6	38	18	2	7	22	4	54	10	21	23	13	18	1	9	59
♊	10	48	17	6	9	57	16	34	11	38	21	1	5	41	17	43	7	53	4	54	9	51	23	12	22	49	10	0
♋	10	53	16	53	10	14	16	12	11	48	20	19	5	28	13	47	8	20	4	55	9	44	22	1	20	1	10	19
♌	11	31	15	34	10	40	14	31	12	34	17	32	4	19	9	1	7	49	5	16	9	25	17	25	18	11	11	19
♍	14	2	14	2	12	46	12	48	12	45	14	45	2	42	4	8	6	55	6	35	9	36	12	10	16	54	14	5
♎	17	52	12	26	15	51	11	10	14	35	12	39	0	30	3	16	5	51	8	33	12	27	9	50	11	10	17	50
♏	21	57	11	41	19	6	10	29	16	25	11	49	0	24	3	38	5	22	10	16	19	15	9	43	10	11	21	46

Ortum igitur matutinum intelligit cum stella oritur ante Solem. Ortum uesperinum, cum stella Sole uelocior, ut Venus & Mercurius relicto Sole apparent post illius occasum. Occasum matutinum, cum stella Sole uelocior quæ ante Solem apparere manere solebat absconditur, quoniam uelocitate sua Solem comprehendit. Occasum uesperinum, cum stella Sole tardior, à Sole superueniente occultatur. Manifestum est igitur ex hoc, quod fixæ & superiores non possunt habere nisi duos status, scilicet occasum uesperinum, ortumq; matutinum. Rursus inferiores cum habeant quatuor status ob motum, qui quandoq; uelocior est motu Solis, ea ratione quæ tardiores sunt, habent ortum matutinum et occasum uesperinum, sed ut uelociores Sole habent ortum uesperinum, & occasum matutinum. Primi igitur & communes superiori- bus sunt, cum retrocedunt, aut Sole sunt tardiores: reliqui duo similes Luna sunt ortus uesperinus & occasus matu- nus. Pro tabula igitur intellectu gratia exempli dicamus, quod Venus in initio Libræ (nam tabula de hoc intelligitur scilicet initijs signorum ut Ptolemæus testatur) habeat gra- 17. min. 43. in occasu uespertino & in ortu grad. 7. min. 43. solum: dices, quæ differentia? Dico quod Venus dum tarda est & uersus Solem tendit, cum est proxima Soli 17. grad. 43. min. quia Libra oblique descendit, & ipsa est in parte infe- riore epicycli occultatus. Dum uerò iuncta Soli in superiore epicycli parte, illum superat uelocitate motus, sub grad. 7. min. 53. apparet. Hoc autem maximè etiam contingit ob la- titudinem. Igitur Ptolemæus in hoc textu quo ad inferiores duos mediocres status, proponit unum uesperinum obitum, qui fit, cum Planeta, ut dixi, tardior motu est: & matutinum occasum, qui fit, cum Planeta est uelocior. Sed tarditatem die compensat cum Planeta est supra terram, uelocitatem nocte cum sit sub terra, ut Planeta status fiat mediocris. Rursus in

Q utroq;

utroq; obseruat, ut stella ex occasu nullum recipiat detri-
mentum: De die orta post Solem etiam si non Sol illi propin-
quus esset uideri nihilo secius poterat: De nocte ante Solem
occidens, etiam si Sol ab ea abesset non poterat uideri: is igitur
status medius erat. Quatuor igitur status sunt inferiorū,

quorum pes-
simus est: Die
occidentalis
matutinus,
& nocte occi-
dentalis ue-
spertinus: nā
cum appare-

Status inferiorum.

Die orientalis matutinus.

Die orientalis vespertinus.

Die occidentalis matutinus.

Die occidentalis vespertinus.

Nocte orientalis matutinus.

Nocte orientalis vespertinus.

Nocte occidentalis matutinus.

Nocte occidentalis vespertinus.



rent, apparere desierunt. Orientalis uerò uespertinus in die,
& orientalis matutinus in nocte, frustrantur suo opere: ta-
men sunt in expectatione. Optimus igitur est in die orientalis
matutinus, & in nocte orientalis uespertinus. Et quo orien-
talis matutinus propter ascensum superat orientalem uesper-
tinum descendentem, tantum ab eo superatur, cum orientalis
uespertinus sit uelox motu, matutinus autem tardus. Ex his
igitur ad mentem Ptolémæi facile est deprehendere status in-
feriorum Planetarum: non tamen adeò, ut dixi superius, di-
stinctos, ut sunt superiorum.

TEXTVS LXXI.

Quando verò in proprijs aut domesticis lo-
cis fuerint astra, quæ separatim animis for-
mandis præsunt, quemadmodum in princi-
pio huius operis discreuimus, illustria & non
impedita, suis viribus suffulta & lucrosa de-
cernunt sua omnia, potissimè cum ipsa astra
vtriq;

vtriq; loco dominantur, nimirum Mercurio qualitercunq; configurata, à Luna separantur, aut ad eam se applicant. Sin aliter sunt sita & in locis alienis, quæ ex sua natura peculiariter animis imprimunt obscura, occulta & inchoata sunt.

Et hoc pertinet ad secundum genus, siquidem dominantium stellarum, quod quidem tria continet. Primum, ut talia sidera sint in proprijs locis, uelut domo, altitudine, trigono: uel in domesticis, uelut masculinus in masculino signo, & diurnus in die. Tunc omnia quæ decernunt illustria sunt, non impedita, ualida & lucrosa: sic quòd qualitates animi sunt primum illustres, id est, ualde manifestæ, deinde non impeditæ, id est, non hæsitantes neq; contrarijs permixtæ affectibus, & ualide, id est, firmæ: & quæ non mutantur & lucrosæ, quia cum illa animi libertate felix erit. Vix enim fieri potest, ut damnoſa bonitas perseuerare possit: Vt uerò perseueret, conuenit, ut ingenuitas illa sit cum utilitate: sicut uidemus in mercatoribus, qui ob fidem plurima tractât, indeq; sunt diuites. Homines enim singuli quærunť bonos, quanuis ipsi uelint esse mali. Similiter & Iurisconsulti ob iustitiæ opinionem, ad magnos honores ascendunt. Tertium est, quòd hæc omnia erunt maiora, imò maxima, si his duabus conditionibus tres aliæ adijciantur, scilicet quòd dominantur utrique loco principali, quòd commisceantur Mercurio, scilicet uel commutatione dignitatum, uel mixture radioꝝ, uel ut sint in eadem longitudine, uel in eodem circulo positionis, uel in intuentibus, uel in imperantibus & obedientibus, uel quòd tertius Planeta faciat translationem luminis ab uno ad alterum, uel quòd Planeta ille sit iunctus uel in eodem circulo positionis, cum stella natura Mercurij:

Istis enim octo modis commisceri dicuntur Planete: Vltimò, quòd idem Planeta Lunam ad se uenientem excipiat, uel Luna defluat ab eo. Quòd si dominantes Planete fuerint in op-
positis duarum primarum conditionum, id est, nec in pro-
prijs nec familiaribus, erunt contraria pro illustribus obscu-
ra & occulta, pro nò impeditis impedita et inchoata tantum,
debilia quoq; pro ualidis et damnoſa ἀτελέωτα, καὶ ἀπρόκοπτα
ναδίῳ, id est, imperfecta & infelicia subsidii ſue carentia.

TEXTVS LXXII.

Quæ verò ab ijs qui his dominantur, aut elati sunt supra ea proficiſcuntur valida, & his quibus inſunt noxia sunt omnia, vt qui pro-
pter maleficarum ſtellarum commoda diuer-
ſoria mali sunt, dominantibus iſſis ſtellis faci-
lè ad nocendum alijs ac ſine ſuo periculo, nec impediti, nec ſine gloria & lucro concitantur.
Superatis autem his, ab ijs, quæ ſunt alterius ſectæ, ſiue familiæ, non impunè alijs inſulta-
tur, & animaduerſionem facilè incurrunt.
Contrà, qui propter beneficarum ſtellarum ad prædicta loca familiaritatem boni & æqui ſunt, ſi nullæ ſupra eas elatæ ſint, gaudebunt, & bene audient ob ea, quæ in alios conferunt beneficia, nec à quoquam contumelia afficien-
tur, ſed utilis & fræcunda erit ſua iſſis probi-
tas. Deuictis verò his à ſtellis contrarijs, qui ſua manſuetudine & humanitate in aliorum ſugillationem & contemptum, vim contu-
meliàmq; incurrunt.

Superius

Superius quadrifariam effèrri Planetam super Planetam Cômēt. i
 declarauimus: manifestum est autem, quòd facilius imperant
 & dominantur debilibus Planetis, & his qui extra proprias
 sunt dignitates & in dissimilibus locis. Dicit igitur eleuari
 Planetam aliquem super dominum, aut dominos qualitatum
 animæ, & præcipuè cum ille dominus, aut domini, fuerit im=
 becillis & extra proprios locos, aut consimiles, semper est
 malum. Et hoc sic probat: Si Planeta qui dominatur loco Lu=
 næ & Mercurij fuerit maleficus, significabit improbum, &
 qui alijs noceat quidem, sed tamen si nullus alius Planeta su=
 per ipsum eleuetur, hoc non solum ei erit impunè, sed etiam
 cum lucro & gloria. Ergo in hoc casu bonum est nullum Pla=
 netam super dispositorem maleficum eleuari: quòd si eleue=
 tur, ille quidem erit improbus, alijsq; malefaciet, sed malefa=
 ctorum pœnas dabit: eritq; sine lucro & gloria talis impro=
 bitas. Quòd si dispositio beneficus fuerit, nec alius Planeta
 super ipsum eleuetur, probus erit ille natus & probitas illa
 gaudium & gloriam & utilitatē affèret. Sed si Planeta alius
 eleuetur super ipsum modò non sit benefica concors, erit
 quidem probus sed probitas illa iacturam illi affèret, & con=
 tumeliam ac iniurias patietur ab alijs: Et ob id etiam con=
 temnetur & paruipendetur. Omnia autem hæc, ut dixi, eo
 maiora erunt, quo Planeta dispositio fuerit imbecillior.

Animaduertendum, quòd si benefica eleuetur supra male=
 ficam dispositricem seu dominam morum et qualitatum ani=
 mæ, ille dabit pœnas per iudicium, & condemnatus à iudici=
 bus: Et erit infamis apud omnes probos. Sed si malefica sit
 domina morum, & super eum malefica alia eleuetur, tunc
 ille à malis præcipuè opprimetur (uel uolenter, uel etiam
 falsis accusationibus, uel ueris etiam, sed iniuste tamē ab illis,
 vt pote si fuerint & ipsi flagitij participes & criminis con=
 scij & coniurati. Ita quòd semper in tali accusatione est ali=
 quid

quid odij potius & sceleris, quàm amor iustitiæ, uel boni, & æqui. Similiter si benefica præficiatur moribus et malefica suaper ipsam eleuetur, contemnetur ab improbis & calumniis ingerent in illum falsas, non tamen damnabitur iudicio, imò potius à bonis defendetur. Sicut in nostra natiuitate, in qua illud omnino miraculosum fuit millies ab improbis pati calumniam, & ne semel quidem publicè accusari, nedum accusatum condemnari, quòd merè essent calumniæ. Id effecit, ut Mediolani ob probitatem principum, qui falsas accusationes non solum negligunt, sed talionis pœna rependunt, ut neamo cum tot inimicis, cum tot falsis apud populum insimulationibus, quibus ad annum usque quadragesimum septimum laborauimus, ausus sit nos iudicio tentare, præterquam nebulosè pessimus, qui nos de natalitijs propter inuidiam & auaritiã apud collegium Medicorum, ne non reciperer, spurium me natum esse dicens, accusauit, atq; id tutò, quoniam collegium illud ius non habet ulciscendi periuros neque scelestos, sed solum reiiciendi illos, qui aliqua in conditione deficiunt. Itaq; solum sufficit mihi ut irrita fuerit eius accusatio, quam multis annis me extra collegium detinuerint. At qui me detinuit maius peccatum habebat: ob idque miris modis uita tota excruciatas, demum & morte per desperationem mulctatus, sine ullo solatio uitæ, & multò minore spe eternæ consolationis, non minùs impietate in Deum, quàm scelere apud homines iamdiu cruciatur in inferno. Si uerò benefica moribus præfecta alia benefica contraria natura super eam eleuetur, ueluti si Iupiter dominus sit morum in Capricorno, ubi cadit, in septimòq; loco Venerem excipiat ex opposito, quæ in Cæcro sit, atq; in paucioribus gradibus, ipsa uerò erit prope absidem, sitq; diurna genitura uel nocturna, nihil refert, tunc talis cum Iupiter futurus sit retrogradus etiam ob Solis distantiam, erit adeò in sua probitate deiectus, & ab omnibus

omnibus in alienam trahetur sententiam, ut omnino pro in-
 utili ab ipsis bonis etiam habeatur. Quemadmodum apud
 Papienses D. Ioannes Petrus de Curte, Iurisconsultus, quem
 cum nemo iure improbitatis accusare possit, tamen adeo bo-
 nus est & simplex, ut ab omnibus (quanuis integerrimis ui-
 ris) omnino negligatur: interdictumq; illi sit publice paucis
 iam ante annis, ne quenquam laurea decoraret. Quod in fla-
 gitiosissimo etiam turpissimum esset: sed tam eneruis bonitas
 cum reipublica adeo officeret, ad hæc præcepta publicos coe-
 git magistratus, ne unius dedecus uniuersam sceleret Acade-
 miam. Forsan diceres, hoc ex imperitia illi contigisse: nequa-
 quam: sed ob uiri simplicem bonitatem. Neque enim adeo im-
 peritus est, ut talem infamiam mereatur & multi apud ho-
 mines ob calliditatem non solum nihil tale passi sunt, sed à
 uulgo maximo in honore habentur: cum non solum imperi-
 tiores illo sint, uerum ualde plus & sine comparatione. Hæc
 uolui subiecisse, ut sententiam Ptolemæi optime intelligeres.

TEXTVS LXXIII.

Hæc igitur est in genere sumpta harum re-
 rum consideratio, nunc singularia ab astro-
 rum propria natura secundum eorum domi-
 num pendentia, deinceps summatim percur-
 ramus, quo ad commistionem & contem-
 peraturam eorum, quæ uniuersim deprehen-
 di possunt, assequamur.

Saturnus igitur solus gubernationem ani-
 mæ nactus, dominusque Mercurij & Lunæ,
 si bene situs fuerit respectu orbis & angulo-
 rum, efficit nimium corporis sui ac vitæ stu-
 diosos, rigidis sententijs, profundis medita-

Q 4 tionibus

tionibus, austeros, suæ pertinaciter sententiæ
adfixos, laboriosos, imperiosos, scelerum se-
ueros vindices, superuacaneis intentos, aua-
ros, violentos, thesauros coaceruantes, inui-
dos. Contrà obscuro loco positus, sordidos,
præparcos, abiectos, suis sententijs innixos,
inuidos, timidos, solitarios, maledicos, lugu-
bris semper habitu, impudentes, superstitiosos,
laboriosos, suorum liberorum & necessario-
rum negligentes, domesticis suis insidian-
tes, tristes, valetudinis suæ rationem nullam
habentes. Si verò Ioui sit prædicto modo con-
ciliatus & honorato loco constitutus, bonos,
reuerentes maiorum natu, compositos, be-
ne sentientes, alijs commodantes, impi-
gnos, exacti iudicij, quæstuosos, magnani-
mos, liberales, temerè nihil inceptantes, fami-
liæ suæ studiosos, mites, prudentes, patien-
tes, philosophos. Si secus, ineptos, furiosos,
formidolosos, superstitiosos, sacra versantes,
incantatores, suspicaces, liberorum suorum
osores, amicis destitutos, abditis locis la-
tentes, infidos, ineptè elegantiam affectan-
tes, virulentos, dissimulantes, imbecilles,
ambitiosos, ad pœnitudinem pronos, fatuos,
ac proinde tolerantes malorum & iniuria-
rum. Marti verò prædicto modo concilia-
tus, in prospera constitutione, reddit homi-
nes

nes citra delectum multa inceptantes, ore libero, laboriosos, turbulentos, timide audaces, rigidos, immisericordes, fastidientes aliorum, asperos, bellaces, temerarios, seditiosos, fraudulentos, insidiatores, implacabili ira, perturbationibus inhiantes, tyrannicos, cupidos, Reipubl. aduersantes, contentiosos, illatae iniuriae memores, funditus improbos, vehementes, intolerabiles, tumidos & inflatos, importunos, gloriosos, infestos, iniquos, impunitos, ab omni humanitate alienos, immobiles, pluribus sese negotiis implicantes, agiles tamen & artificijs idoneos, inuictos & omnino lucrosos. Si vero infeliciter situs est, raptores, latrones, falsarios, flagitiosos, turpi lucro incumbentes, incompósitos, à liberis & necessarijs abhorrentes, contumeliosos, insidiatores, fures, periuros, crudeles, nefarios, maleficos, homicidas, incantatores, impios, sacrilegos, sepulchrorum effossiores, ac plane improbos. Veneri conciliatus, prosperèque constitutus, efficit homines ingenio à mulieribus abhorrenti, ad senes verò propenso, solitarios, inamœnos in conuictu, ab ambitione remotos, formosa natiuo odio declinantes, inuenustos, inuidos, austeros, alienos à congressu, & conuictu, suis sententijs innixos, vates, religiosos, mysteriorum &

Q s oracu

oraculorum cupidos, sacrificos, diuinos, venerabiles, & verecundos, philosophos, fideles in conuictu, stabiles, continentes, ratiocinandi vi præditos, cautos, ad indignationē pronos, in re vxoria suspicaces & zelotypos. Si infeliciter situs est, lasciuos, incontinentes, obscenos, sine deliberatione plerunque, agentes, impuros in congressu, immundos, foeminarum dolis expositos, ac maximē domesticarum, audaces, prorsus infames, procliuēs in Venerem, pulchra declinantes, obtretractores, maledicos, temulentos, obsequiosos, ne fariē in coeundo affectos, non in eo tantum, qui naturæ consentaneus est, verum etiā præter naturam seniorum, ac vilium hominum, ac denique bestiarum lege vetitos congressus appetentes, impios, Deorum irrisores, mysteriorum, sacrorumq; prophanatores, infidos, calumniatores, nihil non tentantes. Mercurio conciliatus, honorato loco positus, curiosos efficit, sciscitandi auidos, iuris indagatores, rerum medicarum studiosos, arcanorum & eorum, quæ vulgò efferre religio est, non expertes, miraculorum architectos, captiosos, in diem viuentes, agiles, procuratores, solertes, acutos, amarulentos, diligentes, sobrios, industrios, lucrosos. Contrā infeliciter situs, nugones, iniuriæ illatæ memores, duris

duris animis, laboriosos, suorum osores, inuidos, tristes, noctiuagos, insidiatores, proditores, immisericordes, fures, magos, incantatores, machinatores, mala fide in negotijs versantes, offensatores, faciléque impingentes.

Iouis verò sydus, quando solum gubernationem animi nanciscitur infelici situ, efficit magnanimos, gratiosos, pios, reuerentes, hilares, humanos, magnificos, liberos, iustos, misericordes, affabiles, excogitandi vi præditos, liberorum & affinium studiosos, principatui & regno idoneos. Diuerso modo positum, similia veluti simulachra iam dictorum animis imprimit, obscurius & humilius omnia, vt pro magnificentia, prodigalitatem: pro pietate, superstitionem: pro verecundia, timiditatem: pro veneratione, multitudinis existimationem tantum: pro humanitate, fatuitatem: pro amore pulchrarum rerum, luxuriam seu voluptatis nimium desiderium: pro prudentia magna, cunctationem: pro libertate, responsandi, & quibusvis sine discrimine obloquendi assuetudinem, & id genus cætera.

Marti verò conciliatus honorata collatione, asperos producit, pugnaces, militari ingenio, & ad res procreandas idoneos, dominos, nemini parentes, audaces, sponte se perit

se periculis obiectantes, negotiosos, ore libero, ad reprehendendum pronos, cœpta prosequentes, contentiosos, primatum nusquam non affectantes, prudentes, insidiantes, vincendi studiosos, magnânimos, ambiciosos, animosos, omne iudicandi arbitrium sibi sumentes, & hæc omnia feliciter. Si aduersa fuerit Iouis constitutio, contumeliosos, sine discrimine vnicuique manus iniicientes, crudeles, irreconciliabiles, seditiosos, contentiosos, peruiaces, calumniatores, insolentes, cupidos, raptos, variabiles, leues, & quos crebro actorum poenitet, temerarios, inconstantes, infidos, multo iudicio, cognitione nulla, turbulentos, insidiosos, faciles ad verbera, querulos, prodigos, nugaces, enormes, & inconstantes.

Veneri conciliatus Iupiter felici situ, pueros, voluptuarios, pulchrorum amantes, artificiosos, sciendi cupidos, musicos, cantores, leues, fraudi expositos, beneficos, argutos, minimè malos, pios, & deorum cultores, certaminum studiosos, prudentes, amatores, venustos, sed non sine maiestate quadam splendidos, gnaros, liberales, literarum studiosos, iudicio præditos, modestos ac honestos erga rem Veneream, contentiosos, æqui amantes & honoris cupientes, ambiciosos, & vt vno
ver

verbo dicam, decenter & eleganter probos. Si minùs feliciter situs est, delitijs operam omnem nauantes, effœminatos, saltatores, muliebri & euirato animo, sumptuosos, amatores, segnes, somnolentos, in Venerem pronos, adulteros, ornatui nimis indulgentes, molles, ignauos, prodigos, ad cauillandum propensos, propè fatuos, affectuum impulsus non coërcentes, cultum & muliebre[m] elegantiam affectantes, muliebribus sententijs, sacris insistentes, lenones, mysteriorum indagatores, fidos sanè & non improbos, gratiosos & affabiles, iucundo conuictu, & in occurrationibus liberiores.

Mercurio verò felici statu conciliatus, literarum cupidos & linguarū, geometrię amantes, Mathematicos, artifices, concionatores, ingeniosos, sapientes, bonos, dapfiles, ciuiles & politicos, beneficos, quibus tutò aliquid mandetur, bene moratos, liberales, & qui turba delectentur, callidos, lucrosos, veluti principatui genitos, pios, deorum amantes, mira in tractando dexteritate præditos, pios erga liberos, & parentes, & necessarios, familiæ studiosos, eruditos, philosophos, in existimatione ob hæc constitutos. Si secus, fatuos, nugones, in errorem procliues, contemptibiles, furore diuinatorio correptos, sacrificos,
vani

vaniloquos, amarulentos, simulantes sapientiam, stultos, superbos, commentores, incantatores, incompósitos, multa scientes & memoriæ tenacis, ad docendum habiles, minimeque impuris cogitationibus obnoxios.

Martis sydus, quando solum animi formandi munus nanciscitur in situ felici, generosos facit, animoque ad principatum propenso, diuitiarum cupidos, versipelles, fortes, multis sese periculis exponentes, temerarios, nulli parcentes, sine discrimine inter homines agentes, peruicaces, acutos, audaces, fastidientes aliorum, tyrannicos, ad pugnam procliues, iracundos, ad exercitum ductandum idoneos. Sin aliter, crudeles, contumeliosos, sanguinis profundendi & tumultus concitandi cupidos, prodigos, vociferatores, percussores, temerarios, temulentos, raptores, infestos, immisericordes, perturbationibus obnoxios, furiosos, familiæ & domesticorum negligentes, impios.

Veneri conciliatus, in prospero situ, amabiles, benèque tractabiles, sociorum studiosos, suauiter conuiuantes, lætos, lusu deditos, simplices & apertos, modestos, saltatores, amatores, liberorum amantes, imitatores, voluptuarios, cultum corporis non spernentes, in Venerea vitia pronos & sala-

ces, sed sine incommodo aut damno, quique vitia sua tegere norint, prouidos, reprehensionem & iudicium siue censuram aliorum non incurrentes, iuuenum amatores, masculorum aequè ac foeminarum, sumptuosos, iracundos, & zelotypos. Si secus se habet, natos facit oculis emissitijs, segnes, procliues ad Venerea, omnium securos, cauillatores, adulteros, contumeliosos, mendaces, astutos corruptores domesticorum, & alienorum, utque festiuos ad satisfaciendum cupiditatibus, ita facile satiabiles mulierum ac virginum constupratores, crebrò se periculis obiectantes, callidos, immoderatos, insidiatores, periuros, faciles ad lapsum & dementiam, interdum etiam seipsum ornare gestientes, audaces, peruersos, & insolenter petulantes.

Mercurio conciliatus, situ felici, vehementes reddit in dicendo, militares strenuos, agiles, indespectos, versipelles, habiles, sophistas, laboriosos, veteratores, lingua promptos, ad inuadendum faciles, dolosos, inconstantes, ex insidijs hominem adorientes, malis artibus imbutos, ingeniosos, deceptores, simulatores, insidiatores, malè moratos, curiosos, malorum amantes, prosperè tamen agentes & cum aequalibus & similibus facile iucundèque conuersantes, amicè recipientes, ac omnino ut
ini

inimicis incommodantes, ita amicos prouehentes. Si aliter situs est, decoctores, alienorum vsurpatores, crudeles, periculis se exponentes, audaces, & quos non raro actorum poeniteat, faciles ad verbera, immoderati motus, mendaces, fures, impios, periuros, irruptores, seditiosos, incēdiarios, histriones, infestos, latrones, sepulchrorum effosores, truculētos, falsarios, mala fide rem tractantes, incantatores, Magos, veneficos, homicidas.

Venus sola animi gubernaculo præsicens, honorifico loco sita, blandos, bonos, voluptuarios, omnibus expositos, cordatos, puros, saltandi studiosos, affectatores, latos, laboris fugientes, artium amātes, decentes, deorum mirē reuerentes, habiles, in somnijs felices, pio affectu erga liberos & necessarios, beneficos, misericordes, liberales, lucrosos, ac denique Venereos. Sin aliter, ignauos, amatores, effoeminatos, muliebres, tímidos, præcipitabundos, in rem Veneream procliues, neque infames, neque claros, sed obscuros & latentes.

Mercurio conciliata, felici situ, reddit ad opificia manuaría promptos, animo philosophico & scientijs apto, ingeniosos, opifices, poētas, elegantes, bene moratos, voluptuarios, delicatos, latos, sapientiæ amantes, am-

cīs amī

cis amicos, pios, prudentes, varia machinan-
 tes, meditabundos, aptos mente, gaudentes
 officio, celeriter atq; adeò libenter discentes,
 idq; sine magistri opera, æmulatores optimo-
 rum, affectantes eorum quæ pulchra sunt, ore
 honesto, gratiarum affatim plenos, sermone
 amabili, moribus moderatis, probos, arena
 delectatos & palestra, iudicandi acumine non
 destitutos, magnificos. Quantum ad Venerea
 pertinet, à mulierum consuetudine abstinen-
 tes, ad puerorum congressus propensiores &
 zelotypos. Si secus, irruptores, machinatores,
 ore impudico, nunc harum nunc illarum par-
 tium, peruersis sententijs, deceptores, pertur-
 batores, mendaces, calumniatores, periuros,
 penitus peruersos, insidiatores, incompósitos,
 inhospitales, falsarios, mulierum constupra-
 tores & puerorum. Amplius, cultui corporis
 deditos, molles, infames, quiq; in ore sint om-
 ni populo, omnibus se immiscentes, interdum
 rectè iudicantes, interdum secus, turpia per-
 petrantes, & pro vario affectionum motu
 vnumquenq; contumelia afficientes.

Mercurius sine collega, animum guber-
 nans, feliciter situs, solertes, ingeniosos, men-
 tis vi præditos, multarum rerum peritia in-
 structos, ad inueniendum idoneos, experien-
 tes, bene ratiocinantes, coniectando scopum

R ferè

ferè attingentes, naturæ rerum peritos, bonæ indolis, imitatores, beneficos, contemplandi vi præditos, Mathematicos, arcanorum confcios, & prosperè hæc omnia. Si aliter positus est, vafros, impremeditados, obliuiosos, impetuosos, leues, variabiles, ineptè elegantiam affectantes, insipientes, facilè per errorem peccantes, mendaces, nullo discrimine vtentes, inconstâtes, infidos, alienis imminētes, iniustos, & omnino mēte labili & in errores seductili.

Notandum primò, quòd Ptolemæus semper in omnibus causis præterquàm in Aphetis tria proponit & considerat, scilicet quod est, in quo est, & quod præst. Quod est, fermè quia iam est, parum aut nihil afficitur, seu bene, seu malè se habeat. Quod præst, summam habet auctoritatem. In quo est, mediocrem. Exemplum in causa qualicatum animæ, Mercurius & Luna sunt quod est, id est, subiectum & res ipsa. Et idè Ptolemæus parum curat: curat tamen aliquantisper an sint combusti, an ualidi, an Mercurius retrogradus, an orientalis &c. Aliquid etiam facit: nam Mercurius uelocissimus efficit maximè inconstantes, retrogradus hesitantes, sub radijs absconditus, ut mihi, tractantes obscuriora & inutilia: Lucens autem, quæ sunt in communi usu & utiliora: orientalis liberior, occidentalis dissimulator. Planeta uerò qui præst, maximam habet potestatem: Velut in genitura nostra Venus proculdubio primò, inde Saturnus, & Mercurius, & Iupiter, & Luna, & Mars. Sed id in quo est, est locus Mercurij & Lune qui plus habet potestatis quàm Mercurius, uel Luna, minus tamen quàm Venus, gratia exempli, seu domus loci.

Notandum secundò, quòd unum est generale in omnibus his tribus, scilicet substantijs, dominis & locis, ut inter se configurentur amico aspectu, uel alia ratione conuenienti: Et hoc est optimum, quòd possit esse: ita ut Luna Mercurio & dominis loci configuretur, fiatq; commutatio dignitatum & etiam inter dominos.

Tertium est, quòd in dominis, quando soli sunt considerat, quòd sint bene dispositi quo ad orbem, id est, quo ad angulos: nam de signifero & Sole & comparatione ad alios Planetas superius locutus est. De conciliatione autem Solis ac Lune inferius loquetur. Hæc igitur quartum & quintum membrum superius adductum continent. Nam illa in quibus Planeta tam bene quàm malè dispositus conuenit, ad substantiam Planete pertinent, & ideo ad quintum membrum: in quibus uerò dissident ad Planete situm in comparatione ad angulos seu ad mundum, & est quartum membrum.

Rursus in misionibus oportet considerare maximè duo. Primum in conuenientibus quis superet aut superetur: Veluti si Saturnus cum Venere sit mistus, & Venus dominetur magis quàm Saturnus, & potentior etiam illo sit, tunc considera decreta Veneris separata, scilicet quando sola dominatur, & illa augebis: quæ uerò sunt propria Saturno, minues. Alia uerò, quæ non sunt propria nec Saturno, nec Veneri, manent non adeò uariata.

In eisdem considera misionem ex tribus & quatuor Planetis satis diuersam à natura singularium. Considera etiam duas combinationes, quas relinquit, nam fieri potest, ut tam primus, quàm secundus dominus sint bene constituti uel ambo malè: & has duas ponit: fieri etiam potest, ut primus sit bene positus, & secundus malè: uel contrario modo, & has relinquit.

Rursus, quando sunt duo domini, uel ambo possunt esse

participes in ambobus locis fermè equaliter, & hoc est melius: uel ut unus dominetur plenè in loco Luna, & alter in loco Mercurij, & tunc istud est deterius, quia nisi Mercurius Luna figuretur, tales erunt ualde incompofiti in actionibus fuis. Sunt igitur tres ftatus, fcilicet quando unus folus Planeta utroq; loco fimul dominatur, & hic facit mores fibi undecunq; consentientes, tam in bono quàm in malo, Secundus eft, cùm duo uel plures Planeta in ambobus locis dominantur: & tales habebunt mores miftos, non tamen uarios in diuerfis temporibus, fed eofdem femper. Tertius eft, cùm ille qui habet dignitatem in loco Mercurij, non habet in loco Luna, & ille qui habet dignitatem in loco Luna, non habet in loco Mercurij: & talis ftatus, ut dixi, facit mores ualde uarios, inconfiantes, & incompofitos.

Nota etiam, quòd Planeta dicitur folus dominari qualitatibus animi trifariam: uel quia non committitur alijs folus in ambobus locis plenè dominatur, uelut fi Luna & Mercurius orientales, Luna fub radijs latitante, Mercurio uerò fplendente fub Solis ortum in finibus Mercurij, Venere etiam latitante fub Sole, celebraretur coniunctio Luna ac Mercurij in Virgine, tunc Mercurius efferet folus difpofitor. Et generaliter hic modus fit, quando Planeta latitant fub Sole & relinquatur unus folus dominus illorum locorum. Secundus modus eft, cùm Planeta unus folū dominatur in utroq; loco: & licet alij Planeta uires maximas habeant finguli in fingulis locis, nullus tamē habet uim in utroq; loco fimul, tunc qui uim habet in utroq; loco fimul is eft folus dominator, fi alij non commifceantur illi, nec fint in afcendente iuxta centrum. Tertius modus eft, cùm Planeta unus dominatur in utroque loco, nec deeft alius, qui etiam dominetur in utroq; loco, fed tamen parum dominatur, utpote fi fit folū fecundus dominus trigoni uel finis, alius autem habeat carpentum in utroq; loco, tunc

tunc ille alius, qui habet carpentum in utroq; loco, dicitur solus dominus qualitatum animi. Et reliquus non exhibebit nisi umbram quandam morum.

Notandum ultimò, quòd licet Sol & Luna possint sortiri dominium in utroq; loco, scilicet Luna & Mercurij, & significare qualitates animi: quia tamen significant solum qualitates animi ualde communes, ut declarauimus in precedenti libro, ideo oportet accipere alium Planetam pro domino qualitatum animi. Quòd si deesset, quod raro tamen contingit (non enim fieri potest nisi omnes ferme Planetæ lateant sub radijs Solis in Ariete, uel Leone, uel Sagittario, uel in Tauro, Cancro & Virgine, Scorpione, Capricorno & Piscibus, Luna extra radios Solis posita) tunc talis homo erit omnino rudis, agrestis, & simplex, quales fuisse referunt aureo seculo.

T E X T V S L X X I I I I.

Cum his ita constitutis, conferenda etiam erit Lunæ constitutio. Nam si in flexuris extiterit austrini & borei limitis, cooperatur ad mentis animiq; naturam, quòd efficiat omnia variabiliora & indolem plurimum machinatricem, ac deniq; inconstantiorē. In nodis uero, acutiorē, magisq; industriam & agiliorem. Amplius ascendens & aucta lumine, nobiliorē, illustriorem, ac solidiorem, liberiorēq; Si minuta lumine aut Solis iubare oppressa est tardiorē, hebetiorē, et ad pœnitudinem propensiorē, obscuriorē & tectiorē quoque. Sol etiam ad partes vocatur, quocunque tandem modo animæ gubernatori conciliatus infelici constitutioni, eò

R 3 quòd

quodd omnia reddat æquiora, rectiora, perfectioraq; & plus dignitatis siue maiestatis præ se ferentia, magis deniq; pia. Infelicitèr situs, neque hospitio receptus, humiliora, difficiliora, minus præ se dignitatis, minus maiestatis ferentia, simpliciora, seueriora, magisque cruda, intractabiliora, atque omnino correctu asperiora.

Hec est comparatio luminarium ad qualitates animi, sed diuersa. In Sole enim requiritur, quodd gubernatori conciliatur, in Luna uerò cum dominetur qualitatibus animi per se, hoc non est necessarium: sed si præter id contingat, adhuc erit ualidius. Igitur considerat duos status oppositos. Quorum primus est, quodd sit in uentre Draconis, uel in extremitatibus: Ventrem Draconis uoco, ubi maximam habet latitudinem borealem uel australem: Et cum ibi mutet motum suum, nam si sit ascendens fit descendens, & si descendat, paulò post ascendit: Et est ualde remota à uia Solis, ideo significat debilitatem cerebri & rationis: Quam obrem uarietatem, inconstantiam & dolum. Talia enim ab imbecillitate intellectus proueniunt. Est enim Sapientis dictum, Omnis malus ignorans. Si uerò in extremitatibus fuerit Draconis seu nodis, seu Capite uel Cauda, significat acutum intellectum & industriam ob robur: sed quia transmutatur de una parte in aliam, id est, à septentrione in meridiem, uel à meridie in septentrionem. Et ibi multum acquirit de latitudine plus, quam in omnibus alijs locis, adeò ut in una die superet quandoque gradum unum cum quarta parte latitudinis, ideo facit agiles & promptissimos ingenio. Promptissimi enim sunt responsis, quicumque Mercurium habent uelocißimum et orientem, id est, qui non lateat: tardissimi, qui retrogradum

trogradum et latentem, ut ego habeo in genitura mea. Promptissimi uerò ingenio & consilio, quicunq; habent Lunam in nodis. Promptissimi uerò ad negotia & actiones, quicunque Martem habent in primo orientis statu, & in angulo. Promptissimi ad musicam & iocos, dicteriâq; scurrarum, quicunq; Vencrem sic habent dispositâ, ut de Marte dixi. Per hæc igitur habes reliquos status Lunæ, ut fuerit proximior nodis & uëtri Draconis. Et quia Luna in nodis, ut superius uisum est, plerunq; significat gibbos uel claudos, & corpore lesos: & ibidem posita, præptos & acuto ingenio, idè tales gibbi & claudi & strabi sunt prompti, & fallaces, & maxime quia hoc plerunq; contingit ex cōmitione Lunæ cum maleficis: idè bene dictum est in prouerbio: Caue à signatis à Deo. Secundus uerò status Lunæ est, quòd sit aucta lumine & ascendens uel contrario modo. Quid intelligat per auctam lumine, facile est assequi: quoniam intelligit quando est iuxta oppositionem: tunc enim plus habet luminis quod remittat in terrâ, licet in ueritate minus habeat luminis in se, quantò magis est oppositioni Solis propinquior. Scriptum enim est in Opticis, quæ pater meus Facius Cardanus emendauit, quòd quantò Sol propinquior Lunæ fuerit, illius maiorem partem illuminat, ualidioribusq; radijs. Sed quid intelligat per ascendente, non adeò clarum est. Ego autem omnibus quinque modis, quibus ascendere dici potest Luna intelligerem. Primus est, ut ascēdat in latitudine: id est, quòd ueniat à meridie uersus septentrionem. Secundus, quòd ascēdat in mundo generaliter, id est, ab ascendente usq; ad cæli Medium, & à septimo loco usq; ad inum cæli. Tertius, quòd ascēdat, id est, sit in angulo: tunc enim semper ascendit ad centrum, seu lineam quæ initium anguli describit. Quartus, ut ascēdat ad apogeeum epicycli, id est, moueatur uersus ipsum, non quòd in ipso sit: quia tunc tardior est motu. Quintus, quòd ad eccentrici ab sidem ascēdat, atq; hunc

modum (si modò unum tantum Ptolemaeus intellexit) uerior
 rem esse existimo: quia is est status Lunæ à prima quadra ad
 oppositionem: tunc enim plena est iam luminibus, & in sin-
 gulas horas magis augetur, donec ad perfectam uenerit op-
 positionem, & ascendit uersus absidem eccentrici, quia dum
 Luna est in media quadratura (liceat mihi claro potius &
 usitato uocabulo uti quàm Latino) semper ipsa est in oppo-
 sito absidis eccentrici sui seu perigeo. Cum uerò iuncta Soli
 uel opposita illi est in apogeo eccentrici: concluditur igitur,
 quòd Luna est in optimo statu à prima quadra ad opposi-
 tionem, & maxime in quatuor ultimis diebus, qui sunt ante
 oppositionem. Tunc enim habet quatuor conditiones. Prima
 est, quòd abundat lumine copioso: Secunda est, quòd lumen
 augetur in dies & horas: Tertia, quòd superauit longitudi-
 nem mediam, & est in parte superiore eccentrici: Quarta &
 ultima, quòd in dies & horas magis ascendit in ipso eccentrici
 co ad ipsius apogeu, quare est optime disposita. Per contra-
 rium igitur pessime erit disposita in ultima quadra, quæ est
 ad coniunctionem & maxime in quatuor ultimis diebus, qui
 sunt proximiores ante coniunctionem ipsi coniunctioni. Seu
 quatuor proximè antecedentes coniunctionem: hi enim sunt
 pessimi quatuor contrarijs rationibus dictis inter omnes dies
 totius mensis lunaris. Iuxta hoc ergo ordinabuntur quatuor
 status lunares. Primus est & perfectissimus, à prima quadra
 usq; ad oppositionem, & maxime quatuor dies ultimi illius.
 Secundus est, quatuor dies primi post oppositionem, & qua-
 tuor ultimi ante primam quadrantem. Tertius est, quatuor ultia-
 morum ante secundam quadrantem, & tres primi, post Lunæ
 uisionem à coniunctione, id est, tres primi primæ quadræ in-
 cipiendi à tempore in quo incipit apparere. Quartus est, ab
 ultima quadra ad coniunctionem, cuius deterior pars, ut dixi,
 sunt ultimi quatuor dies. Et ita si bene animaduertis, uerè
 sunt

sunt sex status potius, quàm quatuor iuxta Ptolemai sententiam.

Circa quod notanda est una regula pulcherrima & generalissima, quòd omnes Planetæ iuxta apogeeum eccentrici & epicycli sunt puriores & meliores, non tamen robustiores: sed in opposito sunt robustiores & deteriores, præter Lunam ratione epicycli, quæ in opposito absidis illius non solum est robustior, sed etiam melior & purior. Est enim natura magis elementaris cæteris Planetis. Idèd cùm sit uelocior motu, ibi, & gaudeat quasi natura elementari, & sit proximior terræ, est robustior & melior. Cæteri uerò Planetæ sunt robustiores quantò terræ propinquiores: quia omne agens naturale tantò ualidius agit, quantò proximius est passo. Gaudent tamen & sunt puriores & feliciores & meliores, quantò magis appropinquant apogeis suorum accentricorum & epicyclorum, quia magis appropinquant primæ sphaeræ, quæ est perfectio omnium.

Circa Solis decreta textus est clarus. Quod uerò de Luna nodis pro Luna dictum est, intelligi uult Ptolemæus in alijs Planetis cum suis nodis: Et similiter de uentribus.

Caput decimum octauum.

TEXTVS LXXV.

De Vitijs & morbis animi.



Vandoquidem post animæ explicatam peculiarem naturam, proximè sequitur de præcipuis eius affectionibus seu morbis tractatio. In genere igitur rursus obseruare expedit Mercurium & Lunā, quo pacto habeant se ad inui-

R s cem

cem, adq; angulos, & malefaciendum idoneas
 stellas. Vt si ipsi inter se inconiuncti sunt, &
 apud orientalem finitorē à maleficis aut malè
 affectis stellis supploduntur, aut circundan-
 tur, aut ex opposito feriuntur, multorum ani-
 mi morborum authores sunt, quorum tem-
 peratio & mistura, ex præcognitis syderum
 his locis conciliatorum proprijs conditioni-
 bus intelligenda est. Bona igitur pars medio-
 crium & minutiorum animi morborum ex-
 plicata in præcedentibus est, & potest eorum
 intentio aut remissio ex eorum authoribus
 maleficis stellis colligi.

Cap. 14. *Iam uerò quid polliceantur astra, quæ sub radijs latent,
 ex his manifestum est, nam non penitus nihil, uelut Arabes exi-
 stimant, sed in casu uitæ, ut superius uisum est nihil possunt,
 nec nocendo, nec iuuando: in animi autem qualitatibus ali-
 quid posse uidentur: Faciunt enim hebetiores & ad pœnitenti-
 am propensos: consilij quoq; obscuro & recti, aptiq; ad oeca-
 culta tractanda. In filiis autem negat Planeta, qui sub radijs
 est. Igitur ex ijs regula colligitur triplex hoc modo: Planeta
 sub radijs Solis in maximis rebus, utpote uitæ uel occidendi,
 uel filiorum, nihil præstat neq; potest. In cæteris autem quæ
 ad actiones pertinent, nihil ferme, sed in his quæ iam sunt, de-
 biles significat effectus, ut in qualitatibus animi & corporis.
 In corporis tamen temperatura & qualitatibus significat adu-
 sionem, similiter & in morbis. Præcipuè autem Mars.*

*Quod uerò ad præsentis textus expositionem attinet, faci-
 lis est intellectus. nam tria iubet considerare, locum Luna &
 Mercurij, angulos, & maleficas. Cum igitur ambo illa, scilicet*

licet Mercurius & Luna inconiuncta opprimuntur in angulo à maleficis, & maximè in orientali, deinde in occidentali, pòst in sexto loco, morbos animi significant, & maximè si una malefica duos locos oppresserit, aut duæ maleficæ unum, aut duæ duos uel coniunctione uel oppositione, uel quia circudent, uel quadrato quod est ultimum, & minus malum.

TEXTVS LXXVI.

Verùm enim uerò quæ insigni intervallo à mediocritate dissident, eam uidelicet aut superantia, aut non attingentia, ac ueluti morbofa ex omni parte, ac secundum vniuersam mentis constitutionem, hanc habent uelut in tabula explicatâ summam considerationem. Epileptici plerunque fiunt, quotquot Luna & Mercurio nulla familiaritate coherentibus, in orientali finitore, Saturnum per diu, Martem uerò noctu sustinent, intuentem prædictam figurationem. Furiosi uerò, quando præter ea, quæ dicta sunt è diuerso Saturnus nocte, Mars die, figurationi dominatur, potissimum in Cancro, Virgine aut Piscibus. Dæmonio plecti nascuntur & Lunatici, quando sic constitutæ maleficæ Lunam præhendunt ad Solis radios properantem, Saturnus quidem cum Sole congregientem, Mars uerò oppositam, maximè in Sagittario & Piscibus.

Observandus est ordo, quoniam comitiales minus afflicti existimant

stimat, furiosos deteriores, dæmoniacos pēssimos. In comi-
tialibus igitur tres conditiones requiruntur: quòd Luna
& Mercurius non simul configurentur: secunda, quòd Sa-
turnus de die uel Mars de nocte sint in ascendēte: tertia, quòd
malefica, quæ est in ascendente uel aspiciat Mercurium &
Lunam, uel eleuetur super illos, uel dominetur locis eorum.
Manifestum est autem, quòd cū Mars sit nocturnus, & Sa-
turnus diurnus, min⁹ malè agunt, quàm Saturnus de nocte,
& Mars de die. Nam Saturnus de nocte immensam generat
frigiditatem, & Mars de die caliditatem. Ideò solum facta
commutatione habemus per tres easdē conditiones signa stul-
titia: quæ tamen augentur per Cancrum, Virginem & Pisces:
quia talia signa scilicet Cancer & Virgo significant studiosis-
simos, quia in Virgine geminatur uirtus Mercurij, ob domum
& altitudinem, & Mercurius significat animā rationalem,
ut dictum est, & Cancer est domus Lune & altitudo Iouis,
& Luna significat animam imaginantem & sensibilem, &
Iupiter significat cultum, & ideò Cancer significat eos, qui
excolunt propriè animam, & studiosos disciplinarum & re-
rum publicarum, sicut Virgo potius rerum artificiosarū &
minoris utilitatis. Cū igitur corruptio accidit in his signis,
significat stultitiam: sicut studiosi frequentius & magis insa-
niant quàm ceteri. Et etiā quia ista signa non sunt fixa neq;
sanguinea, quæ duo maximè à stultitia remota sunt. Similiter
etiam Pisces, quia cū sit domus & exaltatio beneficarum,
corruptio quæ accidit in illo, est maior, & maximè quia Pi-
sces sunt signū stultum & absq; sensu. Et ideò furor qui con-
tingit à Piscibus, non est eiusdem rationis cum furore, qui con-
tingit à Cancro et Virgine: quia à Piscibus contingit quidam
stupor & amentia, à Cancro uerò & Virgine insania & fu-
ror uerus. Causa uerò cur hi, qui boni sunt, magis insaniant
& frequentius, tum studiosi, uisa est in problematibus no-
stris.

stris. Dæmoniacy uerò, cùm sit deterior afflictiō indigēt quara
 ta conditione, scilicet quòd Luna sub radios Solis uadat ad
 coniunctionem uel ad oppositionem. Si ad cōiunctionem, cùm
 sit frigida, deterius affligitur à Saturno, qui frigidissimus est.
 Si uerò ad oppositionem, cùm calida sit, deterius affligitur à
 Marte. Mars enim calidissimus, simile autem simili iunctum,
 facit furorem. Quòd uerò à Piscibus & Sagittario, magis
 causa est, quia dæmoniacy sibi duplices esse uidentur: Hæc au-
 tem signa bicorporea sunt, & ratione etiam carent, cùm sint
 opposita signis, in quibus dominatur Mercurius. Iupiter
 quoq; uidetur corrupta natura eius adiuuare hanc disposi-
 tionem, ut inferius uidebitur: hoc autem facit ut existimo
 propter simplicitatem & fatuitatem, quam propriè signifi-
 cat cùm male dispositus est: & quia diuinationes etiam osten-
 dit, & sanguinem mouet, & religionis author est. Hic autem
 morbus maxime à religionis opinione ortum habet, nam phi-
 losophi negant.

Libr. 6.
 prob. 4.

Lib. 4. ca.
 de opifi-
 cio.

TEXTVS LXXVII.

Solæ igitur maleficæ prædictū ad modum
 victoriam schematis nanciscentes, immedica-
 biles reddunt, quos diximus morbos fertos
 tamen, neq; passim in populum fama disper-
 sos. Si uerò conciliatis Ioue & Venere male-
 ficæ in occidentalibus partibus sint, beneficæ
 uerò beneficis locis & angulis sitæ, medicabi-
 lia quidem: sed illustria nimis hæc vitia con-
 stituunt ac ueluti publica exempla. Iupiter
 enim Medicorum opera sanabilia significat:
 Venus oraculis & deorum subsidij.

Tria genera casuum declarat. Primum est, quando simpli-
 citer luminaria à maleficis opprimuntur absq; alio auxilio:
 istud

istud iam declaratum est. Secundum, cum malefica sunt in occidentali angulo & benefica in orientali, uel in Medio cœli. Hoc autem hic declarat. Tertiū, cum malefica sunt in orientali angulo, & benefica in occidentali, de quo in sequenti textu. Nunc igitur proponit, quod erunt illustria sicut & in sequenti casu propter beneficas. In primo autem erunt magis occulta hæc uitia. Sanatio enim propter eos qui sanauerunt, palam facit persepe morbos qui latebant. Quod uerò (Fertus) dixit quasi occultos & latentes, ac à ferendo secum, ut puto, qui uertit Ptolemaum, sic appellauit.

TEXTVS LXVIIII.

At si contrā maleficæ in orientali angulo consistunt, beneficis ad occasum reiectis, incurabilia iuxta ac illustria, maximèq; omnibus inuulgata. Epilepticis continuitatē morbi afferunt, vociferationes, & mortis sæpe terrores iniiciunt. Ad insaniam & stuporem adijciunt, in domesticos incoercitam licentiam, denudationem crebram & blasphemias, hisq; cognata. Ad dæmonoplexiā aut cerebri uiditatem, bacchantium consuetudinem, occulta passim prodendi morem, verberationes & his similia exempla. Peculiariter uerò ex locis, quæ figurationem comprehendunt, Solis & Martis loca ad insaniam efficaciam in primis sunt: Iouis & Mercurij ad comitiales: Veneris ad numinis adflatus & arcanorum reuelationes: Saturni & Lunæ ad humorum copiam, ac dæmonoplexias, id est, dæmonum vexationes.

In primo genere, de quo superius dictum est, nec illustria, nec sanabilia, nec insanabilia uitia portenduntur: In secundo illustria & sanabilia: In tertio, quod pessimum est, quia malefica sunt in oriente atq; ideo ualida, benefica uero in occidente atq; ideo debiles, illustria & insanabilia non solum facit, sed singulis morbis aliquid addit, ut in textu. Præterea, quatuor facit combinationes: quarum tres singule augent morbos singulos: Solis & Martis insaniam, Iouis & Mercurij comitalem, Saturni et Lune demoniacos: Quarta, quæ est Veneris configuratio ad diuinationes & arcanorum reuelationes, communis duobus morbis ultimis, insaniam scilicet, & demoniacis: nam comitales non diuinant. Ceterum Sol & Mars insaniam augent, furorēsq; ac clamores & uerbera, ob uehementem caliditatem cum siccitate iunctam. Saturnus uero & Luna demoniacos ob frigiditatem magnam, copiamque humoris crudi. Vnde talis morbus in uilibus potius, quam in nobilibus, & in fœminis, quam masculis seuit. Iupiter uero & Mercurius comitalem morbum magis excitant: quod cum ille sacer dicatur, ab occulta quadam proprietate oriri uidetur, & diuina ira, sicut etiam recitat Hippocrates. Ideo magis conuenit iste morbus Ioui & Mercurio: nam Iupiter diuinitatem quandam significat, & Mercurius occultas causas. Mercurius quidem, quia semper latet sub Sole, & propter uarietatem motus: Iupiter uero diuinitatem refert, propter beneficentiam & probitatem: Hæc enim duo propriè Deo conuenire uidentur.

TEXTVS LXXIX.

Hi sunt ferè morbi, qui circa uniuersam agentis animæ constitutionem eueniunt, & ex his figurationibus colliguntur. Quæ ad eius partis, quæ affectionibus percellitur naturam
per

pertinent, è potissimo genere æstimata videntur, maximè circa masculini aut foeminini sexus excessum ac defectū iuxta vtriusq; naturā versari. Iudicantur verò simili cum prædictis ratione, nimirum cū Luna Solem in Mercurij locum surrogantes, & Martis cum Venere ad illos configurationem.

Hi sunt, qui dicti sunt morbi rationalis animæ: nunc uerò de his tractat, qui ad animam pertinent inferiorem, ita tamen ut non credas hos solos esse morbos aut uitia, quæ ad eam animam pertineant, sed etiam gulam, iram, ac reliquas animi perturbationes: sed tamen de his solum tractat quæ uehementiores sunt. Circa quod notandum est, quod amor & ira sunt affectus maximi, qui animum perturbent: quoniam epicycli horum Planetarum maximi sunt, & iuxta magnitudinem eorum sunt affectus uehementes: Veneris quidem maximus omnium est, quamobrem amor plurimum potest, & homines obcecatur, inde Martis, unde furor & ira. Quod igitur de amore Ptolemæus dicit pro Venere, idem de ira intelligendum est pro Marte, de timore & auaritia pro Saturno, est enim auaritia timor quidam: Iupiter quoq; facit, ut ita dicam nimis probos. Et ita per unam regulam propriam de Venere quo ad amorē, Ptolemæus ostendit nobis quinque regulas, quæ omnes affectus animi sub se continent. Igitur dicit, quod si pro Mercurio substituamus Solem, & ita pro Mercurio & Luna obseruauerimus Solem & Lunam: Et pro Saturno & Marte Venerem & Martem, ita ut pro Saturno Venerem obseruemus, affectus animæ, quæ procellitur, id est, sensitiua, & quæ intellectuæ subiacet, circa amorem & concubitus desiderium intelligemus.

Itaque hic non leuis dubitatio incidit: Cur sit, quod uitia animi

animi superioris, ut comitalis, insania, demonium ubique inueniantur, generaliterq; stellarum concursibus subiaceant: Et apud omnes gentes astrorum decretis subijciantur: non sic concubitus nefarii: nam apud Germanos, Christumq; colentes uix unum inuenias, qui puerorum concubitu delectetur: etiam si palam illud astra decernat. At uerò apud Aegyptios Mahumethiq; cultores, etiam si non id palam atq; constanter astra decernant, nihilo secius facile his uitijs detinentur. Dico igitur causam esse, quoniam anima sensibilis rationali subijcitur, idcirco talia uitia legibus subiacent: stultitia uerò & demonium & comitalis morbus, cum uitia sint animæ rationalis, subiacent ipsis astris, nec ab ulla ui possunt auerti, cum suprema uis ipsius hominis concussa sit & afflicta. Quamobrem de prioribus quidem uitijs uelut & de corporeis quod animæ rationali non subiaceant, absolute pronuntiabis: de his autem quæ hîc describuntur, quæq; ad Venerem pertinent, non similiter, sed alia quidem non omnino euenient, alia uerò aliter, quoniam legibus & consuetudinibus obediunt: Apud Germanos gratia exempli puerorum concubitor proprijs manibus se polluet, aut cum alio talia patrabat, uel cum ancillis, uilibusq; personis concumbet. Et, ut breuiter rem absoluam, morem gentis in talibus nouisse necessarium est.

TEXTVS LXXX.

His ita oculis expositis, si lumina sola in masculinis signis sunt, mares naturam masculinam superant, foeminae ad virilem nimium indolem, naturamq; transeunt.

Luminaria sola faciunt affectus aut masculinos aut foemininos nimis, cum ambo fuerint in signis eiusdem generis, scilicet masculinis ambobus, aut ambobus foemininis: sed hoc

S

discrimen

discrimen non graue erit. Si uerò Sol in masculino, Luna in foeminino signo fuerint, hoc erit exactè secundum naturam. Si autem contrario modo, scilicet Sol in foeminino, Luna in masculino signo, tunc erunt similes naturalibus hominibus, non tamen adeò exquisitè tales: sed & quandoq; magis masculi, quàm oporteat, quandoq; magis effœminati, & hoc si Mars in masculino signo fuerit, Venus uerò in foeminino.

TEXTVS LXXXI.

Si uerò Mars quoq; & Venus, siue uterq; siue alteruter masculini fuerint, uirî ad conuenientes naturæ congressus procliuēs admodum fiunt, adulterî, incoërcibiles, & nunquàm non accincti ad turpem & illegitimam commiscendorum corporum voluptatem. Fœminæ uerò coitus præter naturam instituti appetentes euadunt, salaces, oculis emissitijs, et quas tribades appellant, uirilîa sibi munia sumentes. Et si quidem sola Veneris stella mascula fuerit, clancularia hæc & latentia uitia significat. Sin etiam Martis, aperta: ut legitimarum vxorum loco habeant nōnunquam quibus cum commiscantur.

Per illegitimam Venerem, intellgit stuprum, adulterium, incestum, & concubitus cum pueris ac cum fœminis alieno modo, non tamen ipsi erunt extra naturam, id est, concubitus patientes. Fœminæ uerò potius qualitate quàm quantitate peccabunt, masculino modo se commiscentes: quæ uitia quandoq; apud monasticas seu sacratas uirgines regnare solent: sicut & masculorum concubitus apud monachos, non quidem

quidem omnes, absit, sed apud eos, illasq; tantum, quiq; non sponte, sed decepti deceptæue, aut à parentibus compulsi, compulsæue, ui intruduntur. Piget me talia dicere, sed ueritas me compellit. Caterum, quod ad textum attinet, Venus sola si delinquat cum luminaribus, quia benefica est, minora mala facit, atque idèò latentia & occulta: sed si Mars misceatur, præter id, quòd malefica est, clamorosus etiam est & petulans & inuerecundus: ob id omnia sponte detegit: Maiora etiam prædicans quàm fuerint, turpitudinem omnem & flagitium non solum dedecori non esse existimans, sed laudi & gloria. At uerò si inimicus fuerit, facit ab inimicis accusari & æmulis: Reliqua nota sunt.

TEXTVS LXXXII.

E' diuerso cùm luminaria in prædictafiguratione in locis foemininis inueniuntur, foeminae in ijs, quæ sibi natura conueniunt, modum non sciunt, viri præter naturam ad foeminarum mollitiem, & euirationem propendent. Cùm ad hæc Venus quoq; foeminina est, foeminae procliuës in Venerem, adulteræ & fallaces fiunt, Venereamque operam & inconuenientes potissimum sexui suo congressus, neq; villo tempore, neque hominum ulli recusantes, turpe aut illegitimum sit, nihil pensi habentes. Viri uerò molles & ad naturæ ignotas coitiones præcipites & concitados, quique muliebres sibi partes congregiundo vendicant, occultè id sanè & tectè. At si Martis quoque stella effoeminata fuerit, apertè ac

liberè, & vrba prorsus fronte, quæ diximus
exercebunt, meretriciam illam. & publicè
prostitutorum turpem & execrabilem perso-
nam induti, vsque ad communem populi in-
dignationem, & deuotionem infames.

Duobus uerbis res constat, quatuor hi significatores,
Sol, Luna, Mars, Venus, in similibus sexui nati signis immo-
deratam in quantitate libidinem efficiunt: non tamen incon-
uenientia aut contraria sexui nati efficiunt. In contrarijs ue-
rò sexui nati signis immoderantiam libidinis in quantitate
non adeò augent, uerùm ad contrarias sexui proprio commi-
ssiones incitant. Eò fit, ut neque tribades tam frequenter cum
puellis agere desiderent, nec pueri pati Venerea, sicut mulie-
res, aut sicut uiri agere. Intelligenda quoq; sunt ea, quæ hic
dicuntur de perfecta ætate, nam ut dixi, puella, pueriq; per-
sepe in uiolentas dominas aut dominos incidunt, à quibus
flagrorum maxime metu, tum simplicitatis causa, alij etiam
auaritiæ multa nefanda perpetiuntur, absq; astrorum indi-
catione, nisi subtili coniectura potius quàm hac generali re-
gula id deprehendere uelis. Hoc autem discriminis interest,
quòd si astra consenserint iam adulti facti & liberi & com-
potes sui in eisdem uitij perseverant: Si uerò absq; astro-
rum generali decreto hæc contingant, ubi adoleuerint &
compotes fuerint sui, ab his uitij abstinebunt. Docet enim
Aristoteles in Moralibus hæc uitia maxime à pueritia con-
trahi, cum contigerit improbis dominis seruire. Et quæ cum
cruciatu fiunt, diuturna consuetudine transire in uolupta-
tem: quæ tamen non succedet, si astra non consenserint. Ve-
rùm Ptolemæus de sua ætate, regione & lege intelligit: in
quibus procliues magis etiam erant absque seruitute, uio-
lentiq; nec illa indigebant: Veluti et nunc Tuneti, ut narrat

Ioan. Leo in Africana historia, ubi mulieres passim, pueriq;
 nulla uolentia, sed modica solum pecunia se prostituunt.
 Vt contra apud nos non eadem licentia in masculis. Verum
 in fœminis magis apud Anglos & Gallos, quam apud Ita-
 los, atq; alia ex ratione.

TEXTVS LXXXIII.

Conferunt etiam orientales & matutinæ fi-
 gurationes Martis & Veneris, vt hæc omnia
 viriliora sint & illustriora, notioraq; occiden-
 tales autem & vespertinæ muliebria magis &
 tecta. Haud dissimiliter Saturnus his acce-
 dens, vt sint insolentiora & impuriora hæc
 omnia & cum maiori turpitudine ac dedeco-
 re coniuncta. Iupiter verò vt decentiora, ve-
 recundia quadam velata & tutiora. Denique
 Mercurius hæc reddit vulgò notiora, agilio-
 ra, millèq; modis varia, & cautius instituta.

Tres facit contrarias comparationes orientalis ad occi-
 dentale: & orientalis significat actus masculinos, & ob id
 etiam maiorem impudentiam: nam & masculi fœminis sunt
 impudentiores: & in Problematibus scriptum est, cur pati
 magis quam agere turpius ducatur: fateriq; magis uerecun-
 dentur: causa ex Astrologia clara est, quoniam orientales stel-
 lae agere significant & palàm, occidentales autem occultè
 atq; pati. Secunda comparatio est Saturni & Iouis: Saturnus
 acit omnia fœda & turpia, & impura, non tamen adeò
 palàm, ut Mars, quia Saturnus frigidus est, Mars uerò cali-
 dus. Iupiter autem omnia moderatiora reddit, cum sit unde-
 quaq; utilis & beneficus. Tertia comparatio est Mercurij,

qui propter tot multiplices orbes, tamq; uarios motus & humilitatem naturæ abscondit, detegit, miscet, uariat omnia: & nisi metus adesset, satis palam faceret. Inuenit etiam mille modos inusitados libidinum: eorum propriè author, qui olim Spintriae uocabantur.

Circa quod notandæ sunt duæ regulæ, quarum prima est Haly, scilicet quod omnes regulæ dictæ de morbis corporis aut uitij, seu morbis aut uitij animi, seu sanitate utriusque, seu de uita, filiis, honoribus, diuitijs, atque alijs rebus, intelliguntur eodem modo in progressionibus, seruatis tribus conditionibus. Prima est, ut non repugnet natiuitati talis effectus omnino. Secunda, ut directio significet talem effectum generaliter. Tertia, ut adsit in progressionem propria significatio talis effectus: tunc in illa progressionem eueniet res significata, quæ raro tamen erit perpetua. Exemplum, in nostra genitura, non est repugnantia lucris: anno 51 peruenit Iupiter ad quadratum Solis & trinum Lunæ, & Sors ipsa per directionem etiam ad sextilem Solis & oppositum Martis & quadratum Lunæ, & significabat generaliter itinera propter ascendens, & bonum in rebus ad fortunam pertinentibus: eodem igitur anno Luna fuit propè Iouem & Iupiter in trigono Veneris, & Mars in quadrato Lunæ. Præstitit igitur iter illud prolixum & honoratum, in quo fuit cum Regibus & Principibus, & accepi multa dona ab eis: & propter quadratum Martis & directionem ad oppositum eius partis fortunæ: Et quia Luna in natiuitate est in quadrato Martis, significat pericula ab aquis, & ab hominibus, & maxime quia Luna est cum capite Gorgonis in uno circulo. Aliud exemplum: aliquis non habet indicia, quod non possit esse dæmoniacus, contingit quod per directionem Solis aut Lunæ, aut ascendentis significatur morbus eo anno: in illo anno Luna cadit in septimam projectionis oppo-

fit Soli, & Mars eleuatur supra illam in eodem angulo: Tunc ille fiet demoniacus eodem anno, & posset etiam mori ex illo morbo & sanari iuxta magnitudinem detrimenti. Quod si natiuitas repugnet & reliqua maneant, incidet in magnum morbum illi a finem, ut conuulsionem uel iram. Si uero natiuitas non repugnet sed directio desit, significans generaliter bonum uel malum, tunc apparebit aliquid, sed erit exiguum. Si uero directio generaliter significet, & genitura non repugnet, progressio autem sit contraria, uel reuolutio, erit sicut dictum est superius. Memineris etiam, quod cum directio & progressio in unum contra natiuitatem consenserint, apparebunt eo anno quedam umbræ talis effectus, non autem ipse effectus, qui per directionem & reuolutionem significabatur.

Secunda regula in sciendo quemcunque effectum, dirige semper significatores positos à Ptolemæo in tali causa. Veluti, uolo scire statum animæ, dirige Lunam & Mercurium pro rationali, & Solem & Lunam pro inferiore anima, & primos duos ad Saturnum & Martem, & secundos ad Martem & Venerem. Et ita pro morbis corporis Solem, Lunam & ascendens ad maleficas: Recordando quod Mercurius persepe cum ab initio fuerit in aspectu inimico significatorum, aut dominus loci oppositi eorum, aut in aspectu amico maleficarum, aut dominus loci earum, aut

ipsæ maleficæ dominæ loci eius, tunc ipse

habet uim maleficæ. Et hæc regula

de directionibus ad unguem

etiam est intelligenda

de progressio-

nibus.

FINIS TERTII LIBRI.

S 4

CLAV

CLAVDII PTOLEMAEI MA- THEMATICI DE IUDICIIS,

LIBER IIII.

Caput primum, quod est
Procemium.

TEXTVS I.



Ve igitur genituram præce-
dunt illive cōnexa sunt, am-
plius ea quoq; quæ eam co-
mitatur, cuiusmodi sunt vni-
uersæ animi & corporis con-
stitutionis propria, hæc ferè
sunt, quæ diximus. Eorum
verò quæ aliunde accedunt & deinceps expli-
candorum primus est de opibus & dignitate,
existimationeq; nati sermo. Cohæret enim, vt
rerum possessio ipsæ, quæ corpori propria sunt,
ita honoris, quæ ad animum pertinet.

COMMENTARIVS.

Cap. 3.



Vatuor proposuerat superius tractanda: scilicet
genituram antecedentia, ut parentes, & connexa,
ut sexum ac numerum, concomitantiaq; ut uitam,
formam, mores, & de his omnibus tractauit simul, & de his,
quæ

quæ & præcedere possunt & sequi, uelut de fratribus: nunc reliquum est, ut de his quæ sequi tantum solent: uerum tamen, & de hac diuisione aliàs dictum est, dum doceremus ex Ptolemæo quadruplicem tractationem principiorum, uniuersalium, connexorum, & succedentium, quæ fermè ad fortunam pertinent. Nam de primis tribus dictum iam est, de quarto autem in hoc libro iam dicemus.

Hic Haly docet oportere philosophum esse, qui rectè uelit iudicare, generaliaq; præcepta cognoscere atq; intelligere diligenter, aliter operam omnem frustrari. Idq; rectè omnino dictum. Nec debere quenquam dubijs uerbis polliceri, aut prædicere, sed clarè atq; perspicuè, & singulariter, quæ futura sunt. Itaq; & generalia scire oportet, et in philosophia eruditissimum esse, nec hæc sufficient nisi duo alia etiam cognouerimus: quorum primum est de consuetudinibus proprijs gentium atq; hominum, uelut de ira Germanorum, Parthorum feritate, mercatorum bonis uerbis, artificum mendacijs, talibusq; innumeris. Secundum est, ut sciamus quomodo homines generalibus effectibus subijciantur: Nam multi occiduntur absque signis uiolentæ mortis: multi iuuenes moriuntur, qui ad senium peruenire debuerant: multi ditantur absq; diuitiarum signis. Vt uerò huius ultimi exemplum afferamus, nam de alijs supra locuti sumus & de omnibus malis, dicamus de hoc uelut & de honoribus, & magistratibus atque alijs bonis, quod certum est amicos non decerni ita à genitura, ut quis eos ab initio, qui futuri sint, et quales dignoscere queat. Constat autem, quòd amici principes & diuitias, & honores, & magistratus afferunt. Igitur contingit, quòd ex amicitia (quæ ex genitura deprehendi qualis futura sit non potest) homo natiuitate satis humili ad magnos status perueniet. Sicut contingit de Maximiliano Stampa, qui cum haberet infelicem genituram, quia tamen inter illam & genituram Fran-

cisci secundi Sfortiæ Ducis Mediolani fuit cōmutatio, factus est ditissimus, honoratus & potentissimus, in alijs rebus tamen infeliciissimus: quia genitura talis erat & nō fuit in alijs cōmutata. Et similiter quarta genitura, licet sit per se felix, eō tamen est felicior, quō ascendens suum & fortune partē alternatim cum fortune parte & ascendente primæ cōmutat. Rursus genitura Ludouici Ferrarij per se egregia est, quoniam tamen Luna locus illi est, nobis ascendenti proximus, & Iouis loco, adiutus est à nobis. Et hoc est, in quo plus habet Fatum, quàm Astrologia. Hæc autem cōmutatio cum Principibus pars est, & similis ei, quæ est cum generalibus constitutionibus. Nota igitur, quōd si generales constitutiones debiles fuerint, exaltabuntur solum qui bonas habent genituras & cōmutant loca principalia. Si uerō ualidiores, qui commutant nec repugnantem bonis habent genituram. Si adhuc ualidiores, qui præclaras habent genituras & cōmutant in processibus. Si uerō ualide multum fuerint, quicunq; commutant ex processibus. Si uerō adhuc fuerint potentiores, qui bonas genituras habent omnes, etiā si non commutent. Vltimò, cum fuerint ualidissimæ constitutiones, omnes eius loci exaltabuntur, ut in Mecha propter Mahumeti aduentū. Ita in cladibus & pestilentijs, omnes moriuntur, quando constitutiones ualide fuerint admodum, quibus solum ascendens absq; auxilio Apheta fuerit, etiā si nullo modo cum constitutione concordauerint. Hæc igitur causa est, cur qui infelices habēt genituras, modò non sint uiolente, & biothanate, debēt adherere Principi. nam si concordauerint, poterunt esse felices, si non concordauerint, nihilominus non sunt deteriore conditione, cū etiam si non adhaesissent infelices futuri erant. Contrario igitur modo, qui solum ascendens Aphetam habent, omnes calamitates generales uitare debent. Quod autem dixit (Eorum uerò) declarat ordinem dicendorum hoc argumento: sicut

sicut tractatio de corpore, præcedit tractationem de animi qualitatibus, ut superius uisum est, ita tractatio de opibus tractationem de honore: nam ita se habent opes ad corpus, sicut honor ad animum. Sicut enim opes exornant corpus, ita honores animum.

Caput secundum.

T E X T V S I I

De nati fortunis.



Væ igitur possessionis sunt, à Sorte siue parte fortunę petenda, sunt tantum illa, ob quam Solis à Luna distantiam ab horoscopo abijcimus tam in diurnis, quam nocturnis genituris, propter eas, quas, ubi de vitæ spatio egimus, causas attulimus.

Magna fortuna in genituris octo modis habetur quo ad diuitias. Primus est, cum Sors cum Ioue bene fortunato coincidit, tunc enim undique diuitiæ affluunt. Secundus, cum Venus est in cœli Medio, præstat enim beneuolentiam, elegantiam, sermonis gratiam popularem, morumque facilitatem, unde opes affluunt. Tertius, cum Iupiter in secundo loco extiterit: Cœli enim Medium trigona radiatione aspicit, ad horoscopumque ascendit. Cum igitur non possit uitæ fauere, fauet proximiori rei uitæ, scilicet diuitijs, quibus uita, incolumitas, honores, amici que habentur. Quartus est, cum Luna fuerit in ascendente. Facit enim accommodatos, et negotijs tractandis faciles. Quintus Sol in occidente, illustrat enim ascendens ex aduerso radijs temperatis, facitque graues atque iucundos, quo nihil melius est in homine. Sextus est defluxus Lunæ et applicatio accommodata: cuius ratio
statim

statim subiicietur. Septimus est coniunctio Iouis cum Venere, uel Capite Draconis, uel Luna, uel fixa stella benigna, uel fixa stella benigna cum Sorte, uel Sole, uel Luna & maxime in angulis. Octauus, commutatio Sortis aut luminarū, aut ascendentis cū felicibus genituris, ut in precedenti capite diximus.

Clarum est autem, quod diuitiæ multis causis sequuntur, præcipuè ob honores. Quis enim honoribus & magistratibus fungi potest, qui non dite scat, nisi sit alter Aristides, Phocion, Cato? Sequuntur etiā ob industriam, mortem affinium, gratiam principum, artis excellentiam. Cū igitur ita sit, quæcunque ingens aliquod bonum pollicentur, pollicentur & diuitias: ut in sexto & septimo modo.

TEXTVS III.

Videre igitur oportebit eos, qui signi hac ratione inuenti gubernationem sibi vendicant, vt valeant, an commodis & familiaribus in locis sint, sicut in principio differuimus. Amplius consulendæ sunt stellæ, quæ eis configuratæ sunt, aut supra eos euectæ eiusdem sectæ aut contrariæ.

Non ut in animi qualitatibus, semper stellas quæ supra dominos loci eleuantur refugit, sed solum cū contrariæ fuerint dominis, quæ supra illos eleuantur. Causa est, quia in animi qualitatibus immoderata omnia mala sunt, ut nimia bonitas aut improbitas: non sic in diuitijs, quia nullus excessus nocet. Oportet igitur & dominos loci, & qui supra eos eleuantur bene disponi, atq; inuicem consentire. Quamobrem si eleuentur stellæ, quæ consentiant cum dominis Sortis, etiam melius est, quàm si solæ sint, quæ dominantur. Et ob id raro contingit, ut præclaro ingenio & liberali euadant ditissimi. In locis commodis igitur à Sole, à mundo atq; familiaribus. Vt
orien

orientales à Sole in angulis, uel saltē secūdo uel undecimo loco, quòd hi succedant alteri nobiliorū angulorū: alterū aspiciat amico aspectu in domo, altitudine, uel alia propria dignitate.

T E X T V S I I I I.

Si validi sunt ij, qui fortunæ Sortem gubernant, diuites efficiunt, maximè si à luminibus testimonio familiaritatis corroborentur.

Diuitiæ splendorem magnum afferunt apud mortales, & ob hoc indigent & iuuantur testimonio luminarium, non sic filiorum multitudo aut ingenium. Status igitur diuitiarum ex quinque rebus habetur. Prima, ut domini loci Sortis sint à Sole orientales. Secunda, ut in angulorum centris. Tertia, ut in proprijs dignitatibus. Quarta, ut Planetæ qui super ipsos eleuantur, cum eis concordent. Quinta, ut domini loci Sortis cum Sole uel Luna conueniant. De conuenientia autem superius qualis sit, & quot modis fiat, dictum est. Planetæ igitur dominantes Sorti in angulis, maiores dant diuitias, quàm in proprijs dignitatibus: Sed eò minus stabiles, quòd celerius ex angulo Planeta exit, quàm è proprijs dignitatibus, etiam si finis extiterit. Loquitur autem hic propriè de diuitijs omnibus, præter quàm paternis: nam ille in certis regionibus ad filios necessariò deueniunt, maximè natu maiores: & præcipuè Feuda uocata, ut arces. Quid si ubi primogenitus Feudis succedit, ut in Gallia & Scotia, natu maior habeat dominos Sortis oppressos, secundus autem natu, uel tertius, illustres, & à luminarium consortio etiam firmiores factos, dicemus legem humanam plus posse quàm cœlestem in talibus, uelut contraria ratione in his, quæ ad animum & corpus pertinent, cœlestē plus humana. Nihilominus primogenitus Feudi reditus pignori semper habebit datos, contra alter reditibus aliunde acquisitis affluet. Antequàm tamē primogeniti conditio

ditionem superet ut æquet, non paruo tempore indigebit quantumvis felicissimè natus. Nam & lex primogenitorum ad generales pertinet constitutiones.

Sortem igitur sub Solis radijs latere parum aut nihil refert ad malum, sicut & cum Luna esse ad bonum, dominum autem plurimum, sub Sole tamen propriè, si bene fuerit constituta, publica præmia & Regum dona pollicetur: sicut in Solis quadratis & magis oppositis iacturam & amissionem bonorum ob fiscum. Similiter Sub Luna, cum Sol in ascendente fuerit, uitam robustam, & incrementa patrimonij ex contractione cum hominibus decernit. Et si in trigono Lunæ, aut sextili fuerit bene collocata, & per rationes publicas. Velut in opposito eius, aut quadrato in signis non familiaribus iacturas ex contractionibus publicis & conductione. Sol enim administrationes & magistratus significat, Luna eos qui conducunt opera publica. Idem uerò & certius continget, si loco Sortis illius domini ita fuerint collocati. Sed dicces, Ptolemæus uult quòd dirigamus Sortem pro habendis euentibus diuitiarum, hic omnia tribuit dominis Sortis, & non loco? Respondeo, oportet intelligere ipsum per ipsummet. Cum uult, ut dirigamus Sortem, ostendit debere tamen considerare dominos illius principaliter, non locum ex hoc capitulo: Cum hic dicit considerandos esse dominos, ostendit ex Capite ultimo quarti libri, habendam esse ipsius loci considerationem. Vnde qui occurrunt in directione etiā radijs quadratis, aut oppositis, ut ibi docet, sunt administratores loci. Attamen si ab initio fuerunt contrarij, puta domini loci oppositi, nocent. Qui uerò nocent ab initio, utpote si Sors sit in Scorpione, & Sol in Tauro paribus gradibus, Sol non nocet Sorti, & hoc bene nota, sed est illi inimicus, ita ut cum directione uel processu uel per ingressum deuenierit dominium Sortis ad Solem, bona deuoluentur ad fiscum. Non ergo Sol

nocet

nocet Sorti, quia ab initio radijs oppositis illam afficiat: sed quia cum radijs oppositis illam afficiat, ubi ad illum deuenierit dominium, offendet illam, non quæ est in radice, sed directione, uel processu, aut ingressu. Hoc autem tantum interest, quod si Sors afficeretur perpetuo, paupertas & detrimenta significarentur, sicut si domini male afficerentur. Non afflicta autem Sorte sic, sed solum inimicis Planetis in occurrantionibus detrimenta solum eueniunt non semper. Idem de beneficiis.

Eadem uero regula, ut dixi, in processibus tenet. Sed et si secundum locum & Iouem considerabis, multumque illis tribuas, non errabis. Aliter me nihil lucratum omnino fuisset necesse, cum tamen non tam parum sum lucratus, quam parum mihi ex lucro superfuit. Si igitur ad partem fortune respicias, Venus, Mercurius & Saturnus in octaua genitura illi dominantur. Qui cum sint concordēs, & in proprijs locis, & absque maleficarum testimonio, stabiles & nunquam defuturas opes decernunt. Quia tamen absque testimonio luminarium & in cadentibus locis omnes, paucas & minus, quam mediocres. Et ita semper fuit.

TEXTVS V.

Verum Saturnus diuitias largitur per ædificia, nauigationes, agriculturam. Iupiter per ea, quæ ipsi concredita sunt, per præfecturas, per sacerdotia. Mars per militiam & exercitus ductionem. Venus amicorum & foeminarum donis, & beneficijs, Mercurius per eloquentiam & negotiationem. Peculiariter autem Saturnus fortunarum Sorti conciliatus, si cum Ioue configuratus fuerit, hæreditates donat, maximè quando in supernatibus angulis hoc acciderit Ioue occidente

in bicorpori signo, aut applicationem ad Lunam habente, tunc enim ad liberorum procreationem deducti, alienorum hæredes scribuntur.

Quod per se significant, clarū est. Cum uerò nihil sit, quod adeo & repente et multum diuites reddat homines quàm hæreditates, ob id causam huius tam conspicuæ rei & ab hominibus desideratæ docere uoluit. Magnarum igitur opum & tardè uenientium ac cum multis difficultatibus, duos Planetas maximè diuitiarum significantes causas esse docuit & tardos: hi sunt Saturnus & Iupiter. Et quia per hereditatem bonum heredi & malum morienti aduenit, Saturnus pro malefica, Iupiter pro benefica assumendus est, et hæc est prima conditio. Secunda, quod ambo sint in angulis superioribus: quia hereditates sunt res magnæ, & conspicuæ præsertim integritatis, & locupletum, ideo ut sint magnæ, indigent locis potentibus, quales sunt anguli, & conspicuæ indigent angulis supra terram, qui sunt cœli Medium & occidens. Occidens propter mortem eius qui hereditatem relinquit, cœli Medium ob magnam felicitatem. In occidente Iouem, in cœli Medio Saturnum constituit. Hæc enim est ars Ptolemæi, ut commutationem & participationem maximè obseruaret. Cum enim hoc ex concordia Saturni & Iouis prouenire deberet oportet ut alter alteri cedat mutuo, ut etiam mortales in consilijs facere solent. Quod si omnino in talibus angulis non essent, sed puta in undecimo loco pro cœli corde: legata pro integris hereditatibus, & in nono minora etiam significaret: idem in octauo pro accidente. Id uerò ad secundū pertinet necessariū. Tertium est, ut Iupiter in signo sit communi uel Luna illi applicet, uel ab eo separetur. Hoc enim significat duo in unum coeuntia. Fit autem multis modis. Vnum enarrat consuetum. Lacedæmo

Lacedæmoniorum tempore, uir infæcundus deligebat iuuenem, qui cum propria uxore concumberet, itaq; filius natus duos habebat patres, legitimum non naturalem maritum matris. Et naturalem non legitimum, iuuenem à quo erat procreatus. Mortuo legitimo, naturalis cum filia succedebat. Alius modus hoc tempore honestior: frater permittit fratri, ut uxorem ducat, filiiq; & ipse maiori in hereditatem tum lege, tum consensu succedunt. Alius modus, duo contrahunt fraternitatem, & eorum altero mortuo alter succedit. Vt Mediolani Marcus Antonius Iacobo Baldouino, quos ambos nouimus. De alijs forsitan etiam intelligit, qui adulterini filij à matribus coniugi supponuntur. Eodem modo alias mixtiones interpretaberis. E quibus est, quòd Saturnus Marti commistus eos facit Chirurgos optimos, si bene dispositi sint, & eorum alter opificio præfectus.

TEXTVS VI.

Ac si quidem stellæ eiusdem sectæ cum ipsis gubernatoribus, gubernationis testimonia ipsæ contulerint, possessiones illabefactas conseruant. Si uerò stellæ contrariæ sectæ eleuantur supra loca dominium exercentia, aut ipsæ succedunt, labefactationem significant futuram bonorum.

Istud totum declaratū est superius. Si enim dominis opum maleficæ felices concordent, rapinis assiduis opes augebuntur. Si discordent, à latronibus, furibus & publicanis diripientur. Si fortunæ causæ discordent, iudicijs peribunt. Si auxiliabuntur, iudicijs & fide augebuntur. Proprium autem est Marti & Veneri, disperdere opes. Mars per rixas & ludos, & uenationes ac dilapidationes: Venus ob luxū, scorta, delitias, incuriam, uestes, & talia. Saturnus cum Marte &

T

Mercu

Mercurio facit Alchymistas. Qui tandem in moneta adultera
rima fabricatores transeunt, plerūq; pœnas dantes. Et scias,
quod Saturnus solus propriæ paupertatis, imò mendicitatis
author est: ut Iupiter non solum diuitiarum, sed opum &
affluentia.

TEXTVS VII.

Cuius euentus tempus in genere accipere
licet ex stellarum id efficientium ad angulos,
& succedentia loca, an nutu.

Annunt siue innunt tempus generale stellarum tam do-
minarum, quàm super eas eleuatarum constitutiones ad an-
gulos. In angulis in iuuentute, in centris statim: in succeden-
tibus media ætate: in cadentibus serò, & in senectute. Vnde
etiam in cadentibus habentes fortunarum significatores non
omnino de diuitijs desperare debent: Verum cum etiam hæc
etas sit breuis & inepta laboribus, in paucis admodum id
contingit, & etiam plerūq; parum. Itaq; pauci sunt, qui sibi
ad summam senectutem perueniant, non uideant uariam in
diuitijs fortunam. Idem uerò dices de occidentalibus quartis
& orientalibus mundi. Et rursus de earum situ in compara-
tione ad Solem. Manifestum uerò est, quod pro proprijs tem-
poribus in Sorte profectionem & directionem obseruare
conuenit, ut infra docebit, non dominum illius: ita ut genera-
lia tempora dominis, propria locis ipsis tribuantur.

Sed dices, Quonam pacto aliquis ex sceleribus diues fiet,
cum neq; benefica scelera significant, nec malefica bene dispo-
sita? Sed uelut cum Saturno Mercurius Architecturam, &
cum Marte fabrilem excellentem. Malè autem dispositus ma-
leficus, miseriam nuntiat: nullus igitur locus diuitijs ex flagi-
tjs comparandis relinquetur, cum tamen plurimi sic ditentur
etiam in immensum: Vt illud Iuuenalis:

Crimini

Criminibus debent hortos, prætoria, mensas,
Argentum verus & stantem extra pocula caprum.

Nostra autem ætate non minus, quam antiqua sunt frequentes. Respondeo maleficas potentes & bene dispositas hoc facere. Nec artem significant, nisi dominæ sint opificij. Cum uero multitudo opum paratur, necesse est, ut dictum est, de hereditate, beneficam maximè autem Venerem fauere, etiam si scelere id fiat. Nam malefica scelus, Venus autem acquisitionem opum significat. Quod si nulla adsit benefica, malefica uero opificium non significant, & sint extra proprias dignitates, ualida tamen in angulis, tunc puro scelere & à legibus uetito diuitias parabunt. Quamobrem tales diuitie rarissimè perseverant, diuturnæ uero sunt. Ut cum furto, latrocinio, moneta adulterina, falsis testamentis, paratur res. Duobus uero modis res scelere paratur, & non à legibus punito, uelut scenore, iniustitia, seplasia, aliisque in tertio de sapientia, technis, dictis: uel cum malefica opificio non præsidentes fuerint ualida & bene affecta, sine fortunarum testimonio: uel cum ualida fuerint, & male disposita, cum testimonio fortunarum. Maximè uero opes parabuntur, si ualida & bene disposita fuerint malefica cum fauore beneficarum. Maximè autem in diuitiarum acquisitione concursus, et in genitura & in temporibus obseruare expedit.

Caput tertium.

TEXTVS VIII.

De fortuna honoris & dignitatis.



Væ ad dignitatem et ad hanc beatitudinis partem pertinet, à luminarium statu & satellitum astrorum accipimus, obseruantes eorum familiaritates. Nā si in masculinis signis fuerint ambo

T 2 lumina

lumina, et in angulis, siue alterum horum maximè conditionarium & stipatum quinque eronibus erga Solem quidem matutinis, verspertinis verò erga Lunam, reges erunt qui nascentur.

Septem genera status hominum quasi extrema inuicem, quod maxime distent declarat: per ea reliqua omnia, quæ infinita sunt intermedia, nobis insinuans. Nec comparando loquitur, sed simpliciter, ita quod etiam filius rustici hanc natum genesis in, modo uiuat, ad regnum perueniet. Ut autem intelligamus ueritatem huius rei, debes scire, quod luminaria in masculinis signis simul esse contingit secundum distributionem singulis quatuor hominibus, & cum hoc habere Venerem & Mercurium orientalem singulis 16 hominibus. Sed de Saturno, ut sit in primo statu, cum habeat quinque status singulis 80 hominibus. Igitur ut habeat tres superiores in primo statu singulis 2 mille hominibus continget. Ut uerò sit in angulis, continget ex 6 millibus uni. Igitur per statum Regium intelligit statum eius qui præsit 3 millibus hominum. Nam cum de Luna uel Sole loquatur, ad dimidium numeri reducitur. Intelligit ergo per reges regulos, more antiquorum & Arabum, qui Reges faciunt atque appellant unius oppidi dominos. Quales sine numero sunt nunc in Africa & India.

Itaque Ptolemæus hoc in negotio maxime obseruat rerum ipsarum rationem. Cum enim sub eadem non solum Saturni & Iouis coniunctione, sed etiam Solis & Lune innumerata nascantur, quorum uaria est fortuna, rem hanc ad momentum transtulit. Nam qui in angulis sunt Planeta, plurimum possunt, quod res hæc breuissimo tempore duret. Eoque magis, quò in ualidioribus angulis scilicet ascendente et Medio cæli:

Et in

Et in eorum centrīs. Hoc autem ut rarissimum est, & in im-
 mensum augetur & excrescit, donec ascendente luminari in
 ipsomet fuerit centro, non ita facillē quēquam ad regnum
 magnum admittit. Ergo Ptolemæus hīc per angulos simpli-
 citer intellectos, etiam Regulos decerni proponit. Quod si
 non in angulis solum, sed etiā in centrīs eorum fuerint ambo
 luminaria, tunc de magnis regibus intelliget. Atq; ita sermo
 hic de primo statu omnium regum, qui tamen non sunt supre-
 mi, ut Rex Gallorum, aut Hispaniarum, uel Turca, uel An-
 glorum, uel Pannoniæ, & multò minus de Cesare, qualis est
 noster, est intelligendus. Pro regis nomine autem hīc si Prin-
 cipem dicas, iuxta consuetudinem nostri seculi, clariùs rem
 percipies. Erunt ergo tales Reges, ut Comes Flandriæ, Dux
 Austriæ, Dux Mediolani, Rex Bohemiæ solius, & hī inter
 maximos huius status, ut etiam Rex Aragonum, Dux Flo-
 rentiæ. Inter mediocres autem Reges huius status, Dux Fer-
 rariæ, Dux Mantuæ. Inter minores, Princeps Bisignanæ,
 Princepsq; Salerni, Dux Parmæ. Inter minimos autem comes
 Vgubij, Marchio Istonij. Iam igitur habes, quid per Reges
 Ptolemæus intelligat, & quomodo: nunc modò causam sen-
 tentiæ illius exponamus. Luminaria in hoc casu obseruat,
 quod dignitates Regiæ omni hominum generi imperent: non
 sicut alij Planetiæ, sic & luminaria certo hominum generi
 præsent, sed generaliter omnibus. Nam Saturnus infimæ ple-
 bi, Iupiter diuitibus & magistratibus, Mars militibus &
 artificibus durioribus, Venus mulieribus & mollioribus ar-
 tificibus, Mercurius studiosis. Quod uerò in masculinis signis
 sint, hoc facit, ut efficaciores & promptiores ad negotia
 obeunda euadant. Quo etiam docemur nihil tam facere ad
 honores & dignitatem retinendam, quantum efficacia &
 promptitudo in negotijs. Hæc autem ut ad regnum utilia
 sunt, non tamen in alijs rebus adeo. Nam primum malos mo-

res in Veneris præstat plerunque hæc constitutio, si modò Venus astipuletur, ut superius uisum est. Facit & aliorum contemptores & plerunq; boni & æqui. Et nil curantes, nisi quod ad magnitudinem sui status faciat, & explendum desiderium. Sunt enim tales immodici semper in cupiditatibus & actionibus suis. Nocet etiam, quo ad uitam Lunæ constitutio in signo masculino. Ita nihil est ex quâq; parte beatum: multo minus Principum uita. De orientalibus uerò Planetis à Sole, occidentalibus à Luna, rationem superius declarauimus. Similiter & de angulis. Ergo si in Regis filij genitura quæ dicta sunt contingant, non solum Rex, sed maximus euadet Rex, & regnum suum tanquam ad id munus natus summa cum facilitate tractabit.

T E X T V S I X.

At si satellites Planetæ vel in angulis ipsi fuerint, vel ad superiorem cœli cardinem configurati, magnam decernunt & stabilē potentiam, orbisq; imperiū: quæ quidem maior erit felicitas, si hæc configurationes dextræ fuerint.

Si per orbis imperium intelligas totius orbis, absurdum hoc erit, quando quidem ne ullus unquam toti orbi imperauit: neq; fieri posse, ut quisquam imperet, in libris de Aeternitatis arcanis demonstratum est. Sed nec de maiore parte, ut Cæsaris aut Alexandri Magni, cum constitutiones hæc, quas hic Ptolemæus proponit, frequentes sint, tales autem principes rarissimi. Quod igitur antea diximus de regibus paruis, hic de magnis est intelligendum: Scilicet ut hæc constitutio Regem mundi, id est, qui titulos ferat totius aut maioris partis orbis, significet: Quales, ut dixi, Cæsar, Turearum Princeps, Aethiopum Rex, Rex Scytharum nostro tempore magnus Cham dictus, Rex Gallorum, Rex Anglorum, Persarum Rex,

Rex, Sophi appellatus, Cambaia, etiam aliique toto orbe celebres. Si tamen luminaria in centrīs prater id horum sint angulorum, fient tunc Reges maioris partis orbis, ut olim fuit Augustus.

Illud etiam animaduertere decet, quod Ptolemæi tempore, Romani Imperatores orbis hoc modo erant principes, sed hoc à generali constitutione Imperij Romani ortum traherat. Quo fit, ut uerisimile sit Ptolemæum uidisse genituram Augusti, & Tiberij, quam habuerat Thrasibulus Mathematicus, & C. Caligula, & Neronis, & Claudij, & Domitiani. His enim omnibus ab astrologis prædictum fuerat imperaturos. Fuerant autem hi proximi etati Ptolemæi et paulo ante illum. Credendum est igitur Ptolemæum obseruasse in illis hoc commune, quod dixit. Similiter & forsan in genituris regum Persarum, Xersis, Artaxersis, tum Aegyptiorum Ptolemæorum atque etiam Mithridatis Antiochiue & forsan Alexandri Magni. Nam non tamen absolutè de mundi regibus pronuntiaffet sola ratione absque experimento fretus. Fuit enim Ptolemæus magnus supputator, & temporum, & motuum astrorum, iamque condiderat libros Magnæ compositionis, ut in procemio huius libri apparet. Itaque dictum hoc de mundi regibus, tum ad centra angulorum, tum ad constitutionem generalem illius etatis referendum erit. Poterit enim iam maximum imperium in unum coisse, & hereditario iure transferri in successores, & tunc erit difficillimum alteri, qui ex ea familia non sit, hoc obtinere. Poterit rursus non coisse imperium in unum, ut Nini tempore, & tunc erit difficile, perfecit tamen hoc Ninus Assyriorum Rex, ut regnum maxime partis orbis occuparet. Sicut Alexander magnus Persarum, quod iam uni familie tributum erat: licet Darius ille quem Alexander uicit, non fuerit è stirpe Xersis uel Artaxersis. Vnde difficilius

fuit Alexandro imperium illud occupare, quam Nino: nam à generali constitutione sub qua Persarum Imperium coalescerat, Alexander prohibebatur. Difficillimum autem est generalem constitutionem à priuati genesi, ut in secundo libro superius docuimus, superari. Quandoq; autem imperium coaluit in unum nulla certa familia dominante, ut Romanum post extinctum Neronem, qui Iuliorum ultimus fuit, & tunc longè facilius est ex genesi imperium orbis assequi, ut Nerva, Traianus, Galba, Otto, Vitellius, Seuerus, Alexander, Seuerus Afer, Maximinus, multi que alij.

Sed iure merito dices, Cum eodem momento tot in orbe nascantur, multi erunt totius orbis domini, quod & experimento & rationi repugnat. Imò neque unquam uisum est duos uel tres ad unguem unius ætatis, uel simul uel altero alteri succedente maxima regna occupasse. Quod tamen necessarium esset, ubi uera essent, quæ à Ptolemaeo dicuntur. Respondeo, quòd natura ordini uniuersi prouidit, raroque tales primum eueniunt constitutiones: Et eorum qui nascuntur tunc pauci supersunt, quod superius declaratum sit, eos qui in centrīs habent luminaria, plerumque non nutriri, aut oblesos esse uitæsq; tum animi, tum corporis detineri. Vnde prohibentur à maximis non solum negotijs, sed sæpius etiam à mediocribus ac minimis. In eadē etiam regione non contingit fermè duos eodem momento nasci. Neq; ego in uita uidi duos, qui eodem hora momento nati essent, nedū postmodum duos tam clari genituris. Plurimi etiam ab infantia pereunt propter parētum, ut uidebimus geneses. Eorum uerò, qui tandem supersunt eodem momento geniti ob natalium discrimen, alij quidem momento obtinent regnum, ut Seueri Afri tempore Albinus et Fescenius Niger: Et Galieni tyranni triginta, quorum quilibet nomen Caesaris usurpauit: Alij uerò non per se assequuntur imperiū, sed uices eorum, qui possident, gerunt.

Quo

Quod uerò ad textus explicationem attinet, difficile uidetur intelligere Planetas esse à Sole orientales, & in angulo cum Sole & sub radijs non esse, nisi Sol in ipsius anguli extremo fuerit, quod uix uerisimile uidetur, cum tunc non ualidus esset, sed imbecillis? Respondeo, quòd primò hoc in occidentalibus Planetis à Luna nullam habet difficultatem: Rursus si ijdem in alio angulo præcedente fuerint, ut Sol in ascendente, satellites in cœli Medio. Tertiò contingere potest, cum ipsi cœli Medium respiciunt ex secundo loco uel tertio, Sol autem fuerit in imo cœli, uel satellites in duodecimo, Sol in ascendente. Neque uetat quin in regionibus finitoris obliquioris Sol sit ualidus in angulo, & in eodem uel quinque gradibus anterioribus: Planetæ & fixæ (nam & de his quando fuerint nobiles, intelligimus) appareant orientales in primo statu & ualidissimæ, tamen maximè ob latitudinem. Quæ autem sint ualidissimæ, docuimus in libris astronomicis. Neque etiam uetat, quin quando Planetæ sub Sole fuerint, licet sui ratione sint imbecillissimi uiribus omnibus Soli traditis, regnum decernere non possint. Nam Sol uel Luna, ut in initio huius capitis docuimus, regnorum possunt esse authores, non alij Planetæ.

Cur autem dextros radios sinistris præposuerit, non est, ut putat Haly, quòd generaliter sint ualidiores, cum superius sit declaratum inter Planetas radium dextrum esse imbecilliores. Sed hîc cum loquatur de aspectu Planetarum ad cœli Medium ad quam defertur non proprio motu sed firmamenti, constat dextrum radium sinistro esse ualidiorem: cum de radijs loquimur Planetarum ad domos, cum uerò ad Planetas uel fixas, sinistri sunt præponendi. Superius dictum est, quòd radij dextri contra successionem signorum tendunt, ut ex Tauro in pisces, sinistri secundum, ut ex Tauro in Cancrum. Cum igitur motu primi mobilis Planetæ,

qui est in Tauro in prima, uadat ad Piscium locum in undecima, patet propositum. Vnde liquet Ptolemæum uelle, quod Planetæ in hoc casu ualidiores sint in duodecimo loco, quàm octauo, in primo quàm septimo, in secundo quàm in sexto, in tertio quàm in quinto. Ex his enim locis coeli Medium respicere contingit, licet non ubique gentium, nec semper.

TEXTVS X.

Si verò alijs ita habentibus Solus Sol in masculino, Luna verò in fœminino signo & angulare alterum lumen solum extiterit, duces tantum nascuntur vitæ, necisque domini. Si ad hæc ne laterones quidem Planetæ angulares fuerint, neque cum angulis aut configurati, magni tantummodo & natalium splendore conspicui, aut præfecturis, aut exercituum ductionibus, minimè verò ducatus illustres. At si luminaria quidem in cardinibus non sint, cardinales tamen satellites Planetæ extiterint, aut cum angulis configurati, in illustrioribus quidem dignitatibus non constituentur, in ciuilibus tamen hi promotionibus, & in sui generis vitæ mediocritate excellent. Si neque stipatrices stellæ cum angulis coniunguntur, obscuros homines & nullis honoribus promouentes decernuntur. Extremè verò abiecti & infelicibus animis nascuntur, quibus neutrum luminare in cardinibus, neque in masculino signo reperitur, neque stipatur à beneficiis.

Declaratis duobus statibus principalibus, quorum præcedens est sublimis, & potentissimus, nunc declarat quinque alios status. Nec in ulla alia causa tam diligens fuit Ptolemæus, quàm vitæ, & hac. Vitæ quidem, quòd ea sit omnium aliorum fundamentum: & etiam, quòd pulcherrimum de Astrologo exemplum præbeat. Honorum uerò, quòd illis omnia bona succedant, diuitiæ, amici, gloria, coniugia nobilium, inde, ni steriles fuerint, præclara soboles. Denique post corporis incolumitatem felicitas in humanis gloriæ comes est. Et quam Aristides & Phocion & Camillus, & Cincinatus & Fabritius & Scipio maior, & alij multi honores adepti sint maximos cum summa paupertate: constat tamen potuisse illos, si uoluissent, omnino diuites esse. Phocion enim magna auri talenta, quæ salua authoritate accipere poterat, oblata ab Alexandro spreuit. Sic cuique horum occasio affulsit diuitiarum, sed illi gloriosius duxerunt tantos magistratus gerere in summa paupertate, quàm cum diuitijs: Non solum ob raritatem, sed quòd hoc esset certum testimonium ingētis uirtutis, datos honores pauperrimis, & singularis innocentie pauperes abdicasse se à magistratibus summis. Tertius modus à secundo differt, quod unum tantum lumen habet in angulo ac in masculino signo. Memineris uerò, ut dixi, hic loqui Ptolemæum de his, qui propria uirtute emerferunt: Vt Frācisceus Sfortia primus, Castrutius, Iacobus Triultius, Hieronymus Moronus, Iacobus Medices, omnes præter secūdū, ciues nostri. Non de his qui concordia cum potentibus genitris creuerunt, ut Cosmas Florentia princeps: qui partim successione, partim consensu geniturae suæ cum Caesaris genitura adeptus est regnum. Et Maximilianus Stampæ consensu geniturae, ut diximus, cum genitura Francisci Sfortie secundiam Principis Mediolani. Itaque te iterum monuisse uolui quemadmodum de diuitijs feci: aliter uel in magnos incideres errores,

errores, uel falsò Ptolemæum damnaret. Sicut enim contin-
git mori in magna clade multos quorum genitura longam ui-
tam pollicentur, & direpta urbe euadere pauperes, qui do-
minos Sortis in cœli Medio habent: Ita in constitutione com-
muni uni genti quæ recipit principes ex una familia, contigit
ex eadem causa, quæ est consensus genitura cum communi illa
constellatione, non simplex, ut quidam crederent, & egregiè
rursus deciperentur, sed deductus per perpetuos concursus
directionum & progressionum ac reuolutionum, in quibus
continua successione fit commutatio locorum principalium,
fieri quosdam principes, quorum genitura uix mediocri for-
tunæ sufficere uiderentur. His igitur hoc contingit, ut si filij
egregijs genituris suffulti succedant, regnum non minus quàm
uirtute partum roboretur & augeatur: Si uerò filij geni-
tura patris genitura similis est, eisdem artibus regnum reti-
netur quibus partum est, non tamen augetur: Quoniam iam
deductio illa cum generali constitutione interrupta est. Si au-
tem filij genitura discors sit parenti, ut Dionysij iunioris
olim cum Dionysij parentis, & filiorum Pysistrati cum pa-
tre, & filij Periclis cum patre, & nostra ætate Ferdinandi fi-
lij cum Alphonso patre Rege Apulie & Neapolis, & Ludo-
uici Sfortie cum Francisci primi patris, semper regnum illud
corruebat, & filius eo priuabatur, etiam si pater non consensu,
sed uirtute parauerit. Quamobrè cum plurimi sunt filij, si
Regnum habenti meliorem genituram & magis concordem
cum genitura parentis, & hora, in qua regnum adeptus est
pater, re ut aliàs dixi, & potestate non ceremonijs, tunc re-
gnum illud proculdubio in illa familia seruabitur. Et hoc est,
quòd Ottomanorum familia tamdiu seruat regnum illasum,
quòd fortiori & promptiori atq; efficaciori pater filio relin-
quit. Id autem ex experimento dignoscit. Sunt etiam qui di-
cant peritos astrorum consulere. Nā ea gens, ut par est, astra
dili

diligenter obseruat ut audio. Quicquid sit, si ea regula seruetur, regna nec transferentur nec desinent. Quod si plures habeat pater filios, & primus adeptus regnum, minus congruentem geniturā regno habuerit, & minus efficacem (nam ut dixi clarum est sententiā Ptolemai esse regnū efficacia consistere) secundo aut tertio filio, tunc nisi concordent geniturae efficacioris cum principis fratris genitura, regnum illud proculdubio evertetur. Ideo tutissimum regnum est in quo haeres regni est filius efficacior, seu qui habet genituram, ut dixi, cum illis tribus conditionibus, congruentē scilicet primi Regis geniturae, primae horae, qua regno potitus est & luminaria in signis masculinis & angulis, cum Planetis alijs orientalibus à Sole, uel occidentalibus à Luna, in angulis uel caeli Medium respicientibus. Et haec omnia ut etiam Haly aduertit Ptolemaeus inclusit in tertio libro in his uerbis (Et plurimum ualeat in peculiarium prout uniuscuiusque conditio requirit casuum decretis) Et in secundo rursus ibi (Iam cum necesse sit summitti imbecilliores naturas ualentioribus &c.)

Quartus ergo status est (ut ad ordinem redeā) cum unum luminare est in signo masculino & in angulo, aliud in foeminino, & extra angulum. Idem ferme esset, sed paulo debilius, si quod est in foeminino signo, esset in angulo, & quod est in masculino, extra. Ex hoc patet causa, quod effoeminati, ut Sardanapalus, & Pathici, ut Heliogabalus, non sunt omnino idonei regno, quia tales habent ambo luminaria in foemininis signis, ut in praecedenti capite uisum est. Et ego cognoui principem muliebria patientem, & certē uiuus quod raro contingit, regno exutus est. Et hoc est uerum de regno, quod solum proprijs uiribus, non alia auctoritate suffultum sit. Ex hoc etiam manifestum est, cur plus possit ad amissionem regni effoeminata conditio morum, quam auaritia uel crudelitas. Ut etiam nostra aetate in quibusdam uisum est.

Tex. 1.

Tex. 2.

Quin

Quintus status ad unguem ad primā pertinet genituram, ubi nec Sol nec Luna in angulo est, Saturnus tamen & Iupiter & Venus in angulis. Hi ergo non nouum adipiscuntur regnum, sed suam conditionem à parentibus relictam retinebunt, sutor sutoriam, eques equestrem, Senator Senatoriam, Rex Regiam: Et in sui generis mediocritate excellent: inter compares, scilicet, sutor inter sutores diuitijs & authoritate præualebit: Rex inter reges sapientia, diuitijs, apparatu rei bellicæ, obedientia, regniq; amplificatione.

Sextus status est eorum, qui ad honores non sunt apti, sed in suo genere sunt obscuri, atque quodammodo incogniti. Contingit hoc, cum neq; luminaria nec stipatrices stellæ in cardinibus fuerint. Tales enim omnino abiecti & humiles sunt inter suæ conditionis, ut dixi homines. Nec ex duodecim exemplaribus genituris nisi fallor ullam excipere nossem huic congruentem statui præter nostram. Status enim uniuscuiusque describuntur. Ex quo liquet non debere homines desperare, maiora quàm pro astris expectentur, cum Ptolemæus hos status ad hominum existimationem ac cæcā fortunam referat, non ad eam, quæ ex uirtute oritur, gloriam, tum etiam honores. Itaq; cum ego repugnantibus astris nomen quidem inter eruditos essem consecutus, non tamen mihi pro tot laboribus, uel semel eligi ad ullum officium inter collegas collegij contigit: nec apud aliquem principem in aliquo esse gradus, cum tamen tot nebulones dignitates apud illos sint consecuti. Et qui omnino non solum imperiti sint & habeantur, sed etiam in opere infelices. Ut contrā de nobis cuius doctrinam non solum fatentur, sed opera admirantur, & tamen consuetudinem, mirum certè dictu, non solum negligunt, sed abhorrent. Italiceat nobis astrorum uim non solum fateri, sed admirari. Si ad causas inferiores referas, uix queas inuenire. Sunt maleuoli, sunt inuidi: nemini desunt obrectatores

tores & qui uerè habeant illis, quod obijciant, cum mihi non possint. Sunt alijs amici & qui laudarent, et nec mihi desuerunt. Quid igitur? ex astris hoc est. Quo factum est, ut a quo animo ista uiderim, semper tulerim: intelligens nec uitio meo nec aliorum crimine ista contingere, sed Superum uoluntate. Sed iam ad septimum statum transeamus.

Hic adeo miser est, ut etiam si in potentis uiri filium inciderat, eum adeo deprimat, ut omnino abiectus sit. Atque ideo ad unguem primo & secundo contrarius, qui etiam mendicorum filios euehere possunt. Constat autem hic status ex tribus. Primum horum est, ut utrumque luminare ab angulis cadat. Hoc precipue ad corpus pertinet: tales enim plerumque morbofi sunt & debiles: & praesertim si in sexto uel duodecimo loco fuerint. Unde ob hoc & ad labores inhabiles & contempti habentur. Hoc uerò & nobis nocuit, cum minus firma ualitudine nec seruire Principibus possem, quibus boni species plus placet quam bonum: & obsequium quam artis excellentia. Facit etiam eos qui in assidua peregrinatione uersentur & exules, quod etiam existimationi obest. Secundum, ut luminaria sint in signis foemininis. Hoc animum deiecit à magnarum rerum cogitatione nec finit provincias magnas aggredi, redditque inefficaces, quo uitio ad gerenda negotia magna nihil est deterius. Facit etiam contemptos, nec tales, ut ab his aliquid magni iure possis expectare. Tertium, ut luminaria à nullis stipentur beneficiis, aut concordibus syderibus. Facit hoc, ut ab omnibus deserantur, & contemnantur, amicorum omnium praesidio destituti. Pertinet hoc igitur ad fortunae bona. Cum igitur tales ex prima conditione bonis corporis careant: Ex secunda autem animi bonis: Ex tertia etiam fortunae, merito hi in extremo miseriarum sunt collocati. Sufficiet etiam quandoque ad septimi status constitutionem extrema quaedam animi aut corporis calamitas, ut ce-

citas innata, resolutio totius corporis aut lingue, amen-
tia, aut immoderata peruersitas cum timiditate. Habes igitur
septimi status non solum conditiones sed & causas. Ita
egregia aliqua animi conditio, ab extremis existimationis
statibus aliquot, contraria ratione, liberat. Quod facile,
si ut oportet, non tantum uerba Ptolemai, sed etiam cau-
sam & rationem illorum diligenter perscrutatus fueris, in-
telliges. Vnde etiam educatio plurimum potest in corrigendis
ac leniendis astrorum decretis: modò non tantum illi tri-
buas, ut ex uno extremo in aliud posse transferre speres.
Verum animi innata uirtus, cum educatione plus satis po-
test. Et licet non uerè, specie tamen quadam ad contrarios
extremos status & quasi per umbram nonnunquam trans-
ferre solet. Non tamen tales sunt. Iuxta hos status duo di-
gna animaduersione diligenti notanda sunt: quorum alte-
rum est, quòd luminaria significant ipsam dignitatem &
statum: laterones autem eos, qui illius statui atque existi-
mationi suffragantur. Qui si in angulis fuerint, potentes
erunt, alibi debiles pro loci conditione: benefica, fida, ma-
lefica, inconstantes & quandoque infida. Alterum, quòd
quilibet status comparandus est statui parentum hora nati-
tatis & ei qui per leges necessariò ad filium ipsum post illo-
rum obitum deuoluitur.

T E X T V S X I.

Hæc igitur in genere propositæ confide-
rationis descriptio dignitatum veluti excel-
lentiam quandam constituit. Mediocres verò
constitutiones quæ infinitæ sunt, coniectari
oportet de forma ipsa tum luminum, tum sti-
pationis ipsorum propria variatione, deque
satellitij dominio.

Genera

Generales constitutiones tanquàm terminos proprijs finibus distinctos intelligit. Vt non sint excellentes hi termini per se singuli, sed ut spatijs manifestis ac magnis distinguuntur. Sed mediæ constitutiones sunt inter hos fines, inter quos cùm sint septem termini, erunt sex spatia, quorum unumquodq; egregiam & manifestam habet latitudinem. Hi igitur intermedij status ex tribus cognoscuntur. Primus est modus, quo luminaria sunt disposita in centro anguli, in medio, in fine, in initio succedentis medio fine, in cadentis initio, uel medio in decimo, uel septimo loco, infra terram uel supra: Quòdque sint in dignitatibus suis, Sol in igneis, Luna in aqueis: uel contrario modo, Luna supra terram maximè nocte uel infra: Luna in masculino, Sol in fœminino, uel contrario modo: quæ ordines non mutant, sed in eodem ordine eleuant aut deprimunt. Secundus est ex qualitate satellitij beneficarum uel maleficarum, concordantium aut contrariarum in suis dignitatibus, aut casibus potentium, uel debilium, multarum aut pauciorum, dominantium locis luminarium, uel inimicarum congruentium situ & tempore, uel dissidentium. Tertius est, qui decernit qualitatem & causam existimationis. Et hic sumitur à domino signi satellitij. Præponatur carpentum, inde, qui respicit locum & dominatur in loco, post dominus domus si nullus aspiciat locum satellitij ex dominis, nec ibi carpentum habeat. Quòd si dominus domus sub radijs Solis fuerit, dominum trigoni in honoribus domino altitudinis iuxta Ptolemæi sententiam præponemus. Vltimo loco est dominus finis. Atq; ita ubi plures dominarentur atq; respicerent, ordo statuendus est.

T E X T V S XII.

Nam hoc si constiterit circa beneficas eiusdemq; conditionis stellas maior ipsis dignitatibus

V

tibus authoritas & constantia accrescit. Si vero circa contrarios aut maleficos humiliora & incertiora omnia.

Satellitij dominus si sit benefica & concordet cum satellitibus, est primus ac firmissimus status. Inde si concordet, non sit autem benefica. Tertius, cum benefica quæ non concordet. Quartus, si benefica discordet. Quintus, si malefica non concordet. Ultimus & pessimus, cum malefica discordans dominabitur. Tunc enim omnia bona peruertet & turbabit, mala augebit.

TEXTVS XIII.

Futurae dignitatis genus de stipantium astrorum peculiari natura coniecturabimus. Quandoquidem Saturnus satellitij præfecturam nactus ex opum cupiditate & reconditis diuitijs, potentiam conciliat. Iupiter verò & Venus gratia, donis, præmijs ac magnificentia. Mars expeditionibus, victorijs, subditorum terrore. Mercurius intelligentia, eruditione, cura, ordinéque suarum rerum.

Verbum *λογισμός* & *αρχή* & *λογισμός* & *ἐξουσία*, magnam attulit ambiguitatem. Videtur enim à stipantium natura sumendum genus causæ dignitatis: Inde in sequentibus uerbis potius à natura domini satellitij. Illud etiam difficillimum uidetur, ut à natura satellitij causam sumamus, quæ pluribus conuenit necessariò atque diuersis. Quoniam non potest esse satellitium, nisi plures sint Planetae luminaria circundantes. Nec causa dignitatis à pluribus sumenda est, sed ab uno plerunque. Haly ob id more Arabum & etiam, quia iure

ture meritò hoc omnes torquere posset uerè exposuit omnia concilians digniorem in satellitio, qui etiam illi præsist: Sed sæpe accidit, ut qui præsist è satellitio non sit. Ob id igitur recipiendam Haly sententiam existimo, ut qui præsist è satellitio eligatur. Si nullus præsist, potentior in satellitio. Vltimò, si omnes debiles extiterint, dominus satellitij. Vel si dominus satellitij sit, alter uerò in eo potentissimus, uterq; habendus erit. Exemplum in secunda genesi (nam ut bene Frimicus dixit Imperatorum & Regum geneses quoquomodo astris non adeò subiiciuntur. Et uerè, quoniam etiam Regni initio subiacent, non tantum propriè genitura, idcirco fit, ut de Regibus circa corpora & animos prædictio extendatur. Rex uerò magnus augere potest, & minuere existimationem, mutare non potest, quæ cum regno ipso coniuncta sit. Quamquam, ut dixi, ea maxima futura sit etiam præter regni ordinem, quia tamen non adeò conspicua est genesis uis in rebus propter regni maximam illustrationem, eam silentio nunc transmittito) Satellites sunt Iupiter, Mercurius, Venus, ex his Venus præficatur, nam est sublimis & in suo trigono orientalis matutina, Mercurius occidentalis uespertinus, & Iupiter in ultimo statu. Sed & Venus præst loco Iouis. In prima Saturnus est proximior Soli, Venus centro, utrunque sumendum existimarem, æquali fermè authoritate. In tertiæ satellitio præst Sol, Mars, Iupiter, Mars Ioui commiscetur. Sol autem cum præsist, illustrem facit natalibus, hoc est communi ratione. Ita intelligendum est, quod Ptolemaeus prætermisit. Nam si Luna præsist, erunt uelut cursores, ac tales, qui uulgari comitate omnibus noti sunt.

*

Caput quartum.

TEXTVS XLIII.

De actionibus seu opificio nati.

Vis verò opificij moderationi præfideat, è duobus colligitur : Sole nimirum & signo quod cœli fastigium obtinet. Videre enim oportebit stellam quæ matutino primo radios Solis exit. Et eam, quæ cœli culmini conciliatur, maximè quando Lunæ se applicat. Et si idem Planeta utroque iure potitur, hoc solo utendum. Sic si utrunq; neuter habet, eo qui alterum habet, contentum esse oportet. Si verò vnus proximè apparuerit & alter Medio cœlo aut Lunæ conciliatus sit, vterque in consilium adhibendus est. Primas tamen partes tribuemus ei, qui plura ad dominandum suffragia adeptus est. Quemadmodum in prioribus diximus. At si nullus reperitur huic muneris idoneus, nec mane visus, neque in cœli culmine constitutus, dominum Medij cœli accipiemus ut officium aut exercitium, studiumq; nati cui vacare consuevit, quando scilicet commodum est cognoscamus. Solent enim ex huiusmodi constitutione otiosi plerunque pronasci. Hac igitur ratione inuestigauimus,

gauimus, quænam stella actionibus, opifici-
ciôq; nati formando idonea sit.

Illustrem conuenit esse statum stellæ, quæ opificium decer-
nit, quo homines uitam ducunt, existimationem retinent, &
totum uitæ tempus in eo consumunt. Quod in nulla alia hu-
mana actione aut adiuncto inueniri potest. Illustres autem
stellæ status magis esse non possunt, quam si nuper ante So-
lem oriatur pura & sincera iam substantia, & omnibus
conspiciuæ, aut si cœli Medium teneant. Quo fit, ut talibus
opificium assignetur. Vt quod magis moueat hominem ad
studium illud. Quare stellæ quæ sub radijs latent, studia,
non opificia decernunt. Tales uerò non adeò inclarent,
quanuis ea in disciplina celebres Mathematici, naturales
Grammatici & qui scribendo noua comminiscuntur, ut so-
lent pictores, sculptores, Medici, et prioribus longè uiliores.
Quamobrem distinguere hîc oportet. Nam si debeat quis
nomine exercitationis multum inclarescere, & simul scire ne-
cesse est, ut Planetam unum opificij authorem habeat sub So-
lis radijs, alterum in primo ortu. Velut in quarta genitura
Iupiter est in primo ortu, Mercurius autem sub radijs, ut ex
tabula ortus & occasus adiecta uidere licet. Qui uerò Pla-
netam sub radijs tantum constitutum habent, erunt nec uide-
buntur, ut in octaua genesi. Quod si in cœli Medio uel pri-
mo ortu author opificij extiterit, uidebuntur quidem, nec
erunt. Cuius rei exemplum ponere superfluum existimo, cum
nullibi copia horum desit. Et si unquam aliàs nunc etiam ma-
gis, ubi uerissimum est illud Horatij:

Scribimus indocti, doctiq; pœmata passim.

Verum si nullus Planeta sub radijs optimè collocatus
fuerit, nec etiam in primo ortu, aut cœli culmine, nec sciet
ille prorsus quicquam, nec exercebit. Ptolemæus igitur qua-

tuor ordines eligendi officij dominum proponit. Primus, cum idem fuerit Planeta radios Solis exiens, qui & in cœli culmine: Et eò magis, si etiam Lunæ se applicuerit. Secundus, cum unus tantum Planeta uel Solis radios exierit, uel in cœli Medio fuerit: Ille enim efficax erit & solus eligendus, quia solus est. Tertius est, cum diuersi Planetæ diuersas ex his tribus habuerint conditiones, uelut quòd unus primum de sub radijs Solis exeat, secundus sit in cœli Medio, à tertio Luna defluat (Hoc enim est Lunæ illum se applicare) omnes eligamus: potentior tamen est primus, inde secundus, demum tertius ultimus est. Sed uidendum est etiam ex his qui in loco Medij cœli & Lunæ præter id plures habuerit dignitates, atque is præponendus est omnibus. Quartus est cum nec primò oriens Planeta est, nec in cœli Medio, tunc enim cum qui plus in eodem cœli Medio potestatis habet accipiemus. Ex quo patet quòd cum à quo Luna separatur Ptolemæus contemnit quasi præponitque uicem gerentem eius qui est in uertice (is est qui cœli Medio dominatur) ei à quo Luna separatur. Admonet autem nos quod tales quibus nec Planeta radios Solis exuit primum, nec in cœli est Medio, plerumque uacui sunt ab exercitatione, solis intenti studijs aut delictijs. In nostra genitura Mars exercitij est significator. Est enim in aspectu Lunæ dominus cœli Medij & orientalis à Sole. Quia tamen neque primum è Solis radijs exit, nec est in cœli Medio, significat non pro studijs exercitationis astiduitatem. Quod impedimentum & ab astris & à contemplatione contigit. At dices, Reges officijs & artibus carent, hi uerò plus alijs, ut in præcedenti capite uisum est, Planetas primò orientes in angulis habent? Respondeo, quòd oportet per officia et artes intelligere publicam actionem, quam minùs Reges carent, quàm alijs. Quidam enim administrant ius, ut Claudius Imperator: Quidam exercent se corpore et pugna,

ut Maximinus: Quidam musica, ut Nero: Quidam machinis
 conficiendis rei bellicæ, ut C. Cæsar: Quidam otiosi, ut Domi-
 tianus: Quidam pictura, ut Alphōsus Rex Aragonum: Qui-
 dam torno, ut Hercules Ferrarie Princeps: Alij studijs, ut
 Antonius Philosophus. Igitur exponit qui sint otiosi. Opor-
 tet autem consentientes artes dignitati tribuere. Ob id enim
 caput de dignitate statim subsequitur caput de opificio. Hæc
 igitur sunt, quæ opificium & quantitatem eius significant
 & genus. Propriam autem quandam fortunam sic describit.

T E X T V S X V.

Quales verò futuræ eæ sint ex propria
 trium stellarum Martis & Veneris, & Mer-
 curij, signorumq; in quibus vagantur natura
 censendum est. Mercurius enim opificium
 gubernans, vt ita per exemplum dicam, scri-
 bas efficit, grammaticos, à rationibus, do-
 ctiores, mercatores, numularios, vates, astro-
 logos, sacrificos, ac omnino in literis & in-
 terpretatione vel in datis & acceptis occupa-
 tos. Et si illi Saturnus suffragatur, alieno-
 rum bonorum moderatores, somniorum in-
 terpretes, in templis desidentes, ibique vati-
 cinijs veluti furore diuinitus sint correpti, vi-
 citantes. Si Iupiter, legum latores, rhetores,
 sophistas, cum magnatibus conuersantes.

Venus quando actiones regit, efficit homi-
 nes odoribus florum aut vnguentorum, vi-
 no, coloribus, tinctura, aut aromatibus, alijsq;

id genus operam nauantes. Qui videlicet vnguenta vendant, texant corollas, hospites recipiant, mercatores pharmacopôlas, textores, qui aromata distrahant atque pigmenta, pictores, vestiarios. Si illi Saturnus suffragatur, mercatores rerum ad uoluptatem, fructuonem, & ornatum pertinentium: Incantatores verò & veneficos, lenones, & hinc victum quaritantes. Si Iupiter, athletas, victores incertamine, honoratos, mulierum opera euectos. Mars verò cum Sole configuratus, ignibus operantes efficit: coquos videlicet, fusores, vstulatores, æramentarios, fabros. Si Sol abest fortè, per ferrum operantes, vt nauium cōpactores, fabros, agricolas, lapicidas, quique lapideas structuras edificēt, gemmarios, lignorū fissores horūve ministros. Et si Saturnus ipsi suffragatur, nautas, & qui sentinam exhauriunt, cloacarum expurgatores, milites, coquos, qui balneis & lotionibus præsent. Si Iupiter, milites, calones, publicanos, hospites, publicos portitores, victimarum caesores.

Omnis ars quadam cum felicitate tractatur, nec tarditate tanta indiget, ut Iouis aut Saturni circuitus peragatur. Ob id à qualitate opificij decernenda, duo superiores Saturnus & Iupiter exploduntur. Sed & luminaria tum ob nobilitatem, tum ob comunem naturam ut in secūdo huius aperte explicauimus. Cum igitur quatuor Planetas è septē exemeris, iure merito tribus solis Planetis opificij qualitas est ascribenda. Hi

da. Hi sunt qui reliqui sūt scilicet Mars, Venus, et Mercurius.

Opificiorum autem genera tria sunt, laboriosa, industriosa, uoluptuosa & delicata. Laboriosa soli Marti conuenire poterant, qui est Planeta superior & magnæ molis & rudis. Ideò etiam à talibus opificijs sumuntur boni milites. Mercurius ob paruitatem, Venus ob molliem non poterat præesse agricolis aut fabris ferrarijs. Industriosus Mercurius præest: & maximè his, quæ ad animam solum pertinent, ut supputare, metiri, persuadere, mederi, disputare, & si quæ sunt affinia his, leuique labore perficiuntur: ut scribere, & docere. Hæc enim corpore licet perficiantur, maximam tamen partem in anima repositam habent. Mercurius uerò animæ præest, ut uisum fuit. Quæ uerò mollia sunt & delectant, Veneris sunt opera.

Rursus quia in opificijs est substantia & quantitas, quæ determinatur à Planeta, ut dictum est primùm exeunte Solis radios, aut coeli Medium possidente, est etiam qualitas quæ ab uno horum trium decernitur, contingit ut quilibet Planeta ex his tribus commisceatur alteri, uel idem sit, & qualitatis & quantitatis significator atq; substantia. Voco substantiam, quòd quis uelit opificiũ exercere. Relinquitur igitur, ut si solus non præsit, ut alteri commisceatur non ex dictis tribus, nam mistum fiet opificium aut multiplex, igitur Saturno & Ioui poterunt solum commisceri. Cum igitur sint tres significatores, & quilibet solus, aut cum Saturno uel Ioue possit misceri, erunt nouem modi: Inde unus cum Sol & Mars miscentur, fient igitur modi decem simplicium opificiorum, qui positi sunt in textu. Nouem uerò compositos infra explicabit, ut sint in uniuersum 19 modi. Vnum præterea Ptolemæus insinuauit inter simplices sed non explicauit, quem Haly exposuit, cum Venus ita aptè Luna sicut Marti Sol misceatur.

Dixit igitur in quadam genesi, Venus fuit opificij signifi-
catrix in Libra, quæ est propria domus & exaltatio ac tri-
gonus Saturni. Et Venus iuncta fuit Lunæ debili, & ibat ad
Saturni sextiles radios in fine signi & sexto loco. Quia igi-
tur erat Venus, significauit texturam rerum pictarum, &
ob Lunam lotionem talium, & ob Saturnum & domus ca-
sum iulium. Et ita texebat & lauabat res pictas, uiles, &
parui pretij. Eodem modo duos alios in compositis intelli-
gere expedit, ut sint 11 simplicia opificia, totidem composita. Et
postmodum mista erunt tria alia simplicia, ut Mars, Satur-
nus & Iupiter & totidem composita, ut sint omnia 28. 14 sim-
plicia, & 14 composita. Et post mista ex tribus qualitati-
bus, scilicet Marte, Venere, Mercurio solis, aut cum Sa-
turno uel Ioue uel utroque: Et ita quatuor modis. Ut sine
modi in uniuersum 32.

Quomodo autem misceantur, non dixit: Et Haly causam
errandi dedit, quia ponit principalem significatorum unum
ex tribus, scilicet Martem, aut Venerem, aut Mercurium,
inde commiscere uidetur Saturnum uel Lunam, ut in exem-
plo: Sed neq; Ptolemæus hoc uoluit, nec Haly dixit. Primus
significator est generalis, ut mihi Mars, & in quarta genesi
Iupiter & euidentius. Inde uidere oportet quis ex tribus Pla-
netis dictis alius commiscetur principali: in nostra etiam si
nullus commisceretur, Mars esset significator, quia est unus
è tribus illis, tamen miscetur Soli, Lunæ, Mercurio & Ioui.
Iupiter enim finis est dominus: Finis autem hac in causa plu-
rimum est obseruandus: quia est proprius & multum potest.
Et in quarta Iupiter Soli & omniuo Mercurio commisce-
tur. Atque ita in alijs.

Mercurius cum Saturno facit alienorum bonorum pro-
curatores: & qui emunt etiam pro dominis: Seruilia enim hæc
& ad opes pertinent, quæ Saturno conueniunt, & tamen
cun-

cum industria & supputatione. Somniorum interpretes ob Saturnum qui in maioribus studet. Vnde etiam senes somnijs plus operam dant. Desidebant olim in templis phanatici. Saturnus enim mendaciorum author, præsertim Mercurio commistus, hoc autem genus uatum fallacissimum, mendacissimum et inane. Hæc mōstra et superstitiones cum multis alijs perniciosas, sancta lex nostra sustulit. Venus per se hospites significat, uersantur in popinis, sunt blandi & bonorum morum. Veneficium præstat mistio Saturni cum Venere, si quid aliud. Sunt enim timidi ambo hi Planetæ, & suspitione pleni, præsertim occidentales. Ideò quod ui non audent, aggrediuntur docto. Incantatoribus Saturnus fucum et mendacia subministrat, Venus quid occultum, & ut eis credatur facit, & ut prodesse possint. Lenones (seruile & infame est officium ob Saturnum) cum mulieribus uersantur ob Venerem, ob id impudentissimum, spurcissimūq; hominum genus. Athletæ corporis robore eximio pollent, & honorabantur olim. Ceterum præter robur corporis eximium, nihil in anima boni. Ideò ab ambarum beneficarum missione proueniūt. Indulgent autem tales genio mirum in modum. Martē abesse oportet, cum non essent sanguinolenti, nec crudeles, nec pro uita certarent, sed desides & luxui dediti pugnabant honoris causa. Iupiter robur illud egregium, Venus honores illos inanes, uterque uoluptuariam uitā præstabat. Exoleuit hoc genus hominū tam inutile. Mars gemmarios illos solum significat, qui magnis laboribus trusatiles uersant rotas. Qui scalpunt ad Mercurium & Venerem cum Marte pertinent. Vt enim labor non est exiguus & assiduus, opus est Martis: ut egregia industria indiget, ad Mercurium pertinet: ut in pulchro & pretioso subiecto uarias & formosas mentitur imagines, ad Venerem. Cum Saturno non coquos carniū, sed aquarium in balneis. Calones facit Iupiter Marti commistus malè dispositus.

fitus. Sicut in omnibus duas differentias intelligere oportet
 & medium. Velut Saturnus cū Marte malè dispositus cloa-
 carum expurgatores, bene chirurgos: nam utrique sædam
 rem tractant: illi laninarum retrimenta, hi saniem & pus.
 Sed hic cum honore & lucro magno, illi cum exiguo & om-
 nino inhonorati. Calones igitur militum partes sunt. Bene
 dispositus igitur milites facit. Cauponas etiam sicut & Ve-
 nus, sed non adeò gratiosos. Venus enim hospites significat
 (qui olim habebantur & nunc etiam apud Scotos solū)
 benignos: Emunt peregrini quod uolunt, illi obsonant, panem
 & uinum tribuunt, confidentq; simul in mensa cum hospite,
 commodo magno peregrinantium. Ob id hospitis nomen olim
 gratum & sanctum, quod uiolare nefas erat. Caupones o-
 mnia tribuunt, pecunias exigunt. Genus hominum pesti-
 mum, & infame.

TEXTVS XVI.

Rursus si duo sint qui actionibus præsent
 atque viuendi instituto, ut Venus & Mercu-
 rius, negotiosum reddunt in cantilenis, musi-
 cisque instrumentis, concentu, carimine. Ac
 potissimum, cū loca sua mutuò permutant:
 Efficiunt enim citharædos, mimos, mango-
 nes, quique organa musica fabricent, fides
 tractent, saltatores, textores, qui etiam ex cera
 conficiant imagines, pictores. Quod si Satur-
 nus rursus ipsis astipuletur, quos diximus,
 & muliebres ad hæc mundos distrahentes. Si
 verò Iupiter, causidicos & à rationibus pri-
 mos, Reipublicæ operam nauantes, puero-
 rum magistros, multitudini præfectos.

Mars

Mars cum Mercurio simul imperium adepti officiorum, statuarios efficiunt, armorum opifices, sacrorum monumentorum, futores, luctatores, medicos, chirurgos, delatores, falsarios, maleficos, scalptores. Saturno verò illis adiecto, carnifices, alienarum vestium direptores, raptores, latrones, abactores, malis artibus victum quærentes, Ioue autem loco Saturni, industrios & agiles, vehementes, curiosos, aliena opera subeuntes, & inde victitantes.

Sin autem Venus & Mars officijs moderandis præficiantur, tinctores, vnguentariosq; producant, qui æs, plumbum, argentum & aurum tractent & fundant, agricolas, pyrrhicas saltantes, medicamentarios, Medicos. Si illis Saturnus suffragetur, sacrorum animalium curatores, vespillones, funerum designatores, quiq; nœnias præcinant, diuinos, & ubi arcana sacrorum luctus & mactationes fiunt, versantes. Si Iupiter, homines in sacris versantes, augures, sacrificos, foëminarum coëtui præfectos, nuptiarum & connubiorum interpretes, & ex his viuentes, voluptarios iuxta ac temerarios, & proinde periculis obiectos.

Simplicibus opificijs declaratis, addit nunc mistos. Mercurius, ut dixi, significat industriam & Venus labores leues. Vt uerò Venus clarior extiterit, muscos facit, si occidat, poëtas aut saltatores uel textores: Mimi & scurræ, & comœdiaz

rum actores sceniciq; uiri omnes ex eodem genere sunt. Mangones olim erant, qui pueros expoliebant, ut ob formam ad flagitium uenales haberentur. Citharædorum nomine, omnes qui instrumentis pulsant intelligit. Textores, pictores, plastici, & qui quo modo fingunt, ad hoc genus pertinent, si leui labore id agant. Saturnus illis adiectus facit uestium mulierum mercatores: nam Saturnus laboris leuis quippiam addit. Iupiter facit ludi magistros, imperium enim quoddam & sapientiam declarat, quæ sunt ludi literarij magistris communia. Vnde referunt iuniorem Dionysium, relicta tyrannide, ne tæderet uitæ, ut quoquomodo imperiū exerceret, Corinthi aperuisse ludum. Eadem ratione præficit etiā multitudini. Marte autem Mercurio misto cum malefica mediæ iungatur, sunt plerunque mali, cōq; magis si Saturnus se illis addiderit. Non sunt autē hæ artes, cum artes omnes aliquid boni contineant, hi uerò authores omnes mali sunt. Medicos igitur & statuarios efficiūt bene dispositi, & in locis beneficarū positi. Sic & fabros atq; alios. Iupiter iunctus his loco Saturni, uehementes efficit, quia tres Planetæ sunt omnes calidi masculini, duoque ex his robusti. Mars autē Veneri mistus, cum altera stella malefica sit, altera benefica, facit eos Medicos, qui pharmaca miscent, quos nos uocamus aromatarios. Vnde facile, si his Saturnus misceatur in ueneficos degenerant. Et sua sponte etiam tales mali sunt, quoniam Martis & Veneris natura dissimilis est, nec aptè miscentur. Olim cum sacrificarentur boues & alia animalia, sacra talia uocabantur: nunc uerò desierunt. Mistio etiam Saturni cum Venere, facit diuinatores, & ut supra uisum est, uetitis & damnosis artibus deditos. Cum Ioue autem, cum duæ beneficæ uincant, felices faciunt satis, unde augures & sacrificos. Nullum enim genus hominum magis obseruatum aut felicius extitit in quauis lege sacerdotibus. Hi igitur à Ioue, Venere ac Marte significantur.

De

De Ioue quidem ac Venere causa clara est, & quòd diuitias, & reuerentiam, & securitatem & opinionem diuinitatis significent: unde malè fecerunt, qui Saturnum illis miscuerunt, unde paupertas & contemptus, quamobrem nullus ordo talis perpetuus, sed omnes eò diuturniores, quòd potentiores. Nam in talium constitutione beneficæ plurimum potuerunt. Sed de Marte causa est sacrificium & mactatio animalium, & nunc loco eorum curant funera hominum.

Quod uerò dixit loca sua mutuò permutant, tanti ponderis est hæc ratio, ut sine illa nihil in Astrologia ueri possit haberi. Quamobrem regula hæc declaranda est, cuius cognitione profunda artis mysteria declarantur. Sciendum est igitur Planetas, cum se inuicem aspiciunt, aut iungantur, necessario esse ambos in proprijs potestatibus, aut in communibus seu trigonis, aut in mutuis dignitatibus, tuncque recipere se inuicem dicuntur, aut peregrinos, aut in casibus proprijs, aut mutuis, aut in communibus casibus: quod est esse in trigonis diuersis. Erunt igitur hi modi simplices & similes septem. Exemplum horum in proprijs erunt Mars in Ariete, Iupiter in Cancro. In communibus Mars & Luna in Piscibus. Mutuò se recipient Luna in Virgine, Mercurius in Cancro. Peregrini ambo, Mars in Geminis, Luna in Leone. In casibus ambo, Mars in Libra, Iupiter in Geminis. In casibus mutuis, Luna in Piscibus, Mercurius in Capricorno. In dissidentibus trigonis, Mars in Geminis, Saturnus in Virgine. Dissimiles autem fiunt 21 modis, uelut quòd unus sit in proprio loco, alter in opposito, uelut Mercurius in Geminis, Saturnus in Leone. Sunt igitur modi simplices 28. Compositi autem similes decem, ut in proprijs & communibus: Velut Sol in Ariete, & Iupiter in Sagittario. In proprijs recipientibus, ut Iupiter & Luna in Cancro. In communibus recipientibus, ut Sol in Sagittario,

Iupi

Iupiter in Leone. In proprijs & mutuò cadentibus, ut Luna in Cancro, Mars in Scorpione. In proprijs dissidentibus, ut Mars in Ariete, Iupiter in Cancro. In dissidentibus & mutuò, ut Luna in Ariete, Sol in Cancro. Sunt præterea compositorum dissimilium modi 30. tres pro unoquoque simplici: nam unus aut alter deficit aut commutant. Veluti si ambo sint in proprijs locis, unus autem recipiat: ut Ioue in Cancro, Luna in Tauro positus, uel si ambo mutuò se recipiant, unus autem in proprio loco, ut Ioue in Tauro, Luna in Cancro, uel si unus recipiat, alter in proprio sit loco, uelut Iupiter in Piscibus, Luna in Sagittario. Erunt igitur modi compositi similes 10. dissimiles 30. Simples similes 7. dissimiles 21. Horum itaque summa est 68 præter decompositos, qui uix numerari queunt, ut Sol in Leone, Iupiter in Ariete, nam sunt in communibus ambo, & unus etiam in proprijs, & alter est receptus. Similiter Iupiter in Piscibus, Luna in Virgine: unus est in communibus, alter in proprijs, & alter etiam in alterius casu. Ita decompositus est modus Martis in Piscibus, Veneris in Cancro: Et Mercurij in Scorpione, Luna in Virgine. His ita expositis, ut scias horum decreta per capita, animaduertere debes, quòd Planetae in proprijs locis ualidi sunt. Et si unus tantum sit, alium superat & uincit. Et si in proprijs locis se inimico aspectu intueatur, aut mutuò casu sint, inuictum malum erit hoc. In casibus suis Planetae debiles sunt. Sed si alter eorum solum in casu extiterit, qui erit in casu resistet & impediet alium, etiam si ab illo recipiatur. Velut si Venus ex Cancro Martem in Tauro positum respiciat, Mars Veneris decretis resistet. Quòd si mutuò se recipiant erunt firmi & expediti in decreto suo. Sed si unus tantum recipiatur, qui recipitur, fouebitur à recipiente, sed tamē obediēt illi. Et erit receptus uelut seruus in domo domini sui. Sed si unus sit in alterius casu, uelut Sol in Tauro, Mars in Virgine,

Mars

Mars impedit Solem, & Sol Martem, sed non tantum. Planetae in communibus significant consensum, & præter id populi fauorem: Vt quasi res illa ab omnibus ad quos pertinet negotium illud, comprobetur. Si Planetae sint in mutuo casu, erunt hostes, ideo uix consequetur quippiam boni per alterutrum eorum promissi. Si Planetae sint in diuersis trigonis, discrepabunt media ad consequendum talem finem. Et iudicia hominum de eo erunt diuersa. Si solum unus Planeta est in suo trigono, alius autem non, claudicabit res promissa, quia non undiq; eandem habebit existimationem apud eos ad quos pertinet. Peregrini difficultatem perficiendi uel assequendi intentum arguunt. Atq; ita de alijs. Exemplum in prima genitura, Venus est in communi dignitate & in suo casu, Saturnus peregrinus. Casus igitur proprius facit, ut operationes Veneris sint debiliores, & hoc est bonum, quia non erit adeo lasciuia & uoluptatibus deditus. Erit etiam satis hilaris, mansuetus, & blandus, quia Venus uincit Saturnum extrigoni dignitate. Quia tamen Venus cadit, & Saturnus est peregrinus, impediuntur aliquot promissa Veneris, & difficulter perficientur quædam promissa Saturni.

Dicit igitur Ptolemæus, quod si in mutuis fuerint dignitatibus, tunc euidenter & firmiter suos effectus ostendent, & claros (intelligit) futuros eos in talibus artibus.

TEXTVS XVII.

Conferunt etiam signorum propriae vires, in quibus gubernatores actionum & opificiorum Planetae extiterint, nonnihil ad operationum officiorumque variationem. Nam humanæ figuræ signa & operationes & opificia quæ arte, scientiâq; constant, & ad hominum vsus instituta sunt, conducunt. Quadru-

X pedia

pedia verò ad res metallicas, negotiationes, ædificationes, artēsq; fabriles. Tropica et æquinoctialia ad res translatitias, ad interpretationes, ad rem geometricam, rusticam ac medicam. Terrestria & aquatilia ad res aquaticas ac humidas, ad herbariam ac nauale. Amplius ad res funebres, ad fassamenta, ad piscatum.

Libro 3. Duo esse de quibus apotelesmatum liber tractat, superius
com. 9. docuimus: Scilicet quod significat, et quod significatur. Quod significat, bifariam diuiditur: uel ratione substantie, & ita in quatuor, erraticas, errantes, figuras octauæ orbis, & spatia noni. Vel ratione modi, & ita trifariam: in id, quod significat, & id, in quo est, & quod præest. Quod uerò significatur, in tria diuiditur, ut superius uisum est: Qualitatem, quantitatem, & tempus. Additur uerò modus ex secundo libro. Vt igitur hic habeatur ratio dictorum, sciendum, quod absolutis duobus primis significatoribus, aggreditur tertium, scilicet loca noni orbis, nam de his signis loquitur, quæ spatio 30 graduum distinguuntur. Acquirunt tamen uim quandam iuxta similitudinem loci cum figuris, quæ illis suberant tempore magnæ coniunctionis capitum, Arietis & Librae octauæ, & nonæ spheræ tempore Christi. Hoc autem fuit parum ante Ptolemaeum. De humanæ quidem figuræ signis parua est dubitatio, cum humanos affectus & studia circa homines significant. Quadrupedia humanæ naturæ sunt propiora cæteris, ut quæ sensum habeant integrum, idcirco mechanicas significant. Sicut humana liberales. Ex mechanicis quatuor magis necessarias demonstrat, metallicam, fabricalem, ædificationem, negotiationem, sine quibus humana uita omnino constare non posset. Ex his tamen tropica & æquinoctialia sunt duo, Aries & Capricornus. Vnum est humanum

num Libra, aliud Aqueum, Cancer, medium quasi significant inter liberales artes & mechanicas, ut medicinam, geometriam, interpretationes, rem rusticam. Harum enim omnium initium est contemplatio, finis mechanicas. Terrestria & aquatilia significant quæ sequuntur. Sed nihil uetat quadrupedia significare mechanicas artes, terrestria tamen, quæ sunt Taurus & Capricornus ut talia sunt etiam res aquaticas & humidas. Vel dic, τὰ δὲ χερσαῖα, id est, fera & quasi humi repentia: Velut colubres & Scorpio. Nam & Arabes fera legunt, nos propius humi repentia. Quod uerò dixit herbariam, quia herbae ab humida terra nascuntur. Naualis & ipsa ad aquas pertinet. Similiter & piscatio. Salsamentum quoque humido atque in humidis fiunt. Sal enim aqua quædam congelata est, et in eam resoluitur. Deinde si non ad illa signa pertineret hæc ars, ad quæ transferri commodè posset? Funebria uerò ad hæc pertinent, quia & olim & nunc mortui & uestimenta, & lecti illorum lauari solent.

Notandum circa hoc, quod Ptolemæus diuisit artes in quatuor contemplatiuas, quæ debentur signis regijs, tropicis scilicet & æquinoctialibus. Morales quæ sunt practicae & ad humana hæc signa pertinent: ut magistratus, iurisprudentia, docere pueros, & mores instituere. Expolientes, quæ expoliunt opera naturæ: ut metallica, negotiatio, ædificatio, fabrilis. Et hæc quadrupedibus conueniunt signis. Et quæ opera naturæ imitantur, ut herbaria. Et hæc ad aquatica signa pertinent. Sed omisissis duobus primis membris diuisionis, quæ bene se habeant, dicemus cum Galeno in libro de constitutione artis medicæ, quod artes quædam faciunt uel refarciunt, ut metallica, ædificatoria, & hæc ad quadrupedia pertinent: quædam facta à natura acquirere docet: ut uenatio, piscatio, aucupium, lignorum excisio, lapidum & metallorum inuentio, & hæc ad aquatica animalia & serpentes taliæque pertinent.

Rurfus si Luna propositum locum gubernet, à congressu cum Sole properans cum Mercurio, in Tauro, Cancro & Capricorno, vates facit, sacrificos, per peluim diuinantes. In Sagittario & Piscibus ex mortuis vaticinantes, & dæmonum prouocatores. In Virgine & Scorpione Magos, Astrologos, futurorum consultos, præcita edoctos. In Libra, Ariete & Leone diuinitus furore correptos, ex somnijs coniectantes, coniuros, id est adiutores.

Eſogūgās, Coniuros uerti: seu eos dicas, quibusdam uerbis expellere dæmones è corporibus hominum profitentur. Additis etiam nonnunquam suffumigijs et notis occultis, tum amuletis, scilicet his quæ collo suspendi solent. Intentio uerò eius est docere, quòd Luna est causa diuinationis, cum quatuor habuerit conditiones. Prima, ut exeat Solis radios, appareatq; iam tum. Secunda, ut ad Mercurium uadat. Manifestum est autem occidentalem oportere esse Mercurium. Tertia, ut Luna præsit cœli Medio, uel loco Planetæ opificium significantis. Haly solum de cœli Medio intelligit, & non de loco Planetæ præfecti officio. Quarta, ut sint in signis conuenientibus: Nec ex his putat aliquod non esse præter Geminos & Aquarium. Igitur Lunam esse diuinationum parentem experimēto didicimus. Et licet in genitura Caroli Quinti Cesaris hoc non significet, id contingit, quòd corpore non loco sit in ascendente: Ideò fortunam, non mores significet. Cur uerò author sit diuinationis, multæ sunt causæ: Est enim multiformis, & ui continens omnium stellarum uires,

& noctis tempori præest: Et per se phanaticos significat. Nec
 uerò solum cum hæc omnia affuerint, diuinationis causa est,
 sed & si unum ex his etiam deficiat. In Tauro igitur propriè
 facit uates, quia Venus occultam diuinationem facit, & in
 Tauro Venus & Luna gaudent. In Cancro, quod aqueum
 sit signum, per aquam: in eo autem Luna & Iupiter domi-
 nantur, à beneficiis autem diuinatio procedit. In Capricorno
 uerò, quod Luna ibi trigonum habeat, & Venus, & oppo-
 natur Cancro. Sed quia in Capricorno Saturnus & Mars
 dominantur, significat immolationem, unde aruspices. Pto-
 lemæi autem tempore hæc experimento comprobabantur,
 quod frequens esset hoc genus hominum. In Sagittario & Pi-
 scibus, ut patri meo, necromanticos. Hoc experimento primò
 compertum est. Deinde uis Iouis cum naturæ Mercurij ad-
 uersetur, facit ut Mercurius ibi deiectus sit, & contrarium
 naturæ humanæ significet. Quare mortuos & demones. Sunt
 etiam signa bicorporea, ideòq; duplicem mentem significant:
 hoc autem quomodo demones & mortuos referat, in libris
 de Rerum uarietate, de Subtilitate, deq; Animi immortalitate
 demonstratum est. Rursus in Virgine, quod ibi Mercurius
 solum habeat, & Luna gaudeat, nobiliorem scientiam diui-
 nandi significant Planetæ. Hæc autem Astrologia & Magia
 est, ut aliàs docuimus. Sed in Scorpione quod Luna & Ve-
 nus ibi trigonum habeant, & Scorpio, Tauro, ubi Luna &
 Venus dominantur, opponatur. Ignobilissimum igitur diui-
 nandi modum decernunt, ut de Capricorno & Cancro dixi-
 mus. Hic autem est, ut futura sciant, & prædicent solo quo-
 dam animi instinctu. Tales enim pro stultis habentur, cum
 sine ratione loquantur. Cum etiam plerunq; fallantur. Ut
 de quodam carpentario paucis antè annis phanatico contigit.
 Qui si alium habuisset dominum præter Cæsarem mitissi-
 mum principem, poterat meritò plecti. Audax & phanati-

cus & seditiosus sine ratione: demum successu rerum falsus omnino. Tales igitur Scorpii signum decernit. Diuinant tamen quandoque ut dixi, propter uim Lunæ & Veneris in eo & opposito signo. Sed in Libra facit eos, qui ex somnijs diuinant propter uim Saturni & Veneris contrariam. In Ariete autem furore correptos ob uim Martis: Sicut in Leone exorcistas ob Solis potentiam, quæ natura Lunæ aduersatur. Ideò Luna demonis, Sol exorcistæ uim habet. Manifestum est igitur ex his, omnia hæc esse secundum naturam.

TEXTVS XIX.

Hac igitur via qualitatem, naturamque actionum, exercitiorumque ex horum commistura colligere oportet. Modum verò eorum & amplitudinem ex astrorum gubernantium vi. Nam orientalia cum sunt aut in angulis opificia sua autoritate & fama minimè caritura pronuntiant: occidentalia verò, aut à centrīs delapsa, hæc sub alterius manu, imperioque fore. Superata etiam à beneficiis magna significant opera, illustria, lucrosa, inculpabilia, venusta: A maleficis verò, vilia, obscura, minimè frugifera, utque in quibus error commissus sit. Impedit verò Saturnus tarditate & tepiditate: Mars calore nimio, temeritate, importunamque diuulgatione. Vterque autem ob vastationes seu euerfiones.

Com. 15
huius.

Verbum, *regéias ἀναστροφάς*, Gogaua uertit vastationes seu euerfiones, Arabes habent multa mala tota uita sua. Qui sensus est magis ad rem & etiam literæ Græcæ conueniens, legatur

legatur autem (uterque) uerbum coniunctim, id est, si Saturnus & Mars impediunt.

Postquam igitur declarauit naturam opificij & substantiam, de quibus dictum est superius, modum hic subiungit duplicem. Vnum qui consequitur naturam opificij, quod uere artifex sit inclytus aut uulgaris, & hic sumitur à duabus qualitatibus Planetæ opificium gubernantis. Scilicet, quod sit orientalis & iuxta alicuius anguli lineam, aut in altero horum deficiat uel utroque: ut sint quatuor modi, duo extremi, totidem medij. Sed quid per astra gubernantia intelligat, an tres illos tantum dominos qualitatis, an omnes, substantiæ scilicet, an eos, qui locis horum dominantur, quemadmodum in alijs causis distinguere solet, dubium est. Alijs certè in causis, quod solum essent tria genera: Quod est, in quo est, & quod præest, nullam habebat dubitationem. Annectimus autem semper ei, quod præest, & quod est, & in quo est, commune id, quod super ipsum eleuatur. hac igitur in causa quinque erunt, quoniam dupliciter dicitur id quod est, commune scilicet & proprium: commune uero, quod eleuatur & supereminet totidem modis dicitur, scilicet quadrupliciter. Sed de communi solum loquitur ibi (superata etiam) relinquitur igitur ut de proprijs intelligat. Hæc autem, ut dixi, trifariam accipi possunt, at non uidetur de dominis substantiæ opificij intelligere, cum illa iam supponat in angulo esse cæli Medij, uel orientalia à Sole, quare non oportuit distinxisse de illorum statu orientali uel occidentali, in centris uel ab his delapsis: Relinquitur igitur ut intelligat de dominis qualitatis, quos etiam præesse dominis substantiæ, declarauimus.

Quando igitur Mars uel Venus uel Mercurius ille ex his, qui aspectu uel potestate loco Planetæ Medio in cæli posito, uel primo orienti, id est, nouissimi ante Solem præest

orientalis à Sole fuerit (intellige uel occidentalis à Luna) uel in anguli centro, erit ille egregius in suo opere uerè: op-
posito modo contrarium decernunt. Hi uerò qui super hos
eleuantur Planetæ fortunam opificij declarant. Vnde mani-
festum est multos esse egregios in arte, qui tamen non lu-
cri faciunt, nec sunt illustres, nec carent reprehensione, in-
sta non dico, sed uulgari. Tales igitur uenustate carent ta-
met si inelyti. Alij contrà nihil scientes, gloriosi & ue-
nustè opus tractantes, & apud populum cum laude artem,
diuitias ex ea acquirunt. Neceffe esse autem in omnibus quan-
dam esse uenustatem ad uulgarem opinionem. Et hac si desit
uili ars & artifex estimatur. Hoc autem discrimen exiguum
est in artibus, quæ industriæ parum habent, ut cerdonibus,
maximum autem ubi plurimum est industriæ: uelut in me-
dicina, nam in ea imperitissimus maximè consequitur per-
sepe laudem, negligitur peritissimus, ut Galenus conqueri-
tur. Saturnus igitur si quis alius Planeta impedit omnes
artes, omnes disciplinas, & studia, si eleuetur super do-
minum opificij. Orientalis quidem fructum eius tollit, occi-
dentalis omnino inhabiles, desperantes, & à discendo ab-
horrentes. Quod ego etiam obseruauit. Ita ut quidam qui-
bus Saturnus eleuabatur supra significatorem, officij omni-
no coacti potius ferrent uerbera, quàm quod discere uellent.
Deterior autem Saturnus est in septimo loco, inde in ascen-
dente, inde in decimo, ultimò in imo cœli: Mars uerò deci-
mo, inde septimo, post ascendente, inde imo cœli. Atque hic
ordo est in omnibus fermè causis. His igitur absolutis ad tem-
pus declarandum accedit, dicens:

TEXTVS

XX.

Tempus augmenti & decrementi in gene-
re coniectandum est ex astris horum acci-
denti

dentium authoribus, ex eorum videlicet ad orientalem & occidentalem angulum inclinatione.

Orientalis angulus significat initium uitæ, occidentalis finem, cœli medium uitæ ipsius constitutionem robustiorem, utpote à 30 ad 40 annum aut circa. Hoc autem in capite de temporibus euentuum exquisitè ostensum est. Huic autem capiti congruit pars tractationis de animi uitijis ac morbis, ueluti sequentis etiam capituli ultimæ parti, dum de illicitis agit congressibus sequentia.

Li. 1. cõ. 6.

Lib. 3. tex.

76.

Li. 3. à tex.

80 ad finē.

Ex his omnibus colligitur dari quatuor genera geniturarum: Bonas, quæ bonæ uideantur, ut cùm luminaria & benefica in angulis fuerint. Bonas, quæ malæ uideantur, ut cùm Planetæ ab angulis decidunt, benefica tamen eleuatur super omnes. Velut in nostra genesi, ubi Sol, Luna, Saturnus, Venus, Mercurius, decidunt non solum à centris angulorum, sed ab angulis ipsis, Mars quoque debilis est: Sed Iupiter super omnes eleuatur: unde finem in omnibus rebus bonum decernit cum difficultate tamen maxima, quòd sit retrogradus, & bona ipsa tenuia, quia est peregrinus. Qui si esset in primo statu, & suis dignitatibus, egregia bona præstaret, cùm tamen genesis egregiè mala uideatur. Sic Luna cùm eleuetur supra Martem, offensas & umbras periculorum decernit, cùm tamen sit cum capite Gorgonis in eodem circulo. Quæ si cum illo constituta in quadrato Martis esset sub terra in loco Martis, Mars autem in loco Luna supra terram, quanuis ab angulo cadens, capitis detruncationem polliceretur omnino, atque præstaret. Tantum interest nouisse quis Planetarum in congressibus superior sit. At malæ quæ malæ uidentur, sunt in quibus omnes Planetæ cadunt mutuisq; radiationibus aduersis se conficiunt. Caterùm

male quæ bonæ existimantur, in quibus luminaria sunt in angulis, cæteri quæ Planetae, sed malefica omnibus imperat locis illorum præposita, aut super omnes eleuatur. Deterius, si utrumque contingat. Pessimum, si utraque malefica utroque modo præposita sit. Atque hæc in omni genere euentuum.

Caput quintum.

TEXTVS XXI.

De coniugio.



Roximum est his, vt de coniugio agamus. In legitima igitur viri cum foemina coniunctione ita coniectandum est. Si de viris agitur, ad Lunam respiciemus, vt affecta sit. Primum quidem, quando in orientalibus quadrantibus reperitur, viris in adolescentia matrimonium decernit. Aut post ætatem consistentem, iuuenulam ducet mulierem. Si in occidentalibus, tardè contracturum matrimonium, aut tempestiuè quidem, sed cum vetula. At si radijs oppressa fuerit, Saturnoq; configurata, prorsus vxore carebit.

Partes ex quibus domus componitur, inquit Haly Boëthij authoritate, quatuor sunt: Diuitiæ, uxor, filij, ac serui. Cum igitur de proprijs omnibus iam tractauerit, de quibus ab initio proposuerat, reliquumq; esset, ut de coniunctis ageret, egerit autem de diuitijs, relinquitur tractatio de uxore, inde filijs atque seruis. Quibus peractis ad quædam transit, propria quidem corpori & animæ, sed tamen quasi extra naturam ac fortuita, ut itinera & Mars: inde de temporibus agit. Pro his autem omnibus atq; alijs notanda est regula generalis.

Regula

Ca. 3. li. 1.
in initio.

Regula iudiciorum.

Cum tibi proposita fuerit genitura, considera hæc septem principalia. Primum locos & Planetas congruentes unicuique rei. Velut pro uxore Lunam, pro diuitijs Sortem. Pro animi qualitatibus Lunam & Mercurium. Secundum potentiores Planetas secundum substantiam: Et sunt hoc ordine. Sol primus, inde Luna, Iupiter, Saturnus, Mars, Venus, & Mercurius. Tertium illum qui dominatur locis principalioribus, hunc uocant Arabes Almuten geniturae. Quartum potentiores, id est, propiores centro anguli nobilioris. Quintum an qui dominatur aut potētiore est, sit benefica uel malefica. Sextum dispositionem illorum in mundo, id est, quo ad Solem & proprium eccentrici apogeeum: item quo ad Lunam & latitudinem, & in quo loco sit, scilicet ubi dominetur uel in Sotio, uel loco peregrino, aut casu. Septimum cōmitionem cum Planetis, quibus modis fiat, et qui qualesque sint. Quibus consideratis diligenter uide Planetam aut Planetas, qui super alios eleuantur secundum quatuor modos superius declaratos, & si talis Planeta est beneficus, & bene dispositus secundum mundum, & potestatem in loco habet super quem eleuatur, tunc hoc est optimum & gloriosum in hac causa uel causis. Quod si maleficus sit contrariæ qualitatē aut loci, et bene dispositus secundum mundū, hoc est pessimum in hac causa uel causis declaratis à natura Planetarum, super quos eleuatur. Quod si beneficus aut maleficus sit malè dispositus secundum mundū, maleficus minus nocebit, beneficus autē minus iuuabit. Quod si maleficus dominatur in loco, super quem eleuatur, erūt magis perpetua et frequentia damna, quæ inferet, minor tamen: Sed si aduersetur, erūt maiora et frequentia. Si peregrinus, magna quidē, sed non adeo frequentia. Gratia exēpli, si quis maleficā habeat eleuatā super dominum opificij et loco illi præsit, ille negligetur in ea arte et contēnetur: Si sit peregrinu

Li. 3. cō
men. 10

grinus maleficus cōparatione loci super quem eleuatur habebit nonnihil existimationis & utilitatis, non tamen magna et multa illi contingent infortunia. Si autē locus super quem eleuatur malefica, fuerit casus eius: tunc rara quidem, sed maxima contingent infortunia: Existimationem tamen retinebit & lucrum consequetur. Hæc autem minuuntur & augentur mīstione. Exaltatio & potestas secundum genituram, id est, appropinquatio centris angulorum semper suspecta est in maleficis, non ita secundum mundum, id est, eccentrico uel ratione loci, ubi dominetur, uel latitudinis aut ratione Solis aut Lunæ. Ergo si idem Planeta super omnes eleuetur, ille erit felix aut infelix in omnibus, nisi ratione temporum. Nam in his contingit uarietas propter diuersas comparationes.

His uisis, cū res coniugij maxima sit, & communis, alteri luminarium ascribi necessariò debet propter secundum modum regulæ prædictæ. Sed cū Sol significet masculos, & masculus masculo coniugio copulari non possit, oportet, ut in masculorum coniugijs Lunam consideremus, ut in foeminarum Solem. In his uerò prius tempus considerat, quoniam prius oportet coniugium celebrari, quàm ut determinetur de qualitate eius, qui uel quæ coniugio copulatur. Trifariam igitur contingit hoc esse, aut ut copuletur in iuuentute, aut senectute, aut nunquàm. Hæ autem regulæ non tenent, ubi plures uxores simul haberi possunt, ut apud Mahumethanos: Nec ubi multi ex constitutionibus in cœlibatu uiuunt, ut apud Christianos: Nec ubi nefarium est non nubere, ut apud Iudeos: Sed in quibus omnino liberum est utrumque, ut olim apud gentes omnes, & nunc apud eos qui se uocant Euangelicos. Ad alios tamen adhibita solerti ratione applicari poterunt: Vt quod Mahumethanus cœlebs erit, cū omnino Luna damnata fuerit: aut Christianus nubet, cū

ab utroque Planeta libera fuerit. Luna quibus modis orientalis aut occidentalis dicatur, uisum est superius. Et inferius etiam docebit. Li. 2. cō. 9. Com. 25.

Notandum etiam, quod Saturni impedimenta in actionibus naturalibus sunt frigiditas, in proprijs segnitie, in communibus auaritia. Martis autem impedimenta in communibus ira, in proprijs festinatio inconsulta, in naturalibus autem non per se impedit. Atque hæc contingunt, cum supra alios eleuantur.

T E X T V S X X I I.

Ad hæc si in signo vnus figuræ aut vni alicui stellarum applicas se reperta fuerit, vno coniugio contentum esse demonstrant. Si verò in bicorpori, aut multiformi signo, aut pluribus stellis in eodem signo applicet, sapius coniugium iterabit.

Tempore explicato, numerum decernit: Sensus est, una uxor habebitur, cum Luna in signo fuerit unius figuræ seu uni applicet Planetæ seu nulli. Plures, cum uel in signo bicorporeo, uel multiformi, seu applicet uni Planetæ aut pluribus, aut nulli, seu etiam fuerit Luna in signo figuræ unius, pluribus autem applicet Planetis, aut saltem duobus, duæ aut plures significantur uxores. Hic autem contingunt quædam notanda & dubitationes.

Notandum, quod pro numero Planetarum habebimus numerum uxorum, ut si in bicorporeo signo sit, & duobus applicet Planetis, tres habebit uxores: & si quatuor applicet Planetis, & sit in signo unius figuræ, quatuor uxores decernet. Notandum rursus applicationem esse debere ex eodem signo, non Luna signum commutante. Dubitationes autem quas reliquit, tres sunt.

Prima

Prima, si in signo duorum corporum uni tantum Planeta applicet, duasne, an unam uxorem significabit? Respondeo, quod licet ex primis uerbis una uidetur significari, in sequentibus tamen docet quod duæ. Igitur debet numerus Planetarum adungi numero figurarum signi, & ab hoc aggregato detrahatur unitas, si detrahi possit: Et relinquetur numerus uxorum. Sed si nulli sint Planeta, numerus figurarum signi docet numerum uxorum. Si uero adsit unus Planeta, cui Luna applicet, non auget numerum decretum à signo, sed facit, ut firmitus numerus ille custodiat.

Secunda dubitatio est, an applicatio illa ex eodem signo sit intelligenda corpore tantum, an etiam aspectu? Videtur Haly sensisse de utroque. Et non solum de Planetis sed fixis cum fuerint in eadē longitudine & latitudine. Et breuiter dico quod numerus est incertus: Sed coniectura sic assequemur. Considerabimus primò an unam aut plures uxores sit habiturus: Item quo tempore, an in iuuentute, an senectute. Facilius enim plures habebit, qui in iuuentute quam senectute copulabitur. Tertio, uitæ longitudinē mariti et etiam uxoris. Quarto, stellas quibus corpore Luna applicat in eodem signo, seu errantes seu non, dummodo corpore illis iungatur. Illas etiam errantes quibus applicat radio exquisitissime, maxime si fuerit quadratus radius, & Planeta illa Lunam recipiat.

Tertia dubitatio est, an uerba illa, aut multifor-
mi, debeant legi alternatim, aut ut sint præcedentium expositiua. Velut dicamus multifor-
mi, id est, bicorpori, aut multifor-
mi, id est, multiplicis corporis, ac plurium quam duorum. Et uidetur quod intelligit de uero multifor-
mi, quia fuisset occasio decipiendi. Ergo ita intelligit etiam de signis extra zodiacum, quando quidem quæ intra illud sunt, sunt tantum bicorpora. Multiplicia igitur sunt, uelut Centaurus, & Arcturus, Bootes, Hercules, atque Hydra.

Cæterum si astra, quibus Luna applicat, seu loci propinquitate, seu testimonio, fuerint bona, bonas vxores ducet: Si mala, malas. Nam si Saturno applicuerit, erunt laboriosæ & tetricæ: Si Ioui, venerabiles & familiam gubernantes: Si Marti, audaces & rebelles: Si Veneri, formosæ, gratiosæ, hilares: Si Mercurio, sagaces, & acumine præditæ. Amplius Venus cum Saturno, Ioue aut Mercurio, victui quæritando vtilis, coniugis amantes & liberorum: cum Marte, animosæ, instabiles, variabiles.

Qui de profunda uetustatis caligine talia uindicarunt, certè egregia laude digni sunt. E' stque boni uiri officium uertendo sensum pro sensu reddere, etiam si falsissimus sit. Ob id tamen expositor ea lege non tenetur, sed quæ admodum absurda sunt uitare debet. Licet igitur legatur ἔτι δὲ ἡ μετὰ μὲν τοῦ ἰδίου, ἢ ἡ μετὰ τοῦ ἑτέρου. Quod est, amplius Venus cum Ioue, uel Saturnus cum Mercurio. nos tamen quia nullum hæc uerba habent sensum, congruenti oratione uertimus, ut in textu habetur. Hoc etiam in explicatione maritorum, dum Venerem alijs rursus comparat Planetis, perspicuum est. Sed cum de Luna agat, quid attinet, ut Venerem comparet? Nisi esset, quod Venus in coniugibus utrinque multa placeat, etiam si inuicem dissideant natura. Ob id igitur astrum cui Luna applicat aut Sol, coniugis propriam naturam ostendit. Cui uero Venus, naturam illius ut ad coniugem se habeat. Multi enim boni natura sunt, aut bonæ, cum coniuge tamen mali aut malæ. Aliqui etiam licet pauci uel aliquæ mali, malæ uel natura sunt, cum coniuge tamen quietè uiuunt,

seu

seu ob Veneris dilectionem, seu morum similitudinem.

Declaratur autem ex hoc textu, quod applicationem etiam radio admittit, dummodo testimonium præbeat. Præbet autem, si in loco dominetur. Mulierem autem bonam intellige, ut hominem pictum, non simpliciter, sed cum adiectione. Manifestum est autem & hoc gentibus contingere. Nam apud Belgas uiri quiescunt, mulieres negotia tractant. Apud hocigitur & horum similes Saturnus Luna ab initio consuetudinis commistus fuit. Neque uerò dubium est tam beneficas, quam maleficas iuxta status diuersos magnum discrimen etiam in eodem astro efficere. De astris autem agit hic, quem admodum diximus, non tantum de Planetis.

TEXTVS XXIIII.

In mulierum autem coniugio spectare oportet Solem. Is enim repertus in quadrantibus orientalibus, eas significat vel in prima adolescentia nuptui dari: vel post ætatem consistentem cum adolescente matrimonium contrahere. In occidentalibus verò tardè nubentes, aut maturè, sed cum seniculo. Et in signo vnus formæ, aut cum Planeta vno matutino deprehensus, semel tantum nubentes: in multiformi aut pluribus matutinis configuratus, sæpe coniugium iterantes. Ac si Saturnus hoc modo Sole configuratus sit compositos maritos habebunt, ac commodos & industrios. Si Iupiter, venerabiles & magnanimos. Si Mars, immorigeros, strenuos, à liberis & vxore alienos. Si Venus, iucundos & formosos. Si Mercurius, victui consulentes, &

agiles.

agiles. Venus autem cum Saturno ignavos facit & in Venereis frigidos. Cum Marte calidos, ad congressum proclives, adulteros. Cum Mercurio, liberorum amantes.

Si omnia quæ in hoc capite dicta sunt de uxoribus ex Luna statu in tribus proximis sectionibus, ad maritos referantur ex Solis statu in mulierum genituris, plana erit sententia. Hoc solum interest, quod in Sole matutinos Planetas considerat loco vespertinorum à Luna. Nam & in Luna & Sole considerat Planetas, quibus applicant, an matutini sint an vespertini, seu quo ad Solem, seu quo ad genesin ipsam. Præterea, eadem ambo etiam de Luna animadvertit. Ex hoc alius dissolvitur scrupulus, nam cum Saturnum dixerit in Luna applicatione significare eos, qui uxorem non ducunt, postmodum subiecerit, Lunam illi applicantem significare maritos frugi, intellexit Saturnum solum efficere cœlibes, cum Luna fuerit sub Solis radijs in mulieribus, quemadmodum in uiris, cum fuerit à Sole occidentalis: aliter coniugium minime impedit. Cur uero prætereat cōiunctionem Veneris cum Ioue in maritorum qualitate decernenda, cum in uxorum non præterierit, causa est, quoniam liquet ex dictis illos futuros bonos, moderatos & modestos cum docuerit Saturni & Martis uires hac in causa quasi esse contrarias.

TEXTVS XXXV.

Orientales quadrantes hoc loco accipimus, cum de Sole agimus antecedentes, & signum signiferi ascendens & occidens. Cum de Luna, à nouilunio & plenilunio eò usque, ubi Luna diuīdua est. Occidentales autem his oppositos.

Y

Commune

Vide lib. 3
Comm. 9.

Commune omnibus Planetis est, ut quod est ab initio cœli Medij, usq; ad orientem: Et ab initio imi cœli usq; ad occidentem pro orientalibus. Occidentales intelligit his oppositas. Et ut magis talibus initijs proxima stella fuerint, eò magis orientales erunt. Sicut contraria ratione in occidentalibus. In comparatione autem eorum ad Solem tam à coniunctione ad oppositionem Solis, quàm ab illius oppositione ad coniunctionem, uniuersum uitæ statum censet contineri. A coniunctione quidem, postquàm peracta est humidum recens infantis, donec omnino in oppositione sit totum absolutum. Et rursus ab oppositione humidissimam infantis naturam, quæ in senio exarescit, ut sub coniunctione instante, Planeta. Ob id igitur primæ quartæ & à nouilunio, & à plenilunio significant dimidium primum ætatis, usq; ad 35 annos uel circa: reliquæ ultimum dimidium. Non intelligo nunc de dimidio exacto numeri annorum: Sed per primam ætatem eam, quæ augetur, per secundam, quæ minuitur. Sicut & in his quænam admodum & in Sole dictum est ratio habenda sit partium utriusque, penes maiorem & minorem distantiam Lunæ à Sole. In inferioribus autem cum ad oppositionem non perueniant tota etiam uita à coniunctione ad coniunctionem cum Sole continetur. Verùm quæ sit, dum Planeta est retrogradus oppositionis in superioribus uicem gerit. Vera coniunctio est, cum Planeta est uelocissimus. Cum igitur à coniunctione radios Solis exit, infantiam & pueritiam refert, facitq; ad descendum promptos. Cum in maxima elongatione, ualidos & robustos atq; perfectos. Cum redeunt ad Solem, & iuxta illum sunt, senibus assimilantur, idèò prudentes sunt. Cum sub Sole, nullum statum habent, sed totos se Soli dedunt. Tales maxime humana ob id sapiunt. Porrò, ut dictum est, totus status, qui est à coniunctione, quæ fit dum Planeta retrocedit, alio statu prioris coniunctionis deterior est. Innuit ergo duos

duos status, quo ad mundum communem omnibus Planetis, & quo ad Solem communem omnibus Planetis præter Solem.

Regula prima.

Notandum, quòd in uoluntarijs quædam ita decernuntur, ut omnino quasi necessaria uideantur. Velut si quis habeat Lunam in Cancro, in cœli Medio, liberam à Sole, & Saturnum in tertia domo, ille proculdubio nubet. Rursus si Luna sit in septimo loco sub radijs Solis in Leone cum Saturno, pronuntiabis illum proculdubio uxore cariturum. Atq; in his uoluntarium quasi in necessitatem Fati transit. Ita ut uiderim quosdam tempore quo uxorem ducturi erant, adeò rapi ad hunc effectum, ut de nulla alia re cogitarent. In alijs intermedijs, qui longè plures sunt his, caue ne tibi contingat quod olim Apollini. Tenebat quidam, tentaturus oraculum, sub digitis caput passeruli, ipsum autem in manu abditum, interrogans Apollinem, an quod in manu teneret, uiuum esset, an non? Respondit dæmon, uti uolueris, intelligens ipsum qui interrogabat utrouis modo respondisset, ostensurum oppositum. Ita in talibus decet Astrologum imitari oraculum, nec uelle se sapientiozem illo ostendentem, artem ipsam prodere, sed in manifestis tantum atq; euidentibus, aut quæ à uoluntate non pendent clarè & determinata sententia respondere. Ita ego interroganti in simili causa amico nostro Andree Vessalio respondere non erubui.

Regula secunda.

Rursus nec illud credendum est, solum eos uxore carituros, qui Lunam sub radijs coniunctam aut configuratam Saturno habent: Neq; etiam omnes. Sufficiet enim quandoque Saturni coniunctio malè dispositi absq; Sole: quandoq; Luna

Y 2

sub

sub radijs proxima uisioni in Cancro, quanuis Saturno con-
figurata admittet uxorem. Consideranda etiam est familia: in
nostra nemo, solis sacerdotibus exceptis, qui ad legitimam
peruenerit aetatem, uxore caruit. Cum etiam sacerdotes ualde
pauci fuerint, neq; ullus tamen monachus. Quod igitur de me-
dicis Galenus pronuntiauit, id nos & magis necessario dice-
mus de astrologis: Scilicet oportere illos esse eruditos, & na-
tura prudentes. Cum autem hoc in omnibus, id maxime in
his ueritatem habet, quæ à uoluntate libera pendent.

T E X T V S X X V I.

Omnino verò constantes & diuturni con-
iunctus permanent, quando in vtriusq; coniu-
gis genitura luminaria contigerit configura-
ta esse concorditer. Hoc est, quando inter se
ipsa triquetra aut hexagona radiatione sere-
spexerint. Et maxime, cum huc mutua rece-
ptio accesserit. Multoq; magis, quando quæ
viro Luna est, foeminae Sol fuerit. Dirimun-
tur verò leui occasione matrimonia, aut con-
iugum animi dissident, cum prædictæ lumi-
narium conditiones, vel in signis incōiunctis
acciderint: vel sint ex opposito aut quadrato.

Miram artem regulamq; nobis his in uerbis insinuat Pto-
lemæus, quam pleriq; ignorantes, dubitant de Astrologia
scientiæ ueritate. Dicunt enim, si tegula incidit in caput unius,
illamq; interficit, quomodo fieri potest ut hoc in genitura il-
lius cernatur, cum casu tegula tunc ceciderit? Rursus, qui ue-
neno à coniuge interimitur, quomodo potuit præsciri, cum
factum non sit ipsius sed coniugis? Propterea Ptolemæus ne-

bis in hoc secundo hic insinuat esse Fatum, atq; concursum quendam, quem Astrologus nescit: & si nouit, tantum casu nouit. Idemq; de amicis atq; inimicis. Consensus igitur atque dissensio non ex propria genitura sciri poterunt, sed ex consensu geniturarum mariti atq; uxoris. Sed talis consensus à Fato pendet. Neq; ut dixi, electio temporis quicquam proficit: quoniam ex primo animi motu, non ex electione sumenda est. Quòd si quis uxorem eligat, uidetur forsàn aliquid proficere: Sed rarissimè contingit, ut genitura & reliqua conueniant: fiatq; eligendo imparem, Astrologus ridiculus. Dicit enim solet: Si bene uis nubere, nube pari. In alijs uerò casibus, Anæretæ similis est hosti, qui hominem occidere decreuit, ubi hoc animo firmavit, occasionem expectat: Ea oblata perficit, quod decreuerat. At dices, ergo non exquisitè momentum mortis sciri potest? Respondeo, quòd non in omnibus: Veruntamen in plerisq; concursus causarum externarum coincidit cum concursu causarum Anæretæ, quæ sunt potissimæ, directio, progressio, & loci Planetarum.

Apponit autem tres gradus concordie. Primus, cum Sol in uiro, & Sol uel Luna in foemina, aut Luna in utrisq; fuerint in locis se respicientibus trigono uel hexagono aspectu. Secundus, cum in uiro Luna, in uxore Sol, eodem modo disponuntur. Tertius, si cum hoc alter alterum recipiat. Dirimuntur matrimonia re, ut apud Iudeos & Mahumetanos, uel solum animo, & ut dicunt tori separatione, & cohabitatione, ut apud Christianos, cum luminaria fuerint in signis quadrato uel opposito se respicientibus, aut etiam inconiunctis. Quæ autem sint inconiuncta signa, uidisti in primo libro. Hæc uerò & ad amicos transferri possunt.

Com. 49.

TEXTVS XXVII.

Deinde si concordēs luminum configura-
Y 3 tiones,

tiones, beneficæ stellæ aspexerint, iucundos, blandos et vtilis conuictus significant. Si maleficæ, contentiosos, inuerecundos, inuidos. Si militer in discordi statu luminarium, beneficæ ijs suffragantes, non penitus conuictum rescindi permittunt, sed redintegrant, placant, & conseruant coniugale illud blandum, & natura nobis inditam in comparem propensionem. Maleficæ autem non sine contumelia & execratione conuictus perturbant, & demoluntur. Si quidem Mercurius cum eis solus extiterit, vociferationibus, improprijs & accusationibus inuoluit. Si Venus, adulterijs, incantationibus & his similibus.

Quatuor status explicat coniugum. Primus, cum luminaria utriusq; genitura consenserint, & beneficæ illa aspexerint, maxime eleuata, & recepta, & hic est optimus. Pessimus, cum luminaria dissenserint, & maleficæ supra illa eleuantur. Duo sunt mali status medij, scilicet cum luminaria quidem consentiunt, sed maleficæ respiciunt, & prædominantur, & hi uiuunt absq; suspitione diuortij, sed tamen in perpetua contentione & miseria. Alter status medius est, cum luminaria dissentiunt cum aspectu beneficarum, & tunc de diuortio agitur, at tamen reconciliantur, & quietius prioribus uiuunt. Pessimo statui, atq; etiam duobus medijs Mercurius commissus, cum sit author sermonum & lingue significatu, ideo merito adiungit alijs malis uociferationes & reliqua. Venus maleficis commissa, iam exuit beneficæ naturam, & uicem agit sacchari, cum ueneno miscetur, ob id igitur causam dissidij ostendit, adulterium, incantationem, & talia. In-

telligis

telligit per adulterium non solum uxoris, sed etiam quando-
que rarius concubitus uiri cum aliena: seu sit incestus, seu
concumbat cum pueris, & ita de alijs. Et postquam locutus
est de legitimo coniugio, loquitur modo de quadam cohabi-
tatione flagitiosa, quæ multis modis fit.

TEXTVS

XXVIII.

Quæ verò alio quouis pacto coniugia
contrahuntur, reiicienda sunt in vtriusque ge-
nere in astrum Veneris, & Martem ac Sa-
turnum. Congredientibus enim illis cum lu-
minibus, cum familiaribus, necessarijs atque
affinibus siue consanguineis conuictus de-
cernuntur: prout Venus erga alterutrum af-
fecta fuerit. Si enim erga Martem cum con-
iuge iuvene, quandoquidem in mutuis si-
gnorum trigonis alternatas habent altitudi-
nes: Erga Saturnum autem cum seniore:
nam in mutuis trigonis rursus vicissim do-
mus possident. Vnde Venus cum Marte pla-
nè amatorias affectiones producit. Quibus si
Mercurij stella accedat, non sine diuulgatio-
ne. In promiscuis & familiaribus signis Capri-
corni & Piscibus fratrum, & cognatorum con-
iugationes decernuntur. Et Luna si in viro-
rum genituris ad hæc accurrat, significat cum
duabus sororibus aut consanguineis congres-
surum. Si verò in mulierum genitali constitu-
tione Sol, duobus fratribus aut cognatis.

Vt Luna & Sol coniugia legitima significant, ita Venus conuietus, qui ex amore procedunt. Quocirca nil mirum plus scorta diligi plerunque sex uxoribus aut maritis. Amor enim scortorum à Venere est, quæ immodicam decernit cupitatem, coniugum à luminaribus, quæ ut docui superius, communem uitam significant. Venus igitur maleficis commista, conuietus declarat illegitimos & absurdos: quoniam ipsa cum utraque illarum commutat dignitates. Venus enim in Piscibus altitudinem habet, Pisces autem, Martis trigonus, & Mars in Capricorno uicissim, Venus autem domina trigoni Capricorni. Venus rursus habet domum in Libra, Libra autem Saturni trigonus, Saturni autem domus Capricornus, qui est trigonus Veneris. Igitur commutatio hæc uicissim concordiam significat atque conuietum. Maleficarum autem natura nihil legitimum. Ob id maleficæ commistæ luminaribus & Veneri, talia monstra decernunt. Luminaribus autem solium, ut dixi, uxores aut maritos prauos: soli quoque Veneri concubitus absurdos non conuietus, ut superius uisum est, dum de animi uitijs loqueremur. Quamobrem caput illud uidisse pro his, quæ hic dicuntur, multum præstat.

T E X T V S X X I X.

Cum Saturno rursus Venus fortè reperta, omnino lenes & stabiles hos conuietus efficit: accedente verò Mercurio utiles, concurrente Marte, instabiles significantur, noxij, nec sine mutua inuidia & æmulatione.

Ex duobus natura contrarijs fit melius unum persæpe, cum substantia dissident, ut ex lateribus & luto, Non lateres inuicem coeunt, non firmiter lutum. Saturnus quoque & Venus in eodem signo gaudent, scilicet Libra, Mercurij quoque cum Venere

Venere mistio utilis est, cum Marte autem Venus inutiliter miscetur, quod solus concubitus uterq; decernit. Caterum, uterque à constantia, à prudentia, moderatione, eruditione, fide, iustitia, ac bonis moribus alienus est, nisi quod Venus suauitatem affert. Ob id igitur mistio Martis & Veneris omnino inutilis. Sed neq; alie probantur, cū Saturno enim Venus mista, licet conuietum firmum reddat, omnia tamen sordida erunt, & cum Mercurio puerilia. Prius igitur docuit naturam conuiuentium, hic modum, posterius autem scilicet in sequenti, ætatis rationem, dicens:

T E X T V S X X X.

Ac si illis concorditer configuratus fuerit, cum æqualibus matrimonium contrahitur. Si tamen orientalis ipsis fuerit, cum adolescentioribus: at si occidentalis, cum prouectionibus.

Intelligit comparisonem Veneris ad maleficas: cum enim fuerit illis commista, non potest esse orientalis, si illi sint occidentales: nec occidentalis, si illi orientales. Vel igitur illis iuncta est una, & tunc copulabitur coæquali ætate, uel orientalis, & sic iuniori, uel occidentalis, & sic seniori.

T E X T V S X X X I.

Si verò in promiscuis signis sint Venus & Saturnus, scilicet Capricorno aut Libra, cum affinibus congressurum. In horoscopum & cœli culmen quando dicta configuratio incidit, Lunâq; concurrerit, viros facit cum matribus, matrumve sororibus, aut nouercis rem habere: fœminas cum filijs aut filiorum fratribus aut filiarum maritis.

Signa communia Veneri & Marti diximus esse Capricornum & Pisces: nam in Piscibus Venus habet altitudinem, Mars trigonum, in Capricorno autem Venus trigonum, Mars altitudinem. Similiter Capricornus & Libra communia sunt Veneri atq; Saturno. Venus in Libra habet domum, Saturnus trigonum: in Capricorno Venus trigonum, Saturnus domum. In his igitur significantur congressus affinium. Quod si his accesserit, ut alter in Capricorno in ascendente, reliquus in coeli Medio in Libra, aut ambo in altero illorum signorum, in una harum domorum, Luna quoq; affuerit, quæ matres & filios significat, tunc hos congressus nefandos omnino pollicetur. Decima matres, & prima ipsos natos aut natas significat. Impelluntur autem ad hæc licitos concubitus abhorrentes. Familiare autem hoc fuit Persis.

TEXTVS XXXII.

Sol si cōcurrat & maximè, cū occidentales fuerint Planetę, mares cū filiabus rē habētes, aut filiarū sororibus, aut filiorū vxoribus: Fœminas verò cū patribus aut patruis, aut vitrico.

Vt luna matres, sic Sol patres, ut superius uisum est: Et ut Luna filios matribus, ita Sol filias patribus significat, hoc in casu tantum. Idè conuersio duplex utriq; Solis cum Luna, & masculorum cum fœminis. Fratres filiorum priuignos intelligebat in præcedenti textu, uelut in præsentī sorores filiarum priuignas ex uxore, ut in præcedenti priuignos ex marito. Nam priuignus ex uxore uitrice inutilis est, ut priuigna ex marito nouerca. Credendum est autem multa experimenta Ptolemæum in talibus habuisse, postquam in describendo ea tam diligens fuit. Sunt autem quasi monstra morum, et iuris gentium, aut ciuilis, sicut alia superius dicta natura. Ob id ad artis confirmationem scripta.

TEXT

TEXTVS XXXIII.

Quando prædictæfigurationes in signis
vnius generis non extiterint, in fœmininis au-
tem locis & personis, efficiunt omnino ad
Venerea propensos & accinctos, & tam ad
agendum, quàm patiendum omni ratione pa-
ratos. In quibusdam etiã figuris flagitiosè
obscenos vt in prioribus posterioribûsque
partibus Arietis, & Succulæ: in posteriori-
bus Leonis, & facie Capricorni.

Per genus non intelligit masculinum aut fœmininum se-
xum, quia repugnaret sequentibus uerbis. Sed intellexit op-
posita, quæ solum sunt similia in sexu, & contraria in natu-
ra. Item, quæ in sextili à contrarijs Planetis dominantur, ut
Capricornus à Saturno, & Marte, & Pisces à Ioue & Ve-
nere: Item Cancer & Virgo, & rursus Virgo & Capricor-
nus, & sint ambo fœminina signa, ut dixi (Et persona) Per
personas non intelligit natos, nam dicit ad Venerea patiendâ
&c. Vult ergo ut sint occidentales & fœmininis Planetis uniti,
& in quartis occidentalibus à cœli Medio ad occasum, & ab
imo ad ascendens. De partibus signorum intellige octauis,
non noni orbis. Obscenos intelligit, irrumatores, fellatores,
masturbatores, spintrias. Et ut ferunt de quodam nostro ci-
ue, qui cum puero concubuit, pædicando, irrumando, & in
auribus, ut ille fatebatur. Plurimum autem ueteres tribue-
bant figuris octauis orbis, quas recentiores obseruare desce-
runt, cum tamen multum possint.

TEXTVS XXXIIII.

Verùm si hæc figuratio in duobus priori-
bus angulis inuenitur, orientali nimirum &
medij

medij cœli prorsus detegit hæc flagitia, & in publicum profert: In posterioribus duobus, occidentis nimirum & cœli imi, spadonnes efficit, & eunuchos steriles, genitalibus meatibus concretos.

Orientales anguli magis declarant facta, sed occidentales & imum cœli, cum sint debiliores, magis ledunt, & ob hæc nota detrimenta in alijs. Vtpote ascendens significabit cicatricem in facie: cœli imum claudicationem: altera manifestior & feëdior, reliqua damnosior: ita in flagitijs. Deterius est esse eunuchum natum absq; testiculis, esse castratum ab homine, scilicet spadonem, uel habentem utrilia, & esse sterilem, quia meatus seminis sint concreti, quàm talia uitia & flagitia circa Venerea diuulgari. Infamia enim talium tempore transit, apud multos non creditur, ab aliquibus pro licentia accipitur, multi dissimulât metu, alij similitudine peccati. Sed si non sint in angulis, quid erit: dico, standum erit decretis præcedentis textus. Erunt enim flagitia absque magna infamia & lesione membrorum genitalium. Aliter frustra proposuisset generalem significationem.

TEXTVS XXXV.

Mars autem accedens mares abscissis genitalibus, foëminas, quas tribades vocant, atq; omnino priuum quiddam in Venereis habentes.

Si Mars constitutioni declarata in duobus præcedentibus testibus accesserit uiolenta, hæc decernit causam in masculis ex ferro, in foëminis uerò tribades & masculinos mores induentes significat. Quasdam obstructas, ut fuit olim uxor Paxini Varadei bibliopole.

TEXTVS XXXVI.

Quæ uerò sit hominum in congregiando,

viris

viris affectio & natura à Marte colligitur. Is enim à Saturno & Venere separatus adiutus verò à Iouis suffragiis, verecundos & puros efficit in re Venerea explenda, & naturalem tantum usum spectantes. Cum solo Saturno fortè repertus, pigros, frigidos. Ioui autem ac Veneri configuratus, agiles & cupidos, temperantes tamen & se refrenantes, infamiam fugientes. Cum sola Venere absente tam Ioue, quàm Saturno, segnes, ignavos, vnde quaque voluptatem captantes.

Quatuor comparationes facit, Martis cum Ioue, Saturno & Venere, Solis item cum Ioue & Venere simul. Sed ultima, quam facit cū sola Venere, tam apud Arabes, quàm Græcos legitur hoc modo (Cum sola Veneri aut Ioue absente Saturno) sed nos satis mentē Ptolemæi perspectam habemus. Mars igitur efficaciam concubitus significat, quia ut visum est in precedenti libro, Mars præest pudendis. Sed nos volumus, quòd renibus unde sit tensio membri: Et appetitus concumbendi. Ideò qualis Mars, talis affectio. Dato enim, quòd membro virili præesset, non decerneret de qualitate concubitus. Sed vis illa ratione & experimento Veneri tribuenda est. Quod uerò dicit ignavos & segnes, non ad Venerem credas (sunt enim promptissimi ad eam) sed ad negotia: Et luxui extoto dediti, & inutiles. Sol uerò Ioui, & Luna Veneri, quasi similis est.

Com. 53.

TEXTVS XXXVII.

Et si hic quidem Planeta vespertinus est, ille matutinus natus tam marium, quàm foeminarum congressu capietur: non tamen supra

pra modum erga vtrunque sexum affectus. Si ambo vespertini sunt, ad foeminarum concubitum solum erunt procliues. Atque adeo ut si foeminina sint signa, ipsi subagitentur. Si matutinus, vterque puerorum tantum concubitu flagrant. Quod si signa masculina cum hoc fuerint, in masculis nullum ætatis discrimen habebunt.

Libr. 3.
text. 81

Quis dubitare potest hoc in textu, quin priori de Venere sola Marti congregiente, locutus sit. Si igitur uterque sit orientalis, significat solum subagitare masculos, quia orientales Planete, ut uisum est masculini sunt. Quod si præter id sint in signis masculinis, adeo masculos amabunt, ut nec ætatem puerilem requirant. Superius declarauit hanc propensionem ex luminarium locis & Marte ac Venere, sed non commistis, hic ex mixtione Martis cum Venere absque luminarium testimonio. Si uero ambo sint occidentales, ad foeminas erunt procliues. Sed si cum hoc erunt ambo in signis foemininis etiam absque luminarium testimonio, ob mixtionem non solum effoeminatos, sed eos, qui maritos etiam ducent, significabunt. Antiquitus hoc uitium uiguit: nam Nero nupsit Doriphoro: Est & illud Martialis pulehrum:

Barbarus rigido nupsit Callistratus Afro,

Qua ratione viro nubere virgo toler.

Præluxere faces: Velarunt flammea vultus:

Nec tua defuerunt verba Thalasse tibi.

Dos etiam dicta est nondum tibi Roma videretur

Hoc satis: expectas nunquid & ut pariat?

Idem Nero loco coniugis Spororum puerum habuit, & Domitianus Earinum. Hoc igitur maius est etiam, quam quod dixit in capite de animi utriusque ac morbis. Nam coniugum loco sunt talia scorta. Quod uero dixit (Non tam supra modum
erga

erga utrunq; sexū affectus) Est figura dicendi, cū omnis concubitus maculinus sit supra modū et contra legem. Nec quōd quis diligit tantū fœmineum sexum concubitus causa, debet dici supra modum erga fœmineum sexum affectus. Quasi moderatum sit utrunq; sexum hac causa diligere. Sed uult intelligi sub hac sententia uerba illa, quæ breuitatis causa ita descripsit (Sed neutrum sexum afflictum amabunt) Hic est sensus: Ut intelligat cū omnibus absq; discrimine rem ueneream exercituros. Quod maxime militibus conuenit ob furorem, petulantiam, & licentiam peccandi, tum etiam necessitatem.

TEXTVS XXXVIII.

Ac si Venus occidentalior est, cum uilibus hominibus seruis aut alienigenis congregientes. Si Mars, cum eminentioribus se ac dominis uiri.

Supple congregientur. Nam Mars in genitura uirum, Venus fœminam significat. Planeta orientiores, nobiliores significant, quia robustiores & in meliore statu: occidentiores autem ignobiliores & uiliores. Si igitur Venus est occidentalior Marte, coibit cum ignobilioribus se fœminis uir: si orientior, cum nobilioribus.

TEXTVS XXXIX.

In fœminarum uerò genituris Venus consulenda est: Ea enim Ioui aut Mercurio configurata, prudenter purèque Venerea tractantes. At absente Ioue, Mercurio configurata, procliues quidem & uenereorum cupidas, cautas tamen, & paulò pigriores, plerunque etiam turpitudinem fugientes. Marti, soli configurata aut congressa, salaces & ad Venerea

nerea concitatas. Segniores si his Iouis stella accesserit.

Quemadmodum Mars, quod masculinus sit, opus con-
gressus in masculis gubernat, ita Venus in foeminis. Igitur
cum Ioue moderationem prabet ob integritatem & pruden-
tiam: cum Mercurio uero ob uerecundiam & astutiam. Pro-
pterea subiunxit (At absente Ioue) Quasi dicat, solus Mer-
curius non tam puras, & modestas facit, ut Iupiter, nisi etiam
legas (Ea enim Ioui & Mercurio) pro (Ea enim Ioui aut Mer-
curio) Id est igitur, quod solus Mercurius facit malas, sed ita
ut solum cupiant uideri non esse bonae, cum Iupiter faciat bo-
nas. Quod dixit (Paulo pigriores) intelligit ad cupiditatem
non solum cautas, sed ob cautionem pigriores. Plerumque
etiam turpitudinem fugiunt, non quia oderint, sed quia sunt
adeo cauta, ut nec uelint se credere ei cum quo concum-
bunt, ne quandoq; illis possit obijcere. Nam cautio ad exter-
nos refertur. Haec uero adeo sunt cauta, ut nec amatori nec
coniugi se credere uelint in obscenis agendis, tametsi illa ut
plerumq; foeminarum mos est auidè expetât. De Marte haud
dubium est, seu iuncta, seu aspiciens, uel in uno circulo, uel
magno, uel paruo, seu imperantibus aut intuentibus, aut
positionis circulo. Sed Iupiter haec omnia mitigat bene po-
situs: aut si sit debiliior, saltem tegit.

TEXTVS

XL.

Ac si Mars sub radijs extiterit: cum seruis
congregientes obscurioribus & alienigenis:
Sin autem Venus sub radijs latuerit, cum su-
perioribus aut dominis meretricum aut adul-
terarum consuetudine miscebuntur.

Mars masculum significat. Si fuerit igitur sub radijs et Ve-
nus

us libera, mulieri uiliori se coniungetur: ideo seruis aut obscurioribus aut aduenis, nam hi ciuium numero non habentur. Contra Venus sub radijs, Mars liber, significant uirum foemina nobiliorem, ideoq; commisceri dominis aut superioribus. In foeminarum igitur genituris radiorum Solis ratio habenda est, ad Martem & Venerem: Sed in uirorum quis sit orientalis horum Planetarum.

TEXTVS XLII.

Si in locis aut figuris foemininis fuerint Planetæ, ad patiendum solum procliues: Si uero masculinis, etiam ad agendum.

Turpia committunt mulieres etiam patiando, ut quæ admittunt uiros alijs in partibus, quam decet. Hoc tamen foemineum totum est: Sed si Planeta in masculinis fuerint figuris tam in zodiaco, quam extra, uel locis (quinam sint, dicti sunt) tribades erunt, super equitabunt uiros, & manibus illos pollui cogent.

TEXTVS XLIII.

Saturni stella prædictisfigurationibus conciliata si & ille effoeminatus fuerit, insolentis ac pudendæ libidinis author est. Si orientalis & virilis vituperio & reprehensioni ob Veneræ flagitia obnoxios. Iouis benigno sydere rursus, quod solet ad decentiorem harum affectionum formam iuuante, Mercurij ad celebriorem diuulgationem & reprehensionem.

Cum iam mala est constitutio libidinum significatrix, adueniens Saturnus foeminus libidinem auget: adeo ut non solum flagitiosa, sed & foeda comitantur. Sed uirilis, id est, orientalis auget ob claritatem, famam scelerum. Ex quo de-

Z

claratur,

claratur, quod effœminatum existimat cum occidentalis exa-
 titerit. Atq; hæc per se clara. Verum, quid continget, ubi Sa-
 turnus Marti in uirorum genituris: aut Veneri in mulierum
 cum Ioue positis aut bene saltem constitutis congregietur? In
 uirorum quidem haud dubiè semper aliquid frigiditatis, &
 ob id dedecoris ostendit. In mulierum uerò genituris Satur-
 nus cum Venere positus, impedimenta circa Venerea & exi-
 guam coeundi uoluntatem affert. Illud omnino non præter-
 eundum, quod ratio & experimentum docet: Quamquam Sa-
 turnus præcipue hæc impedimenta afferat, si in uirorum ge-
 nituris Marti, in foeminarum Veneri commiscetur, etiamsi
 contrario modo contingat impedimentum non leue: Viris
 quidem Veneri, foeminis Marti commistus (Iouis benigno)
 Iupiter & Mercurius conueniunt, quia equaliter à Sole di-
 stant, sed uario tamen modo: nam ut modò Iupiter est tempe-
 ratus, ita Mercurius ancipitis naturæ. Ita eadem ratione
 Mars & Venus, propinquissimi enim Soli sunt etiam cali-
 dissimi, Et uterq; maximo uersatur epicyclo. Sed tamen Ve-
 nus humida & benefica, Mars siccus & maleficus. Pari ra-
 tione Saturnus & Luna conueniunt, quod uterq; à Sole ma-
 ximè distat, uterq; ob id etiam frigidissimus: Sed tamen Lunæ
 frigiditas pinguis ut ita dicam, & humida & benefica, Satur-
 ni tabifica, sterilis & malefica. Iupiter igitur omnia hæc mala
 mitigat, præstâtq; consensum mutuum, & ob id etiam tegit.
 Est enim constans Planeta atq; beneficus. At Mercurius in-
 constans, quod quatuor habeat apogei equantes, & linguæ
 præest, unde omnia detegit, & in publicum prodit, cum in fa-
 mia & metu legum. Necnon cum minoribus supplicijs,
 ut quendam uidimus coria deaurantem, qui
 quod cum muliere anu etiam præpostera
 Venere usus esset, circûductus per
 urbem flagellis cadebatur.

Caput sextum.

TEXTVS XLIII.

De filijs.

Vm coniugij locum proximè sequatur liberorum, considerare oportebat Planetas cœli fastigio aut succedenti loco, qui est boni dæmonis, coniunctos, aut configuratos. Sin minùs, eos qui locis his oppositis: Lunam etiam & Iovem & Venerem pro filiorum largitoribus assumere: sicut Solem, & Martem, & Saturnum pro orbitatis authoribus. Mercurium prout configuratus illis fuerit promiscuum: Et largitorem, cum fuerit orientalis, & recusantem, cum fuerit occidentalis.

Hoc est tertia domus pars, quam Ptolemæus considerat. Atq; in ea uelut in cæteris illud animaduersione dignum, quod omnia participant inuicem, uelut & in rebus ipsis. Qualis enim pater ac mater, plerumq; filij etiam tales. Et qualis filius, tales parentes, non autem ex toto similes, sed in parte. Id etiam in diuitijs, honoribus atq; alijs, ut quemadmodum inquit Anaxagoras, omnia in omnibus sita sint atq; commista. Igitur in filijs habendis, decimus locus, qui etiam matri tribuitur, est considerandus. Ille idem tribuitur etiam fratribus atq; sororibus. Quicumq; igitur fratres habent multos & matrem robustam, etiam natura filios habent plures, et conspites, sicut & contrà habentibus contrarium euenit. Nō tamen generaliter hoc euenit, sed qui paucos habuerit fratres, ut Iacob, multos poterit habere filios: Duodecim enim suscepit.

pit. Et qui multos habuit fratres, sine filiis mori poterit, ut Absalon. Luna igitur sorores, matres, filios, uxores, ingenium, moresq; significat. Et quandoq; etiam alia. Cum Ioue quidem & Venere filios: Sed sorores quidem cum decimo loco, matrem cum Venere, uxores per se, ingenium cum Mercurio, mores cum ascendente & domino loci proprii. Si igitur communis significator ualidus extiterit, alius imbecillis, erunt similia quæ per illum significantur: Si autem contrà, dissimilia. Gratia exempli dictum est, quod Luna significat filios cum Ioue & Venere, cum decimo autem loco sorores. Si igitur Luna ualidissima sit, decimus uerò locus & Iupiter ac Venus imbecilles, erunt pauci filij atq; sorores. At uerò si infelix Luna, decimus uerò locus ualidus, Iupiter & Venus debiles, multas habebit sorores, paucos filios: sicut contrà, si Iupiter & Venus decimo loco fuerint potentiores. Quod & in presenti loco alia ratione ostendit: cum enim 11 locus particeps sit 10. 11 etiam obseruat in dandis filiis. Duo igitur proponit, Planetas datores, & loca in quibus dant. Datores Iupiter, Venus, Luna, humidi omnes: Saturnus, Mars & Sol orbitatis authores atq; omnes seci, præter Solem, qui calidissimus est. In ipsis igitur locis decimo aut undecimo largitores dant, ut orbitatis authores negant. Magis tamen in decimo, quàm undecimo propter regulam probabilem, quod omnia principalia potentiora sunt his, quæ talia sunt ob illa. Sed si non sint in illis configurati ambobus, non uni tantum dant, ut in primo loco, qui respicit decimum de quadrato, undecimum de sextili: & in secundo loco, qui decimum de trino respicit, & undecimum de quadrato. Aliter si ad unum tantum locum referas, omnes genitura pollicebuntur filios simul & orbitatem. Nam omnis domus aut decimæ, aut undecimæ configuratur. Quod si neq; Planeta ullus in primo aut secundo loco fuerit, neq; etiam in septimo uel octauo, uidendum est an

est an in quinto uel quarto loco sint: Hi enim decimo & undecimo opponuntur: Hi igitur dabunt uel prohibebunt. Obseruatum etiam est, quintum locum præcipuam in hoc habere uirtutem, adeò ut Arabes illum tantum obseruari iubeant. Sed nos Ptolemæum sequimur, multū tamen experientia loco illi tribuentes. Quod autem dixit (Mercurium prout configuratus & reliqua) duo nos docet. alterum, quòd Planetæ orientales potius significant filios, quàm occidentales: Et occidentales orbitatis magis sunt causæ, quàm orientales. Dico, quo ad Solem & hoc magis: Et quo ad mundum, sed hoc minus. Reliquum est, ut intelligamus Mercurium etiam dare filios: Qui cū sit Planeta ingenij largitor, facit ingeniosos, & maxime cū Soli propinquus extiterit, tunc enim facit etiam probos. Tales igitur, cū Mercurius sit Planeta per se imbecillis, & sub Solis etiam radijs, uitam non habet. Ob hoc solet dici, quod Poëta, immodicis breuis est ætas & rara senectus. Et uulgus hoc nouit, quòd cū puerum uident ingeniosum ualde, illius uitæ timent. Causa igitur est, quoniam tales sunt à Mercurio. Viuunt tamen aliqui ex his, uel quia Mercurius robustus est, aut quia benefica iungitur erraticæ uel fixæ, uel à benefica erratica fouetur. Hoc autem quod hic declarat, commune est in genitura uiris ac mulieribus. Proprie autem loquitur de filijs, qui ex coniugio suscipiuntur in masculorum natiuitatibus: cū aliorum adeò incertus sit numerus, ut quidam centum filios susceperint. Sufficit igitur in his docere, qui sint prolifici aut steriles. Numerus autem incertus est, & ex reuolutionibus annorum nati habetur.

TEXTVS XLIIII.

Largitores igitur ita siti simpliciter ac solitarij vnicum filium decernunt. In bicornis autem & foemininis item in foecundis signis,

Z 3 vt

vt Cancro, Scorpione, ac Piscibus, duas aut plures. Et dum masculini sunt ob signa masculina, & ad Solem configurationem marrem, effœminati verò fœminam.

Duos nos docet, numerum & sexum his uerbis, quorum utrunq; à duobus sumitur: imò primum potius & secundum à tribus. Numerus igitur primum à numero Planetarum solitarij unum et paucos, cum alijs iuncti plures: Signa unius corporis unum, bicorporea duos, uel plures: Et hoc à forma signi. A qualitate, fœcunda plures aut duos saltem, sterilia ut Leo, Virgo unum. Sexus à sexu Planetæ, Iupiter masculos, Venus fœminas pollicetur. A signi in quo est sexus: Et ab habitu Planetæ ad Solem orientales masculos, occidentales fœminas.

TEXTVS

XLV.

Superati à maleficis aut in sterilibus signis reperti, puta Leone, Virgine, largiuntur quidem, sed non sat pulchrè, nec constanter, nec diuturnas proles. Sol autem & maleficæ obtinentes imperium in dicta loca, si in signis masculinis aut sterilibus fuerint, eisq; beneficæ suffragentur concedunt quidem, sed uoletudinarios, vitijs corporis impeditos, ac breuis vitæ.

Declarat quartum membrum diuisionis. Nam omnes qui nascuntur aut omnino carent sobole, orbiq; sunt, aut habent exiguam, aut multam, aut imbecillem, & morituram. Orbos dixit, cum in locis filiorum Planetæ uiolenti fuerint, multa cum sobole, cum plures filiorum largitores uel in signis bicorporeis aut fœcundis, pauca, cum in sterilibus: nunc declarat

clarat quibus modis debilis aut brevis uita soboles procreetur. Duobus modis id contingere affirmat, uel cum beneficis maleficæ dominantur, idque non tam malum, nam robusti natura multis confluantur aduersis, uel cum dominantibus maleficis in locis filiorum suffragantibus beneficiis nascuntur filij uitæ fundamento interiore carentes: utpote ab infelici & contrario sydere geniti. Hi igitur, ut par est omnino sunt imbecilles, & brevis uita.

TEXTVS

XLVI.

Quando utraque conditio rationem habet ad signa prolifica datorum liberorum reiectiones significantur: aut omnium aut multorum, aut paucorum, pro imperio suffragantium utrius sectæ Planetarū: quos vel plures vel potentiores, vel orientiores vel dignioribus angulis sitos, vel elatos supra cæteros, vel angulis succedentes inuenerimus.

Hoc est quintum membrum, cum largitores filiorum fuerint in locis debitis, & in signis fecundis, & eis dominantur maleficæ, sed suffragantur eis beneficæ, & sunt maleficæ & beneficæ in signis fecundis, tunc abdicant filios. Non enim possunt occidere, quia sunt in fecundis signis. Et intelligit per utranque conditionem, quod maleficæ dominantur, & beneficæ suffragantur.

Vt sit una regula talis, Si largitores sunt in locis filiorum & beneficæ dominantur, tunc si in sterilibus sunt largitores, unum significant filium, in bitorporeis duos, in fecundis plures ac sospites. Si uero Sol & maleficæ sint in locis filiorum, negant filios. Quod si largitores sint in locis filiorum, maleficæ autem et Sol dominantur in signis sterilibus uel masculinis cum suffragio beneficarum, aut si largitores superentur à

maleficis breui super futuram prolem dant. In hoc casu ultimo moriuntur in infantia, in precedente morbo si non trans-eunt iuuentutem aut parum. Si autem loco sterilius signorum fuerint malefica, & benefica suffragantes in fecundis, facient abdicari.

Quod uerò dixit omnium aut multorum &c. intelligit, quòd si uni largitori malefica dominetur, alteri benefica, habebunt filij hi diuersos exitus, ut patet. Et iubet obseruari multitudinem largitorum & impredientium, & suffragantium, & robur & statum, quo ad Solem, et quo ad mundum.

TEXTVS

XLVII.

Si igitur dictorum signorum dominatores orientales fuerint, atque in proprijs locis, claros & illustres liberos dāt. Si occidentales & in locis sectę alterius, humiles, viles & obscuros.

Non à largitoribus, sed à dominatoribus fortunam sumit. Vt enim dominatores sunt extra & alieni à largitoribus, ita fortuna filiorum alia est à filiis.

TEXTVS

XLVIII.

Et si conueniunt cum horoscopo & parte fortunę, amabiles parentibus, venustos, gratiosos, bonis parentum hæreditario iure fruētes. Si inconiuncti aut ex aduerso siti, rebelles, odiosos, noxios, nec parentum bonis succedentes.

Explicauit antea, quę ad essentiam filiorum pertinebant, numerum, robur, uitę diuturnitatem: in precedenti textu fortunam: hic habitum ad parentes: Sicut in sequenti inter se. Quid intelligat per uerbum conueniunt, sequenti oratione intelligitur, cum priori opponatur. Conuenire igitur uocat, ut sint

ut sint in eodem signo, uel aspiciente, trigono uel sextili, uel in obedientibus et imperantibus, uel in aspicientibus sese. Quod etiam in sequenti textu clarius erit. Sic non conuenire dicuntur, quando in oppositis signis aut inconiunctis fuerint. In quadratis declarabit, quod medio modo se habebunt, modò enim conuenient, modò dissidebunt. Quid autem sit maius, opposito, an inconiuncta signa, hæc quidem minùs conueniunt, illa magis disident. Propterea deteriora in filiis sunt opposita signa, quo ad uerbera & odium, inconiuncta quo ad abdicationes & priuationes hereditatis. Ita melior est trigonus aspicientibus se signis aut imperantibus & obedientibus. Cumq; plura signa uni conueniant, quàm disconueniant (nam Arieti gratia exempli conueniunt Gemini, Aquarius, Leo, Sagittarius, Virgo & Pisces: Media sunt Cancer & Capricornus: disconueniunt tantum Libra, Taurus & Scorpio) manifestum est in genere plures filios parentibus esse acceptos, quàm odiosos. Ex gradibus contingit oppositum, ita rarò fit, ut ad unguem filij parentibus conueniant.

Quod uerò dixit amabiles, uenustos, & gratiosos: intellige parentibus, non simpliciter: est enim illorum fucata quædam gratia et bonitas, cum malis parètibz conueniunt. Nam probitas illorum pendet ex genitura propria. Cum tamen placent parentibus sunt obediētes, nec ex toto mali, plures etiam boni. Hoc est, quod probantur filij parentibus obsequentes. Signum enim est conuenire dominos largitorū seu locorum in quibus sunt largitores cum horoscopo & fortunæ loco. Contrarium in obedientibus. Cum uerò accipit fortunæ partem, intelligit quod conueniunt in rem familiarem, hoc autem parentibus gratū, sicut conueniētia cū horoscopo est ex animo. Et scias, quod leges locorū multū possunt, et mores hominum: generaliter tamen filij parentibus grati sunt lege naturæ. Hoc autem est, quia conueniunt, ut diximus genituræ parentū cum

genituris filiorum. Et Haly hoc docuit his uerbis: Aspxi pro
 filijs & inueni Iouem in decima in tertia parte Capricorni
 iunctum quasi Saturno & Lunam aspicientem, & significa-
 uit, quod haberem filios, & filias, & potius filias, quam fi-
 lios, quia Iupiter & Luna erant in signo foemino. Et
 quod non uiuerent, quia Saturnus erat Ioui iunctus in deci-
 mo loco. Et quia Iupiter erat orientalis significauit unum fi-
 lium & duas filias, & omnes obierunt. Erat autem gradus
 ascendentis masculi circa gradum Saturni in mea natiuitate,
 & propter hoc mortuus est cito. Et erat gradus ascendentis
 unius foeminae in Piscibus, in sextili Iouis & trino Lunae
 natiuitatis, & Sol significator uite in Capricorno. Alterius
 quoque foeminae ascendens fuit in Capricorno. Et hoc est mi-
 rabile, quoniam manifestum est, quod natiuitates concor-
 dant inuicem, ut etiam illi, quorum sunt natiuitates. Et sin-
 gularia iunguntur generalibus, ut prouinciae legi & ciuitati
 ac familiae. Illud idem ostendi superius in genituris meorum
 filiorum. Ex quo patet, quod plus possunt significatores in
 genituris, quam concordia. Nam in natiuitate Haly erant
 significatores mali pro uita filiorum & concordia cum puel-
 le primae genitura, quae tamen mortua est: in nostra contigit
 oppositum: nam filius primus & filia habent horoscopum
 in opposito loco duarum maleficarum, & filius Lunam iuxta
 locum Saturni, & foemina Lunam in loco propinquo qua-
 drato Martis: Et minor natu, Solem in loco Martis mihi,
 Lunam in quadrato Martis, ascendens in quadrato Saturni
 & Martis, & tamen, licet egre, superuixerunt. Quia loca
 filiorum erant salua in mea genitura, & genitura filiorum
 erant satis potentes per se & mediocres. Et cum hoc con-
 tingit, filij erunt morbofi, tamen superuiuent. Quod si ge-
 niturae sint male, & concordent inuicem, tunc uiuent sani
 aliquandiu, inde repente moriuntur.

Vxor tamen mea ter abortiuit, ex perfectis autem natis nullus mortuus est. Cum hoc contingit, significat patris genituram pro filiis bonam esse, matris autem perniciosam. Nam cum filij sunt coniuncti matri, & genitura sua est male pro illis, pereunt. Cum autem liberati sunt à uentre matris, plus potest patris & ipsius filij propria genitura, ideò superuivere possunt. Sunt tamen necessario debiles. Et ita per contrarium, si patris genitura pro filiis mala sit, matris autem bona, non abortiunt matres, sed nati filij citò pereunt. Quòd si filij et patris genitura uitales non sint pro filio ipso, mater uerò imbecillis, abortu perit mater & filius. Si autem mater genituram habeat pro filiis constantem, ex naturali partu perit filius. Atque ita de alijs.

T E X T V S X L I X.

Sic quando mutuam habent inter se figurationem, concordēs donant fraternis animis mutuas operas tradentes. Si inconiuncti sunt aut oppositi, inimicitiarum cupidos, & mutuo sibi insidiantes.

Conuenire uult non largitores inter se, sed dominos locorum cum ipsis locis mutuo: id est, dominos largitoris unius cum largitore alterius. Et similiter dominos largitorum inter se. Conuenire igitur dominos largitoris unius fratris cum largitore alterius, est ueluti si dominus largitoris unius conueniat cum horoscopo alterius. Quandoquidem largitores in noua figura erigenda uicem horoscopi obtineant. Exemplum in nostra genitura, largitor duorum filiorum nati maiorum est Iupiter, cuius loci dominus est Venus & Luna. Largitor filij nati minoris Venus, loci domini Saturnus & Venus: Cum igitur comparaueris Iouem Saturno & Veneri,

neri, & Venerem Veneri & Luna, inuenies dominos largito-
rum largitoribus con-
uenire. Conuenire di-
cuntur Planetæ qua-
drifariam: uel na-

Largit.		Domini.	
Jupiter	}	Venus	Luna
Venus		Saturnus	Venus

tura, ut Sol Saturno, uterq; enim modestus est: uel qualitate,
ut Sol Marti, uterq; enim calidus est masculinus: uel loco, si
unus sit in alterius dignitate: uel aspectu amico, cum sunt tri-
gono aut sextili iuncti. Quia tamen Saturnus & Venus sunt
in Geminis & Libra, qui sunt Tauro inconiuncti, non erit
extrema necessitudo inter eos. Hic enim maximè considerat
duos extremos modos, ut ualidiores.

Quod si præter id quod signa largitorum & dominorum
sint inconiuncta aut opposita inter se, aut mutuò malefica,
& Sol sine angulis maximè, alienæ maleficæ iungantur, uel
cum stellis naturæ Solis, aut Mars cum stellis naturæ Luna,
tunc erunt odia exitialia. Vnde Papinius de Polynice, &
Eteocle Oedipi filijs:

Dum uidet hæc dicens, gressus admouit, & arma
Ceu templis decus, & patriæ laturus ouanti.
Arma etiam spoliare cupit: Nondum ille peractis
Manibus vlericemq; animam seruabat in iras.
Vtq; superstantem pronumq; in pectora sensit,
Erigit occultè ferrum, vitæq; labantis
Reliquias tenues suppleuit: & ensẽ
Iam lætus frater fratris sub corde reliquit.
Ille autem, Viuisne? Et adhuc manet ira superstes,
Perfide! Nec sedes vnquam meriture quietas,
I mecum ad manes. Illic quoque pacta reposcam,
Si modò Agenorei stat Gnosa iudicis vna,
Qua reges punire datur. Nec plura locutus,
Concidit, et totis fratrem grauis obruit armis.
Ite truces animæ, funestâq; tartara læto
Polluite, & cunctas Erebi consumite pœnas.

Sed ut ab antiquis exemplis recedamus, uidimus nos nobis
lens

lem securi percussus ex familia Gribellorum, quem ferebant tres proprios fratres occidisse, cum de duobus satis constaret. Dixit autem non inimicos sed inimiciarum cupidos: Tales enim ob conuictum uidentur potius inimiciarum causas querere, quam habere, cum ex paruis rebus sibi succenseant. Raro enim manere inimicitias insinuat, cum fratres inimicos esse, res sit quasi absurda & naturæ repugnans.

T E X T V S L.

Quæ minutiora sunt iterum quispiam coniectabit vsus singulorū, qui liberos pollicentur astrorum horoscopo, ex reliqua colloca-tione non secus, ac in genitura considerationem in genere instituens.

Statues unumqueng locum largitoris per horoscopus, & reliquos Planetas in domibus iuxta horoscopi naturam inuentis collocabis, iudicabisq; de illis ut superius docui de parentibus. Ex quo patet, quod Sors debet accipi à nono ascendente loco largitoris, non ab ascendente patris. Nam aliter omnium filiorum esset eadem diuitiarum conditio. Præstat autem scire diligenter in filiorum causa Sortis conditionem, quod ab ea proficiscatur conuersatio omnis atq; uitæ ratio.

Ex hoc patet, quod multos habentes sospites filios sunt generaliter felices. Nam habent beneficæ in locis potentibus, nec impeditas. Raro etiam dum multi sunt, filij inter se exitiales inimicitias exercere solent, quoniam non possunt esse tot nisi significatores sint in concordibus signis & humidis absq; uictoria maleficarum. Signa enim quæ odia pariunt sunt fixa, & maximè Leo & Aquarius: Hæc etiā sterilia sunt. Inde Gemini, Virgo, Scorpio & Aries: nam in his beneficæ non dominantur. Omnia autē sterilia plus moderato, præter Scorpiū.

Vt autem uideas, quæ dixit Ptolemæus uera esse, subiungo
duas

duas geneses, quarum alterius natus ad hanc usq; diem ex ea-
dem uxore & suscepit filios suos, alterius 16. uiuuntque
utriq; parentes, nobiles, nec senes. Qui sex habet, alios est
habiturus, Alius nobilis 15 habet, huic tres superiores sunt
in Cancro. Cetera ignoro: Dubitatione dignum est, cum non

				16 filiorum			
				1500 die 29 Maij hor. 14. Hor.			
Cœli Med.	♄	6		Cœl. Med.	♄	11	
Ascendens	♌	5		Ascendens	♌	21	
Sol	♌	9	9	Sol	♌	16	54
Luna	♌	7	56	Luna	♌	1	11
Saturnus	♄	5	17	Saturnus	♄	29	11
Iupiter	♃	18	44	Iupiter	♃	26	29
Mars	♂	26	33	Mars	♂	21	16
Venus	♀	23		Venus	♀	21	40
Mercurius	♅	22		Mercurius	♅	11	10
Caput	♈	4	17	Caput	♈	7	11

possint esse plures quatuor largitoribus filiorum, quomodo
possint oriri tot filij? Respondeo, quod fit multiplicatio per si-
gna bicorporea & per congeminationem, ueluti, Planeta
unus in bicorporeo duos, duo quatuor, & tres octo. Iupiter
etiam & Mercurius duos per se quasi significant. Ideo qui
habent multos filios, congeminant Planetas, ut in natuitate
Geminorum. Et quibus plures nascuntur filij, ipsi etiam
sepe Gemini.

Sed dices, saltem qui comprehenduntur sub uno largitore
eandem fortunam habebunt & iidem enim loci & domini. Sed
dico, quod diuersis temporibus significabunt, & ratione hu-
ius erunt ualde diuersi. Quod si tempora non uariantur, re-
spondeo, quod hæc est causa cur gemelli plerumq; sunt similes
corpore, moribus & casibus. Et illa in quibus differunt, sunt
ualde pauca, nec possunt dignosci ex genituris parentum, sed
proprijs.

Vltimo

Ultimò dubitatur, cur non dixerit Ptolemæus quicquam de tempore filiorum suscipiendorum? Dico, quòd hoc docuit in ultimo capite huius, cum dixit (A cœli fastigio liberorum procreationes) uult quòd ex directione cœli Medij quotiescunq; peruenit ad largitores uel eorum radios, significatur filius. Sed nota triplicem differentiam: Prima, pro generatione, oportet ut solùm processus & ingressus parentum inter se concurrant. Anno 1534. cum cœli Medium peruenisset ad trigonum Veneris & Mercurij, & Iupiter per ingressum esset in 23 parte Capricorni cœli Medio radice, & in loco Veneris & Mercurij radice Mercurius & Mars, genitura est puella quæ sequenti anno nata est. Secunda differentia, in prolificis genituris, ubi cœli Medium peruenit ad corpus, uel radios prolifici, absque impedimento singulis annis nascetur filius aut filia. Tertia differentia, in his, qui non sunt ualde prolifici, cœli Medium applicans radijs largitoris tunc dabit filium aut filiam, cum largitoris locus per processum applicuerit loco directionis in cœli Medio, uel undecimo loco, & alius largitor oppositum locum per ingressum possidebit. Ita ut sint quatuor locus radij largitoris in cœli Medio uel undecimo loco, idem locus ad quem directio peruenit cœli Medij, idem locus ad quem unius ex largitoribus imò per sepe ipsiusmet processus peruenit: Et locus idem uel oppositus ad quem peruenit idem largitor, uel alius per ingressum. Ex quo patet, quod dixi, quòd in prolificis propter mixtiones multorum Planetarum ac radiorum, cum sint in similibus partibus numero, necessario contingit, ut ferme singulo anno largitorum loci per processum ad loca filiorum perueniant. Concordia uerò genitura filij cum restitutione anni patris, est quòd Luna per sepe in filij genitura est in sui opposito restitutionis anni ipsius patris, uel loci largitoris.

Caput septimum.

TEXTVS LI.

De amicis & inimicis.

Eneuolarum igitur affectionum & contrariarum, quarum has quidem medias & diuturnas appellamus amicitias, seu inimicitias, illas verò minores & temporaneas societates, aut contentiones examinatio nobis sit hæc. Quando igitur quæ ex his præcipua sunt & maxima inquirimus, obseruare oportet in vtraque genitura præcipua loca, Solis videlicet & Lunæ, & horoscopum, partemq; fortunæ. Nam si in eadem signa inciderint, aut loca mutuo permutauerint, aut omnia aut plura, maximè quando vtriusque horoscopi 17 partibus inuicem disteterint, amicitias constituunt synceras & insolubiles, nec vllis offensionibus expositas. Si inconiuncta sint, aut mutuo opposita, inimicitias maximas & diuturnas: Si neutrum accidat, sed tantum in locis configuratis extiterint, si hexagonis aut trigonis, minores amicitias, si quadratis, minores conciliant inimicitias: vt interdum in amicitia occurrant silentium, & simultas quando maleficæ hæc configurationes transeunt, in contenten

tentionibus reconciliaiones & beneuolentiæ vicissitudines, per beneficorum ad configurationes ingressum.

Ita superi malè perdant eos, qui rebus uanis ob lucrum uel ambitionem aut derisionem intendentes, nouas & inutiles dierum obseruationes nobis tradiderunt, cum satis sit uel minime partierum utilium satisfecisse. Qualis hæc est tractatio amicitiae & inimicitiae, quas non ex propria sola genesi Ptolemæus uenatur, sed ex concursu cum aliorum genituris. Inquit enim respiciens ad id, quod iam antea diximus (res humanas uel natura uel utilitate uel conuersatione stare) si luminaria uel horoscopi aut fortune pars in eisdem signis fuerint, & maxime 17 partibus haud magis distantes, qui terminus est radiorum Solis & etiam Crepusculi maturi, aut loca commutauerint stabiles & inconcussas ac diuturnas amicitias pollicentur. $\mu\epsilon\lambda\iota\varsigma$, id est, medias scripsit artificialiosè, quod nemo sincerè amat, sed amare uidetur. Aut pro $\mu\epsilon\lambda\iota\varsigma$, $\mu\epsilon\lambda\gamma\alpha\lambda\iota\varsigma$ scribendum, id est, magnas, ut legit Haly. Si uerò loca horum principalium in coniunctis signis aut oppositis fuerint alter alteri, erunt inimicitiae stabiles & diuturnae. Quòd si in locis configuratis minora utraque erunt, diuturna tamen. Nam praesupponit generaliter eas futuras amicitias aut inimicitias perpetuas, quæ nobis à natiuitate sint ingenitæ. Velut & breues, quæ ex processu locorum & Planetarum inuicem concurrentium contingunt (Silentium) cum unus alterum non alloquetur: Simultas cum tacitè se inuicem oppugnant & contradicunt insidiantes sibi, non in uita, sed in diminutione authoritatis (Per beneficorum ad configurationes ingressum) Puta in genitura Sol uni sit in Libra, alteri in Cancro: Iupiter ingreditur Libra & Venus Cancrum, tunc illi reconciliabuntur.

Sed sic iure dices, omnibus erunt inimici & amici perpetui? Non tamen ita est, ut quibusdam malis mendicis aut miseris, uelut de Timone fertur, euenit. Verum causa est, quod in horum genituris loca sint opposita aut inconiuncta. Erunt autem opposita his, quibus Luna in opposito Solis extiterit: nam his fortune pars etiam ascendenti opponetur: itaq; quicunq; loco habebit principalia cum uno horum concordantia, habebit cum reliquis contraria aut inconiuncta.

Sed nunquid eadem iisdem, ut Sol Soli, Luna Lunæ? An sufficit unum horum cum uno iunctum coniunctum habere aut dissidem? uidetur quod eundem oporteat esse: ob duas causas. Prima, quod non essent eodem iuncti amicitie genere sed diuerso. Secunda, quod quilibet nimis numerosos amicos haberet ac inimicos: Si locorum diuersorum coniunctio aut disunctio sufficeret.

Sed uel sic quilibet etiam plures haberet aut amicos ueros & perpetuos, aut exitiales hostes, quàm uideamus? Respondeo, quod oportet primò concurrere patriam, & consuetudinem, & familiarum consensum, & fortunam, & congressus Planetarum à quibus ut nouæ creantur quæ iam nō erant amicitie uel inimicitie, ita iam factæ dirimuntur his congressibus. Et de hoc suppono exemplum clarissimum in uenituræ.

TEXTVS LII.

Cum amicitiarum & inimicitiarum genera tria sint, aut enim ex instituto & electione libera, ita in se inuicem affecti homines sunt, aut vsus necessitatisq; gratia, aut deniq; voluptatis iniuriæ uel causa, quando omnia aut plura ex dictis inter se familiariter conueniunt, ex omnibus his speciebus amicitia conflata est,

est, quemadmodum, quādo dissident, odium. Quando sola luminarium loca ex delectu libero, quod est beneuolentiæ genus optimum & firmissimū, sicut contrā odium acerrimum, & cui credere nihil oporteat. Sic si fortunæ fortes conueniant vsus necessitatisque gratia contrahitur. Quando horoscopi, voluptatis & contumeliæ.

Clarius Aristoteles hæc describit dicens, amicitia genera tria sunt, propter honestum, utile & uoluptatem: ab honesto, ut uiri fortes, qui se diligunt, aut sapientes, aut ex naturali quadam inclinatione, aut quia sit prudens uterq; , aut morum uel artis præsertim excellentium similitudine: sic inter Apellem & Protogenem pictores intercessit amicitia: Et in administratione reipublicæ. Hoc genus à concursu Solis cum Sole, & Lunæ cum Luna fit, uel uicissim commutatis locis. A Sole inquam propter honestum magis, à Luna autem naturalis potius amicitia gignitur. Odium similiter ex horum contrarietate, uel quia alter alterius gloriæ inuidet, uel naturali quadam inimicitia dissident. Fiunt autem in his letales inimicitia & odia internicina, quibus dicit Ptolemæus nihil credere oporteat, scilicet, etiam si conslentur induciæ, aut pax simulata sequatur. Propter utile, mercatores inuicem, iurisperiti, & cognitores, aromatarij et tonsores cum medicis, magistratus cum Principibus, procuratores, dispensatoresq; cum nobilibus, milites cum ducibus, serui, Proxenetæ, uectores idq; generis. Ex odio uerò quicumq; impediunt hæc aut inimicis inserviando, lucrum impediunt. Atq; in hoc genere sunt artifices eiusdem artis, ut Hesiodus inquit, signus odit figulum, hi tales ex parte fortunæ seu Sorte in utraq; genitura accipi debent. Ex uoluptate quæ fit ex concubitu,

prima est. Inde à luxu perpotationibus & conuiujs, item à ludo, à musica, mimi, histriones, aretalogi, coqui, & eius generis, uel ab iniuria ut maledici, susurriones, inuidi, detractores, contemptores, irrisores, delatores, accusatores, insinuatōres, & qui scommatibus alienam ledunt existimationem. Hi omnes ab horoscoporum configuratione decernuntur. Cum uerò multa ex his conueniunt, erit multiplex & firmior amicitia: Si disconueniunt, maius odium & inexplicabile. Si autem quædam conueniant, quædam dissideant, erit amicitia & odium simul. Sicut contingit quibusdam, qui habent seruos desides, quos amant ob consuetudinem diuturnam, & odio habent ob uitia. Porro longa cohabitatio ad genus amicitie primum, scilicet ob naturæ consensum, referri debet.

TEXTVS LIII.

Obseruare autem conuenit locorum configurationum suppositiones, stellarumque ad hæc aspectus. In quibus enim genituris inciderit configurationis superatio siue in idem signum, siue in proximè succedens, illis præcipuæ partes in amicitia tribuendæ sunt, aut odio. In quibus uerò fuerit aspectus stellarum meliorum, illis ex amicitia uberiorēs fructus, ex inimicitia damna grauiora decernuntur.

Duo uerba, βελτίον, quod est meliorum, & καλυπτερότης, quod uertit suppositiones, magnam difficultatem atque obscuritatem in Ptolemæi uerbis pariunt. Hoc idem uerbum ultimum superationem, dum reperitur uertit. Sensus igitur est: duo sunt obseruanda in his, quæ ad amicitiam aut inimicitiam pertinent: loca illa principalia, quæ quatuor esse diximus, & inter illa uidendum, quod sit potentius ex concordantibus

dantibus locis aut pugnantibus seu in eodem signo seu respe-
 ctu sequentis, tunc ille erit causa amicitiae uel odij principalis.
 Exemplum, In octaua & nona genitura Luna est in eodem
 loco & significat amicitiam ob praestantiam. In eodem signo
 Casanato sunt radij Mercurij felices, tum Martis ac Veneris
 & Sors: Mihi infelices Martis, & felices Iouis, ideo signifi-
 catur, quod principalis causa amicitiae & utilitas erit potius
 atq; fuit Casanato erga me, quam mihi erga Casanatū. Quod
 autem dixit (uel in sequenti signo) dixit ob hoc, quod per dire-
 ctionem locus principalis ad illud signum peruenit tēpore iu-
 uentutis, quo maxime prodesse possunt amicitiae. Si igitur tale
 signum felix fuerit, quod ad principalem peruenit locū, cum
 peruenerit, ille erit utilis alteri & principalis causa amici-
 tia. Ideo plerunq; ob id contigit, quod qui quæerunt amicitiam
 alicuius illi sunt utiliores, quam is cuius quæritur amicitia ei à
 quo quæsitā fuit. Secundum obseruandum est, quod beneficæ
 respicientes locum principalem in amicitia, decernunt utilita-
 tem maiorem ab altero in cuius genitura nō aspiciunt locum
 talem. Et hoc est, quia locus ille est cum fauore beneficæ uni,
 alteri non: In inimicitia accidit contrarium. Nam qui habet
 beneficam aspicientem, est magis obnoxius contumeliæ, quia
 est magis pacificus, ideo dicebat ille: Dat ueniā coruis, uexat
 censura columbas. Hoc autem magis erit euidens cum in ini-
 micitia benefica fuerit debilis, in amicitia autem potens.

T E X T V S L I I I I.

In temporaneis autem societatibus & con-
 tentionibus animum aduertere oportebit ad
 motiones syderum in vtraq; genitura: Hoc
 est quibus temporibus sydera vnius genituræ
 ad loca syderum alterius promoueant. Hoc
 enim modo contingunt amicitiae & inimici-

tia imbecilliores & ex parte: Quæ tam diu durare solent, donec separentur. Interdum vero eousque, donec superueniens aliud sydus, decretum illud interrumpat.

Tria genera amicitiarum innuit. Vnum, quod est firmum et ab incunte etate, quod ex concursu locorum principalium contingit in genitura. Secundum, quod est infirmum, nec omnino perpetuum, contingit autem, dum Planetae mutuo loca alterius ingressi fuerint. Puta si ego habeo Iouem in quarta parte Tauri, & alius Martem in tertia parte Sagittarij, decima die Aprilis 1556 contraheremus amicitiam: Quia tunc Iupiter ingreditur tertiam partem Sagittarij & Mars Tauri. Idem etiam fiet, ubi duo Planetae mei ingrediantur loca alterius simul. Hoc autem magis in annuis cōuersionibus, licet hoc non dixerit Ptolemæus. Tertium genus est maximum, quod Ptolemæus censuit ex his duobus esse manifestum: cum scilicet ambo hæc concurrunt, & quod in genituris loca principalia conueniunt, & sunt mutui ingressus Planetarum: Tunc enim maxima res ab his patrantur in hoc casu. Manifestum est autem, quod & euentus docet, ex Ptolemæi uerbis, amicitias esse plerunque fortuitas. Cum uero tempus harum amicitiarum & inimicitiarum (Nam quod de uno dixi, de altero intelligi uolo) duret donec separentur, Separatio autem fit, ut dictum est in distantia 17 partium, & hoc ultrò citròq; quas Saturnus quandoque uix toto triennio superat, manifestum est diuturniores amicitias temporaneas intra hoc tempus finiri, similiter & inimicitias. Quæ autem excedunt, aliquid habent cum genitura. Saturnum quoque diuturniorum amicitiarum & inimicitiarum esse parentem. Post has quæ à Ioue: Breuissima à Luna. Quæ uero ex concursu horoscoporum, intra paucas horas finiuntur:

miuntur: ideo earum non meminit Ptolemæus.

TEXTVS

LV.

Saturnus igitur & Iupiter subeuntes multa loca, amicitias gignunt per conspirationes, aut agriculturam, aut hæreditarias successiones. Saturnus & Mars per rixas, insidias, easque vltroneas. Saturnus & Venus conjunctionem per affinitates citò labescentem & evanescentem. Saturnus & Mercurius, affinitates & conuictus conciliant per largitiones, munera, mercaturam, aut arcanorum communicationem. Iupiter verò & Mars dignitatum & gubernationis causa. Iupiter & Venus hominum publica munera, easque sacra obeuntium, cultus scilicet diuini, oraculorum & his similium. Iupiter & Mercurius conuersationes differendi, discendive & philosophandi causa instituit. Mars & Venus amorum, adulteriorum, aut otij ignaui gratia, instabiles tamen, & non rectissimè institutas. Mars verò & Mercurius inimicitias & vociferationes, & lites, literarum & pharmacorum occasione. Venus autem & Mercurius conuictus ob artis eiusdem studium, aut canendi aut literarum communicationem, aut foeminarum causa.

In omnibus his una est regula generalis, quòd societas esse debet eorum causa, quæ utrique Planetæ conueniunt. Saturnus & Mars cum Venere parum conuenientes, amicitias

AA 4

instabi

instabiles reddunt. Mars & Mercurius uix admittit amicitias, ut Iupiter, & Venus inimicitias.

TEXTVS LVI.

Magitudinem igitur & paruitatem, intentionem & remissionem, societatum aut contentionum, ex comprehensorum locorum ad præcipua quatuor loca comparatione iudicare oportet. Nam in angulis aut fortibus fortunæ, aut circa luminaria si occurrant, euidenter significant & vehementes affectiones mutuas: Sin ab his destiterint, obscuras. Commoditatem uero aut incommoditatem illis ex societate maiorem, ex astrorum inspectantium prædicta loca ad bene malè faciendum propensione.

Duo in hac parte docet, magnitudinem ac firmitatem societatis ex Planetarum permutantium propinquitate ad loca quatuor principalia Solis, Lunæ, horoscopi & Sortis. Pro ascendente uero etiam reliquos angulos docuit comprehendere, quod ibi Planeta maximam uim habeant. Secundum est damnum aut utilitas ex amicitia uel inimicitia, & hæc contingunt ex beneficis aut maleficis Planetas commutantes inspicientibus. Hoc autem sæpe declaratum est.

Notandum, quod in hoc casu inimicitia sunt ex commutatione ad loca opposita, sicut amicitia ad mutua, utpote si quis habeat Martem in quinta parte Geminorum, et ego Iouem in quarta parte Tauri, & contingat eodem tempore Iouem in mea genesi ingredi quintam partem Sagittarii, et Martem quartam partem Scorpii, orietur inimicitia ex eo tempore inter nos. Quandoque etiam ex commutatione priorum locorum.

locorum, ut Martis cum Mercurio ob naturalem inimicitiam Planetarum. Sunt enim contrariæ penitus naturæ. Mars enim nihil uult rationi obsequendo, Mercurius cuncta: Mercurius dolo, Mars ui agit. Vterque siccus, uterque malus.

Notandum præterea, quod Venus est propriè significatrix dilectionis, & Saturnus odij. Si igitur contingat in una genesi unum ex quatuor locis principalibus esse in dignitatibus, & alter habeat in eodem gradu Venerem, diliget se mutuò. Et magis ille, qui habebit locum principalem, diliget eum, qui habebit Venerem, quàm diligetur. Exemplum, ego habeo Lunam in duodecima parte Piscium in dignitate Veneris, quicumque igitur habebit Venerem in eodem gradu uel ualde propè, erit mihi amicus intimus. Et ego plus eum diligam, quàm ille me. Per oppositum, si quis habeat oppositum alicuius ex locis principalibus in dignitatibus Saturni, & alter in tali opposita parte Saturnum, inimicitias agent capitales. Exemplum, si quis habeat Sortem in sexta parte Arietis, quicumque habuerit Saturnum circa sextam partem Libræ, erit inimicus magnus alteri, qui habuit Sortem in opposito loco in Ariete. Et primùm est nobis cognitum ratione & experimento: huius autem secundi ratio est pariter manifesta.

Caput octauum.

TEXTVS LVII.

De seruis.



E seruis & eorum erga dominos animo beneuolo aut maleuolo, ex signo mali genij iudicandi modum accipimus, & ex ijs qui locum hunc signiferi intuentur, tam secundum genituram

AA 5 ipsam,

ipsam, quàm secundum accessus aut opposi-
tiones. Maximè vt gubernatores huius par-
tis signiferi conuenienter præcipuis genituræ
locis aut repugnanter configurati fuerint.

Hæc est quarta domus pars serui. Nil autem refert, seu
seruos seu famulos dicas, hoc enim discrimen à legis instituto
pendet. Vtrorunq; autem, quod ad astra pertinet, ratio ea-
dem est. Serui enim olim in dominorum potestate erant, nunc
famulis utimur, quibus libera est conditio & solam operã ser-
uam præstant. Par autem erat horum naturã ex mali genij lo-
co accipi. Cùm enim principales partes domus sint dominus,
uxor, filij, serui, & res ipsa: Dominum significat horoscopus,
& illius existimationem Sol, Luna uxorem, 10. & 11. filios,
Sors rem seu opes. Reliquum est igitur, ut seruos 12. signifi-
cet. Nam Ptolemaeus accipit quicquid est à cœli Medio usque
ad horoscopi finem pro cœli parte ualidiore, quòd in his Pla-
netæ non secus, quàm Sol dum ad nos accedit, ascendant no-
stri habitatione. Sunt igitur domus quatuor 10. 11. 12. 1.
Et præter has Solem, Lunam & Sortem. Itaque principalia
loca sunt septem. Par autem erat locum seruorum præponi
loco amicorum: Et ita fert rerum conditio. Sed quia serui sunt
ignobilissimi, secutus existimationem communem, primum de
amicis egit, antequàm de seruis. Hoc uerò uult, ut per præ-
cedens caput etiam seruorum conditionem intelligamus. Et
per ea, quæ ibi dicta sunt, cognoscamus de seruis, qui nobis
erunt diuturni aut temporales, itaq; sententia textus hæc est.

Seruorum conditio & erga dominos affectus habetur ex
duodecima domus signo aut signis, & locis, qui hunc aspi-
ciunt: præcipuè uerò sexto, inde octauo atq; secundo, tam se-
cundum ipsam genituram, id est, Planetas ibi hora natiuitatis
constitutos, quàm etiam Planetas, qui hæc loca ingrediun-

tur. Vt pote si Mars ingrediatur signum sextæ domus, habebit eo tempore seruum infidum & malum. Si Iupiter signum duodecimæ habebit seruum aut famulum fidelem, bonum & frugi. Si Venus, gratum, amabilem, & iucundum. Et si gubernatores huius duodecimi loci fuerint in præcipuis locis genituræ, serui domino imperabunt. Si in deiectionis, negligenter ab illo. Si in septimo loco aut in opposito domini horoscopi, ipsi aduersabuntur. Si in opposito Solis, detrahent existimationi eius, & ita de alijs.

Cum uerò Principum serui etiam amicorum loco habeantur, et quorū loci principales conuenientes, ut Sortis, uel Solis, uel horoscopi, eleuantur super alium, hi dominantur amico, uel signum subsequens, necesse est inter tot seruos & amicos Principis unum inueniri, cuius nutu omnia agantur. Et ita quilibet Princeps unius ex familiaribus consilio agitur. Is ut fuerit prudens aut felix, aut contrario modo fortunam Principis circumagit. Et quia hæc fortuna plerunque ex fixis stellis pendet, ideò tales plerunque sunt ambitiosi, immoderati & malorum morum. Quibus si erratica non subscribant, prauus plerunque exitus succedit. Illud etiam obseruauimus, eos, qui Libram habebant in ascendente, sponte inseruire mihi, quòd Libra signum sit sextæ domus, et in eo beneficæ. Per idem, si seruus in horoscopo habebat signū decimæ domus, imperabit domino. Hoc tamen nodum obseruauimus.

Caput nonum.

TEXTVS

LVIII.

De peregrinatione.



Væ uerò ad peregrinationem spectant, colligimus ex luminum amborum erga angulos statu, magis uerò Lunæ.

Par

Par erat motum illum & habitationem sequi luminarium statum ob illorum potentiam. Tum maxime, quod ex peregrinationibus conditio & existimatio hominis persepe mutatur. Proposuit autem Lunam, quia ipsa significat qualitates animi naturales, ut inconstantiam, desiderium nouas regiones uidendi, & talia. In angulis luminaria sunt quasi firma, in cadentibus uelut homo cum pede uno super sphaera stans, nam non potest sic diu quiescere.

TEXTVS LIX.

Occidens enim hæc aut ab angulis decidua, peregrinationes, locorumque mutationes indicat. quod propemodum etiam Mars aliquando præstat, siue occidens & ipse, siue ab angulo, qui vertici incumbit decidens, quando luminaribus ex opposito aut quadrangulo loco situs est.

Planete in occidente parum uidentur, & ob id etiam rem, quæ diu non uideatur significant, hominesq; aut breuis uite aut peregrinantes diu uitamq; procul à patria agentes: nam & qui moriuntur & qui in aliena morantur regione, non uidentur ab amicis & ciuibus. Luna igitur in septimo loco uel etiam Mars mortem in iuuentute significant aut peregrinationem. Quia, ut dixi, peregrinatio est mortis uicaria: significant & mortem repentinam, Mars quidem ob propriam naturam, quæ uiolentam mortem affert, uiolenta autem mors plerumq; etiam repentina est. Luna quod in eo centro subito abscondatur. Violentas igitur & repentinæ mortes male collocati hi Planete in hoc angulo significant: ubi bene, mortem extra patriam diuturnam. Sed in cadentibus ab angulis, cum locus ille non occidat quemadmodum septimus, ut supra docuimus, nunquam mortem minatur sed peregrinationes,

nec

nec adeò perseuerantem absentiam, ut in septimo loco significat. Septimus enim locus angulus est. Assumit autem in Marte ex decidentibus tamen, qui sunt quatuor 12. 9. 6 & 3 solum nonum, quòd hi qui sub terra sunt, non possint tantum promouere animum, ut ad peregrinandum inducāt. Tertius tamen locus (quia ut saepe dictum est apud Ptolemæum oppositorum eadem est ratio, ut supra uisum est 12 & 6 ad seruos, quanuis 6 supra morbos, 10 & 4 itémq; 11 & 5 ad filios, horoscopi ad moram in patria, occidentis ad peregrinationes) significat breuia itinera. 12 cum seruos significet, ut dictum est, non assumitur. Solum igitur septimus & quasi ad moram extra patriam, nonus ad longas peregrinationes: Tertius ad breues sunt assumendi. Et in his Sol, Luna & Mars. Sol, quia significat hominis totum statum & existimationem, Luna, quia animam & ualde uelociter mouetur, & Mars, quia præst animi impetui. Non tamen id potest, nisi luminarium alteri ex opposito, uel quadrato configuretur. Par enim est disiunctum aut amicum illis non agitare mentem. Est autem peregrinatio à quodam mentis æstu: quem uel sublata causa uel uoluptate inuisendi nouas regiones, leuamus: uel si inuiti peregrinemur ut in exilio, æstū illū augemus.

T E X T V S L X.

Si verò & pars fortunæ in signis peregrinandi authoribus extiterit, vitam omnem & conuersationes, actionesq; vniuersas in peregrinatione exequentur.

Quatuor loca principalia esse docuimus Solis, Lunæ, Sortis, horoscopi, horoscopus non potest esse in septimò uel nono loco, relinquitur, ut assumamus Sortem. Si igitur Sors cum Luna uel Marte sic posito, ut diximus fuerit in septimo loco
uel

uel nono, cum Sors cum Luna se habeat ut horoscopus ad Solem, perpetua itinera aut moram extra patriam declarabit. Erit autem hoc diuitiarum causa.

TEXTVS LXI.

Benefici igitur hæc loca intuentes, eisve succedentes, honorificas præstant & lucrosas perfectiones, reditusq; celeres & expeditos. Malefici contrà laboriosas, damnosas & periculosis obnoxias, & impeditos reditus, nusquam tamen omittere conuenit temperandi decreti rationem, secundum auctoritatem vniuscuiusque inspectantium, quemadmodum in prioribus differuimus

Loca sunt Lunæ uel Solis, uel Martis, uel Sortis cum in septima, uel nona, uel tertia domo fuerint, ut dictum est. Sed quod dicit (Nusquam tamen etc.) Arabica Haly translatio clarior est scilicet, quod hæc omnia temperamentum sortiuntur ex stellis, quæ his aspicientibus commiscuntur. Hic textus uidetur uelle intelligere robur aut debilitatem succedentium seu aspicientium, non Planetas, aut stellas, quæ aspicientibus commiscuntur. Est enim κατ' ἐπιμαρτυρίαν, iuxta uictoriam & excessum, scilicet, ut dixi, aspicientium uel succedentium inter se. Succedentes enim stellæ, ut in textu, multum faciunt. Id est superius quæ in signo sunt subsequente.

TEXTVS LXII.

Ferè autem ad orientalium quadrantum directis locis si luminaria reperta fuerint versus ortum & meridiem itinera instituuntur. In
occi

occidentalem verò aut in ipso occasu, septentrionem versus & occidentem.

Dubitatur quomodo in orientalibus quadratibus possint esse luminaria in hoc casu, cum solum in septimo & nono loco itinera significant, qui partes sunt quadrantis occidui? Deinde, quomodo solum luminaria accepit, cum sint quatuor, ut visum est superius itineris significatores, Sol, Luna, Sors & Mars? Ad hoc facile respondemus dicentes Solem & Lunam esse principales, & sub eorum ratione intelligi debere Sortem & Martem. Vel quòd hi duo significatores statum luminarium sequuntur: Ad aliud dicimus etiam 12 locum in Luna & Sole itinera significare, ut superius docuit: non tamen in Marte. Eadem ratione & tertium. Quadrantes orientales sunt, ut visum est ab horoscopo ad angulum cœli Medij, et ab occasu ad angulum imi cœli: occidentales ab imi cœli linea ad horoscopi initium, & à cœli Medij initio ad occasum. In orientalibus igitur ad ortum & meridiem, in occidentalibus, & in ipso occasu (ut intelligamus occasum licet sit angulus & superius à decidentibus locis separatum tamen sub generali quadrantis ratione comprehendi) ad occidentem & Septentrionem. De oriente & occidente clara per se est ratio, sed de Septentrione & meridie non ita. Dico igitur, quòd Septentrionem orienti adiunxit, & meridiem occidenti, quoniam cum Planeta est supra horizontem seu finitorem ascendens est in oriente, & ascendit ad locum meridiem: igitur isti duo loci sunt affines. Et similiter cum descendit à linea medij cœli, peruenit ad occidentem, & quia tunc est in occidente manifestè, igitur ut orienti succedit merides, ita occidenti Septentrio: igitur quadrantes occidentales habent rationem occidentis & Septentrionis. Debet autem legi disiunctim hoc modo: Si in quadrantibus orientalibus ad orientem

uel

uel meridiem, si in occidentalibus ad occidentem, uel Septentrionem. Aliter nullus iret ex Italia in Hispanias, quia sunt posite ad occidentem & meridiem, nec ex Gallia in Germaniam, quia posite sunt ad Septentrionem orientalem.

Sunt præter hæc consideranda in Luna & Marte, latitudines, & ascensus, ac descensus, Borealis latitudo iter ad Boream, item Planetæ ascendentes significant, ut descendentes uel habentes latitudinem Australem ad Austrum. Sed Ptolemæus non posuit regulam nisi omnibus quatuor significatoribus communem, Sol autem & Sors ascensu & latitudine omni carent.

TEXTVS

LXIII.

Ac si vnus figuræ sint, quæ itineribus causam dant, signa siue illa ipsa, siue gubernatores horum Planetæ, rarius, & non nisi quando commodum est iter, significat. Si uerò duum corporum aut formarum, continuum multoque tempore.

Hoc clarius est, quàm quod mereatur expositionem: nam Sol aut Luna, aut Sors, aut Mars, quicumque itineris significator extiterit, & domini loci eius, in quo est significator, si fuerint in Geminis, Virgine, Sagittario, uel Piscibus, iter diuturnum & continuum significant: In alijs uerò signis rarius, & non nisi commodum.

TEXTVS

LXIIII.

Iupiter igitur & Venus domini constituti locorum & luminum quæ perfectionem significant, non solum periculis nullis expositas, sed placidas etiam peregrinationes discernunt, aut enim à præfectis earum regionum

num aut amicorum causa legati proficiscuntur, fauet aëris constitutio, & sine indigentia opibus affluunt. His si Mercurius accedat saepenumero propter iam dictam felicitatē adiumenta & dona accumulatur. At verò Saturnus & Mars luminaria occupantes, maxime si mutuo sibi opponantur, inutilia hæc omnia & periculis inuoluta ingentibus: in humidis reperti signis, per difficiles nimirum nauigationes & naufragia, aut per inuia desertāq; loca: in fixis verò per præcipitia & tempestates ventorū. in tropicis & æquinoctialibus per inopiam rerum necessariarum, & affectam valetudinem: in humanæ figuræ signis, per latrocinia, & insidias, & regum violentiam: in terrestribus, per ferarum inuasiones, aut terræ concussiones. Mercurio accedente, per ea, quæ in sublimi fiunt & accusationes periculosas, ampliùs verò per reptilium, aliorumque venenatorum ictus.

Hic, ut in sequenti capite docebit, non solum zodiaci signa, sed quæ extra illum sunt intelligit. Humida signa à proprietate accipit, non à quadrantibus: Erunt igitur ut Cancer & Pisces & Scorpio. Humidum enim inutile continent & aquas significant. Sic Delphin & Argo, extra signiferum. Fixa sunt quatuor, ut docuimus, Taurus, Leo, Scorpius, Aquarius. Sed cur fixa significant præcipitia & uentos, humida uerò deserta? Humida cum significant mare & lacus & flumina & hæc non habitantur, inquit Haly, similitudine

quadam significant omnia loca deserta. Fixa significant terram & rupes, & ideo precipitia & ruinas. Et ueniunt sunt causa ruinæ. In signis tropicis & æquinoctialibus, quæ sunt Aries, Cancer, Libra & Capricornus, quia hæc mutant aërem, faciunt morbos, & corrumpunt aquas, ideo significant inopiam necessariorum. Experimur enim, quod signa æquinoctialia corrumpunt aërem, & tropica maxime faciunt abundantiam aut penuriam aquarum, à quorum utroque fit sterilitas frugum & fructuum. De signis humanis clara est causa: Quæ sint, dictum est in primo libro. Extra zodiacum tamen sunt Perseus, Auriga, Cepheus, Andromeda, & alia etiam, ut in supplemento uidere potes. Vel apud Ptolemæum, uel in sphaera. Terrestria sunt, quæ per terram gradiuntur, ut Aries, Taurus, Leo, Scorpio, Sagittarius, Capricornus, & extra zodiacum serpentes, magnus scilicet, & ophiulei, & lepus, & canes. Ideo significant feras insultantes, & quia in terra perpetuò manent, etiam terræ concussiones. Sed Mercurius accedens per tempestates aut fulgura, quia ipse est uentorum author: Et per accusationes, hæc enim sermone fiunt, Mercurius autem est sermonis author (Et per reptilium aliorumque uenenatorum ictus) id est, cum fuerit in signis ferarum: feras enim minores significat Mercurius, quæ non nocent homini nisi ueneno: ideo cum damna significat, uenena etiam animalia significat, cum paruis tantum præsit, non magnis.

TEXTVS LXV.

Peculiaris horum decretorum ratio, quæ utilia quæque noxia sint, ex differentia eius quod causam dat, locorumque causam comprehendunt, opificiorum & possessionis, valetudinis & dignitatis, iuxta horum quæ prima est
præci

præcipuamq; constitutionem, accipienda est.

Si uelis scire propriam causam iacturæ aut utilitatis, uide locum, qui est causa itineris: utpote in nostra genitura omnia quatuor dant causam itineris Sol, Luna, Sors & Mars. Sol propter honorem quandoque ob patrem, Luna ob desiderium uidendi regiones & propter uxorem, aut matrem, Sors ob lucrum, Mars ob negotia, & maxime bellica, & res graues. Dabo igitur exemplum de Marte, ut intelligas de alijs. Mars fuit dominus loci decimi, & ipsum aspexit Sol & fuit in dignitatibus Mercurij, qui est sub qualitate, & conditione Veneris ex toto, cum sit in domo illius applicans mutuo congressu illi, & ei iuncta. Significat igitur duo magna itinera, alterum occasione discende eruditionis, & fuit Patauium, & ad Sacense oppidum, in quo sex annis perpetuis artem medicam exercui: Et hoc significabatur à Marte commisto Veneri & Mercurio: Reliquum à Marte commisto Soli occasione medendi principem, & hoc fuit in Scotiam, ut suo loco docebimus. Sensus igitur textus est: Si uelis scire differentiam et naturam propriam euentuum bonorum, & malorum in itineribus, scies ex duobus, ex causa itineris seu illius proprio significatore seu significatoribus si plures fuerint, & locorum qui configurantur huic principali loco, aut si non sint qui configurentur qui imperent: Si enim comprehendunt & principalis dominus aut configuratus siue uno uerbo ex his, qui comprehendunt principalior seu principales causam demonstrabit, secundum significatum suum. Nam si dominabitur Sorti, erit causa opum: si loco Solis, causa dignitatis: si Medio coeli, causa artis propriæ. Idem continget, si aspiciat tales significatores, licet non dominetur illis. Et quia contingere potest, ut sint plures comprehendentes locum itineris, qui

habebunt diuersa significata, dicit assume ex his principa-
liorem, id est, qui magis illum locum habet in sua potestate,
uel propter exactionem aspectum, uel quia maiorem in loco
illo habeat dignitatem.

T E X T V S L X V I.

Temporum verò, quibus maximè signifi-
cationes apparent ex figuratiōe incurfus tem-
porum succedentium. Et hæc quidem hæte-
nus explicata sunt.

Cap. 14.
lib. 3.

Intelligit tempora esse sumenda ex directionibus, quæ ex-
plicate sunt hætenus, id est, in capite de uitæ. In his conside-
randi sunt incurfus, scilicet quo tempore eueniant. Nam cum
sint duæ generales temporum uenandorum rationes, directio
et situs significatorum respectu mundi et Solis. Itinerum
tempora ex situ respectu mundi non licet inuenire, cum ple-
runq; significatores, ut uisum est sint in occidentali parte sci-
licet septima, uel nona domo. Perit igitur et ratio sumpta à
situ, quo ad Solem: relinquitur igitur sola directio. Incurfus
loci sunt loci dominorum locorum principalium, et loci alij
principales. Et tunc oportet obseruare, qui Planeta ea loca
aspiciant, ut in capite dicto. Propterea dixit (Et hæc quidem
hætenus explicata sunt) id est non solum incurfus tempora
te docui, sed quæ cum illis incurfibus sunt considerata. Illud
ex hoc nobis fit manifestum, plurimos significatores plurima
itinerum significare: quoniam sæpius significatores per dire-
ctiones ascendenti occurrent. Contrarium continget, cum si-
gnificatores pauci fuerint.

Vide infra
com. 80.

Solum dubium relinquitur, cur nonus locus, cum sit ca-
dens, tamen uehementem affectum significet erga itinerum? Vi-
detur enim, quod imbecillis locus nihil magnum possit pro-
mittere. Ideo altius hæc quæstio est repetenda: Nam anguli
sunt

sunt robusti, uel quia nullum faciunt angulum cum regione, ut horoscopus & occidens: Vel quia rectum, ut coeli Medium & Imum. Rursus loca alta plus influunt, quam humilia, exemplo lapidum, qui iaciuntur: nam ut ex altiore loco, ita uehementius percutiunt. Et ideo 11 domus 10 & 9. plus possunt, quam 8. uel imum coeli imo, quandoque plus, quam 7. Quæ uerò succedunt domus adhuc multum possunt, quia ad angulos motu firmamenti stellæ, & signa, quæ in eis sunt accedunt. Sed quæ ab angulis cadunt, partim quòd angulum minimum faciunt, ut 12 supra regionem tropici hyemalis instar & ad imitationem, cum Sol ibi minimum possit, partim quòd finiant potestatem anguli, ut mors in animalibus, & finis magistratus parum possunt. Nonus tamen locus, quòd sublimis sit non solum in itineribus, sed etiam in uita, potest & plusquam octauus, quanuis ille succedat angulo & hic cadat. Locus igitur hic ualidus est, & solum decimi comparatione debilis est. Itaque Planetæ non possunt, quod in decimo loco, & homo agit, quæ sunt minora decretis à coeli Medio, & itineri accingitur. Propterea qui iter agunt, omnia alia negotia relinquunt. Ergo nona domus ualida est, sed in nullo, quod à decima possit significari.

Caput decimum.

TEXTVS LXVII.

De morte.



Vm reliqua sit ex omnibus de mortis genere contemplatio, primum ex his, quæ de uitæ spatium docuimus, constare oportet, utrum secundum radiorum duccionem interemptio, an secundum dominantis syderis occasum accideret.

BB 3 Nam

Nam si iuxta radiorum ductum & occurratio-
nem eueniat interfectio, locum occursus in con-
silium adhibere pro mortis genere coniectan-
do oportet. Si verò iuxta occasum, illud ipsum
occasus locum. Quales enim fuerint, siue ij,
qui dicta loca sequuntur, aut si nulli sequan-
tur, qui primi aliorum ad ea feruntur, tales ni-
mirum est vita decessus futuros opinandum
est, quorum natiuis significationibus, vt varie
tatem illam euentuum complectamur, confi-
guratorum astrorum, locorumque interem-
ptiorum peculiares significationes coniun-
gemus, tam pro signiferi, quàm finium natura.

Sententia hæc talis est: considera locum Anæretam, qui per
directionem Aphetæ occurrens mortem indicat, ut superius
declaratum est, siue is sit Planeta seu locus occidentis: &
quales fuerint Planetæ ordine signorum illis succedentes, aut
si nulli sint tales, qui antecedunt, proximius, & hi genus
mortis principaliter decernunt. Post naturam loci interimen-
tis, & Planetas, qui loco succedenti, aut antecedenti si suc-
cedens desit configurantur. Et etiam iuxta naturam signo-
rum ipsorum tum finium, in quibus principales mortis si-
gnificatores inueniuntur. Exemplum in septima genitura
Apheta fuit Luna, Anæreta 22. pars Libræ aspiciens nonam
Piscium, qui est locus Saturni. Dicemus igitur, quod mors
erit principaliter ex natura Mercurij, qui succedit loco
interficiendi, & hoc est primum & principale. Secundum
est locus interimens pars 22. scilicet Libræ: Deinde Pla-
netas, qui configurantur Mercurio & est Luna, quæ est in
imperanti cum eo, & in Anæreti considerat naturam signi
& finis

et finium. Natura signi ad locum pertinet, finium autem ad Planetas. Velut in exemplo dato loci sunt 22 pars Libræ et 24 eiusdem et 2 pars Virginis. Et in loco Anæretæ considerabimus naturam Libræ et naturam Mercurij domini illius finis. Non considerat Planetas configuratos Anæretæ, quoniam idem esset author mortis, et modi semper: at hoc non est uerum: igitur Anæretæ alius est à significatore qualitatis mortis: Et est pulchra ratio, et efficax. Nec considerat dominos signorum, quia cum mors sit res quadam propria potius competit proprio domino loci, id est, finis, quam signi, id est, domus aut exaltationis, aut multò minus trigoni. Nec considerat locum succedentem aut aspicientem, quia est debilis, cum quatuor habeat significatores ante se. Quorum primus est locus succedens seu Planeta, uel radij eius, uel fixa aut antecedens, qui fertur ad Anæretam motu proprio Planete, iuxta signorum ordinem. Secundus, dominus finis Anæretæ. Tertius, signum Anæretæ. Quartus, Planeta uel stella configurata loco succedenti aut antecedenti significanti mortis qualitatem. Et hos significatores omnes uocabimus Piothanatos, id est, qualitatem mortis decernentes.

TEXTVS

LXVIIII.

Saturnus igitur morti præfectus, obitus efficit post diuturnos morbos & tabes, & humorum defluxus, & febres, per lienis aquæ intercutis, colicas, vterive affectiones, & quotquot ex frigoris multitudine constant. Iupiter verò ab angina & peripneumonia, apoplexia, & couulsionibus, capitisque doloribus & stomachi, & quotquot à pulmonis peruersa constitutione proueniunt. Mars à febris continuis & tertianis, &

repentinis plagis, & renum affectionibus, sanguinisque excretionibus, & defluxu, abortionibus & partu, sacro igne & pestilentibus morbis, quique per inflammationem, & feruorem eueniunt. Venus per stomachi, & hepatis affectiones, impetigines & dysenteriam mortem infert. Amplius verò per vlcera, pustulas, & fistulas, & adhibita pharmaca, ac denique quotquot humore nimium incremente, aut corrupto nascuntur. Mercurius per insaniam & amentiam, & ex atræ bilis copia proficiscentes lapsus, per quæ comitiales morbos & tusses & crebras expuitiones, & quotquot siccitate copiosa & corrupta constant.

Textus hic per se clarus est, sed tamen quadam intelligere oportet. Primum, quòd hæc natura Planetarum conuenit & succedenti loco Anæretæ seu antecedenti, & domino finis Anæretæ & aspicienti succedentem locum Anæretæ.

Considerandum etiam, quòd longè plures morbi esse possunt, sed per genera hic ponuntur: Saturnus frigidos, melancholicos, crudos & ideò longos, & qui cum liene communicant. Iupiter sanguineos, & qui cum iecore & pulmone consentiunt. Mars à bile calidiore, & febres, & qui cum felis uesica participant. Venus à pituita & humido, & qui cum uentriculo rem habent. Mercurius mistos, uarios, inconstantes, occultos & qui cum cerebro patiente sunt.

Li. 3. tex. &
com. § 3.

Præterea, hæc omnia ita intelligenda sunt, ut discrimen membrorum animaduertas superius positum, ubi de Planetarum significatis super membra agitur.

Est etiam considerandum hic Ptolemæum agere de morbis, qui

qui ad mite mortis genus hominem agunt principaliter, inde etiā ad alia genera mortis posset traduci, sed non ex intento. Rursus cū cōstet Iouem & Venerē non esse Anæretas, non loquitur hic de Anæretis, ut dixi, sed de præsidentibus fini Anæretæ uel succedētibus illi, aut aspiciētibus succedētia loca. Et si quis dicat, cur ergo non connumerauit luminaria, cū ipsa possint succedere et præesse Anæretæ, uel aspiciere succedentē locum? Respondeo, quod luminaria non significant ullā qualitatem propriam, ut uisum est in secundo libro, sed solum mortem illustrem, & claram, de qua in sequenti textu agit.

T E X T V S

L X I X.

Miti igitur hoc moriēdi genere ē uita discedimus, cū mortis authores in proprijs domesticisue naturæ suę conuenientibus locis reperiuntur à nullo superati, qui maligniorem illustriorēq; exitum reddere possit. Violenta uerò atq; conspicua morte decedimus, cū aut uterq; maleficus imperat interemptorio loco, aut per congressum aut per radios quadrangulos oppositōsue: aut alteruter eorum ambōue Solem aut Lunam, aut utrunq; luminare maleficio affecerint: ubi mortis quidē malitiā ab eorum congressu cōstitui putabimus.

Quatuor mortis genera intelligit. Mitissimum, cū quis absq; uiolentia & strepitu quasi naturaliter morbo aliquo decedit, de quo in superiore textu tractauit. Et ob id dixit (Miti igitur hoc moriēdi genere) nō, miti igitur moriēdi genere, ut doceret nos per (hoc) uerbum, quod in superiore textu de naturali quasi et miti morte egerat. Hoc igitur contingit, cū Piothanati non superabuntur, neq; dominio nec ra-

B B S

dijs

dijs quadratis, uel oppositis à cōtrarijs stellis maleficis, nec etiā luminaria ambo. Hoc uerò nō ita percipitur, sicut si intelligam^{us}, quot modis uiolēta mors fiat. Hoc uerò nūc docebimus.

Secundum mortis genus est uiolentorum. Primum, cūm uterque maleficus uel Mercurius sub alterius uice imperat Piothanato primo illi aduersus & inimicus, aut iungitur illi, aut eum quadrato uel opposito pulsatur radio, hostili natura non amica, scilicet, quod non sit dominus loci: Et tunc sit mors uiolenta, sed non publica tamen. Intellige non amica cūm iungitur, non cūm aspicit. Nam cūm malefico aspectu respicit, etiam si dominetur loco, interficit crudeliter.

Tertium est uiolentum & publicum, cūm malefica una ambo luminaria, uel Piothanatum & luminare, uel due malefica luminare unum, uel singula singulum, uel una malefica Piothanatū altera luminare pulsauerit: ut fiant quinq; modi. Et cūm dico, pulsauerit, intelligo uel quod dominetur, nec aspiat bono aspectu, nec iuncta sit, & quod eleuetur super eum locum, quē pulsatur: uel quod aspiat ex quadrato uel opposito, & sit superior. Ita ut tres conditiones in primo modo & due in secundo intelligantur generalium, quorū alteruter semper est necessarius unicuiq; ex quinq; modis significatibus tertium mortis genus, quod est uiolentorum secundum.

Quartum genus, uiolentorum autem tertium est, cūm corpora eorum exponuntur dilaceranda auibus & canibus, de quo dicimus in fine capituli. Et circa has tres ultimas mortis uiolente differentias, obseruare oportet morem regionum, & legum, in quibus mors contingit. In Gallia enim plerique exponuntur, in Italia non ita. Apud Germanos etiam, & Turcas crudeliora sunt mortis publicae genera, pro eisdem met peccatis, quam apud Gallos aut Italos. Modi etiam alij alijs in locis occidendi: in Anglia, & Italia frequens laqueus, apud Germanos rota, apud Turcas palus. Sunt etiam

conditiones hominum consideranda. nam principes raro nisi securi percutiuntur: non laqueus, multò minus rota uel palus adhibetur. Miserorum hæc sunt supplicia, potius fortune, quàm sceleri debita. Namq; si ad scelera respicias, multi sunt Principes, quibus si iure æquo res ageretur, non mille pali, aut rota aut ignes sufficerent, & tamen uix etiam simplici morte mulctantur.

T E X T V S L X X.

Magnitudinem verò à luminum testificatione. Genus verò ab astrorum reliquorum intuitu, & signis, quæ à maleficis occupantur.

Luminaria faciunt, ut dixi, claras mortes & illustres, scilicet publicas, & quæ in conuentibus hominum celebrantur: Et hæc est magnitudo, ut dixi.

Genus dicit (rursus) quia genera mortis misis iam explicauerat ex astrorum reliquorum intuitu, scilicet ad Piothanatum, uel locum luminaris, uel maleficas alterutrum respicientes. Et similiter ex signis imò potius figuris, tam intra zodiacum quàm extra, in quibus Piothanatos uel luminare male affectum, uel male afficiens malefica inueniuntur. Et nota, quòd magis si in angulis extiterint malefica hoc faciunt, uel si luminaria uel piothanati in cadentibus fuerint. Nam cum in cadentibus fuerint luminaria & Piothanati, facilius super ea malefica eleuantur. Cum uerò cadentes Planetae, ut in priore capitulo & maximè luminaria, moram in alienis regionibus nato significant, eò fit, ut longè plures in aliena patria, quàm in propria morti publicæ exponantur.

T E X T V S L X X I.

Enim uerò Saturnus Solem quadrangulibus radijs præter conditionem feriens, in fixis quidem

quidem à multitudine obrutos, aut strangulatos suffocat òsve curat, ita si occidat Lunaq; succedat. In feralibus verò signis, à feris interimendos, ac si Iupiter suffragetur, & ipse maleficio imbutus, in locis publicis aut celebribus, interdum ad bestias damnatos. In occasu vtrius luminarium oppositus, in carceribus vitam finientes. Configuratus Mercurio, potissimè si id circa serpentes, qui in sphaera sunt, aut terrestria signa eueniat, à morsu venenatorum morientes, his verò si Venus accedat veneficijs & fœminarum dolis. Quòd si in Virgine & Piscibus aut aquaticis signis Lunę figuratur, in aquis suffocandos, circa Argo nauem etiam naufragijs succumbentes. In tropicis Soli congregiens, aut oppositus, aut Marti vice Solis, à ruina oppressos: quòd si cœli Medium obtineat, ab alto præcipitandos.

Ne quid intactū relinquamus, tota hæc particula, quæ ex his uerbis habet initiū (uiolēta uerò atq; conspicua) trāsferri potest, ut intelligamus Planetas qui eleuantur maleficos non super. Piothanatum primum, id est, succedentem loco interficienti, sed super ipsummet locum interficientem. Inter has expositiones, quæ sit uerior exemplo præclaro 11 genitura, in 12 feriùs edocebimus. Nunc ad textus interpretationē accedam.

Inquit igitur (præter conditionem) quia oportet interemptorio loco, id est, Piothanato infestum esse, hoc enim superius uisum est. Seu loco interficienti propriè, qui sensus magis arridet, seu succedenti aut antecedenti. Proponit igitur 11 casus, qui quasi per tabulam subiiciuntur. Dixit de quadrangula

gularibus radijs ut intelligamus de oppositis multò magis intelligendum esse. De trigonis aut hexagonis nequaquam.

- 1 Saturnus Soli in fixis, lapidationem, strangulationem, aut suffocationem igne uel aqua.
- 2 Saturnus Soli in feralibus, à feris dilaniandos.
- 3 Saturnus Soli cum Ioue imperante Anæretæ uel quadrato respiciens Saturnum, expositos publicè feris.
- 4 Saturnus Soli aut Marti in tropicis iunctus aut oppositus, ruina opprimendos.
- 5 Saturnus Soli aut Marti in tropicis iunctus, aut oppositus in cœli Medio, ab alto præcipitandos.
- 6 Saturnus Mercurio iunctus oppositus, aut ex quadrato in serpentibus, aut terrestribus, uenenatorum ictu.
- 7 Saturnus Mercurio, ut dictum est, et Veneri congregiens, ex ueneficio, & fœminarum dolis.
- 8 Saturnus occidens & Lunam sequens, Arabes legunt præcedens, suffocatos igne uel aqua.
- 9 Saturnus Lunæ in aqueis signis, aut Virgine configuratus, aquis suffocandos.
- 10 Saturn⁹ Lunæ in Argo cōfiguratus, naufragio mergēdos.
- 11 Saturnus in occidente seu Soli, seu Lunæ oppositus, mortem in carceribus nuntiat.

Nunc uerò subiicienda sunt, quæ ad amplificationem prædictionis & textus pertinent. Nam uerisimile non est primum solum his modis uiolentam mortem Saturnum inferre, nec etiam omnes, quis istis modis moriuntur sic necessariò Saturnum habere collocatum. Tria igitur requiruntur, ut Saturnus sic occidat. Primum, ut infestus sit loco mortis aut domino eius; Secundum, ut sit in quadrato, uel opposito luminari aut Mercurij saltem, ita tamen ut Mercurius sit dominus loci mortis. Tertium non est generale, sed tamen ut plerumq; sit in occidente, uel angulo cœli Mediij.

Obseruandum, quod Saturnus maximè offendit in occidentēte, quia occidens habet uim Septentrionis, ut uisum est. Et est frigidum & letiferum, & hæc est natura Saturni: idè nullo in loco Saturnus tantum offendit quantum in occidente: Sicut nullo in loco Mars, quantum in Medio coeli: hic enim locus meridici uicem gerit, & est calidus, & siccus, & natura Martis similiter est calida, & sicca: idè ibi furit Mars, & maximè, quia est in sublimi. Idè hac ratioe par est Iouis uim in oriente confirmari, & quasi ibi Planetam illum gaudere.

Obseruandum etiam est, cum dicit congressum intelligi debere coniunctionem, quadratū, aut oppositionem, sicut exposui in sexto modo, ubi textus dicit (configuratus Mercurio) pro eodem autē accipio cōgredi, & configurari. Sed præter id intelligitur, quod sint etiā in intuentibus gradibus, non dico signis, aut imperantibus, & obedientibus, & maximè quod Saturnus sit in imperante, alius Planeta, qui afficitur, in obediente. Et si non sit gradus exquisitus, sit ualde propè, ut in septima genitura Saturnus aspiciat Mercurium. Sed uterque est secundum naturam loci mortis, qui est in libra.

Tertiò diligenter aduertendū, quod alia est ratio mortis naturalis, alia uiolēte: in morte naturali sicut contingit ei, qui famē patitur aut uenenū iam sumpsit, ipsa perficitur statim, ut causæ interimentes Aphetæ occurrunt, cū sensu tamen extus annorum & reuolutionis stellarū, ut superius habuimus. At in uiolenta morte contingit secus: sed fit, ut in eo qui uult aliquē occidere, expectet centies occasionem: quæ cū euenit, inuadit & occidit: & quandoq; non occidit, sed uulnerat tantū, quandoq; etiā ille effugit. In astrum, quod debet perire uiolenter, est paratū in omnem occasionem, idè infligit pericula & metus in eo genere sapius, antequam occidat. Fuit paucis antè annis tabellio quidam, qui bis suffocationis periculum incurrit: ubi cū plures alij essent, nemo periculū subierat

Libr. 3.
com. 44.

ferat, tertio post aliquot annos suffocatus est, ubi etiam multi transferant, imò seruus suus ante eum & absq; damno & periculo. Ita homo potest facilliter Fati genus presentire, cum uiderit pericula manifesta in eo genere & damna etiam. Caueat tamen, quia idem significator multa genera mortis significat, quæ nobis uidentur ualde diuersa, & tamen inter se sunt affinia, ut strangulatio, suffocatio in aquis, & à ruina. Item ruina, & casus ab alto multum differre uidentur, & tamen sunt affinia, sicut etiam cum his ictus à machina procul. Similiter uenenum, morsus canis rabidi, et ueneficiū inter se. Et item casus ab equo, & ab alto, et morsus canis inter se, non tamen casus ab alto & uenenum. Et ita oportet bene considerare affinitatem horum generum mortis, quæ etiam mutatur, ut dixi, iuxta reditus Planetarum & fines annorum.

Ex hoc patet, quòd illi, qui dicunt, si Saturnus fuerit in tali loco taliq; signo in opposito talis Planetæ, ut Alubathar, et Haly, Abenragel, & alij, Arabes, natus morietur ex tali uel tali morte, uel honores habebit, aut diuitias, aut cōtumeliā patietur, nihil dicūt: quia oportet ut adsit radix, scilicet ut Planeta ille dominetur loco significanti talē rē, de qua pronūtiās.


Verum tamen est, quòd Saturnus in occidente, uel Mars in Medio cœli congregiendi aliquo quinque modorum, aut eleuatus super luminare uel Planetam, adducit magna inconuenientia propter tres causas. Prima est, quod uix fieri potest, quòd ille Planeta, cui malefica congregitur, non habeat aliquod dominium, ut ita loquar, in illa genitura & ita inficit, & euertit quod ab illo significatur. Secunda, quia in directionibus occurrit quandoque locus significator opposito loco uel quadrato talis Planetæ, & ita offenditur res significata per significatorem illum. Tertia, quia Planetæ superuenientes & natiuitates filiorum, & parentum, & talia, ut uxoris, cum occurrūt, et potissimum inimicorū & amicorū,

rum, euertūt multa significata, et inducunt lites et discordias.

Amplificatio uerò contingit quia in primo modo etiam fiet capitis amputatio, quæ est loco suspensionis. Et ictus machinæ, & sagittis configi, & in cruce pone olim, quæ consuetudo abolita est ob Seruatoris reuerentiā. In tertio modo cum abollitus sit hic mos Romanorum & Barbarorum, & meritò non solum ob crudelitatem, sed etiam, quia non par est humanam naturam ferinæ subijci, etiam in damnatis. Sed loco eius erunt ultima supplicia lacerari à quatuor equis, qui mos adhuc in Gallia uiget: insui rota, ut apud Belgas & Germanos: infigi palo, ut apud Turcas. In secundo modo est cadere ab equo, moderi à rabidis canibus, & lupis, licet non dilacerentur. In quarto modo est etiam ictus machinæ, casus arboris, ut contigit fratri Petri martyris Publicani, & qui sub terra uiui sepeliuntur, & qui casu obruuntur. In quinto, casus in foueam, ex equo, ex curru. In sexto acu pungi, ut multos sic uidi perire, uulnerari ense imbuto letali ueneno. In septimo comedere cicutam casu, uel apium Sardonicum amentes & lymphatici. In octauo cadere in puteum, in foueam, obrui cæno, obrui nimbis nocte superueniente, ut in fuga quandoque contingit. Suffocari in domo nona, ex fumo carbonum, à nutrice. In nono propter uini etiam copiam hausti. In decimo in cymba, super ponte, in pugna nauali. In undecimo mori in carcere, pedore, & squalore uel precipitio, uel ueneno, uel inedia, uel in imo turris, uel ob tormenta, uel ob metum. In exilio proscriptum, relegatum ad insulas desertas, uel in solitudine.

Amplificatio à causis est, quòd ille, cui pater suspendio perijt sufficiet, ut habeat Saturnum malè dispositum in occidente Solem aspicientem, etiam si nō sit in signo fixo. Vel quòd sit in signo fixo ibi, & succedat Soli. Et ille qui habuerit Saturnum in quadrato Solis et Lunæ coniunctorum, licet non sit in occidente,

occidente, sed tamen sit gratia exempli in loco inimico, ut po-
te in Capricorno, ubi Luna cadit, & Sol ac Luna in Ariete,
ubi cadit Saturnus, in carcere morietur. Sicut contigit Fran-
Suffocati aqua natando



cisco Gadio, cui Saturnus in
Capricorno fuit in sexta, et
aspexit Solē et Lunā in no-
na coniunctos in Ariete. Iu-
dicabis etiam ex fixis quan-
doq; loco maleficarū, cum
fuerint natura earum &
ualde magna, scilicet a prima magnitudine usq; ad tertiam.

Ideo dico, quod oportet considerare conditionem nati,
quia ut dixi magni uiri haud facile supplicijs horrendis ple-
tuntur, & plerunq; ueneno uel occultē in carcere, uel ad
summum capitis amputatione. Considera etiam locum, in quo

Motus latitud.

♄	Stans	M	D	2	13
♄	Vel.	S	A	0	53
♄	Tar.	M	A	5	52
♄	Tard.				
♄	Tard.	M	A	5	13
♄	Retro.	M	A	3	34
♄	Med.	M	D	4	42

CC morietur,

morietur, & genera suppliciorum consueti illi ciuitati, aut regioni, & mores etiā nati, & ita satis prope rem iudicabis.

Vt autem melius rem intelligas de morte uiolenta, quæ de-
cernitur à Saturno, & est communior scilicet suffocatio ab
aquis, apposui genituram certam Leonarthe Casanati Be-
suntini fratris eius cuius est nona genitura exemplaris in fine
libri posita. Fuit autē nobilis filius medici egregij Ioānis Casa-
nati Hispani, & ut dixi, frater medici Gulielmi Casanati. Igi-
tur in fine anni 18 cum esset extra patriam natando uolu-
ptatis tantū causa, interiit. Causa mortis est, quoniam solus
horoscopus fuit Apheta, & erat quadratus radius Saturni
sub Ioue infelici: Et eo anno peruenit ad horoscopum in Vir-
gine, quæ ut uidisti in textu submersionem significat, ut etiam
in tertio Ptolemæi exemplo: Mercurius igitur fuit dominus
primi Piothanati, id est, secundæ partis Virginis & secundi,
id est, loci Iouis. Fuit igitur Iupiter infelix cadens ab altitu-
dine & combustus, & Mercurius dominus locorum mortis
in sextili Lunæ ex signis longarum ascensionum, et Saturnus
in prima statione, ubi plurimum mali infert. Stans enim Pla-
neta multa mala facit, et nunquā cessat impedimenta affer-
re, cursu auctus, magna. Sol quoq; fuit cum Cauda Leonis
stella procellosa. Finis anni præcedentis mortē, habuit Satur-
num 28. 45 ♄ Iouem 7. 12 ♃ Martem 18. 19 ♃ Venerem
16. 54 ♀ Mercurium 5. 12 ☿ Lunam 25. 42 ☿ Sol in loco
genituræ, Caput draconis erat in 23. 11. 00 Iupiter igitur ad
oppositum loci proprii peruenierat, & ascendens ad 13 par-
tem ♄ ubi Saturnus erat. Animaduertendum est etiam, quod
in genitura Mars, Venus, Mercurius & Luna magnam &
ferè eandem habuerant latitudinem meridiāalem. Hora au-
tem qua mortuus est inter sextam & septimam à meridie
diei 15 Iulij extra patriam. Planetarum loca: Saturnus 12. 7
♄ Iupiter 19. 51 ♃ Mars 6. 18 ☿ Sol 2. 15 ♀ Venus 16. 52
♃ Mer

ny. Mercurius 3.18 ♄. Luna 6.50 ♀. Caput 6.19 ♀. Saturnus igitur fuit in loco processus Solis eo anno. Et Sol iunctus Mercurio domino loci interficientis. Et Luna iuxta oppositum Saturni radicis. Ex quo patet ueritas dictorum Ptolemæi, sed oportet ut altissimè eruantur.

TEXTVS LXXII.

Martis verò stella Soli præter conditionē, aut Lunæ infensa tetragonis oppositisve radijs, in signis humanæ figuræ in seditionibus aut bellis interficiēdos tradit, aut sibi ipsi, qui manus inferant: foëminarū verò opera interi-mendos quādo Venus illi testificatur. Quādo verò Mercurius, à piratis aut latronibus, aut maleficis hominibus. In mutilatis & imperfe-ctis signis, aut circa caput Medusæ, decollan-dos aut mutilādos. In Scorpione & Centauro vstionibus sectionibusve, aut medicorum re-uulsionibus ē vita decessuros significant. In coeli Medio in ōve crucibus affigendos ma-ximè circa Cepheum & Andromedam. In oc-casu horoscopo oppositus viuos comburen-dos: in quadrupedibus verò ruīna aut distra-ctione vitam cum morte commutātes. Quòd si & hic Iupiter testificetur simul prauitatem indutus, illustri rursus mortis genere decedūt, condēnatione nimirū & ira principū ac regū.


In hac parte ponit nouem status à Marte quos illustrio-ris doctrinæ gratia hic subiicio.

1 Mars Soli uel Lunæ tetragonis aut oppositis radijs cōfigu-ratus

- ratus in signis humanis, seditioe, belloue, aut ppria manu.
- 2 Mars alterutri eorum, ut supra in humanis, cum testimo-
nio Veneris, foeminarum causa occidendos.
 - 3 Mars, ut supra in humanis cum Mercurij testimonio, a
latronibus, uel piratis, uel maleficis.
 - 4 Mars ut supra in mutilatis, ut iuxta caput Medusae,
mutilandos, aut capite plectendos.
 - 5 Mars ut supra in Scorpione uel Sagittario, uisionibus,
sectionibus, aut medicorum reuulsionibus.
 - 6 Mars, ut supra in coeli Medio uel imo crucibus affigen-
dos, maxime circa Cepheam & Andromedam.
 - 7 Mars ut supra in occasu, uiuos comburendos.
 - 8 Mars ut supra in occasu, in quadrupedibus distractos,
aut ruina oppressos.
 - 9 Mars ut supra, si ei male dispositus Iupiter testificetur,
illustri mortis genere perituros denuntiat, ob iram
Principis, aut Regis.

Vsq; ad quartum modum praesupponitur, quod Mars sit
in signo humano: et causa effectuum, cum a similitudine sum-
pta sit, clara est. In quinto Scorpius et Sagittarius sunt signa
sicca, & autumnalia, et malefica. Medicorum quaedam salu-
tis causa parantur: quae tamen male cedente auxilio, perniciem
afferunt. Nero etiam Medicos uocabat, qui secarent uenas,
ut perirent. In sexto modo crux, & suspendium e sublimi
fiunt, ob id Mars in coeli Medio & imo haec significat, ut &
rotarum supplicium, quod damnati suspensis rotis in aere
pendeant. Et supplicium Turcarum, quod fit cum ferreis unci-
nis, quibus pendent damnati in aere. In septimo existimarem
non simpliciter in occasu, sed in Scorpione uel Sagittario,
gratia exempli, nam & in Leone. Non enim sine signorum
discrimine exquisita supplicia significari possunt, cum haec
inquisitio sit artificiosa. In octauo clara est ratio distractio-
nis,

nis, cum ab equis qui inter quadrupedes numerantur, fieri soleat. Sed de ruina causa est, quia quadrupedia, ut dixi, terrestria etiam uocantur, quod terrae incumbant, ruina uero



est terrenorum, ut lapidum et ce-
 mentorum. In quocunque autem
 modo, si Iouis testimonium iun-
 gatur, ut quod sit simul dominus
 cum Marte, uel quod Marti con-
 figuretur, uel sit in eodem posi-
 tionis circulo, significat mortē ob
 iram Principis, aut Regis, quae semper est illustris, ob manda-
 tum Regis uel Principis, plerumque etiam crudelis. Horū causa
 geniturā subijcio, quam habui à præclaro uiro Gemma Phry-
 stone, dico & Mathematico egregio, dum Louanij essem.

Hic de heresi accusatus, iuxta annum 1537 eripuit se pe-
 riculo, & exulauit. Postmodum anno 1547 obiecit se appa-
 ritoribus

Motus latitud.	
5 Vel.	S D 2 6
4 Retro.	M D 0 15
♂ Vel.	M A 1 35
☉ Tard.	
♀ Med.	M A 2 37
♂ Retro.	M D 3 47
☾ Tard.	M A 1 47

ritoribus sponte, unde captus & morti adiudicatus, dum uiuus cremaretur, constans perstitit.

Constat, quod Sol erat significator uitæ, etiã quod fuisset in nona uel procul ab initio decimæ, et quod in annis 37 peruenit corpus Saturni inimici Soli, quia erat in opposito altitudinis eius, ad Solẽ. Et quod Saturno Anæretæ succedebant radij quadrati Iouis infelicis in Capricorno. Et quod Luna erat infelix in 12 loco et in Libra: Et quod Solem aspexit Mars de quadrato ex propria domo, et in angulo, et domus erat signũ fixum & alienũ a Sole. Et fuit cū Marte nodus, qui significat dilacerationem corporis, ideò necessarium erat, ut occursum Saturni interficeret. Occasio autẽ fuit ex rebus legis, propter Saturnum. Et Mars fuit iuxta tres stellas lucidas, frontis Scorpij locum regalem, & cum aliqua earum etiam in imo circulo positionis, & sunt de natura Martis & parum Saturni.

Ex quo patet, quod Ptolemæi sententia est uera, nã Mars est in Scorpione et Scorpio significat combustionem. Et tamen oportet intelligere rem subtiliter: nã Mars hic non est in occidente, nec damnat Prothæanatum: & ita uidetur, quod desint duæ conditiones, & tamen sit combustus uiuus. Ideo, ut dixi, oportet animaduvertere, quod Ptolemæus docuit, et in sequenti capite docebit, quod oportet ipsam artem perfectè cognoscere. Et istud non potest doceri, nisi ei, qui diu & efficaci studio in libro suo uersatus fuerit. Nam loco harũ duarum conditionum deficientium, sunt aliæ quinq;, quæ non erant necessariæ, et tamen augent effectum. Prima Luna in 12 loco, quæ significat malam famam, & multos hostes gratuitos, infelix in signo masculino, et finibus Martis. Secunda Iupiter retrogradus, et cadens ab altitudine, quadrato radio Saturnũ Anæretam malè afficiẽs. Hic indicabat iudices inensos. Tertia erat locus Solis in Leone & cœli culmine, quod significat magnas calamitates, ut aliàs docuimus, et Leo significat ignem, Quar-

ta, tres stellæ regie iuxta Martē ex illius natura, quæ significabāt uiuū comburendū. Quinta erat nodus cū Marte malè affecto, qui significat diros cruciatus, et lacerandū corpus illius.

Dico igitur, quòd obseruauī nodos cū maleficis, et propriè cum Marte, ubi ipse sit significator mortis, uel alius, cū quo sit nodus, mortem cum laceratione membrorum significare. Et similiter cum luminaribus. Ob hæc igitur quæcunq; dicta sunt de uitijis & morbis corporis superius, huc transferenda sunt. Ita tamen, ut cum cōditionibus propositis intelligantur. Lib. 3. c. 14.

T E X T V S

L X X I I I.

Coniuncti verò mutuò malefici atq; ita oppositi in aliqua dictarum cōstitutionum, plus faciunt ad mortis malitiā, quæ cuiusmodi potissimū euasura sit, ex principiè interemptorij loci gubernatore cognoscitur, multis concurrentibus, & in genere, & in magnitudine acerbitatis, quādo uterq; ad interfectoria loca rationem aliquā habet. Tales verò etiam sepultura orbatī deferuntur, absumuntur autem à feris aut auibus, quando in signis eiusmodi figurarum malefici reperiuntur, nec ullus beneficus supra terram existit, qui interemptricibus locis occurrat.

Virtus geminata multò plus habet roboris. Malefici igitur iuncti & luminare ac Anæretam oppugnantes, duplicatis uiribus agunt. Ob id magnitudo hæc, cum sit conspicua, nec tamen facile homo multis mortis generibus possit mori, reliquum est, ut qualitatem mortis in hoc casu ex domino loci interemptorij præuideamus. Nam tria Ptolemæus præsupponit: interemptorem, qui radijs uel corpore Aphetæ ad-

ueratur, & hic iuxta directionem tempus mortis ostendit. Oppugnantem locum interemptorium, maleficam, et hæc seu hæ si ambæ sint, ut hic supponitur, ostendunt, quod uiolenta mors futura sit, & dominum loci interimentis, qui quasi iudex declarat qualitatem mortis, quæ potius pertinebat ad maleficam si una tantum extitisset, quæ locum Anaretæ loci oppugnaret. Hoc autem dicit tantum uerum est, cum maleficæ non solum plures fuerint, quæ oppugnent locum mortis, sed etiam uiribus pares. Aliter mors erit iuxta decretum superioris ui maleficæ. Tales igitur ob magnitudinem prauæ influentis, deserunt in partibus, si nulla benefica supra terram auxiliatur: nam tunc auferuntur post tempus, & sepultura traduntur. Quod si benefica non adsit, & maleficæ fuerint in signis quadrupedum, uel auium, deuorabuntur corpora à similibus animalibus. Pari ratione, si in Piscium signis & mors ex naufragio absque benefica supra terram aspiciente, à Piscibus deuorabitur.

TEXTVS LXXIIII.

Peregrè moriuntur, quorum interemptoria loca occupantes Planetæ ab angulis deciderint: maximè cū Luna etiā accurrit, aut tetragonis oppositisue radijs dicta loca intuetur.

Li. 5. c. 14.

De morte tria queruntur, tempus et hoc habetur in capite de uita: Qualitas, & hæc in hoc capite superius edocta est: Et locus, qui in presenti textu docetur. Dicit igitur, quod hi moriuntur in aliena patria, quorū Planetæ succedentes loco Anaretæ, uel domini secundi Piothanati fuerint in cadentibus locis. Et maximè, cum locum Anaretæ et Piothanati Luna occupauerit quadratis, aut oppositis radijs. Circa quod notandum, quod ego in hoc toto capite per Anaretam non Planetam interficientem intelligo, sed locum, in quo radij interficientes

tes

tes cadunt. Gratia exempli, si locus mortis fuerit mihi decima pars Cancrī, in quam cadunt radij trigoni Lunæ, & quadrati Solis, & intuitus Saturni, tunc hic non appellabo Aneretam Saturnum, aut Solem, sed uoco Aneretam decimam partem Cancrī. Et ubi extenderetur ad initium Leonis, ubi sunt radij quadrati Iouis, non uoco hic, ut superius in Capite de uita, Aneretam Iouem, sed Leonis initium.

Demonstratio uero huius textus sic habetur: quo tempore Anereta peruenit ad Aphetā, homo moritur: Quo tēpore luminaria uel Sors, uel ascendens occupātur à Planetis ab angulo decidentibus, ut in præcedenti capite, homo extra patriā moratur: Sed in quibus Planeta ab angulis decidentes occupat loca interemptoria, in his eodē tempore locus interemptorius ad Aphetam peruenit, et Planetā ab angulo decedens, ad principalem significatorē. Igitur quo tēpore moritur, eodem tēpore erit extra patriā. Et ita extra patriā morietur. Significat et Planeta occupans locū interemptorium, locū mortis. Qui cū ab angulo decidat, significat fore extra patriam.

Sed ut diligētius res habeatur, innuit Ptolemæus, quod deas præfinire primò tēpus mortis. Quo habito, uide eo tempore significatores itineris, si indicent iter: si nō, morietur in patria. Si sic, uide ad quā regionē erit iter, et quā diuturnū, & coniectabis tum ex arte tum ex locis, qui sunt in eo itinere celebrioribus et etiam iuxta statum seu existimationem hominis, ubi inuenietur ea hora, & habebis locum mortis. Inde considera, an mors erit naturalis: an uiolēta tantū, an etiam publica. Si nateralis, poterit mori in uilla & in urbe, sed hoc significant testimonia luminarium cum loco interemptorio: nam si affuerint, morietur in urbe, & si sint Solis, erit mors in metropoli regionis, quia erit cum funere splendido, & hoc non potest ita bene fieri in parua urbe, ut in principali, & multò minus in uilla. Si uero fuerint signa mortis uiolētæ, non

tamen publica, erit mors in itinere, aut uilla, non in urbe: quia non tam facile absque mandato publico homines in urbibus uexantur, sicut extra à latronibus. Considerabis etiam, si sit iter per aquas, naufragio peribit. Quod si luminarium testimonium adsit, erit à piratis. Si uero sit mors publica decretata, considera causam, et mores hominis, et genera supplicij consueua illi regioni, et coniectaberis, qua morte sit periturus. Hec non tam subiecti propter hoc, quod hic tractatur, sed ut sit exemplum in omnibus, qua predicere cupis, ut de magistratu, contentione, itinere, et talibus.

Secundo, ut intelligas, quod nulla est uia predicendi præter hanc, quam hic tradidit Ptolemæus. Et quod illi, qui conantur redigere prædictiones ad capita, ut Arabes, Firmicus, et Pontanus et alij recentiores facilitati studentes, agunt uelut si quis uolens domum edificare, omnia tigna in uno loco per ordinem disponat, alio tabulas omnes, alio totam calcem, alio sabulum, alio lapides, et alio clauos et uincula ferrea, alio tegulas, tunc is uidebitur sanè pulchram rem fecisse, et ordinem seruasse, ille tamen ad domum edificandam nihil prorsus. Ita qui describunt, Saturnus in tali loco hoc significat, et Iupiter hoc aliud, nihil ad prædictionem conferunt, sed omnia sunt uana: Sed oportet scire radicem commiſſionis omnium, tempus, modum, ordinem, locum: ita oportet scire commiscere significata in singulis. Saturnus enim in Ariete in ascendente quadoq; significabit statum corporis, quandoq; animi mores, et quandoq; uite spatium, quandoq; fortunam, quandoq; amicos, statum uxoris, dignitatis, filiorum, qualitatem mortis, peregrinationes, &c. Et si quis dixerit, ego ordinavi tabulas inter se, et clauos, ac uestes, lapides et reliqua, et non facta est domus, igitur ars construende domus nulla est: nonne prorsus ridebitur, non solum ab edificatore, sed etiam ab ipso uulgo. Ita si tu dicas Libri Astrologorum passim

passim mentiuntur dicentes, quod si Saturnus fuerit aut Iu-
piter in tali signo, aspectu, domo &c. nato talia uel talia con-
tingent, cum quandoque contingant, quandoque non, igitur
ars predicendi per astra uana est? Nonne & tu dignus es ri-
su, sicut & prior?

At dices, hæc uia est ualde difficilis. Quid miraris ô bone uir?
hic est enim liber Dei Optimi Maximiq; scilicet cœlum: Et est
sicut liber minutissimis scriptus literis, in quo aliqui aliqua le-
gunt, ut Ptolemæus et nos, qui illum interpretati sumus ad un-
guē, ne uel una syllaba præterita, aliqui parū ualde, alij etiā
minus, quidā minimū, et plurimi nihil: Vel quia seducuntur stu-
dio desiderij, uel quia non sunt periti in philosophia, uel quia
carēt iudicio profundo, uel quia nō sciunt principia theoricæ
astrologiæ, motus, & magnitudines, situm &c. uel quia non
sunt studiosi in hoc libro, quantum oportet, uel quia non ple-
nè illi adhibēt fidē, aut quia decepti sunt à genitura falsa, aut
quia etiam in uera non omnia contingunt, sicut prædiceba-
tur. Quia, ut bene dixit Auerroës, contingunt monstra in o-
mni arte, uel quia non sunt experti longa exercitatione circa
minutiora & propria suæ regioni. Quæ cum parua sint, ui-
dentur tamen hominem in magnos errores inducere. Cum hîc
tradantur solū generalia omnibus regionibus. Persea uene-
num est in propria regione, in Aegypto suauis est, et tutò man-
ditur. Ita una stella oriens Mediolani ex inerrantibus habebit
effectum quendam mirabilem, quem non habebit, dum oritur
in Germania. Vel quia non exquisitè supputare norunt, aut
utuntur instrumētis non exactis, uel carent illis. Ergo ho-
rum necessariorum, quæ sunt nouem, nihil deesse oportet.

Vt autem unum pro omnibus sufficiat exemplum, dixit
Pontanus Firmicum sequutus, Grammaticus Grammaticum,
& imperitus artis imperitiorem: Dominus genituræ est do-
minus signi succedentis loco Lunæ seu signo, in quo Luna est
dum

dum homo nascitur. Quod ita per absurdum est (licet conetur friuola transplantationis similitudine, confirmare) ut nihil possit esse absurdius. Et quanuis uideatur habere quædam Ptolemæi dicta, ut in Capite de Particulari tempestatum consideratione, ubi dicit obseruandum esse tempus post tres dies: Videtur enim innuere, quod Luna tunc sit in sequenti signo: Et in capite de forma nati, ubi dicit succedentes orientali parti, et etiā Lunæ erroneas obseruando: Et in capite de amicis, ubi docet obseruandum signum sequens. Sed hæc omnia nos exposuimus, quomodo sint intelligenda, et quod ad Lunæ signum sequens non pertinent. Ostendo igitur, quod opinio illa est falsa, mala, impudens. Nam cum homo habeat mutationem manifestā in ortu, oportet, ut uis sit in signo in quo est Luna, aliter esset principium à tempore, in quo non est aliqua mutatio. Deinde non conuenit, quod Luna faciat duos oppositos effectus: ut mihi, cui Luna est in Piscibus, huic succedit Aries contrariæ naturæ, comparatione dominorum. Et ille, cui Luna est in Geminis, signo calido, humido, humano, inde succedit Cancer, signum mutum, siccum, et ab humanitate alienum. Et ego essem naturæ Martis, cum nihil minus. Ita uerò est, quia Luna est in trigono Martis et in eius quadrato. Ad eò quod si regula illa esset uera, necessarium foret, ut essem totus ex natura Martis. Rursus uis illa in genitura est actu uel potentia: Si actu, esset Luna in signo sequenti: si potentia, magis esset concors quodlibet signum cum sequente, quàm cum tertio, uel quinto signo, uel quarto, uel septimo. Quod est contra omnem rationem naturalem.

Itaq; ob talia reiiciemus omnino librum centiloquij attributum falsò Ptolemæo, cum dissideat ad eò ab illius sententia, ut nihil magis. Primum facit scientiam naturalem sortilegam, dum interrogationibus subscribit. Deinde regulas facit abolutas, quas omnino uitat Ptolemæus. Et est, ac si faceret tabulas

bulas simplices pro motu Planetarum, cum necesse sit illum haberi ex medio motu, et equatione, quæ prouenit iuxta quantitatem uocati centri, eò quòd ad illud omnia referuntur. Et etiam quia sumitur ex Apogeo, ut circulus ex centro: & Apogæum etiam uariatur. Præterea, habet singularia multa repugnantia his, quæ dixit in his libris, imò ferè omnia. Ideò manifestū est, quòd liber non est Ptolemæi, sed alicuius, qui quæ fuit lucrum esurientibus Astrologis, cum infamia & ruina totius artis. Repugnat legi Christianæ, repugnat bonis moribus, nihil habet conueniens cum doctrina Ptolemæi. Et quid mea retulisset, si fuisset utilis arti saltem, quannuis etiam non fuisset Ptolemæi: quin illam exposuissem, cum uix sit 18. pars huius libri. Quare dico cauendam esse ab omnibus alijs libris, nisi quis uelit legere Commentaria Haly, & Firmicum ob linguæ candorem, & memoriam uetustatis. Sed tamen nunquam recedat ab hac profunditate sententiæ Ptolemæi: aliter seipsum & totam artem uituperabit.

Vt uerò ad rem de morte reuertar: qui moriuntur ex morbo cōtracto ex casu equi, ut Galeaz Capra, & qui ex timore & similibus causis, habent maleficas, ut in morte uiolenti dominantes succedenti loco, aut aspicientes &c. Sed procul: ideò talis mors est media inter naturalem & uiolentam. Qui etiam moriuntur ex Medici errore, moriuntur ex occulta uiolenta morte, & ideò absq; luminarium testimonio: Cognoscitur mors naturalis, & quæ ab interemptorio loco solū proccedit, quia tales subito prostrantur, nec uidetur aliquid prodesse, sed rectà ad mortem tendunt. Vbi quandam uideris luctam, tunc est ex genere uiolentæ mortis, uel propter errorem ægri, uel Medici, uel astantium, uel epotum uenenum, uel timorem magnum conceptum, uel collisionem, & talia. Hi igitur, qui quasi recta moriuntur, & cadit uirtus statim, & nullum auxilium inuat, & subito grauantur, sunt quibus

Apheta

Apheta est debilis, & in loco alieno à natura sua, absq; testimonio benefica uel malefica in loco interceptorio, sed solum succedit aut antecedit. Si uero Apheta ualidus fuerit, aut succersit malefica cōtrariae qualitatis, fit mors difficilis uel uiolata.

Si uero luminaria testificentur absque maleficis loco qualitatis mortis, erit mors splendida, naturalis. Naturalis igitur quies & splendida habes duo exempla pulcherrima ab Erasmo, in dialogo cui titulus est, Funus.

Caput undecimum.

TEXTVS LXXV.

De temporum diuisione.



Narrata à nobis summam in singulis generibus cōtemplandi ratione ad eas usq; tantum, quæ sicut in initio proposuimus, uniuersalium partium sunt tractationes: reliquum sanè fuerit ad eundem modum, quæ etiam in temporibus distinguendis videre oportet, adijcere, idq; & naturæ consentaneæ, & nostræ particulari, quam proposuimus, explicationi.

Hoc caput est perfectio artis, & utilissima ac præstantissima totius operis pars. Si enim cognouero me futurum diuitem, inde pauperem, hoc est infelicißimum: Si post paupertatem, diuitem, felicißimum: si semper diuitem, mediocre, igitur cognoscere me futurum diuitem, nihil est, nisi cognoscam tempus quando ero. Et ita de morte atque alijs. In eo igitur declarat primum unum generale, quod est.

TEXTVS LXXVI.

Omnino igitur in uniuersis geniturarū capitibus propositum nobis est prius quoddam

&

& antiquius, veluti Fatum, aut ipsi regioni peculiarare, cui reliqua, quæ in genituris singulatim explorantur, subiacere oportet: quemadmodum quæ ad corporis formam & animorum constitutiones attinent, morum item & consuetudinum dissidentia. Itaq; par est naturæ obsequentem iudicem primas ubiq; potiorēq; causas comprehendere, ut ne quemadmodum in genituris præfari solent Aethiopem, verbi gratia, candidum aut leuibus capillis: Germanum verò aut Gallum nigrum faciat & crispum. Aut hos quidem mites & literarum artiumve studiosos, Græcos verò immanes & ineruditos, ne contra mores ac leges Italo decernat sororis matrimonium, cum hoc apud Aegyptios, aut Aegyptio matris, cum apud Persas fas sit. Prorsus igitur primò ponere oportet vniuersalis Fati rationem, deinde singula aucta, minutave accommodare.

Quod proposuerat in præcedenti textu, nunc docet, scilicet ut naturæ rerum, id est, rebus ipsis, quæ natura constant, consuetudine, legibus, accommodata doceat. Simul etiam particulari rerum explicationi, id est, ut hoc caput omnibus alijs inseruiat. Doceatq; quando uxorem ducet, quando amicitias iniet, quando suscipiet filios, itinera aget, atq; ita de alijs omnibus. Quare hoc agat, est manifestum, docuimusq; antea. Sed cur cōsentanea naturæ uidetur frustra repetere: nam hoc superius in primo libro declarauit. Nec decet in tanta bre- Tex. 17
uitate præter solitū quicquam repetere. Id igitur non solum utiliter, sed etiam necessario factum est. Cum enim singularia

non sint nisi moderatio generalium, ut uisum est, ita dicit diuisiones temporum polliceri nequeunt, quod in genesi non promittitur. Hoc docuit, quia plerumque necessarium esset in multis annorum circuitibus & multis genituris quaedam magnifica contingere, quibus elati magna predicamus, quae tamen non euenient. Monet igitur nos omnia tam mala, quam bona ad genesin esse referenda. Cuius exemplum praclarum habebis in nostra genesi, ubi directiones et reuolutiones egregiae admodum, quod in alijs maximè decreuissent, mihi etiā maximè pro geniturae qualitate praestiterunt. Ita contraria ratione in magnifica genesi aut infelicissima, minima quaeque magnos effectus, iuxta rationem geniturae, pariunt. Secunda causa est propter superuenientes constitutiones generales belli, pestis, naufragij; in quibus homo malum experietur, quo tempore bonum expectabat, iuxta diuisionem temporum. Tertiam causam (quia alias duas superius explicauerat in secundo & tertio libro) subnectit.

THEXTVS OTOLXXVII.

Ita quoque in temporibus partiendis attatum, in unoquoque decreto quid cuique conueniat, prima ratio habenda est, ne ex vulgari, & simplici exploratione per inscitiam predicamus pueros nuptias, virileve operationes & decrepito seni liberorum procreationem, aut hisce iuueniliora. Sed in uniuersum, quae de temporum partitione tradentur, prout aetas postulare videbitur, interpretabimur.

Hac est tertia causa erroris, quam ponit Ptolemæus, & est propria diuisionibus temporum, ut non predicemus nisi consentanea aetatibus. Ergo in uniuersum tribus modis in diuisionibus temporum aberramus iudicando, uel quādo res non conuenit aetati, uel geniturae, uel casui seu generali constellationi. In omni

omnibus tamen cum fuerit significatum hoc ualde potens, eueniet aliquid aut umbra talis rei, adeo quod in quibusdam casibus cum reuolutiones bonae multa sibi succedunt, & inuicem consentientes, in rebus fortunae multum faciunt, ut in diuitijs, honoribus, & amicis. In ledendo etiam bonam ualitudinem: non tamen possunt in rebus animi, uel corporis magnam mutationem facere.

Quod si res non bene cedant (Inquit Haly) cum illud prauidetis ex syderibus, poteris equius tolerare, & promissa etiam augere: & ita in utroque casu non parum iuuat praescire futura, quo tempore uentura sint. Et quicumque dicit, magis est studiosus ueritatis, quam diuitiarum aut honoris, poterit magnum fructum ex tali scientia colligere, & etiam res in melius mutare.

In uniuersum igitur oportet considerare constitutiones generales, ueluti si quis iturus sit ad bellum ex diuisione: & bellum futurum sit exitiale ualde, ex minima occasione iudicabimus, quod morietur in illa expeditioe. Et similiter transitori, gratia exempli, ex Gallia in Angliam tempore tempestatis suffocantur ob tempestatem, quae est generalis clades in certa parte maris, si plures naues submergantur. Et quae euadunt, euadunt ob constitutionem nauis, & naucleri bonam. Sed si contingat casu illam nauim tantum perire multis euadentibus, tunc hoc erit ex praua constitutione nauis, & gubernatoris eius, non ex calamitate uniuersali.

TEXTVS LXXVIII.

Est enim accessus vnus, idemque in omnibus ad ea, quae pro temporis vicissitudine vniuscuiusque naturae humanae conueniunt, qui ex similitudine & ordine accipitur septem stellarum errantium, initio sumpto à prima aetate,

DD

& à

& à vicinissimo nobis orbe, nimirū Luna, vt extrema in vltimum desinant, quem Saturni nominamus. Ac re vera naturam respondentis sibi erronis, affectionemq; vnaquæq; ætas refert, quæ obseruare conuenit, vt inde summariam temporum constitutionem colligamus, ac singularia deinceps discrimina ex geniturarum peculiaribus decretis, inueniamus.

Quatuor diuisiones temporis uita humane in hoc capite proponit: primam in septem ætates quæ in presenti textu initium habet. Secundam per directiones, quæ sit in partibus finibus correspondentes, cuius initium est ibi (Sint igitur) Tertia per annos & menses, ac dies, ex signorum commutationibus ibi (Annuos uerò reiicientes) Quarta in partes instabiles magnitudine, & initio per ingressus Planetarum in præcipua loca: Eius initium est ibi (Respicendum etiam)

Dicit igitur pro hac prima parte, quod diuisio per septem ætates in omnibus hominibus est eadem ad unguem, nec penes illam inter homines est aliquod discrimen: omnibus enim hominibus primi quatuor anni Luna dedicantur, & decem proximi sequentes Mercurio, & octo succedentes Venæ. Et ita de alijs. Deinde dicit, quod seruetur ordo in astris qui & in ætatibus, quia primò occurrit Luna, inde Mercurius, post Venus, Sol, Mars, Iupiter, Saturnus. Deum adiungit, quod unaquæq; ætas habet convenientia Planeta dominantis: ut primi quatuor anni Lunæ significata retineant, abundantiam humidi, subita incrementa, uariam & inconstantem ualitudinē, & ita de reliquis Planetis ætates gubernantibus.

In quolibet igitur Planeta ætatem gubernantes, illa duo ultima explicat, scilicet, quod ordo eius est ascendendo, uelut ordo ætatis sibi correspondentis. Et quod natura ætatis conueniē

venit nature Planeta ætatem gubernantis. Additur ultimò
causa numeri annorum. Scilicet, cur Luna regat quatuor an-
nis, Mercurius decem, Venus octo. Et ita de alijs. Et semper
hac causa sumitur à tempore motus Planetae, uel in paruo
circulo, uel in eccentrico, uel in elongatione à Luna. Et inquit:

T E X T V S L X X I X.

Nam ad primores ferè quatuor annos pro
sui quadriennij numero, infantilem ætatem
Luna gubernans efficit in illa corpusculi hu-
miditatem & imbecillitatem, itémq; subita in-
crementa, alimoniae liquiditatem, valetudinis
inconstantiam, & in mente inchoata, & ine-
mendata omnia, quæ singula respondent ijs,
quæ Lunares effectiões censentur.

Proximum decennium, quo puerilis ætas
comprehenditur, moderatur qui proximum
Lunæ orbem obtinet, Mercurius, pro viginti
annorum suorum dimidiato numero, incipit
animum ad intelligentiã, rationemq; compo-
nere, ac veluti fingere, disciplinarumq; semina
& elementa inferere, morũ studiorumq; pecu-
liares conditiones patefacere, animosq; doctri-
na & institutione primisq; exercitijs excitare.

Veneris verò stella adolescentem tertiãq;
ætatem sortita sequenti octennio, quod illi
iuxta circuitus sui spatium tribuitur, semina-
les meatus mouere incipit ac implere, & ad ve-
nereos cōgressus stimulare, quo maximè tem-
pore insania quadam & intemperantia agi-

D D 2 tantur,

tantur, miseróq; cupidine efferuescunt, & in errore ac cecitate apertis etiã oculis versantur.

Quartam ætatem & mediam iuuenilem videlicet gubernans, medij orbis dominus Sol, annis vnde uiginti, dominium suiq; iuris vsum animo concedit, rei etiam familiaris & existimationis cupiditatem inijcit, vt & vitæ suæ modum habere desyderet, & puerili vanitate & inconstantia, peccatisq; amotis, sese ad iuris, pudoris & honestatis amorem recipere.

Post Solem Mars virilem ætatem sibi vendicat, quintus scilicet, pro circuitus sui spatio annis quinq; & decem, hic vitæ tristitiam & malitiam adducit, curis ac doloribus animum simul & corpus afficit, sensum nimirum iam instillans & cogitationem ætatis deflorescentis, & instigans ad memorabile aliquod inceptorum operum ante obitum laboriosè perficiendum.

Iupiter deinceps senilem ætatem nactus, iuxta peculiarem circuitus rationē annis duo decim, laboriosum illud & turbulentum ac periculis expositum viuendí genus declinare paulatim iubet, & decentius, officiosius, quietiusq; capeffere. Amplius nihil præcipitanter agere, alios admonere, & consolari, honoris tunc maximè, & laudis, & liberalitatis studio, sus esse cum pudore & grauitate.

Extre

Extrema verò Saturni stella extremam & confectam aetatem sortita est, usque ad id, quod superest vitæ, cum refrixerint ac impeditæ sunt corporis animique motiones ac vires, & in concitatoribus cupiditatibus, & voluptatibus natura languida, nervis destituitur, vita iam conuulsa misera & infirma exposita offensis, & ad omnes morosa promotus ac virium ignauia.

Reuolutio Lune in paruo circulo completur in quatuor annis, & vocatur motus inæqualitatis, ut habetur in quarto Magnæ compositionis à Ptolemæo: Et non desunt nisi pars una, & 52 min. ad complementum integræ reuolutionis. Et est, quod si Luna sit nunc in summitate epicycli, hinc ad quatuor annos non deerit quippiam notatu dignum, quin sit in summitate epicycli: ideo anni Lune in aetatibus sunt quatuor & primi, quia ipsa est, quæ primò occurrit ascendenti ab elementis ad supremum cælum. Mercurius similiter (ut in nono Magnæ compositionis habetur) in annis 20 reuertitur ad eundem locum epicycli, ut non desit nisi pars una & min. sex ad perfectum circulum. Igitur anni inæqualitatis sunt 20. Sed quia est Planeta debilis ualdè, non regit nisi pro medietate, & sunt anni decem. Venus ut ibidem habetur, in octo annis reuertitur ad locum proprium, nec est differentia, nisi 12 minutorum in paruo circulo. Igitur quo ad motum inæqualitatis, res clara est in tribus inferioribus. Mars similiter, ut ibi habetur, in annis quindecim ad proprium locum in epicyclo reuertitur. Est tamen differentia partium 7 minutorum 7. Sed hæc in circulo signorum uix faciunt differentiam unius partis, plerunq; autem uix mediæ partis. In Ioue & Saturno

aliam rationem secutus est. In Ioue reuolutionem in circulo magno, quod sit Planeta potens, magnus ualde & tardus. In Saturno reliquū uite, quia licet regat solum triginta annos: nihilominus quicquid superest supra illos triginta annos adeo est mancum, & debile, ut ad uitandam confusionem, Saturno tribui possit. Maxime, quod rarissimi excedunt illos triginta annos, qui terminantur ad 98 uite nostræ. Et etiam quia actiones, quæ ultra id tempus contingunt, nullius sunt existimationis. Reliquum solum est, ut uideamus cur Sol habeat 19 annos? Et clarum est, quod nō possumus illi dare annos reditus in paruo circulo, cum illo careat. Nec in eccentrico, essent enim uel unus, uel quatuor, quod nō conuenit tam potēti Planetæ. Propterea dāmus illi annos comparationis ad Lunam, in 19 annis enim Luna uidetur ad idem redire fermè & in circulo signorum, & in comparatione ad Solem: ita quod si hoc anno in calendis Iunij sit, Luna in 28 parte Aquarij, & distet à Sole secundum ordinem signorum partibus 248. In calendis Iunij 1572 erit & in calendis Iunij 1534 propè fuit hunc locum & distantiam à Sole. Quia igitur Sol cum nullo Planeta magis communicat, quam cum Luna, dederunt illi annos reditus eius in comparatione ad Lunam.

Et in his omnibus mens Ptolemæi est, D 4
 quod quo ad ætates cum sit quasi uis epi- ♀ 14
 cycli aut eccentrici, non astri, parum aut ♂ 22
 nihil refert, quod hi Planetae sint bene ☉ 41
 uel malè dispositi. Ita quod ego, qui ha- ☿ 56
 beo feliciter positum Iouem, & malè po- ♂ 68
 sitam Lunam, non propter hoc est necesse ut anni qui erunt à 56 ad 68 qui sunt sub Ioue, sint meliores annis quatuor primis, qui fuerunt Lunæ. Hoc autem in præcedenti textu docuit. Nihil igitur superest pro huius textus explicatione, quam ut annos hos in tabula à latere colloce-
 mus

mus similia speranda in ætatibus, qualia à Planetis eas discernentibus: Veluti in senio morbos longos.

T E X T V S

L X X X.

Sint igitur hæ temporum singulares inclinationes iuxta naturæ generalem & communem statum in hunc modum expostæ: particulares verò ex genitura inquisitiones, quemadmodum prius proposuimus, iterum ac summam à præcipuis progressionibus constituemus, idque ab omnibus, non veluti in vitæ spatio perquirendo ab vna tantum, sed ab horoscopo pro his, quæ corpori eueniunt, & peregrinationibus, à fortune forte progressionibus, à Luna, pro animi morbis & coniugio, à Sole pro dignitate & gloria. À cœli fastigio ad reliquas & partiliores vitæ rationes, nimirum actiones, amicitias, liberorum procreationes cognoscendas.

Hoc sanè pacto iisdem temporibus non idem erit beneficis horum dominus: cum multa ferè eueniant sub iisdem temporibus contraria, vt, si cui morte necessarij hæreditas accrescat, aut aliquis lecto decumbens dignitatem consequatur, & per motionem, aut priuatos liberos suscipiat, quæq; eiusmodi accidere solent.

Neq; enim eadem est ratio corporis & animi, fortunarū & dignitatis, & familiarū bonorum, aut malorū, vt necesse sit ex omni parte

D D 4 felicem

felicem aliquem aut infelicem esse. Sed acciderit fortasse & illud: quo tempore planè beati aut calamitosi sumus, quando in omnibus aut pluribus Apheticis moderationibus conueniunt occurrationes beneficorum omnino, aut contrà maleficorum, id quod rarò vsu venit propter humanæ naturæ imbecillitatem ad extrema vtraque perferenda: quam ita comparatam esse apparet, vt temperaturam postulet bonorum & malorum. Loca igitur Aphetica ad hūc modum discernimus.

Sol significat gloriam & dignitates, ut magistratus, & reliqua.

Luna uerò animam, & illius conditiones, ac uxores.

Ascendens, corpus & quæ cum corpore fiunt, ueluti peregrinationes.

Sors diuitias cuiuscunque generis.

Cœli Medium, filios, actiones, & amicitias.

De omnibus clarum est, quia sunt propria significata, nisi de peregrinationibus ab ascendente, et de amicis à cœli Medio. Nam, ut uisum est, ista uidentur ab alijs significari, ut à Sole, Luna, Sortēq; Respondeo, quòd aliud est subiectum in peregrinatione & est ascendens, aliud causa & sunt Sol, Luna, Mars &c. Cum igitur per directiones subiectum cause iungitur, sequetur effectus. De cœli Medio dico quòd amici non sunt amici homini sed fortuna & dignitati plerunque. Propterea sumit illos à cœli Medio. Qui tamen sunt ab ascendente, id est, uoluptatis causa debent etiam ab ascendente sumi. Præterea in capite proprio sumit amicos, & inimicos ex comparatione geniturarum inuicem, sed hic sumit tempus solum à genitura nati.

Circa

Circa peregrinationes, Haly aliā reddebat causam, dicens, quòd sumuntur ab angulo occidentis, quia uerò occidentis descensiones sunt æquales ascendentis ascensionibus, ideò dixit ab ascendente sumi debere peregrinationis tempora. Atq; ex hoc infert non solum hæc quinque loca debere dirigi, sed singularum domorum initia, & loca omnium Planetarum. Sed in hoc non est sequutus Ptolemæum, qui tantum hæc quinque loca dirigenda consulit, & meritò. Nam hæc sunt subiecta omnium bonorum et partium domus. Bona enim quadam animi, quadam corporis, alia fortune. Bona animi, à Luna decernuntur, corporis autem ab ascendente: Fortune principalissima à Sole gloria & dignitates, mediocria à Sorte, minima à cœli Medio. Rursus coniunctorum, ut filiorum, & uxoris, à cœli Medio, & à Luna. Igitur cum nihil deficiat, sufficiet hæc loca direxisse. Quòd si dicas adesse præterea parètes, seruos, fratres qui non continentur sub his, respondeo, quòd uel uis quærere de statu illorum, & in hoc Ptolemæus iubet te erigere figuram priusquam dirigas, et tunc diriges etiam in illis ascendens Solem, Lunam, Sortem & Medium cœli: Vel uis quærere, an habebit: ut in filiis & sufficiet absque directionibus quærere significata in capitibus proprijs, ut superius te docuit Ptolemæus. Ex quo patet, quòd quando dirigit cœli Medium pro filiis, solum dirigit ad sciendum quo tempore filios habebit, non pro statu filiorum dignoscendo.

Præterea illa ratio septimi loci non conueniret cœli fastigio pro amicis. Sed causa erroris fuit, quia non discernunt subiectū à forma et causa. Causa enim possunt esse plures, & omnes Planetae diuersorū effectuum, subiecta tamē nō possunt esse nisi hæc quinque, quæ causis illis occurrere per directiones solet.

Quod autem dixit (hoc sanè pacto) intelligit, quòd quinque positis subiectis non est necesse, ut omnium euentuum sit unus dominus. Sed idem poterit esse felix eodem tempore in

coniugio, & infelix in filio: Vt legitur de Catilina, qui ut habetur, uxorem diuitem, ueneno proprium filium sustulit. Et ita eadem domus fuit funesta morte filij, & lata tædis coniugalibus. Hoc etiam eò magis, quòd causæ & promissores respectu eiusdem subiecti possunt esse plures: Vt in Luna pro anima quæremus dominos loci: Et pro coniugio Planetas ad quos uadit. In animæ qualitativibus habitum eius cum ascendente & Mercurio in coniugio cum Venere: Et ita de alijs.

Subiungit ultimò, naturam humanam non posse perferre nec multa mala simul ingruentia, nec multa bona: Innuens hunc ordinem, quem tradidit ordini rerum congruere: Vt in uniuersum regulam generalem tradendi artem ostenderit, scilicet congruentem rebus ipsis & euentibus.

Notandum diligentissimè, quòd hæc sunt significata perpetua horum quinque locorum principalium. Sunt præterea alia ut significatorum uelut uitiorum aut morborum, quia omne tale ab initio per directionem ad actum peruenit. Velut si Luna à Marte obsessa cum stella nebulosa, significat cecitatem ab ortu, per directionem Lune sic dispositæ Mars occurrens cecitatem ex eo tempore, usque ad uitæ finem producet. Quòd uerò ita sit liquet, nam in capite de uita, cum Apheta, inquit, occurrerit maleficis, & non consenserint Planetarum reuolutiones, aut non omnino fuerint ualidi Anareta, morbi magni significantur. At constat non semper ascendens aphetam esse, imò rarius. Igitur uult singula quæ significant generaliter in natiuitate directa propriè super illud significare: Et hoc est quod innuit superius per ea uerba: Prorsus igitur proponere oportet uniuersalis Fati rationem, deinde singula &c. Et ibi: Primas ubique potioresque causas.

TEXTVS LXXXI.

Occursantes verò nō solū interemptores,
quem

quemadmodum ubi de vitæ spatio quæritur, sed vniterfos accipere oportet, atq; ita nō corpore tantū aut radijs oppositis quadrāgularibusve obuiantes, verū etiā trinis ac sextilibus.

Hoc est secundum, quod docet, scilicet post subiecta quæ sunt quinque promissores. Hi sunt, dicit, qui occurrunt corpore aut radijs quibuslibet. Sed nota, quod ex his quidā sunt principales, et sunt, qui ab initio conueniunt cum loco, qui diriguntur, uelut Mercurius cum Luna in causa qualitatum animæ, similiter domini loci. Similiter, qui locū aspiciunt aliquo radio, uel sunt in intuentibus, uel obedientibus aut imperantibus. Non principales sunt qui occurrunt, sed ab initio nihil habent commune. Dicit autem suscipiendos in alijs causis à uita omnes etiam, qui amici sunt. Nam in uita tametsi aliquid iuuent beneficæ occurrentes, nihilominus non sunt dignæ consideratione, nisi quæ interficiunt, pro metienda uitæ longitudine. Ideò in alijs causis omnes occurrentes consideramus. Circa hoc notandum est, quod sunt tria genera subiectorum seu significatorum, secundum naturam, ut horoscopus corporis, Sol dignitatis, quædam electionis, & sunt Apheta, qui semper sunt unus ex quinque: sed uariantur iuxta potestatem maiorem aut minorem. Nam Luna in 11 loco Apheta est. Si tamen Sol in 10 definit esse Apheta: quædam uerò per commutationem, uelut Saturnus in nocturna genitura, dum ponitur in ascendente in figura patris, sit Apheta.

Mota tamen erat difficultas de Mercurio, qui cum significet rationalem animam, deberet esse unus ex significatoribus, & ita essent sex? Respondeo, quod effectus Mercurij in mutationibus temporum non sunt euidentes, nisi cum homo insanit. Hoc autem rarò contingit, & rariùs sine detrimento Lunæ: Ideò est prætermissus à Ptolemaeo. Si tamen quis
uelit

uelit illum dirigere, non prohibetur. De cæteris, quod non possint esse significatores, nisi ut dictum est in erectione nouæ figuræ, quæ à priori extracta sit, satis abundè docuimus, & causam etiam, cur non possint esse, adiecit.

TEXTVS LXXXII.

Ac primum sanè tempus in singulis moderationibus illi dabitur, qui Apheticum locum corpore occupat, vel radijs. Quod si nullus fuerit; asciscemus proximè antecedentè eum usque, qui proximè succedentem aspicit partem, deinde hoc vtemur usque ad proximum, atque in alijs similiter, assumentes in gubernandi communicationem terminorum domi nos Planetas. Atque iterum partibus interiectis annos tribuimus secundum eam, quæ ab ascendente sumitur moderationem, tot videlicet quot sunt eius regionis ascensionum tempora. A cœli Medio, quot sunt tempora cœli culminationum, à reliquis verò quod ratione propinquitatis ad angulos, ascensionum aut descensionum, culminationumve tempora accipimus: sicut cùm de vitæ spatio ageremus, definiuimus. Hunc igitur ad modum generales temporum arbitros creabimus.

Tria in presenti textu docet. Primum, quisnam sit promissor seu dispositor cuiusque partis, ab Aphetæ, incipientis (Nunc Aphetam uocat quemcunque significatorem ex illis quinque

quinq; ab α pheticis, quæ est dimissio) Et dicit, si in loco Aphetæ sit Planeta uel radius Planetæ, ille erit promissor, largitor, & dominus eorū, quæ ab illa parte decernuntur. Si non sit ibi Planeta aliquis nec radius, accipies eum Planetam, qui ante eum locum est, uel cuius radij ante sunt. Exemplum, mihi oritur septima pars Tauri, ubi nullus est Planeta nec radius, ante tamen, id est in quarta parte Tauri est Iupiter, idè dico, quod Iupiter gubernat uitam à septima parte Tauri usq; ad duodecimam, ubi sunt radij sextiles Lunæ. Postmodum ab ea parte, usq; in finem Tauri, cum nullus Planeta succedat nec radius, gubernet Luna. Quod si nullus Planeta nec radius sit ante locum Apheticum, gubernabit solus dominus finis, ut postea docebimus. Quod si rursus sint duo Planetae ante, uel radij duo, uel Planeta unus, & radius alterius, tunc proximiorẽ Aphetæ pro gubernatore eligemus. Quod si ambo sit in eodem gradu, eligemus utrunq; prælato tamen eo, qui corpore ibi præsens est ei, qui radios mittit. Radiorum quoq; diuersitatem inspicere oportet, & naturæ similitudinem aut repugnantiam. Maleficus enim & naturæ loci repugnans, & ex aduerso positus gubernabit quidem, sed ut tyrannus, & dominus iniquus. Contra beneficis & loco congruens, & corpore præsens, aut radijs amicis locum aspiciens, gubernabit ut Rex, ut pater. Quod si multum distet, qui succedit Planeta, ut in nostra genitura à sextilibus radijs Lunæ, qui in 12 partem perueniunt Tauri, usq; ad 12 Geminorum, ubi est corpus Martis, & rursus radij Lunæ quadrati intercedunt partes 30 aut saltem 29 usq; ad 11 Geminorum, ubi cadunt radij trigoni Solis, tunc Luna nihilominus gubernabit omnes illos gradus, usque ad 11 Geminorum: ubi tunc Luna desinente, Sol gubernabit, inde paulò post Mars, & paulò post Martis gubernationi Luna commiscebitur, quia radij illius trigoni Martis corpori succedunt. Sed, ut dixi, quia

in eodem gradu sunt, & corpus ualidius est radio, miscebitur Martis & Luna gubernationem simul, donec ad corpus Saturni directio peruenerit. Interim autem gubernatio Martis & Luna, Solis, aliquid commiscebitur propter magnam Solarium radiorum propinquitatem. A duodecima igitur Tauri parte ad 11 Geminorum, ut dixi, gubernabit Luna: sed uariè eas partes. Nam à duodecima Tauri usq; ad 24. plus poterit Luna, quàm dominus finis, quia tanta est magnitudo Lunaris luminis, & quantò plenior fuerit, eò maior. A 24. in finē Tauri cum Luna in Tauro altitudinē habeat, æquales ferè erunt uires Luna cum domino finis illius partis. Ab initio autem Geminorum ad 11 illius partem propter longinquitatem radiorum sextilium, & mutationem signi, ubi Luna nullam habet potestatem, finis dominus maiorem habebit uim, quàm Luna. Ita hoc exemplo reliqua intelliges.

Secundum est, quòd dominus finis semper debet assumi, ut socius cum gubernatore, qui corpore uel radijs dominationem suscepit. Ratio quare non dominum domus, aut altitudinis aut trigoni accipiat, sed solius finis, clara est, quia oportet naturam dominij congruere naturæ rei & temporis. cum igitur tempus diuidatur in minutiores partes, congruunt his domini finium non alij. Tertium est, quod docet quantum temporis his partibus correspondeat. Et dicit tantum, quantum sunt ascensiones propriæ illius loci sumptæ iuxta modum declaratum in capite de uita. Circa quod notandum est, quòd licet gubernator sit ante Aphetam, utpote in octaua genitura, Iupiter ante ascendens, tamen directio debet inchoari à loco Aphetæ, & non à loco gubernatoris. Et ita dabimus primum annum septimæ parti Tauri, ubi est horoscopus, & non quartæ, ubi est Iupiter, qui est gubernator. Quòd si quis dicat, cur est quòd pleraq; tamen ex his ante tempus adueniunt, ut etiam antenouilunium mor-

tes agrorum & pluuia, & ita de alijs? Causa est quintuplex: prima, quia subiectum est quandoq; ita preparatum ut effectus accadat ante perfectionem causa. Veluti quidam agri sunt ita debiles, ut non possint expectare perfectam Luna coniunctionem. Et aer est quandoq; ita humidus, ut ante coniunctionem perfectam pluatur. Ita dico de directionibus exitium aut felicitatem pollicentibus: quoniam quandoq; ante exitum occursum promissoris perficiuntur. Secunda causa est robur maximum quandoq; directionis uel coniunctionis: Ut de igne magno, qui etiam accendit ea, quae procul sunt, nec ipsum tangunt. Tertia est societas aliarum coniunctionum, uel occursum, uel ingressum, atq; aliarum causarum quae effectum ante tempus accelerant. Quarta est media coniunctio & aduentus corporis Planetae ad locum ante centrum, uel luminis ante corpus. Quinta est constitutio generalis superius dicta. Veluti Planeta uelox natura, motu auctus, orientalis à Sole, & in mundo. Contrarijs ad unguem causis, effectus post directionem differuntur.

TEXTVS LXXXIII.

Annos verò reijcientes annorum multitudinem ab ineunte aetate à singulis Apheticis locis iuxta ordinem signorum singulorum eum assumentes, qui signo dominatur, in quo substitueremus. Id ipsum in mensibus praestabimus abijcientes iterum à mense natali praetoriorum mensium numerum à locis annui dominij secundum ordinem signorum, dies viginti octo. Ita dies etiam à natali abijciemus à mensuris locis pro vno signo dies duos & trientem.

Hac est tertia temporum diuisio in annos & annorum partes,

tes, quam ponit Ptolemaeus capiēdo in singulis Apheticis primos triginta gradus, & eum, qui signo dominatur, faciemus dominum eius anni. Et si fuerint duo signa, iuxta partes eorum. Gratia exempli, horoscopus est mihi 7 pars Tauri, primus annus habebit à 7 parte Tauri ad 7 Geminorum. Et ita primis 9 mensibus & 18 diebus prærunt Luna et Venus pro partibus 24 Tauri, residuū anni gubernabit Mercurius pro sex partibus initij Geminorū. Sequenti anno gubernabit Mercurius menses nouem, dies 18, reliquum Luna cum Ioue. Tercio anno Iupiter & Luna menses 9 dies 18, reliquū Sol: nam procedet à partibus 7 Cancrī ad 7 Leonis. Ita perfectis 12 signis 13 anno reuertetur res ad initium & Venerem cum Luna, & 7 partem Tauri usq; ad 7 Geminorum: & hic circuitus durat usque in finem uitæ, ex singulis quinque Aphetis.

Similiter ab eodem principio anni dicamus gratia exempli quinquagesimiprimi nostri incipientis, cum profectio peruenisset ad 7 partem Cancrī, diuidit totum annum in 13 partes æquales, quibus præficit totidem signa, & dominos: & hoc, ut procedendo 13 signis sequenti anno peruenitur ad signum sequens tam in anno, quam mense. Exemplum, ut dixi, anni quinquagesimiprimi signum annuum est Cancer, idem est signum primi mensis, Leo secundi, Virgo tertij, Libra quarti, Scorpīo quinti, Sagittarius sexti, Capricornus septimi, Aquarius octauī, Pisces noni, Aries decimi, Taurus undecimi, Gemini duodecimi, Cancer tertijdecimi, Leo quartijdecimi, qui & initium est sequentis anni. Et ita uides mensuram processionem ex uno in aliud signum detulisse annum dominatum per unum signum. Cum ergo diuidatur annus in 13 menses, fit, ut unus mensis dies contineat 28, & horas duas, & minuta 17. Sed Ptolemaeus prætermittit horas, & minuta, quia parum erroris adducere poterant: & etiam quia facile occurrerant construenti tabulas. Eadem

ratione

ratione diuidendo mensem dierum 28 per 13 partes, prodeunt dies duo, & sextans, ferme. Sed textus dicit, triens, non sextans. Græcus codex habet ἡμιον quod est dimidium, & non trientem, aut sextantem. Haly uidit hunc errorem & putat legendum sextantem. Si sequamur eum, qui uertit esset ut 28 dies diuiderentur per duodecim signa tantum, & ita exirent dies duo cum triente. Tertia opinio est, quod diuisio per menses fit in 12 & totidem signa, & tunc prodibunt 30 dies pro mense. Et rursus mensis per 12 signa diuisus habebit dies duos, & dimidium, ut Græca litera habet. Ita oporteret à textu Ptolemæi abijcere illa uerba (Dies uigintiocto) & forsân sunt additi ab aliquo, qui suo modo illum interpretatus est. Hoc igitur habet difficultatis tertia expositio. Secunda uerò non seruat eundem ordinem, quia ex signorum mensium ordine constat ordo signorum annuorum: Sed non ex ordine signorum dierum constabit ordo signorum menstruorum. In prima oporteret pro ἡμιον legere ἑξτημόσιον quod est sextans, at hoc multum differt. Similis dubitatio emergit, cur reuolutiones annorum in his non potius secutus sit, quæ sunt iuxta ordinem rerum ipsarum, & causarum, quàm hos processus. Ideò dico, quod fuerunt tres causæ huius, prima quia iste debuit assimilari directionibus, eò quod sit diuisionis temporum modus quidam: igitur etiam debuit fieri per processum, non per reuolutiones. Secunda, quia debuit hic processus esse equalis, ille uerò qui fit per reuolutiones, magnam recipit inæqualitatem, ideò non est conueniens. Nam propter ascensiones regionis ascendens quandoq; transibit ex Virgine solum in Libram, et quandoq; ex Aquario in Cancrum. Tertia, quia in his tribus diuisionibus temporum obseruat semper ordinem Planetarum, ut omnes Planetæ ad gubernationem aliquo modo assumantur. In prima diuisione per ætates secundum ordinem, quo mundum constituunt. In se-

cunda iuxta ordinem finium. Hic iuxta ordinem signorum. Si
 procederet per reuolutiones, nullus esset ordo in Planetis, sed
 idem Planeta sæpius, aliquis nunquā assumeretur in circuiti-
 bus duodecim annorum, & mensium, & in uno mense. Præ-
 terea, reuolutio fit cum motu, processus absq; motu. At Pto-
 lemaeus in uita non obseruat nisi duos motus. Primum, cum
 homo nascitur, & cōstituitur figura principalis, & secundæ
 superuenientē, de quo loquetur in quarta diuisione tempo-
 rum, igitur reuolutio non potest esse principalis causa diui-
 sionis temporum in tertio modo. Et si quis obijciat, ut ex no-
 stris libris editis olim exēpla, quibus confirmatur reuolutio-
 nes, respondeo si sanè intelligātur, illa pertinere ad quartam
 diuisionem, de qua in sequenti textu agitur. Ptolemaeus uerò
 adhuc duas alias diuisiones proposuit, secundā, et tertiā ultra
 illam & potentiores illa, igitur hæc uia est melior ut sequa-
 mur quadruplicem temporū diuisionem quam unā aut duas
 tantū, ut nos fecimus, dum scriberemus libros de iudicijs astro-
 rum. Et causa fuit, quod nos desperabamus ob expositorum
 inopiam, & difficultatē textus Ptolemæi, & confusionē ma-
 ximam in arte scribentium, assequi illius sententiā. Modò cum
 affecuti sinus eā auxilio diuino exactissimè, et præter omnem
 spem, eam tradimus etiam alijs perfectissimè. Et eò melius
 acquiescendū illi est, quod existimandū sit Ptolemæum, ut ipse
 testatus est superius, accepisse exēpla & opinionem hanc ab

Cap. 3.

Aegyptijs, qui, ut testatur Diodorus Siculus in secundo Re-
 rum antiquarū, ex peritia astrorum solebāt futura prædicere.
 Credendū etiam illa egregia Thrasybuli mathematici de Tibe-
 rio Sullæ eius filij, de Caligula, & Nerone, Aseletarionis de
 Domitiano et de seipso, non fuisse ignota Ptolemæo, uiro dili-
 gentissimo et locupletissimo. Quod si nota fuerūt, haud dubiè
 illorum uiam secutū esse necesse est, quæ adeò euidentibus præ-
 dictionibus fuerit cōfirmata. Quamobrè & illa hæc quā tra-
 dit

alio non aliena esse debet ab ea. Impudētis enim ac scelesti uiri
fuiſſet unū ſcire et aliud ſcribere. Quinimō etiā qui ſecuti et
egregias prædictiones ediderūt, ut de Gordiano Imperatore
neſcio quis, et de Iacobo Picinimo Frāciſcus Maria Ferrarien-
ſis, et de Paulo III Pōtiſice Maximo Paris Cereſarius Man-
tuanus, hanc uiam ſecuti ſunt, cū nulla alia eſſet in uſu ante
nos: & etiā Ptolemai, ut par eſt, ſtudioſi eſſent. Vnde conſtat
nos etiā his inniti debere, quæ hic ordine certo à Ptolemæo tra-
duntur. Illud intelligētes quòd poſt ſubiūget Ptolemæus, eo
ordine quo diuiſiones ponūtur, eo etiam robur ſignificatio-
num accipi debere. Ita ut certiſſima ſint, quæ dominis ætatum
decernuntur ſuis temporibus. Certa admodum etiam, quæ à
dominis directionum & ſiniū ſignificantur. Certa etiam, quæ
à dominis proceſſuum annualium, & menſium atq; dierum.
Demum minus firma quæ ab ingreſſibus Planetarum in loca
congruentia aut diſidentia promittuntur. Et tamen ea adeo
ualida eſſe, ut his ſolis nos confiſi, multas præclaras ad hanc
diem in genituris prædictiones ediderimus. Quid igitur Pto-
lemæum hac in parte ſequenti euenturum ſit, facilè intelligis.

Verū dices, Ptolemæus quidem has diuiſiones qualiter
fieri debeāt, edocuit; ſignificata quoq; primæ, quæ per ætates
ſit, tanquam manifeſtioris, & quibus minus opus eſſet ob fa-
cilitatem declarauit. Sed de his duabus, ſcilicet ſecunda, & ter-
tia diuiſione non eſt locutus. Reſpōdeo, quòd ex præcedenti-
bus cognoscuntur. Sunt autem quinque, ſi rectè colligantur, ex
quibus euentus dignoſcere licet. Primū eſt, quòd directio aut
proſectio perueniat ad beneficam, aut maleficam, aut me-
diam, & ſumitur hoc à natura Planete: quemadmodum in
uita, & in decretis generalibus malefica offendunt, benefica
iuuant: ita in proceſſibus & directionibus. Nō tamen directio
tantum, quantum generalis, & natalis conſtitutio, & mi-
nus proceſſus, quam directio. Secundum eſt conſtitutio Pla-

neta hora qua suscipit dominium, quod sit orientalis à Sole
 auctus lumine & motu, in suis dignitatibus bene configura-
 tus Lunæ & beneficis, hæc enim bonū, contraria malum signi-
 ficant. Tertium, quod Planeta qui dominium recipit in na-
 tali figura, sit amicus & propitius illi causæ, hoc enim bonū.
 Sicut, si sit dominus oppositi Aphetæ, aut oppositus domino
 Aphetæ malum. Quartum, quod talis dominus processus uel
 directionis hora genituræ fuerit felix aut infelix. Quintū &
 ultimum, quod obseruemus in toto decursu domini sui, cum
 occurreret beneficis, aut configurabitur Aphetæ natiuitatis,
 aut ipse erit potens, causa illa iuuabitur: cum fuerit in con-
 iunctis, debilitabitur: & similiter cum erit sub radijs Solis,
 aut retrocedet, aut oppressus à maleficis, aut cadens. Haly
 uerò credit, quod Ptolemæus spōte hæc occultauerit: Sed non
 solum inuidiosum est, uerū etiam stultum, tradere artem et
 illius præcipuam partem occultare. Deinde ea tradere, per
 quæ intelligantur scripta ab illo, & fiat quasi aliena laus.
 Circa hos tres modos diuisionis diligenter obseruandum, Pto-
 lemæum uitaſſe confusionem, & dominos processuum, & di-
 rectionum obseruasse, & non solum ipsa loca, & locū Aphe-
 ticum principalem hora genituræ. Exemplum, ut dixi, anno
 quinquagesimo secundo horoscopus peruenit ad Cancrum,
 Tauri pars septima est Aphetæ, & dominos cōsiderat septi-
 mæ partis, non Tauri, sed Cancri, Lunam & Iouem principa-
 liter: post dominos loci genituræ, id est, septimæ partis Tau-
 ri, et locum processus, id est, septimā partem Cancri. Ita ut in
 diuisionibus temporum seu per processus seu per directiones,
 cum sint quatuor, locus natalitius, dominus loci natalitij, lo-
 cus processus, dominus loci processus: primam authoritatem
 sortitur dominus loci processus, secundā locus natalitius, ter-
 tiam dominus loci natalitij, locus autē processus quarto loco
 habetur. Et hæc pro intellectu non solum præcedentium, sed

et sequentium. Verum dices, nonne sufficiebat Ptolemaeo dicere, quod tota figura singulo anno per unum signum procedebat, quasi per uiam reuolutionis, ita ut figura reuolutioni similis erigeretur? Respondeo, quod non, ob duas causas. Prima, ob inaequalitatem domorum. Secunda, quia non uult quod procedant nisi illa quinque loca principalia, non omnia.

TEXTVS LXXXIIII.

Respiciendum etiam est ad ingressus in praecipua potissimum loca, neque enim parum momenti habent in temporum decretis, maxime Saturni generalium, Iouis annuorum Martis & Solis, Veneris & Mercurij mensuorum, Lunae diurnorum.

Hec est quarta temporum diuisio, quae quasi fortuita est, cum Planetae ingrediuntur praecipua loca, id est, illa quinque dicta: nam eorum significatum tamdiu durat quantum Planeta ille integrum signum permeare potest. Ob id Saturnus generalem habet temporum partem, id est, duos annos et dimidium, et quandoque tres, quia tantundem in uno signo manere potest. Et haec est causa, quod paucae infelicitates diutius durant: et maxime pestis, quauis a deliquijs significatio principalis sumatur. Eadem ratione Iupiter habet annos, anno enim manet in singulo signo. Mars, Sol, Venus et Mercurius menses: nam Mars non implet spatium duorum mensium in uno signo generaliter, ad summum quandoque octo mensium: reliqui tres uno mense signum ex ordine peragunt, ideo praeposuntur hi quatuor Planetae mensibus. Eadem ratione Luna, cum in uno signo paulo plus duobus diebus maneat, dierum spatium praest. Haec igitur est ratio distributionis fortuitae temporum iuxta ingressus, et deambulationes Planetarum in quinque locis principalioribus, et per loca principaliora, non intelligit natiuitatis, sed ad

quæ perueniunt per annuos uel menſtuos proceſſus.

TEXTVS LXXXV.

Ac quemadmodū generalium temporum arbitri potiores ſunt ad decretum abſoluen- dum, ita particularium conducunt aut reſu- ſtant, per conuenientia & aduerſitate naturæ ſuæ, tranſitus verò augmenta & decrementa euentuum adducunt.

Comparat inuicem hæc tria: generalium temporum diſpo- ſitores, & propriorum, & tranſitus: Nam generales diſpo- ſitores plus poſſunt in abſoluendo effectum: Domini uerò propriorum conducunt, ſcilicet plurimum, aut reſuſtantur: tranſitus autem tantum augent, aut minuunt.

Notandum, quòd licet hi reditus ſemper aliquid tamen longè plus faciunt in finibus annorum, quàm in alia parte anni. Et ita de menſe & diebus. Et plus in initio anni quàm menſis, & menſis, quàm dierum, per ſignum ſignificatorum: ut capite de uita ſpatio ſuperiùs uifum eſt.

Notandum rursus, quòd mutationes ſignorum in annis concordant cum reuolutione Solis & motu Iouis. Et menſes dierum 28 horarum duarum minutorum 17 cum reuolutione Luna. Eſt enim melius inter menſem reuolutionis Luna, qui eſt dierum 27 cum tertia, & menſem coniunctionis Luna cum Sole, qui eſt dierum 29 cum dimidio. Et ſignorum ſpatium, quod continet dies duos, & ſextantem, ut dictum eſt, cum ſpatio, quo Luna in ſigno uno permanet.

TEXTVS LXXXVI.

Nam ſummariam qualitatis rationem & temporum prorogationem Apheticus locus & generalium temporum arbiter, vnà cum finiū domino deſignat, eò quòd familiare eſt

ynumq

vnumquodq; sydus ijs in genitura locis, quorum ab initio gubernationē sortitum est. Sed bonōne sint an malo ex eorū qui temporibus præsunt, naturali & mista propensione ad bene malēve faciendū, colligitur, & eorū familiaritate, aut inimicitia, quam ab initio susceperunt.

Quinq; erāt ab initio proposita, quæ nobis euentus prædicarent: Scilicet constitutio genethliaca, & quadruplex diuisio temporum: quarum prima quæ per ætates fit cū sit omnibus communis & per se clara omittitur, reliqua duo prima in presenti textu docet, scilicet generalem constitutionem & tempus à directione sumptum. Cū uerò tria ferme in quolibet re supponantur, ut in secundo libro docuit, genus rei, tempus & qualitas: Veluti in coniugio hæc tria queruntur an nubet? quando nubet? an felix erit coniugium? Et ita de alijs præterquàm de morte. Sed & in illa mortis author queritur. Verū mors per Aphetam non decernitur, sed Anæretam. Inquit igitur genus rei decernitur per locum Apheticum: Prorogationis tempus, id est, quousq; procrastinabitur generalis arbiter temporis, id est, promissor in directione. Speciatim autem dans finis: hoc autē in secunda diuisione est explicatum (Eo quod) Subdit causam, quare assumendus sit Apheticus locus, cum finium domino scilicet succedentium & temporū generalium arbitrio, quia dicit licet Apheticus locus sit per directiones mutatus, tamē semper participat cum domino temporis illius. Exemplū, quando directio signi Gemini norū peruenerat ad horoscopū, tunc dispositiones horoscopi (& fuit in iuuentute) erant mistæ ex natura finium in Geminis, & Martis, gratia exempli & Saturni natura, qui ibi erant & Tauri quod fuit ab initio in ascendente. Quod uerò dixit (Naturali & mista) intelligit quod tria debemus considerare

in temporum significatoribus naturalem dispositionem benefici uel malefici mixtam, id est, statum eius, tunc & cum quibus commiscetur. Et idem hora natiuitatis. Notandum, quod ex hoc colligitur una regula pulchra, scilicet, quod effectus promissus per directionem non potest differre, nisi per tot annos, quot sunt hi, qui respondent numero partium finis, quæ supersunt post directionis locum. Exemplum, per directionem in fine annorum quinquaginta sextilis radius Iouis peruenit ad ascendens, et fines Martis in Cancro sunt ab initio eius usque ad initium septimæ partis, radij uero sextiles Iouis cadebant in quartam partem Cancri, & Iupiter fuit dominus loci Lunæ iter significantis, & iuxta cadebant radij quadrati Solis & trigoni Lunæ, & omnes iter significarunt. Dico igitur, quod punctum itineris est quarta pars Cancri, tamen ubicunque contingat concordia, progressus signorum ab initio Cancri usque ad initium septimæ partis Cancri, ibi erit itineris significatio. Ponamus igitur, quod in eo statu ascendant cum primis sex partibus Cancri partes quinque, minuta 18. quibus respondent anni quinque cum triente. Cum igitur ex directione debuisset contingere in fine anni quarti horum, fuit quinquagesimi mei finis, & ita contigit ad unguem, tamen potuit contingere per annos quatuor ante, uel sedecim etiā menses post tempus, in quo contigit: Quia tantum extendebantur fines Martis ante & post punctum, in quem cadunt radij promissoris. Et hoc est, quod uoluit Ptolemæus.

TEXTVS LXXXVII.

Quibus uero temporibus magis elucescet decreti vis significatur ab annuorum & mensurorum signorum cum obnoxijis locis configuratione, & secundum ingressus astrorum, & Solis, Lunæque radiationes ad annua & mensura

strua signa. Nā si conuenienter se habent cum locis affectis ab initio in genitura accepto, & secundum inambulationes conuenienter illis configurantur pro re proposita, bonum. Si inconuenienter & præter conditionem opposita quidem aut quadrangula figura in transitibus, malorum authores sunt, aliter verò configurata, non ita.

Reliqua duo membra diuisionis temporū, quæ ad propria tempora pertinent, id est, ad annū, mensem, diem et horā effectus, ut de Domitiano aliās retulimus, in præsentī textu declarat: Dicens quòd tale tēpus dignoscitur ex duobus, scilicet annuorum, & menstruorū, intellige tu et diurnorum signorum, id est, quæ habentur in tertia temporū diuisione, & superius declarata sunt à nobis, ad obnoxia loca intelligit bona et mala, nō mala tantum: pro obnoxijis locis maleficarum & beneficarum, et luminariū, et Sortis, & cœli Mediij, et ascendētis intelligit loca. Sed tamen in his tribus ultimis radij nō tantum possunt, ut in ipsis Planetis. Nam si gratia exempli agatur de comparatione ad ascendēs in octaua genitura inconiuncta illi signa sunt Gemini, Sagittarius, Aries & Libra. Quoties ergo profectio ad aliquod horum signorū peruenerit, nusquam afficietur, in trigonis & hexagonis signis bene se habebit. In oppositis et quadratis malē. In malis autem, ut pote cū mihi Saturnus & Mars Geminos possideant, & Gemini, & Virgo, & Pisces, qui sunt in quadrato, & Sagittarius, qui est in opposito, malū afferent: Leo autē et Aries, qui sunt in sextili, & Libra, & Aquarius qui sunt in trigono, non nocebunt. Hoc est, quod dixit (Aliter autē configurata non ita) Atq; hæc de processibus annorum, mensium, & dierum. Quod ad in-

Tex. & cō.
83.

gressus uero attinet, uult ingressus Planetarū cōfigurari bene, si bonū debent significare, & malū, si malē. Exemplum, si anno quinquagesimo primo ascēdens peruenit ad Cancrū, et Saturnus fuisset in Capricorno, omnia mihi aduersa contigissent. Si autē ibi fuisset Iupiter, optimē, id est, si fuisset in Cancro. Et ita inspicere oportet ubi erant luminaria, quorū alterum in Libra, et idē aduersabatur: reliquū in Leone iūctum Ioui in secundo loco. Et hoc iuuat in causa diuitiarū & inco-
lunitatis corporis. Et hoc semper uerū est, sed magis in initijs annorū & mensium, ut aliās dixi. Et circa hoc est notandum, quod ego obseruari sepius, et est, quod si in initio anni (idem de mense dico) loca principalia per ingressus et maxime Luna cadant in locis maleficarū in genitura, uel fiat reditus quasi per circuitum malus tunc eueniet eo anno mors uel infortunium ex genere significati loci principalis, quē Luna, aut Planeta alius significator constituit. Velut in genitura Io. Pauli Sfortie, Luna fuit inter Pleiadas, & Iupiter iūctus Marti in Sagittario, et peruenit ad annū, in quo Luna fuit rursus inter Pleiadas, et Iupiter iūctus Marti in Aquario in quadrato Lune, et mortuus eo anno. Et similiter in genitura Frāscisci Sfortie secūdi uidebis exemplū casus Lune in loco maleficæ eo anno, quo mortuus est. Et hæc omnia intellexit Ptolemæus sub ingressibus astrorū in loca obnoxia à natiuitate, et loca Aphetica annua aut mēstrua, uel diurna processus. Sed dices, Igitur ex hoc sequitur, quod singulis duodecim annis homo ad eadē perueniet, ita quod si quis habuerit morbū in tertio anno, habebit in 15 et 27 et 39 et 51. et si quis habuit dignitatē anno 50 habebit et 62 et 38 habuisse oportuit itē q; 26. Et sic de alijs quod non solū falsum sed et absurdū esse uidetur. Hoc tamen ita cōtingere necesse est, si admittamus omnia loca principalia singulis duodecim annis ad eadē signa nō solū, sed et signorū partes reuerti. Et quod ut se habuerint hæc signa ad loca
natiui

natiuitatis bona malæ, congruentia aut dissidentia, ita bona aut mala sequi. At hoc certum est singulis etiam duodecim annis reuertentibus locis principalibus ad eademmet signa, eodem modo illa configurari ad loca genitura: Ptolemæus uerò concedit omnia hæc, igitur necessarium erit euenire, ut dixi, eadem stasis quibuscunq; temporibus. Propter hoc Arabes hac in causa Ptolemæum deseruere, alia cōmenti absurda et falsa. Vt uerò ratio Ptolemæi perspicacissima intelligatur. Sciendum hoc, quòd omnia quæ hic fiunt, à cœlorū motibus et cōstitutione pendent: Et quòd, ut superius dictum est, omnia quæ in cœlo inæqualia esse uidentur, ad æqualitatem referuntur. Igitur cū reuolutio Solis inæqualis sit, non poterit euentus rerum in annis ad illam referri, sed ad directiones et processus per signa. Ex hac tamē æqualitate, quæ est reditus ad signa eadem singulis 12 annis, et cōparatione ad genethliaca loca consurgit magna diuersitas. Videndum est igitur quomodo consurgat. Si quis loca processuū compararet locis directionum protinus consurgeret causa diuersitatis in circuitibus 12 annorum. Sed nō est consentaneū hoc rationi, quia esset multiplex diuersitas. Dico igitur, quòd Ptoleme⁹ uult, quòd ad hoc ut sequatur effectus, ut primū significetur à significatore generali in natiuitate, qui illū uenturum esse promittat. Inde per directiones et etates uenabimur tēpus. Et si contigerit sub illo tempore directionis etatis et finis congruentium processui, quem Arabes uocant Alynthiam, peruenire ad signum congruēs, eo anno sequetur effectus ualidus, et absq; impedimento et maxime si Planeta cū hoc, loca hæc processuum ingressi, fuerint fauentes significato: uel etiam Sol aut Luna solum respexerint. Quòd si nulla possint esse talia signa, quæ faueant huic causæ, utpote quòd in bona impediuntur à maleficis ibi positīs, aut respicientibus quadrato opposito, uel aspectu. Vel in malo impediuntur à beneficis illis positīs aut aspicientibus

trigono

trigono uel sextili aspectu, tunc oportebit querere magna diligentia opportunius signum in ea causa. Quod si eo inuento Planetæ contrarij significati ibi ingrediantur, uel etiam Sol aspiciat, aut Luna ex opposito, uel quadrato aspectu, tunc impiedietur negotium illud quandiu Planeta ille locum cum corpore aut radijs obsidebit. Ex hoc patet, quod hinc ad 12 annos res talis non reuertetur, quia directio necessario erit mutata & forsitan atas: & dato quod ista omnia reuenterentur ad idem, non idem effectus reuenteretur post 12 annos: quia ingressus Planetarum & luminarium uariatur, igitur & effectus. Nam si idem numerus per duos numeros diuersos multiplicetur, aut addatur duobus diuersis numeris, necessario conflabuntur duo numeri diuersi magis, quam si duo et duo numeri ex toto diuersi iungantur aut multiplicentur, ut in multiplicatione 3 et 8 & 4 & 6 in additione 3 & 8 & 4 & 7 nam multiplicando 3 in 8 uel 4 in 6 utrobique fit 24 & addendo 3 & 8 & 4 & 7 fit 11 utrobique. Sed manente uno numero, idem nunquam proueniet. Igitur Ptolemæi inuentio effectui respondet. In his tamen circuitibus contingent per sepe quedam similia, sed propter uarietatem initiorum, atatum, & successuum, quæ ex ingressibus pendent, diuersa omnino existimabuntur. Manifestum est etiam ex his, quod initia annorum quippiam simile cum finibus habebunt. Et scias quod in hoc textu, & alio superius explicato, tota ferme non solum ars, sed & artis existimatio et difficultas, recondita sunt.

Tex. 83.

TEXTVS LXXXVIII.

Ac si iidem & temporum & introituum domini fuerint Planetæ, illustris fit, & minime mediocris decreti natura, siue illud bono, siue malo fuerit. Multo uero magis, cum non solum temporis quod gubernat nomine causarum

farum generi præsumt, verum etiam ab initio secundum genituram.

Quod in rebus manifestis diffusius loquatur Ptolemaeus, quam in obscuris, plurimi admirari solent, cum non intelligant in obscuris non potuisse uel hanc obscuritatem sermonis effugere, uel immensam longitudinem, cum mediocris prolixitas maiorem breuitate obscuritatem paritura esset. Nam quibusdam membris diuisionis explicatis, alia & peculiari ratione, quam tota rei substantia maior longè confusio emersisset. Duo igitur capita rerum attingit, quorum quodlibet habet duos modos. Primum in præsentè textu, & est, cum domini ingressuum, id est, signorum in quæ Planeta ingreditur, aut finium fuerint, id cum dominis signorum processus in singulis causis, puta uel uitæ, uel diuitiarum, uel animi: Et multò magis intelligit, si sint eadem signa, tunc sequentur illustres non solum euidentes effectus. Alter modus maior est hoc, cum præter dominium loci ingressus & processus, fuerint etiam domini illius significati in genitura, id est, loci Aphetæ rem eam significantis. Et de hoc habes exemplum clarissimum in genitura octaua anno 51. nam Luna significauit iter, & ascendens peruenit per processum ad sextam partem Cancrī, & per directionem ad quartam partem Cancrī: quibus ambobus locis Luna præst. Ideò significauit iter magnum & diuturnum.

TEXTVS LXXXIX.

Omnino verò beati aut miseri sunt, quibus vel vnus locus ab omnibus aut pluribus Aphesibus occupatur, aut si hæ differant, eadem tempora omnes plurimàsve obuiationes similiter beneficas aut maleficas complexa sunt.

Hoc

Hoc est secundum caput illustre ob concursum : Et hoc si-
militer habet duos modos, quorum primus est, quod quando
quatuor ex quinque Aphetis superius dictis scilicet Sol, Luna,
Sors, ascendens, uel loco ascendentis cœli Medium in eadem
parte unius signi fuerint, tunc tali nato aduenient omnia bo-
na simul aut mala. Et hoc est ualidissimum. Similis huic, sed
paulo imbecillior est, quando singuli Aphetæ sua loca seor-
sum habuerint, sed casu euenit, ut eodem tempore omnes, aut
saltem maxima pars obuiat malis radijs ac maleficis: Aut si-
mul omnes aut maxima pars beneficis, tunc illi nato euenient
simul plura bona aut mala. Velut contigit Iob (quanquam
illud fuit supra naturam) ut breui diuitijs omnibus & filijs
& sanitate priuatus fuerit. Et his quibus domus corruens ui-
tam cum bonis & familia tota aufert. Patet igitur, quod in
primis duobus modis declarat rem illustrem magnitudine, sed
in uno tantum genere: In sequentibus autem illustrem non
propter rei magnitudinem, ut in reliquis precedentibus, sed
concursu multorum bonorum aut malorum.

T E X T V S. X C.


Hic igitur nobis est temporum contem-
plandorum modus, genera verò decretorum
suis temporibus euenientium congerere hoc
loco omitemus, ob illum quem nobis sco-
pum proposuimus, cum astrorum efficientia
generatim perspecta, partilioribus euentibus
accommodari iuxta ratione possit, si Mathe-
matici causam eruditè, cum ea, quæ ex tempe-
ratura nascitur, comparemus.

Si memores eorum, quæ in secundo libro scripsit, in futu-
ris quæri solent quatuor, locus, tempus, genus, & modus. Ve-
rum

rūm in tertio docuimus genus in publicis rebus ad modum
in genituris priuatorum transferri oportere. Ita ut sit sen-
sus, quæ uerò speciatim unicuiq; homini tempore directionis
& processuum, & ingressuum decernantur, omittam scribe-
re, quod iam sit per se notum, quia ex decretis generalibus
iam superius his quatuor libris descriptis pateant, modò has
considerationes mathematicas cum his, quæ ex temperatura
uniuscuiusq; oriuntur, comparemus. Sed dices, nōne etiam
temperatura habetur ratione mathematica, ut superius ui-
sum est? Respondeo, quòd licet hæc temperatura etiam ex
astris haberi possit, nihilominus non tam exquisitè, ut Ptole-
meus suadeat, ut cum rem præ manibus habere possis, altius
eam exquiras: nec quicquam habeas tutum, cui inniti possis.
Consultit igitur, ut sensibus percepta compares his, quæ à ge-
nesi ac dependentibus ex illa decernuntur: Utarīsq; com-
modè his quæ notissima iam habes in omni prædictione. Pro
qua perfectius intelligendā, cum exempla melius moueant ad-
discentes, 12 præclaras euentibus maximis genituras subiecti
abundè mihi cognitās, è quibus etiam quædam sunt Regiæ,
aliæ Illustrissimorum uirorum, quædam etiam priuata fortu-
næ, sed quas nec minùs admiremur, quàm alias. Atque in his
exactam potius cognitionem, quàm fortunæ compara-

tionem, secutus sum. Quædam etiam pro usu
secundi libri, & scientia futurorum gen-
ralium euentuum, tametsi exigua
& breuia, adieci. Vale

Antistes opti-
me, et uiue
felix.





HIERONYMI CARDANI MEDICI ME-
DIOLANENSIS, EXPOSITIONVM IN
Claudij Ptolemæi Lib. iij. de iudicijs, Finis.


Li. 3. c. 18.


THE GAZETTE OF THE
GOVERNMENT OF INDIA
PART II
SECTION 3
SUB-SECTION (2)
NOTIFICATION
No. 1000
Dated 10th March 1901
In the year 1901, the Government of India, in exercise of the powers conferred by the Government of India Act, 1900, have been pleased to direct that the following be notified as a public place for the purpose of the Public Health Act, 1900, and that the provisions of the said Act shall apply to the said place as if it were a public place.


THE GAZETTE OF THE
GOVERNMENT OF INDIA
PART II
SECTION 3
SUB-SECTION (2)
NOTIFICATION
No. 1000
Dated 10th March 1901
In the year 1901, the Government of India, in exercise of the powers conferred by the Government of India Act, 1900, have been pleased to direct that the following be notified as a public place for the purpose of the Public Health Act, 1900, and that the provisions of the said Act shall apply to the said place as if it were a public place.




















Restoration MABS
2019

